

Ex Bibliotheca
Majori Coll. Rom.
Societ. Jesu

I. 4. D

4. 4. 33.

I
5
G

37-6.E.6.













LITTERÆ
SOCIETATIS
IESV

ANNORVM DVORVM,
CIC IDC XIII, ET CIC IDC XIV,
AD PATRES, ET FRATRES
eiusdem Societatis.



LVGDVNI,
APVD CLAVDIVM CAYNE,
TYPOGRAPHVM.

CIC IDC XIX.

THE
SOCIETY OF
THE FRIENDS OF THE
AFRICAN

AND
WEST INDIA

TRADING COMPANY

OF THE

AFRICAN

AND WEST INDIA

TRADING COMPANY

OF THE

AFRICAN

AND WEST INDIA

TRADING COMPANY

OF THE

AFRICAN

AND WEST INDIA

TRADING COMPANY

OF THE

LITTERÆ
SOCIETATIS
IESV,
ANNORVM



CLD IDC XIII, ET CLD IDC XIV.

Patribus ac Fratribus Societatis IESV
pax & gratia Domini.



N iterum ad vos adeo Reueren-
di Patres, Fratresque Carissimi,
& longiore quidem interuallo;
prohibitus nimirum valetudine;
atque rediturum me credideram: duodecimō
quidpe iam vertente mense, quā ad vos
primū hoc genere legationis adij: sed ve-
reor, ne quā iucundarum rerum nuncius,
tam iniucundus earumdem interpret adue-
niam. Cuius inuidiæ tametsi non facile mi-
hi fuit scopulum declinare, quod me ad id

muneris ipsa Præsidum imperia prorsus adigebant, temeritatis certè crimen, ipso imposita necessitatis nomine, haud agrè Videbar depulsurus; ut eodem ipso ex telo, quod vulnus infligeret, medicinam meo vulneri peterem. Nam iussione illam vim cum vos cogitaretis, non dubitabam quin temerarij hominis culpa me velletis absolutum, quo vestro suffragio subleuatus, ego me gravissima suspicionum sermonumque sarcina expeditum sentirem. Nihilo tamen minùs, qui vobis impudentiæ vitio suspectus esse desissem, eximiarum rerum narrator inconcinnus & importunus fieri perseverarem; ut inde quæ animi vestri moderatio, & æquitas, famæ pudoriq̃ue meo voluisset consultum liberaliter, eadem, alienæ causæ studiofiore patrocinio, auribus fastidium, molestiamque mentibus arcesseret. Quò mihi religiosius cauendum fuit, ut quæ iusto maior, sparsa iam esset toto dictionis genere materia odiosa satietatis, ea ne gravius & putidius

tidiùs exaggeraretur alienarum rerum capitibus ingerendis. Cui nausea ab nostro scripto penitus amolienda, non verear affirmare sedulam à nobis nauatam esse operam; condonandas autem meritò videri, si quæ tamen interea eius generis residua sentientur in Annalibus reliquia, illasque necessitati non negligentie imputandas. Enimvero in earumdem vel parium rerum inculcanda similitudine, cur frequentiores aliquantò fuerimus, quàm par esset, eoque molestam audientium animis satietatem inuexerimus, duæ sunt omnino causæ, ac eadem non modica necessitatis lege implicata, quam legem partim nostri Præsides, partim ipsa rerum natura iniunxit. Quod nonnulli aiunt præter historicæ narrationis decus fieri, et ea propter audire auersantur, Sociorum provincialium, adeoque etiam cuiusque domicilij Collegarum numerum ac munera perpetuo recensita in fronte cuiuslibet annuæ litteræ; nihil iam disputo, rectène an secus ex

historiæ præceptionibus vsurpetur ; dico tantum , ab eis qui Societati præsident , uti obseruaretur recensitionis ea formula, fuisse nominatim, & scripto quidem imperatum. Ad-
do etiam & istorum auctoritatem , & res Societatis proprias eiusmodi esse , uti suo merito atque iure sibi possint vindicare ; in certis quibusdam capitibus, præcipuum quoddam scribendi genus, tametsi à vulgato historiæ more paullo alienius , cuius auditione ut assuescant, & acquiescât etiam, aures Sociorum omnium , nemo sanus non iudicarit æquissimum. Alterius generis formulæ illi, quam nunc indicauimus , affines possunt incidere, ac reuera incidunt in huiusmodi Annalium scriptionem, ijs plerumque inuitissimis, qui ei muneri suas dant operas, quæ quoniam vitari possunt quàm ægerrimè, censoris nimium rigidi sit, eas dissimulare aut non posse, aut minimè velle. Nam Sociorum familiæ cuiuspiam & res, & nomen ipsum ea causa in Annalibus præteriri, quòd insti-
gne

gne ad notam facinus nullum toto anno
ediderit, tametsi omnium eius operarum la-
bor in annua sua procuratione fuerit assi-
duissimus; seueritatis profectò cuiusdam est,
ac inclementiæ, ut modicè loquar, non fe-
rendæ. Atque haud paullo minùs iniquum te
in Socios eiusmodi præbueris; cùm inurbani,
odiosi que moris clausula, eorù res annuas sic
perstrinxeris: Quod Scribam, de huius Colle-
gij rebus gestis, nihil admodum habeo; quo
scilicet tuo dicto factoque; ut legentium &
audientium delicatiori fastidio indulgeas
morosius, ignominia quamdam notam inno-
centibus Fratribus temerè inusseris. Quarum
igitur rerum lectio in vniuersa vita semel,
& quidem super mensam adhibeatur, ea
mihi solet videri & æquis & lubentibus
audientium animis excipienda, tametsi rei
gestæ narrationem haud usquequaque scri-
ptor exegerit ad illam seueram historiæ dis-
ciplinam atque normam; in quam grauiter
etiam peccare, longè infinitis partibus sit to-

historiae praeceptionibus vsurpetur; dico tantum, ab eis qui Societati praesident, uti obseruaretur recensiois ea formula, fuisse nominatim, & scripto quidem imperatum. Ad-
do etiam & istorum auctoritatem, & res Societatis proprias eiusmodi esse, uti suo merito atque iure sibi possint vindicare; in certis quibusdam capitibus, praecipuum quoddam scribendi genus, tametsi à vulgato historiae more paullo alienius, cuius auditione ut assuescant, & acquiescant etiam, aures Sociorum omnium, nemo sanus non iudicavit aequissimum. Alterius generis formula illi, quam nunc indicauimus, affines possunt incidere, ac reuera incidunt in huiusmodi Annalium scriptionem, ijs plerumque inuitissimis, qui ei muneri suas dant operas, quae quoniam vitari possunt quam agerrime, censoris nimium rigidi sit, eas dissimulare aut non posse, aut minimè velle. Nam Sociorum familiae cuiuspiam & res, & nomen ipsum ea causa in Annalibus praeteriri, quod insi-

gne

gne ad notam facinus nullum toto anno
ediderit, tametsi omnium eius operarum la-
bor in annua sua procuratione fuerit assi-
duissimus; seueritatis profectò cuiusdam est,
ac inclementiæ, ut modicè loquar, non fe-
rendæ. Atque haud paullo minùs iniquum te
in Socios eiusmodi præbueris; cum inurbani,
odiosi que moris clausula, eorù res annuas sic
perstrinxeris: Quod Scribam, de huius Colle-
gij rebus gestis, nihil admodum habeo; quo
scilicet tuo dicto factoque, ut legentium &
audientium delicatiori fastidio indulgeas
morosius, ignominia quamdam notam inno-
centibus Fratribus temerè inusseris. Quarum
igitur rerum lectio in vniuersa vita semel,
& quidem super mensam adhibeatur, ea
mihi solet videri & æquis & lubentibus
audientium animis excipienda, tametsi rei
gestæ narrationem haud usquequaque scri-
ptor exegerit ad illam seueram historiæ dis-
ciplinam atque normam; in quam grauiter
etiam peccare, longè infinitis partibus sit to-

lerabilius, quàm eiusmodi legum superstitione retinentem Sociorum animos lædere, ipsorum rebus quadam despicatus specie notandis, aut earum memoria ingrato & odioso silentio obruenda. Quo in administrando negotio, sollicita quidem adhibenda cautione dedi operam, uti neutrius in partis offensionem incurrerem; non ausim tamen hoc mihi de me polliceri, nihil tota scriptione admissum esse, quod in eo genere secus accipi possit, quàm ego cuperem. Quoniam verò eos causæ huius disceptatores habeo, apud quos rei bene gerendæ facta pridem obses voluntas, eodem loco sit, atque ipsum præclare, & ex fide gesti negotij munus; non verear mihi à vobis eius noxæ factum iri gratiam, quam etiam imprudenti & inuito humana inconsideratitia expresserit. Valete. Lugduni, X Calend. Ianuarias, CIO IDC XIIIX.

Omnium in Christo servus,

PHILIBERTVS MONETVS.



PROVINCIA

AUSTRIA.



VSTRIAM obtinuerunt Socij, priore anno, quingenti vndecim; posteriore, tres & viginti eis amplius; in iisque Sacerdotes illo anno, centum nonaginta, & vnus; isto autem iis plures tredecim; Magistri prius, vnus & nonaginta, posterius centum; Discipuli antè, quinque ac septuaginta: post, vnus & octoginta; Tirones vtroque tempore septuageni singuli; Coadiutores, de summa illa omnes reliqui; Vita sancti modò quattuordecim, deinde quindecim; Supple-mento summissi primùm vnus & quinquaginta, inde verò de quadraginta alter minùs. Viennam porro coluerunt quinquageni singuli; centeni noueni deni, mox terni viceni supra centenos Gracium: Pragam vndequadrageni, vel quadrageni; bini & quinquageni antè, octonis postea de numero illo demtis Olomucium; Crumlouium duodeviceni, tum septeni deni; Totidemque fere Commotouium; Nouodomum singuli ac viceni; Totidem posterius, prius vno pauciores Labacum; Glacium aliàs viceni, deni septeni aliàs; qui-
nā

ni triceni seu Clagenfurtum, seu Clagenfurto obnoxiam sedem Oberndorfensem; Brunam octogenni singuli; Sedes verò, Zagabriensem quaterni deni; vndeni Linciensem; Passauiensem terni, aut quaterni deni; quaterni Nissensem; Millstadiensem quini; Missiones denique, Alsolinduanam bini; totidem Turcicam; Moniorokerekiensem pariter bini; quini Ratiboriensem; Hommonensem, & ceteras eidem adiectas, octoni deni.

COLLEGIVM VIENNENSE.

VTERQVE annus pestilenti clade funestus fuit Viennensibus; nobis verò seu ab re civili feliciter gesta, in grauissimo publicæ rei tempore, seu ab nobilium Sociorum funeribus, vtrunque memorabilis. Nam priore quidem anno quinis eorum selectis fermè capitibus orbatii sumus; posterior annus vnū etiam abstulit; horū tres suo certè sunt extincti, sed neque nostro, neque ciuitatis tempore, quam vt sibi multis & illustribus benefactis obstrinxerant viuentes, ita mortui mœrore cumularunt. Funerum nostrorum initium fecit Bartholomæus Scholtzius, ortu Silesius, octo & quadraginta stipendiorum inter Socios, ætate sexagenarius quinquarius, cuius in omni vita incensum fuerat & laboris, & orationis studium, quarum perpetua vicissitudine ad alterutrius exercitationem redibat vegetior; cum interea ceteræ omnis Religiosæ virtutis esset studiosissimus; quarum vsu assiduo

fiduo eximiam nactus animi tranquillitatem, & ægrorationem lenissimè tulit, & mortem obiit placidissimè. Illum extremo Ianuario vita functum, exeunte Aprili est subsecutus Bater Sixtus Espelbachius, Harlingæ in Belgio natus, annorum quinque & quadraginta, eorum vicenos septenos in Societate versatus, quattuor sollemnia professus Vota, quem litteræ Humaniores ac Philosophicæ cum multo fructu discipulis traditæ, ac domesticorum munerum administratio bene sedula, strenuum vtilemque in primis Socium nostris Præsidibus per illustria documenta probauerant. Instituti omnem rationem magnopere semper est reueritus, etiam in iis, quæ tenuia vulgò putantur, ut qui multi laboris cum esset, atque assidui, eius tamen magnitudinem sibi non pateretur esse obtentui, ad ullam commodi vllius indulgentiam. Trium reliquorum tametsi luctuosissimum nobis accidit funus, pro eo atque singularis hominum virtus æuo longiore digna videbatur; ratio tamen gloriosi obitus nostrum dolorem visa est posse meritò lenire, quodd sua capita cum alacriter assensu salutis publicæ deuouissent, in Viennensium grauissima calamitate, non antè occubuerunt, quam meliore loco res periclitantis ciuitatis relinquerent, plurimosque exitiali tabe contactos ab mortali vita in cælestem induceret. Dietmarus Stamvvert rei familiaris Administer egregius, decem annorum in Societate, quam vicenarius iniuerat, cæteris in hoc defungendæ vitæ curriculo viam præmuniuit, qui princeps etiam hunc agonem fuz-

rat ingressus cum Sacerdote , quem dira lue graui-
ter tentatum Deus nobiliori alicui palmæ reserua-
uit. Hunc Fratrem ingenio ad omnia suæ condi-
tionis munia peridoneo is finxerat , 'qui cum pri-
dem Societatis membrum destinasset, quò eius o-
pera fructuosior Sociis , ipsique adeò iucundior
euaderet. Sed obsequendi præcipua laude cum flo-
reret, arderet autem studio bene de omnibus me-
rèdi, appositissimam suæ indoli palæstram nactus,
in ea sic versatus est , vt eum paucis hebdomadis
palma dignum summus Imperator decreuerit. Eum
infederat pestilens , & magni modi vlcus, ex cuius
grauitate cum certâ sibi mortem instare perspexis-
set, ne quid venenati halitus Sociis afflaret, cupiit
dimitti ad insanabilem Nosodochiũ ; sed eius cu-
rationem alienis delegare videbatur iniquius: qua-
re in suburbanũ Collegij hortum iussus secedere,
cum eò iter intenderet, eumque familiariter Iani-
tor de via percontaretur , leniter arridens, vbi re-
diero, inquit, audies quod cupis. De suo nimirum
casu, quo turbatum iri Socios cognosceret, nihil
ultrà proloquendum ratus, quàm vt eius admone-
ret Præsides, cuius eos esse conscios satis in præsen-
tia videretur ; nam crastinus dies , qui ei vitæ fuit
vltimus, cæteris omnibus satis superque rem om-
nem aperuit. Hunc Augustus mensis , insequens
proximè September Patrem Ioannem Zehende-
rum , è Sueuia ortum , quattuor professum Vota,
nobis eripuit vndequinquagenariũ , duodeviginti
annos in Societate versantem. Egerat olim Prædi-
cãtem in Aula Durlacensis Marchionis, Lutherani,
ex illu

ex illustrissima stirpe Principum Badensium, eum-
que vnus è Sacerdotibus nostris, & Doctoris Me-
dici Ioannis Pistorij cum Smidelino, Erebrando,
& Gerlachio, Lutheri præconibus, cōgressus, ac re-
lata ex eo certamine, conuictis Prædicantibus, pal-
ma, magnopere commouerat; frequens deinde Pi-
storij disciplina & institutio facile eò pertraxit, quò
ipsum Pistoriū nostri antè adduxerant, anno octo-
gesimo octauo supra quingentesimum & millesi-
mum, vt est in Collegij Spirenſis, eius temporis,
Annalibus. Erat in eo tum adolescente senūm vi-
cenūque annorum summa, & cum eo congregiē-
tibus iucundissima, modestia, ac consuetudinis mi-
ra quædam suauitas, vt ille Sacerdos noster, qui ad
disputandum venerat, & cuius congressu delecta-
batur Zehenderus: ei familiariter sæpe prænuncia-
rit, non Catholicum modò, sed Iesuitam quoque
ipsum breui futurum. Huic eius tantæ humanitati
comitabatur ingenium singulare, vt hanc sibi erep-
tam prædam Prædicantes, quâ communis causæ
studio, quâ sanguinis, & affinitatis suæ cum Ze-
hendero memoria, cum primis dolerent. Quem
ideo sollemni disputatione laceſſendum sibi su-
mūt, si qua via reliqua sit eius ad se reducendi; fu-
turæque pugnæ campum, Ementingam urbem, vbi
tūm Marchio Durlacensis versabatur, vnde viginti
Prædicāres edicunt castra, atque conueniunt, Ioan-
ne Pappo, Argentinenſium Ministrorum primario,
Lutheranę causæ signifero, atque huius tumultua-
rij & concertatorij conuenticuli parum bene omi-
nato auspice. Superioris disputationis Smideli-
no

no luctuosus fuerat euentus, ac duplici quidem ex causa, & quòd ab suo nuper milite Pistorio, quem nec suo congressu dignaretur, Lutheranarum partium summus velut Imperator, fractus fususque cū infamia discesserat; & quòd Zehenderi, tum Prædicantium vnus, paucis post diebus ad nos transitus obtigerat, recentis nostræ victoriæ haud quamquam levis accessio, sicut anno nonagesimo nostris Annalibus est proditum. Quod vtrumque vulnus Smidelino, cum tamen inane sibi Epinicion antè cecinisset, & tædium vitæ, & simul viuendi finem attulit. Pappus verò cum fida illa & amica manu, decem & octo auxiliariorum Prædicantium, haud paullò minùs infelicem nactus est prælij exitum, in quo ab adolescente adhuc, & inter Catholicos tirone Zehendero, ad dogmatis causæque perpetuum ludibrium profligatus est, toto certamine: atque præda, quam omnium maximè optimam haberet in castris, turpiter est exutus. Nam quo euentu illa Pistorij superior palma Zehenderum pepererat Ecclesiæ; hoc eodem planè, Zehenderi hæc victoria, Badensis generis Marchionem illum Durlacensem, adhuc Lutheri asseclam, mox Catholicorum patribus, incredibili aduersariorum mœrore, aggregauit. Cuius ex incensa cupiditate Romani ritus tota sua ditione strenuè cōstātérque propagādi, vt ne ille fructus in Ecclesiam rediret, quem omnes boni iam animo præceperāt, & cum eo Pistorius ac Zehenderus summa vi moliebantur, infelix ac præpropere venit eiusdē occasus, paucis hebdomadis quàm ille nostra in Castra trā-

fierat

ſuerat, propinato veneno nefariè illatus. Demortui verò, ſobole carentis, quòd hereditas in Calviniani fratris veniebat manus, nihil habuit Zehenderus, cur ibi diutius hærendum putaret; quare ſe dedit in clientelã, comitarumque Austriaci Cardinalis Andreæ, Conſtantienſis Epifcopi, apud quẽ factus Sacerdos, haud ita multò poſt Romam ſtudio proficiendi delatus, rationem apud ſe tacitus inire cœpit, qua popularibus Hæreticis præſtaret ſe omni reliqua vita fructuoſum. Qua in deliberatione circumſpicienti accuratè omnia, nihil oblatum eſt ſuis ſuorumque rationibus congruentius, quàm ſi noſtro Inſtituto, cœtuique adiungeretur, cui proptereà ſe magnorum conſiliorũ plenus adrogandum dedit, ſed illud in primis ingentibus animis moliens, vt magnas tota Germania Hæreſeon ſtrages ederet. Neque ſecus deinde rem exſecutus eſt, quàm mente deſtinauerat, Diuina gratia eius conatibus obſecundante, qua ſultus non modicos Hæreticorum greges ad Catholicum populum traduxit; & eam prouinciam tam incitato ardore ſemper geſſit, vt cum frequentius in Hæreticorum ades importunè ſe penetraret, nõ raro cum grauiore contumelia retruderetur; ſic tamen vt per indignationem reiectus, alacrior poſteà, & ardentior eodem rediret. Cum alia pleraque priſtinam ſuam conditionem recolèti ſuccurrebant, quamobrem eius cum pœniteret, tum illa cogitatio grauiter exulcerabat animum, quoties meminerat, ſuis inſtitutionibus abalienatos olim non paucos à Catholici nominis ſtudio: quam no-

xiam

xiam vt expiaret, nihil adco in hac vita durum acerbumque duceret, quod non vltro sibi subeundum arbitraretur; & huius sui studij, Cassouia in Pannonia, Lincij & Viennæ in Austria, ad memoriam exemplumque posteritatis luculenta vestigia expressit. Linciensem profectò Sedem cum Præles administraret, & eà frequens Sociorum esset in Boemiam Stiriamque comminatus, ad cætera omnia studiosissimæ, beneuolentissimæque procurationis erga peregrinos Fratres officia, quæ, domesticis quiescere iussis, ipse sibi sumeret, illud semper adiecit, vt eis matulam inferret, ac vnus eandem efferret, hospitibus quantumlibet repugnantibus; ac ipsam adeo leuandæ aluo sellam ministraret, quoties hospitem valetudo eam postulabat. Huic homini sollempne fuit, diurnas nocturnasque ægrorū custodias domi forisque sibi velut iure quodam deposcere, ac perpetuas ferè obire: de nocte domesticū tintinabulū obseruare, simulac increpuerat, strato se eiicere, etiam cum Rectorem ageret, & ad ægros iuuandos vel vocatū, vel inuocatū accurrere. Ex tam incenso amore grauia quæque tolerandi, quò cum & demissionis, & aliarum virtutum conspiraret studium, existebat ardens illud desiderium, vti quorumlibet arbitrio subesse optaret, nulli mortalium sustineret præesse, si suæ spontis fieri posset in eo negotio: cuius quoque rei æternam sibi, noui moris voto, legem esset impositurus, nisi religione, Præsidumque reuerentia prohiberetur. Quo in genere nihil omni vitæ decursu ei iucundius obtigit, quàm in procuratione

curatatione lue contactorum ciuium , vbi decubuerat morbo Sacerdos, cuius illæ vices fuerant, desiderari alium Sacerdotem, qui easdem expleret: quas certè partes Zehenderus tam cupidè, constanter, ac etiam importunè sibi à Præsidi Collegij depoposcit, vt postulatis excludi iure non posse videretur. Simul igitur atque voti compos factus est, eo impetu , ac contentione animi formidolosissimæ prouinciæ campum est ingressus, ita penitus se insinuauit in malè affectorum intimas ædes, manifesta que tabe languentium retrusas casas, omnes sic penetrauit , vt quia nullius loci , neque rei haberet delectum , quibus aliunde perspecta non erat multa hominis prudentia, eum vanæ , periculosæque temeritatis insimulare meritò possent putari. Sed sagacissimi vir ingenij pridem perspexerat, quàm multis , & sæpenumero leuibus , ac nullis ex causis homines abducerentur ab exquirendis maturè animi subsidiis, quorum deinde vsu atque fructu complures, improuisque casus ipsos intercluderent. Enimuerò quoniam plerisque ciuium seuerior videri solet Aedilitiæ animaduersionis mos ille, vt obductis ædium foribus, propositaque multa, congressu omnium, & publico arceantur, qui haud leui suspicione contagionis laborant, declinandæ huiusmodi opinionis & molestiæ, dissimulata sapius intestina sua clade , Sacramento- rum, Diuinaque proinde gratia exsortes intereunt. Quod permultis Viennensium vsuuenire cùm noster primis suæ administrationis diebus didicisset, sedulò sibi putauit providendum , vt nemini de in-

ceps ciuium , quem haberet compertum , infans ille pudor exitio verteret. Qui Patris Zehenderi minùs consultum ardorem scrutandi , noscendique omnium domicilia & secessus, reprehendi posse crederent initio, postea deinde quàm multorum manifesta cum salute se prodidit eius tam auidæ curiosæque sollicitudinis fructus, flagrantissimæ caritatis in ciues, parisque gerendo negotio prudentiæ , illustre ab omnibus præconium tulit. Atque uti ne speciosior in vulgus hæc ratio alienæ salutis procurandæ forsitan esset , quàm ægrorum animis fructuosior , diligenter omnino cauit , adhibendis iis incitamentis, quibus ex conditione illius morbi defixa mens ægrotantium , obtusioresque vulgò sensus, erigerentur ad insigniores motus religionis pietatisque. Hunc etenim sibi perpetuū morem indixit, ut, Eucharistiæ ac Extremæ Vnctionis administraturus Sacramenta, neminè planè adiret, nisi eoapparatu, qui augustam eius rei aliquā præferret magnitudinem, eiusdemque , ac Dei cum primis, qui præsens iis symbolis inesset, eximiam venerationem in ægroti animum importaret. Priùs quàm subiret in ægri conclaue, ad fores eius sibi inducebat sacerdotale supparum, quod superpelliciū vocant, stolam, quadrangulumque galerum ; ac sinistra Christi ad crucem suffixi, dextra facem ardentem præferens, religioso sacroque verendus cultu, præsentis Numinis indice , multam derepentè venerationem erga Diuina in ægrotantium animos inuehebat, fouebatque. His, atque huiusmodi præclaris actibus suscitanda in omnibus aduersùs Deū fide,

fide, reuerentia, & ardenti amote, multorum dubiam confirmauit salutem, neque pauciorum desperatam restituit: sibi quæ apud Viennenses, cæterasque provincias, quibus fuit utilissimus, clarum nomen integerrimi, sanctissimique viri peperit, eo quæ clarius, quod ex huius palæstræ ingressu, respirandi à perpetua fatigatione nullam sibi moram indulsit, quoad eum dira quoque lues abstulit. Funerum porrò nobis quies tandem fuit in Patre Ioanne Montano-mollense, Antuerpiensi; annos tres & quinquaginta nato; eorum degente tricenos ternos in Societate nostra: politiorum, grauiorumque disciplinarum apprimè consulto; Philosophica, Theologicaque laurea pridem claro; cuius vtriusque doctrinæ præcepta vicenos, eo quæ ampliùs, annos, vel nostro in Collegio, vel in Academia Viennensi, multa cum acuminis, perspicuitatis, & eruditionis fama tradiderat. Eum præcellentes animi dotes Præsidi Prouinciali consiliarium & admonitorem diu fecerant, huicque Collegio maximè idoneum Rectorem pridem adsciuerant: quo in munere cum iucundissima præsidendi suauitate, salubrem exigendæ disciplinæ seueritatem felicissimè, perpetuo quæ copulauit. Exemplo in primis suorum quemlibet ad sedulam muneris procuracionem inuitabat; cum & ea, quæ multis communia sunt, vt audiendarum Confessionū ac huiusmodi, princeps ipse obiret officia: & quæ certorum sunt propria, vbi esset opus, expleret sedulò; quam imperij formulam secutus, prompta semper, feruida quæ suorum est expertus

obsequia. Huius Collegij Prorectorem agebat, cum acerba vitiiati cæli labes Viennensem ciuitatem haberet infestam, nostrique Patres publicæ auertendæ calamitati, domi atque foris plurimum laboris haurirent: quorum fatigationem vti pro virili subleuaret, tamen numquam à Rectoris procuratione feriat, veniebat & ipse in partem assidui muneris audiendarum Confessionum; inter quam obondam prouinciam, tetro cuiuspiam halitu creditur fuisse afflatus; multò autem grauius deinde, cum tres horas in conferta multitudine Academicorum, Rectorem sibi legentium, consedisset, quòd triduo post eum confessum, immani tubere pestiferum vlcus illi secundum aurem intumuit, cuius malignitatè, triduo vix toto expleto, exhaustus est. Appetente hora mortis, consuluit vnũ ex Patribus nostris, contagiosorũ Nosocomio præfectũ, quàm procul abesse videretur suus à vita exitus; qui vt respòdit, iam planè instare: ad illã mortis suæ denunciationem, miro gaudio exsultauit, moxque iussu Fratre sibi præire Litanias, nunciij magna perfusus lætitia, piè ad singula earum capita respondit. Cum autem ad eum versiculum, qui est de Sacerdotibus, ventum esset, pauca interfatus, præcepit ad cætera suffragia & illud nouum inferi, *Beate Pater Zehendere*, & quidem tertiò; ad quæ verba, summo cum animi motu, & hæc vicissim tertiò addidit, *Ora pro me*, pro ea scilicet opinione, quantam de hominis sanctitate conceperat: neque ita multò post, placidissima in morte acquieuit. Haud fuerit, puto, hoc loco alienum, D. Ioannis Curtij

Curtij, Zuethlensis Ecclesiæ Præpositi, Doctoris-
que Theologi, tamquam vnius è nostris funus ad-
scribere, quem nostri Instituti multos annos per-
cupidum, vbi tandem compos eius factus est, nos-
que ex Assè instituit hæredes, mors oppressit. Po-
steriore anno Patrem Bartolomæum Gorlichium,
Silesium, non tam ipsa grauis senectæ, quàm im-
mensi labores, alacriter pro Christo exantlati, ob-
ruerunt. Quadriennio sexagenarium præcurrebat,
annos vñdetriginta inter Socios religiosissimè vti-
lissimèque versatus, multa cum laude variis exer-
citus muneribus; seu cū subesset, seu cū præesset,
equè omnib. gratus; sed decē & octo ante occasum
menses totos, affecta licèt annis & morbis valetu-
dine, excipiēdis Confessionib. tam assiduus, vt mi-
raculo esset omnib. domesticis. Quē in eiusmodi
palæstra inuictō animo desudantem supra vires
& annos, pridie Christi Natalis, frigidissima tem-
pestate, cū eum multus algor obsedisset, ipsa ta-
men nocte Dei filio nascenti sacris esset operatus,
simulac in cubiculum se abdiderat, conquieturus
aliquantulum, ingens pituitæ copia in fauces de-
lapsa tantum ei concessit reliquæ vitæ, quoad satis
fuit, ad vicinorum Fratrum exposcendam opem,
excipiendamque Sacri Olei vñctionem. Viennensium
ciuium plerosque grauissimè affecit eius de-
cessus, quorum lacrymæ adhuc hominis testantur
acerbum desiderium; quod ea modo solantur spe
fore, vti absentis sibi prosint preces, cuius erat præ-
sentis adeò fructuosa opera; neque defuit, qui eius
recens mortui admonitu senserit se vehementer

vrgeri, ad excutiendam grauem peccatorum sarcinam; cuius vocibus ingenti suo bono & gaudio est obsecutus.

V T E R Q V E porro annus vix dimidiatus nobis ad sollemne opus liber esse potuit; quòd per Hibernos, Vernósque menses, ex agresti secessu, ac æstiuæ cladis fuga, non planè receptis ciuibus omnibus, cum ineunte Iulio, intendentibus se caloribus, contagiosæ labis plaga mox recruderet, exercendorum in vrbe munerum quâ facultas, quâ materia subtrahebatur; partim alio dilapsa ciuitate, partim nobis peregrè amandatis, aut ædiũ septo iussione Præsidum coërcitis. Quãdiu tamen per cæli clementiam in opere nobis esse licuit: nostræ industriæ fructum vberimum tulimus: ac maximè per Bacchanalium quadragenariam orationem, cuius apud nòs ea fuit frequentia, vt assiduo ciuium concursu nostræ scholæ, ac Socij pènè ipsi, quorum diuersis manipulis statæ precandi vices in totum diem erant indictæ, per omne ferè triduũ templo excluderentur. Inusitatus nimirum Diuini cultus ardor vniuersam ciuitatem ita occupat, omniumque pectora sacro æstu incenderat, vt in rerum nouitate finitimi populi Viennam nò agnoscerent, ipsaque se planè aliam experiretur. In tanto autem animorum motu, cùm audiendarũ Confessionum ipsum per se onus ab ingenti multitudine confluentium ciuium graue iam esset; fiebat tantò etiam grauius nostrorum paucitatẽ; ac cæterorum Religiosorum absentia; hi enim strage suorum territi vrbe abscesserant; nosque ad decem

cem omnino Sacerdotes redieramus, cæteris in finitima loca dimissis. Eo quoque semestri prioris anni Catholicorum cœtus auctior factus est, trecentis ac tribus capitibus ex Hæretico grege detractis, quorū plerisque multam nauseam Lutherani Euangelij pepererant sordes suorum Prædicantium in administranda sui moris Eucharistia. Vt enim de se, suisque sacris sublimè sentiunt nouo hoc Euangelio afflati homines; pari de ipso estimationi apud populum ingenerandæ, hanc rationem Lutherano acumine dignam excogitarunt, vt non nisi auro prius inunerati, & carpento vecti ad ægros vel solatio, vel sacris reficiendos adirent, tametsi de vita periclitantes; vti ne aut vilitate pretij, aut facilitate suæ operæ, suo Euāgelio, ac videlicet ministerio, despiciatur vltro in vulgus arcesserent. De hoc genere nundinariorū Poparum, cū inops & ægra muliercula vnum ad se inuitasset, licitata prius quanti suum laborem, & sacra ipsa indicaret; ipseque meros creparet aureos nūmos; habeat, inquit illa, sibi, ac Lutheranis, suum Christum aureum; nam mihi ex hac hora certum est, Catholicorum frui nudo ac panpere Christo, in quo vno, quin sita sit mea salus, nūquā deinceps dubitem; quod non secus exsecuta est, quàm dixerat; neque segnius imitati sunt eius sapiens factum alij non pauci Lutherani. Agni Cerei aduersus incendium inuicta vis, nobilem familiam, recens ab Lutherismo receptā summopere affirmavit in Catholici ritus fide, ipsosque adeò Lutheri affeclas ad eam suspiciendam valde permouit. Eius

familiæ, quam dixi, quarto ab Vienna lapide, ardere cœperant ædes, eo ipso die, quo vir & mulier publicè Lutherum exsecrati, Catholico primùm ritu in Sacrorum communionem venerant; qua in trepidatione noster Sacerdos cùm in tecti summa euasisset, excitata in Deum fide, vt res admoenebat, Agnos geminos serico tectos demittit in latè vagantes flammæ: quos restincto postea incendio, ne leuissima quidem aura ignis afflatus, inter carbones fauillamque reperit herilis famulus Hæreticus, & hero cum religione oblatos, sibi vtrosque condonari vehementer expetiit. Huius prodigij sincera fide perscriptam narrationem, & is, cuius in ædibus contigerat, & alter vir nobilis, chirographi, signique sui auctoritate confirmatam, Sacerdoti nostro, qui aderat, asseruandam tradiderunt. Nostræ porro scholæ tametsi Æstate, Autumnoque toto siluerunt, pestilenti discussæ fidere, septenos tamen nobis, aliquot etiam cæteris Ordinibus, Tirones summisserunt. Atque hæc de prioris anni rebus gestis.

Posteriore anno cum domesticis iacturis leuissimè multati, tum compendiis administratarum rerum vberius impertiti sumus. Toto triduo ineuntis Maioris leuij, quâ ciuib. quâ peregrinis assiduissimè cōfluentibus, nostra ædes religiosissimo conuentu celebrata est; quò etsi plerosque spectandi cupido allexerat, religio tamen, suaui deinde captos illecebri, fructuosè distinuit, & ad Christiani moris obeunda munera, salubri iniecta æmulatione, impulit. Celebrandi templi non mediocriter in-

uitamen.

aitamentum fuit prægrandis pegmatis, in ipso ædis sanctuario excitati, magnificentiæ, artis, elegantæque plenissima species. Alteram amplæ illius cellæ partem, quantum ea in sublime, ac in latum patet, occupabat ea machina, quam triplex distingueret contignatio, suggestuum verò quemlibet ordinem commissæ suis epistyliis columnæ idoneis dividerent interuallis. Columnis intermissa spacia, concharum specie in cauum sinuata, eximij operis, periucundique aspectus & positus, statux ac sigilla implebant. Ad maiestatem, & venustatem denique pegmati conciliandam, pretiosissimæ vestis, argenti, auri, gemmarumque accesserat cûpia maxima, quorum omnium incredibilem fulgorem atque dignitatem exaggerabat summo opere ignium vis ingens, triplici tota coronide, ima basi, ac frequentibus prætereà cauis accensa. Huius tanti apparatus & sumtum & curam vniuersam Mariana Sodalitas sibi vni adrogarat, quæ prioribus annis in partem modò impensarum cum Collegio nostro venire consueuerat. Hæreticorum interim castra septingentis eorum commilitonibus, eoque ampliùs, infrequentiora fecimus: quodque sit instar prodigij, par coniugum, ex Anabaptistarum impurissima fæce, hoc numero comprehendimus: quorum vir chirurgiæ consultissimus, eoque nomine frequens in procerum ædibus, ingenti animo apud eos recens adeptam fidem tuebatur. In hunc quoque cœtû adscripti sunt Prædicantis filius: generis item nobilitate, atque rebus militiæ gestis clarus Scorus; & ex illustri Comitum

familia princeps quædam femina. Dynastis aliquot bene Catholicis annos fecimus, vt ex vi ac ratione patriarum legum atque morum, Lutheranos, suæ ditionis homines plerosque, iuberent ad Catholicum ritum transire: quod eorum duobus, alteri Baroni, Comiti alteri, tametsi non sine controuersia, tamen cessit denique feliciter. Keuenhillerio certè Comiti acriter diuque pugnandum fuit, vt rusticani generis numerosissimas cliêtelas ab Lutheri studio traduceret: quod ad negotium, principio quidè periculi plenissimum, Comes vxorem suam, lectissimâ feminâ, nuper ab Lutheranis in Catholicos receptam, ad audèdum, gerendūque habuit & sapienter hortatricem, & fortiter sociam. Etenim quæ agrestiu Clientū vesana fuit audacia, & scelerata perfidia in suū Patronum ac Dominū, simul atque, parète Comite Hæretico mortuo, Comes filius Catholicus Passauiensi Antistite id exigente, iubenteque Cæsare, olim exactos Sacerdotes restituere aggressus est, non sunt veriti Herum suum ad necem postulare, Cæsarianosque Duumviros Principis, indicendo exsequendoque Rescripto ad se missos, lapidatione furenter abigere. Quò minùs intolerandam rusticæ plebis contumaciam, valido iam comparato equitatu, Comes seuerè meritoque ultum iret, noster Sacerdos obstitit, cuius ex sententia visum est, loco temporique, ac Catholicis rebus congruentiùs, ea de re ad vniuersæ Prouinciæ Præsidem, tametsi Hæreticum referre. Is sanè, vt publicæ paci ac fidei præfectum hominem omnino decuit, facinus rusticanae plebis in Cæsa-

Cæsarianos legatos, in ipsumque Comitem, Patronum suum, in Prouincialibus Comitibus ita descripsit, quamque nefarii moris, ac periculosi exempli esset ea fraus obnoxiorum capitum in legitimos Dominos, iis momentis disputauit, & expendendum omnibus proposuit, ut summam indignationem audientibus concitaret. Fuit igitur omnium Ordinum ex toto Conuentu ea sententia, quam vultu ac voce singuli apertissime præferrent; Compri-mendam ipso in ortu, & quidem seuerius, immanem Perduellium vesaniam, ne dissimulata, pessimo publico, Dynastarumque iure, mox glisceret in vulgo, nouarum rerum nimio plus amante, insana quadam spe falsæ libertatis. Quamobrem daret operam Comes, ut quam in plebem, auorum ipsius, & sua eximia virtus, ius ei atque imperium peperisset, cælo terraque adiutantibus causæ æquitatem, eius plebis contumaces animos, pro noxæ grauitate, retunderet, multaretque, legitimarumque iussionum patientes in posterum præstaret. Hoc vniuersæ Prouinciæ iudicio, decretoque fretus Comes, in suæ ditionis arcem iter intendit, stipatus nonnullo equitatu, cuius auxiliariorum etiam Hæreticorum voluntaria fuit turma, atque hoc tectus præsidio, cum vxore incolumis, in castellum tandem euasit. Postridiè quàm eò venerat, dato signo ex totis agris prouolant turbulentissimi quique Clientum, densoque agmine trium millium circumfidentes Herum domi suæ, omni genere conuiciorum eundem ad egressum concièrè student, dilaniandum mox suorum manibus.

bus. Viri nobiles duo, Lutherani, ex iis qui Comitī præsidio venerant, perduellium rusticorum petulantia grauitèr offensi, eos sibi sumunt blanditiis ac rationibus deliniendos: sed apud efferatum, suo ipsius scelere, vulgus iusta, salubriaque suadentium oratio, & opera inanis fuit. Cepit in re trepida Comes, suasu coniugis, consilium in speciem temerarium, sed quod Diuina prouidentia, cuius ope in primis nitebatur, in vtriusque partis bonum, mirabili euentu, vertit. Arcis portam aperiri iubet, obsidentisque turbæ bene amplum agmen intromitti, moxque claustra obduci reliquis seditiosorum arcem incuntibus. Tota illa perduellium manus in Comitem atrocibus conuiciis fremebat, passimque furentium hæ voces audiebantur: *Perceat proditor Papista: exstinguatur, obtruncetur. Quem inter tumultum, insanamque vociferationem, armatus in medium prodiit Comes, stipantibus eius latera senis, ac validis vtriusque prælongarum fistularum Catapultariis: quo instructu septus, incenso vultu, grauibz verbis, erecto animo, ingentis spiritus orationē exorsus est, qua iubebat perduelles meminisse dicti nuper ab se in Domini verba sacramenti: eundemque se esse cui suam nuper fidem obstrinxerint: num eorum quisquam sit ita sui officij oblitus, ac scelere omni adeò contaminatus, vt in Domini necem ferrum stringere audeat? Quò tamen si eruperit ferina, nefariaque ipsorum immanitas, vt Christianum, Catholicumque deceat, se in tam aperta, & tam iusta Christi causa, libenter alacriterque animam profusurum,*

memo-

inmemorem utique suæ vitæ ac salutis diris cruciatibus olim à Christo redemptæ, sibi tamen certum esse in eo conflictu sic occumbere, Deoque se victimam consecrare, ut prius ex illa sacrilega perduellium secta eo, quem dextra præferret, gladio iugulatos, Orco plurimos destinaret. Ingenio ferocem, rebellatricemque turbam stupore omnino defixit generosissimi, religiosissimi pectoris sermo, ut dubia prorsus hæreret, quid in Comite magis miraretur, animine infracti magnitudinē, in præsentissimo periculo, an in religione tuenda pietatem, vitæque pro ea ponendæ alacritatem, contrā atque suos Prædicantes meminisset solere de Catholicorum studiis in eo genere differere. Hac prima, breuique allocutione, ut restinctum in seditiosis furoris ardorem aduertit Comes, iterum ac tertio ad iam pacatiores ita verba fecit, ut eorum denique mollitis, ac planè mansuefactis animis, ad officium omnes impelleret. Quibus recipientibus in Domini se futuros potestate, mox decem Prædicantes Comitis ditione iubentur procul facessere, suas in sedes reuocatis Curionibus, unde exacti fuerant. Eius itaque rebellionis, cuius atroces exitus nemo prudens non metueret, in ipsos, auctores mali, Prædicantes vertit calamitas: & ut par fuit, in tredecim factionis principes, quos suum flagitium in carcerem, & vincula compegit. Ex Turcica porro impietate duo, totidemque Iudaica ex obstinatione, in sententiæ, sacrorumque societatem cum Ecclesia venerunt. In ter augusto altaris Sacramēto, Christi corpus omni cultu ado-

randum esse, Catholici profitentur omnes, vt tametsi nulla priuata lex, nullumque votum noua quemquam religione obstringat, quoties tamē Diuinus ille panis circufertur in publico, nemo non indignissimum putet, si non frequentissimus adlit comitatus, & cultus, qui pompam cohonestet. Verumtamē eiusmodi religiosi officij partes rarus est, qui suas esse agnoscat, aut, vltro sibi sumat, non oblatas: facile quiuis ad alienos delegat, ad eō iidē mortales sunt in rerum honestarum iudicio alij, alique in earundem vsu. Huic negligentiae atque socordiae depellendae, in omnium religionum praecellētissima religione, omni semper æuo, pij aliquot viri Sodalitatibus accurata legum, rituumque sanctione instituendis, diligentissime cauerunt, vt Regum Regi maximo, quoties procederet publicē, triumphali pompa transuecto, summus honos haberetur; qui mos nisi posterorum ignauia obsolesceret, nā cum ignara plebs in Catholicis, tum Hæreticorum quisque, meliora de Deo, de Fide, de Catholicorum sacris, ac ritibus sentiret. Vienna certē vt Austriae caput, ita religionum in eo toto principatu magistra, siue ab Hæreseon labe puram, siue contactam se fateatur fuisse in hūc diē, vtrouis ex suo statu, grauissimas habuit causas studiosae piæque venerationis aduersus Sacrosanctę Eucharistię diuinum illud ferculum, quo Deus ipse, mortalis specie inter mortales inuehens, in locis sua maiestate indignissimis plerumque versatur. Quam cælestis cultus dignitatem, ipsi Deo, Viennensium Seruatori, Regique cælorum,
ita

ita pridem Viennæ defuisse, vt in augustissima vrbe, ac pietatis aliqui retinentissima, regiones eius & compita quauis hora & tempestate peragranti, vnus modò Sacerdos amictu vilior rectus, aut solitarius, aut certè vnus pueri umbra, fumosa face, ac tintinabulo neutiquam comitator, aliquot iam sæculis, pro illustri pompa fuerit ac triumpho. Hanc sui officij, hanc Numinis obliuionem, an neglectum ita diuturnum, supinum, ac fœdum in Viennensium animis hæsisse, ipsorumque mentes in eo sic occaluisse, vti vix eius esset vllus in amplissima ciuitate sensus; id adeò indignū tali vrbe ac indigenis visum est nostro Concionatori, vt apud vniuersos ciues, in æde primaria, super cōcionem, hanc Christi Domini acerbam iniuriam & contumeliam quereretur vehementissimè. Cui quidem infamiæ luculentiùs audientium oculis & animis ingerendæ, atque ab illius sensu & verecundia excitandis mentibus ad tantam ignominiam veterū Christianorum imitatione detergendam, Friderici, eius nominis tertij, Imperatoris, ducentesimo ab hinc anno, Christianum, maximèque religiosum facinus ex historiæ monumentis petatum reuocauit in auditorum memoriam, vehementerque ad illud idem instaurandum excitauit. Eucharisticam pompam non satis idoneo apparatu Viennæ inferri ægrorum in ædes aduerterat Princeps religiosissimus, qua Pastorum populiq̃ue indiligentia, vti ne deinceps Numinis Maiestas grauiùs minueretur, & religionis in plebe sensim heret perniciofa decessio, formulam apparatus & ritus descrip-

fit, quem pium iustumque censeret obseruari, in Diuino Ferculo ad ægrotos inferendo, attributis nimirum de suo in pompæ illius sumtum perpetuis vectigalibus. Nominatim verò cauebat uti ad reitam augustæ celebritatem pius audiretur cantus; crebrum funale, ac Ecclesiastici moris adhiberentur vexilla; affectantis autem populi agmen, & elegantem sacræ vestis ornatum, haud dubium quin & eodem pietatis studio, huic quoque rei destinaret. Ad hæc antiquæ religionis instauranda, & amplius exaggeranda decora, cum Sacerdos noster concionem suam impensius hortaretur; Christus, cuius tum maxime diuinus honos, cum pati ciuium utilitate agebatur, dicentis verba in audientium animos vi tanta intulit, ut mox vniuersa ciuitas veteris illius ritus atque pompæ restituendæ incredibili studio exardesceret. Ab hoc concepto pietatis ardore, derepentem itum est tota ciuitate in pecuniæ, sericæ vestis, cæterorumque donariorum copiosissimam collationem, qua paucis diebus magnificentissimus apparatus circumuehendo Eucharistico Ferculo instructus Viennam latitia & admiratione compleret. Inusitatum prorsus fuisse hunc in Viennensium pectoribus religionis motum, documento fuit non magnitudo tantum, & copia munerum dubio procul mirabilis: sed ipsum quoque genus eorum singulare, atque nouum: ut quidquid auri argentique exquisiti esset in mulierum mundo, in crepundiis infantium, in curiosorum hominum vasariis, & antiquitatis nummariæ scriniis abstrusum, id plerique prolatum adornando huic sacro agmini

agmini dedicarent. Mirum porro quantis lætitiis tota Vienna primis diebus redintegrati eius sancti moris incesse- rit, qua religionis accessione profecerit, cum summæ dignitatis prodire cœpit Christi in Sacramento, sub vmbellæ aperto regifice inuehenti, sacer chorus, affectatorum sexcentis capitibus, accenso funali, & multa oris ad eximiam venerationem compositione conspicuis. Archiepiscopus autem Strigoniensis, idemque E. R. Cardinalis, & de Austria nobilitate principes quique, cum captata omni eius rei occasione, in hoc, Christum honorifice deducentium, agmen se religiosos comites adiungebant, tum verò ingens pietatis sensus in plebeciorum exoriebatur animis, & eidem comes verecundia, si se in Christiani hominis officio à Cleri Nobilitatisve proceribus superari æquarive paterentur. In ipsa quoque Lutherānorū, marmorea tametsi, pectora cōmunis ille ciuium omnium motus peruadebat, vt non affici animis non possent, cum in eos incurreret diuini feruli augustum spectaculum, cui Catholicorum parē venerationem, vt ne denégarent in publico, sua conscientia vel inuitos adigeret. Campano ex ære grandioris modi cymbalum, in eadem S. Stephani æde principē, comparatum est, conciendo, ad frequentandam pompam, Viennensi populo, cuius æris noto ex cantu, tota ciuitate constet, proditurum post paullò Christi sacra uehentiū agmen, ad ciuium aliquem ægrotantem; quo dato signo, derepentē prouolant, omnibus vrbis regionibus, incenso ardore, & numerosis ca-

rèruiſ Viennenſes, mox in ordinatam coituri aciè,
quæ Cælitum beatos exhilaret globos, Tartari di-
ras legiones mœrore compleat. Ne tamen, defer-
ueſcente olim Vienneniſium ardore, tempus ali-
quando aboleret, quod præclarè inſtitutum, ma-
gnis in dies incremētis Diuinorum venerationem
cultumque amplificabat magnopere; opportuno
conſilio eſt prouiſum, vti ne procuratio Euchar-
iſticæ Tranſuectionis in incertum toti populo per-
mitteretur, ſed cederet in delectorum hominum
tutelam, quos iuſtæ legēs ſuo munere ſanctiùs ad-
ſtringerent: quæ vna ratio animaduertebatur, ſacri
moris in perpetuum propagandi. Vienneniſis ergo
Antiſtes Sodalitatem inſtituit honeſtorū ciuium,
Eucharistiæ præcipuum cultum ex indiſcretis legibus
ſanctè proſitentium, quibus adminiſtrantibus, &
agmen de ſuo corpore, cæteraque ciuitate cogen-
tibus, Eucharistica pompa, quàm magnificentissi-
mè ac religioſiſſimè poſſet, deinceps procuraretur.
His primordiis feliciffimè cœpta res, in primore
urbis templo; pari quoque religionis æſtu, non
modò in reliquas Vienneniſium ſacras ædes per-
uaſit, ſed extra pomœria longè lateque tota Au-
ſtria, & finitimis prouinciis, incenſo noſtra æmu-
lantium ſtudio, diſſeminata eſt. Atque hæc fuit in-
ſtituti, ſanè quàm laudabilis, ſub ipſum eius ex-
ordium tam longè lateque fuſa propagatio, quam
ex inuſitato populorum ſtudio futuram diuturniſ-
ſimam, adeoque perpetuam, fas ſit interpretari.
Per idem ferè tempus Beati Calliſti, Martyris ac
Pontificis, corpus magna ex parte ab Hæretico-
rum

rum contumeliis vindicatum est, atque Lincij, in sacra Imperatoria cella, honorificentissimè collocatum. Eas Beati reliquias Imperatrix, heroina religiosissima, in sacello Crumlouiensis arcis, marmoreo tumulo conditas tum obseruasset, verebatur ne Roseenses Reguli, Hæretici eius arcis domini, violassent, sicuti sacellum exaugurauerant: quamobrem apud Cæsarem Matthiam, coniugem suum egit, uti Crumlouio Lincium transfuehendas iuberet. Sacerdotem igitur nostrum, concionatorem suum, edò destinat Cæsar, qui, omnibus antè sollester exploratis, sacra ossa Lincium aduehat, si quidem constet ex integritate marmoris, loculorum, & ossium, eis Hæreticos abstinuisse manus impias, quod & constitit, inuiolato planè comperito marmore, ac iis multò magis, quæ illo conderentur. Hæc porrò Beati Martyris sacra pignora cum noster iam iaueturus in aulam Cæsaream esset, multa cum fide ac religione procedit obuiam Imperatrix, sanctèque venerans, Cæsari coniugi, grauitèr ex podagra laboranti, propitium aduenire Christi militem precatur. Inde ad eundem Cæsarem properat, nunciatura tam oprati hospitis felicem aduentum; à quo prospera omnia & poscere, & sperare quoque iubet ægrum Imperatorem, neque frustra: vbi enim Sancto Callisto votumpiè nuncuparat, mox artuum dolor omnis discussus est, ut postridie, cum in ornatiorè capsam Lipsana inderètur, ipse venerabundus, ac valens adesset. Multam porro auctoritatem, venerationemque ipsi Martyri, & Cæsari fiduciam rogandi concilia-

ciliarat repentina Sacerdotis nostri sanatio ex grauiore febre, qua yrgente, mittenti Cæsari ad reliquias aduehendas, valetudinem fuisset excusatus, nisi sacrae illius sarcinae proxima vectura certio-rem ei spem faceret sanitatis; quam sanitatem ipsi ex sepulcro sua ossa promenti munificus Martyr, etiam ante vectionis officium, liberaliter repræsentauit. Inter cætera verò aulicæ procurationis compendia non vulgaria, illud eiusdem Sacerdotis vnum fuit, vt ipsius opera Hæretici vnus ac septuaginta in Catholica Ecclesiæ disciplinam, fidemque coucesserint, quorum de manipulo fuit, qui, celebrium aliquot concionum illustri auctoramento, se suaque Predicantium Decuriæ iam addixerat. Turcico mancipio, alioquin rudi, duram seruitutem inter Hæreticos annis decem iam seruienti, Diuina bonitas luminis tantum infudit, vt planè dispiceret, quid Catholica sententia ab Lutherano dogmate distaret; quare neque frequēti fustuario, nec aliis vexationibus sæuis diuturnisque, ab hero vnquam adduci potuit, vti ab Lutherano Prædicante Baptismum susciperet, etiam moribundus, cum asseueraret, malle se Turcam, quàm Hæreticum interire. Cuius fortitudinis id à Deo præmium tulit, vt conualesceret, ac deinde optimæ Imperatrici dono daretur, cuius beneficētia est assecutus, vt mox allegeretur in Christianos & Catholicos, & Christiana libertate frueretur.

Suadorffium in oppidum, Templariorum olim tota ea regione arcem, quarto ab Vienna lapide. venerunt duo de nostris acçersitū eius arcis præfecti,

fecti, quem Episcopus Passauiensis, Leopoldus Austriacus, ei oppido Catholicæ Religionis strenuum assertorem præposuit. Eodem verò tempore cum nostros aduocauit, tum suæ ditionis populo edixit, vti ad Sacramenta ritu Catholico frequentanda conueniret; cuius edicti cum habita non esset ea ratio, quam oporteret, grauius mox interdictum prodiit, & reuerentiam rerum sacrarum ab trecentis, eoque ampliùs indigenarum expressit, quos nostri piaculo Confessionis eluerunt, ibidemque plus ducentenos diuellerunt ab Hæreticorum corpore. Aliquanto plus negotij fuit in debellandis Calixtinis, eiusdem tractus oppidanis, maximè vbi ventum erat, ad Diuini sanguinis in Eucharistia vsum laicis extorquendum, quo se per summam iniuriam & nefas prohiberi querebantur, cum nihilo essent minùs Christiani, quam ipsi Sacerdotes; impenseque flagitabant, si quidem essent penitus ipso Christi calice abstinendi, vti suo saltem ex poculo Sacerdos pro ara profanum vinum eis propinaret; vel si neque hoc esset licitum, argenteo certè ex scypho singulorum ora prolueret. Sed vt, ne quod erroris vestigium, specie cuiusquam boni, resideret in populo, semel accepti moris tenacissimo, postulatorum spem omnè in posterum eis præscindendam nostri Patres censuerunt. Quibus autem nonnulla vis est allata, vt in Christi ouile compellerentur, offusa deinde cælitus copiosa luce, ij nouæ conditionis rationem adamarunt adeò, vt pœniteret, cur non mulrò antè ad officium fuissent adacti.

GRÆCIENSE COLLEGIVM.

ABDITIORIS secessus salubrem quietem sibi apud nos delegerunt diuinis cum otio meditandis homines triginta, cuius exercitationis in partem venit ipse Principis Cancellarius, atque Religiosarum familiarum aliquot viri. Per tinaciam erroris sine ratione tuendi, ac errores denique ipsos, bene multi passi sunt ex animo sibi funditus euelli, quibus euulsis, cum sensum de re Catholica & Catholicis hominibus, deque Societate nostra, experti sunt, quem ipsi vetera sua iudicia nouis conferentes, demirarentur. Ex eo grege Baro vnus, tota Stiria illustrissimus, quadriennium solidum aduersus veritatem obstinatissime luctatus, magno cum voluptatis sensu solitus est commemorare, ita se intimo animo erga Societatem affici, vt eius causa sanguinem vitamque summa sit alacritate profusus, quam paullò antè cupiuerit non exulare modò vniuersis terris, sed acerbo extinctam leti genere. Huius verò ardentissima sunt & assiduissima studia in familiæ numerofo non tantum cœtu, sed stirpis ac cognationis etiam vniuersæ ingentibus cohortibus, ad Ecclesiam adiungendis. Princeps femina in Stirienfi tractu, Hæretici dogmatis consultiſſima, eique haud paullò minùs addicta, vt suæ sectæ Papissam, principatus quodam titulo, plerique omnes vocitarent: vbi Catholici moris saniora instituta eam suis momentis æstimare nostri accuratè docuerāt, abdicata.

abdicata confestim vana magisterij prerogatiua, inter Christi discipulas animi demissionē professā est. Quædam de triuio mulier adeò combiberat insanam persuasionem salutis sibi certò asserendæ, ex specioso vnius dumtaxat Fidei Christianæ obtentu, vt cuiuscumque probæ actionis simulacrum ab se procul amoliretur, ne qua rectè factorum labe tam potentis pollentisque Fidei vim enernare videretur. Quoniam tamen, omnium virtutum ab se exigendis exterminandisque actionibus, neque vel Fidei suæ dignitatem prædicare, vel salutis certam fiduciam statuere se cumulatè satis arbitrabatur, dignum præterea Hæretico pectore facinus adiciebat, vt nullo in flagitij genere non studiosè diuque volutaretur, quò augustiorem sui dogmatis speciem in animo suo designaret, acrioremque illius viuidæ Fidei sensum intimis præcordiis impressum defigeret. Impurissimum tamen hoc contaminatissimæ vitæ prodigium Deus optimus ab se non ita est aspernatus, vt non tandem benignissimè ad se inuitaret, immissaque ipsi terribilissimæ vitæ pœnitudo, per nostrum Sacerdotem ex hæresis scelerumque sentina non educeret. Virgo ab ipsis cunis ad multam senectam, cum hæresim, tum eius tuendæ summam obstinationem protulerat, cui nulla vñquam nobilium de sua stirpe virorum gratia, nullius mortalis auctoritas persuaferat, vti salubres de Fide sermones vel ad aurem admitteret. Sed missa de cælo potentior machina mulieris peruicaciam fregit: cui grauiore morbo diu tentatæ, cùm accessisset vberiorè

naſo ſanguinis profluentia, quæ paucis diebus ex ſumma debilitate certam perniciem induceret, in vltima delapſæ demum à propinquis perſuaſum eſt, vt data fide exuendæ hæreſis, votum Magnæ Matri nuncuparet; quo nuncupato mox ſuppreſſum eſt narium profluuium, neque multò poſt reliqua ſanatio ſubſecuta, quæ viam fecit Catholice fidei ad animum admittendæ. Summa capitum fuit centenum octonum, quæ ab hæreſi deſciuerunt, quem in numerum veniunt oppidani Hurekienſes plerique, Hæreticorum Stirienſium nuper contumaciſſimi, quos, Principis edicto adiuti noſtri, ad Catholicos pertraxerunt. Ex ſelecta frequentiſſimorum diſcipulorum iuuentute, quam multa celebriorem facit nobilitas, Religioſi Inſtituti curriculum ingreſſi ſunt plures triginta, quorum ſenideni ad nos deuerterunt. Sanctiſſimo exitu religioſiſſimam vitam terminauit Baro annorum quatuordecim, gymnaſij noſtri alumnus, cuius ab ipſis iucunabulis præclara fuit innocentia, & ſingulare omnium virtutum, ac Caſtitaſis maxime ſtudio. Ei ab prima pueritia ſollemne ſemper erat, non ſeminarum omnium modò, ac matris quoque ipſius vel leuiſſimum commercium, ſed puellorum quoque ætate ſupparium ſtudioſius declinare; ac ideo quinquennis adhuc cum eſſet, matris iuſſu acceptum in ſocietatem lecti annis æqualem ſic auerſatus ſit, vt integro ei conſeſſo toro, ſeminudus ipſe ſubter lecticam cubaret. Quo in facinore deprehenſus, & increpitus à matre, lectulo quidem poſtea non abſtinuit, ſed

sed eo tamen, suffixis aciculis, aut substratis calcu-
lis, & tabulis duriter asperato, deinceps vsus. Hic
pudoris amor sic in eo cū annis adoleuit, vt quin-
quēni paullo grādiōr, sæpēnumerò sit auditus as-
seuerare, ferrū se cuiuscumque manus aduerso pe-
ctore excepturum potiùs, quàm admissurum vllō
pacto, quod vel vmbra præferret animi in Casti-
monia studio minùs accurati. Virginum glorio-
sas in cælo palmas, Doctorumque ac Martyrum
celebres laureas, sic erat animo & cupiditate com-
plexus, vt earum ingenti flageret ardore, seque
ad eas suis laboribus promerendas strenuè compa-
raret. Hoc igitur Diuini amoris æstu succensus le-
ctissimi pueri animus, cum in singula momenta
seipso sanctior euaderet, eam dignationem meri-
to suo nactus est, vt iucundissimam cellulam si-
bi Deus in eo legeret, in qua libentissimè assidue-
que diuersaretur. Inde puero diuina meditati, vel
participanti celestis mensæ conuiuia, tanta se in-
fundebat diuinæ suauitatis copia, vt iucundissimo
eius sensu primùm totus diffunderet in lacrymas,
ac vehementiùs deinde intendente se voluptatis
æstu, impares tam incitato deliciarum torrenti
hauriendo, vires corporis, eum, diuino antore col-
liquefcentem, penitùs deficerent. Frequens eius
animum subibat, & cum stupore quodam admi-
ratio, cur existerent inter mortales, qui, langu-
idarum pecudum instar, toti effunderentur in eas
oblectationes, quæ hauriuntur sensibus: vix au-
tem millesimus quisque hominum adspiraret ad
purissimas mentis delicias, ex æternarum rerum

tractatione perfruendas : quæ humani moris ac ingenij propriæ ac condignæ sint; quarūque Deus cupientibus liberalissimè , ac vltro etiam sufficiat vbertatem. Hunc ei sensum , & diuinarum rerum tantam prudentiam in eâ ætatula conciliauerat earundem multa experientia , vt consultissimi more magistri de iis loqueretur & sentiret , iis vitæ annis , quibus reliqui puerorum vix prima pietatis elementa condiscere instituunt. Nimirum, qui ab infantia eum sibi secreuerat de multis vnū Deus, nactus in eo cælesti disciplinæ planè congruentem indolem, eo genere institutionis magister optimus excoluit, quæ paucis annis puerilem eum candorem ad omnis virtutis sublime fastigium eucheret ; vnde mox , vt , legitimè iam emeritis Christianæ militiæ stipendiis , ad cælestes perpetuosque triumphos in cælum euocaret. Leobij, octo milliaribus ab Græcio , Domus Probationis primordia instituimus, felicibus auspiciis, ac liberalitate in primis Ferdinandi Archiducis Austrij, & Arnotensis Coenobiarchæ ; quorum ille suam ipsam Basilicam nostrorum domicilio, hic propinquam ei sacram ædem Sociorum obeundis muneribus attribuit , corollariumque munificentia adiecit dena Florenorum millia , vt hoc cumulo vetera sua in nos beneficia exaggeraret. Ei summæ terna Florenorum millia sunt adiecta beneficio Baltasaris Scrottenbachij, inter Ferdinandi familiares rei Aulicæ Præfecti ; neque defuerunt , qui exemplo istorum nouæ domui , ædique instruendæ, argentea, & aurea vasa conferrent.

ALSO-

ALSO LINDVÆ Sacerdotibus nostris duobus plus est negotij, quàm longè plures valeant exhaurire, quòd in eo non solùm oppido, sed in eius ditionis, & finitimarum Sattrapiarum circumiectis pagis, Curionum munera omnia in nostros redeant, Catholicorum Sacerdotum penuria; vt facile sit æstimare, in frequentissimo populo, quàm non transigant dies vñlos ab opera vacuos. Leuamentum verò laboris est non mediocre, quòd in dies constat, & bene amplum illius pretium, Catholicis sinceram fidei ac morum disciplinam studiose adsciscitentibus, vnde nuper non parum deficiuerant, diuturniore cum Hæreticis commercio. Ex quo autem animi magna simplicitate populus, falsitatem Lutherani dogmatis edoctus, seridò animum adiecit ad frequentem Sacramentorù vsum, & Catholicos ritus amplectendos, sui candoris, & integritatis luculentum à Deo præmium ferre cœpit, vt, sollennibus Ecclesiæ vsurpandis ritibus, omnium ferè noxiarum rerum vim ab se pròcul amoliatut. Quod genus sunt frequentissimè, diuine Cacodæmonum insectationes, per oblata horrendi aspectus simulacra, & monstra, reuocandis à recta fide idiotis hominibus, aut ad salutis desperationem inducendis. Cuiusmodi omnia pericula, vt etiam proteruos incubones, vel aqua lustrica, vel cerèo agno, sincera cum fide adhibendis, plerique feliciter depulerunt: & quidem Lutheranis sæpenumerò consciis, atque ad idem salutaris auxilij genus sibi postulandum non rarò ad nos aduentibus, simulquè in suos Ministellos palam, & asperè

leue odium, in frequenti nobilitatis corona conflauimus. Vnius certe Prædicantis ex ore, vbi compositiore verborum circuitu multa prolocutus, nihil planè dixisset, confessionem eam expressimus; vt non pigeret asserere, se falsa pro concione nonnumquam docere, adeoquæ ipsa Biblia, quibus vteretur, falsitatem multam continere. Templâ sex, quæ maiore vi grassantes Hæretici Catholicis extorserant, nos iure postea vindicantes, iis licèt inuitis redhibentibus, demum recepimus, & in eis sacra instaurauimus. In illius agri peramplâ vastitate pauciores nostri versantur Sacerdotes, quâ vt idoneæ culturæ satis esse possint, nisi Deus, cuius agitur causa, extraordinariis virium supplementis suos agricolas corroboraret. Omnes Curionum vices plerisque locis nostri solent explere, quòd fermè absunt earum legitimi curatores, atque vt inertes ab otio eis esse non liceat, certa regione duobus Sacerdotibus sua diœcesis in sex ac triginta vel oppida, vel castella, vel pagos, laxioribus terminis est definita. Rutenæ dissensionis labes Hõmonensem ditionem olim longè latèque peruaferat, cui abolendæ Comes Hommonensis Rutenum Episcopum Catholici dogmatis ex Polonia euocatum adhibuit, cuius industria, piòque studio, abalienatus errore populus à Christi Vicario, in eius iurisdictionem facillè concessit.

QV INQVE CCLESIA S vrbem proximis annalibus memorauimus, binorumque Sociorum ad eam Turcarum vocatu appulsû. Ea vrbs *Peuce* olim à Peucinis Sarmatiæ populis eius conditoribus dicta,

Eta nūc vulgò *Petsium*, & *Quinqueecclesiæ* appel-
 latur; vna nuper, stante Vngarico imperio, ex
 clarissimis Regiis, & muro cinctis vrbibus, auli-
 ca dignitate ac celebritate memorabilis. Paulo
 quidem suprà quàm *Drauus*, Vngaricorum fluui-
 orum rapidissimus, in *Danubium* amnem se inue-
 hit, ad vitiferi montis latus, molliter decliui situ,
 posita, subiectorum camporū amœniore aspectu
 hilaratur, solo ad omnem frugum copiam, variet-
 tatem, ad pecoris & piscis vbertatem cum primis
 illustri, vt indigenis valdè frequens, ita perquàm
 celebris aduenarum comœatu. Quinquagesimo
 ab hinc anno oppressa iugo Turcicæ tyrannidis sa-
 crorum, litterarumque amisit duo præcellentissi-
 ma lumina, quibus inter Vngaricas vrbes illustris-
 simas vna maximè florebat, suo quondam inclyta
 Episcopo, & gymnasiolorum nobilitate ac numero
 clarissima; in quibus selectissimæ iuuetutis capitum
 terna quaternaque millia interdum recēsuit; & de
 quibus expediti adolescentes trecenti, Scholæ ma-
 gistro duce, cum Ludouico Vngarorū Rege stra-
 ge Mochacensi, ab Solimanno Turcarum Princi-
 pe Vngaris illata, fortiter pro Fide ac patria de-
 pugnantes occiderunt. Exinde Mahometani mu-
 nitissimæ copiosissimæque vrbes multa opportuni-
 tate allēcti, frequentes in eam, cum Sacrorum
 suorum instrumentis, ac poparum ingentibus fa-
 miliis, commigrarunt, quam, perpetuandis Al-
 corani ritibus, vastis Mosquæarum molibus ita
 frequentarunt, vt vix vllis seu compitis, seu foris,
 ac vicis, vacui quidpiam fuerit, vbi non exsecre-
 biles

biles illæ aræ impietatis immani fastigio assurrexerint. Quinque ecclesias porro urbem, accersitu Turcarum, ut nostri Sacerdotes duo adierint anno sæculi huius duodecimo exeunte, scripsimus quidem strictim annalibus proximis, sicut allatum erat, sed nacti hoc anno ampliorem eius profectiois commetarium, eiusdem narrationem vberiore, & sequentis biennij res gestas in hunc annum illigabimus. Apud Dynastam Bamffium de nostris duo Sacerdotes Alsolindux, Vngarico in oppido, fructuosissimè versabantur, quot etiamnum versantur, ut suprà ostendimus; quorum pia, fidelique opera, ac plebis ingenua simplicitate delectatus Deus, omnibus morbis factitatum ab eis Patribus, per usum aquæ lustralis, cereique agni medicinam, ita ratam habuit, ut ea curatio infinis propemodum ægris attulerit sanitatem. Harum curationum multitudo, & sanationis felicitas, cum admirabilitatem maximam habere cœpisset in vulgus, & fructum admiratione lætiores ostenderet, ingentibus præconiis, ea omni regione, tum medici tum medicamenta celebrabantur, ut eius rei nuncios ad Turcas præsidarios, Canisiam usque, fama perferret. Canisia, militaris est munitio, in Croatiæ Vngariæque confinio, Turcica vi duodecimo ferè ab anno Christianis extorta; qua ex arce Alsolindux tributorum cogensorum gratia, cum ad Dynastam Bamffium, nostrorum hospitem, Turcæ frequentes ventitarent, quæ Canisiam audierant de nostris, ea præsentibus diligentius percontabantur; neque ab certis auctoribus

bus accipiebant modò , sed suis ipsi oculis aspectabant, crebra eius generis miracula, quorum magnitudine ac crebritate vti attoniti stupebant, ita eorum apud suos periculum fieri cupiebant maxime. Canisenses igitur Turcæ nonnulli postea quàm , non alienis dmutaxat, sed suis etiam nunciantibus, qui ab se comperta, & oculis designata narrarent, de incredibili agnorum & aquæ facultate accepissent, Alsolindum ad nostros aduolant, eiusmodi amuletorum aduersùs noxia quæque copiam aliquam sibi fieri cupidius efflagitant, nullum non supplicandi genus interponunt, vt à nostris earum rerum tantillum exprimant; atque vbi tandem impetrarant, suorumque ægris corporibus admouerant, mira illico vis rerum sacrarum etiam in Mahometanæ impietatis hominibus elucescebat, impertienda ipsis subita sanitate. Tantum porro aberat, vt, quod Lutheranus fortè non nemo faceret, expertam suo commodo sacri agni & aquæ mirabilem efficacitatem maligno silentio suppresserent, vt etiam vbique & apud suos, & apud Christianos prædicarent studiosissimè, ac inusitatis eueherent laudibus. Atque vti ne qua in parte officio defuisse viderentur, eximia grati animi significatione, cum muneribus, acceptam gratiam repensuri, ad nostros Canisia redeunt, neque vllam sibi partem quietis indulgent, dum perfidicili aditu eò euaderent, vbi tum nostri versarentur, quos non semel sibi conueniendos putarunt, vt idoneis gratis agendis, & offerendis donis haud vulgaribus, aliquid ampliùs impetrarent. Eninuerò ab

rò ab perspecta cælestium remediorum summa vi, facile in eam spem venerant, ut, ignotis in vulgus, eorum Patrum potentissimis medicamentis nullum non, etiam insanabilis, morbi genus vinceretur; quamobrem aut illorum manu, aut nullius mortalium, Tribunum illum militem, de quo superiore anno scripsimus, desperatæ valetudinis ægrum, denique perfunctum iri. Patrum igitur in suos fines euocandorum causa honorificam legationem Turcicus Magistratus Alsolindua destinat, luculentissimoque diplomate, principum Turcici nominis virorum chirographis, anulisque consignato, nostrorum saluti & honori cauet amplissimè, quorum impetrata tandem à Præsidibus profectio, & superatis, quas Ariani graues interiecerant, difficultatibus, exeunte Septembri antecedentis anni Sacerdotes nostri duo iter Canisiâ versùs ingressi sunt. Quarto ab Canisia miliari, Patribus venientibus, honoris gratia, procedunt obuiam Mahometani equitatus bene multæ turmæ, atque magnificæ, quæ medios assumptos eos honorificè in primis, ac beneuolè in Canisiensem munitionem deducerent, quibus introgressis cæteræ cohortes eam beneuolentiam venerationemque detulerunt, qua nulla maior inter Christianos potuit cogitari. Ibi confestim Mahometani ritus matrona oblata est, quæ flebiliter cum Patribus quereretur, numerosam prolem in cunis sibi adhuc ereptam, & eam, quæ infans superstes esset, grauiter periclitari; cuius è ceruicibus sacram ceræ plagulam cum nostri alligassent, infle-

D

quenti

quenti tota nocte infestissimæ larvæ vehementer
connisæ sunt, vt sacrum amuletum puero auel-
lerent, sed inani conatu; quo ex tempore earum
vis penitus discussa cum esset, infanti deinceps
semper fuit optimè; quo genere item remedij aliis
sanitas est reddita, & nostris tanto illustrior quæ-
sita auctoritas. Canisia iter deinde Szigethum,
aliam in arcem, Patres iter intenderunt, quò no-
minatim arcessebantur, ad Tribuni militum, quem
diximus, curationem; qua in via prætergressis eis
Baboczam castellum, subsecutus est cum amplo
comitatu eius Castelli Præfectus Turca, Canisien-
sibusque præsidjariis sua in statua retrogredi ius-
sis, honorificè de nostris præfatus, eorum inco-
lunitatem dignationemque curæ sibi deinceps
futuram prolixè recepit; quibus Baboczam redu-
ctis, eius ægroto filio sacra imponenda cera repen-
tè salus est allata. Szigethum inde ventum est, in
arcem munitissimam, quæ potiti sunt Turcæ ante
annum quinquagesimum, cum immanem stra-
gem Vngarorum eddisent; qua in munitione, cla-
rus militari gloria, Tribunus ille Mahometanus
pridem à Cacodæmone vexabatur, quem popula-
res medici anguem intestinis conceptum credidif-
sent. Ei Cacodæmoni, quòd vnus Patrum erat com-
minatus, vexatione deinceps abstinuit, donec
Quinqueecclesias est reditū, vbi nostri palam om-
nibus Catholicis, Mahometanis, Hæreticisque,
in æde sacra, Exorcismos Energumeno adhiben-
dos esse censuerunt, quorum diuina vi fractus
Dæmon prima pænè congressione abactus est. Be-
neficij

neficij magnitudinem Mahometanus vti facile animo perspexit, sic luculenta gratæ mentis significatione, omnibus coram, in templo testatus est, cum ex intimo sensu præteritæ calamitatis, præsentisque boni, præ lacrymis, & ingentibus singulibus, inter agendas gratias eloqui non posset. Felicissimè cecidit, & in rem non Patrum magis, quàm Catholicæ Ecclesiæ in tota Vngaria, vti ium primùm aduentantibus nostris ad Romanam Fidem restituendam, luculentissimo planè exemplo Romani ritus auctoritas integritasque assereretur, & quidem in Hæreticorum, & Mahometanorum auribus, oculisque. Nam ex quo Petszium Turcicæ iurisdictionis factum est, præter Alcoranicæ impietatis frequentes Mosquas, Arianum quoque sacrilegium, Lutheranum Bacchanal, Calvinianaque perfidia eò insanas vexillationes suas immiserunt, sed omnium numerosissimis, ac potentissimis Arianis, non infirmis Lutheranis, quibus vtrisque suum dogma publicè differendo licet propagare, hac facultate prohibitis Calvinianis, tamquam Hæreticorum omnium, Mahometano etiam arbitrio, pessimis, & formidolosissimis. Atque vt Catholicorum Petszienfium, quaternos inter coniuratorum hostium infestos exercitus, luctuosissima pridem cœperit esse calamitas; eò tamen luctuosior est multò, quòd innumerabiliū ferè membrorum amplissimum corpus non habet caput, cuius auspiciis, ductuque, aut intra Ecclesiæ statua Christianam disciplinam, aut extra castra in acie aduersùs ingruentes hostes fidem sar-

ram tectamque possit tueri. Quod enim sit instar prodigij, etiam post quinquagenariam Petrsienſis Eccleſiæ captiuitatem, ſeu veriùs cladem, vel ciues, vel ruſticani etiamnum cenſentur ampliùs centies milleni, qui ſe Catholicos proſteantur, quibus omnibus vius modò ſuperſtes erat Sacerdos, cùm eò noſtri venerunt: ſed, quod miſerationis lacrymas audientibus, multoq̃ue magis rem ipſam periclitantibus excutiat, Sacerdos tam omnis rei Chriſtianæ ignarus, ac ſtupidus, vt Sacerdotis meram umbram, laruamq̃ue iure cenſueris. Nam alter quidam vicino præſidens pago, ſic languidè omnia Eccleſiaſtici ritus munera, tam parū congruenter ſacris decretis, obibat, vt ab Hæretico non procul abeſſe videretur. Quod enim reliquum erat vnum ſolacium Chriſti gregibus, omni cætero animorum pabulo calamitoſè deſtitutis, vt certè Confeſſionis Sacramentum cum multa cura eis adminiſtraretur; non ſingulis ſeorſum ab ignauo Paſtore adhibebatur, ſed turmatim & promiſcùè, ad ipſius genua prouolutis, nullius audita noxa, nullo cuiuſquam fructu, maximo omnium damno, abſolutionis formula in confertam cæteruam pronunciabatur. Vtque nihil deeſſet ad afflictiſſimam gentem quouis genere infortuniij obruèdam, omnium flagitiorum fœda labe inquinatiſſimi, &, vt vno dicam verbo, ſcelere ipſo ſceleratiores, homines decem de plebe, quos incertum eſt, an inſita cum Dæmone pactio, an dirum Numinis odium, an inſita peccandi libido accenderat ad immanitatem teterrimi criminis, quo
huius

huius Innocentis populi salutem nefariè pessumdarent. Idiotæ omnes erant, eoque ad audendum proiectiores, nulla vel infimorum Ordinum umbra etiam initiati, qui non Sacerdotum ac Curionum modò, sed Antistitum pænè munere defungerentur in hac gente vniuersa, cogendis cætibus, concionibus habendis, administrandis Sacramentis omnibus, ipsoque ad eò altaris simulando per summum nefas Sacrificio: quos quidem adumbratos ritus Sacrorum, vt rudi populo imponerent splendidius, eumque facinorosius dementarent, vel superstitionum inusitatis umbris, vel veneficiorum prodigiis, quasi mysteriorum recondita varietate quadam distinguebant. Vitam eos multa impuritate inquinatissimam viuere populi magna pars nouerat, sed, quod religionis studium præferre videbantur, conducibilius sibi esse putabant minimè mali homines, vel his contaminatissimis Popis auctoribus, ac magistris, Sacrorum nonnullam sibi copiam fieri, quàm eis exauctoratis in perpetua rerum diuinarum orbitate ac solitudine cōsenescere. Atque vt plerumque est rudè vulgus felicitatis in re familiari asserendæ cupidissimum, & ad subeundas in hoc genere fraudes perquàm opportunum, subdititius ille Sacrificulorum manipulus, ardens auaritia, & ambitione clari nominis adipiscendi æstuans, idoneam ingenio ac studio suo materiam in stolidi gente nactus erat. Ex eorum nempe cuiuslibet adytis, velut ex Delij Apollinis cortina, prodibant de suo facto consulentium fortes, prosperorum euentorum nun-

ciæ, quas falsis persuasionibus infatuata plebs grandi pretio redimeret. Cuius autem infaustius fatum ex abditioribus oraculi responsis Vati obscurè indicatum fuerat, eius fati depellendi vna erat ratio, si sorte infausta damnatus positam in Diuini manibus felicitatem licitaretur magna fortunarum suarum parte, atque in Stygia membrana Tartareis apud Orcum verbis ac symbolis consignatam acciperet. Vt non deessent aliæ multæ, fœdæque religionis labes, in eo populo, ex diuturna scilicet Mahometanorum tyrannide, ac proiecta Hæreticorum licentia: nostris tamen ea visa in primis detergenda, quam tanto cæteris perniciosiorem, funesta simulatione pietatis, terræ illæ Sacrilegorum fraudes incautis animis, ac rudibus inuollerant. Ante omnia autem placuit tantæ in Christi cœtu ruinæ auctores appellare, ac eorum sensum periclitari de suo tam execrabili facinore: quorum altera pars admonitorum conspectum verita sustinere, cessit inde procul, sacrilegiisque operâ dare porro pergeret, nisi fraudem edocta plebs, eorum declinaret cōsortia, impiaque sacra. Parti alteri, quinque ij fuerunt, sanior insedit sententia, vt nostros sacrilegiorum dissuasores admitteret priuatim; publiceque, quod impiè admissum erat, exponentibus Patribus, vt tam perniciosum aboleretur facinus, ipsi auctores mali apud totam concionem suum scelus execrati sint, postulataque delicti venia, se ab eiusmodi sacrilegijs longè abfuturos deinceps sanctè adiurarint. Hoc monstro satis feliciter confecto; ex Ariana, Luthera-

theranæ, Caluinicæque pestis colluuiæ triceps Hydra excindēda relinquebatur nostris Patribus, si Catholicæ plebi ab cæteris præsiidiis destitutæ, vellent in posterum integritatem Fidei puram tutamque præstare; atque si per Turcicos Magistratus liceret, vt apud Petzfienfes ciues sibi, ac venturis eò deinde Patribus sedem constituerent. Lubentissimis autē Magistratibus Mahometanis degendi agendique cū indigenis Christianis aduenisque, facta est potestas; qua supra spem indulta, nihil procrastinandum rati, quod reliquum esse poterat ab instituendis Catholicis otij, ad exagitandos Hæreticos traducebant. Ariāismus toto illo tractu sua sponte nuper interibat, hominum damnatas eius stirpes propagantium penuria, cū exstitit nescio quis ex Orco capularis senex, qui Arianæ procurationis assumtis Infulis, nemine refragante, permultis nouitatis studio applaudentibus, tribunal, & tautum non Regiam Ario'iis finibus statueret. Congruenter autem eius perniciosi instituto cū res fluere in stolidissimo populo cœpissent, vt sui dogmatīs studiosos propagatores posteritati sufficeret, arcessitos nuper inde ab extremis Getis seu Transsiluanis quindenos adolescentes Arianos, sua cuique regione in amplissimæ gentis finibus attributa, ad Arianismi emortuas radices suscitandas, ac propaginibus disseminandas allegauit. Huius hominis consuetudine amicitiaque nuper vsus alter Patrum, ad eundem sibi putauit, ac pro veteris amicitia iure fiduciaque familiariter libereque admonendum,

vti se patetur fœdam hæresim dedoceri; ac eò maximè, quòd effeto iam viribus corpore, orboque luminibus, haud procul abesset vltima vitæ clausula, quam inire iis implexum erroribus funestum ipsi planè futurum esset. Sed eius animi cæcitatem haud paullò tenebricosiorem, quàm corporis deprehendit, ac in errorum caligine tuenda pertinaciam incredibili cæcitare maiorem: cuius durtiæ non modica ratio peti ex eo videbatur, quòd abdicando Arianismo, de sublimi dignitatis ac gloriæ fastigio exturbari se putaret, qui ab adepta Antistitis Ariani prærogatiua, suis auspiciis quadragenùm millium capitum Ario conflatum gregem videret. Quem igitur nullis rationibus, nulla humanitate ab nefario consilio demoueri animaduertunt, aduersùs eum, ipsiusque coniuratas partes iusto pioque duello grassari quouis loco, ac tempore, decernunt, & quidem tantò liberiùs, atque alacriùs, quòd ab Calvinianis, & Lutheranis erat maior quies, quibus scilicet in Petszieni ditione non licet sui ritus vsum, aut rituum curatores habere publicè, cum tamen Arianis, cæterisque nominis Græci Hæreticis, eius rei faciant potestatem Turcæ. Nostrorum porro industriam alacritatemque acuebat non mediocriter Turcarù in eos liberalis humanitas, quibus, in cætero quolibet, ac Fidei maximè negotio, non beneuolis tantùm, sed approbatoribus quoque vtebantur Patres: quin eosdem rei bene gerendæ adiutores experiri sæpe contigit, vbi disciplinæ Mahometanæ sua opera nihil repugnaret. Aggressis igitur nostris

nostris latissimè patentè apud Quinqueecclesien-
 fes curandorum animorum prouinciam, & mag-
 nis quidem animis, ac contentione virium, quan-
 tam res exigebat, audissimè omnis ipsorum labor
 à Catholicis exceptus est, vti quorum animus
 diuturnissima eiusmodi operarum siti æstua-
 ret, vt perbene multos dies incensæ eorum cupiditati
 non posset fieri satis. Concionum certè ipso etiam
 principio frequentia tanta fuit, eò confluentibus
 numerosissimis non modò Catholicorum agmini-
 bus, sed quorumlibet etiam sectariorum cateruis,
 vt ex eo concursu apud illum Arianum Antisti-
 tem, nuper suæ factionis auditoribus celebratis-
 simum, desertissima sequeretur solitudo. Atque
 tamen, vt est omnibus mortalibus nouarum re-
 rum noscendarum ingenita cupiditas, ille ardor
 nostras conciones frequentandi plus quiddā sto-
 lidæ curiositatis, quàm consilij, ac utilis studiij
 præferre potuit forsitan videri: constantia tamen
 audiendi, etiam post iteratâ Præsidum interdicta,
 facilè probauit, consentientis cum recta ratione
 doctrinæ initio captos æquitate soliditateque, lu-
 bentes postea concionanti adhæsisse, ac audire
 perseuerasse. Cæcus ille Ariani dogmatis præco,
 destitutum quidem se, vel à sui ritus auditoribus
 pænè omnibus, dolebat maximoperè; sed eum
 longè peius habebat maioris cuiusdam cladis for-
 mido, ne iidem qui suas conciones præ nostris
 negligerent, ab Arianismo quoque desciscerent;
 quare de suis satellitibus subornat fidissimos quos-
 que, vt eis exploratoribus, nostrarum concionum

argumentū & tractationē omnē articulatim percipiat, illo maximè animo, vt si quid secus dictum esset, quàm ratio publicæ trāquillitatis, & Turcica ferat disciplina, nostros confestim perduellionis reos ad Mahometanū deferret magistratū. Illi verò stomachū mouit acerbissimè peracris maximeque ardens nostri Sacerdotis in horrēdas & execrandas Arianorum, de Christo Domino sententias, pro cōcione inuectio, insectatiōque, quòd eorū cōcepta verba, impietatis immanitatisque in Christum Deum plenissima referebat, cum multa indignatione, ac eis acriter exagitandis indignationem ex summa rei atrocitate non mediocrem in audientium animis concitabat. Arianus Senatus, decrepiti Præfulis frequentibus querimoniis laccessitus, fustuarij & aliquot Talerorum multa suis sanxerat interdictum de Fidei capitibus cum quouam nostrorum conferendi; non tamen ab eis expresserat plagarum metu, quò minùs congregerentur nobiscum, & excusso ab se Ario ad Catholicos transfirent, vt erat cæteræ multitudinis Arianæ nostrum ad Concionatorem concursus mirabilis. Et certè illi vetulo, duodequingagesimum annum suos Petszienses Arianos nihil sapere docentī, cū, luminibus orbo, audientium se ratio non constaret, die quodam renunciatum est, vicena quina dumtaxat capita sibi verba publicè facienti adstitisse; quam sui, ac templi desertionem & tulit ægerrimè, & suarum partium imminentem ruinam interpretatus, vniuerso ad se aduocato Senatu, eius ordinis fidem auctoritatēque obtesta

obtestatus, misere occumbenti Arianismo eos suppetias per sanctissima quæque obsecrabat. Tam formidolosum suis partibus præsensque exitium vaticinante Antistite, discessit omnis Senatus in eam sententiam, ut ingentis fraudis in publicam rem haberetur reus, qui Iesuitam verba facientem ad populum ex ea die audiret, cuiusmodi noxam ea sequeretur poena, ut illius conscius Ariano cœtu exterminaretur. Sæuitia & Episcopi, & Magistratuū Arianorum in sui corporis membra, ædem nostram & conciones celebrantia, ingentis odij pridem in Patres cōcepti apertissimum argumentum fuit; cuius malevolentia hoc erat acerbitas & impotentia maior, quod diu iam collecto ad nocendum impetu, exeri tamen in nostros non poterat, Turcici Magistratus rector reuerentia. Clandestinis consiliis Arianorum principes rationem sæpe inierant, ut ab Mahometanis Præsidibus nostrorum discessus prece ac pretio exprimeretur; quæ ratio cum certò prospiceretur exitum non habitura, ex nota Mahometanorum procerum in Patres benevolentia, & eorundem in Catholicos ritus propensiore studio; interdum eò deliberationem conuerterat, malevolentia diro veneno suffusus, Antistes, & qui Arium cum eo colebant impensius, ut de tollendis medio Patribus funesta consilia caperent. Eius immanis decreti vis, ut ne in patricidarum sanguinarias manus erumperet, occultis quidem rationibus Deus, ut solet, prohibuit; eadem tamen Turcicorum Magistratum veneratio multum etiam ad impetum

tum reprimendum potuit ; quibus scilicet egregiè in nostros animatis , non poterat non esse anceps & periculosus parricidij euentus , & in reos cædis atrox animaduersio. Enimuero præter Bassam, qui Petsziensi regioni præerat cum imperio , & optimatum omniû , & iuri dicundo præfectorum, propensa in nos erant maximè studia; quorum studiorum vt se apertissimè prodebant illustres & quotidianæ significationes , ita nobis Arianorum diram constabant inuidiam ; sed aduersus eosdem nos tuebantur , quorum odia in nos concitabant. Illa certè cogitatio Arianorû animos vrebatur acerbis , cum sacra sua , & vniuersus suæ factionis ritus, Mahometanorum iudiciis frigebat maximo-pere ; nostra verò omnis ratio eis supra modum probabatur. Vbi autem in contentionem rerum gestarum veniretur , Arianis, qui Christum in primis exhorrent, nulla vis in Dæmones, & morbos ex Iesu implorato nomine suppetebat : Iesuitarum contrà numerosæ , ac prodigiis claræ commemorabantur sanationes , quarum conscij atque participes ipsi Mahometani citabātur. Et reuerà ægrorū longa series cēsebatur, quibus, aqua, oleo, cera, Ecclesiæ ritu consecratis , aut idonea tantum pre-catione adhibenda, nostri restituerant valetudinē : neque exiguus Energumenorum designabatur numerus, quos diuturna, sæuāque Cacodæmonis vexatione iidē Patres per Exorcismos vindicassent. Quarum rerum iucunda recordatione apud Turcas stabat egregiè nostrorum auctoritas & gratia, Hæreticorum contrà iacebat existimatio , quos nullius

nullius rei gestæ splendor aut dignitas in vulgus commendaret. Pugnare interdum pro Hæreticis, quasi pro sociis ac fœderatis, Dæmon videbatur, cum in eos sæuiret iracundiùs, quorum opera essent ad nos adducti Hæretici, eiusdem seruitute liberandi; vti reuerà, & atrociter sæuiit in Catholicam matronam, cùm eo animo Arianum adolescentem ad nos perduxisset, cuius dominatu exactus, mox insiluit in piam feminam, vt impetu eam opprimeret, nisi à nostro vetaretur. Societatem sibi cum Hæreticis intercedere, quòd Dæmon nullis non argumentis indicat, ac testimoniis probat, ægerrimè omnino illi ferunt, nec faciliè hanc iniuriam concoquunt, id tamen ab eo probri frequentissimè illis in os ingeritur, cum dolore dissimulantibus; quibus etiam & illa contumelia cadit ab eodem acerbissima, quòd Exorcismorum vim stringentibus nostris in Hæreticos ab Dæmone infessòs, is non patitur se de statione, tamquam de sui iuris fundo, demoueri, quamdiu ab hæresi non descuerunt: qua eiurata, faciliè abigatur. Catholicorum quidem animos ad omne genus pietatis egregiè comparauerat Patrum assidua, & strenua opera; Hæreticorum verò ferocitatem cum nostræ æquitas causæ, tum Patrum apud Mahometanos gratia, compresserat, vt si perseveraret, qui tum erat, rei Catholica status, res Persziensium eo loco essent, vt eos suæ conditionis, nos operæ nostræ neutiquam pœniteret. Hanc felicitatem florentium rerum turbauit grauius, ac tantum non euerit nostræ concio-

nis

nis argumentū quoddam, sua sponte laudandum, & impugnandis huius sæculi Hæreticis consentaneum: sed pro loci, temporis, ac personarum ratione nec vtile, nec necessarium apud Quinqueeclesienses. Kalendarium vetus, repudiato Gregoriano, præfractè retinent Ariani, ac cætera sæx Hæreticorum, vt in hoc etiam capite dissentiant à Romano Pontifice; cuius moris cū incurrisset mentio inter concionandum, noster ostendebat, quàm decentius æquiūque fuerat, vti manipulus hominū, tametsi ab Ecclesiæ decretis dissidentium, in Kalendarij Catholici communionem veniret, cuius in rationem vniuersus orbis Christianus summa voluntate consensisset, ob eas utilitates, quæ inde proficisceretur. Cuius consensionis eos si pœniteret tantoperè, iniuria ipsos facturos, si non paterentur, Petzientibus Catholicis eam esse libertatem Gregoriani Kalendarij nunc demum adsciscendi, quam eis mater Ecclesia, & æquitas ipsa esse voluisset. Hanc causam pertractanti Concionatori, seu non venit in mentē negotium quodvis publicum priuatūque à Tureis administrari ex veteris Kalendarij ratione: seu id argumentum paullo vehementiùs agitauit, insuperque Festum diem aliquem ex formula Gregoriana indixit Catholicis obseruandum; ea certè concione non apud Hæreticos omnes tantū, sed apud Mahometanum quoque populum Magistratumque grauiter offendit; quam offensionē vt impensius accenderent, Ariani omnia lapidem mouerunt. Quòd sublato Petziz dantaxat veteris Kalendarij vsu, &
forensis

forensis & nundinaria omnis conuellebatur ratio, in Europæo Asiaticoque Mahometanorum imperio; vt iam nullus dierum consensus intercederet Petfsiensibus Catholicis, non modò cum peregrinis in quouis alio foro, seu emporio rem gerentibus; sed ne cum ipsis quidem suis ciuibus, vetus Kalendarium retinētibus. Ea Concionatoris denunciatio non Hæreticis solis, Pontificij decreti aduersariis infestissimis, sed indigenis aduenisque mercatoribus, adeoquē ipsis omnibus Turcis bilem acriter cōcitarat. Tamen si enim ad illum diem opinione integritatis, religionisque plurimum valueramus apud Mahometanos principes, populūque, aliæque causæ non leues interuenissent, cur nobis bene cuperent; tamen quòd arrepta ex hoc casu ansa, Vngaricæ nobilitatis nos esse satellites & emissarios Ariani iactabant, ad Turcicum imperium subornandis concitandisque ad rebellionem populis Petfsium destinatos: quam calumniam mercatores inuidia commoti Kalendarij adiuuabant; facilè fiebat, vt Turcis veniremus in proditorum suspicionem, & eorum à nobis abalienarentur voluntates. Concitatis vehementiùs hac procella suspicionum animis, multorum ferebatur sententia, geminorum Sacerdotum supplicio conciliandas esse omnium popularium mētes, tranquillitatemque prouinciæ deinceps asserendā. Aestimanti rem ex gentis ingenio, & loci conditionibus, procliuius sit mēte complecti, quàm mihi stylo exsequi, quantum moræ Christianis rebus, quantum molestiarum, ex ea diuini cultus mora nostris

nostris Patribus pepererit huiusmodi turbatio. Refrixisse magnopere Turcarum aduersum nos studia ob iniectam minus opportunè Kalendarij mentionem, cum aliis argumentis, nostri deprehenderunt, tum ex subtracta sibi quotidianorum cibariorum annona, quam Patribus quotidie ostiatim cogentibus stipem illi olim subministrabant largiter, nunc pauci, & valdè modicam imperiunt. Impacta quoque nobis est alia non levis calamitas, & alieno maximè tempore, cum per eodẽ ferè dies Bassa Perszienfis iurisdictionis, cuius in nos studio res nostra fouebatur egregiè, vita functus est, eiusque loco suffectus is, qui & ingenio suo, & aduersariorum occupatus calumniis delationibus, nobis esset infestior. Apud hunc, expositulantibus maximè Arianis, cæterisque Kalendarij nomine irritatis, causam dicere iussus est noster Concionator, raptus in iudicium ab eiusdem Bassæ apparitore, omnium opinione ac sententiis prius damnatus capitis, quàm Quæstori sisteretur; Deo tamen insitam hominis sæuitiam demulcente, inflexit se Iudicis sua sponte animus in mitiorem sententiam, & pro cruce ac palo, exsilium Patri edixit. Pater condonatam sibi ab eo vitam, agendis summissò animo gratiis, ingentis beneficij loco se habere ostendit, ac modeste percontatus quàm ad diem, profectioni adorandæ, sibi liceret, eius bona venia, in vrbe agere, hominis duritiam mitigauit adeò, vt ad suos conuersus diceret; arbitrari se illum vetulum, cuius dubia sibi probitas non esset, angi animo necessitate

cessitate sui discessus. Aderat tum in Bassæ consilio Gabriel Berthhem, qui Transsilvaniæ Tetrarcham agit, vir à Catholico ritu nuper alienus; is nullius inuitatu, causæ tantùm æquitate ductus, Patrem damnatū suo patrocinio studiosè sibi tegendum sumsit, & quâ rationibus, quâ precibus Bassam ab exsiliij sententia deduxit; cuius rogatu, adstipulantibus quoque omnibus Catholicis, suæque capita, & liberorum ac coniugum, pro Patris incolumitate addicentibus, nostro proscriptionis pœna est remissa. Tantillum Patres ab formidoloso turbine immanis tempestatis respirauerant, cum aliunde suborta turbulentissima infamium suspicionum procella nutantes res nostras panè funditus afflixit, allatis Roma scilicet Patris Ferdinandi Alberi epistolis ad alterum è Patribus, quibus ex litteris coniurationis clandestinæ coniectura petebatur. Suspectissimum omne genus litterarum peregrinarum habent Turcæ, quibus ab recenti nostro casu, & aduersariorum multiplici accusatione, omnis nostrares fiebat suspiciosior; & graue pondus coniecturis accedebat ex Ferdinandi nomine; quasi Ferdinandus Austrius hortator esset alicuius in Mahometanos conspirationis, nos eius artifices & administri essemus. Huius fraudis probabile indicium petebatur ex minuta clauis argentea, epistolæ immissa, quam arcis cuiuspiam prodendæ argumentum interpretarentur. Arianæ Scholæ magister apud Skenderum Bassam versabatur, cum resignatis epistolis è fasciculo emerferunt & clauis, & sacri agni cereæ plagula, quem

magistrū vt est percōtatus Bassa de cereis pastillis, & clauī, respōdit is, videri sibi ea comparata morbis, & dæmonib. ex malè affectorū corpore depellendis. Quæ respōsio Ariani hominis nō mediocriter minuit Turcarū suspensiones, Basāque mitigauit; cuius missus ille idem Arianus alterū ex Patribus cū adduxisset, illeque modestè ac cādiddè, quod erat, indicasset, factum sibi satis Bassa iudicauit, & retenta clauī, cætera omnia reddidit. Sub idem tempus, Hæreticis calumniæ architectis, litterarum ac nunciorum significatione apud externos nostro Cōcionatori crimen adulterij est inustum, cuius flagitij compertus, ideoque in carcerem actus, & pecuniaria multa damnatus, ferebatur. Sed huius contumeliæ iniuriæque ipsos & Turcas & Arianos habuimus officiosos vindices, quorum, ac maximè Iudicis luculento testimonio, nostra publicè asserta est innocentia. Catholici præterea veriti ne infamia, maleuolorum dissipata nunciis, longiùs in Vngariam serperet, datis ad Cardinalem Forgatschium, & cæteros Vngariæ Dynastas, in eam rem accuratè perscriptis litteris, fraudis aperuerunt auctores, nostrosque omni suspitione absoluerunt. Satis diuturna, grauisque vexatio nos in hunc diem tenuisse poterat humano iudicio videri, nisi aliud esset plerumque à nostro Numinis arbitrium, quo decernente Bassa ille, quem infestiorē nobis rati eramus, iniuncta sibi legatione procul in Transsiluaniam, vrbanæ præfecturæ vicarium reliquisset in nos longè sãuiorem. Is ad gubernacula vix manus admouerat, cū pu-

blici

blici status perturbati redintegrata criminatione, ad exilij pœnam iteratò apud eum postulamur; tantaque fuit aduersariorum postulantium violētia, vt mox in concionatorem proscriptionis decretum extorquerent; quorum impotenti libidini ac furori Vicarius Bassæ, vt cumulatiùs gratificaretur, intentatis Patri acerbiorum plagarum grauius minis, ni pareret, edixit vti eo ipso die vrbe excederet; quod facere cogebatur, nisi forensis Prætor auctoritate sua interposita, tridui modicas inducias impetrasset. Intereà ciues Catholici eiulatu urbem complere; flebiliter cum nostris queri; lamentari, & rogare, cur in articulo ipso Christianæ rei apud ipsos constituendæ, omnis præsidij expertes ab nostris deserantur; suppliciter obsecrare, vti Patres de suo iure in causa Kalendarij Romani nonnihil in præsentia remittant, qua remissione, lenitis aduersariis, calumniarum in eos sit futurus finis, & Catholica res suum cursum sine offensione habitura. Huic iustissimo optimorum ciuium dolori Patres indulgendum rati, recipiunt eis de Kalendario se condonaturos tantisper, dum ab Vrbe responsum afferatur. Ab Patrum sponse ciues exsultantes gaudio, vt eo exsoluti nodo, qui suum negotium distineret, re-ctà, erectoque animo, ac spei pleno, adeunt ad Bassæ Vicarium, ab eo tricenis quinisque Taleris paciscuntur nostris Patribus exilij condonationem; quod pretium suæ libertatis cum non paterentur Patres dependi pecunia ciuium, sed diuendita sua supellectile, ipsi de suo numerarent; tùm verò no-

strorum in se inusitata caritate Petrszienses attoniti, felices se iis Christianæ vitæ doctoribus prædicabant. In iis porro durioris vitæ incommodis, laborumque grauitate ac multitudine propè infinita Patrum alter, Concionatoris socius, grauiore cœpit tentari valetudine, quàm vt eius breuis exitus, & idonea curatio in omnium rerum inopia sperari posset. Capit igitur vterque ab imminente perniciæ consilium, vt æger quâ expeditius iter pateret, euadere tentaret in proximum quodque Societatis domicilium. Et habuerunt etiam aduersarij, quod criminarentur in ægroti hominis laboriosissima profectione; quasi, nostro periculo, acuti homines certarent, ambitione ostentandæ solertia, incomminiscendis criminationibus, nostroque nomini adscribendis. Quod enim fraudis vterque Quinqueecclesiis, in rem Mahometanâ animo struxisse insimularetur, illud eorum alterum cum simul coniuratis Vngaris, tota regione circumfusus, in via communicaturum, & auxilia concepri sceleris patrandi petiturum, ex ingenio suo mentiebantur. Nimirum mallent Hæretici vtrumque excessisse, ac in terras quidem vltimas, quàm ab reside altero Catholicum ritum Quinqueecclesiis promoueri, & ingentibus in dies incrementis propagari. Quem certè animi plenum, & illustribus operis clarum, non amplæ modò ciuitatis fines, sed agrestis quoque plebis immensitatem suo studio & industria complexum cum viderent, ne latius emanante ipsius opera, tantumdem suæ cupiditati speique detractum postea dolerent, prohibendum

bendum penitus urbis egressu sibi esse decernunt. Bassæ igitur absentis nomine Præfectum prouinciæ fallis in Patrem accusationibus occupant; esse nempe diligenter prouidendum, ne Iesuita, peritus utique rerum Turcicarum, atque in eorum gentem & ritum pessimè animatus, sermonem miscet cum vicina gente Vngarica, cuius auxiliariis copiis ei facile sit, Turcicarum arcium aliquam, præfidiario milite oppresso, inuadere, viamque maiori calamitati aperire. Haud difficile fuit barbarum, præcipitem, stolidum, atque flagrantis auaritiæ hominem, proposita spe alicuius prædæ illò adducere, quò nostri aduersarij cuperent; ex temporali ergo interdicto vetat nostrum pomærio excedere, ratus fortè hanc seruitutem ab eo pecunia redemptum iri, qua ductus cupiditate frequenter in eum præcipitata & iniqua iudicia pronūciarat. Aequi porro specie quamdam suis prætentâ criminationibus calūniatores videbātur interpretari, quòd frequentes Mahometani totis campis per eos dies trucidabantur ab agresti Vngatorum turba, ut publici tumultus funesta quædam initia in Petstzienti territorio metuerentur, cuius exempla deinde, mali contagione quadam, in finitimas regiones emanarent. Ex eo itaque speciosior ansa oblata est Bassæ Vicario in Patrem, suo ex ingenio, sæuicendi, ad pecuniæ prædam exprimendam, cum is per absentiam eiusdem Vicarij, legitimo comite ab urbano Magistratu accepto, procurandorum funerum gratia in agrum exisset; cuius profectionis, ut Edicti violati, reus ab æmulis factus, ex ipsa

concione tractus est in carcerem, ibi cum cane pernoctaturus, nisi Catholicorū ardentissimæ preces, datis vadibus, & vicienū quinū Talerorū collato pretio, eum è vinculis exemissent. Grauitèr antea in vulgus offenderat illius publici prædonis fœda, crudelisque rapacitas, toties in Patris inopiam debacchata; sed ab illo proximæ prædæ immuni flagitio, inuidia tanta sordes ipsius flagrare cœperunt, vt conuiciis in eius auaritiā publicè iactandis ciues non abstinèrent. Propolarum certè in mediis foris & compitis passim audiebantur dictèria in prætereuntes eius satellites, quos procaciter percontabantur, numquid essent licitaturi manubiaria illa pecunia, quam de senis illius Sacerdotis summa penuria tam frequentibus compilationibus expressissent. Velut iniecto in auidi canis hiantem gulā osse non opimo, ad sedandā eius præsentem iugluuiem, pasta pertenui vigintiquinque Talerorum quæstiulo argentaria duri latronis fames, tantisper acquieuit, dum vberioris faciendi compendij alicunde se ostenderet ratio; quā breui non tam casus aliquis obtulit, quam illa nummaria hirudo nusquam oblatam arripuit, aut potius excogitauit. Quinqueecclensi Episcopo vectigales olim trecenti ac sexaginta pagi, Mahometanorum permissu, etiamnum veteres pensiones Antistiti suo numerant; quarum exigendarum ius locauerat Episcopus Dynastæ Vngaro; cuius litteræ, adiuncta pagorum vectigalium descriptione, ad Skenderum Bassam destinatæ, vt eius auctoritate pensiones cogerentur, Bassa in Transiluaniam

siluaniam profecto, in illius prædonis manus deuenere. Iis lectis litteris, tot pagorum recensione offensus, bruti homo & truculenti ingenij, ac præcipitis iudicij; eius autem moris, qui annorum quinquagenum perpetuo usu firmatus esset, aut ignarus, aut dissimulator malignus; quasi ea pagani populi commemoratio iurisdictionem dignitatemque Turcicam minueret, nostrum Sacerdotem eius descriptionis mox suspectum habuit, & in eum furenter exscanduit. In Patrem igitur repentino decreto poenam capitis edicit, nisi locupletes sibi vades sistat, qui sponcione se obstringant, nullam eius fraudem in ea paganicæ gentis censione interuenisse. Huius rei noxam ab se depellere, ut facillime poterat, cum Pater tentasset, non est auditus, sed ingeminatas compedum & ferri comminationes tulit, nisi mox sponsores adessent. Hominis barbara crudelitas Christianos deterrebant, & acriter dehortabantur Ariani, ne sua fide nostro salua omnia iuberent; qua in suorum destitutione noster cum anxius laboraret; ecce tibi Turcarum globus, de Canisienti præsidio, qui Patrem, pro veteri familiaritate & beneuolentia peramanter complexi, vna voce alacriter omnes profitentur, suo se, ac vniuersi Canisientis Præsidij nomine, fortunas, capitaque sua pro salute ac dignitate Patris, in hac causa, & cætera qualibet, eius meritorum gratia, perlibenter obligare. Ad hanc tam liberalem, beneuolamque Mahometani manipuli professionem, Catholicis, qui grauiter obtorpuerant, rediere animi, moxque processere ob-

sides aliquot, quorum vadimonium ea lege admis-
sum est, vt, quaternis illico promptis Taleris, ea
gratia redimeretur; quam rapinam ea totis com-
pitis consecuta sunt in prædatorium Prætozem
elogia, quæ in eius sordes maximè conuenirent;
Patris intereà innocentiam, voluntariamque ino-
piam omnibus digna laudatione ac commiseratio-
ne prosequentibus. Sed non defuit tamen ex ea
corona Mahometanus, qui Patris merita stude-
ret assentando exaggerare, ab adscripto ipsi studio
quodam singulari Turcici dogmatis; simulque sui
ritus nobilitatem asserere ab Patris honorifica de
ipso sententia; quam sententiam suam, vt omni-
bus coram Pater apertiùs profiteretur, ille assen-
tator hortari videbatur ex eo, quòd in Mahome-
tismo putaret existere certissimas ad æternam sa-
lutem rationes; quarum Pater adhuc incertus, in
multa senectute, ac grauibus ærumnis, orbe toto
anxiùs vagaretur. Alius Turca, longè iniquiore in
nostrum animo, vt ei summa fraude certam per-
niciem crearet, clam eum aggressus, ad conferen-
dam de Mahometismo capitalem disputationem
pellicere conatus est, cum velut arrepta ansa ex so-
litudinis commodo, diceret; Nemo nos audiet,
effare modo liberè, quæ sentis de nostræ legis ca-
pitibus. Hanc veteratoriam, importunamque ne-
farij proditoris sollicitationem breui sollertique
responso elusit Pater; vt cum eum suis ipsius cap-
tum vinctumque artibus, sine offensione tamen,
ab se dimisisset, ille deinde profiteretur, se incidisse
in neminem hominem, cuius in agendo loquen-
doque

doque sapientior esset, quàm illius vetuli Sacerdotis cautio. Expeditiones instituerant nostri ad finitima, summotaque loca, fructu non modico; vbi paucis diebus centenos homines ex variis erroribus in Catholicum agmen redegerunt. Coloca, nobile olim oppidum, Archiepiscopi sedes fuit, quod bellorum iniuria iam rediit ad quadragena non amplius domicilia, quibus in oppidi ruinis sunt Catholicorum quædam pastore destituta: reliquæ, ac veteres thermæ. Illò igitur venit noster Sacerdos per causam valetudinis vsu balneorum instaurandæ; sed maiore studio Catholici nominis affirmandi, vbi res ei cessit ex sententia. Vulgato enim per Catholicorum ædes de aduëtu Vngari Sacerdotis nuncio, cuius opera fierent postero die sacrorum participes, si vellent adesse; oppidani frequentes accurrunt; & Patrem vrgent, vt publicè in templo sacris operari ne grauetur; quibus ille huius rei periculum grauius excusat; hortatur tamen, vt Diuinorum in eadem copiam fieri sibi ab Calviniano Iudice postulent. Mox ad ipsum eo nomine adit Catholicorum, quæ tum aderat, manus: quorum ille postulatis est adeò irritatus, vt si pergerent eius facultatis mentionem facere oppidani, eis dirissima quæque minitaretur. Ea repulsæ acerbitate vehementiùs accensi Catholici ad suæ possessionis ius persequendum, quoddam per eos dies acciderat commodè, vt vterque adesset cum Prouinciæ Prætor Mahometanus, tum Iudex primarius, ad eorum æquitatem prouocant; & quando suorum sacrorum exercitatio nihil officiat Ma-

homerano Imperio , vti sibi, pridem imparatis ab omni Sacrorum & Sacerdotis ope , eius hominis opera , quem Deus afflictis insperatò summiserit, vti magno suo bono liceat, vehemèter obsecrât. Se illius esse ritus, qui sit omniũ orbe toto antiquissimus, ac religiosissimus, cuius nomine sint extructę omnes ædes sacrę, quę appellatione Christiana censeãtur; quamobré æquũ non esse, in Mahomerano Imperio, deteriore ipsi conditione sint, quàm Caluiniani , nouæ sectæ homines , quorum ipso loco, quo de ageretur , sui moris & dogmatis tolerarentur nescio quæ profana mysteria. Magistratus vterque Turcicus, cùm capita contulisset, animaduerrit Catholicos æqua censuisse , atque postulasse: quamobrem Colocensis oppidi Caluinianum Iudicem, qui sua petitione tam præcisè Catholicos exclusisset , ad se illico accitum Prouinciæ summus Iudex in hæc verba increpuit : Quid est , homo temerarie, ac partium tuarum malè cõsulte ; quamobrem istis antiquæ Fidei oppidanis vsu suorum sacrorum interdicas , acerbisque insuper intentes minas , cum fugere te non possit; toto Mahomerano Imperio , adeoque in ipsa Imperij vrbe principe Byzantio, Romani ritus Christianis fuisse olim, esseque in præsentia Diuinarum rerum liberam potestatem? Deprehensum in manifesta iniquitate ac iniuria vt se vidit Caluini afsecta , conatus est docere , non damni afferendi cupiditate, sed tuendæ sectæ studio se prouectum paullo ardentius, cuius studij testes, esse vellet suas lacrymas, expressas, vt intelligi optaret, ex pio
sensu

sensu, ac mera caritate, sui dogmatis. Eum sœtū
vbi Recuperator Mahometanus & consilium totū
ludibrio exceperat, Calvinianū Iudicem permo-
lesta interrogatione ita laceffunt; Vestrane an isto-
rum, qui ædem suam vindicāt, Fides est antiquior?
tum, vtræ autem partes, illorum an vestræ, hanc
controuersam ædem fabricarunt? Illorum quidem
maiores, inquit Caluini discipulus, templum id
ædificarunt; quid inde tamen sibi sumunt? nos ab
illis pridem fabricatum, aliquot annorum posses-
sione postea vsurpauimus, & iam possidemus.
Tum Recuperator, vel vestra ipsorum confessio-
ne; rem alienam mala fide occupatis, vestro ipsi
testimonio, ac iudicio repetūdatur, plagique vos
ipso damnatis; Colocensis ergo Catholici popu-
li ea ædes propria esto, ex Mahometani Iuris for-
mula, Imperiique moribus; sin vno laterculo
eam meliorem fecistis, quod vestrum fuerit, inde
id eximite: sed ædem integram Colocensibus ex-
templo reddite. Quid apud me diuturnitatem pos-
sessionis nescio quam, vestræ prætextis iniuriæ,
ac violētia? Quasi ego nesciam, quibus cuniculis,
quàmque recenti fraude, irrepseritis in hanc pla-
gam, qui Szolnaki per id tempus iuri dicundo præ-
essem; vt mihi perfacile sit ex ephemeridibus meis
vel ipsum designare diem, qui princeps vobis fuit
ad Catholicorū templa inuadenda, & per iniuriam
vindican̄da. Ex interuallo igitur reperant Catholi-
ci Colocenses, quod ius fasque ipsorum esse de-
cernit, isque Sacerdos, cuius nunc vsura se offert,
Catholici moris in eo templo munera obeat tan-
tis per

tisper, dum ego cum Vizire agam, cuius auctori-
rate Quinquecclesiis huc ille allegetur, cuius sint
deinceps perpetuæ omnium sacrorum functiones.
Caluinici ergo sacrilegij curatoribus & sectariis
Colocensi templo exactis, Catholici suis illud sa-
cris denuo inaugurarunt, nosterque Sacerdos rem
Diuinam fecit, & ad concionem Christianis Tur-
cisque mistam dixit publicè, cuius oratio & Emin-
gio, eius prouinciæ Dynastæ, & Mahometanæ
militiæ primoribus Tribunis accidit iucundissima.
Inde verò cum Mahometani proceres excessissent,
proximo die Dominico ab Caluiniano conuenti-
culo turbarum exstitit plurimum in Catholicos,
& aduersum nos comminationum; sed petulantiæ
suæ haud ita multò post grauior eos cepit pœni-
tudo, cum certis nunciis audissent Turcas, & Ras-
cianos Catholicis præsidio repentè adfuturos, si
quid ab Caluiniano aduersario increpuisset, vt Ca-
tholico nomini omnia deinceps libera & tranquil-
la fracti Hugonorti esse sinerent. Per hanc quie-
tem, Colocensibus sedula nauata est opera, omni-
bus Christiani moris exsequendis officiis, studio-
sè adlaborante omni eius oræ populo, vt suas
præteritas iacturas opportunitate Sacerdotis, cu-
ius ope breui essent carituri, sarcirent cumulatius.
Enimuerò Pater in Austriam, Prouinciā suā, à
Præsidibus reuocabatur, qui nuncius, vt ad aures
Catholicorum allatus est, non sit procliuē scribē-
do exsequi, quam multis, quā lugubribus la-
mentis suum nostri desiderium, futuramque suā
orbitatem prosequerentur, quibus Patrem non
dedu-

deduci à sententia profectionis cùm intelligerent, ausi sunt Turcicæ gentis principes viros interponere, vt eorum potentia Pater, nisi lubens maneret, coactus distineretur. Sed grauidenunciatione adhibita significauit certum sibi omnino esse decedere, quando id Præsides sui decernerent, quorum voluntas, ex Societatis Instituto, sibi esset instar Diuini oraculi; cæterùm haud dubiis argumentis adduci se vt crederet, ipsos Diuinæ Prouidentiaæ cordi futuros, qui se ac socium aduenientes, tamquam cælo ad se missos Angelos honorificentissimè acceperint, suorumque capitum periculo aduersus ingruentes calamitates essent religiosissimè tutati; ac in pietate huiusmodi processus habuissent, quos nefas sibi esset putare, apud Deum eo loci poni, vt sufficere nollet curatores, qui eos fouerent. Eiusmodi Patris ad mœrentem populum sermone, turbatis grauitè animis est reddita tranquillitas, indeque sunt conuersa Catholicorum studia ad Mahometanos Magistratus demerendos, vt bona ipsorum venia Patribus liber esset in posterum reditus; quod vbi erat impetratùm, noster cum pace dimissus est, incredibili Hæreticorum omnium lætitia, qui se Patris decessu leuatos ingenti calamitate censerent. Exinde ad Cardinalem Forgatschium, cæterosque Vngaricos Satrapas, datæ sunt populi Quinqueecclesiensis nomine litteræ, quorum auctoritate ac gratia, vt idem ille Sacerdos, qui nunc abibat, adiunctis sociis tribus aut quattuor, à Præsidibus nostris sibi denuò impetraretur, impense supplicabant; cuius mul-

multiplices, ac præstantissimæ virtutum dotes cõmemorabantur, quarum nomine gratiosissimus esset apud Mahometanos proceres. Igitur non alia lege missionem à principe Bassa obtinuisse, quàm vt reuerteretur; quam legem ipsa in commenceus formula, iussu Bassæ, disertè adscriptam fuisse, factosque Petrszienses ciues eius conditionis ad Bassam obsides. Diuinæ porro beneficentiæ summum illud erga se donum fuisse, vt Patres Societatis, quorū strenuissima opera esse nulla poterat afflictissimis suis, iam quinquagesimum annum, rebus congruentior, nulla nec magis, nec etiam equè salutaris, quòd simul populo Petrsziensi tam cari ac fructuosi, simul apud Mahometanos ipsos, sub quorum grauissimo dominatu seruitutem ipsi seruirent, ab opinione ac experientia summæ probitatis & modestiæ, tam gratiosi accidissent. Quo duplici tam fausto euentu audere se sperare in centenū millium capitum populo suo, qui iam nullos haberet Sacerdotes, rei Christianæ paucis annis statum florentissimum, si Patrum Societatis quaternæ quinæve operæ, iis similes, quarum proximis laboribus culti essent, ad se delegarentur. Rogare autem maximopere, vt iidem ipsi Patres, quorum salutaribus institutionibus meliores euassissent, quod commodò ipsorum, ac Præsidium bona venia fieret, ad eorum cupidissimos homines, cum aliquot aliis Sacerdotibus, iteratò mitterentur. Atque hæc quidem de Missione Quinquecclesiensi, quam inierant nostri anno huius sæculi duodecimo, Septembri exeunte, prouexerunt-

runtque ad medium Martium anni decimi quarti.

I A V R I N I, seu Iauarini, quæ eadem est Alba Græca, & Belgradum, nostri Patres suas operas ciuibus præstant fructuosas. Inferioris, seu Australis Vngariæ vrbs est, positu manuque munitissima, in ipsis Sauis Danubiique mediis confluentibus, ab Mahumetis, Turcarum Principis, qui Constantinopolim vi æperat, fuso fugatoque Coruini auspiciis immani exercitu, quondam celebratissima. Quadraginta dumtaxat eo in oppido numerantur Christianorum capita, quibus, siue ab ingenio loci est insita durities, siue Mahometanum, Hæreticumque iis inussit commercium, culturæ sunt perquam difficilis, vt satis multò tempore nostri pretium operæ haud amplum se tulisse putent, quindenis modò ciuibus reuocatis ab hæresi. Spes tamen se ostendit inferendæ per assiduos labores maioris mansuetudinis in eorum animos, ac vberioris postea frugis colligendæ. Iaurino Mohrztium traiecimus; quo ex oppido Sacrificium altaris octogenos fermè annos exsulauerat, vbi tanto ex interuallo nos, gaudio ciuitatis incredibili, quod faustæ acclamationes vberibus mistæ lacrymis testarentur, primùm publicè litauimus. Gabriel Bethlem, qui nunc pro Transsiluanix Dynasta gerit, de quo proximè diximus, nuper nostrum Sacerdotem Iaurino accersebat, quo ad Catholicos Transsiluanos iuuandos vteretur, Sed nō visum est de illa statione, licèt minùs adhuc fructibus læta, decedere, vt quæ sit summi momenti futura, vbi eam Deus largiore suæ benignitatis pluuiæ imbuerit.

MONIO

MONIOROKEREKIVM, Sattapia est in Vngariæ finibus versùs Austriã, satis ampla, quam Thomas Erdeadiësis Comes, Dalmatiæ, Croatiæ, ac Sclauoniæ Prorex, quinquagenariæ litis iudicio tandem ex Hæreticorum manibus extorsit, in eamque, recepto gentis iure, Catholicum ritum, exactis septem Prædicantibus, mox inuexit, opera duorum de nostris, quorum princeps industria versata est per pagos tricenos octonos, quaterna oppida, & quinque castella, templis, arisque instaurandis; qua quinque mensium excursione ducenteni homines ex Calvinismo & Lutherismo recepti sunt. Frequentioribus locis gemina est concio, Germanorum prior, posterior Vngarorum, vtraque amplissima, quarum hæc illius exitum sub dio præstolatur audissimè, huius autem & illius vniuersæ audiuntur crebræ acclamationes, legitimam esse doctrinam, quæ ab nostro traditur Concionatore: optimæ item plebis vberes interdum sentiuntur lacrymæ ac gemitus, quæ doleat se à Prædicantibus in negotio Fidei tamdiu & tam turpiter delusam. Matrona nobilis Hæreticè vixerat, cui ex improuisis vulneribus, per viam inflictis, moribundæ in mentem venit, vt Confessarium postularet, ex eoque postulato inter cognatos venit in dubium Lutheranone an Catholico more humaretur; cuius cōtrouersæ id arbitrium fuit, vt Lutherani ad Cœmeterij Catholici terminos efferrent cadauer, non vltra progressi, vbi à Catholicis sumtum in ædem induceretur. Sed Lutherani rati sunt minùs fortiter se facere, si non
in ædis

non in ædis quoque intima irrumperent ; Prædicans verò nisi ostentandæ suæ alacritatis ac eruditionis in Catholicum suggestum illico inuolaret; quem parantem ad adstantes proloqui, noster Sacerdos e medio populo elata voce admonuit, ne facinus tentaret, cuius eum caperet sera pœnitudo; qua voce perculsus, & increpitus à suis, citius exscendit, quàm adscenderat. Vidua ætatis ac formæ dignitate præstans in tenuitate fortunæ virtutem egregiè colebat, cuius cubantis in torum nobili familia vir cum ex insidiis arrepsisset, omni genere blanditiarum, munerum, ac violentiæ denique castum pectus ad stuprum sollicitare frustra conatus, amore deinde in odium verso, multis plagis ferro incussis, eam seminecem reliquit. Virili animo conseruatæ castitatis ei mulieri iustum præmium Deus esse voluit, ab religiosè obita Confessione, non modò certam contra peritorum iudicium, sed subitariam propè sanitatem, vt hac eximia fortitudine virtutum opibus nobilem animum pergeret exaggerare.

GRÆCIENSI familiæ alter annus duos Sacerdotes abstulit, septem & viginti egregiæ frugis adolescētes Societati adiunxit, quorum septem ex Cōuictorum familia, duodecim ex Ferdinando Seminario exstitere. Pater Ioānes Hermanus quatuor annos ultra septuagenarium vixerat, in Societatis palæstra quinquagenarius, ab instituto Græciensi Collegio, ei semper domesticus, litterarum Græcarum laude celebris, cū magistrum ageret, neque minoris præconij concionator: quo

ex munere, fractis iam ætate, ac magnitudine laborū viribus, in laudabili, ac fructuosissimo Confessoriorum pulvere consenuit, ac æternitatis palmam inuenit. Pater Daud Lang, Coadiutor Formatus duodequingagesimo vitæ anno multorum laborum in Cōnuictorum Collegio, & ratione nostra domestica procuranda, egregiæ pietatis, & candoris in omni re agenda incredibilis, cæterarumque virtutum præmia, regio extinctus morbo, est assecutus; maturus scilicet ad felicitatem, cum ætate adhuc, & viribus floreret. Ne quis temerè intercessum ab se deinceps vellet, quò minùs liberè quis ferretur ad diuinæ seruitutis iugum subeundum; documento fuere vir & adolescens, luctuoso funeris genere, in eiusmodi temeraria procuratione absumti. Adolescens rescierat suum æqualem, Societatis studiosissimum, ei se velle dedere; cuius rei factus index illius adolescentis matri, quo animo incertum est, sic tamen vt eius ab scholis nostris retrahendi causam præberet; quo ab scelere admissò, ei tam funesta omnia ceciderunt, vt manibus suis exitium ipse sibi conscisceret, ac deinde à canibus discerperetur. Adolescentis autem parens, illius alterius vsus indicio ad detegenda filij consilia, postea quàm ipsum inuitum Græcio domum abduxerat, dum accubiturus lauat manus, repentè mortuus corruit. Septuaginta capita hæreseon, flagitiorumque funestis auspiciis Orco auctorata, exitiali sacramento absoluta, Ecclesiæ asseruimus; atque in his familiarum claritudine insignia quædam, vti Barones & huiusmodi; sed
inter

inter cætera mulierem propemodùm octogennariam, quam Græcium, studio salutandæ cognationis, è Sueuia venientem, morbus lecto afflixit, secundùm quem nostrum Sacerdotem audire cupiit, moxque manus dedit, congratulantibus propinquis omnibus, ipsa verò suam veterem cæcitatem profusissimis lacrymis prosequente. Millenis, & ampliùs, discipulis censetur Græciensis Academia, & illis quidem ex præclaro iuuentutis flore selectis, quem, veluti lucentem stellarum chorum, grandiora, illustrioraque astra, è prima nobilitate, Barones, Comites, Marchionesque non infrequentes, suo splendore mirificè cohonestant, & augustiore dignitatis radio exornât. Austriæ Principes, Ferdinandum, & eius coniugem, redeuntes peregrè in urbem, Academica iuuentus, vti Apollinem & Palladem, studiorum suorum præsides, ac fautores, augustissima specie triumphâtium excepit, non minore accipientium honorem voluptate, quàm alacritate deferentium. Tametsi verò intelligeremus, nullo, etiam honorificentissimo, genere officij, Principibus iis parem ipsorum in Societatem benefactis gratiam reponi posse, idque nos præferremus apertissimè, & res ipsa loqueretur; vterque tamen Princeps agendis publicè gratiis eam sedulitatem adhibuit, quasi à nobis rùm in se collatum esset beneficium, cuius obrueretur inusitata magnitudine. **MONITOROKERREKII** duo Sacerdotes nostri decurrenda ea regione, quam priore anno indicauimus, mille admodùm Hæreticos Catholico agmini adiunxerunt.

AL S O L I N D V Æ tricenos hærescon labe perpur-
gatos Catholicis sacris impertiuimus: duos ex iis
tergiuersantes acrioribus aduentitiorum morbo-
rum verberibus Deus ad officium concitauit, &
adegit.

L E O B I I, vt paullò antè diximus, in Principis
Ferdinandi Basilica, Tironibus nostris domicilium
caprum est, quam familiam Parochorum libera-
litas, frumentaria, vinariaque annona, & pecunię
subsidiis perbenignè subleuauit, tribus etiam Flo-
renorum legatis millibus Clarius, in Stiria cele-
berrimi nominis medicus, maximopere iuuuit. Ope-
ræ in proximum collatæ, per hæc exordia instruē-
dæ nouæ domus, primitias Deo sacrauimus Hæ-
reticos nouem Ecclesiæ restitutos.

P R A G E N S E C O L L E G I V M.

AB Iulio mense ad anni exitum, & latè, & cru-
deliter, si quo vnquam aut loco, aut tempo-
re, in Pragenfes pestilitas sæuiit, vix vt vlla familia,
familięve membrum vllum tabo immune abinerit,
aut plus triduo fuerit superstes, ex quo teter ha-
litus afflauerat. Inde nobis allata est necessitas &
scholarum, & nostri contubernij dissoluendi, emif-
sis in agros Sociis, quorum labor vrbi necessarius
non fuit, aliquot Sacerdotibus in ciuitatis solatiũ
sistentibus, quorum vni, cum Adiutore socio,
expetita sorte obigit lue contagiorum in vniuersa
vrbe procuratio. His duobus non potuit non esse
negotij satis, amplissima in vrbe, ac ciuibus fre-
que-

quentissima, domiciliis pæne omnibus pestilenti
 fidere afflatis : sed acriores adiciebantur ad solli-
 citudinem stimuli, & grauius laborum pondus ex
 inusitati moris tabe, cuius ea fuit sæuitia, vt bi-
 duo, aut summum triduo, affecta corpora extin-
 gueret; nullus vt esset interdiu nocturne finis ani-
 morum procurandorum, aut funerum. Sacerdotes
 reliqui, publico prohibiti, nihilo quietiorem va-
 cationem ab opere domi sortiebantur, quos quo-
 tidianus, aut habetium rectè, aut habere existimā-
 tium, concursus, anni eius altero semestri, cessā-
 tione penitus abstinuit. Non enim modò, vrbis re-
 gionibus omnibus, sed ædibus ferè totis perpetua
 erant, & manifesto veneno pereuntium, & eorum
 quos nec leuiter afflatos crederes, frequentia su-
 bitariaque cadauera; vt cum nemo compertæ sa-
 nitatis fidem sibi faceret, omnes se pro depositis
 haberent; tota ciuitas Sacramenta iniret, tam-
 quam præsidia extremæ dimicationis. Quibus ve-
 rò felici præter spem euentu obtigerat, pro-
 ximam vt hebdomadam sine labe decurrissent,
 quòd insequentis ratio tantò videretur incertior
 futura, vix quisquam esse volebat sui tam imme-
 mor, vt non & ista, & sequentibus hebdoma-
 dis, ad vltimam se vitæ aleam per Sacramenta
 communiret. Ad hunc modum comparatis Pra-
 gensium animis, nullus dies Patribus nostris suo
 in templo abibat non satis operosus, periculique
 plenus, cum promiscuè ciues adirent, bene ma-
 leque habiti: eorum plerisque pestilentem corpo-
 ris sui affectum aut ignorantibus, aut dissimu-

lantibus ; quem bene multorum inexpectatus patefecit occasus , vbi primùm nostra ex æde, Christique mensa , domos essent regressi. Aduersus eiusmodi pericula eò funestius , quò rectius in nostrorum caput grassantia , quoad humana providere potuit cautio , Patres se intactos præstiterunt , vt diuturniore tantò , ac fructuosiore ipsorū opera, ciuitas vteretur ; sed vigilantissimam curam in vno Patrum , eius palæstræ valentissimo pugile, supergressa est vis mali occultior, potentiorque. Huic quaterna iam laboriosissima æstiuā in hoc certaminis genere , hoc est funestis Pragensium suo periculo depellendis cladibus agenti, vertens hic annus, deterfa iam fermè pestiferæ expirationis labe, gloriosum finem laborum attulit, & præmia virtutis asseruit. Patri nimirum Marco Soldano, in Italis nato, annorum vnus ac viginti cū Societatis militiam fortiretur, sexaginta cū defunctus est, in cuiuslibet virruris exercitatione illustrium palmarum viro. Italici nominis conuentum, Pragæ negotiationis causa degentem, iam pridem procurabat, quem frequentibus concionibus, omnique alia disciplina, sic instituerat, vt ex auditorum virtute, magistri nobilitatem faciliè agnosceres ; quàmque illustri erga Numen religione imbuti essent, vel ex ipsius sacelli sui augustissimo cultu, ornatuque ipsi apertissimè indicaret. Italicū Nosocomium Pragæ instituit, excipiendis curandisque illius gentis ægrotis hominibus egenis, cui præter idonea vectigalia, ædium amplitudinem, quantam vel ministeria , vel agrorum ratio ad salubrita

lubritatē exigerer, percommode attribuit, ex cor-
 rogata gentilium stipe, ipsius singulari virtuti om-
 nia deferentium. Cuius Nosocomij egregia disci-
 plina, optimi Patris perquam appositis tempera-
 ta legibus, in magno ægrotantium emolumento, Pra-
 gentisq; ciuitatis multa approbatione, sic hodie
 perseuerat, vt perpetua quoque futura videatur.
 Huius Patris plurima illustriaque in Pragenſes ci-
 ues merita ipsum pridem eis vnice carum, gratio-
 sumque apud omnes Ordines fecerant; sed illa
 prouinciæ procuratio, quæ hominem tandem ex-
 hausit, in qua per continentes diro tabo ciuium
 pereuntium clades, suæ salutis oblitus, alienæ
 seruiebat ardentissimè, ac plures quidem annos,
 quod incensæ in ipsos caritatis argumentum erat,
 & inuictæ virtutis exemplum; incredibilem ci-
 uitatis amorem aduersus eum, paremque venera-
 tionem concitauerat. Neque illa tam operosa vni-
 uersorum iuuandorum sollicitudo poterat obesse,
 quò minùs alterius cuiusdam generis cura priua-
 tim deriuaretur in egentium necessitates, tota vrbe
 subleuandas, quo nomine pauperum pater ab om-
 nibus ac, meritò quidem, audiebat. Ei ergo vt iam
 eximia illustrium virtutum facinora felicitatem
 insequentis vitæ asseruisse viderentur, quò tamen
 illius certior ei spes fieret, paucis ante occasum die-
 bus, Beati Patres Ignatius, Xaueriusque, cætero-
 rum Cælitum de sua familia lætissimo septi choro,
 ei se, augusta claritate fulgentes, spectandos præ-
 buerunt, ipsiq; instantem ex hac vita exitum, ad-
 itumque in æternam beatitatem nunciarūt. Bime-

ſtri ferè interuallo hūc Patrem Matthias Pleicher, ex Logicæ ſtadio eſt conſecutus, oſto annorum in Societate, inter viuos vicenarius ſenarius, cuius ſingularis in florida iuuentute moderatio, multarū eximia cuſtos, nutrixque virtutum, eius inter beatos accepti non mediocrem nobis ſpem reliquit. Vetiti calicis non legitimum uſum eripi ſibi triginta homines paſſi ſunt; oſtingenti, eoque ampliùs Hæretica ſententia communioneque ſe auocarunt. Ex hoc grege decumbentem anum, in exuenda hæreſi cunctantioſiorem, cæleſti ſpecie adoleſcens per quietem hortatus erat, ad exitialis peſtis euomendæ concipiendum ardorem, cuius viſi non fermè aderat exitus, cū tetri cuiuſdam Aethiopis, alia omnia ſuadentis, imperantiſque ſpectrum dormienti oblatum eſt. Sed eius ſermo vt vetulæ auribus non excipiebatur libenter, dilapſo humano ſimulacro, mox ingentis molis, horrendique aſpectus adſtitit porca, fetæ ſimilis, numeroſis, & lacte plenis turgens vberibus, quæ de repente toto corpore ſupra iacentem ægram ſtrata, fœdas papillas in vetulæ, ſumma vi obnitentis, manus ingereret, ad eaſque adigeret emulgendas, vnde, natum Erebo, mulieris adactæ manibus expreſſum lac tam acriter volam adurebat, vt in triduum acerbis doloris ſenſus pertineret. Quæcumque tandem fuerit Cacodæmonis ſententia, iis mammis, eoque lacte obtrudendis, ſic eſt interpretata mulier, peſtiferæ illum hæreſis venenatum eſſe ſuccū, quo incautos mortales ſimul deméteret Lutherus, ſimul exſtingueret; quare primi nūcij
cælo

cælo missi dictis obsecuta, hæresi se absoluendam, Sacramentisque muniendam tradidit. Fœminæ, in cuius familia pro ancilla gerenti, primùm inusitatæ diuturnæque tristitiæ grauis molestia incesserat, posteaque ipsius vitæ fastidium tantum; vt festinati obitus causam sibi optaret obiici; quam, sic animo affectam Dæmon, humana specie oblatas, subitò correptam, in perangustam, obscurissimamque domus latebram præcipitat. Heris famulam aufugisse ratis, nulla eius perquirendæ cura quemquam deinde subiit, quoad, tricesimo quinto post die, molliter atque ex abdito ingemiscantis sonus, ad patris familiæ aurem delatus: rei certiùs explorandæ cupidinem iniecit, inque abstrusum domus angulum, vnde missus erat gemitus, eum adduxit; vbi humanæ vocis non dubia sunt agnita vestigia; sed latebram claudente pariete, non nisi angusta & sublimi fenestella peruio. Eo ex antro educta puella cum esset, mortuæ simili, ad reficiendas inedia extinctas vires, instillanda fuit calida sorbitio quinque nimirum iam solidas hebdomadas nulla gustati cibaria, præter aquæ vrceolū, quæ ipsa vicesimo primo suæ secessionis die, de nocte, clam omnibus, sibi noto ex loco sumserat, moxque in speluncam se iterum abstruserat. Ei verò postea quàm idoneis cibus ac fomentis integratū est robur corporis, animæ itidem per Sacramentorum vsum reddita est sanitas, ac triste illud vitæ deterius planè est tædium. Obeunti nostro Sacerdoti oppidanæ, paganæque Boemici agri expeditiones, certum erat die quodam diuersorij gra-

tia notum ad pagum adire , cùm per viam cupido subit defleſcendi ad oppidum , Hæreticis affluenti-
tius, vt per cauſam ſalutandi Parochi, eius de recta fide ſententiam periclitaretur : cuius in ædes, Dei ſe vocantis occulto inſtinctu, adductum poſt paul-
lò deprehendit. Oſtogenaria Curionis mater, gra-
uiter ægrota decumbebat , cuius frequentia per morbum, ac pridie illius diei maximè , fuerant ad Deum ſuppliciter miſſa vota , vti ne ſua infinita benignitas pateretur afflictam mulierem decedere Catholici Sacerdotis ope deſtitutam ; cui , de Di-
uina prouidentia bene ſperanti , tamquam cælo miſſus noſter Sacerdos accidit , & quidem in tem-
pore. Pia prudensque mulier beneficij diuinitus in ſe collati magnitudinem , ex loci , temporis, mor-
bique ſui, ac ætatis ratione, ſapienter æſtimauit, ac Numini grates habuit , pro eo atque debere ſe in-
telligebat ; ſed , quod caput erat , Sacerdotis ſalu-
tari opera cupidiffimè uſa , quod reliquum vitæ fuit, in aſſerèdo ſibi cælo religioſiſſimè collocauit.

AL T E R O ineunte anno , Kalendis Februa-
riis , aperto Gymnaſio diuturnius Iuſtitium litte-
rarium ſolutum eſt , & eo quidem ardore discipu-
lorum, nihil vt offecerint Scholarum ſemeſtri vno longiora ſilentia , quò minus è Philoſophico ſta-
dio prodierint anno vertente vnus & viginti ado-
leſcentes, laurea corona inſignes. Quinæ toto an-
no conciones in vrbe ab Noſtris habitæ , ac illæ quidem omnes ad auditorem bene frequentem ; ad Boëmōs geminæ, ſingulæ ad Italos ac Germanos, ſua quibuſque lingua ; & ad Academiæ noſtræ
alumnos

alumnos Latina. Sollemnem Eucharistici Ferculi triumphum quàm apparitissima magnificètia, elegantiaque, tum agminis supplicantis, tum carminum emblematurque, tota veteri Praga, oculis variè iucundèque blandientium, celebrauimus : in vtraque verò recentiore Praga, repetito, alternis per hebdomadam diebus, triumphantis pompæ agmine, ac eius panegyricorum scripto, pictoque apparatu, quo genere argumenti nihil pridem Pragensibus Catholicis augustius, optatiusque contigerat, vt, lætitiæ religionisque intimo perfusa sensu, ciuitas ad spectaculum vniuersa effunderetur. Honorem per eos dies quantum oportuit ab sincerè Christianis hominibus Christo habitum, soli Picarditæ, ac Caluiniani suam iniuriosissimam ignominiam, contumeliamque malignè, pro suo ingenio, interpretati, cætero omni Pragensi plaudente populo, rabidarum canum instar, publicè priuatimque ringebantur, eiusque Comediæ, vt vocabant, actoribus Iesuitis malam crucem precabantur, & verò etiam destinabant, siquando Pragæ rerum potirentur, vt reuerà sexennio deinde potiti, Iesuitas Praga, & quattuor insuper Boëmicis vrbibus, per summum scelus, exegerunt. Ex adulterinis Hæreticorum plantariis, vbi iam altas radices egerant, euulsi centum duodequingenta, in Christi hortis, tanto salubriore atque pinguiore solo, volentes sunt insiti : à Sanguinis, in Christi calice, vetita participatione septem & viginti se abducendos permiserunt, Ab reterrito sacrilégio Hæreticus, summa Christi benè-

benignitate, quod omnium minimè voluerat, & cogitauerat, ad Catholici dogmatis veritatem agnoscendam, ambiendamque sibi viam ignarus patefecit. In Catholicorum pio cœtu scelerata mente accubuerat ad Christi mensam, vbi Diuinam Hostiam impuro cùm excepisset ore, in linteolum postea clam demisit, periclitaturus ferro, quid in ea tam Diuinū inesse Catholici vèditarèt; in quam simulac domum rediit, cultri cuspidem cum validè strinxisset, cruoris guttæ ab illata plaga derepentè fluxerunt. Mitissimi verò Iesu benignitas non modò dirum vulnus infligi sibi passa est impunè, sed, altero quoque, ac maiore beneficio, cum immanis feritatis pectore sibi certandū esse duxit; enimuerò ab aspectu innocentissimi sanguinis tantum mansuetudinis ac lucis in brutum cæcumque iniecit animum, vt mox se reū atrocissimi flagitij agnosceret, Christumque totum Sacræ Hostiæ intimum inesse fateretur, vt ei nulla mora fieri posset, quò minùs ad nos euestigio Catholica Sacra suscepturus accederet.

OLMUCIENSE COLLEGIVM,

ac ex eo Missiones.

FAMILIA Olomucienſi pænè vniuerſæ priorè anno peſſimè fuit à grauiore valetudine, ex qua tandem recreatis cæteris, Pater Villianus, Anglus, Coadiutor Spiritalis, quinquagenarius in Societate, inter viuos ſeptuagenario maior annis quattuor, ſic tentari perſeuerauit, vt, intercluſo

cluso ad sanitatem regressu, tandem occumberet. Sinceræ Fidei studio adolescentulus è Britānia patria profugerat, immittēque deinde cælitus nostrī Ordinis cupiditate, vt ei se valentissimum sisteret militem ad durissima quæque toleranda, sic asperiore cubatu, multos dies stratis in nudo solo mēbris corpus sibi durandum sumsit, vt id tantum non obtereret. Ab tam generosis ac sanctis primæ adolescentiæ institutis facilè secutum, vt deinceps in Societate omnes animi corporisque motus perpetuò habuerit egregiè domitos, & ad Religiosæ vitæ omnem rationem percommode temperatos. Tam serena, iucundaque omnibus fronte semper oblatus est, vt non affatu modò, sed ipso etiam contuitu mœrorem tristissimo cuique detergeret: incredibili verò cum excelleret morum suauitate, iucundissimæ consuetudinis illecebra, nobis sua sponte beneuolos, præstaret beneuolentiores; odij verò acerbitatem omnem ex maleuolorum animis facilè discuteret. Quæcumque Diuini cultus sacra sunt munera, obibat altissimo quodam pietatis sensu, sed augustum in primis aræ Sacrificium; quo in obeundo siquem Sacerdotem aduerteret, præcipitanter ferri magis, quàm ex Diuini mysterij dignitate, offenbebatur non leuiter, vt ex illata Christo permagna iniuria. Flagrantissimo in puerum Iesum amore totam vitam traduxit, cuius ab picta imagine vix oculos abduceret, quo nomine, ardentissimo erga Matrem Virginem, Cælestemque ipsius prolem studio, sollemne Diuini Aduentus sacrum, in ara suauissimè,

reli-

religiosissimeque pronunciabat, & ab aliis pronūciatum quàm attentissimè audiebat. Cuius religionis, inter cætera multa, hoc præmium à Deo tulit, vt cum modò diem, qui ei supremus fuit, exsortem à sacrificio perpetrando viderit. Hæretico Sacrificulo, quas Diris & Orco, nesciens fortè, destinabat victimas, quinas & sexagenas excussimus è manibus, & Catholico ritu, mysteriis initiaui-
mus. Eorum vni, militari viro, periculosè decumbenti, Tartaræ voraginis inulitata supplicia per visum oblata sunt, in quæ suo merito abripiebatur, cum circumstante, ad pœnarum incrementa, Cæcodæmonum numerosa multitudo. Quo ex tam horrendo insomnio vt redeunte vigilia paullisper recreatus est, nostrum Sacerdotem derepentè acciri ad se iubet, cuius opera dogmatis impietatem mox exuit, neque ita multò post morbum ab se depulsum singulari Dei miseratione sensit. Recentis Euangelij artifices ea munus suum, seque ipsos dignatione esse autumant, vt non nisi rheda vectos adire ad ægrotum quemquam, & bene muneratos inde redire, aut iustum, aut decorum esse putent; cuius honoris & annonæ si nulla spes affulgeat, suam præsentiam operamque sectariis quibuscumque, vt suo dignum est dogmate, fortiter negant, & subtrahunt. Huius Euangelici moris bene consultus Hæreticus, ab re familiari tenuissimè instructus, cum aduersa valetudo ei spem vitæ non faceret, nec Prædicantis sua inopia, consilium init Eucharistiæ auspiciis suis, ac ritibus, sibi adornandæ; aridi nimirum panis pauxillum.

ac pro

ac pro præſenti copia, frigida tantumdem ſibi apponit, atque huiuſmodi epulas à propitio Numine poſtulat, immo ipſe decernit, inſtar arcanorum, ſalutariũque myſteriorum ægro futura, ex hac vita proximè migraturo, ratus, neque iniuria, ſibi adſe hoc genere Sacri, de cæleſti ope, quantum ipſe Miniſter impertiuiſſet. Dedignantium, quæ ſui muneris ſunt, Miniſtrorum faſtus & veſanus tumor, ſicut alios Hæreticorum pleroſque nobis non tam relinquit, quàm obtrudit procurandos, ita & hunc tradidit noſtro Sacerdoti, cuius ope is dediticit mox hæreſis; & iis Sacris reſectus eſt, ſuo ingenti gaudio, quæ, aliam vitam paullò poſt incunt, ſalutem aſſerent.

POSTERIOR annus Patri Georgio Ebellio poſtremus fuit, quem duodequadrageſimo ætatis, duodeuiceſimo anno quàm noſtræ militiæ nomen dederat, hydrops & tabes exſtinxerunt. Ei viro ætate, viribus, animiſque florenti, vitæ ſilum, medio in curſu, immodici labores, in Chriſti vinea fortiter ſuſcepti, videntur ſuccidiſſe, cùm Miſſiones varias, poſtremamque in eis Linhartouiſem, nauiter obiret. Idoneum ſolum eximiis virtutibus inferendis, ſingularem ingenij docilitatem, facilitatemque morum Deus in eo ſibi finxerat; quibus itidem dotibus valdè opportunum alienæ vitæ formandæ curatorem, magiſtrumque parauerat. In tutelariſus Cælitibus, præter cæteros, Beatam Catharinam Aegyptiam ſibi adſciuerat, cuius patrociniſus mirificè delectabatur, eiſusq; Natali die optabat ſibi diem extremũ obtingere, quod &

& magna sua voluptate, nec minori spe consequendæ salutis impetravit. Septeni adolescentes de nostro Gymnasio, eiusmodi iacturæ olim sarcindæ in nostrum corpus adoptati sunt; quorum, seu naturalium, seu pugnarum in hoc pulvere obitarum claritudine, familiam duxisse visus est illustri Dynastæ filius, cum patrem suo instituto maximè repugnantem, mortuoque patre, cognationē vniuersam, cuius ipse caput esset, aduersariam experiretur. Neque Numini dignus eius maiestate honos habebatur in carcere, nec vinctis vlla illecebra suppetebat, vel. ansa Diuini cultus studiosè amplectendi, quod antea Sacrum fiebat in cæca & perangusta ergastuli latebra, nulloque aut perexiguo arcu cultu & ornatu. Sacerdos noster lustrâdis custodiis præfectus, vt ne tam necessariū captiuis solatium deesset, piorum hominum largitionibus sacellum à fundamentis centenū hominum capax excitauit, sacraque supellestiles ad sacrificij vsum percommode instruxit, cuius dedicationē, sollēni Ecclesiæ ritu procuratā, excepit copiosum epulū carcere damnatis omnibus ab ipso Capitalium Quæsitore datum, suam in eo sacello conditionem gratulante. Gymnasium nostrum numerosa celebratur iuuentute, sed propenso in primis cum ad cæteram virtutem, tum ad religiosè colendum Numen ingenio ac studio; qua in palæstra primarum sunt partiū Marianæ Sodalitates quattuor. Cilicini saguli, flagellorum, longioris inediæ, inter hos adolescentes frequentior, seueriorque intercedit vsus, quàm vt facile credi

credi possit, sed ad Christi sepulcrum fuere ipsum in varias turmas partitorum diuerberationes maximè celebres; quas eorundem armatorum, ardentique cerco lucentium, solidæ noctis ad Domini tumulum exciperent excubiae, ingenti urbanæ iuuentutis, ac ciuium omnium stupore atque approbatione. Conuictoribus omnibus pridie natalem Beati Parentis nostri ardor pietatis in ipsum insedit eiusmodi, ut nemo vnus fuerit, qui non eo die sibi arctiorem inediam iniunxerit, suoque tergo flagellum adhibuerit, Natalem verò ipsum Sacrorum participatione celebriorè ac sanctiorem nõ egerit. Discipulorum vnus nuper Hæreticus, eiurata apud nos hæresi, tantam ex eo die combibit domandi corporis sollicitudinem, ut ferrea mox catena præcingi ad cutem voluerit, quam deinde numquam posuit; mero autem tametsi à pueritia cõsuefactus, adduci tamen nullius auctoritate potuit, ut toto quadragenario ieiunio, eius guttulâ ore admitteret. Pusioni ex Elementariorum nostra schola parens grauiores quotidie intentabat minas, ut ab Catholico instituto puerilè animum auocaret: cumque inter cætera, illud iactaret frequentius, peruicaci filio se id impositurum pœnæ, ut exhæredè olim faceret, nunc verò sui consortij expertè, cum eum exegisset ex ædibus. Sed neque illa vox patris, tam seuera edicta in puellum detonantis, diuina manu consignatâ in puerili pectore constanter fregit, vel etiâ leuiter concussit; cui nempe sedato animo, paucis, grauiusque ita retulit; nihil quidè in humanis rebus sibi esse parète suo carius,

& sanctius, eo tamen, nedū ipsius fortunæ omnibus, tota vita cariturum se potiùs, quàm vt à Catholico ritu tantillum deflecteret. Intrepidum, simulque sapiens pueri responsum, paternæ iræ ita sopiuit æstum, vt neque tùm, neque postea eius argumenti comminationes vllas incuteret filio, sed placatior ei deinceps esset in omnibus.

CREMSIRII plurimùm degit Cardinalis Dietrichstheinius, idēque Olomucienſis Episcopus, vbi stabilem nostris, ex Principis aula in priuatas aedes traductis, positā superiore anno proximis Annalibus scripsimus, quo anno, summissis duobus subsidiariis, erat instituta quaternorū Sociorū familia. Eo de numero consequēs annus, huius sæculi tertius decimus, Patrē Petrum Ederū subtraxit, ætatis anno tertio & octogesimo, altero & quinquagesimo Societatis adeptæ, tertio ac vicesimo quàm in Spiritales Coadiutores erat adoptatus. Cuius illud pridē eximiæ virtutis documentum; eum vicēnos continentes annos in Scholarū puluere Grammaticæ tradidisse rudimenta. Collegium Sodaliū ex ciuibus Olomucienſibus, sub Beatæ Annæ tutela olim condidit, cuius exemplū in cætera pietate, ac Fidei maximè retinenda constātia, reliquæ Sodalitates hodiequelibenter propositū sibi esse patiantur. Eum verò multos abhinc annos Cardinalis suæ conscientiæ curatorē à Præsidiſibus depoposcebat, & apud se habuerat in Cremſirienſi aula, iis micantem religiosissimæ vitæ argumentis, quæ venerationem caritatemque omnium ipsi promerentur. In Aulica illa copia & splendore paupertatem

tatem aded seuerè coluit, vt mortuq vestes omnes fuerint superstites, quas vix mendiculus humo sustulisset. Multa summi amoris significatione Cardinalis demortuo, & per seipsum, & per suos bene multos Sacerdotes non semel parentauit.

BRUMOVII modò tres, modò quattuor fuerūt Sacerdotes in aula Ioannis Kaffkæ, illius regionis præpotentis Dynastæ, vnde perpetuè sunt nostrorū excursionēs in oppida duo, & circumiectos vicos plurimos, quibus excolendis, vt priores annuæ docuerunt, opera non leuis, & plerumque irrita ponitur, aded sunt rusticanorum peruicacia ingenia in Hæretico dogmate tuendo. Quæ tamen est Dynastæ sedulitas, & animi constantia in clientū procuranda salute, non paucis hoc anno euulsa est ex animo hæresis, quorū de numero censi sunt, in nobiliore oppido, Senatorij ordinis quinque, nuper omnium tota regione hominum sui dogmatis retinentissimi. Ex Brumouienſi porro Satrapia in aliam ei finibus consortem transiuimus, vbi nobis agentibus Calviniani Catholico templo cedere coacti sunt, quod iniuria vsurpabant; ex internallo autem ad sua Sacra reuocati Catholici, suum gaudium inusitatis argumentis testabantur. Quod templo, Catholicique ritus Sacris aliquamdiu caruerant, sibi visi sunt, per illud triste silentium, ex animo diuinarum quoque rerum memoriam penitus oblitterasse; hocque nomine Sacerdotis nostri omnem in templo, & foris gestum motumque curiosius obseruabant, & imitando exprimebant, vt quod ipsis imprudentibus exci-

derat de religione, hoc eius exemplo in seipsis restituerent, & aduersum similes casus suis animis altius imprimerent. Inde finitimam in Paræciam ventum est, tanto cum populi gaudio plausûque, vt beneuolentissimarum consalutationum in templo finis non inueniretur; cumque multi non sibi temperarent, quin amplexantes Sacerdotis collo brachia implicarēt; ab eius ceruicibus auelli prius se passus non est centenarius, antiquæ probitatis homo, quā sibi Pater bene comprecaretur. Fuit eo loci Christianarum frugum omnis generis bene ampla messis, eaque facillima, vt metentis falcem ipsa pæne seges sua sponte anteuenteret; cuius in prædæ portione non leuissima censi sunt Hæretici duodesexaginta. Posteriore anno itum est Brumouio in Trinchiniensem Vngariæ Comitatum, vbi nauata est fructuosissimè opera triû Satrapiarum Catholicis populis, Pastore destitutis, quibus singulari eorum lætitia, compendiôque facta est Sacramentorum copia.

LINHARTOVIENSIS agri quam sit malignum solum, Lutheranis nimirum eò se pridē infundentibus paludibus, assiduè maceratum, & dilutum, vix vt Catholicæ stirpis vlla fibra superstes hæserit, proximis Annalibus significabamus, cum scripsimus præcellentissimi Baronis, Caroli Haugvichzij, Moraviæ Subcamerarium appellant, acersitu nostros eò venisse, illisque principiis perparū inter obstinatos homines promouisse. Constantia tamen laboris, multaue comitate loquendi & agendi nostri, Deo adiutore, peruicerunt, vt as-

vt asperrimæ gentis erga nos odium denique in beneuolentiam verteret; vt iam non ægrè domos suas admittant nostros, officij causa ad se aduntes, sed perbenignè, ac vltro ipsi suas in ædes inuitatos, cum Ministellis de Fidei controuersis certaturos committant. Quibus ex congressibus duodeseptuaginta meliores facti hoc anno priore, in hisque octogenarij quattuor, ab Lutheri cœnoso lintre in purissimam Christi cymbā transiere, quo ex trāsitu ægra mulier cuius vita periclitaretur, corollarij loco etiam est adepta sanitatem, puellaque tantum hausit constantiæ, vt nullis parentum minis aut vexationibus ab Catholico ritu potuerit auocari. Hæretico, viro nobili, per quietem geminorum Angelorum species oblata est, præcisè iubentium, vti nostros vel adiret, vel euocaret, eorumque vsus opera planè descisceret ab hæresi; cuius visi non est veritus omnem rationem euulgare, seque obsecuturum polliceri.

LUTHERANIS, Calvinianisq; infensissimis cohortibus obsidetur vninersa Linhartouiana ditio, vnde imminet perpetuò nostræ agricolationi non aliqua modò labes, sed vltima vastitas. Atque tamen calamitosa esse solet huic segeti Luthërana vel carbunculatio, vel pruina; præ Calvinianæ tamen pestis atrocior clade, illa nō tam videri debet nostrarum frugum calamitas, quàm calamitatis vmbra quædam, vel hebetior imago. Iagen-
dorfensis, seu Carnouiensis Principis, qui est Brandeburgensis Electoris germanus, huic Satrapiæ vicina Tetrarchia tota merum Calvinum spirat,

exemplo, institutis, & auctoritate sui domini, qui Calvinicum virus, ingeniumque ipsum intimis combibit medullis; quorum hominum ut sunt mirabiles artes, studiumque inexhaustum, & incredibilis moliendi audacia obstinatioque, ad animorum instituendam corruptelam, nostris dubium esse neutiquam potest, quin ex tanta tam funestæ pestis vicinia, sibi sit grauis imposita necessitas pro suo grege attentius excubandi. Et certe ita excubarunt, ut, suis saluis manipulis, centenos duodevicesmos Lutheranae factioni assecclas detraxerint, ac nonnullos etiam Calvinianæ; sed vnum in primis, quo ductore, numerosæ paganorum cohortes, in Calviniana gurgustia veneno potandæ, frequenter ventitabant; cuius nunc salubrioribus auspiciis ductuque ad Cōfessionis Sacra libentissimè advenit. Eximium par virorum nobilium nostri piscatores ad hamum suum cum studiosè pellicerent, nihil fuit antiquius illis corruptoribus, quàm omni adhibita fraude prohibere, uti ne sincero Dei verbo inescarentur; sed eis vix egrius unquàm fuit, quàm cū illi gemini primæ notæ pisces sua sponte capti, trahentis sequerentur linū, & in eius manum prona voluntate concederent. Trāsfiluanus miles, cædis compertus, in Linhartouiana ditione, nostros sibi adhibuit ad expiandum noxiis omnibus animum, vehementerque ab Linhartouienfi Dynasta contendit, ut sibi, capitis pœnas luituro deinde in Calvinianis oppido, Iesuitam summitteret, idonea præsidia inter cruciatus allaturum; sed noster ab illis Evangelicis homini-

minibus admissus non est, quantumvis rogante Satrapa, vt sibi ea gratia ingentis beneficij loco apponeretur. Eò deductum reum Ministelli ad eunt in vinculis, nec latum vnguem exin discedunt ab homine, dum animam in suppliciis efflaret, quem licet mentiti eum ab Iesuita contemni, se autem, tantò potiores animorū medicos professi, salutarē operā ipsi nauaturos, tantillū de Catholica sentētia non demouerunt. Calvinianorum quàm proiecta sit audacia impudentiaque, in stabiliendo suo dogmate, vel per cuiuscumque impietatis, & sacrilegij apertam professionem, nostri Patres magno suo stupore frequenter experti sunt, cuius impudentiæ hoc vnum esto documentū. Inaudierat noster de Calviniani Prædicantis iactantia, & fastu frequentissimè, cuius concionantis erant illæ ferè perpetuæ assertiones; nō Papistico ex more se, ineptis glossematis deprauatum, verbum Diuinum auditoribus propinare, sed purum putumque, vt ex Christi ore prodierat. Aureum purumque istud os. Diuini eloquij, hunc cælestium oraculorum tam consciū, peritumque præconem, noster Sacerdos sibi conueniendum compellandumque ratus, vbi primū eius facta est copia, ex eo percontatur horum Christi verborum, *Hoc est corpus meum*, enucleatam penitūs, sine vllo glossemate, sententiam; tū ille Blatero intrepidè, tumidèque, quasi Pythia de Phœbi tripode, percontanti refert; Sub pane, vel in pane, vel penes panem, est corpus meum. Contrà noster, atqui abunde hic, inquit, & nimio plus glossarum est,

quæ nec Sacra Scriptura expressæ sint, nec illius verbis vlllo pacto nitantur; quin etiâ eius, Christi-
 quæ aded ipsius, apertissimam sententiam corrumpant fœdissimè. Hîc autem furcifer ille, vbi cum ratio verbaque deficerent, ex Calviniano planè ingenio, ab impudentia, summaque impietate, qualecunque subsidium expetiit, atque procacissimè; Enimverò quoniam olim Deus ignoravit, Iesuitas cum Orthodoxis de huius clausulæ sensu aliquando esse disceptaturos, ei non venit in mentem ipsius vim enucleatiùs explicare, facturus alioqui, si animo providisset vestras ea de re controuersias, aliquamque ex istis voculis, in, sub, super, subter, ponè, penèsvè, commentarij gratia, subditurus.

THESSINVM, in Silesiæ oppidum, Ducatus Thessinensis caput, ab ineunte anno huius sæculi decimo quarto, missi sunt duo nostri Sacerdotes, perpetuæ Missionis, quæ temporaria fuerat, instituendæ gratia, Thessinensis Principis rogatu; cuius consilij nostri vt vulgata est finitimos inter Catholicos ratio, tum illi pro suo in nos studio, conditionem nostram miserâtes, acerbissima quæque cœperunt illo ex oppido nobis denunciare. Eorum scilicet plerique, suo incommodo sapius edocti, didicerant, quàm atroci odio oppidani Thessinenses in omne Catholicum nomen æstuant; cuius odij tantò infensiores acerbiter aduersum nos inde interpretarentur, quòd præsentibus nostris, & vt iactabant Hæretici, auctoribus, Princeps Lutheranos Prædicantes duos oppido
 nuper

nuper exegerat. Cur porro nobis ab Theſſinenſi, paucis aduenis exceptis, prorſus Hæretica ciuitate, grauiter eſſe metuendum videretur, illa quoque ratio accedebat, quòd à Principis arce tranſlatum erat Patrum domicilium in vrbanas ædes, & quidem ad vim defendendam adeò infirmas, vt, velut in mediis hoſtium caſtris, inermes perpetuè maleuolorum pateremus iniuriæ, atque contumeliæ. Noſtri tamè haud ignari, intutum vſquam poſſe eſſe nihil, vel inter inſenſiſſimos hoſtes, quod Diuinæ providentiæ tutela nitatur, proximique ſalutem ſua vita potiorè recordati, haud vllius deliberationis interpoſita mora, futuri domicilij, designata vrbis maleuolæ regione, locum capiunt, etiam inter petulantia militaris frequentia eo in oppido contubernia. Neque Deus de ſuo bene ſperantibus auxilio deeſſe voluit, maximè vbi ſuus in primis honos agebatur; Patribus ſiquidem ex prudentiæ præceptis conſilia ſecundum Deum petentibus, omni ſcilicet adhibita ſermonis comitate, reique gerendæ cautione, nequa vſpiam exiſteret iuſtæ offenſionis materia, paucis Theſſinenſes deliniti, noſtros priuatim publiceque reuereri maximopere, atque amare cœperunt. Noſtræ igitur conciones æquiſſimis non modò auribus, ſed beneuolentiſſimis quoque animis, audiebantur, earumque exceptarum ille fructus fuit principio, vt plurimi oppidanorum errores ſua ſponte damnarent, quos paullo antè tuerentur obſtinatiùs; iamque tota vrbe illæ voces audiebantur, controuerſis capitibus reliquis nuncium

se facillimè remissuros, si vtraque species in Eucharistia sibi permetteretur. Quin eò res quoque processerat, vt plerique assererent, vnam sibi speciem videri, & esse satis, seque in ea perlibenter acquieruros; eius tamen singulatim vsurpandæ, nec esse, nec dici velle auctores, aut principes. quo fiebat, vt in eius Fidei, atque ritus, quem vniuersi palam ac singuli vehementer approbarent, participationem nemo vnus toto anno veniret, eo nimirum prohibitus metu, ne susceptæ in Religionum causa, mutationis cuiuspiam caput deinde proderetur, quod ignominiosum fore stolidi homines arbitrarentur. Sed, præter hanc metus stoliditatem, obseruatum etiam est, inter oppidanos vel omnes, vel plerosque, animorum conspirationem, sacramenti religione confirmatam, intercessisse, vti eorum nemo ciuibus suis ducem se præberet nouitatis in religionem inuchendæ; qua iureiurandi lege diutius vetiti sunt aliquot mendiculi, præmiis à principe prouocati, exsilij pœna etiam, ni parerent, territi, vt ne se paterentur ad Eucharistiam ritu Catholico sumendam adduci. Exeunte itaque anno quinquagena tantùm capita, ex aduenis paucis, & illis conflata mendicis, Eucharistico epulo, ex Romana formula, excepimus, ciuibus vniuersis interim animo suspensis, dum quis ex suo corpore, ad audendum promtior, viam patefaciat Sacræ Hostiæ Romano more sumendæ. Per anniuersaria Dominici Corporis sollemnia, Principe absente cum vniuerso ferè Catholico conuentu, verebantur nostri, ne
honori-

honorifica pompa circumuehendæ Eucharistiæ deesset, magno rei Catholicæ probro: aut si eis copiis, quæ tùm adessent, ea institueretur, ne aliunde seditio ab Hæretica factione, aliò auersis Domini oculis, existeret. Cùm tamen ipsi Patres eius rei opportunam mentionem apud aliquos ciuium iniecissent, sua quisque regione vicos, compita, & forû, festa fronde conueltierunt, frequêtesque puerorum albatos choros, auro & argento radiantes, summiserunt matresfamilias, quorum composita, longâque acie, ac vernaculo carmine Eucharistiæ celebrantium præconia, Christo triûphanti splendor magnificentiaque longè maior accessit, quàm quis esset ausus eo loco sperare. Quidquid autem per Religiosi Principis absentiam ei triumpho decesserat, cùm ante octauum eorum Sollemnium diem reuertisset, ex votiua peregrinatione ad B. Mariæ Czastochouiensis in Poloniâ, id ipse tanto augustiore amplioreque apparatu, repetita die octauo eiusdem triumphî pōpa, magna Catholici gregis lætitia suppleuit. Cæterùm, quin ad alterius modò speciei Communionem perducendi sint, proximo quoque die, omnes oppidani, Patribus nostris dubium vix esse potest, si huius adsciscendi moris viam suo exemplo aperiat de ciuium proceribus aliquis; quo in negotio Princeps, vniuersi Senatus ciuibz fructuosam operam, sibi non defuturam sperat, quorum imitandorum auctoritate nemo ex oppidanis ad eiusdem ritus Sacra continuò non sit aditurus.

B O S C O V I T I V M Moraviæ nobilissimum est oppidum

oppidum, sex milliaribus ab Olomucio, Boëmiam versùs, quò nos aduocauit eius oppidi Satrapa VVenceslaus Morkovviskius, Catholicæ Religio- nis tota sua iurisdictione instauradæ gratia. Natus erat pàrente, Picarditici dogmatis æmulatore stu- diosissimo, iisdemque institutis perquàm accu- ratè imbutus, Viennam tamen puer nostras in Scholas missus, Grammaticæ præceptis informan- dus, sed domestico curatore insigniter Hæretico; cuius vigilantia, prohibendo ab discipuli sensibus Catholicæ semine, , tam efficax esse non potuit, eius vt radices tenaciùs non hærent in puerili pectore. Quem sinceræ pietatis succum libens hauserat puer, eum deinceps fouit studiòsius, & adolescēs gustauit cum voluptate ac fructu, ac grã- dior postea, quantumuis repugnante genitore, quod interiore sensu occultarat de Romana Fide iudi- cium, expromsit intrepidè, Catholicumque pa- lam omnibus, paucis annis antè mortuum patrè, professus est, nec ita multò pòst demortui quoque fratris hæres amplissimum nactus est patrimoniũ. Boscouitianis erudiendis adhibiti nostri mox ad templorum cultum splendoremque reuocandum, quem Picarditę aboleuerant, conuersis studiis, cæ- teraque omni procuranda Catholici moris insti- tutione, sensum pietatis in populo concitarunt, ex quo Romani ritus ac dogmatis penitùs perci- piendi fructuosa sequeretur curiositas, & deinde studium eius amplectendi. Parando etiam solo, Catholicæ velut arationis & sementis, tanto mol- liori obsequëtiorique, in pueritiæ ac adolescentiæ
ani-

animis, Picarditæ Ministrelli Gymnasiorum procuratore procul abacti sunt; qua sedulitate adhibita, quinquageni ciues, & in his nobili loco nati aliquot, paucis mensibus, ritus & Sacrorum communionem inter Catholicos sibi adsciverunt. *Capitanus* more gentis appellatur summus tota Iurisdictione magistratus, cui secundum Principem cum potestate imperioque præest; quo munere fungebatur antiqua nobilitate, scientia administrationis, rerumque gestarum gloria clarus vir, cæterum natura seuerus, & asper moribus, cum eò venimus, cuius tamen haud laboriosa fuit expugnatio, quod aperte ostensam veritatem non ex Hæretico ingenio auersatus est, aut præfractè impugnauit, sed agnitam continuo arripuit. Is de se, cum Catholicorum Sacrorum, & ingenij sui etiam admiratione, libens frequensque commemorare solet, quemadmodum cum natura esset ad fletum minimè procliui, tamen inter obeundam apud nostrum primam omnium Confessionem, ipse in lacrymas solutus derepente ita esset, pænè ut totus diffliueret. Pro ea verò prudentiæ ac grauitatis opinione, quantam ea omni plaga pridem nactus est, uti, nec leuitate animi, vel ignorantia, nec cuiusquam adductus gratia, creditus est à Picarditis defectonem iniuisse, ita eius ad nos transitio maximis momentis eius populi animos ad Catholicam Fidem videtur incitatura. Per eos dies funestus casus Viennensi mercatori, Caluinianæ sectæ, accidit, quem Boscouitius Dynastes in memorabilium euentorum capite, suis ephemeris

meridibus consignatum, frequenter solet recensere, nosque quoniam eius testes fuimus, tantò certius memorabimus. Vienna mercium quidpià Baronis iussu aduexerat, ab eoque quasi Catholicus, mensæ fuerat adhibitus, cum exorto de Fidei capitibus sermone, damnatoque ab cæteris Calvinismo, ipse acriter illius partes tueri cœpit, vsque eò dum eum rationes, & verba deficerent. Tum verò caput suum deuouere, tertiumque ab illo diem optare sibi fieri extremum, nisi Calvinicum dogma cum recta ratione, atque illo Evangelio, cuius Christus esset auctor, penitus conueniret; nostro autem Sacerdote, qui simul accubuerat, increpante hominis insanam execrationis formulam; is errore, ac studio Caluini amens, deuotionis carmen in se ingeminare tantò alleuerantiùs, atque audaciùs. Propius aberat ab homine focleratè impièque temerario Diuina ultio, quàm ipse fortè cogitaret; qui postera die sub prædium, ubi non comparebat in Dynastæ Basilicâ, ipseque percontaretur, quid eo factum esset, nunciatum est eum habere pessimè, multoque peius deinde sub vesperam; postridie autem constitit concubina nocte temere deuotam infaustæ morti animam efflasse.

CRVM LOVIENSE COLLEGIVM,

PERPETVATÆ toto anno conciones geminæ, Boëmica altera, altera Germanica, & cætera Hæreticis strenuè nauata opera, priore anno, de ipso-

de ipsorum corpore tricenos septenos; posteriore binos ac vicanos nobis, hoc est Ecclesiæ peperit, non pœnitendo in tam obstinatis ingeniis compendio; quodque à Bœmis impetrare arduum sit non minùs, quàm Herculi clauam excutere; hoc anno, quinis ac quadragenis; illo, quaternis & quinquagenis sacrum Calicem de manibus extorsimus. Ex his vnus, ætate grauis, ac auctoritate præcellens, annos iam multos pressam silentio hæresin, specioso retinendæ Vtriusque Speciei tegumento, callidè celabat, cùm in Catholicorum cœtu Diuinam Hostiam participaret, nostris cum frequenter exitialis sibi fraudis, officiique sui commonentibus, sed euentu semper irritò; quem tamen interpellandum sibi sumserunt, quoad obstinatam voluntatem conuellerent. Et suus denique constitit perseuerantiæ labor, vt is aliquando palam omnibus in templo, pro ipsa summa ara Sacerdotem nostrum euocaret, cuius ad genua procumbens, ipse se reum egit noxarum omnium, quibus à puero Numen læserat, quarum absolutus, animo iam planè Catholico, Cælesti mensæ accubuit, factum eius demirante, ac approbante vniuersa ciuitate: nihilo autem minùs ipso suum sibi facinus gratulante, ciuibûsque suis lucem, quam sequerentur, libenter præferente. Picarditæ cuidam ciui, ex grauiore valetudine lecto pridem affixo, incidebant diuinitus afflati quidam instinctus, Beatæ Virginis Caiouiensis, prodigiorum laude celebris, in roboris subsidium, & leuamentum morbi per preces adhibendæ; quam animi mo-

ni motionem, ut rem se indignam auersabatur, Sacerdotisque nostri, quem ea de re consuluerat, verba, de Magnæ Matris, in eo genere præclaris dotibus audire neutiquam sustinebat. Caiouium tamen ad Dei matrem excurrit, quo animo non constat; sed cum non puduit reuersum vxori asseuerare, longè sibi melius factum esse ab ea peregrinatione, ad Mariam Dei Parentem instituta; & quidem eiusmodi testimonium, erga se immeritum, beneficæ Virgini dedisse Numine adigente visus est, qui ut antea putarat impium tribui vim sanitarum Dei Matri, sic post redditam valetudinem Hæreticus tamen perseverauit. Imperator, Imperatrixque, Boëmicæ gentis Comitiis, Buduicum proximam in urbem edictis, Crumlouij tanxisper sunt versati, geminúmque nostrum drama in urbis arce spectarunt; quorum actores omnes Cæsar Imperatoriis vel rhedis, vel equis triumphantium specie, lituis, tympanisque pompa vniuersa concrepante, vltimo ex oppido in arcem traduxit; Imperatrix verò primarum partium adulescentes quinque muliebri cultu prodituros, suis manibus vestiendos comendósque depoposcit, eisque mirabilem dignitatem, & argumento maximè congruentem affinxit. Ex illustrissima Roseensium familia, quæ Crumlouium olim condidit, huius quoque Collegij conditorem habuimus, Societatis amantissimum; cui deinde mortuo successit Hæreticus frater, is de cuius obitu priore Annali scripsimus, tantò ab omnibus Catholicis, & nostro in primis nomine alienior, ut
ea causa

ea causa nos excluderet attributis olim ab germano familiæ huic annuis quingentorum florenorum vectigalibus. Eius iniuriæ supplice libello admonitus ab Collegij Rectore Cæsar, beneuolentię in nos pleno Rescripto annuam illam pensionem Collegio deinceps numerandam edixit ab iis, qui Roseensium amplissimam hæreditatē gentilitatis iure adierant.

COMMOTOVIENSE COLLEGIVM.

SINE noxa cuiusquam de nostris, & tota ciuitate, circum ipsasque Collegij ædes, & in nostris ferè penetralibus sæuiit pestilens virus priore anno, extinctis duobus de pauperum contubernio, cui nos præsidemus. Quo amplior illustriorque per eam calamitatem offerebatur de Commotouiensibus bene merendi materia, cò insederat nostrorū animos alacritas maior deferendæ illis suæ operæ, ac fortiter in malè affectos conferendæ. Verum partim ab insita ingenij duritie, partim ab errore, quem in eis studiosissimè fouent & Prædicantes, & earum partium capita, per nostros oblata sibi animorum subsidia neglexerunt; vt in tanto ciuium numero, septenis dumtaxat, operam nostram vel deposcentibus, vel admittentibus, vtilis esse potuerimus. Ab Luthero ad Christum octo translati, atque illi quidem non maiorum gentium homines, sed quod in Commotouiensi agro satis esse videatur, pro eo rerum statu, qui est in-præsentia. Enimuero Commotouiensi

H

si cui-

si cuiuspiam de Lutheri conuentu cum Iesuita collocutum esse, tam capitale sit, quàm parricidio manus inquinasse. vbi ad Prædicantes fama rei emanarit; cuius noxæ anno posteriore apud eos factus reus ludi magister tantum non suo excidit magisterio. Nihilominus, quibus arguti aliquid sub læua papilla micat, conciones nostras, frendentibus licèt Lutheranis Popis, palam adeunt, neque deest, quod obgannientibus ignauis canibus appositè referant, quo illorum os obducant; vt ea messis, quæ nunc hißerna in herba est, suam aliquando æstatem habitura videatur. Lecti sunt hoc anno manipuli ex tam infecundo Agro non quidem plures, quàm priore, sed potioris notæ; nobilis siquidem matrona, ipsiusque filia aliquot, clari nominis miles, Hussita celebris, & supra hos capita deinde quattuor, Prædicantium iras & minas susque deque habentes, alacriter in Petri cymbam concesserunt. Quæ verò ansa non suppetit in vrbe operæ in ciues conferendæ, tanto hæc luculentior in agro subministratur, ex circummissis oppidis pagisque, vnde terna hominum millia profecta, piæ peregrinationis nomine, ad Beatæ Mariæ Crupnensis, quattuor Sacerdotes nostros aliquando pæne obruerunt, tricenis licèt Sacerdotibus extraneis suppetias ferentibus, cum toto ex illo ingenti agmine vix vllus esset, qui non aliquem ex nostris Confessarium sibi deposceret.

D V X O V I V M vocati sumus ab illustrissimo VVenceslao Popelio, in oppidum ditionis eius, ad fines Boëmiæ, versùs Misniam, vbi libentibus oppidanis

pidauis, & paganis oppido finitimis, ea omnia administrata munera, & erga omnes hominum ordines, quæ huiusmodi excursionum sunt propria, nec maiore nostra, quàm illius populi totius volupstate, cui Dynastes ipse, coniux, & omnis omnino familia, illustri exemplo ad omnia pietatis officia præibat. S C H R E C K E N S T A E N I V M deinde, cum pestilenti aura campestis regio afflaretur, secessimus, in editam supra rupes arcem, ad Albin fluium, vbi eadem pæne concionum, exercitationumque cæterarum munera, erga Dynastæ amplam familiam, atque in Duxouienſes oppidanos, obseruata sunt. Quæ disciplina vbi eò vsque tenuerat, dum sua sponte currentes in pietatis studio Dynastæ familiares, poterant ad tēpus suæ ipsorum tutelæ cōmitti, ac institutoris carere præsentia in vicina montiū iuga degreſsi sunt ex arce nostri, suam quoque industriam siluestribus hominibus, cultura tantò egētioribus, cōmodaturi; vbi accidit peropportunè, vt ad maximè volētes, & attētos de Fidei rudimentis, loco & auditoribus congruēs haberetur oratio, quattuor ex eo conuētu, prima tētatione, ad Ecclesiæ sinū redeuntibus. Ex illis iugis in plana camporum, & frequentissima incolis oppida descensum est etiam, sed longè vberiore laborum compendio; nam, apud Austenses vulgaris sollempnibus Missionum nostrarum Indulgentiis, incredibile dictu est, quibus læritiis, incesſerint Catholici, quamquam rari deinde ad earum fructum hauriendum Confessione se compararunt; non tam quòd plerique non vellent, quàm quòd

extra Pasca Confessionis mos eo loci nondum increbuerat, & longa eius rei desuetudo initij faciendi rusticanum pudorem plerisque omnibus inducebat. Ea tamen voluntatum propensio, qua publicè priuatimque nostri, eorumque habita verba ad populum excepta sunt, lucris etiam ingentibus est apponenda, quando in oppidanorum animis paratum est solum idoneæ deinceps culturæ inferendæ. Nam concionantibus nostris Hæretici frequentes sua sponte adfuerunt, & indicta magistratus imperio maximè sollemni omnium Ordinum, Tribuumque supplicatione, placando in pestilenti calamitate Numini, suam præsentiam Lutherani neutiquam illi subtraxerunt. His, eiusmodique aliis, & suorum excitatus emolumentis Popelius Dynastes, ordinariam suæ ditioni nostrorum Missionem à Præsidibus Societatis depoposcit, & obtinuit.

NOVODO MENSE COLLEGIVM.

QUATTUOR & quadraginta res suas, scæque ipsos ad hæresin, velut ad tutissimū portum, appulerant, quos commonefactos imminentis inde naufragij, retrò ad Ecclesiæ fidam stationem reduximus; quo de numero censentur & primaria Virgo, & Prædicans factionis Vttaquisticæ, qui eodem tempore bene viuere, rectèque mori nobis auctoribus didicit. Hunc criminis cuiuspiam peractum reum indicat huius anni decimi tertij commentarius, nosque reuocat ad eius rei memoriam
ex pro-

ex proximo Annali refricandam; in cuius tamen anni Nouodomensibus capitibus nulla planè illius exstat vel Prædicantis vel criminis mentio. Compertum certè flagitij grauioris esse oportuit, cum eum sui pessimè habuerint ante supplicij diè, qui Prædicantium alioqui scelera dissimulare solent studiosè, atque ne, qua eorum fama in vulgus efferatur, omni cautione prouidere. Cui ergo capite luendum scirent, quod in leges admisisset, eum, suis sacris priùs exaugurandum Praga destinant ad summum Vtraquistici dogmatis Antistitem; ne qua scilicet labes ex hominis nefarij, non exaugurati, sanguine in suam sectam aspergeretur; atque vti hoc suo facto hebetis populi stolidam mentem infatuarent cumulatiùs, falso persuasi sacerdotium suis inesse Popis, quod eis illo ritu detraheretur, vindicatis interim ipsorum sacris turpiore ignominia. Eius porro execrationis sic habet ratio, vt in mystico fraterculorum conciliabulo, præsidente supremo Antistite, reus ex vinculis audiat coniecta in se acerbè ab obiurgantibus collegis probra omnium scelerum, quibus communes cum ipsis ordines turpissimè inquinauit; eisque maledictis pro rei grauitate exaggeratis; velut deradendo penitus Ordinis characteri nuper impresso, concerpuntur publicè, quas Formatas vocant, litteræ, quibus eius olim eruditio, probitas, ordoque commendabantur. Hac igitur, Vtraquisticæ germanitatis stirpitis exscindendæ nouacula velut desquamatum, delibratumque, suo gradu ac ministerio misellum Prædicantem,

suo exedrio, Pontificiaque curia, proturbant veteres Collegæ, Nouodomensem in carcerem denuo raptandū dedunt. Non aderant vincto sui ordinis & ritus Prædicantes, qui consolatoriam operam ægritudini leuandæ adhiberent; hæc igitur partes Orco legatus Tartareus Popa sibi sumit, libertatemque captiuo, si se audire velit, pollicetur. Ea igitur siue familiaris solatij destitutio, siue præsentis exitij formido, & salutis alea, cum eius animum non leuiter affecisset, Sacerdoti de nostris in custodiam aduocato Cacodæmonis fraudem aperit, cuius mortíferas petitiones vti cærtius eludat, Sacri Agni postulat sibi amuletum; quò instructus Tartaream belluam ita eneruauit, vt se illi præsentem sistere non auderet, sed procul ex abdito loco tumultus modò aliquid excitaret. Hoc aditu in eius animum patefacto, cum noster opportunè instaret, vt cuius summam vim ex re inter nos neutiquam primæ notæ, recens, & suo ingenti bono perspexisset, eius Fidei cæteras opes, numero & magnitudine singulares, & notitia & ipso vsu studeret sibi facere cum Catholicis communes; cum principio non valde repugnātem habuit, ac paucis etiam diebus penitus consentientem. Quam in sententiam vt ne quo se metu, errore, aut necessitate adductum Prædicans apertè demonstraret, eius Fidei, palam, & sæpius quidem profitendæ, quam toto animo esset amplexus, nullam non occasionem studiosissimè arripuit. Eò etiam operam contulit, & ardentiore quidem animo, vt Nouodomenses clues, qui se falsitatis do-
ctore

ctore nuper à veritatis linea procul deerrassent, nunc se, salutarium dogmatum longè consultio-rem magistrū, audire, ac præeuntem sequi animū inducerent; quā in sententiam vt eos pertraheret, vernaculi sermonis eloquentia, qua eximia pollebat, elaborauit, quàm fieri poterat, vehemētissimè. Quo autē ductus est die, vbi ad patibulū ventum erat, audiente vniuersa ciuitate, ac peregrinis, qui numerosi confluxerant vndique, Catholicam fidem ex Tridentina formula perquam alacri fortique animo professus est, vt quot Romani ac Hæretici ritus aderant auditores, testes haberet totidem, suę, in Romana sententia tuenda ad extremum vsque spiritum, constantiæ. Cuius Fidei, eius in mente haud leuibus vestigiis consignatæ, illud fuit argumentum luculentissimum, quòd, expectando excipiendoque supplicio legibus imposito, æquitatem animi singularem, parēmq; fortitudinem prætulit continenter.

A N N O altero tribus ac viginti Nouodomensibus vel heresin vel Sacri Calicis vsum dissuasimus; mulierem Iudæam Christianis institutionibus ad Baptismi sacra comparauimus; eius prolem, ipsa cupiente, salutaribus aquis imbuimus; tertio ab vrbe milliari, Hussitæi ritus oppidum adiuimus, vocatu Dynastæ illius loci, concionibus, cæteraque Catholica cultura imbuendum, vbi pretium operæ non leue habitum est, vt septena capita ciuium ad Christi sacrum epulum inducerentur, binæque ex iis Sacro Calice abstinerent, quod in ea gente sit planè prodigio simile. Monumentum

suæ impietatis Hæretici parietibus ædis sacræ inscripserant, hoc est, eius diei memoriam, quo se Papisticis, vt loquuntur, exsoluerant sacris, quo suo facinore, vt omnium honoratissimo triumpho impensius gloriabantur; quam felicitatem vt sibi perpetuam à Deo precabantur, ita Papisticum ritum, & Papam diris omnibus deuuebant, si quando quis animum adiiceret Romano ritui apud se instaurando. Fœdum illud Hæreseos, sacrilegia sua prædicantis, elogium noster Dynastæ significauit obliterandum esse, vbicumque tandem fuisset exaratum; sed ex eo maximè loco, vnde ipsi etiam Deo Hæresis insultaret: Dynasta, vt Patrem audierat, confestim sacrilegam tabulam abolendam curauit.

LABACENSE COLLEGIVM.

VT ciuibus fructuosissima, ita Labacenſi Episcopo iucundissima cùm esset nostrorū omnis opera; quò pluribus prodessemus, nos bis priore anno vocauit Oberburgum, ad totius regionis promiscuā multitudinē, festis Assumptæ ac Nascantis Virginis confluentem, concionibus, & Pœnitentiæ Sacramento excolendam. Ad quaterna hominū millia, cupidissimas aures concionanti præbentia, dictum est de hominis Christiani officio tam vtiliter, vt omnis concilio mox ad Confelliorū genua conuolaret, vt iis audiendis frequentium Sacerdotum opera, duobus pæne diebus, & interiecta eis nocte, continuanda fuerit. In ipsa porro

porto vrbe , ciuium frequentia ad Sacra , & con-
ciones commodius laxiusque accipiendæ , amplio-
ris templi fundamenta iecimus , cuius determi-
nandis finibus , sacraundaque area , Labacensis An-
tistes , pluuiò quantumvis cælo , aliquas horas
summa religione consumpsit , Ferdinãdus verò hu-
ius Collegij conditor , cùm sui copiam facere non
posset , inscripto lapidi demittendo suas vices Si-
ticensi Abbati delegauit.

P O S T E R I O R annus familiam Labacensem
triplici multauit funere , ac earum quidem opera-
rum , quæ gerendis rebus vtilis iam fuerant , vti-
lioresque deinde sperabantur. Martino Feldkir-
chen , Morauo , Adiutori familiarium rerum , duos
& triginta nato annos , nouem in Societate versan-
ti , felicissimi exitus prima sors obrigit , cum eum
ex continenti & immodico labore permolesta
corripuisset Pleuritis , eamque mortiferam ipse
coniecisset , omniumque id primùm prouidisset ,
vt semel , iterumque vniuersam vitam ad Sacer-
dotis aures excuteret : contraque medicorum sen-
tentiam cætera adhiberet Sacramenta , non mul-
tò post vitæ in strenuis laboribus religiosè ac for-
titer exercitæ præmia percepturus excessit. Septi-
mo ab huius occasu die Andreas Lanscha , Laba-
censis , ætatis quarto & vicesimo , tertio Societa-
tis initæ , Pleuritide quoque absumtus , ab docen-
di vltima in schola , & viuendi munere absolutus
est , paucis annis religiosissimi certaminis glorio-
sum , & virtutum palmis celeberrimum stadium
emenfus. Patre autem Eustachio Tunzlero quòd

per idem ferè tempus orbatì sumus, tanto eius de-
cessus, visus est Collegij, Prouinciæque rebus alie-
nior, quòd ipsius erant eximia, supra vulgarem
notam, indolis, ingenij, eruditionis, Religiosi-
que moris dotes, præstasque cum ab natura, cum
ab arte mortalium animos conciliandi, quoque
res exigeret, pelliciendi facultas. Vixerat annum
quintum & tricesimum, inter Socios decimum
sextum, in Istria natus, cuius ad cæteram eruditio-
nem, & trium principum linguarum notitiam, ce-
lebriora etiam Europæi generis idiomata corolla-
rij loco accesserant; vt priuatim publiceque di-
cèdi vtilibus de rebus expedita semper copia sup-
peteret, ingenti audientium emolumento. Magna
spe illustrium rerum olim gerendarum Istricam
Missionem attigerat, vnde affectu permolesta fe-
bri corpus retulit, iam debilitatum longiore alio,
perdifficileque itinere, cum Praga huc contendis-
set: vt morbi violentia fractas vires tametsi fortis
animus ad destinatos labores integrare niteretur,
illæ in ipso conatu hominem deficerent, ac, studio
nobilium coronarum præclare currentem, in me-
diò stadio exstinguerent. Vt quinque à pertinacia
hæresis tuendæ profitendæque demoueremus, non
insegniter desudandum fuit; quòd genus prædæ his
locis eiusmodi est, vt propemodum æquare possit
iusti triumphii materiam. Sed in Hæreticis tamen
censentur nonnulli, tametsi sententia & ritu à no-
bis longissimè discrepantes, qui voluntate, ac be-
neficentiæ studio nequaquam alieni esse velint;
nam copiosa ex eo genere familia, integèdis tem-
pli

pli nostri geminis turribus, æris Cyprij maximam vim nobis liberaliter subministrauit, accessio- nis loco adiunctis centum & quadraginta Taleris, ad eandem ædem pleniore ornatu instruendam.

PLETRIACHI hoc biennio toto Lutheranis societatem renunciarunt octo, quorum vnus, genere nobilis, & opulentia clarissimus, condonan- tibus nostris, vt principio Catholica Sacra priua- rim adiret, eam gratiam, vt sua conditione indi- gnam, aspernatus est, professus veri patris fami- liæ partes in rectè factorum exemplo potius, quam in potestate ac imperio esse positas; quamobrem vt ne iis obesset dissimulando, quibus omni sua a- ctione prodesse deberet, luce palam quæcumque Catholici hominis essent munera, in cõmuni æde vsurpaturum. Altero anno huius biennij decessit Georgius Bartolich, Slauus, domesticæ rei nauus curator, duodequingagenarius, vndeuiginti sti- pendiorum in Societate, quem Ariani Claudio- politana Transsiluanix clade securi contusum, ru- ptis duabus in pectore costis, semianimem reli- querant, qua ex carnificina, quod reliquum ei vi- tæ, ac diuturnæ quidem fuit, in perpetuis crucia- tibus transactum est, in quibus eximia Christianæ tolerantix, cæterarumque virtutum documenta perpetuò edidit.

CLAGENFVRTENSE COLLEGIVM

LUTHERANA causa vicanos senos erroris sui adstipulatores anno priore amisit, quo de grege

grege vnum sua vxor tricesimo ab hinc anno in baratrum impietatis secum detruserat, ex quo ipsa deinde cū salua emerisset, non destitit virum reuocare, quem præcipitarat, dum illum quoque in salutis portum assereret. In multo ciuium torpore, singularis Scholasticæ iuuentutis, frequenti eximiaque nobilitate florentis, emicat feruor tanto ardentius, quanto eis impensior adhibetur cura, Numinisque solet in hoc genere liberalitas esse cumulator. Et verò Ferdinandus Princeps, cū nos inuiseret, hanc Deo ac Religioni, sibi-que, tantum nobilium adolescentium numerum, tamque compositos ipsorū mores gratulatus est.

ALTER annus manubiis ex Lutherano exercitu opulentior discessit quadragenis militibus ipsorum ex acie, iusto certamine, detractis, & quidam virgine ac viro nonagenariis vtrisque, nihil vt esset ampliùs, cur transitionem differrent, isto præsertim & animi & corporis orbo luminibus.

E B E R N D O F F E N S I S S E D E S.

C A R I N T H I Æ, Stiria, finitimarumque prouinciarum oppida & pagos, seu Labacensis, seu Bambergensis, ac Seccouienſis Episcoporum iurisdictioni obnoxios, Sacerdotes suæ Probationis triennium exsoluentes, per eam silentij & quietis opportunitatem lustrare aggressi sunt, eisque populis, vel Lutherana labe turpiter inquinatis, animorum maxima subsidia importarunt. Expeditionum prima suscepta est Pleiburgū oppidum versùs, & in agrū oppido finitimū, quò Labacensis Antistitis litteræ,
in

in cuius ditione ille tractus est totus, quoniã erant
antegressæ, nobis aduenientibus, apud Parochos &
Vicarios prona cedebant omnia; indeque sequeba-
tur plebis ad officiũ Christianum adducendæ sum-
ma facilitas. Nobilitatem principio minùs æquam
expertum sumus, ab alienatis nõ nihil ipsorum animis
rumore quodam aduerso maleuolorum, non eius
populi salutẽ, sed commodam sedẽ nostrorum co-
loniæ quærì, vulgantium; destinatã scilicet esse illã
totius oræ lustrationem, priuatorum explorandis
opimis prædiis, quorum possessionem ambiremus;
sed eam calumniã facilè discussit nostrorum breuĩ
perspecta innocentia. Vbi autem publicè constitit,
eam inuidorum fuisse criminationem, cleri, no-
bilitatis, ac plebis vniuersæ animus, rùm se in nos
palam effudit maxima significatione beneuolentię;
nemoque fuit de numerosissimo populo, qui no-
strum aduentum sibi, vt maximè salutarem, non
gratularetur; vt præter Catholicos, omni genere
cælestium auxiliorum, duobus oppidis, pagis plu-
ribus egregiè curatos, quattuor etiam Lutherani
ab hæretica labe sanarentur. Ab istis ritè procura-
tis translata est opera in frequens incolis oppidum
Carinthiæ Feldkirchium, ac eiusdem agrum, Bam-
bergensis diœcesis, indeque in quaterna Stiria op-
pida grandiora, in Seccouienti diœcesi, pari, ac ma-
iore quoque oppidanorum compendio, vtroque
Antistite per se ac suos nostrorum laboribus amã-
tissimè obsecundante; vbi ad cæteræ messis ingen-
tes acervos, ille quoque accessit cumulus vnus
ac viginti Hæreticorum, Luthero ac Ministris eius
suas

suas res habere iubentium. Ab his oppidis in aliud *Sanctum Vitum* appellant, cum demigrassemus, seuerius à Parocho ac ciuibus accepti, non nisi pro ara dicturi ad plebem admittimur, & quidem circumscripta dictione intra breues quadrantis angustias; sed felicitior nobis, populoque iucundior & fructuosior, cecidit ea conciuncula, quàm Curio futurum credidisset; vt ad eius dictionis auidas plebis aures, & primariorum deinde ciuium, ac Senatorum denique, crebrius iterandæ fuerint conaciones, adiunctis reliquis nostræ consuetudinis functionibus, tota consuète ad nos ciuitate. Cum ad Hæreticorum conuincendos errores publicè aut priuatim conuersa esset opera, omnium pugnacissimè nobis obstitabat coniuratus seminarum globus, sacramento sæpius iterato adactus à factionis principibus caput obstringere, ab Luthero nullius se imperio vel auctoritate discessitum; singulis funestissimas sibi diras imprecâtionibus, si adamati dogmatis eioradi principes vmq̃uâ existeret; vt palmaris victoriæ loco fuerit, quod tres illas ex coniuratione potuerimus dinellere. Audaciores in scelere faciebat, obstinatioreśque, contumacis sua sponte ingenij mulieres, sacerdotum nonnullorum sacrilega perfidia, quorum flagitiosissimi mores ad omnem impietatem aperirent facillimum aditum, vti pecunia redempti à feminis, ytramque ipsis Eucharistiæ speciem clamculum porrigerent. Celebri Virginum Cœnobio nostri, Sancto Vito digressi, appropinquabant, cum eius loci seu de Clero, seu de Populo curatores omnes, aut ædi-

bus

bus suis tenere se, aut aliò dilabi cœperunt, Cuius etiam morbo decumbere, cunctis inani terrore percussis, venire nostros Pontificiis, Regiisque instructos diplomatis, quibus eius regionis Sacerdotalia quæcumque prædia Societati attribuebantur; quo eodem metu percita Monasterij Antistita, hortatoribus maximè Sacerdotibus, nostros aditu prohibendos statuit. Ei mulieri sic animo affectæ, cum error auelli coram non posset, aliò deuertentes Socij ad tempus, litteris procul ad eam datis, rationem suarum expeditionum sic aperuerunt, ac probarunt, vt quos auersata esset, mox expeteret cupidissimè; quibus ex interuallò redeuntibus, illa Virgines omnes, ac se ipsam sacris institutionibus excolendam permisit, totòs septem dies, de Monastica disciplina quotidie verba facientibus nostris ad vniuersum Cœnobium, singulisque priuato congressu necessaria præcepta suggerentibus. Vna dumtaxat Virginum excepta, reliquæ omnes, iteratis à prima pueritia Confessionibus, recoluerunt apud nostrum quidquid vquam se admisisse meminerant, intimo pietatis sensu; inter quos animi motus, vberesque lacrymas, profitebantur vniuersæ illos se dies in summis suis bonis ducere, cum tam salutari nostrorum opera fruerentur, quos vt Angelos sibi è cælo missos suspicerent. Hoc etiam gratior noster aduentus Virginibus omnibus obtigerat, quodd, auctore Deo, ipsarumque annuente votis, nos eò destinatos arbitrarentur; cui supplices sæpenumero se fuisse meminissent, vti Sacerdotem de Societate

cietate ad se aliquando allegaret, cuius piaculari bene usæ opera, pacem Superum impetrarent, quietemque animo, ac salutem sibi deinceps assererent. Villacum Carinthiæ oppidum, Hæretici nominis nuper asylum, seditiosorum arcem, ac noui ritus augustissimum fanum, Bambergensis Episcopus, illius oræ Dynasta, duplici iam clade per immissum exercitum afflixerat, vt contumaces ciues, quâ rationibus, quâ ærumnis ad Catholicorum partes inflecteret; tertiâque calamitatem in scelere obduratis minabatur, cum eò nostri sese appulerunt; vt consuetudine impietatis Hæreticæ occalescentibus Villacensium animis, & cladium exasperatis memoria; vix vlla spes melioris frugis inde affulgeret. Coniuratorum mulierum eius generis, cuiusmodi modò significabamus; tanta erat peruicacia, procacitas, & pœnarum à Principe imminentium aspernatio, vt eius sexus contumacia & ferocitas satis animorum facere videretur Hæreticæ factioni, ad omnes eludendos conatus Antistitis. Ea verò Catholicorum manus, quæ ab Hæreticis diuulsa, paullò antè coaluerat, Principis reuerentia, & multæ metu potius, quàm Religionis studio, haud multò sanior vel sententia, vel moribus erat ea parte, vnde antè descuerat. Quò autem minùs erga nos afficerentur, incertis auctoribus rumor increbuerat, lesuitarum omnem esse tetricam, asperam, inclementem, ac superstitiosam rationem agendi, qui hominum mentes acerbissimis scrupulis enecarent, crudelissimamque exercerent animorum car-

carnificinam. Sua igitur sponte Villacenses iam auersi ab nostro more, his sermonibus sic alienati sunt, vt suas functiones nostris obeuntibus in sacra æde, mira esset ab oppidanis solitudo; vt nisi singularis quædam nostrorum industria exacerbatis mentibus deliniendis succurreret, summis-
sasque à Principe vir pius ac potens, Aerarij Tribunus, solertem strenuamque operam promouendo negotio contulisset, vacuis omni manipulo nobis ab illo agro redeundum foret. Sed post aliquantum temporis, non vulgari arte ad conciliandos ciues adhibita, incredibilis facta est animorum conuersio, nullum vt argumentum testificandæ beneuolentiæ ac venerationis erga Socios à Villacensibus vsquam omitteretur, & mox conciones tota hebdomade auditoribus frequentissimæ, catecheses puerorum globis numerosissimæ, ac discendi studio flagrantissimæ obseruarentur. Confessionum, ante illud tempus, apud oppidanos vicinosque finitimos rara erat mentio, vsus etiam infrequentior; quo de argumento cum accuratè nostri pro concione differerent, audiebantur tota e de gemitus testes impensi doloris animo concepti, vnde sequebatur acris noxarum in vniuersam vitam inquisitio, quam confestim exciperet diligentissimum studium Catholico more confitendi; quo in munere versati sunt quadruplo, aut quintuplo etiam plures, quàm solerent. Hæretici dogmatis nouitas, diuersaque ab Catholicis institutis sententia, nonnullorum animis ita lenocinabatur, vt in summis suis bonis ducerent hanc suam exi-

stimulationem de Fidei capitibus singulariter sentiendi, & vt interpretabantur maximam gloriam. Tam inani, tamque pestilenti ambitionis vento sufflatas mentes cum sibi curandas sumisissent nostri, patefacto ambitiosæ opinionis errore, quasi putridi abscessus in tumore immisso scalpello, illam stolidæ inanitatis vesicam momento difflarunt, & quattuor supra sexaginta de illo vesano cõciljabulo ad Catholicæ demissionis saniora cõsilia, velut in quietum portum, subduxerunt: ducentenos ac tricenos, qui hæresi occultæ speciosum Catholicorum nomē simulationemque prætenderent, ad Fidem glorioso nomini consentientem pertraxerūt. Ad illam porro disciplinam, quæ inducebatur ex Ecclesiæ præceptis ac ritibus, accessit & alia ex legum seueritate aduersus quosdam refractarios, nequaquam levis momenti ad compescendam peccati licentiam, indicta grauiore multa vetitos cibos venales habētibus, & vsurpantibus; cuius noxæ rei Senatores quattuor, præter cæteram animaduersionem, Senatu quoque moti sunt; aliquot alij eodem nomine uctigentorum Florenorum pœna multati; vt vel hoc suppliciorum terrore inuitis conciliaretur mentis sanitas. Minister sex & quinquaginta natus annos, triginta ipsos magistrum erroris professus, octauū ab hinc de Catholico dogmate cogitarat, commotus lectione orthodoxi codicis; cuius veritatem dum studiosiùs examinat, adhibita collatione Calviniani commentarij, eodem argumento scripti, eò demum ex ea veri explorandi palæstra est delapsus, vt si

lus, vt si sanus esse vellet, sublata Fidei memoria, putaret sibi credendum esse nihil. Hunc deinde nostrorum auditæ conciones incitarunt, vt ab eis quædam de Fide percontaretur frequentius, quibus in congressibus errata sua edoctus planissimè, post discussam falsitatem Calvinici codicis, qui dogma illud insanum Bellarmini auctoritatibus constitui iactaret; multis lacrymis suam infelicitatem lamentatus, quod pridem in tam peritum, planumque doctorem non incidisset, nostro Sacerdori se penitus regendum multa canitie senex, & in Catholicorum corpus adoptandum, serò licet, tradidit. Quod suum bonum cum vxore participandum cum censuisset, illa & nostrorum, & viri auctoritate se permoueri passa est, subsequutura post paullo viri exemplum; de cuius instituto vt fama dissipari cœpit, tota ex Carinthia concurrere spectatores, quibus impensè de mirantibus Sanctioris Hebdomadæ feria quinta, luce palâ, sacra in æde perpetuū Anathema hæresi pronūciat, tamque fortis propugnator Catholici ritus nunc perseuerat, quàm impudens nuper fuit assertor Hæretici dogmatis. Hac veluti erroris colūna, & firmissima quidem, feliciter deiecta, Bambergensis Episcopus, vti certè debuit, maximoperè lætatus est; tam celebri nimirum Prædicante nostras in partes traducto, ac illo etiam non ignobilis Prædicantis filio, dubium nemini esse potuit, quin ad hæresim profligandam planissima inde via sterneretur. Hunc igitur semel iterumque accersitum omni genere comitatis ac beneuolentiæ prosecutus, ultro ei detulit, quod

postulaturum nosset : quamque non peteret, frumentariam annonam bene amplam , perpetuamque ipsi liberaliter attribuit. Acerba quidem fuit labe , transitione huius Prædicantis , aduersariorum illata partibus ; sed plaga neutiquam leuiore causam eorum multauit nobilibus maioribus orta matrona, de illa coniurata sodalitate indigenarum mulierum , quam nosse procaciorum in congressu expertus, placidè monuit , vt seposito pertinaciæ consilio, de non adhibenda passim, & à quolibet vtraque Eucharistiæ specie , in templo se disputantem audiret. Vbi eius argumenti concionem excepisset , cùm multis lacrymis ad nostrum adiit, professâ suæ obstinationi cumulatiuè satis factum esse, vt stipitem se dici oportuerit , nisi tanta vis, luxque rationum errorem ab se omnem depelleret ; quamobrem, nihil se tergiversari, sed in Catholicorum cœtum cupidissimè transire ; seque ad id impelli diuino quodam oraculo. Nam pridie quàm nostri suas in ædes venissent , candidissimas duas columbas in quiete sibi obuersatas, quas suis manibus cepisset ; se verò interpretari columbarum specie nostros designatos, qui se coruino atrore nigriorem dealbaturi essent , & Christo sponsam copulaturi. Ea de muliere vbi ad fœderatum nuper ipsi agmen illud muliebri vulgi sermonibus allatum est , in eius ædes prouolant, furiarum instar, de conuentu insanissimæ quæque, ac in eam dicunt , & moliuntur, quæ impotentissimè bacchantium furor suaderet. Quibus illa paucis , ac sedato animo in hæc verba retulit ;

Quin
vos,

vos, sorores, eandem mox initis viam, quam ego prima ingressa sum, vti vobis sequentibus præmunirem? An non satius è probi Sacerdotis manu, cuius integri mores cum sana doctrina consentiant, Christum ipsum sumere, quàm Vtriusque Speciei umbram nescio quâ ab nefario Prædicante? Nam quid attinet dicere, qua sint religione vestri Prædicantes, quos minimè pudeat, non suppetentibus hostiis, decisos cruda ex rapa orbes corporis Christi loco porrigere Eucharistiam cupientibus; quod ipsi tibi, (vnam certam eo de cœtu alloquebatur) ante biennium memini accidisse. Generoso quidem responso pia matrona tumorem furiosarum Mænadam contuderat, non molliuerat tamè peruicaces animos imitandi exempli datum salubre consilium; sed interpositæ ab Episcopo Bambergensi seueriores imminetium pœnarum minæ, quantumuis refractarias mentes, ad officij iusta compulerunt. Expeditionis autem nostræ cùm terminus instaret, & profectionem adornaremus, adfuerunt de Magistratuum decuriis clarissimi quique, vniuersæ ciuitatis nomine, cum amplissimis muneribus, quæ magnopere admitti cuperent; publicè item scripta, exsignatâque accedebat auctoritas, omnium Societatis munerum rectè atque ex ordine à nostris administratorum, additis magna beneuolentiæ significatione, illustribus eorum elogiis. Testimonio suæ integritatis admissò, nostri cætera modestè remiserunt, morem Societatis mirantibus ciuibus, & abstinentiam donorum prædicantibus; qua moderatione ampliùs etiam

nobis conciliatos prohibere nequaquam potuerunt Patres, quin iidem Magistratus, adiuncta reliquorum civium turma, honoris gratia procul vrbe se discedentes affectarentur. Roma per eos redierat dies Bambergensis Antistes, Cæsaris missu legatione functus, cuius mirum est quanta lætitia perfuderit animum truciata res Bambergensis longè lætior, quàm mente olim præceperat, vt agendarum Patribus gratiarum finem nullum faceret, quos perhonorificè semper habitos, ea etiã veneratione dignatus est, vt vltimo digressu, ad eius pedes cum se abiicerent, pacem postulaturi, procumberet ipse quoque in genua, peramanterque amplexatus oscularetur. Eodem porro cum redditum esset à nostris, atque illius plagæ Rectori, Vicedominum appellant, insedisset consilium hæreseos ab vrbe penitus exterminandæ, adnitentibus suo more nostris, Rectore autem in contumaces exsilij pœnas seuerius infligente, sumto initio à principibus matronis, nobilium virorum coniugibus, obstinatissima peruicacia hæresin tuentibus, cœpere ipsi etiam refractarij nostros interpellare, vt ipsorum disciplina Catholicis præceptis imbuerentur; quibus vesanum ritum eiurantibus, illæ quoque damnati fœderis auctores matronæ resipiscerent, atque omnis reliqua fæx hæreseos detergeretur.

V V O L F F S P E R G A oppidum amplissimarum Satrapiarum caput, Bambergensis quoque Antistitis ditioe continetur, frequens olim Episcoporum sedes, in Lauantina Carinthiæ valle amœnissima

lima vberrimaque, stationem Hæreticis acceptissimam olim præbuerat, diutiùsque erat præbitura, nisi Princeps, Ferdinandus decimo sexto ab hinc anno, tenebrionum impiam legionem inde flammis abegisset. Sed insigni nequitia Parochi, quos inter Sacerdos pater filiusque, perditissimis vterque moribus, alter alteri suffectus, cum deprauatam aliunde plebem regendam suscepissent, rudibus ab Christiana institutione ciuibus magistros se atque auctores ad omne flagitium obtrulerunt, quorum scelere factum est, vt oppidani Catholici exiguo postea discrimine ab Mahometanis distinguerentur. Eam vineam nostri frequenter sibi per litteras excolendā depoposcerant, impetratum tamē nihil erat ab iis, quorum maximè intererat, suas operas in eam culturam diligenter conferre, alienas non prohibere, sed potiùs aduocare. Quamobrem eò cum adiissemus, & seriò commonefaceremus Parochum, vti ne adspernaretur homines, suam in tanti momenti negotio deferentes industriam, de ipsius auctoritate ac iure nihil decerpturā, expressimus denique quod cupieramus, triduumque publico abstinentes, dum deliberamus vnde simus initium facturi operæ in ciues conferendæ; quo triduo suspensa consiliorum nostrorum expectatione ciuitas mirificos de nobis, & summa varietate, sermones habuit. Ea tandem sententia placuit, vt ab concione illius agri colendi exordium caperemus, cuius ea frequentia fuit, quam laxissimi templi spatia non complecterentur, quocumque seu discendi, seu explorandi studiosa tūc ducere-

tur; quod studium si minus liberale fuit initio, certe postea in bonum vertit, nam eadem, celebritatis ratio festis diebus perseveravit; ut ne autem profestis diebus paucitate auditorum esset in æde solitudo, quæ iure timebatur, Magistratus sedulitas diligenter prohibuit. Assiduitate deinde catecheson & concionum, cum paucis diebus vehementius incaluisse civitatis animi, accensis studiis vulgò itum est in crebræ Confessionis, & Eucharistiæ usurpationem, inter quæ pietatis officia vberibus lacrymis obeunda, non sibi temperabant ciues, quin amoris quodam æstu ruerent in colla Patrium nostrorum, quos peramanter amplexantes, suæ secundum Deum, auctores salutis appellabant. Quod prodigij loco fuit in tanta morum corruptela, de illo populo terha millia, iis initiis, sacram Poenitentiae tabulam inscendentes, ex animorum naufragio emerferunt; ducentem ericeniq; ab hæreseon scopulis in tutam Ecclesie stationem enauigarunt. Eò corruptæ vitæ licentia euaserat, etiam inter Sacerdotes, ut eorum unus, super sacerdotium Parochus, sociam tori haberet publicè, atque ex ea liberos, cui, ut Curialium matronarum principi, dignum tam augusta prerogatiua duxerat ipse Curio Maximus, peculiarem sellam, ab turba muliebri secretam, in æde collocare. Hic verò, quasi de Aaronis stirpe aliquis inter Israëlites nepotes, Sacerdoti nostro per familiaria colloquia sacrilegum eius concubinatum obliquè perstringenti, non est veritus Sacerdotalis castimonie religionem contumaci risu eleuare;

mare; Canonum eas nuptias vetantium auctoritatem, quasi defuetudine abolitâ, minuere; exemplo viri primarij de Clero, qui Romæ sibi factâ coniugis potestatem, ritu Græcô, assefereret, suum factû liberius tueri; matrisque familiæ societate Sacerdoti, rustica prædia possidenti, necessariam affirmare. Postea verò quàm noster omnem eius cauillationem rationibus dissiparat, seuerèque sui officij admonuerat, crimen agnouit, cõcubinam procul ablegauit, & sobolem; & noster vtriusque, salutare piaculo Confessionis procurati, rationes in posterum constituit, vti sine noxa & offensione ciuium viuerent. Lutherana virgo, cùm Principis edicto sectarij ad Ecclesiæ Sacra adigerentur, Catholicam simulans cælestis agni epulis accubuit, exceptamque ibi hostiam, ex ore in chartam demisit, madefactamque conserpsit in minutas portiones, Catholico deinde nupta viro, factum suû ei aperuit, & chartam tradidit. Vir ratus haud satis tutum committere huiusmodi rem Sacerdotibus, qui tûm aderant, parum prudentibus, minusque religiosis, sacrum thesaurum apud se reuerenter habuit, posteaque in nostrorum fide ac manu deposuit, quibus omni cura integritatè sacri depositi explorantibus, post vicesimum annum ab admisso sacrilegio, sacri pignoris omnes portituncule deprehensæ sunt tabis expertes. In Venetiam quoque penetratum est, decimam olim Italiæ regionem, Hadriatico imminentem mari; *Taruisanam Marcham* nunc vocant, ab Taruisanis montibus, ac principe oppido Taruisia, in quo & aliis tribus

quattuorve, quidquid Hæretici nominis residuum fuit, quinquagena ferè capita Lutheranam perfidiam dedocta sunt.

GLACIENSE COLLEGIVM.

A N N I S, inuacuetudine, sed ante omnia meritis rectè factorum gravis, Antonius Catana, Formatus Coadiutor, anno priore incunte ab hac Familia in cælitum societatem demigravit. Discipulorum prouehendis ad altiores facultates ingenijs, Rhetoricæ schola cæteris adiuncta est; dictūque ab adolescentibus in funebri pompa Christi demortui tam appositè ac efficienter ad dolorem simul & amorem conciendum, vt ipsi Hæretici dictionem omnem excipientes auidè palam profiterentur, nihil eiusmodi piorum affectuum erga Seruatorem Christum ab suis solere commoueri. Qui Prouinciæ cum imperio præst, gentis præcipuo vocabulo *Capitanus*, tametsi ab ritu Catholico alienus, nullum erga Socios Glacienses beneuolentiæ, ac benefactorum genus prætermittit, de quæ Catholicorum publico ita benemereri solet, vt Magistratus de ipsorum corpore Hæreticis Magistratibus libenter substituatur. Hac gratiæ ipsius obsecundante aura Catholicis rebus felicem navigationem polliceri nobis possumus, facilioremque Lutheranæ sectæ nostras in partes transitionem, vnde Romano gregi decem & septem accesserunt priore anno, posteriore sex dumtaxat; sed non vulgare tamen pretium operæ, cura Prædicantium

cantium exedriis circumsideamur vndique. Fundum nostrum Collegio continens vi vsurpabat multos annos nescio quis, cuius demortui hæres re aliena spontè cùm decessisset, destinatas pridem eo in prædio scholàs, exædificare cœpimus; in eamque fabricam Carolus Austrius, Vratislaviensis Episcopus, trecētenos annuos Florenos, donec imponatur operi fastigium, liberaliter attribuit; Hæreticis quoque studio & fauore id ædificium promouentibus in scholasticæ nostræ disciplinæ gratiam, quam nobis magnopere gratulantur.

Nissæ duo Socij apud Carolum Austrium, Vratislaviensem Antistitē, in Aula; duo in ipsa vrbe, solo sanequàm difficili vtilēs posuerunt operas, duodeuiginti Luthero subductis asseclis; quodque non minoris sit negotij, tricenis ab Sacri Calicis vsu retractis: nam qui se ab eo sinant auelli, haud leuioris culpæ apud suos rei fiunt, quàm vt morte digni censeantur; adeò sibi persequendos eos ferro putant, è templo egredientes, si quid tale commiserint.

RATISBORIENSI Missioni ansam præbuit sceleratus Curio, ex Lutherana disciplina, in ganeis & lustris clameculum educatus, cuius clandestinis institutionibus trecenta ciuium capita Lutherū egregiè combiberant, antea in oppido incognitum; quibus tandem patefactis, audaciæ tantum insedit, vt Silesiis indultam facultatem Lutherani dogmatis assumēdi, rem in hac vrbe prorsus inauditam, suo veluti iure sibi deposcendam putarent. Eò igitur aduocati quidam de nostris ab
Vratis-

Vratislauiensi antistite, Carolo Austriaco, Augustanæ Confessionis recens exortam luem, & Vtriusque speciei veteres quosdam propugnatores, confutandos aggressi, Deum suæ doctrinæ adstipulatorem, vrbis verò Senatum industriæ fortem adiutorem experti, aduersariorū partes haud modica labe affecerunt. Cum enim sectarij sibi suffissent, vt Hæreticum Prædicantem repugnantibus Catholicis in urbem inducerent ipso Pentecostes die, Senatus edicto portis triduum oclusis, ciues interdiu noctūque in armis fuere, nec mediocriter Hæreticā compressere audaciā; quam pæne fregit, aliud deinde Senatus decretum, nostris auctoribus factum, vti ciues per suas tribus in curiam euocati, auitæ fidei tuendæ sacramento adigerentur; quibus adactis, trecentorum Augustana illa manus mox ad sexaginta rediit. Tertium quoque illud à prudente pioque Senatu accessit Romanæ Fidei præsidium, vt veterum vrbis prærogatiuarum, Cæsareo diplomate accersito, instauraretur vis & auctoritas, quarum vnum caput est, vt nemo Hæreticus, nec Vtriusque Speciei sectator, ciuium numero censeatur: quibus subsidiis firmata Religione, aduersarum partium vires animique conciderunt. Prodigiorum verò quoddam ab Deo profectum genus terruit Hæreticos, Catholicos in suo ritu magnopere affirmavit. Maioris Ieiunij primo Dominico die, noster pro Concione quæstionem de non attingendis veritis opsoniis agitat acriter, quo ipso die primaria matrona, æternæ Lutheri memoriæ pollucibiliter opsonatura,

lanienā

lanienā suis ipsa manibus instituerat domi, multā bubulæ ac vitulinæ dissecandæ ampla imminens securi, quasi eodem ferro Catholicā abstinētiā, Prophetæ suo victimam, iugularēt, concionatorisque argumenta conuelleret; cū securim molienti desubito brachium dirigit, conantique nihilo secius, quod destinarat, exsequi, epilepticus mox affectus toto insedit corpore, qui atrociter vexatam biduo confecit. Alio die noster Lutheranz cœnæ ineptias, & insulsam commentationem populo explicabat tam apertè, ut qui aderant eius affectatores complures, impatientia illarum mysteriis suis ignominiz, de concione palam se subducerent, ut feruido iure aspersi canes; quorum duo maximè ubi concionatorem fœdissimis probris tota vrbe lacerauerant, fortè sibi obuium in publico, quemadmodum in proximum profluentem demergerent, funesta ipsi consilia ita inter se agitarunt, ut facinus decernerent. Sed nocentes ultor Deus à tergo sequitur; eodem certè momēto vterque ardentissima & letali correptus febre, paucis diebus, nullo concepto noxarum dolore, infelicissimo casu interiit, quorum alteri morienti sedulam operam noster, sed irritam præsens detulit.

ZAGRABIENSE COLLEGIVM.

DE C I S V M de huius Familiz corpore membrum robustissimum, utilissimumque, cæterarum partium vires haud mediocriter imminuit;
Pater

Pater scilicet Ioannes Mislenouicz, ob eximia virtutum decora ciuitati vniuersæ iucundissimus, fructuosissimusque, Societati nostræ perhonorificus; quod eum prouexerat Diuini honoris flagrantissimū studium, & nō minùs incensa salutis animorū sollicitudo. Quantus verò æstus amoris erga Deum atque homines ardebat in hominis pectore, tantū fortitudinis ad profligandas quantumuis arduas prouincias, eadem caritatis illa flāma subministrabat, vt quæ facinora ingentis cuiusdam difficultatis formidine alij exhorrescerent, ipse arriperet cupidè, inuictoque animo vnus exsolueret. Diuinę gloriæ perpetuò sollicitum animum, & in assidua quadam venandorum animorum indagine defixū, nulli hostium, tota licet regione grassantium, terrores vmq̃a prohibere potuerunt nocturna æquē & diurna peregrinatione, locis etiā formidolosisimis continenter obeunda. Concionantis ex ore velut igniti globi, ex intimi pectoris ardenti quadam fornace prompti, tanto impetu ferebantur in audientium animos, vt eo dicente auditor, odio sui, & Numinis succensus amore, totus æstualet. Ei mortuo tota ciuitas piis votis lacrymisque officiosissimè parentauit; funus quàm amantissimè ac honorificētissimè prosecuti sunt, Ciuium lectissimi quique, Magistratus, Clerus; neque suam præsentiam funebri pompæ subtractam esse voluit Vesprieniensis Antistes, qui tum in vrbe casu versabatur. Expeditionum aliquot in agros susceptarum supra manipulos alios ea messis fuit, vt quinquaginta in Fide vacillantes, desertionique proximi

mi roborarentur in eius fortiter retinendæ proposito: quique saginata aluo venire consueissent ad nocturnas Nascentis Christi vigilias, damnato veteri more, totum ante triduum piis exercitationibus exculti, & inedia domito abdomine ad Diuinas epulas ea nocte accumberent: ægrotis duobus pæne desperatis persuasum Confessionis aridotum citam facilemque sanitatem attulerit. Insequente anno Zagrabiæ Lutherani toxici virus ex intimo pectore duobus & triginta expressimus, in quibus fuere aliquot viri nobiles, ac de ciuibus homines honorati, quorum error pridem latuerat, sed eum audiendarum concionum vsus expromsit: in istorum quoque societatem captiuus Turca venit, Baptismo inani Circumcisioni appposito.

LINCIENSE COLLEGIUM.

PRIO R annus totam hanc Familiam grauiori valetudine conflictatâ, reliquis Sociis demum conualescentibus, trium Sacerdotum funere multauit, primùm quidē Patris Valentini Klinckardt, Fuldensis, annorum vndequadraginta, ingressi Ordinem nostrum decimo quinto ab hînc anno, cuius cætera opera utilis, triennium verò totum fidelis exstitit, in huius Sedis administratione. Patri Ioanni Kadlouio, Nissæ in Silesia nato, secunda sors obtigit, anno vitæ altero & quadragesimo, impetratæ Societatis decimo tertio, cui & traditæ

traditæ in Scholis Humaniores litteræ, & Procuratoris functionis, aliquot locis obita, Religiosa ratio, utilis operæ inter Socios nomen pepererant. Pater Henricus Dregenus, Vvestphalus, vnum & tricesimū ætatis annū in viuis degens, & in Societate decimū, dum iuuetute sanctis moribus ac litteris imbuenda occupatur assiduè, studiosequè, ad laborum stipendia in cælum aduocatur. Seu turpes vernæ, geniti seruis parentibus, in Lutheri familia, seu fœdo mancipio in eandem ære libræque suo ipsorum vitio adsciti duodequingenta in Ecclesiæ sanctam libertatē asserti sunt, posteaquàm conditionis suæ indignitatem eis patefecimus; tres è vinculis, imminentibusque scelerum suppliciis, nostra opera exempti sunt. Altero anno, iis, quos nunc recensuimus, duo plures Lutheri sectatores extorti sunt; celeberrimi, & amplissimi Cœnobij disciplina pæne funditus collapsa, omnium primo Antistite sacris commentationibus per quindecim dies exculto, in antiquum splendorem, magno plurimorū bono, est restituta.

P A S S A V I E N S E C O L L E G I V M.

LEOPOLDVS Austriacus, Ferdinandi frater, cum huius sæculi anno vndecimo Passauiensis Sedis insulas iniret; pro eo quantum Societatem amauit semper, & coluit, indignum fore suo in eam amore putauit, nisi eodem tempore Sociis ac sibi perpetuam domum Passauij collocaret.

Antiquius

Antiquius ergo nihil habuit,quàm vt ex quinquagenis Florenorum millibus,quæ Ferdinandus tra-
ter ipsi annua patrimonij nomine numerabat;
coemto fundo perpetuum caput annuarum mer-
cedum Societati, loco idoneo, constitueret, quo
ex capite terua Florenorum millia vectigalis annui
futuro Passauiensi Collegio penderentur. Quem
fundum vbi emerat, Societatiq̃ue emtum attri-
buerat, Ferdinando, & reliquis duobus germa-
nis conficiis auctoribusque, suo, fratrumque si-
gno munitas emtionis tabulas nostræ Prouinciæ
Præsidi,cũ plenissima suæ in nos beneuolentiæ præ-
fatione, in manus dedit; optionemque fecit deli-
genda totâ vrbe areæ domicilio nascentis Colle-
gij excitando. Quoniãverd dum,exædificantur no-
bis ædes, voluit nos esse Passauij, suam interea
Basilicam bene amplam, & instructam, Sociis cõ-
modauit, vt ne qua munium Societatis exercen-
dorum mora ipsi, & ciuitati fieret; quamobrem
eiusdem anni Martio exeunte, septuaginta non
amplius coeuntibus discipulis, duæ sunt omnino
instituta scholæ, in quibus docendi exordia cape-
remus; quibus scholis, insequentĩ anno, aucta
iuuentutis multitudine, duæ superiores aliæ ac-
cesserunt. Dirutis eodem anno vetustarum ædium
parietinis, positisque nouarum fundamentis, stre-
nuè cœptum est ædificium nostrum promoueri,
vrgentibus nostris negotium non ardentius,quàm
ipso Principeoptimo, cui rerum Societatis cura
suarum studio vix potest esse posterior: cuius prou-
inciæ administratio assidua duodécimum & se-

quentem ab sexcentesimo annum bene operosum habuit, animorum verò tota vrbe, egregiè Catholica, sicut facilem nostris operis laborem, ita laboris fructum locupletem peperit. Proximo autem ab illis anno, ex Passauiensibus Collegis decessit vndequadragesimo vitæ anno, vicesimo quàm Socius nobis esse cœperat, Pater Gaspar Franck, Silesius, Rhetoricæ hoc anno institutæ Professor, cuius breue illud, sed honorificentissimū proditur elogiū; Viua fuit totius Familiæ Religiosè viuendi regula; qui suam operā docendo, concionandoque cum Societati diu commodarit, non potuit, ex ea virtutum officina proficiscens in externos labor, non eis esse maximè salutaris. Ex Principis ædibus, splendidis quidem, sed nostræ rationi parum opportunis, demigrauimus in longè commodiores, nostroque vicinas ædificio, cuius tertia portio cum absoluta sit, & reliquarum acceleretur opus, proximum est vt in eas cum scholis, vniuersoque instrumento, transcamus.

H O M M O N E N S E C O L L E G I V M.

GEORGIVS Drugethlus, multarum illustriumque Satrapiarum, in Vngarico regno Dynastes, nobilitatis antiquitate, auitæque Fidei studio, inter sūmos regni procures celebratissimus, instaurando, ab Calviniana vastitate, per Hommonensem ditionem, Catholico ritui, quinquennium totum Hommonæ apud se aliquot de nostris

stris habuerat: Quod autem Fidei Catholicae amplius se debere crederet, quam ut illatas ipsi Caluinianno fecere plagas in praesentia: modò obligaret, futura vulnera non prohiberet; perpetuum ei praesidium Hommonae, valido expeditoque milite instructum, collocandum statuit; aduocata Sociorum Familia, quam Catholicae militiae arcis, quotidianisque ex illa expeditionibus, praeficeret. Verus Monasterium solo aquauerant Caluini a secta, sacra Monasterij ædem superstitem peculiari stabulando addixerant; qua ædè repurgata, ædificioque in Cornubijs ruinis instructo, Societatis Collegio domicilium destinatum, summa Dynastæ curâ cœpit assurgere, incredibili Catholicorum voluptate & Caluinianorum, & Schismaticorum, quibus hinc nihil est frequentius, mœrore non dispari. Exactis tota regione bene ampla Ministris, quod cæterorum Sacerdotum vix adhuc vlla suppetie copia, nostri Patres in vicis pagisque Cuiusque vices interim explere solent, perlubentibus rusticis, suamque conditionem, præ illa, quæ sub Caluinica tyrannide, ignorantia, & insulsi- tate fuit, cum multo gaudio anteferebant. Tenebrionum huiusmodi oratio quam sic hebes, quam nullius roboris ad ingenerandos in animis auditorum pietatis, penitendinis, cæterarumque Christianarum motionum sensus, vel vna meretella potuit dispicere, quæ illis monitoribus ad resuscitandum momentî cum nihil hauriret, delapsa deinde ad nostros, ubi seriò suarum partium est communita, sua sponte in triennium solidum, per-

ternas cuiuslibet hebdomadae ferias, aridum panem ac frigidam, iisdemque diebus ieiunium non sibi modò indixit, sed certorum quoque dierum verbera, & bene magnam precum, ac peregrinationum numerum, quorum omnium obseruantissima etiamnum perdurat. Mille, quadringentis, triginta & septem, aut Calvinismo, aut Ruthenico schismate illigatis, funesta detracta sunt vincula, vni etiam Turcae Mahometismus excussus est. Batskores, Ruthenici seu Russiani Schismatis Sacerdotes sunt, singulari omnes ignorantia, quae deprehenditur ex ingenti stupore illius plebis, quae ipsorum diuturno magisterio docta est nihil omnino sapere, cuius sūt apud nostros de suis, magistris graues querimoniae; quoties suam ipsi altissimā rerum Fidei peregrinitatem exprobramus. Eius generis Sacerdotum ducentenis plures sunt in Hommonensis Satrapae ditione, quibus auctoritate Pontificia praest, qui Munkazio in Ctenobio celeberrimo Basilianorum Caloierorum, sedē habet, idemque Munkazienfis Episcopus appellatur, quocum frequentes nostris intercesserunt congressus, vt is cum vniuerso Clero suo ad Ecclesiae Romanae communionem adduceretur; sed euentu in hunc diem irrito. Eo igitur descensum est, cum alia nulla suppeteret eius communionis iungendae ratio, vt Dynastes Hommonensis appellaret eius controuersiae disceptatorem, Russorum Vladicam, hoc est Ruthenicarum partium Archiepiscopum vltima ferme in Russia degentem; quem Ecclesiae Romanae sententia & voluntate

tate coniunctissimum, nemo dubitaret Munkariensibus Ruthens societatem cum Catholico nomine facile persuasurum, Hic est ille Vladica, Societatis nostræ amantissimus, Athanasius Krupetsky, Præmissiensis Antistes in Russia, de quo superioribus Annalibus scripsimus in Sede Præmissiensi Poloniæ Prouinciæ, qui Comitis Drugethij litteris ad hanc conciliationem inuitatus mox è Russia Hommonam aduolauit. Eius nec conspectum nec aduentum sustinuit Munkariensis Episcopus, conscius sibi noxæ cuiuspiam; citati nihilominus Basiliani omnes Caloieri, Ruthenique Sacerdotes reliqui, Vladicæ rationibus & auctoritate adducti iurarunt in nomen Romani Pontificis, id vnum modò veteris moris sibi reseruantes, vt Græcanicò ritu Sacris operari liceret. Cœnobium Religiosa nuper disciplina florentissimum, ædemque Cœnobij Magnæ Matri sacrâ, quotidianis pæne prodigiis illustrissimam tertio ab Hommona milliari, Caluinianus aliquis, de gente Drugethij Comitis, odio Catholici nominis euerterat funditus, populariumque sollemnes peregrinationes ad illius ædis ruinas indicta pœna vetuerat; sed cùm nullius supplicij metu coercita plebis Fides ingentibus venerantium agminibus sacri loci vestigia celebraret, longè vberiore celestium munerum fenore cum officiosis Clientibus beneficentissima Patrona certabat. Hommonensis igitur Dynasta, & fouendæ indigentium, adnatarumque religioni, & suæ in Cæli Reginam magis magisque declarandæ, in ipsis ædis afflictæ

ruinis, miraculorum quoque crebritate ac magnitudine inscelytis augustum Virgini templum antro superiore instaurauit, quod ex Polonia, Russia, & longinquislibus etiam prouinciis, huius sacro-
 li anno quarto decimo, ipsis Pentecostes diebus, affluerunt Virgini pie supplicantium credentium millia, sub vexillis mille quingentis, & amplius. Eo cum antecessisset singulari erga Virginem religione vir Vladica, qui Hommonae adhuc uersabatur, subsecutus est deinde Comes, cui appropinquanti totus ille supplicantium exercitus, in-
 structa sub vexillis acie, gratulabundus venit. ob-
 tam, cum multa grati animi significatione, & commemoratione meritorum, ob restitutam tam sancto loco religionem, & eorum religione dignita-
 tem, Sacrorumque Diuinorum augustam maiesta-
 tem. Is erat Penrecostes sacer dies, quo post rem diuinam mensa Comitum acceptis Vladica narra-
 bat, pridie sibi ad Virginis adem uenienti, cum vno abesset milliari, speciem elegantissimi templi, purpureis parietibus, & coruscantibus, in sereno
 celo esse oblata, quo spectaculo se attonitum, id comitibus ostendisse, comitesque eiusdem prodigij spectatores fuisse. Interpretatione meius ostendi, aliud alij coniectantes, ex aliquo cuento suspen-
 si praestolabamur, vnum in primis, veriti ne quis aduersus casus Ecclesiae praenunciaretur, quem ille ipse dies, neque multo post eam horam, nobis indicauit. Conuestiendis ad maiorem dignitatem, religionemque interioribus adis, Vladica sericea vestis & argenteorum vasorum bene magnam co-
 piam.

pian à Comite sumserat, rectaque in templum à mensa venerat, vt præellet ædem ornantibus, suaque ipse manu ornaret, quo munere vt tanto expeditius quietiusque defungeretur, tumultuantem turbam tantisper iussit è templo facessere, foresque occludi. Erant in aduenarum Russorum agminibus sacerdotes aliquot, nuper Schismatici, quibus etiamnum dolebat, Vladicæ imperio se ad Romani Pontificis communionem adactos; cuius rei nonnulla facta mentione inter turbam, vbi ad pronas aures accidisse sua verba obseruassent, Vladicæ cœperunt liberiùs maledicere, indigenas mœnere, indèque hortari, ne tam graue iugum sinerent ceruicibus suis iniungi. Illo temerarij sermonis flabello in circumstantium indigenarum animis suscitata mox est odij ac iracundiæ flamma in Vladicam, & ex eo quod tum gerebatur in templo clausis foribus, quasi ex funesta indigenis coitione, captata est seditionis occasio, itumque est tumultuosè ad ædis valuas, & insolentiùs postulaturn, vt eæ recluderentur, sinereturque populus religioni operam dare. Quod non aperirentur euestigio, sed vrgentibus responderetur, non esse absolutum negotium, cuius causa essent obductæ; moræ impatientia, & iracundiæ impetu, ad portas molientes se furiosorum manus conuertit, iisque reuulsis, ferro in Vladicam, eiusque comitatum, grassari cœpit. Tranquillo animo, comi vultu, atque oratione ferocitatem æstuantis turbæ delenire cœperat. Episcopus; cùm verò sibi manus intentari sentiret, suæque familiæ, vim ferro defen-

identi acerbissima quæque à furente turba immiserere aduerteret, quæ enim potuit, in sacrarium se abdidit, sed ubi per fenestram à circumfusa multitudine telis atrociter impeteretur, lædereturque Domesticorum vnus aliquis, ægre, cum se subduçillet patricidarum manibus, euadit ad Comitem templo iam fortè appropinquantem, nunciatque quantum periculi Vladicæ impendat, nisi sacrilegorum manu iam occubuerit. Comes cum armata satellitum manu accurret in ædem, ferro feruentem turbam indigenarum momento disiecit, templo exactos prehendi, & in vincula trahi graffatores iubet, Vladicam faucium è sacrario recipit, cuius illa prima vox ad Comitem audita est, quæ rogabat, vt suæ innocentie violatoribus ignosceretur. Latronum sanguinaria illa factio, quod sceleris conscientia, & militaris cohortis, immixta à Comite, perculsa metu in proximos montes filuâsque concesserat, ad Vladicam reconciliationis studiosum retrahi non potuit; is ergo, cætera multitudine in propatulum aduocata, vehementi, animique plena oratione sui facti rationem eam reddidit, quæ magnopere ab auditoribus probaretur, cum verò perquam hilari fronte, humanissimisque verbis promneiaret, se omnibus, quorum iniuria latus esset, Christi causa, lubentissimè noxam remittere, tum certè vniuersæ concionis mirifice exhilarauit animos, ac sibi conciliauit in perpetuum. Ab eo sermone Comitem & nostros in ædem ipse cum introiississet, certum locum suo, ac familiaris Sacerdotis errorem aspersum indicauit,

dicauit; tum hæc Latinis verbis effatus cum esset, sanguine fundata est, sanguine assurrexit, & diffusa est Ecclesia Dei, sanguis, inquit, hic meus re-
 ttis est; eritque postea, quanti mihi steterit com-
 muniõ cum Catholica Ecclesia, cuius nomine de-
 liberatũ mihi est, ipsam etiam vitam inter cru-
 ciatus profundere. Hinc ab omnibus summa itum
 est alacritate ad vespertinas preces sollemni ritu
 concinendas; cuius alacritatis ea vis fuit, & pieta-
 tis contentio in omni multitudine, vt totam inse-
 quentẽ noctem, posteraque lucis dimidiũ conti-
 nentibus precibus in æde traduceret. Cuius suæ
 constantie, & ardoris, religiosus in Dei Parentem
 populus id præmium merito suo talit, vt quater-
 nis cæcis lumen, totidemque mutis vocem, per
 eos dies suarum preceationum feruore impetraret.

VNGVARIÆ est arx, arcique substratum oppi-
 dum, Hommõna celebrius, & incolis frequen-
 tius, in alia quadam Satrapia Drugethij Comit̃s,
 vbi Caluiniana luis multæ ab fœdæ reliquæ,
 quibũs detergendis Sociorum dno utiliter occu-
 pantur, vicenis quinque ciuium ab ea colluie in
 hunc diem exemitis.

BRVNENSIS PROBATIONIS

Domus.

BRUNNII huius altera pars ex Hæreticorum
 corruptela integritati Catholicæ octogenos
 ternos alumnos Brunæ peperit, centenos, hisque
 plures altera. Picardix Ministri petulãtia nobilis

matronæ animum offenderat, quòd Diuinæ potentia multum in concione detraheret; vnde ab eo, & dogmate quoque abalienata, nostrorum institutionem in Fidei rebus expetiit, secundùm quā Catechesin morbus in eam inuasit, qui ad vltima deduceret, quam ægrotationem non sunt veriti Hæretici asseuerare. Picarditici ritus neglecti esse inflictam poenam diuinitus, eoquē importuniùs matronæ instare, vt rediret, vnde discesserat, si exemptam se grauiore supplicio cuperet. Diuturnæ fuerunt cohortationes istiusmodi, sed inanes apud feminam constantis animi, quam ingrauescens in horas valetudo admonuit, vt se nostris permitteret. Catholicis initiandam sacris, & eo quidem tempore, vt Pœnitentiæ ac Extremæ Vnctionis animo ejus adhibita fomenta decumbentis occasus continuò exdepturus, quin etiam antegressurus putaretur. Præter tamen omnium spem, ab ipsa Sacra Vnctione de repente melior longè facta est, ac non ita multò post penitus conualuit, quod beneficium sanitatis vtriusque ibemori gratoque recolens animo; Deo acceptum referre perseuerat, & secundùm Deum Societati adscribit. Anno priore Collegis tribus orbatī sumus, totidemque Titonibus; omnium quidem primo Patre Petro Torrentio, septuagenario, huius Domus Rectore, Vota quattuor professio, inter Socios quadragenario. Eximia in homine morum sanctitas, quam impensè venerarentur extranei quidam, vitæ integritate clarissimi: singularis in præsidendo suauitas, prudentiaque incredibilis; vexationum corporis

poris grauium , perpetuarumque tolerantia tanta, ut in dissimulante vestigium vix appareret cruciatus, licet acerbissimum ; arctissima cum Deo, & Castitibus, assiduâque familiaritas, & quæ his virtutibus aliæ dotes comitari solêt, hunc verò magnū virum inter domesticos externosque prodiderant. Leopardi Puchler. funus haud longo deinceps interuallo subsequutum est, cui sexagenario, quinque ac triginta annorum in Societate rem domesticam strenuè gēretī, nequaquā inopinata mors obrepit, sed longè ante, ac semper præuisa ; quem mirarum operi licet : intentissimum, perpetua comes affectabatui animi summi tranquillitas, testis utique hominis ad omnes euentus rectè comparati. Pabulum huic quieti iuge subministrabat pia, inter faciendum opus, celestium rerum commentatio, quæ maximè operoso laboris omnes leniret, abstergeretque molestias, & in summa corporis animique contentione summum conciliaret otium. Petro Grossoto, Vallisliensi, curatori quoque rei familiaris, sexagenarium supergresso, par quoque fuit in grauioribus laboribus, morbi que cruciatibus, mentis ab rectæ vitæ consuetudine iucunditas ; cuius hilaritatem in sedecim annorum assidua fatigatione curandæ Fabricæ, non domestici magis, quàm extranei demirari solebant. Eius in ore numquam pium exaruit canticum, quod inter opus frequentaret, si aberat arbiter ; quod mustitaret, si testis aderat ; sermonum verò de celestibus rebus, vel audiendorum, vel miscendorum, fatis quædam ardentissima in eius animo insidebat,

& ea quidem perpetua. Voluntarias corporis vexationes eo impetu animi obibat, quo feruentissimi quique ac validissimi Tirones, qua ætate, ac fractarum virium ærumnis, octauo ante obitum die, verberibus dorsum in cœnaculo acriter cecidit, prædixitque sibi eam ultimam diuerberationem fore, quasi prælagiens instare sibi obitum; qui ex præcipiti casu ei paullò post accidit. Operis nescio quid curabat in recentis ædificij summo tabulato, cum fallente pedem substrato solo, præceps in terram ex loco sublimi corruit, suoque pondere grauiter humi afflictus utramque coxendicem supra genu fregit, letali secundum ceruices insuper accepta plaga; quo infortunio multatus, ubi se collegerat, ex incussio stupore toto vultu pristinam hilaritatem prætulit. Viginti dies illi ruinæ superstes fuit, in perpetuis & atrocissimis cruciatibus, quorum immanitas nihil unquam aut insitæ serenitatis ex vultu, aut æquitatis ex animo illi decerpere potuit. Ex Tironum familia duorum prior decessit Daniel Kragius, Danus, quarto & vicesimo ætatis anno, mense decimo octauo ab inita probatione, quem longiore vita dignum singularis virtus, litteræ, ingeniûmque præstans, & ab his dotibus spes cumulatissimæ frugis, ostendere videbantur, nisi satius multo esset, optimè mori, quàm incerta exitus conditione, diutissime viuere. Alter Ioannes Nouakh, Silesius, altero & vicesimo anno, quàm occœperat viuere, quinto mense quàm in Nouitiis censebatur, magna item sui exspectatione concitata, tranquillo

genere

genere mortis solutus est, quam mortem ipse præ-
lagierat, & sodalibus in Tirocinium secum adun-
tibus ita denūciarat vt inter eam signifi-
cationem plenissimæ gaudio lacrymæ
vberius eum perfunderent.

★ ★
★



PROVIN

PROVINCIA

RHENANA.



LAMILLIS vicenis quaternis Socios quingentos vnde quinquaginta prior anno censuimus in Rhena; posteriore quingetos vnde octoginta vicenis quinis domiciliis: Collegio Coloniensi binos tricenos toto biennio; vicenos octonos, aut tricenos singulos Treuirenſi: Domo Probationis eiufdē vrbiſ octogenos ſingulos prius, poſteriùs ſexagenos quinos: Moguntino ſexagenos ſenos aliàs, alias ternos his ampliùs: vicenos, & vicenos ſingulos Spirenſi: Herbipolenſi quinquagenos binos, ac etiam quaternos; ſenos vicenos modò, mox quoque quinos & tricenos Fuldenſi: Heiligenſtadienſi vnde vicenos, ac vicenos; quaternos & tricenos, poſteà ſingulos & tricenos Molſhemienſi: Confluentino vnde vicenos: binos ac tricenos primùm, deinde quinos & quinquagenos Paderbornenſi: Monafterienſi vicenos quaternos: vicenos binos, aut quaternos Hildeſienſi: Embricenſi ſingulos vel binos vicenos: vnde nos, duodenosque Aquenſi: Bambergenſi nunc de-

nos nouenos, mox videnos singulos: Vvormatien-
 si vtroque anno denos: nouenos Hagenoensi: Er-
 furtenſi Sedē vel septenos, vel octonos: ternos
 Bomienſi: Aſchaffenburgenſi quaternos: binos
 Miſſione Sanctenſi: Eſſendienſi binos: binos, aut
 quinos Mappenſi: quorum Sacerdotes tum cente-
 ni octogeni quini, tum iis ampliū ſeni; Magiſtri
 octogeni bini quaternive; Diſcipuli octogeni, aut
 paullo pauciores: Domesticae operæ adminiſtri de-
 nique fuerunt centeni triceni septeni, vel his tre-
 decim frequentiores. Quo de vniuerſo corpore in-
 tegrum biennium videnos quinos abſumſit, ac fe-
 rē quadruplum eorum loco reſtituit.

COLONIENSE COLLEGIVM.

ALVMNOS octo Societatis Tirocinio, pepe-
 rit hæc Familia, duos ex ſuis anno priorē ca-
 lo donauit, Ioannem Theodoricū, & Conradum
 Hungenum, vtrumque ex familiaribus Operis,
 ac ætate grauem. Prior ſeptuagenarium exceſſe-
 rat, vixerat in Societate annos quadragenos, &
 his ampliū, ac eos omnes ingenuæ ſummiſſionis
 erga vniuerſos Socios, obſequij in Præſides, auſte-
 ritatis in ſeipſum, aſſiduorumque laborum gloria
 inſignes, nec minūſ orandi ſtudio, vt ad terminan-
 dum Religioſiſſimæ vitæ ſtadium vna optanda
 videretur, mortis felicitas, quā ei quoque liberali-
 ter Deus impertiuit. Sexageſimū annum alter pro-
 pè attigerat, vitæque duas tertias Societati ſicut fi-
 fideliffi

deliffimè, ita vtiliffimè commodarat, vt virtutis
tam diuturnæ, tamque accuratæ; conscientia fre-
to nunciij mortis graues eſſe non poſſent: quos nū-
cios, adeoque ipſam mortē, ei ſuper Apoplecticus
attulit. Hæretici dogmatis inter ſe pugnantes, &
impias ſententias, vbi nobis earum interpretibus
diſpexerunt euidentiùs ſeptuaginta, ſibi penitus
conſentientem, & ſanctam, Eccleſiæ Romanæ Fi-
dem auidiùs amplexi ſunt, quorum in numerum
venit Anglus, Academiæ Cantabrigienſis Doctor
Theologus, Regiſque Britannorum à concionibus.
Ei humanarum diuinarumque litterarum apprimè
perito frequentes erant in manibus de Fidei Con-
trouerſiis Catholicorum commentarij, quibus
ſtudioſè volutandis hauſit in multis capitibus Ca-
tholicam ſententiam, itaque deſixit in animo, vt
publicè, quoad pateretur loci conditio, Romani
dogmatis fundamenta ſtabiliret; Catholicorum-
que vel metu, vel ignorantia fluctuantes mentes
in veteri propoſito confirmaret. Hoc uſurpando
inſtituto cum tamen ea quies non aſfulgeret, quā
ſpe præcepiſſet, migrandum ſibi omnino putauit
è Britannia, vt liberior cum Catholicis viris con-
greſſus certo limite ſe in rectæ Fidei claram aper-
tamque lucem induceret, ad quam, tenui dumta-
xat fulgore deſtchenſam, ipſe ſibi dux, & magi-
ſter eſſe non valeret. Regio igitur, per cauſam
curandæ apud Spadana bālneā valetudinis, expreſ-
ſo comiteatu, in Britannicæ Principis, Palatino
Comiti per eos dies nubentis, comitatu proſectus
venit primùm ad Spadanas aquas, & inde Colo-
niam

niam, vbi nostris ab nobili viro Britanno commendatus, paucis quibusdam explicatis capitibus, de quibus ambigeret, facile persuaderi se passus est, vt ex Tridentina formula, sectarios execratus, Catholicum palam in templo profiteretur. Ex eo die non desinit amicos & notos, in Regia Britannica relictos, priuatis scriptionibus docere ac cohortari ad eandem inspicendam & amplectendam lucem, quæ sibi copiosa inuestiganti affulsit: luculentum intereà parat commentarium earum rationum, quæ se non inuitarint modò, sed adegerint etiam, vt in Romana Ecclesia salutem sibi quæreretur, quam mortalium nemo alibi nanciscatur. Calviniana mulier, pertinacissimi animi, in tuendis suæ sectæ pronunciatis, curiosius penetrarat in ædem Capuccinorum, studio noui concionatoris audiendi, vnde postea inter confertissimam turbam non paruit exitus, cum sub concionem cœptum est fieri sacrum, quo nihil eius oculis animoque odiosius poterat obuersari. Loci ergo ac rei necessitudine cogitur inter Catholicas mulieres in genua procumbere, ac earum exemplo, aræ, Diuinisque mysteriis, quam minimè vellet, adhibere venerationem; & tum quidem maximè, cum Sacra Hostia supra verticem ab Sacerdote sublata, circumstantibus adoranda proponeretur. Porro inter eam Christi corporis elationem, nec Sacerdotis surrecta bracchia, nec ipsius reliquum corpus, tamen valde ipsi propinqua, Hæretica femina dispicere potuit, sed eius loco ei se obtulit vultus hominis cuiusdam, eo habitu, quem ipsa non
L possit

posset exprimere, sed cuius aspectu grauissimè cōcuteretur, vnumque suo pauidi superesse remediū crederet, si euestigio ad Sacræ Pœnitentiæ confugeret ancoram. Domum suam certè vbi se receperat, multis cum lacrymis, acerboque fletu. marito asseuerat, nec cibi nec potus quidquam se prius adhibituram, quàm ritu Catholico apud Sacerdotem omnes noxas expiauerit: quare ad nostrum aliquè perducta diligentissimè recognouit quidquid vquam deliquerat, ac deinde Cælesti epulo recreata, mox ardens imbibit Religionis Catholicæ studium, in quo latissima perseuerat. Peregrè quoque itum est ad finitima oppida, in quorum vno quattuor Hæretici, quattuordecim in alio nouum Lutheri Euangelium veteri ac Romano commutarunt: duobus perillustribus Virginum Cœnobiis, quorum alteri præfuerant Hæreticæ aliquot Antistitæ, alterius iuniores Virgines hæresim docebantur, & Religiosa disciplina, & sana Fides opportunè admodum sunt restitutæ.

Alter annus duos item Collegas huic Familiæ subtraxit, quo tempore ipsorum opera domi erat fructuosissima. Patris certè Martini Thomæi, quinquagenario haud multum maioris, alterum & tricesimum stipendium in Societate merentis, & tredecimum inter Spiritales Coadiutores, tum exemplo tum re ipsa Sociis extraneisque vita erat apprimè vtilis, pro eo quantum eximiis virtutum laudibus insigniter eminebat. In hoc laboriosæ vitæ stadio fortiter constanterque decurrentem violenta mors intercepit, copioso sanguine per fauces

fauces eiecto, ex antegressa vehementiore tussi, qui affectus eum viribus & anima triduo exhaustit. Stephanus Rupertus, sexagenarius, Collegij opsonator, ubi fortem fidelemque operam Societati nauarat triginta & sex annos totos, & cononomicis rebus administrandis, quasi nunc primum negotiosæ procurationis palæstram ingressus, cum opus vrgeret ardentius, ut suæ conditionis hominem decebat, in operosa contentione occubuit. Horum duorum vacua loca non leui compendio impleuerunt adolescentes sedecim, omnes ferme ex Marianis lecti manipulis. Epicurea ganea nihilo saniores sanctiorémque Lutheri disciplinam, admonitoribus nostris, agnouere duodeseptuaginta; qui nec momentum putarunt sibi hærendum in ea vitiorum sentina, quam rectis moribus ac Fidei exitialem senserant. Essendienensis Monasterij Antistita in Principibus Imperij censetur, ampla ditione, clientelarumque numero ac nobilitate potens: de cuius Cœnobij dignitate multum proximis annis decesserat, quod & oppidani Essendenses, & illustre Comitum Collegium, adeoque ipsæ Antistitæ nonnullæ dogma Hæreticum amplexatæ fuerant. Quæ verò proxima post illas Cœnobio præfederat, nobilitate præcellenti, parique religione femina, ingentibus animis exorsa Fidei, disciplinæque Monasticæ instaurationem, nostros eius consilij adiutores euocarat superiore anno, ut nunc indicabamus; cuius præclare cœpta præproperus interpellauit occasus, nostrosque tantum non Essendio exturbauit, oppido toto acriter fre-

mentibus Hæreticis, vt Iesuitæ, importunum genus hominum, mox dimitterentur. Interim ab vniuerso Virginum Collegio itum est in suffragia legendæ Cœnobiarchæ, conspiraruntque omnium sententiæ in designandam eam Præsidem, cuius vnus auctoritate ac gratia res nostra per eos dies stabat; tum illius, & nostræ studia strenuè conuersa sunt ad Catholicum dogma stabiliendum, restituendamque Religiosam disciplinam. Cui negotio ne qua mora iniiceretur, vti assolet, ab ipsis domesticis, ex ipsius Antistitæ, seu Principis familia exacti omnes Hæretici, quos multos adsciue rat superiorum annorum corruptela, recens autem demortua Princeps, victa iniqui temporis conditionibus, tolerauerat. Exinde Principis familiæ bonorum morum vsus, ædi splendor, veneratio sacris, odeoque psalmodum cantus, idonei pastores curiis, sacra tractantibus sui muneris religio, populo rectè sentiendi agendique scientia, felicibus exordiis est inducta; quæ nimirum omnia Lutherana petulantia diuturnus dominatus aboleuerat. In alia quinque Monasteria inuascerant Hæreticorum manus, vberioris prædæ cupiditate, in quibus extinctam Hæretico afflatu religionem, exsuscitauimus, postquam eorum possessio ad Catholicos rediit. Antistitæ nuper demortuæ testamento septingenti Cæsarei Taleri, pensionis annuæ, nobis sunt attributi, ad perpetuam Sociorum Sedem Essendij collocandam, vbi nuper ædes in eam rem coemptæ sunt ab Cœnobij optima Præside, cuius singulari fortitudine, industria, & pietate

tate speramus Lutheranismum breui hac vniuersa plaga exterminatum iri.

TREVIRENSE COLLEGIVM,
& Probationis Domus.

ALterum tantum iuniorum Sociorum nostro corpori adiunximus, quantum veteranorum extulimus, sed iacturæ dispendia non satis æquante fenoris compendio; nam tametsi ratio accepti numero maior; expensi tamen potior æstimatione fuit, pro eo nimirum, vt Triariorum Velitumque militia longè est dissimillima. Patrem Henricū VVerh, Vota quattuor professum, quattuor annis sexagenario maiorem, quarto & quadagesimo anno quàm in Societatem venerat, letalis morbus otiosum deprehendere non potuit, occupatissimo tamen, Sanctioris Hebdomadæ diebus, tanta vi se intulit, vt ex æde, audiendisque confessionibus detraheret, ac quinto die acutissimis laterum doloribus conficeret. Summa in vrbis æde concionatorem assiduum agebat, quantumque ab ea opera residuum ipsi erat temporis, Virginum Cœnobiiis maximo Religionis sensu instituendis, cæteraque animorum procuratione vtilissimè transigebat. Incenso studio Religiosæ disciplinæ propagandæ, pietatisque in omni hominum genere exaggerandæ, illi iugiter animus ardebat: atque vti vehemens in eiusmodi certamine illius erat contentio, par quoque insidebat constantia, & in frangendis

grauissimis quibusq; difficultatibus animi magnitudo ; quæ ipsum facerent plurium insigniumque victoriarum compotem. Patri Sebastiano Clemèti pestifer afflatus certos mortis nuncios attulit, ipso Christi scandentis in cælum die , cuius admonitu vbi seipse Sacra Hostia, eo nomine seposita , communierat , sponte secessit in suburbanum , ne qua contagionis labes ab ipso in cæteros Socios dimanaret , quo in secessu reliquum breuioris vitæ traduxit eo ardore Diuini cultus , qui sollemnis ei semper fuerat. Annos decem vixerat in Societate, iis ingenij, eruditionisque clarus dotibus, quarum opimæ fruges olim exspectarentur , vel eò maxime quòd in hominem, Theologicis , Philosophicisque doctrinis , ac variarum linguarum cognitione apprimè instructum, confluxerant singularis animi demissio , parque obsequendi studium, ex quarum præceptis omnem actionem moderaturus , nihil non laudabiliter gesturus videretur. Ioannes Schmidt, Faber Murarius, triennium quidem inter Socios nòdum expleuerat, cùm decessit, sed hac paucitate annorum eas se Religiosarum virtutum copia instruxerat , quæ nostra non modò militia, sed caelesti etiam domicilio dignum ostenderent. Mulier, violati pudoris impatientia, voluntaria morte infamiam illius labis sibi eluendam statuerat , eoq; nomine de summa ædium contiguatione semel iterumque se deiecerat , Dei Matris priùs implorata ope, qua ex duplici ruina cùm incolumis superfuisset, tertio summa domus descendit , vt maiore vi præcipitans còrpus elideret, nec

nec multum abfuit, quin grauiffimè afflicto ad pauimentum capite, in ipfo ſcleris veſtigio interiret; ſed ei, licèt immeritæ, vitam in eo diſcrimine ſeruauit Dei Parens; noſtraque opera factum eſt, vt deinceps nollet inſanæ fortitudinis exiſtimationem perpetua ignominia, & æternis cruciatibus emere. Peſtiferum Lutheranæ luis ſpolium exuerunt quindenii ſiue hoc, ſiue poſteriore anno, quo vtroque vt minùs multi, minusque frequèter nos ſuis animis adhiberent, fecit perpetuus pæne ciuium toto triennio ſeceſſus, peſtilitatis funeſto halitu Treuirèſes vel inuitos ſuis edibus exigente.

E M I S S I ex Tirocinio in finitimos agros Catechiſtæ magnum ardorem in ſuis auditoribus cõcitarunt frequentandarum eiufmodi dictionum, quarum auditione non eruditiores modò, ſed probiores fieri ſe animaduernerent, vt ſuis magiſtris abeuntibus vltro pollicerèntur, tam vtilis doctrinæ, ab illis hauſtæ, altè in ſuis mentibus, ac perpetuò hæſuram in memoriam. Euangelicæ porro ſementis, opportuniſſimè per vicos ac pagos ab Catechiſtis diſſeminatæ, famã magnis præconiis ruſtici longè lateque diſſiparunt, vt eius deinde rei multa mentio fieret inter Senatores Treuirenſes, atque Conſules, Senatus autem ſuum Decretum interponeret, de allegandis aliquot Senatoribus ad Collegij noſtri Præſidem, qui Curiz nomine vrbaniſ templis Catecheſis Interpretes ab eo poſtularent, quibus adhibitis, auditorum cõcurſus tota ex ciuitate factus eſt, qui etiamnum perſeuerat. Fridericus Buſch, domesticæ rei Ad-

initor Formatus, primo ac vicesimo anno aditæ Societatis, vitæ autem quadragesimo quinto, finem viuendi fecit, cum eum Domus hæc, strenuè ac constanter administrando munere, iam quindecim annos fructuosissimum sibi experiretur: cuiusbus verò non vtilè magis quàm iucundū modestia, comitate, religione, ac probitate singulari, quæ Societatis decus tuebatur egregiè, omniumque hominum conciliabat gratiam. Paderbornensis Probationis Domus instituendæ gratia, ex hoc Tirocinio missa est duodetriginta Nouitiorum colonia cum suis Præsidibus, vti Rhenanæ Prouinciæ sua esset aliquando virtutis ac Religiosæ disciplinæ officina, in qua candidatos Societatis adulescentes nostri moris Tirocinio imbueret.

MOGUNTINVM COLLEGIVM.

MAGNIS cladibus inter Moguntinos grassante pestilentis afflatus labe, nos intactos seruauit Diuina Clementia, non tamen omnino funerum expertes, quando Patrem Ioannem Michaëlis Apoplecticus stupor triduo exstinxit, quo in morbo feliciter est consecutus, quod sæpissimè in vita diuinitus sibi concedi obsecrauerat, vt ne diuturna ægrotatione Sociis molestiam crearet, atque ante obitum fieret Sacramentorum particeps. Duodeseptuagenarius occubuit, quattuor & quinquaginta stipendiorum in Societate, tria Professus Vota, concionum insigni plausu, & pari fructu

fructu per tricenos continentes annos celebris, Heiligenstadiensis Collegij olim fundandi auctor Danieli Principi Electori, cum eius ditiones, in eiusdem circumeuntis comitatu lustraret, ac Diuini Verbi semente confereret: quam deinde lustrandi prouinciam, magno annorum interuallo, iterum in aliis satrapiis fructuosissimè, cum Adamo Principe, Danielis propinquo & successore administrauit. Octonī adolescentes ex huius Collegij palæstra, & in his Artium Magistri sex, sufficiens nobis stirpi, atque operarum supplemento, in locum demortui venerunt. Licentioris vitæ perniciabili auctoramento in Statiuis Lutheranis exitialem militiam militauerant duo & septuaginta, atque inter eos aliquot viri principes, qui se mortis sacramento nobis exauctorandos tradiderunt.

F V I T & posterior annus vnus funere parum felix, extincto Michaële Krull, Herbiopolensi, altero tricesimoque anno ætatis, cum in Theologico studio processus haberet non vulgares, sed in Religiosarum virtutum puluere haud modico maiores. Ei vita omnis exacta ex Instituti norma, summam animi tranquillitatem pepererat, ut de suo decessu verba faceret, quasi de re sibi familiarissima; lentæ autem ac diuturnæ tabis molestias, quæ stomachum funditus vitiauerant, tam pacata mente ferret, ut eas vix unquam sensisse, aut etiam aduertisse, putaretur. Quot anno superiore ab importuoso hæreseon oceano enanigarunt, totidem quoque insequente, duo nempe ac septuaginta sa-

lutarem tenuerunt stationem Ecclesiæ: neque veritus est in hanc scapham Prædicans vnus pedem ponere, vel inter eos, quorum mentes, vixen- & quaternis annis totis, in vltimos errorum scopulos inuexerat. Is posteaquam fateri coactus est in rebus Fidei longissimè se alucinatum fuisse, nostris suavoribus Diuinarum rerum commentationes aggressus in abdito, ita eis permotus est, vt mox ad sollemnem execrationem hæresis magno ferretur impetu, seque vsurpandis ritè Sacramentis incredibili voluptate perfundi sentiret. Oppidanus miles legendo Veteri Testamento Iudaismum ita imbiberat, vt insana ambitione Iudæum palam profiteretur, coniugemque ac liberos templo, precibus, sacrisque Christianis prohiberet, ac si posset, oppidanorum familiares & amicos in eandem errorem nassam indueret. Quadriennium iam hæresin professus, nequidquam auocantibus à tam fœda noxa Magistratibus ac notis, cùm iussu Principis Moguntini raptus in vincula, indeque in Quæditorum confessum adductus, Iudæum se venditare ausus, & asserere, iucundissimum sibi fore hoc nomine illatum qualecumque supplicium, quo sibi, Martyris videlicet corona inclyto, cælum mox patefieret. Diu seduloque laboratum est à plerisque, vt ne in quo plus cæteris mortalium sapere sibi visus esset, in eo contra sapientū omniū sententiam, & Ecclesiæ præsertim auctoritatem, diutius insanire vellet: quæ vbi nihil mouebant obstinatum hominem, Moguntia euocati sunt auxiliarij manipuli ad contundendam insani capitis

tis duritiem. Venit inter eos vnus de nostris, qui ab arbitris eum seductum ardentem rogare insistit, vti ab Iudicum consilio, damnationis formulam mox pronunciaturus, aliquot dierum inducias postularer, quibus eius animo fieret bene, discutendis errorum tenebris, quæ ipsius imbecillam mentem inuoluissent: sed tum ab eo nihil impetratum est, qui sibi gratularetur, pro recta religione tuenda, impendere supplicium, quo ei nihil posset obtingere fortunatius. Eò quoque inuocati accurrere duodecim Prædicantes, veluti cadaueris odore afflati totidem vultures, quorum coruinam vocem nec ad aures admisit Iudaismi æmulator, sed conuitio ab se procul cum multa indignatione adspersus est: Egone, inquit, vos pecudes audire sustineam, postea quàm Sacerdotis Iesuitæ rationes precesque contemnere potui. Imminebat misero supplicium, cuius ipse præ multa insania horam vrgebat, vti quæ se triumphantem sacris Martyrum globis esset inuectura: cum noster, ut extremo malo, vltimum inusitatumque remediũ adhibendum censuit: quare ad vesanum illum conuersus, graui vultu, ac seueris feruidisque verbis; Ego, inquit, pro te miser, meã salutẽ deuoueo, meque ab supremo iudicio exercente Christo pœnis omnibus mactandum addico, nisi, quam tu amplexus es doctrinam, ea falsa est, atque ad exitium via; quam autem te doceo, ea certissima est, in qua vna sita sit mortalium salus. Ad tam acrem, tamque liberam Sacerdotis contestationem, quam reus ex incenso amore profectam non ambigeret, emolli

emollitus, exiit derepēte veterem illam duritiam, iudiciumque ampliari cū impetrasset, seriò adiecit animum ad Catechesin, qua perbene imbutus, Iudaicam perfidiam eiurat publicè, cumque vniuersa familia Sacramentis piè obeundis adhibetur, inusitata oppidanorum gratulatione, cum ipse idemtidem inclamaret, Iesuitam salutis & vitæ auctorem sibi fuisse.

SPIRENSE COLLEGIVM.

PATER Henricus Schurenus, duodeseptuagenarius ætate, in Societate quadragenarius, Vota quattuor professus, multorum annorum Rector, cæteraque variorum munerum administratione clarus, prior decessit è vita, posterior Pater Gaspar Khnem, dum tertium Probationis annum exigit, pestilenti auræ tetro spiritu improuisò extinctus. Centum sexaginta quattuor ex dissimillimarum hærescon cloaca educti, quos inter Anabaptista, quattuor & viginti annos natus, Baptismique expers, in bene ampla clarorum virorum corōna, repudiata hæresi, ad salutare aquas adiit. VVebstadiensibus oppidanis illata est insignis iniuria, proximis annis, arte violentiaque Hæreticorum, vesani dōgmatis Pastore per vim ipsam in Catholicorum urbem intromisso, si qua via posset Romani ritus studiosissimos ciues ad suam impietatem pellicere. Ipsorum integritati conservandæ, augendæque, quoad licet VVebstadium
accur

accurrimus, summa oppidanorum voluptate, qui se nobis auidissimè curandos permittunt, & in hunc diem intactos ab tetri Prædicantis contagione custodiunt: quibus si non fiat nostrorum Sacerdotum copia, circumiacentes vrbi Curiones de animi sui rebus adeunt, consuluntque frequentissimè.

P A R I B V S nos utroque anno iacturis Sociorum mors affecit, nam, & hac altera biennij parte, vnum Patrem, Fratremque vnum, ambos isti familiæ perutiles, sustulit. Patrem Ionam Kinbergerum, animis adhuc valentissimum, nisi labores immodici egregias corporis vires ante tempus fregissent, longiore vita dignissimum, Apoplexiæ vis quinque horis oppressit, sexto & quinquagesimo ætatis anno, cum altero & vicesimo in Societatem venisset. Quòd eum impensè caligantes oculi sollemnibus Sacerdotum muneribus arcere cœperant, paullò ante obitum, supplex obtestari solebat domus Præsidem, vt se portis Collegij ianitorem addiceret, nè quod omni æuo ignorasset otium, vel in ipsa luminum caligine, stantibus, vt ipse quidem rebatur, viribus, cogeretur experiri, magna utique sua & calamitate, & infamia. Homini scilicet quattuor ac triginta continentes annos in perpetuis ac maximis laboribus ardentè exercito (tanta vis est honestæ consuetudinis) nihil poterat videri longius, nihil fieri molestius, quàm momentum temporis ab gloriosæ palæstræ adamatis functionibus summo-ueri. Ab Hæreticis ciuibus domi, foris ab omniū sectarum

sectarum propugnatoribus ; quòd aperto Marte impugnabat , errorem nec aliis , quàm Diuinæ Prouidentix præfidiis , tectus incedebat , perpetuæ struebantur insidiæ , vt numquā non pernicies eius oculis obuersaretur , ipsamque adeo in sinu pæne gestaret ; inter quæ discrimina iugiter versatus , septenis maximè ante obitum annis , cum suam ipse salutem negligeret , mille capitum salutis Deus per eum cauere voluit , totidem enim per eos annos ex hæresi auulsos ipse Deo iucundas hostias redegit. Huic certè bellorum Dei egregio bellatori præcipua ferè præda fuit ex iis præliis , in quibus pugnantium vulgus clypeum abiecisset ; vt si cuius vel obcæcati errore , vel scelere obdurati , refractaria contumacia salutem in vltima deduxisset , Pater Jonas hanc extremam dimicationis aleam sibi vulgò deposceret , neque certamen adiret alacrius , quàm felicius indomitos alioquin animos debellaret. Tantam ipsius verbis efficacitatem Deus Optimus , iustum & sollemne præmiū , rependebat ardentissimi erga se , & omnes mortales amoris , incredibilis in Præsides obsequij , inuitatæ seueritatis in domandis sensibus , atque flagrantissimæ in orando assiduitatis ; quibus virtutibus strenuissimè adhibendis , quàm proximè ad Cælitum conditionem se admouebat. Ab hoc deinde obiit Guillelmus Binck , duodese-xagenarius , œconomix rei nauus administer , quā quattuor ac triginta annis gesserat , fideliter versatus in quolibet illius muneris gradu , nec minùs impigrè , sed ea insuper dexteritate , quæ vt erat omnibus

omnibus Domesticis iucundissima, ita negotio cuilibet rectè administrando quàm opportunissima. Quod porrò fortium operarum est commune genus leti, ex vehementi, longaque laborum contentione, id ei tandem obtigit ab grauissimo Asthmate, quod, acerbis diuturnisque carptim intercisi anhelitus cruciamentis, vbi cum magnopere diuexauerat, duriter postea oppressit. Lutherano quattuordecim annorum puero, Saxoni, subiit animum scrupulus, num falsa essent de Fide præcepta, quibus esset imbutus ab incunabulis; quamobrem decernit ea de re sibi Cælitum aliquem consulendum, nec alium ex eis quàm ipsam Dei Parentem: mox igitur nixus in genua, rogat ardentissimè, vt si fortè in negotio Fidei adhuc deerrarit, ipsa ne dedignetur suo supplici viam veritatis & salutis indicare. Ab ea oratione incessit eum cupido nostrarum scholarum Spirensium, ad quas sibi aditum impetrauit ab Lutheranis licèt parentibus, vbi paucis diebus audissimè adiecit animum ad Catholicam Fidem, quam & arripuit incredibili sensu pietatis, vt inter obeunda prima Catholici ritus mysteria totus præ gaudio difflueret in lacrymas; deinde verò quoties ad imaginem Beatæ Virginis se daret in preces, eum repente inundantibus cælo affusis deliciis, suauissimo fletu planè colliquefieret. Deus hanc sibi rosam ex Lutheranis vepretis legerat, quam odoris suauissimi, æternùm fragraturam in cælestes puluinos maturiùs educeret: nam paucis hebdomadis quàm Spiram aduenerat, singulari puer
innocen

innocentia, & indole ad virtutem penitus compa-
rata, integritatem animi summis exaggeravit in-
crementis, moxque genere mortis lenissimo è vi-
uis subductus est. Septem & nonaginta ciues Fidei
ac Deo decoxerant, inita cum Luthero sacrorum,
fortunarumque exitiali societate, quam vbi no-
stro consilio resciderunt, eodem loco ab Ecclesia
sunt habiti, ac si paria semper cum creditoribus
fecissent. De his vnus fuit eruditissimus eloquen-
tissimusque Iurisperitus, multis nominibus
oppigneratus Lutheranae sectae Dynastis quibusdā,
Hæretici dogmatis retinentissimus, natus insu-
per parente Lutheri quondam addictissimo disci-
pulo; quibus rebus fiebat, vt nec Catholicorum
cuiquam, nec ipsi sibi vnquam in Romanæ senten-
tiæ communionem concessurus videretur, tamen si
nec infrequens, nec leuis, eum subibat cupiditas
Catholici ritus cognoscendi, si quid eo melius,
quàm Lutherano contineretur. Huius suæ cupi-
ditatis cum in familiari sermone mentionem for-
tè sereret apud illustrem Baronem, neque huius
responso facerent satis grauiora explicatioaque
audire cupienti, hominem acrius coepit hortari
Baro, vt vnà secum ad Iesuitas Spirenses veniret:
proficere magnopere illum posse conferenda sua
coram cum illorum sententia, & doctrina: futu-
rum porro ipsorum congressum ei longè iucundis-
simum. Nam quod lecus asserere de Patribus So-
cietatis Prædicantes solent, id odio veritatis ac
virtutis eis vsu venire, sicut omnibus improbis,
quorum iam alioqui obscurissimis luminibus val-
de offi

de officit aliena probitas. Apud hominem animi dubium, & consilij anxium valuit amicè suadentis oratio, ut continuò Spiram ad nostros contenderet, de què Fidei capitibus eos adhiberet arbitros, quorum hortatu domi nostræ dierum aliquot sibi secessum indixit ad deliberandū, Deumque consulendum. Abscille non potuit, quin lucem studiosè inuestiganti, probæ indolis viro, atque perspicaci, ea in tempore copiosa oboriretur, suauisque fulgore animum eius perfunderet: & reuerà, paucis diebus quàm secesserat, liquida ei affulsit veritas, ut iam dubium ipsi esse non posset, quid se amplecti, quid sequi oporteret. Ut ne in blandientis, vocantisque Veritatis gremium festinus accederet, velut totidem obiectis repagulis, duo quædam incommoda prohibebant, & impenduntia Lutherum abdicanti ex nuper amicis probra, & de complurium Dynastarum largitionibus opimorum stipendiorum decessio, quam utramque calamitatem, quòd pænè præsentem cerneret, eius metu non mediocriter commovebatur. Aduersus istiusmodi formidines, noster Sacerdos hominis anxium pectus cum sibi visus esset opportunis ad quietem instruxisse præsidii, hunc ab se cum bona pace dimittit, cui accepta à Patre monita attentius animo versanti, recurrentibusque identidem prioribus illis nugis, turbulenti molestissimarum cogitationum fluctus acerbam integræ noctis insomniam attulerunt. Prima verò luce, cadentibus intestinæ procellæ flatibus, rediit homini sua tranquillitas, eoquè post asperam di-

micationem incubuit eius animus, quòd eum Deus antè impulerat, vt totus esset in Patrū nostrorum potestate, quibus eodem ipso tempore se totum permisit, paulloque pòst piaculare Confessionis Sacramentum obiit, largiter continenterque fluentibus lacrymis, vt charta vnde noxas recensebat, vestisque anterior, tota madesceret. Quod autem auctore Deo ingressum se putaret vitæ genus, flagitiosè facturum se ratus, nisi luce palam profiteretur, cum opportunum quoque videretur, eadem opera occupari, frangique mox erupturam veterum amicorum impressionem, Spira egressus, mox toto itinere disseminauit suam transitionem ad Catholicos, vt eius nunciij suum ad domesticos aduentum anteuertent.

HERBIPOLITANVM

Collegium.

FREIDENBERCHAM oppidum Franconiaë, pridem acceptum ab Episcopis Herbipolitanis, beneficiario iure possederant Freidenberchani Comites, quorum omni nuper extincta stirpe, ad nostrum Antistitem oppidi possessio iure Caduci rediit, sed Hæretica lue prorsus contaminati. Eò cum missus esset Sacerdos noster imbuendis Fide Catholica oppidanis, quòd eius rei edictum nullum, vè moris est, à Principe antecefferat, nec vllæ quoque litteræ huius decreti nunciæ afferebantur, diu pugnandum priùs fuit, quàm noster

ad

ad concionandum admitteretur, maximè quòd eius oppidi mœnibus, vt fera bellua siluestri latibulo, Prædicans se occultabat, cui aduentus Sacerdotis formidolosus accidebat. Oppugnationem porro hæresis ab ipsa eius arce, hoc est ab Senatoriis viris, & principibus ciuibus, cùm noster instruisset, multo licèt ac diuturno labore, tandem tamen expressit, vt vniuersus pæne Senatus Fidem Romanam alacriter amplexus, eam in summa e de palam obcundis Sacris profitendam sibi ad ceteros ciues permouendos existimaret. Quod exemplum momenti tantum habuit ad vniuersam plebem concitandam, vt iam oppido toto Hæreticus nullus deprehendatur. Per illa autem felicia primordia hæresis in ciuium primoribus debellandæ, cùm non nemo coniiceret ex animorum motu qui cõcitior cernebatur, vniuersam ciuitatem breui ad Catholicos ritus sese appulsuram; Senator quidam, Deus, inquit, omen auertat tam infaustum, ac potius pèstilentis halitus dira tabe nostrum conficiat caput. Seu assensere, qui aderant, impiè ciuitatē Orco deuouenti, seu agnitam Numinis offensam contemserē; reorum certè capitibus haud ita multò pòst tetra insedit kies, quæ paucis mensibus sexcentos de plebe, ac inprimis sacrilegum illum, nefariæ Deuotionis auctore, de medio sustulit. Lutherani ritus Confessionibus audiendis, per eos dies, operam dabat Prædicās Freidenberchenfis, qua defunctus opera, cerebri animique leuādi gratia, properabat in popinam, quòdque auribus exceptas noxas curialium suorum vel

mentis angustiore sinu capere, vel frigidiore stomacho concoquere non poterat, inter pocula plenis buccis eas apud suos compotores, proditis auctoribus, eructabat. Inter numerosam recensio- nem alienorum delictorum, accidit ut euulgaret oppidani cuiusdam adulteria, & parricidium in uxorem admissum, ut, ea sublata, mœchandi maior tutiorque libertas esset; quo Prædicantis sacrilego indicio ad parricidam delato, is, grauiore suppliciorum concepto metu, voluntaria strangulatione iudiciorum seueritatem anteuertit. Ferro flammaque piandum facinorosi Curionis flagitium in id tempus incidit, cum Lutheranae sectæ turpitudinem ab nostro patefactam, eò foediorem ostenderet, faceretque ea impotentis lingua procacitas, quæ Sacrorum arcana cum scurrili ganearum petulantia confunderet; ut, vel furciferi vnus inexprabili sacrilegio, suam insaniam edoctos Lutheranos eius aliquando pœniteret, puderetque. Per maioris hebdomadæ sollemnia mariani Sodales, animi acrius ad pietatem inflammandi causa, in supplicantium pompa Christi patientis mysteria solent exhibere, interque cætera cruciatuum Seruatoris simulacra, prægrâdis Crucis gestationem vsurpare. Anno superiore matrona suum conjugem receperat ab supplicatione fatigatum fractumque, ac sudore totis membris diffluentem, postea quàm gerulum Crucis inter Sodales egerat; quem, animo egregiè comparatum hoc anno ad idem onus humeris excipiendum, vxor non destitit obsecrare, dum eum ab senten-
tia

tia deduceret. Rediit ille quidem immunis ab laboriosa gestatione, sed longè deteriore valetudine, quàm nuper ab sacra sarcina reuenerat, adeò scilicet debilitato corpore, quasi mulcatis contusisque omnibus membris, vt pedibus non insisteret; quæ inualetudo quartumdecimum continenter diem ita tenuit, vt singulis momentis efflaturus animam putaretur. Ignoram medicis morbi causam mulier facillè agnouit, suæque mollioris ac infans in coniugem amoris dolens meritoque attribuit; cui Numinis benignitas culpæ supplicium deprecanti salutem mariti condonauit, vbi ea sanctè adiurarat, coniugis animum ab officio Christiano nunquam se auocaturam.

ALTERO anno Sacerdotes duos veneranda senecta, & rebus gestis claros, funebribus iustis profecuti sumus. Pater Sebastianus Kollerbnam sexagenarius obiit, cùm quadragenarium inter Socios ageret; quòd omne tempus religiosè vtiliterque vel Humana in scholis, vel Diuina Sapientia in primariis templis tradenda, impenderat. Pater Gerardus Phien duodeseptuagenarius, Spiritalis Coadiutor, quadrágenos septenos in perpetuis frugiferisque laboribus Societati commodarat, & quidem singulari semper Diuini cultus promouendi ardore, què ardorem fractæ annis & perpetua laborum contentione vires tantum abest vt extinguere potuerint, vt etiam visæ fuerint in vltima senectute accendere. Pessimè affectis pedibus, vt vix consisteret, numquam domi acquiescebat, quin aut de superiore loco ad concionem

diceret, & quidem sæpius in die, aut salutarem operam alicui ciuium nauaret; nullus vt Collegarum eo frequentior adiret peste aliãve contactos labe; aut sua præsentia & industria egentibus commodanda esset occupator. Initam natura, diuturnoque studio & vsu auctam, propensionem subleuandæ inopum mendicitatis, nouis argumentis ac stimulis in se quotidie acuebat, vt eum sua benignitate omnium egestatem complexus magnopere solaretur, non in ciuitate modò, sed Franconia vniuersa pauperum ideò haberetur parens, quoniam reuera esset. Singularem in eo vitæ sanctimoniam Deus sic adamauerat, vt eam eximiis ornaret prærogatiuis, cuiusmodi fuit potens in Cacodamonias imperium, quibus exigendis procul ab Herbioli frequenter aduocabatur. Eius funus cum multa luctus testificatione celebrarunt viri ciuitatis principes, ac in primis Episcopus, qui secundum exsequias seipse apud nos ad prandium inuitauit, & à mensa, nostris omnibus conuocatis, longum disertumque panegyricum dixit demortuo, cuius inter cæteras plerasque laudes, illam commemorauit, & extulit, huius Patris industrie deberi magna ex parte Fidem Catholicam in hac prouincia restitutam. Septuaginta seu ciues, seu exteri, adulterino patre Luthero repudiato, Romanam Ecclesiam, vt germanam parentem, agnouerunt, in eiusque familiam & Sacra commigrarunt.

*FVL DENSE COLLEGIVM,
& Heiligenstadienſe.*

PATRI Iodoco Barloë viuendi finis fuit triceſimo & altero anno, quàm Societati fuerat auctoratus, cuius militiæ omnem rationem cum principio egregiè combibiſſet, & ſubelli ducibus, & præſſe Sociorum ordinibus, ita ſolebat, vt eximij ductoris ac militis omnes numeros inſigniter expleret. In Seminario degebat, vbi cum annuerſarij ſeceſſus, & piæ commentationis octonarium religioſè decurriſſet, venerat in Collegij cœnaculum, pro more deprecaturus erratorum veniam, cui muneri ſtudioſius intentum vehementioris Apoplexiæ ſtupor ſic incurſauit, vt eum ſeptenis horis, ſed mentis ſemper compotem, exſtinxerit. Andreas Bettendorffius, indolis optimæ ac Religioſi animi adoleſcens, dum ſtudia decurſa intentiùs recolit, in diuturniorem tabem delapſus eſt, quæ cæleſtis vitæ cupidiffimum eò denique deduxit, quò multis præclarisq; nobilium virtutum edendis facinoribus pridem aſpirauerat. Ab hæreſeon foediſſima ſeruitute in Euāgelij certiffimam ſplendidiffimamque libertatem duodecim ex multis aſſeruimus, cæteris eiufdem inieci-
mus non vulgarem cupiditatem.

POSTERIORE anno duos iis plures eadem ſanctæ libertatis prærogatiua donauimus. Duode-
tricesimo ab hinc anno deceſſerat de poteſtate

mentis Pater Ioannes Huckelus, dum se ardentius ad concionatoriū munus comparat, ad quod ingenij, eruditionisque facultatem eximiam allaturus videbatur. Ante aditā eiusmodi calamitatem, super cæteras Religiosi hominis laudabiles dotes, insigni perpetuò fuit in Præsides obsequio: ab illa verò mentis aberratione ad hunc annū, qui ei fuit vltimus, tractabili perseveravit ingenio, vt ei dementia non videatur fraudi fuisse ad salutem.

HEILIGENSTADIANA plebs exemplo, consuetudine, hortatuque triplicis Sodalitij nostri, eam morum probitatem indepta est paucis hisce annis, ad quam nulla legum sèueritas eam vnumquam adigeret, tantoque studio in Christianas virtutes hoc vtroque anno incubuisse obseruata est, vt tam lætam sanctorum morum frugem ei meritò probi omnes gratulentur. Duodeseptuaginta seu Lutherum seu Caluinum sibi exiriatem, eorundemque sacra fuisse pestifera, eiurarunt; quibus certæ salutis spes in Ecclesiæ gremium venientibus est constituta. Paralyticum linguæ vsus cum destituisset, auriumque sensus, multipliciū noxarum index in charta longo descriptus ordine ipsi à nostro Sacerdote oblatus est, vt inspiceret quarum sibi esset conscius, digitoque indicaret: quia industria rectè vsus, apertis signis ostendit, quid quantumque in eo genere criminum deliquisset, inculcā idemtidem ad pectus dextera, vt se admisforum significaret pœnitentem; quibus edendis argumentis absolutus ab Sacerdote, Christianè vita functus est.

M O L S H E M I E N S E C O L L E G I U M .

M I C H A E L Senheem, altero Theologici studij anno, diuturna Phthisi contabuit, adulescens orandi, ac cæteræ pietatis, patientiæque laude insignis. Hæreticis Popis suas sibi res esse iusserunt vnde viginti, atque in his tres nobilissimi adolescentes, ex honorario comitatu Hæreticorum Dynastarum, quibuscum acriter depugnarūt huius libertatis adipiscendæ gratia. Puer in Germanis perillustri loco natus, annis duodenis paullò major, idiomatis Francici gratia in Aulam Lotharingi Principis missus, aleam exercebat cupidè, lucròque ardentius studebat, cui ludus die quodā infelicioꝝ loculos cum excussisset penitès, & alieno ære apud collusores obstrinxisset, aduerso casu mœrens, deque sarcienda iactura sollicitus, in propinquū hortū egressus est. Ibi solitarius inter inambulandum, pecuniæ qualibet via nanciscendæ vehementiore studio elatus, apud se in hanc sententiam loquebatur: Si mihi nunc Cacodæmon legitimæ monetæ, quantum opus est, concrederet, admitterem libens, eoque nomine cum eo ius perpetuæ societatis contraherem. Vix tantum effatus erat miser, cum ex Orco se illi sistit ad latus, veterator argentarius, puerili specie, cultuque ac ornatu eodem propè, qui erat se vocantis, cui exhorrescenti alterum humerum concussit Tartareus Danista, bonoque animo esse iussit, ac pecuniam ab se sumere, quam ille sumturum se negat, nisi probam,

bam, & qua sumenda nihil à Dæmone in se no-
 xia contrahat : à quo vtrumque pollicito num-
 mos accipit, repetitaque alea, collusoribus no-
 mina dissoluit, & amissam pecuniam nullo nego-
 tio recuperat. Inde, lætus facili, vberique com-
 pendio, ad condictum sibi à Dæmone locum re-
 greditur, cui fortunatam aleam deinceps spon-
 denti, eiusque felicitatis mercedem corporis mē-
 brum deposcenti, aut schedulam iis conceptam
 verbis, quæ ipse Dæmon dictauerit, prius postu-
 latum abnuat, posterius panē vltro detulit. Pueri
 cruore faciendum erat scriptum, & ex illius sini-
 stra eliciendus sanguis, quam puer, non nihil tergi-
 uersatus, porrexit asserenti dolorem abfuturum,
 ex qua longiore ductu tenuioris musculi sine sen-
 su euellitur iecusculū, vnde fluens cruor iuglandis
 exceptus cortice cū esset, eo describit puer partim
 Græcis, partim ignotis litteris, manū dirigente Dia-
 bolo, schedas geminas, alteram minutissimā, paullo
 ampliorem alteram. Priorem Dæmon in recisi mu-
 sculi plagulam indidit, qua indita, mox obducta
 est sua sponte cicatrix; cuius schedæ vis fortuna-
 tura erat dedititij pueri aleam, cæteramque om-
 nem actionem: posteriorem teter animorum lici-
 tator sibi seruauit, obfides nempe tabulas, capitis
 æterno mancipio ipsi ab demente puero dati, cu-
 ius mancipij diēs septimo post anno exiret. Postri-
 die adhuc decumbenti suo discipulo adsistit ad le-
 ctulum, præcationum libellum ab eo sibi tradi po-
 stulat, suadet à precando absteineat, sic enim medi-
 cato, quod gereret, scripto adfuturam multo po-
 tentio

tentiozem efficacitatem. Quo ex die, cum ei factus
esset familiarissimus, ut quouis loco cupienti se si-
steret, cæteris quidem aspectabilis, sed ignotus,
sua disciplina paucis diebus puerum ita deprava-
uauit, ut eorum flagitiorum, quæ eam ætatem ha-
bere solent infestam, ille nihil non auderet, & ad
viceſimum vitæ annum perpetraret impuniſſimè.
Vicenarius ex aula Principis Lotharingi domum
cùm reuertisset, apud sororum natu maximam,
virginem honestissimam, genere vitæ cum primis
illiberali, mox offendit grauissimè; cui familiari-
ter cum eo expoſtulanſi, ex tam religioſæ aula
ſancta diſciplina tam flagitioſos mores, clariffimo
loco natum adoleſcentem, retuliſſe; paucis, ac præ-
ciſe ſorori retulit, ac deinde matri, neceſſitate ad-
actum ſceleratam ſe vitam agere, his legibus, ſcri-
pto cruento chirographo, Cacodæmoni adſtrictū
ſe octauum iam annum viuere. Ei parum præſidij
fuit in matre, Schuuenckfeldiani dogmatis aſſe-
cla; cuius multa in eo fuit opera, ut natum, cer-
tam iam Orci prædam, damnatæ item hæreſis mā-
cipium faceret, nec alienum ab ſuo ſenſu calami-
toſi adoleſcentis animum offendit, cuius per id
tempus certum inſtabat exitium, cum traditæ Dæ-
moni ſyngraphæ, ac deuoti capitis dies exiſſet.
Quamobrem ex eo tempore Tartareus ille mango
acerriimè vrgeret adoleſcentem, uti Deum ac Cæ-
liſes exſectaretur; vtrumque parentem, duos ex
ſamulis, oblato puluere medicato, exſtingue-
ret; arcemque parentis ſibi dederet delendam in-
cendio; ipſeque ſibi denique mortem conſciſceret;
cui

cui, minùs properè obsequenti, atri leonis figura,
in matris ac sororis oculis seuos intentans vngues,
diu multumque vexato tantum non exitium attu-
lit. Inde patri eius, Catholico viro, necessitas im-
posita, grauius querentibus cognatis, dilata in
eum diem remedia, adolescentis Molshemium ad
nos destinandi, si qua ratio apud nos suppeteret im-
minentis cladis ab eo auertendæ; quò cum addu-
ctus esset catenis ligatus, iussit eum Pater Rector
solutum vinculis in custodia certi Sacerdotis in-
ter nostros agere, adiicere animû ad subsidia ido-
nea suo malo capessenda, eundemque ad spem
sanitatis cum Diuina ope erigere. Primis diebus,
dum adolescentis custos Pater cum eo agit, audi-
ti sunt in propinquo grunitus, & peregrinarum
belluarum fremitus: vbi verò de seria Confessio-
ne cœptum est agi, misero Dæmon inquietos dies
creare, hospitij nostri, & sacræ Pœnitentiæ in-
generare fastidium. Eas hostis fraudes dum ille
dissimulat, tametsi vultu tristitiam prodente, Ca-
codæmoni animos facit, & ad se aditum parat, vt
auderet, in ambulanti in pergula, hirsuti, ac sil-
uestris Fauni habitu, se cōspicuum dare, atque sua-
dere, vt adulterinum chirographum suo cruore
describeret ei simile, quo se nuper Dæmoni man-
cipasset, quod humi abiectum, & à nobis inuen-
tum, nos pro legitimo haberemus, rati ab serui-
tute Tartarei prædonis liberum adolescentem, quē
sic delusi, vt sanum dimitteremus. Expressio igitur
ex manu cruore, Cacodæmone argumentum di-
ctante, peregrinis notis simulatus syngraphus exa-
ratur

exaratur, pro verò substituendus, cuius clandestinæ scriptioni cum famulus interuenisset, & ab scribente abigeretur, suspensionem sagaci homini mouit quæsitæ ad scribendum latebra, ansamque præbuit scrutandarum vestium dormientis hominis. In femoralium perula exitiale syngraphum cum deprehenderetur, ad aspectum cruenti, peregrino idiomate, scripti famulus exhorruit, exploratum tamen in eadem peram abdidit, ne hero ferociori stomachum moueret, admonito interim Sacerdote, adolescentis curatore, cui visum est rem dissimulare, quoad se idonea occasio aperiret. Posterum diem egit ille dissolutissimè, ut facile constaret, in gratiam cum Dæmone, atque ad ingenium rediisse; ad quem sub vesperam cum adisset Sacerdos, seueris verbis castigauit hominis, in grauiore suo periculo, negligentiam atque proteruiam, deque recens exarato chirographo percontatus, rationem eius iussit reddere. Asperioribus verbis denunciata veritas continuò ab alienati ab sua salute adolescentis contumaciam emolliuit, culpamque libenter agnoscentis expressit lacrymas, promissumque frugis melioris, cuius argumentum illud esse, quòd illa ipsa hora veniret in Patris potestatem, in qua perpetuò esset futurus: syngrapham auctore Diabolo, decipiendis Patribus scriptam à se, mutato tamen consilio certum in locum abiectam, quem indicaturus esset, ut tolleretur, vnde & sublata est. Quòd autem animum, ex eo die, seriò appulerat ad salubria consilia exsequenda, infestiores sentire cœpit

pit hostem, eoque solitudinem minimè ferre, vt
cui, absentibus arbitris, consueffet incurfare mo-
lestissimè. Depellendæ igitur tam periculosa in-
cursationi, recipiendisq; geminis chirographis,
cepimus homini deditio adhibere exorcismos,
in B. Patris Nostri sacello, quos confestim secu-
ta est adolescentis maior tranquillitas, & ab Ca-
codæmone leuior molestia. Diu tamen pugnan-
dum fuit, vt ad Poenitentia Sacramentum addu-
ceretur, quod occulta fraude aduersarij repugnan-
tissimè insibat, cui tandem id ingresso frequentes
grauescq; horrenda forma aspectabilis Dæmon in-
cutiebat terrores, paullatim tamen minùs formi-
dabilis, vt in dies Confessionis vsus iterabatur.
Quoniam verò haud satis diligenter videbatur
sibi cauere ab aduersario, cuius instinctu impo-
tentiùs in famulum efferebatur iracundia, multa-
que frequenter peccabat vitio impatientia: data
occasione Pater Rector hominem sibi sumsit libe-
liter obiurgandum, quam obiurgatione hic paul-
lò post agnouit sibi vtilissimè cessisse, vt quæ se
multiplicium noxarum admonuisset, quas, non-
dum animaduersas, in Confessione tamen recen-
seri oporteret. Inde ad Eucharistiam participan-
dam coepit studiosè comparari, cuius tamè sum-
ptioni ipse prauenteret sollemnem Catholica Fi-
dei professionem, eodemque tempore Cacodæ-
moni ex scripta formula inter Sacrum renuncia-
ret, quam formulam legendo decursam sacrifi-
canti Sacerdoti traderet, tota nostra familia ora-
tionibus, & afflictationibus corporis, futurum eius
certa

certamen ardenter adiuuante. Inter illud sacrum adolescenti quæta fuerunt omnia vsque eò, dum Cælesti epulo refectus esset, atque Pater Rector ab eo acceptum renunciationis scriptum in ara deponeret: quo ipso tempore in eum repente irruit animi tanta perturbatio, quantam non meminisset expertum se esse, vt, solatij accersendi gratia, tremebundus ad Sacerdotem, curatorem suum, se applicaret. Adstabant Cacodæmones duo, caprina effigie, in posteriores erecti pedes, alter præ altero ad altare conuersi, quorum prior sublati anterioribus ungulis vtrumque adolescentis syngraphum præferret, ostentaretque impensè perturbato; cuius terrori, & Dæmonibus amolientis, cum adhibitus esset exorcismus, adolescens sibi restitutus est, hostesque fugati sunt: quibus exactis, alterum chirographum, sinistrae pueri nuper à Dæmone insertum, humi, ad læuum cornu altaris, ab studiosè vestigantibus nobis inuentum est. Læta de Orco spolia spem haud lenem splendidioris victoriæ, acrioresque animos ad reliquâ pugnam fecerunt. Semel itaque, & iterum exorcismorum vis grauitè in Tartareum raptorem intorquetur, quorum primum impetum fuga elusit, alterum declinare non potuit, quin ciconiæ figura se sisteret, sed, vt semper, vni ipsi iuueni aspectabilis, cum pendula ex rostro altera cautione, conspicuis etiam singulis eiusdem versiculis, vt faciliè numerari possent, quam & victus super aram deposuit, illo ipso vespere, quo exorcismis fractus est, vbi postridie manè illam Sacerdos, adolescentem

adoleſcentis cuſtos, deprehendit. Nihilo tamen
 minùs per Sacra omnia viſus eſt adigendus. Dæ-
 mon; vti præſens coram adeſſet, ac proderet, ſi
 qua ei reliqua poteſtas eſſet in adoleſcēte: ſed, poſt
 iteratos ſumma vi exorcifmos, nihil Tartarei vm-
 quam comparuit, neque vlla iuueni reſidua dein-
 ceptus fuit ab hoſte periculi, vel formidinis ſuſpi-
 cio: cuius animo intereà validiùs ſanctiùſque mu-
 niendo, adhibitum eſt Confirmationis Sacramen-
 tum. Excifì verò muſculi cicatrix, in adoleſcentis
 læua manu, olim eminula, vt præteritam plagam
 argueret, poſt eductam inde, ſine iuuenis ſenſu,
 auſpicata illa ſchedula, ſic etiam oblitterata eſt,
 vt oculos fallerent tenuiſſima eius veſtigia.

IN SEQVENTIS anni fuit non levis plaga ex
 deceſſu Parris Ioannis Herringij, viri planè ex ger-
 mano Societatis ingenio, qui ex ſuæ parentis alto
 quodam ſenſu iudicaret omnia, & ſtrenuè ageret,
 ad vltimum vitæ ſpiritum, quem quinquagenarius
 efflauit, primo ac triceſimo anno, quàm in no-
 ſtrum Ordinem conceſſerat. Multiplex eum, ac
 politiſſima litteratura diutiſſimè in ſcholis exer-
 cendis attinuerat, quòd eximiæ illius eruditioni
 comitaretur ſingularis induſtria iuuentutis vtili-
 ter educandæ: qui ex eo ſtadio ad cōciones hono-
 ratis locis habendas tranſlatus, poſteà quadā pro-
 penſione libèter deuolutus eſt ad ruſticanorū ani-
 mos catechiſmo imbuendos, qua in palæſtra dici
 vix poteſt quàm fructuoſè ſit verſatus. Is tamen ſi
 occupatiſſimus domi, euolabat in agreſtium cœ-
 tus quàm ardentiffimè, atque in idem ſtudium,
 ſum

summa arte, ac inusitatis blanditiis, traducebat de familia quàm plurimos poterat. Quidquid autem operosissimo homini, vacui temporis suppetere unquam potuit, id sollertissimè ab eo collatum est in fructuosos Latini sermonis codices vernaculè reddendos, cuius ingeniosa & elegans interpretatio, & argumenti dignitatem ornaret non mediocriter, & cupiditatem legendi magnopere acueret. Adiuuandorum itaque Christo animorum quòd pleræque ac singulares in eo dotes emicabant, de illò inter omnes Collegas vox illa increbuerat, Patri Hertingio pròptum expeditumque perpetuò hærere in manibus hæmum, quo callidissimè homines Christi amore inescaret. Eum decumbentem Princeps Leopoldus cum amantissimè inuississet, viri sanctitate recreatus maximopere, non potuit, quin apud cæteros Patres tantæ virtuti multam cælo quæsitam felicitatem pronūciaret. In silua erranti sub vespèram adolescenti, viri nobilis famulo, Cacodæmon specie canis aliquantulum viæ præcucurrerit, dum ad Danubij ripam peruentum est, vbi assumpta desubitò figura pullati hominis, iuuenem interrogat, numquid suus esse velit, secumque viuere, si euestigio amnem traducatur: cuius imprudenter assentientis præceptis responsum vix intercesserat, cùm dèrepentè adfuit scapha, quæ priùs nullà toto eo litore fuerat. Versabatur temerarius adolescens in medio amne, cùm nauicularius ille carnifex, qui esset, apertè professus, summa vi eum adigit, vti se sibi deuoueat, Deum, & Cælites sollemnibus

N. verbis

verbis exsecratur, mox fædo gurgite absorbendus nisi pareat; quibus minis deuotionem ab terro extorquet. Tam impio nauulo traiectus miser, vix fæuissimi prædonis manibus subducere se potuit, quin, eo stipulante quadrimæ diei certam fixamque corporis & animi deditiōem, conceptis verbis, suum exitium ipse restipularetur, ac repromitteret: sed int̄uenere prætereuntes arbitri, qui, euanescente Diabolo, stipulationem dirimerent. Huius additiōis tā sceleratæ cū eū deinde pœniteret, eiusque rationem piis viris exponeret, adhibiti sumus, ad facinorosum eius cum Orcino Tyranno dissolēdum commercium. Ei, cū suadentibus nobis, se obstrinxisset voto certorum dierum sacre Confessionis ac inedia, perque Pœnitentiæ Sacramentum ritè præutatus esset, adhibiti sunt exorcismi, tribusque continentibus diebus inter Eucharistiā ab eo sumendam, excepta est scripta eius syngrapha Sacerdotis sacris operantis manu, qua syngrapha Deo se totum dederet, Dæmonem habere res suas iuberet. Eiusmodi triū Missarum, eam quæ Beati Ignatij fuit propria, quod eius suffragia maximè poscebantur in hoc negotio, Cacodæmon mirificè interturbare conatus est, vt interim apud se vix esset Sacerdos, tētrā ipsi oblata specie, quæ proxima fenestra irrupisset, fædè fluentibus; etiam nulla spirante aurā, cereis, molestissimisque intemperijs circū arā obstrepentibus. Sed qui dies plus habuit certaminis, is fuit & nuncius, & obses impetratæ victoriæ, nam ab eo die adolescenti, nuper deditiō quietissima

ma & iucundissima fuere omnia. Alterius pueri, ex nostro Molshemienti gymnasio, plures, grauioreſque fuerunt cū eodē graſſatore pugnae, ſed tanto illuſtrior & glorioſior de eodem triumphus. Tenuitatem fortunarum eius crediderat ſibi profuturam ad eius animum expugnandum, quam obrem variè priùs tentato vim magnam pecuniæ deſert, cuius abſtinentiam ubi labefactare nequit; ad atroces minas, & immodicos terrores conuerſus, non die non nocte illum quietum eſſe ſinit. Fortiter obluſtantis probi puèri conſtantia Dæmoni ut grauis ſemper fuerit, nihil ei tamen grauius, quàm quòd nihil ſuò, ſed noſtrorum omnia conſilio gereret, in eo certamine; cuius noſtrę op̄is uſu in præſentia, in poſterū ſpe, ut eū deiceret, nihil nō eſt molitus, ac die quodam propemodū deiecit, ut ad nos deſperanter adiret, inaniaque deinceps noſtra præſidia ſibi futura tantum non arbitraretur. Sed Sacramentis religioſè procuratum, viſ exorcismiſmorum, porrectaque inter rem diuinam Sacerdoti noſtro ſyngrapha ſua, cuius verbis ſe antè Deo conſecrarat, Dæmonis conſortium deteſtatus, Dei beneficio, cætera omni vexatione illum abſoluit. Alteri quater denām annorū puero, quem ſua mater Lutherana, & ſagarum regina inter populares, pænè infantem Orco addixerat, Beati Patris Noſtri ſuffragia exemerunt ſæuiſſima Cacodæmonis ſeruitute. Multa interuenerant eius promiſſa, cum matris ſuaſu, tum violento hoſtis imperio, ac diris vexationibus, quibus ſe & ſua omnia crudeli Tyranno deuoueret: ſed perſcripta ipſius cruore

atque manu cautio, sollemni magorum ritu, eum Tartaro certiùs addixerat. Ei deinde iam pubescenti, cùm truculentus ille dominus matrem horrendo leti genere subtraxisset, mendicitasque peregrinationem suasisset, oppida varia temere obeunti, tandem VVormatiæ puer eius æqualis persuasit, vt ab Luthero descisceret; vbi res suas nostris aperuit, quorum litteris commendatus est Molshemiensibus Sociis, Beati Ignatij patrociniò sanandus. De viâ tamen Molshemiensî volens deerrauit, Dæmoni obsecutus, quem ferè comitem habuit tota peregrinatione, atque ad vetera flagitia in patriam rediit. Haud multò post tamen, vbi Molshemium rectâ contenderat, litteras Patribus reddit, quæ vt rem non aperirent, sic ipse puerili simplicitate reticuit, quoad eum conscientia periculumque tandem adegit per colloquij occasionem cuidam Patrum exponere: qua ex die infestissimum passus est Dæmonem, à quo, per illius silentij tempus, acciderat mira tranquillitas. Septenas totas noctes ea pugna tenuit, nouum deditionis chirographum imperiosius exigente Tyranno, & ab monstruosis laruis pueri terrore exaggerante, à quo tamen extorquere nihil potuit, nisi vt, post grauia incussa verbera, nocte quadam, nudus in medio veneficorum choro, saltaret, vapularetque, qui vt ad se rediit, dum inter plagas recitat salutationem Angelicam, chorus & choragus, vt fulmine icti, momento dilapsi sunt. De die in nostris audibus attinebatur, vt, memoria recolens, quæ sibi horrenda scelera contigissent in sacri

in sacrilegis olim cœtibus, ea describeret, inter quam occupationem, non raro se illi sistebat nefarius ille flagitator, noui aliquid postulans, à quo vicissim puer suam repetebat syngrapham, & quod mirum sit, per ipsa etiam terrorum ac verberum discrimina, frequentissimè, ac intrepidè repetuerat. Septima demū nocte teterrimæ formæ belua decumbenti oblata est, quæ deformi ac productiore rostro suspensum gerere videbatur cruentum chirographum, quod pridem exigeretur, quo ex ostento puer venit in spem eiusdem recipiendi, vt illud pridie, Virginis rosarium decurrens, cum multis lacrymis ab Numine impetrare studuerat. Porro adhibendis exorcismis frequenter interiecta fuerant Beati Ignatij suffragia, proque imperio iussus erat dolorū artifex, quem flagitio stipulatus esset ab incauto puero syngraphum, eundem ad pedes ipsius Beati, super aram exstantis, sine dolo malo sistere. Nec igitur sua fiducia puerum fefellit, nec irritæ fuere Sacerdotis iussiones de restituendo chirographo, & quidem quo loco designabat: nam postridie quàm fœdum illud visum puero se obiecerat, Sacerdos, hora pomeridiana tertia, ingressus Beati Ignatij sacellum ad iterandos summa vi exorcismos, cum multo suo horrore incidit in cruentam schedam, ad pedes Beati Patris aræ impositam, quam puer, omnibus indiciis & argumentis exploratam, illam ipsam esse agnouit, qua se nuper, à matre deceptus, Orco addixerat.

*CONFLVENTINVM COLLEGIVM,
& Paderbornense.*

ACERBITATEM superiorum annorum hic annus videtur quodam modo mitigasse, cum magnis cladibus, grassante licet in populum lue, omnib. nostræ familiæ, ac gymnasij capitibus, eam Diuina benignitas arcuit. Singulare autem illud accidit ad memoriam, atque ad exaggerandam religionem erga Dei Matrem, vt quamdiu Litaniæ sub vesperam ei sunt à Discipulis decantatæ, nemo vnus ex eis, in tam inquinata ciuitate, contingeretur: simulatque verò abesse res periculo videbatur, ab litaniarû cantu discessum est, illo ipso die, quo pium illud carmen desiit, discipulorum vnus letali vlcere decubuit, moxque alij duo extincti sunt, magno terrore vniuersæ iuuentutis; quo documento perculsi, ad litanias nos reuocauimus, & in annum totum protraximus, quo anno toto iuuentus vixit incolumis.

Alter annus paullo liberalius nos admisit in familiaritatem cum ciuibus, & aduenis, pestilenti iam discusso afflatu, vt etiam licuerit Lutheranos in rem præsentem manus cõsertum vocare, atque Ecclesiastici fundi possessionem, perpetuis auctoritatibus probatum, ex eorum vindicare manibus; qua vindicanda vndeviginti ex ipsorum grege, vbi didicerant, apud ipsos Ecclesiæ nullum residere vestigiũ, ad nos libentes transiere.

PADERBORNENSES scholas pestifero
contactu

contactu prohibuit eadem religio, quæ Confluentinas, inter creberrimas ciuitatis plagas, & quotidiana funera, vt in mediis veluti bustis periclitantes, tamen litterariæ palæstræ suas exercitationes nihil intermitterent. Qui aliena omnia de Fide sentirent cum Catholicis nihilominus communem sepulturam in vrbe ambiebant, & reuerâ etiam adhuc obtinuerant, nimia magistratus indulgentia: sed hoc tandem anno euicimus, vt hac prærogatiua excluderentur, extra pomœrium in agros exportatis eorum cadaueribus: quam ignominiam plerique Hæreticorum veriti, ex ea sumserunt ansam Catholici dogmatis sub exitum vitæ amplectendi; cuius generis homines vndetriginta in Ecclesiæ sinû admissos, ad sacræ sepulturæ iura lætissimos proueximus. Quo ferè tempore Christianam fidem, disciplinamque accuratiùs edocti Iudæi duo, cum alterius infante filiola, nostris Sacris, magna sua voluntate, ac ciuium gratulatione, imbuti sunt. De horum altero, sibi noto ac familiari, cum inaudisset Lutheranus, familia nobilis, ad Catholicos breui migraturum, conatus est eum traducere ad suum gregem; sed respondenti libentiùs se in Iudaismo persistaturum, quàm vt Lutherismo inquinaretur, hanc hominis ingenuam libertatem Hæreticus acerba contumelia iniuriâque vltus est. Per summum enim Catholici ritus ludibrium, barbam, capillumque ipsius, ex Monachorum formula, tondeti ad cutem iussit, & eiusdem caput ab aure ad aurem, atque à fronte ad occiput decussari: suo insuper equo

impositum malè multari verberibus, ac dimitti. Sed tam contumelioso probro Iudæus ab instituto neutiquam deterritus, quod animo destinarat, est reipsa exsecutus fortiter, alacritérque, nostrámque deinceps ædem persistit religiosè frequentare. Scholarum nostrarum eximia celebritate ac disciplina permotus Antistes noster, pridem de Academico instituendo splendore apud nos cogitabat, cuius consilia nunc eò prouecta sunt, vt, de futuræ Academiæ amplissimis prærogatiuis, apud Germanici Imperij Catholicos procures serió iam actum sit, quindenáque Dalerorum millia in eam rem ab eo nuper assignata, in Danistarum mensis, luculento censu annuo in dies exaugeantur. In vicinam Satrapiam peramplam, Hæretico veneno pessimè affectam, sæpius itum est ab nostro Sacerdote, ac tam felici demum exitu, vt principem feminam viduam, eius Satrapiæ Dominam, ipsius filiam, ac de clientibus complures Hæreticos, Catholicis adiungeret, in eamque constantiam Romani tuendi ritus induceret, quæ ex constantia, cognatorum, licèt præpotentium nemo; sed ne Imperij quidem Princeps aliquis, ei loco vicinus, sua auctoritate potuerit eas feminas demouere.

Posterior annus Academiæ, cuius modò mentionem intuleramus, felicissima dedit primordia, neque minùs fausta Domui Probationis, cuius vtriusque auctorem conditorémque se præbuit Illustrissimus Antistes Paderbornensis, pro sua in Societatem eximia beneuolentia, de cuius Præfulis manibus, Pater Prouincialis ex ipsa ara, ubi faciebat,

faciebat, sollemni ritu scriptam quindecim milium Dalerorum cautionem excepit, caput scilicet annui vectigalis, Theologicis, Philosophicisque Magistris perpetuò sonendis, ab ipso destinati. Hoc eodem igitur anno factum initium est Academicarum exercitationum ab Logicis præceptionibus. Quo item anno exordium cepere cum Ecclesia sentiendi quinque ac triginta Hæretici.

*MONASTERIENSE COL-
legium.*

LUTHERANAS copias in vrbe vno vicenarum capitum manipulo infrequentiores fecimus, altero item manipulo tricenarum hominum, propinquo in oppido: cæteris locis aliquem etiam numerum detraximus. Extremæ huius Diœcesis tractum, versùs Frisios, Emslandiam appellant, septuagesimum annum Lutherana tabe perditum: sed hoc anno exactis ab Antistite, eodemque ditionis Principe Prædicantibus, nos, cum aliquot Cûrionibus, ad Hæretica lustra repurganda, missi sumus duo Sacerdotes, qui Meppenæ, principe in oppido degeremus, vnde in circumiecta oppida & pagos fierent excursiones. Meppeniis oppidanis, hominibus nequaquam malis, Lutherum dissuadere laboriosum non fuit, nisi existimationem suam in eo agi putarent, & Catholici moris Confessio paullo durior videretur. Tricena tamen capita se abduci passa sunt ab rustica eiusmodi ve-

recundia, vt iam cæteris, cateruatim ad conciones & Sacra confluentibus, ea res non adeo salubrosa videri cœperit. Celebrarunt vtroque anno gymnasium nostrum frequentes discipuli, ac posteriore quidem duodecies centeni, quorum non pauci, Hæreticis orti parentibus, ea sunt constantia in suscepto semel Catholico dogmate tuendo, vt vitam quàm Fidem potius sibi pariantur eripi. Ciuium quidam, apud nos Deiparæ Sodalis, nundinariis diebus, ac Maximi Ieiunij tempore, hospitem magnum numerum domi suæ acceperat, quorum nonnulli carnem sibi apponi postulerent, quos ante accubitus iussit eo nomine suis ædibus excedere, quòd nullo iure hospitij posset adduci, vt in diuinas leges fraudemmitteret: qua denunciatione hospites illi se ad licitos cibos accommodarunt. Ex alia centuria sedecim non escas modò vetitas, sed vniuersum Lutherismum funditus à se abdicarunt.

*HILDESHESEMIENSE COL-
legium.*

CALVINIANVS Friso, apud suos maiorum gentium Theologus, ad nos deductus ab amicis, vbi coram congressus est, haud erubuit fateri, suam Theologiam nostræ longè inferiorem esse: vtque se ostenderet haud alienum ab nostris rationibus, germanum suum ab Lutheranis, suis olim magistris, auocatum, nostræ disciplinæ, tantò, vt

tò, vt ipse cenſet, potiori, tradidit. Caſtellana nobilitas, Hildeshemio propinqua, Lutherani licèt dogmatis, vt primùm cœpete noſtri eam viſere, atque officiis colere, continuò ſe non tantùm beneuolam, ſed beneficam quoque in Societatem oſtendit: vt fuerit ex ea vir primarius, qui ſalarium veſtigal annuum Collegio attribuerit, nullumque finem faciat egregiæ in nos voluntatis exhibendæ. Eiufmodi generis homines nonnulli auidè ad noſtras adeunt conciones, & vt affici cœperunt, Prædicantium nãias auerſantur: cuius alienationis cauſam proferre quidam rogatus familiariter ab æquali, etiam ipſo Prædicante coram, ac Senatoribus aliquot, liberè profeſſus eſt, Ieſuitarum diſtione ſe ad pietatem commoueri ſummoperè, apud ſuos nullam guttulam hauriri poſſe pietatis. Cum altero, ſimulatque noſter eſt congreſſus, ſermone captus eſt mirificè, vt, ſuper cætera beneuolentiæ argumenta, non temperaret ſibi, quin digredientis in ſinum, atque repudiantis, duodenos Daleſeros effunderet. Per hæc initia reuiuifcētis in hoc agro verbi Euangelici, eo diſſeminando ex Lutheranis ergaſtulis ſeptuagenos in Eccleſiæ liberam, iucundamque cuſtodiam tranſcripſimus.

SECVNDVS annus totus grauiùs habuit totam pæne Familiam, duosque Socios ad vltima deduxit, quos conclamaueramus, niſi de cælo præſidium adfuiffet, etiam extra ordinem. Alterius peſtilens vlcus ſuppurare cœperat, cui præſentem tulere opè religioſius acciti Cælites ipſi tutelares

ab al

ab altero suspenſa de collo Beati Patris Ignatii manu ſcripta epiſtola, cum precibus & voto, Tympaniten ſeſtreſtem, eoſque diurniorem, cum omnium ſtupore depulit. Claro loco natam virginem Hæreticam malus Dæmon inſederat, multaſque pertinacia obtinebat, cuius expugnationem fruſtra ſæpius tentatam Prædicantes noſtris relinquere ſunt coacti, quorum opera, ex Eccleſiæ ritu adhibitis exſecrationibus, de veteri ſtatione deiectus eſt, poſtea quàm illa deſciuerat ab hæreſi, vnde deſcendere ſoror eius maior quia noluit, perſtitit in ſua poſſeſſione Cacodæmon. Decem & octo Prædicantes, numeroſa utique Molofforum caterua, è Tartari luſtris immiſſam geminam hanc feram, cùm ſibi ſumſiſſet potenti latratu exigendam, alius alio tempore, & loco, aliaſque latrandi formula, plurimùm inanis operæ, cum multo ſuo dedecore perdidit. Enimuerò vel ipsis Lutheranis ſpectatoribus tã inepta inſulſaque ratio ſuorum Poparum, in oppugnando Dæmone, viſa eſt, ut miſeros cachinnis ac ſibilis obruerent, ac pleroſque, vel hoc vno argumento, ſui dogmatis pigeret, puderetque. Longum ſit recensere, quàm longè petitis, quàm alienis & frigidis ſermonum ambagibus, non impeterent Cacodæmonem, ſed obſeſſis puellis ſomnum conciliarent, auditoribus ſtomachum mouerent. Triumphabat ſcilicet vtraque illa Orci bellua, ſuis in latibulis, oblatas ſibi ad certamen meras latrantium canum laruas, metumque ac fugam ſimulabat interdum, acuendæ aduerſariorum ferociæ, quam euſtigio ad dicte-

ria &

ria & sannas erecta obrueret. Nihil falsorum concuiciorum fingi potest, quo illi, omnis proteruitæ architecti, dicacissimè non aspergerent huiusmodi Bæoticos Lycifcas; nihil verorum probrorum tam occultum in Prædicantibus esse potuit, quod non palam retererent, quibus lacessentium ora cum rubore non perfunderent. Hianti ore Ministellorū vni cūm Dæmon aliquando illuderet, Sacerdotes nostros, fiducia sui Ministerij, stolidè imitatus nebulo, sacrilegos digitos immisit in hiatum, quos non nisi pænè concisos retraxit. In parentis adibus cūm Euangelici Præcones has puellas curarēt, quasi Lutherani flagelli acerbitate fractus veterator, exclamauit sibi excedendum, aperirentur mox fenestræ, inferri sibi vim, cui par nō esset: decursū est certatim ad fenestras recludendas; tum ille sublimè elatā vnā virginū, formidoloso volatu, diu tota aula circumuexit, Prædicante interim efficacitatē verbi sui demirante, quasi alterius Elisæi, cū desubitō puellam pænè deficientem humi demisit, ingēti Prædicātis ludibrio. Quidquid sacrosancti suis in adytis fuerat, quidquid in armamētariis Lutheranis validi & infracti, expromserant magna vi & inusitata ambitione Martinianorū Mystarum proceres, vt Martini veterē infamiā detergerēt, longēque Martino se venditarēt sanctiores, sed Tartarea Viuerra de suo scrobe tamen trāsuersum ynguē nō moueri; ignauarum canū inter mortuos latratus deridiculo habere, iis illudere, ac insultare. Collatis itaque inter se capitibus, maiorum gentium Popæ disquirere sedulò, quod tantæ suæ imbecillitati,

litati, quod fœdæ ignominia honestum tegumentum prætexerent; & venit in mentem præaltè meditatæ ingeniosissimum, & Lutherano acumine dignissimum inuentum, vt apud vulgus, velut ex tripode oraculum proderent; Sacra Scripturæ aduersari obsidentium corpora Cacodæmonum oppugnationem. Quærebatur tamen, quando tam modestum & sanctum genus hominum, Prædicantes, religione prohibebantur hoc curationis munere, ab instructissimis ipsorum nartheciis, atque auspicatissimis manibus, ab huiusmodi Diuis Aesculapiis, ad quos tandem Machaonas infelicissimæ virgines amandarentur. Hic Hippocraticæ Decuriæ Patres gaudere, ac sibi gratulari non mediocriter, cum suus Senatus de integro consuleretur, in re admodum perplexa: ad consultandum itaque denuo considerare; qua in deliberatione sententiis variatum est, alij enim Adscriptitiorum Patrum censere, curationibus abstinendum, idque malè cum tolerantia permittendum Diuinæ Prouidentia: alij sanationis accersendæ gratia, si quorum mortalium adeundæ manus essent, videri conuenientius ad veneficos & magos, quàm ad Iesuitas confugere. Vnus tamen & alter de hoc Prophetarum choro, & quidè inter consilij principes, non est veritus dicere, vitio non esse verendum, si demum ad nos decurreretur: quam sententiam ipsa necessitas persuasit, cum iam pridem vis omnis, ars, consiliumque sagacissimam Prædicantium gentem, cum Lutherani nominis infamia, defecisset. Euocati ergo nostri ad eas virgines,

gines, rem difficultatibus haud leuibus implicitam cunctantiùs aggrediendam rati, suam operam vt non negarent, eam tamen differebant, ne res Catholica Hæreticorum ludibrio exponeretur, si in Lutheranis puellis, & apud Lutheranum populum, euentu minùs felici cum Dæmone pugnaretur. Aduentum itaque suum proferentibus nostris, puellas ad eos adducendas sibi sumserunt cognari; sed iter detrectante Tartareo prædone, virium inopia Hæretici adaçti sunt, ad Catholicorum, Ecclesiæque opem flagitandam, vt Sacerdotibus Stolis constrictæ virgines ad nos traherentur, nullis viribus alioqui perducendæ; quibus tamen iniectis vinculis, impotenter furèntis Dæmonis sæuitia omnis refedit. Hoc argumento vel ab inuitis Lutheranis iam exprimebatur confessio, Iurisdictionis Ecclesiasticæ apud solos Catholicos vigētis, eaque prælagitio credebatur fausti certaminis, nostræque victoriæ; sed quanto cū pudore, doloreque Prædicantium! Vbi se nostro Sacerdoti stiterunt virgines, is graui oratione ostendit, quantum præsidij, ad debellandum clandestinum ipsarum hostem, in Catholico esset dogmate, in Lutheranismo quantum obstaculi; proinde si per Catholica remedia sibi melius esse cuperent, ad nostrum ritum cupidè adiicerēt animos, fore alioqui spem salutis exiguam: quibus verbis minor puellarum ad Catholicos voluntatem libenter appulit. Quaternum denum dierum sedula Catechesi ad induendum Catholicum nomen præparata est, interimque Tyranni eam insidentis compressa ferocia

rocia Beati Patris adhibendis reliquiis : quem sic edomitum decimus quintus dies secundum rem Diuinam, atque exorcismos, debilitatum penitus fractumque, de aliena possessione felicissimè depulit, ingenti Romanarum partium existimatione. Hanc veluti Marpessiam cautem, ad quam Lutheranae sanctitatis Heroes suae temeritatis alliserant rostra, obtriuuerantque, tam nullo negotio à nobis fuisse deiectam, & in illorum quidem oculis, quos testes suae infirmitatis Prædicantes habuerant : perinde quasi fuit atque ipsum Lutherismum imis radicibus, in ea regione, conuellisse, ac eadem opera, Lutherano in solo, asseruisse Catholici ritus dignitatem, sanctitatemque. Quò autem minùs ambigere possent aduersarij, Ecclesie Romanae propriam esse prærogatiuam potestatis in Cacodæmones, percommode accidit; vt per eosdem dies, ab eodemque Sacerdote nostro, puella, decimum & septimum abhinc annum Energumena, sanaretur, quam rumor proximè collatae sanitatis procul ad simile subsidium exciuerat, simul & puerum beneficiis teterrimè affectum, cui allatū remedium salutare fuit. Tam felix leuandis corporibus euentus ansam præbuit quàm plurimis, salutis animorum expetendæ, atque consequendæ, quem in numerum allegi voluerunt Hæretici plùs sexaginta. Principis Corbeionis propinquus adolescens, in Hæretica familia, ipsi nomine Catholici ritus infestissima, integritatem morum ac Fidei sanctissimè fortissimèque tutatus est, sed in morbo præsertim; qui ei fuit vltimus, cum

piè

præ oranti, petulanter familiares illuderent, ipse contrà hoc ardentius frequentiusque precaretur, Catholico more, Fideique suæ professionem, ex formula, vernacula lingua, vti omnes caperent, identidem pronunciaret. Eius demortui corpus per densissimos Hæreticorum cuneos Sodales nostri extulerunt, illustri ac numerosissima pompa, retrum freudentibus Lutheranis, tamque audaci Catholicorum facinore suæ sectæ grauem imminere plagam præfagientibus.

EMBRICENSE COLLEGIVM.

PATRI Nicolao Stein hiæ annus vitæ postremus fuit, at ille quidem, sicut ab consuetudine ipsius religiosissimæ vitæ, præclararum actionum laudibus insignis; ita diuturni molestique morbi conditione singularium virtutum edendis facinoribus perillustris. Aetatis mediâ ex æquo partem Societati fidelissimè ac vtilissimè commodarat, natus, cum obiit, annos quadraginta, decimum autem agens ex quo in Professorum cohortem allectus erat. Viginti annorum adolescens Anabaptista, contra sui gregis morem, cum de nostro audisset, quod omnium grauissimum est periculorum, imminere sibi periculum, nondum Baptismi aquis expiato, consilium salutaria suadentis cupidè arripuit, & Catholicis perlibenter aggregatus est. Embricensi cuiuspiam Calviniani Popæ annos nouem iam imposuerant, cui apud
O illius

illius sectæ procures de sui dogmatis capitibus cōsultanti aliquando accidit sciscitari, numquid ipsi apud Deum, agentem olim seuerum omnium mortalium iudicem, pro se, in ea secta morituro, sponsores intercederent. Homines alioqui præfidentes, suæque nihil non tribuentes causæ, tenuit ea percontatio, perplexæque mentis conscientia spondendi fiduciam ademit, vt præcisè negarent, eo se genere sponsonis certaturos. Vanitatem dogmatis, paullo antè anxio, facillè persuasit ea suorum magistrorum diffidentia; quamobrem ille ne momentum quidem in eo luto sibi hærendū ratus, ad nos confestim adiit, & cum Christo sponsaque ipsius Ecclesia reconciliatus est. Optimi stipendij lenocinio illectus noster quondam discipulus, benè Catholicus, eò fuerat delapsus, vt apud Hæreticos ecclesiasten ageret, animo tamen Catholico; cui hoc anno cum formula quædam Catechismi auditoribus explicanda obtruderetur, quòd ea forsitan disertius exprimerentur atrocia hæreseon capita, huiusmodi sacrilegio abstinendum sibi ratus, discessionis ab illis partibus inde ansam arripuit, neque se vllis vel precibus, vel donis distineri passus est, quin ad nos aduolaret. Eum cupidè aduentem cupidius etiam excepimus, piisque commentationibus per dies aliquot ex cultum domi, magna ipsius voluntate, Deo Ecclesiæque restituiimus, cuius in societatem alij quinque ac triginta ex Hæretica gente concesserunt. Ex itinere ad nos diuertit Mauricius, Comes Nassauuius, cum esset in comitatu filix Britannici Regis

ci Regis, Palatino desponsæ, cui ad nos adeundi non aliam, quam benevolentia fuisse causam, facile ipsius ex vultu, sermonibusque perspectum est, quod quam familiarissime, ac humanissime versatus est nobiscum, atque in digressu suam operam prolixè detulit, seque amicum futurum vitro est profectus. Ea benevolentia significatio ut sermonibus vulgi hoc toto tractu dissipata est, Hæreticorū ferociā erga nos, & petulantia repræsentat summopere, ut eo velut improvito telo percussi, abstinuerint obtrudēdis Comitū supplicibus libellis, quibus summa quæque indulgeri sibi, Catholicis sua iura valde minui, postulabant.

SECUNDVS annus duodefexaginta Catholicos Ecclesiæ peperit, ex contumacissima licet schola Sectariorum, & in iis quidem Iurisperitum haud ignobilem, celebris gymnasij apud suos Rectorem, cuius scripta, propediem vulganda, non parum auctoritatis habitura creduntur ad persuadendam Hæreticis veritatem. Eximie pietatis tredecim annorum puellam, inter ipsa religionis officia sedulo apud nos obeunda, morbus contumax ita lectica affixit, ut paucis hebdomadis, præter fœdè inflexam dorsi spinam, crurum etiam visu misellam multaret, non tamen de pietate illius quidquam detergeret, sed vehementer accenderet potius, ut fuscillis, ægrè licet, inuecta nihil quoad nisi posset, veterum officiorum erga Numen omitteret. Ei sua mater cum pridie natalena Beati Laurentij auctor fieret, ut tam acerba passio, Martyri sanctissimo, affinitate quadam poenarum

velut confors, fidenter supplicaret, noxis diligēter expiata, neque vereretur erga se tam gratiosi apud Deum patroni sperare voluntatem propitiā, & opē salutarē: & pridie Natalis, & ipso Natali die, nostrā in ædem Sacramentorum causa venit. Sed, vt erat egregiē pia, eum supplicandi modum adhibuit, qui non potuit Cælitibus non gratissimus accidere, ac Numinis non sibi conciliare benignitatem. Nam cū laboriosissimē ad sacram mensam nixa fulcris adrepsisset, cælestique recreata epulo, haud minùs incommodē in suum se recepisset locum, diutiùs intentiùsque orauit, ægrè licet nitens genibus, & sensibus propemodum alienatis; qua ex aberratione vbi ad se rediit, valetudinis & fuscillarum oblita, vti se erigeret, connixa est, quem inter conatum crepitus & fragor ossium in ea est auditus ab circumstantibus, ipsa verò valida insistens pedibus domum abiit, deinceps incolumis. Vesaliā, nobilissimum oppidum, Cliuiensis dirionis caput, expugnante Marchione Spinola, Barauicus exercitus, vt damna damnis compensaret, toto Montensi tractu, finitimisque locis, acerbam, & fœdam intulit vastitatem, ciuesque Embricenses ad deditionem adegit; qua ex deditione facile intelligi potest, quantum incōmodi nostris exercitationibus, quantum periculi omnibus nobis, accesserit. Hæreticis nimirum castris ad vrbe[m] confidentibus, frequentes militum cohortes oppidum ineuntes, visendi studio ad nos adibant, quos inter vt multi quidem nos perhonorificè haberent, plerique tamen ex Hæreticorum ingenio,

ac ca-

ac castrensi petulantia, negotium, periculumque non mediocriter facessabant. In ea certe militari proteruita, vna nos, secundum Deum, Mauricij Comitum reuerentia tutabatur, quod rumoribus acceperat miles, ipsius erga Socios apertam esse beneuolentiam, nosque illius nomen, auctoritatemque aduersum petulantes fidenter appellabamus. Huiusmodi tutoris nostri frequens appellatio pudorem metumque infensissimis quibusque iniecit, ut ultra minas & conuicia eorum indignatio progredi non auderet.

*AQVISGRANENSE COL-
legium.*

GEMVERVNT & hoc anno Aquenses Catholici sub ciuium suorum Hæretica tyrannide, ut vna modò spe cælestis præsidij afflictos animos solarentur; cui præsidio facilius promerendo, sedulam dedimus operam Catholicorum animis multa caritate inter se deuinciendis, ut superiore anno cœperamus. In eam rem iis indictæ sunt Ianuariæ kalendæ apud nos, Sacramentis vno in cœtu publicè obeundis, quod ubi concordissimis animis, & inusitata religione fecerant, prandium ipsi, summa voluntate, domi nostræ nobis lubentissimis condixerunt, interque lætissimè agitarum frugale conuiuium, de ciuili concordia fouenda sanctissimè pacta conuenta renouarunt. Nihil æquè connitentibus Hæreticis, quã

vti suis partibus perpetuum vrbis dominatam affererent, eoq̃ue nomine, quàm plurimos Catholici ritus ciues ad se adducerent: nostris Patribus desudandum fuit magnoperè, vt ne quam ouium de Christi grege paterentur elabi. Acre telum Hæreticis subministrabat, ad plerasq̃ue familias expugnandas, extrema rerum omnium inopia: quibus familiis, vt ne ab sua egestate crearetur infame Fidei naufragium, Patres nostri, de sua tenuitate, quam non mediocriter auxerat captiuitas vrbis, suppeditare non destiterunt, quo subsidio, ac beneficentia opulentiorum ciuium adiuti sunt ita inopes, vt nemo vnus ad aduersarios muneribus pellicientes adspiraret. De illorū verò castris, quòd eos sui dominatus felicitas longè arrogantiores fecerat, vt sibi hanc perpetuam faustitatem ominarentur, suoq̃ue Euangelio incrementum mirabile, vix vnus & alter passi sunt transitionem sibi ad nos persuaderi.

S E D alter annus, recentis Imperatoris auspiciis, ductuq̃ue, opera verò Marchionis Spinolæ, huc ab Augusto cum imperio & mandatis destinati, omnes Catholicorum molestias feliciter absterfit, cùm publica res Aquensis ad veterem reuocata statū, de Romani dogmatis corpore ad sua gubernacula rectores de integro adhibuit. Marchioni Spinolæ, legatus Coloniësis Electoris gerendę rei comes aduenerat, cuius vtriusque in nos eximia benenolentiæ argumēta cōstituerunt, atque hoc luculentiora, quòd, ad inultā propensissimi animi significationem, insignis quoque accessit liberali-

ralitas, quingentis Philippeis ab Archiduce Belgico in scholarum fabricam attributis. Restitutis porro in integrum Catholicis, sapientissimus Senatus animum solleter ac fortiter appulit ad ciuitatis partes integras cōseruandas, errorumque cōtagione prohibendas, maximè quod Anabaptistarum propè infiniti greges, per turbulenta Hæretici principatus tēpora, in urbem irreplerant, vt sexcentæ iam familiæ huiusmodi pestis numerarentur; quas, vbi nulla dabatur spes melioris frugis, omnes edicto adegit è ciuitate procul facessere. Adolescens, mulierque sæuiore Cacodæmonis dominatu apud nos, sollemni exorcismorum adhibita formula, vindicati: & conclamatae valetudinis grauida femina Beati Patris Nostri admotis reliquiis ad optatissimum adducta puerperium.

BAMBERGENSE COLLEGIUM.

L V T H E R A N I S, ac cæteræ faci Hæreticorū, mirum quantum doluit hætenus, nihil se vnamquam salutaris opis nactos esse; aut posse hodie nancisci, suis in morbis, quantumvis leuibus, apud sui dogmatis venerandos Antistites: quam sanitatis conferendæ impotētiā, vt suis Prædicantibus cum stōmacho, non exprobrent, interdum nequeunt abstinere. Hac igitur suorum Sacrificulorū destitutione haud leuiter perturbati, ad imitanda Catholici moris vota, peregrinationes, ac huiusmodi alia, urgente valetudinis incommodo,

velint, nolint sapius delabuntur : quibus, licet immeritis, Numinis benignitas haud infrequenter indulget sanitatem, vt ea beneficentia inescatas impiorum hominum mentes ad veritatis amorem alliciat. Bambergensem ciuem fontica vexatio habebat pessime, ac eo peius, quod ex sui ritus Sacris leuandæ valetudinis spes nulla planè affulgebat, quamobrem ad alienæ, atque alioquin inuitæ, gentis religiones animum sibi appellendum statuit, nuncupato ex Romani ritus formula voto, depellendæ læuientis pestis gratia. Vbi verò Deus profani hominis preces neutiquam erat auersatus, sed, in supplicantis obsecrationes propitius, Comitialis tabis venena ex eius corpore penitus absterferat, tanto beneficio ab Numine occupatus Hæreticus, credidit integram animi salutem inde sibi hauriendam, vnde tam facili negotio membrorum abstulerat salubritatem. Igitur, reclamante quantumvis matre, se suæque omnia, magna voluntate, incensoque Catholici dogmatis studio, ad Ecclesiæ partes, Lutheranis tantò sanctiores, honorificentioresque se transtulit : quam in eiusdem transitionis nauem alios vnde septuaginta imposuit consciëntia rei malè gestæ nouitios inter Euangelicos. Iniectam ab nostris religionem fouendarum cærimoniarum Ecclesiæ tam auidè arripiunt plerique Catholicorum, vt earum obseruationem in nullo capite sibi patiantur auelli; quod de genere singulare illud fuit in femina, cui ex nostra disciplina ingens studiū Catholici ritus infederat. Quosdam sui corporis, tamen rectæ Fidei

dei studiosos, deprehenderat ferri paullo licentius in veritos cibos, quæ gulæ infamis labes ne suū quoque virum contagione affiniū inquinaret, ei finitimos mercatus, negotiandi causa, continenter obeunti, perpetuum viæ comitem se adiunxit, vsu religiosarum escarum inhibuit, sicubi opus esset, Romani moris opsonium instruxit, nec ab huiusmodi officio vllis sui comitatus disteriis, contumeliisve potuit auocari, quin maritum ab nefaria hac esculentorum ingluuie immunem præstaret.

P O S T E R I O R annus infaustior nobis excurrit funere Parris Ioannis Hommart, huius Familiæ, ab ipsa primū instituta, in hunc vsque diem, Rectoris, ea insignium laudum celebritate clari, vt, si & domesticos, & extraneos consulas, vix potuerit desiderari eo quidquam absolutius, & apud Principem nostrum, totamque adeo ciuitatem acceptius. Ad cæteras præclari moderatoris eximias dotes accedebat comes tanta, & flectendis quibuscumque ingeniis dexteritas, nihil vt eius imperio, tamen nec de disciplina quid remitteretis, esset oprabilius. Concionibus frequentissimis apud ciues habendis erat consecutus, vt eos, quacumque incubuisset dicentis oratio, facillimè inflecteret, fuit autem eius sermo huiusmodi, qui non oblectaret modò auditorem, sed aculeos in animis altè defigeret. Confessionibus excipiendis tametsi negotiosissima cæterorum munerum functio cum meritò absoluebat, iis tamē & frequēter, & diutissimè distineri se patiebatur, incenso iuquandorum ciuinū studio; quibus officiis, & eius

generis compluribus, totius ciuitatis voluntate,
ita sibi demeruerat, vt in oculis omnium ferretur.
Eius funus omnes non modò ciuitatis ordines, sed
& Princeps, incredibili mœrore ac lacrymis cele-
brauunt, cùm palam prædicarent, magno suo in-
commodo periisse germanum Bambergensium
Apostolum; cuius exitus in quadragesimum æta-
tis annum, & aditæ Societatis decimum sextum
incidit; vt pænè viridi iuuenta occidisse videatur.
Ipse Anristes, & idem Princeps noster, saluberrimū
piæ commentationis secessum suo, vt asserit, sum-
mo bono experrus sæpenumero, non desinit prin-
cipibus de Clero, & populo illius vsū cōmendare
magnopere, & suadere, quē plurimis quoque sua
auctoritate facile persuadet; vtque omnium ciuiū
mentes tanti boni notitia imbuerentur, iussit de
superiore loco à Concionatoribus eius rationem
disertitis explicari. Virgo Norimbergensis hone-
stis & copiosis nata parentibus, Lutherano in ri-
tu, Angelicæ Salutationis formulam ex Catholicò
didicerat, eamque Dei Matri studiosè recitabat,
quo genere officij afflicta est, ignara licèt, vt Dei-
param sibi conciliaret; cuius per quietem admo-
nitu iussa est Bambergam proficisci, erudienda
Catholicis institutionibus ab eo de nostris Patri-
bus, qui designabatur. Cuius nocturni visi, vt ma-
ior constaret fides, ille idem Sacerdos à Beata Vir-
gine iussus est aduenientem puellam excipere, iis
indicatis argumentis, vnde posset agnosci, adie-
ctis etiam ad cæteras notas singularibus euentis,
quæ virgini Lutheranae omni vita obtigerant, vel
iis quo-

his quoque, quorum vnum Deum confectum haberet. Huic deinde in Ecclesiæ sinum admissa, cum singulari sua voluptatē res sacras obiret, & Deiparam veneraretur, sollemne fuit, Dei Matris crebram mentionem inducere, atque asseuerare, nulli Hæretico posse accidere, vt cum hæresi à vita decederet, cui Cælorum Regina fuisset in honore. Coniugata mulier quinquennium totum incuboni Dæmoni se subtrauerat, cuius nequitia, atque intemperiarum trucidis mœchi denique pertesa, flagitij rationem marito aperit, vsura eius consilio atque ope; quo item percontante Prædicantis super ea re sententiam, sacrilegi hominis scelerata perfidia, crimen adulteræ mox ad magistratum defertur, cuius decreto ad Bambergenses Quæsitores vineta perducitur. Nulla mora fuit, quin sua confessione damnatam, iudices secuti, ac deinde rogo addicerent, cui Hæreticæ id boni contigit in extrema vita, vt nostrorum ope Catholicis instructa præfidiis morte plecteretur. Mulieri de vita periclitanti, & minimè omnium sollicita de animi salute, repudianti etiam obstinatissimè familiarium salubria in eo genere consilia, noster Sacerdos, ægerrimè licèt, post multas preces, atque intentatas de cælo graues minas, persuasit tandem, vt sibi medicum animi adhiberet. Tum illa, quoniam hæc causa non admittit arbitros, quotquot adestis, hinc facessite properè; cui vt mos gestus erat, vt primùm loqui exorsa est in auribus Sacerdotis, eius coniux, assistens ad cubiculi fores eum Sacerdotis socio, fiderato similis

milis derepente corruit, Iesum, & Mariam cum horrendo eiulatu inclamans. Ad vociferantis intensum, lugubremque clamorem, tota vicinia cohorrui, accurritque in ipsius ædes, ex quo tandem recreato audiit, vbi primùm cœpisset labra diducere sua vxor, exstitisse ipsius ex ore immanem draconem, igne micantem, fluentemque cruore, qui suos oculos, fulminis instar, præteruolasset, & circumfusum aërem incendisset longè lateque, vt eius aspectu, afflatuque crediderit vitam sibi ereptum iri. Alteri feminæ, ad mortem decumbenti, longè peius consultum ibant Tartarei veteratoris insidiæ, nisi nostri Sacerdotis solertia, & constans assiduitas, opportunè occurreret. Ea nempe vt Confessionis, ita precum abiecerat consilium, vt benè suadentibus conuicia procacissimè ingereret, nostrumque Sacerdotem obsecris dictis ab se amoliretur. Cui vrgenti vt spem omnem sui conatus vno verbo præcideret, sibi certum esse illo statu emori denunciabat, neutiquam verita digito indicare adsistentem ad latus Caco-dæmonem, quem, blandiore voce, suum appelleret, triduoque se cum eo migraturâ assereret; interimque illa horrendum in modum exclamare, vetare vti nemo sibi Pœnitentiæ, nemo precatio- nis faceret mentionem: edicere domesticis, Iesui- tam ex ædibus exigerent. Hic noster prouolutus in genua Deo ardentissimè pro emotæ mentis femina supplicare, orandoque vsque eò prouehi, dū se aliquid profecisse crederet; sed obdurabat impo- tēs sui mulier hoc animū magis, obsurdescebātque
vche

vehementius, ut cum omnia iam deficerent nostrum, ipse demum ad Beati Patris Ignatii reliquias, ut ad ultimum amuletum, duritiæ accitendæ deuolueretur. Eius scilicet meritis atque gloria hanc palmam Deus referuarat: enimuero cum primum sacra imposita Lipsana caput furentis attigerunt, lætum ipsa vultum induit, hilarique voce exclamauit, en Cacodæmonë, metu perculsum se propere hinc subducentem: euge, nunc, nunc tēpus est orare; vos modò mihi precationum verba præite: sed uti proficiant preces, flagitia, quæcumque memini ab vltima pueritia, huic ipsi Sacerdoti, contrà atque pernegaram, in præsentia reterege certum est. Confestim ergo, adhibito nostro Patre, magna intimi doloris significatione noxarum omnium recensionem instituit, qua defuncta cum fide, sacroquæ instructa viatico, spei plena placidissimè decessit.

VVORMATIENSE COLLEGIVM.

OBSTINAVERANT animum Hæretici, ut quacumque arte ac vi possent, Vvormatiæ aditū nos prohiberent, aut certè ut, ne institueretur admissis perpetuum domicilium; sed utroque suo conatu deiecti Antistitis, eiusdēque Principis, summa in nos beneuolentia, & in res Catholicorum studio; ut hoc anno licuerit nobis publicè oblato inter rem diuinam cereo legitimi Collegij cum conditorem agnoscere. Hæretica quidem plebe

plebe adhuc infestiore in nos vtimur ; sed Senatorij Ordinis viros, & primarios ciues eiusdem dogmatis ; multo æquiores experimur, vt nostro triclino accipi se interdum, neque inuiti, permittāt. Frequētes ad nostrum Concionatorem Hæretici confluunt, atque in his, Caluiniani, omnium à nobis alienissimi : sed frequentiores multò Catechesibus solent interesse, ac maiore inde suo compendio, quàm ex ipsis concionibus. Huiusmodi commercio sensim demitigantur eorum mentes, & aboletur verus odium, vt multò æquiores arbitros rerum nostrarum se præbeant ; interimque apud eos eruditionis ac probitatis existimatione haud mediocriter proficit Societas, cuius virtuti suum testimonium quandoque non subtrahunt. De Cacodæmonibus exigendis ex Energumēnorum corpore, apud omnes huius tractus Hæreticos in confesso est penitus, vnīs Iesuitis concessam esse hanc prærogatiuam ; nam Prædicantibus quidem formidationem minimè leuem incurrit hoc dimicationis genus, siue Lutheri etiānum terret eos infortunium in ea palæstra, siue ab hoc puluere arcet miseros sua infamia, qui meminerint, se illi Tartareo mimo ludos in hunc diem fuisse, quoties in hoc certamine cum eo manus conseruerint. Per hos certè dies cū paganum agricolam senem intemperię quædam exercerent, in ditione Comitū Hæretici, acclamatum est ab omnibus indigenis, præcipuam nobis hanc delegari prouinciam ; quamobrem & Satrapæ ipsius, & Ministrorum commeatu aduocamur ad eam curationem

tionem ; deprehensum tamen est à nostris , debilem senem aberrare modò sensibus , non autem infessum esse à Dæmonè ; quam in rem , cum opportunis præsidiiis eum nostri communissent , suam operam Hæreticis magnopere probant , etiam in cæteris , tum eo nomine , quòd perlibenter , & quidè gratis , suū laborem cōferebāt agro Hæretici magistratus seuero decreto vetiti sunt , non minùs Euangelici præcones , quàm vniuersus populus , cum Iesuitis venire in colloquium , tum vt transitiones ad Catholicum institutum prohiberent , tum vt ne Ministrorum inscitia , dogmatique infirmitas , à nostris deprehensa , deinde palam prodederetur : nihilo tamen minùs vicens septena capitula eiusmodi edictorum septa sic transilierunt , vt lubentibus animis in Ecclesiæ quoque nassam subierint . Theatralem nostri gymnasiū laudem æmulari studebant Hæreticæ iuuentutis magistri de triuio , ex Sacra Scripturæ historia sumto argumento , quod quia , licèt luculenter pro suo capitu , tenèra tamen frigide ac ineptè tractauerant , vetuit eos Senatus Hæreticus in scenam actores producere , ne priuato suo dedecore , ac probro , existimationem causæ totius inquinarent . Suis quidem castris summa vigilantia incubant & Prædicantium decutia , & magistratus , quò minùs tamen satis amplas inde manubias anno altero auferremus , non potuerunt euincere ; nam , præter integram familiam , sexagenos hinc inde illis extorsimus .

HAGENOVIANSE COLLEGIVM.

HAUD procul occasu suo aberat hæc Sedes, cum ei nomen, prærogatiuam, ac prope idoneum iusti Collegij vestigial Imperator, Austrij Principes duo, Hagenouiensisque ciues, decimo quarto huius sæculi anno, attulerunt, quamquam eius ab Societate admissi auctoritas non adfuit. Roma ante kalendas Ianuarias anni proximè insequentis. Opimam olim nobis futuram messem ex bene amplo in hac vrbe agro Hæreticorum, rectè nos sperare iubet plebis Hagenouiensis incensa cupido nostri Concionatoris audiendi, à quo celebrando eam auellere nequeunt vlla Prædican- tium interdicta: quo de grege quinque ac triginta vel isto vel superiore anno, nihil sibi deinceps cum Lutheranis fore cōmercij sanctè ac palā spon- ponderunt. Leonardum Scheffer, rei familiaris nostræ curatorem strenuum, sexagenarium, horis non ampliùs vñcenis quaternis vexatum Apople- cticus stupor exstinxit, quem multa virtus & industria vt Sociis vtilem & carum, ita extraneis fecerat acceptum, vt eius obitu dolerent, funus- que celebrarent frequentes, & officiosissimè.

*ERFVRTENSIS, ET BONNEN-
sis sedes.*

HARVM Sedium prior nunc quindenos, nunc vicenos quinos, Catholica Adrogationis beneficio iure, Christo adoptauit, ex variis Hæreticorum familiis, quorum duo eruditione celebres, haud vulgari iactura suos olim tribules hac destitutione affecerunt. Alterius certè vehementer tentata est integritas, atque constantia, cum ei, Gymnasiarchæ cum laude annos aliquot agenti, Mansfeldianam in Aulam, stipendiis bene amplis delatus est gradus honoris, ut pro Nouati Verbi Præcone apud illustres Comites gereret. Sed homini, nequaquam ad lucrum auido, salutis potior longè cura, quàm compendij fuit, quantumvis opulenti; cuius verè Christiani animi documentum præbuit sanequàm illustre, modesta simul, & religiosa eius responsio; saluo nempe Dei honore, animique integritate, illius se doctrinæ præconem non posse agere, cuius de veritate non solum ambigeret magnopere, sed apertam quoque falsitatem perspiceret. Duobus aliis tantum insedit suæ conditionis gaudium, in adepta recta Fide, ut, inter aduersariorum minas vexationesque, haud modica voluptate perfunderentur, nec paullò minore afficerent molestia sectarios, quorum opera commissi cum iis Prædicantes, rationum telis confossi, concisque, cum sua multa ignominia excelsferunt è prælio.

B O N N Æ Catechetica pueritia grassantem magnis stragibus luem, instituta, in aliquot hebdomadas, ad sacra loca extra pomœrium supplicatione, ciuium capitibus penitus auertit, vt pluribus mensibus occideret nemo, præter primarij ciuis filiam, cuius scilicet parens supplicantium studium damnauerat, ac nonnullos de suis eo nomine malè multauerat. Virginē ante initam Cœnobiticum institutum procus amauerat, nec deinde infano amori temperabat, sed importunis nunciis Christi sponsam menses aliquot ab Votis emittendis inhibuerat, cui suum aduentum in urbem, & nuptias denunciabat. Sacerdoti nostro perplexa Virgo cum suam anxietatem aperuisset, iussit ille Dei ancillam se totam ipsi permittere, proci nec nuptias nec litteras tantillum morari, Deum vindicem libertatis & castimonix ipsi affuturum; & affuit reipsa, illis ipsis enim diebus, in singulari certamine amasius ille membris ita mutilatus est, vt præ pudore amatoris personam exueret. Maria-norum Sodalium vnus septuagenarius, cùm humanis Diuinisque subsidiis procuratus propè abesset ab discessu, summa sua voluptate ad adstantes Sodales verba faciens, sibi ac ciuibus suis Bon-nensibus gratulabatur ingentem Bonnæ religionem, præ ea, quæ nuper fuisset, cùm specimen aliquod pietatis edidisse publicè, non modò non haberet commendationem in vulgus, sed offensionem atque inuidiam apud conscios & arbitros, quorum conuicia contumeliasque in te præclarè factis concitares. Iam verò tota vrbe sic feruere

Diui

Diuini cultus studium , vt in eo genere palæstræ Bonna facilè cum religiosissimis vrbibus certaret, cuius Diuini beneficij cogitatione ac gaudio clarū se triumphantis in morem ex hac vita decedere.

*A S C H A F F E N B U R G E N S I S**sedes.*

SA G A R V M , quæ se horrendis flagitiis lubentes Orco consecrarent , amplam mensem prior tulit annus , idemque nonnullarum maleficia sic prodidit , vt , grauissimorum criminum compertæ , rogo addicerentur. Sed duarum in primis vt insignia fuerant ad omnem impietatem facinora , ita singularis ad notam exstitit sacrilegiorum pœnitudo. Altera quidem , quò maiorem iniret ab Auerni Principe gratiam , exceptam ore sacrilego Diuinam ei detulit hostiam , quam ille, gaudio exsiliens , mox iubet ab impia muliere proculcari , cui parere tergiuersanti multa ingerit verbera , dum ad execrandum facinus inuitam adigat. Sed proh scelus ! ter obtrita pedibus Christi Diuinissima caro , ter tota maduit cruore ; cuius aspectu sic inhorruit infelix , vt ab eo momento deinceps numquam eius conquieuerit animus , vt ipsa erat solita dicere , dum adfuit tempus eius sacrilegij supplicio eluendi. Hoc suæ impietatis singulare argumentum , inter cætera multa , palam pro tribunali venefica sponte profitebatur, & inusitato cum gemitu, eiulatuque, damnabat, qui

acerbitatem doloris ex admissis abunde testaretur, Alterius animo tam tetras offuderat tenebras Tartareus canis, tamque cæcam noxarum obliuionē, ut id vnum posset effari, omnibus suppliciis se dignissimā esse, nullam verò flagitiosissimæ vitæ culpā sibi succurrere, vel maximè cupienti, quā in auribus Quæsitōrū deponeret: optare tamē sibi acerbos adhiberi cruciatus, expiandis inquinatissimæ vitæ flagitiis. Quæ ut in tam aperto salutis discrimine sibi nequaquam deesset, ad preces assiduissimas, ardentissimasque adiecit animum, quibus Dei Parentem sibi propitiaret, eiusque patrocinio eliceret ab Numine anteaactæ ætatis recognoscendæ memoriam. Huiusmodi precationis, studio defixa, cū per alta noctis silentia, & densas carceris tenebras, Virginem Matrem sollicitaret impensius, derepentē copiosissima lux se oranti circumfudit, cuius aspectu recrearetur mirificè, multò tamen iucundiùs interioris claritatis sensu, quæ subeunte in animum eius, velut in apertissimo speculo, per omnem ætatem commissæ ipsius memoriæ obuersarentur. Eo illapso in eam cælesti lumine, vix præ gaudio sui compos, desubitò inclamat custodes carceris, admonet infusam sibi diuinitus lucem, & recordationem vitæ præteritæ, eapropter euocetur sibi & magistratus & Sacerdos, cupere se rationem flagitiosæ ætatis apud eos explicare; quæ exponenda postridie ratione, palam in ipso tribunali, admiratione sui, & commiseratione, audientium defixit animos, cū Deo, Deiparæ Virgini, Iudicibusque destinati sibi gra

bi grauioris supplicij nomine gratias haberet, & ageret. Sed affusæ de cælo alacritatis ad cruciatuū carnificinam non tolerandam modò, sed cupidè optandam, illud manifestum fuit argumentum, quòd est audita vox illius, sanctissime asseuerantis, si procul inde, ac sui quidem iuris & arbitrij abesset, sponte tamen ad supplicia redituram fore, vt, expiandis admissis in Deum sacrilegiis, se illi victimam ardentissimo studio consecraret.

ALTERIVS anni manubiæ de victa hæresi non quidem numero amplissimæ, sed genere ipso fuere satis illustres, per quas etiam futurus gradus speratur ad illustriores; cum præsertim illustrissimus Elector eò suam ardentissimè conferat operam, vt huius rei studio lacrymæ ac gemitus ipsius apud Deum inter incensam orationem exaudiantur. Cuius studiosissima erga Diuinam gloriam cura, & propensissima in nostram Societatem, spè nobis ingentem facit, nostræ operæ hoc vniuerso tractu fructuosissimæ olim futuræ.

SANCTENSIS SEDES.

SANCTIS sexagenos annos totos, eoque amplius, Sacrorum vsus, & Catholicæ consuetudinis ritus ita iacuerant, vt iam instar miraculi videatur, ipsis etiam Catholicis, cùm reuocatur aliquid istiusmodi, quod desuetudine oblitteratum erat. Inde illi ciuilis & agrestis multitudinis concursus, ad inauditum rumorem proditura aut per

vicos vrbis , aut extra pomerium pompæ supplicantium ; inde quoque grandi natu ciuium , nobis ac Sanctensibus gratulantium , nostra opera redintegratum priscae pietatis morem sanctissimum. Marianorum porro Sodalium singularis virtus incensumque studium propagandæ in suos ciues integritatis morum , ac religionis , ingens affert momentum ad nostræ procurationis institutum promouendum , quodd & omnes ciues sunt , nec obscuri plerique nominis , inter se agunt concordissimè , & vniuersæ ciuitatis rationem perspectissimam habent : Calvinianis autem Lutheranisque , numero & robore inferioribus , solent esse formidini. Hæreticorum autem hanc cuiusmodicumque cohortem , detractis ex ea quadragenis quinis capitibus , & nostro numero adiunctis , tantò infirmiores fecimus , quibus initiis freti non dubitamus fore , vt vnus rectè sentientium ex omnibus sectis conuentus breui coalescat , quando vel ipsa Sodalium existimatio , & quorundam ex eocœtu congressiones cum Hæreticorum deprauatissimo , quem omnium turpissimarum hærescon fœditas inquinauerat , ad sanæ Fidei , atque Sodalitij societatem adiunxerunt. Sanctensi cuidam tantū Catholicæ doctrinæ odium occuparat animū , vt superioribus diebus cū viginti quinque paris animi & sectæ hominibus , adiecto iureiurādo , fœdus iniret , numquam se , vel intercedente grauissimo periculo , in Papistarum partes concessurum ; quo tamen ex consilio vt per grauioris morbi molestias descisceret , inque verba Ecclesiæ tantò sanctius

Etiam iuraret, noster Sacerdos rationibus opportunis impetrauit.

De altero insequentis anni fuit longè celebrior triumphus, quòd is ingenio, & natalium claritudine inter Calvinianos Gueldrios facillè princeps, ut longiore acrioreque dimicatione contra veritatem depugnauit, ita nobiliorem peperit certaminis exitum. Errorum auspices ac magistros habuerat, apposito ad combibendam pertinaciam tirocinio, Bezam, Pappium, Paræum, Grynæum, aliosque insignes animorum, ac Diuini Verbi corruptores: quibus præfidiis septus, factoque insuper natura, & arte ad dicacitatem, & acerbos sales ingenio, quibus Romani ritus homines nusquam non configeret, Catholicæ nobilitati se formidolosum præbuerat. Ei, vicens quaternis horis ante decessum, noster Sacerdos Catholicū dogma persuasit, per diuturnas de Fide pugnas, eodemque tempore totius vitæ noxas recolentem audiuit, cuius sacro ritu expiati fuit illa, grauib. expressa verbis, asseueratio apud nostrum Patrem, confugem, liberos, familiamque vniuersam, nunc, exhausta noxarum ex Catholico instituto sarcina, animi sui conscientia longè tranquillius ac suauius esse, quàm vel tota vita fuisset, vel ipse dicendo posset exprimere. Eius demortui, transitionem ad Catholicos, quòd paucis horis ante obitum acciderat, propinquorum Hæretica factio conata est inficiari, vel certè ambiguum in vulgus facere: sed eorum oppressit impudentiam funebris oratio, qua, uti verè Catholicus, in

231 PROVINCIA RHEN.
amplissimo nobilissimorum equitum confesso te-
mel, iterum, ac terribè diuersis diebus laudatus
est: & adiecerunt huic lætitiæ cumulum alij
vndetriginta, quorum facta est ad Ro-
manum gregem accessio.



PROVIN



PROVINCIA GERMANIA SUPERIOR .



DOMICILIIS decem & nouem , hoc est , iustis Collegiis vndecim , vna Probationis domo, ac septem præterea Sedibus diuisi , hanc Prouinciam gesserūt Socij omnino quadringenti, nonaginta & septem, priore anno; posteriore his plures tres ac viginti eandem administrarunt, quorum toto biennio sedecim occubuerunt feliciter , sexaginta in demortuorum stationem successerunt.

INGOLSTADIENSE COL- legium.

IN Mariæ clientela, pietatem studiosè colentium Sodalium corpus triplex religiosarum actionum gloria floruit , vt cùm maximè : nec enim , quod ciuili ex cœtu nuper coaluit , fas putauit Veteranorum laudibus concedere : aded nouitius ardor,

P 5 & suo

& suo ipse impetu, & alieno exemplo incensus est, vt sæpenumerò publicè spectatus insignem virtutis commendationem habuerit. Facile sit, de aliis duobus veteris, & laudatæ disciplinæ, illustria documenta ponere, sed in præsentī vnius dumtaxat commemoratione facinoris res tota intelligitur. Sodalīs adolescens veteratoris propolæ fraudem odoratus, cuius nefario præconio passim exercebatur clāmularia nundinatio tabellarum turpissimo argumento pictarum, paucis horis tam strenuum licitatore m egit, vt exitialem mercem, quasi eius annonam suo emolumento compressurus, vniuersam non exigua pecunia redemerit, eademque opera libidinosis oculis certam flagitij materiam subduxerit. Hac sua emtione, auersam, turbatamque Stygij mangonis negotiationem, lætatus summopere, simulque exsecratus sceleratam pictoris manum, necuius animum illæ tedæ libidinum exurerent, de pudendo artifice & opere, vna eademque flamma supplicium fumsit. Pueruli tres rustici conceptam ex Catechismo religiosorum opsoniorum abstinentiam mordicus tenuerunt, etiam aduersus Hæreticæ matris sæua imperia, terribiles minas, duraque verbera; quorum constantiam visa sibi est aliquando fractura crudelis, impiaque parens, si alteri mucionem cultri furibunda intentaret; alterum, noctis appetentibus tenebris, mensa & tecto prohiberet; sed crudelitatem muliebrem vicit puerilis fortitudo, impietatemque matris filiorum intacta religio. Capita quædam de Fide ore Catechi-

stæ interpretantis rusticus hauserat auidius, quæ in Hæreticum deinde tanta sollertia & vi contorsit, vt eo telo adigeret ad infantiam, necessitatemque ad nos adeundi, quibus magistris hæresin dedoctus, eandem quoque est exsecratus. Vni de Sociis vehementissimè condoluerat caput, cui feliciter obtigit, vt per eosdem ferè dies fortiretur Beatum Patrem Ignatium proximo Quintili tutelarem menstruum, cuius dies extremus, Parenti Nostro sacer vtique, cum illuxisset, quasi ex condicto, defæuire cœpit capitis æstus, quàm aliàs vniquam, atrocius, & exaggerari parè in momenta singula. Multa incurrabant eodem tempore, quæ hominem simul admonerent familiaris, auspiciatiquè præsidij expetendi ex Laribus ipsis, cum ille Beato Parenti supplicare cœpit impensius, & salutarem schedam inter multas eius generis sibi legere, quam ægro cerebro imponeret; sed fallente similitudine manum, oculosque, admotæ capiti ea est, quæ non quærebatur; vnde nihil quoque manabat leuamenti. Errorem deceptæ manus patefecit medicinæ imbecillitas; arcessito igitur certiore oculorum arbitrio, inuenta est schedula doloris legitima expultrix, quam adhibitam fronti morbus neutiquam tulit, sed momento ipso dilapsus est, vt æger tam repentina mali fuga defixus obstupesceret. Egregiè pio militi sua vxor ægra & grauida geminam vno funere iacturâ minabatur, & caræ coniugis, & immaturi fetus, cui trimestre solidum in vtero adhuc debebatur. Periclitanti ergo religiosæ feminæ suggeritur, vt, Beato

Igna

Ignatio deprecatore, ipsa sibi ventrique suo cautum velit, quod consilium arripuit auidè, perque morbum illi patrono frequenter supplicauit, nihilò tamen minùs oppressa vehementiore malo interiit, cùm medicus & chirurgus adstarent, qui ex defunctæ aluo fetū mox eximerent. In tempore autem adfuit Beatus Pater, cùm minimè adfuturus putaretur; nam, ipsius ope salutarì, exspirantis ex ventre fetus emerfit sua sponte, ac ille quidem viuus, euentum supra naturæ leges maximopere demirantibus medicis, vt dubium nemini esset, quin pueri ex mortuo vtero viuientis salus Beato Patri meritò adscriberetur, simulque illud breue tempus, quod superstiti datum est, ad Baptismi beneficium consequendum. E Collegio Ingolstadiano prædictæ lucubrationes non paucae, tempori accommodatae, quibus Hæreseon variarum iugula ictu haud inani peterentur, & Prædicantiū opportunè reprimeretur fastus & audacia.

EYSTADII cū ipso Principe duo de nostris fructuosam posuere operam, dum constituendi Collegij negotium Princeps optimus vrget studiosissime; traducta etiam Catecheseon & Concionum exercitatione ab oppido in vicinos pagos, non exiguo rusticanorum emolumento. Cùm autem Paschæ appeterent sollemnia, ex perspecto oppidanorum ingenio Princeps prudenter interpretatus eorum à nostris inurbanam auersionem, qua prohiberentur adire ad ipsos Confessionis gratia, vt hanc moram in perpetuum discuteret, salubri planè inuento, iubet nostrum Sacerdotem summa
in ade

in æde palam omni populo assidere, cuius ad genua mox ipse accidit, Pœnitentiæ piaculo eiusdem opera procurandus. Vix inde assurrexerat, & ei expectatus facti sui euentus luculenter comprobauit, quantum valeât Principum exempla: enimverò, Decanus ipsum imitatus, apud Patrem mox procubuit, cuius studium alij deinde complures subsecuti promiscuè, ad trecentos & quinquaginta peruenere; quæ tam læta initia is postea progressus excepit, vt nostri Sacerdotes nulla sua assiduitate audiendis oppidanis sufficerent.

P A T E R Ferdinandus Krendelius, hydrope ac stranguria excruciatum acerbum in modum, altero anno nobis decessit, vir Græcis Latinisque litteris, & omnis antiquitatis disciplina ex cultus quam accuratissimè, sed qui alieno iudicio peritissimus, suo valdè imperitus sibi videretur; quod autem scire credebatur, quantumcumque illud esset, beneficij loco duceret, si quis ab docendi cupientissimo vellet condiscere. Votorum formulam animo volutabat assiduè, cuius ex verbis diuino se conspectu indignissimum ita cogitabat, vt nihil vel iniuriarum, vel contumeliarum putaret sibi à quoquam posse contingere, quod animo non ferret æquissimo. Cuius rei perpetua meditatio tam singularem ipsius animo sensibusque indiderat moderationem, vt non nemo studiosè contemplatus optimi Patris omnem in dicendo agendoque rationem, pronunciaret, vix se incidisse in tam compontæ modestiæ Iesuitam. Quod Religiosi hominis eximium decus, quantum fuerat integra

tegra eius valetudine, clariùs eadem pessimè affecta potuit deprehendi, cùm resciri non potuit, quibus remediis, quibusve opsoniis recreari se potius agnosceret. Inualescentis deinde hydropis summa vi, cùm occuparentur iam præcordia, & infestis in aquis periculosè natareut, cruciatuum immanis & illa facta est accessio ab undecim dierum ardentissima stranguria, quibus totis diebus lotij nulla stilla flueret: per quam dolorum carnificinam, vir, animi summa disciplina temperati, nec voce nec vultu cruciatus vllam significationem edidit. In quo Religiosæ patientiæ ac tranquillitatis clarissimo triumpho, cùm Sociis breuissimè, at multo cum sensu mutuam commēdasset caritarem, non quæ verbo vsurpatur, sed re ipsa exercetur, animam exhalauit, anno ætatis duodesexagesimo, aditæ Societatis vndequagragesimo. Istius mortem excepit obitus Patris Sebastiani Heissij, Votorum quattuor Professi, quem tres & quadraginta modò annos natum, tertio ac vicesimo, quàm Societas eum sibi adoptarat, intempestiuè sibi ademptum vniuersa meritò dolet Prouincia. Nam singulare ingenium, doctрина eximia, & par vtrique, virtus de homine pollebantur, quo ne plus Societas de suorum quoquam exactura videretur. Eius ætatis homini, magno planè Theologo, vix vllum scripti genus occurrere poterat, quod legendo non accuratè excussisset; quodque non meminisset, legere non contigerat. Luculentis disputationibus editis, suorum temporum hæreses exagitarat, erudito-

rum approbatione singulari : affectos præterea reliquit commentarios , sibi postumos , ex quibus liceat coniecturam facere , quantus olim futurus fuisset , cùm diuturna exercitatio & ex ea iudiciũ absolutius hominem denique perpoliuiſſet. Eius ardorem aduersùs litteras si velles intueri , crederes illum , non interdiu , non noctu , ab libris tantillum auelli : eundem tamen deinde tam assiduum in publicis priuatisque precibus , omniq̃ue officio obeundo deprehenderes , vt ad libros ne addicere quidem oculos meritò posses suspicari. Quo certè tempore apologeticum pro Ecclesia est commentatus , quantum quotidie Sacrorum summa in ara factum est , eis omnibus interfuit , per illud saltem interuallum , quo Diuina veneraturis atollitur hostia , cuius adorandæ finem nullum sibi inodumque statuebat. Per ægrotationem , infirmos licèt pedes , ad cætera officia , iubebat sibi sacrificaturo validos ad id munus sufficere , ac deinde genua debilia ministrare audituro alterius Sacerdotis facientis sacrificium ; quam legem sibi perpetuam indixit , quoad semianimem Socij ex ara auulsum composuerunt in lectulo , vnde postea non assurrexit. Priùs verò quàm eò compelleretur , gemino morbo pertinaciter obluſtatus est ; nam neque noxio humori , cuius vis mollitam spinam dorsi perincommodè inflexerat , neque succedenti paullò post hydropi vsque eò concesserat , vt non assidue aut precaretur , aut scriberet , dum eum summa virium imbecillitas lecto perinuitum affixit , atque è viuis sustulit. Innocentiæ
simul

simul & auitæ Religionis stolam auspicatorū assum-
turi septemdecim homines, Lutheranae lepræ infam-
es exuias abiecere.

EYSTADIANA SEDES.

QUOD in Eluacensi Sede anno superiore si-
gnificauimus, ad infulas vocato illius ciuita-
tis Antistiti, & Principi ad Eystadianū Pontificatū,
familiarē fuisse asserere, vbi Pontificiū tribunal sibi
decerneretur, sedē quoque nostrę Societati omni-
no futurā, id re ipsa exsequēdum sibi sumsit, simul-
atque Eystadij pro Pontifice gerere occępit, &
perfecisset euestigiū, nisi Canoniorum Colle-
gium, in negotij societatem ab ipso adscitum, mi-
nus idoneis conditionibus interpositis obstitisset.
Quamobrem is aliam per seipse rationem ingres-
sus, dum à Canonicis deliberatur, super duos Pa-
tres, quos secum principio habuit, alios idem-
tidem aduocare, nunc hos, nunc illos, per cau-
sam verò alicuius negotij apud se distingere, dum
eis vacua sedes in VVilibaldino gymnasio com-
paratur, vnde dimissis Ludimagistris, ipsorumque
alumnis, continuò decem de nostris eò introdu-
xit, quo ex die Grammaticæ, Humaniorumque
litterarum scholæ omnes ab eis sunt institutæ.
Exinde quæ iustorum Collegiorū sollemnia sunt,
vniuersa per nostros & nauiter procurata, omni-
bus ciuitatis ordinibus Sociorum industriam mi-
rè collaudantibus, eorumque opera lubentissimè
vrenti

uentibus ; inter quæ initia vicenos senos latissimis Catholicæ rei auspiciis, hærescon implicitos laqueis explicauimus.

DILINGANVM COLLEGIVM.

PRINCIPIS, eiusdémque Antistitis Augustani, qui multus Dilingæ versari solet, niti aliunde perspecta esset in Socios beneuolentia singularis, vel eo documento patefieret, quòd nullam non exercitationum Religiosi nostri moris studiosius annulatur; proinde diurni otij partitionem, accuratè consuevit obseruare, vt sua cuiusque temporì functio tribuatur; sed matutinam imprimis quietem sacræ commentationi dedicat, quâ sit nefas ab interuentoribus interpellari. Quem verò nondum acceperat semestris nostræ Confessionis ritum, vbi primùm nuper fando inaudiit, mox ad eam se comparauit imitandam, ipsa quæ nocte, Christo Natali, Collegium iniens, eius anni facta sua omnia cū nostro Sacerdote recoluit. Inter inauguratos ab eo nostra in eade Sacerdotes, ipse quoque Princeps Eluacensis, iam sexagenarius, in Diaconū est consecratus, cuius tum illa vox audita est, testis eximia in nos voluntatis: Repudiaturum se omnino fuisse Pontificiam prouinciam, nisi consilio & ope Societatis in ea administranda in primis niteretur.

IN SEQUENTI anno Princeps & Antistes noster optimus, ad consuetam piarum functionū

Q

accu

accurationem hoc corollariū adiecit, vt annuaria secessio, diuinis per dies octo contemplandis non iam domi, vt olim, quæreretur, sed, assumpto de nostris vno Socio, vbi solitarium in Cœnobium concessisset, denos dies solidos strenuè animum in res cælestes intenderet, sensibus interea egregiè maceratis, multa tenuitate, & asperitate victus, vt mens liberior in Deum assurgeret. Cuius præclarum facinus cum ad alia multa contulit, atque collaturum est, tum ad exemplum in primis, vt de Cœnobitis & Clero primarij viri simili secessione animum salutariter excolerent. Orthonis Truchsessij, Rqm. Eccl. Cardinalis, Augustanique Antistitis, Dilinganæ Academiæ pridem conditoris beneficentissimi, cineres hoc demum anno attulit Roma Bambergensis Præsul, nostraque Academia quàm ornatissimo potuit apparatu recepit, & honorificentissimè condidit, Romæ in eum diem asseruatos ab anno septuagesimo tertio suprà quingentesimum.

ELVVACENSIS, DONAVVEDANA, & FUESSENSIS sedes.

NE C D V M finis est ELVVACI expiâdis immanibus sacrilegiis veneficorum sanguine, vt eorum numerosi exercitus reuiuiscere penè videantur ex aceruatim congesto bustorum cinere; adeò nulla Lerna vñquam hydrarum capitibus feracior fuit, quàm Eluuacensis ager pestifera veneficorum

neficorum segete, vt vel hæc vna prouincia cruciaria, hoc etiam toto biennio, Sacerdotem vtrumque, inibi agentes, bene negotiosos habuerit. Perinirum autem plerisque, rem seriò æstimantibus, nec immeritò videri solet, quanta ex multitudine atque atrocitate scelerum, ad quantam quoque flagitiosissimæ vitæ pœnitudinem Diuina bonitas id hominum genus reuocet frequentissimè, atque in his pueros puellasque, immanium criminum reos. Et deprehensum est plerumque, crudelissima Strygij carnificis tyrannide, dominatum impotentissimè in hanc seruorum facè exercentis, eò adigi quàm plurimos, vt præ illius superbissimo imperio iudiciis indictos tibi cruciatus antepōnant. Puellæ certè, vix sedecim annorum huius biennij principio contigit, vt excutiendo intolerabili Diabolicæ seruitutis iugo, quòd se inferā opprimeret, cùm nefandi cōsortij plerosque, quibus septimum annum iam assueuerat, viuos in rogam raptari videret, & eius nomen adhuc detulisset nemo, ad Quæsitores veneficiorum adierit, ipsa se sponte ream eiusdem maleficij fecerit, supplex postularit, vti lege in se ageretur, magni beneficij loco habituram, si darent operam Iudices, vti vel ferro, vel igne irrogandis sibi suppliciis, ipsam è sæuissima Cacodæmonis tyrannide in libertatem, ad quam adspiraret, assererent. Atque, vt constaret, non vitæ odio, non desperatione, non furore actam, ad tormenta properare, admissorum flagitiorum eum dolorem Christiano ex more præferebat, & animi sui, consilii que

adeò se compotem probabat , vt eam volentem Quæsitores in reos euestigiò referrent, & in custodiam abderent. Ex eo momento , vt quæ Tartarei tortoris exisset dominatu, ad Christum , suauissimum Principem , cogitatione , studiis, sermone, precibus se totam conferre ; pueritiæ suæ dictu, audituque horrenda scelera dies noctesque cum lacrymis execrari ; decussatis ante pectus brachiis Christi Seruatoris acerbissimos cruciatus, sibi peramanter ab eo impensos , assiduo cum gemitu recensere ; vt ne sua sacrilegia illorum saluari fructu immunem se facerent , ardentissimè Christum parentem optimum obsecrare. Iam verò cum exisset legitimæ poenæ dies , & vincula consortibus ducendis illigarentur , eorum vicem, quasi triumphantium, æmulata , cupidè appetiit eius generis torques suo collo inseri , quibus adstricta forti animo , vultuque alacri prodire cœpit ad patibulū, quasi ad nuptiales epulas; ex qua cum aliquis percontaretur , essetne , detestandorum scelerum gratia , constanti , æquoque animo supplicium perpassura : si vno, inquit, corpore multiplices gererem ceruices , vniuersas eo nomine sanequam libenter securi subiicerem. Et certè quā prolixè voluntarias poenas fuerat professa, tam liberaliter etiam carnifici iugulum porrexit; Quæsitores nimirum , & ab puerili ætate, & ab ingenio eius candore , rogam abstinendum censuerunt. Vicenario adolescenti , ab corporis & ingenij dotibus bene parato , & alteri feminae , criminum eorundem societate infamibus , Deus , infinita

nita sua clementia, parem quoque doloris sensum de admissis, & in luendis cruciatibus, æquitatem animi non dissimilem tribuit.

DONAVVERDÆ nondum satis condocessæti civium animi, ut ab eorum plerisque æquis animis audiamur; quamobrem leniter agendo, perdurandoque nobis eos conciliare studemus, interimque suburbana excolimus, ubi procliviores est ad mellem, quod dum agimus, & in aliis multis fructus operæ constitit, & ab Lutheri ganeis ad Christi salutare exedras sex & quinquaginta lubentes trāslati sunt, priore quidā anno, posteriore autem quadraginta. Istorum vni ferro arcessita, per impotentiam animi, præpropera mors sanæ Fidei & salutis nanciscendæ occasionem attulit. Cum in potestate mentis non esset, incidit in gladium temerè, quo furenter usus in seipsum, luculenta plaga ventrem sibi aperuit, momentoque multam profudit copiam sanguinis, in quodum turbulenter volutatur, ex propinquo exciuit, qui casum eius miserati, rogāt num velit accersiri Iesuitam, quo annuente, mox noster adfuit, cuius opera & hærescos, & noxarum virus ex animo eiiceret. Vembdigam aduocati ut extraordinaria pœna plectendis reis & animos, & medicinam faceremus, fecimus eorum tribus peroptimè; sed vni præsertim, latrociniorum gravitate in paucis claro, cuius membra, substratę rotæ implexa, radiis cū altera desuper impacta rota, præferratis canthis sævum in modum per intervalla elideret, eodemque tempore subiecti torrerent ignes; inter atro-

cem ferri flammatarumque carnificinam, gemitum non edidit, vocem non emisit, nisi qua Christum & Mariam religiosè appellaret, & animo suo postularet esse propitios.

¶ FV E S S E N S E M rē tres Socij gerunt quàm fructuosè, populo liquidem vtuntur bene docili, & comparato ad excipiendos Christianæ legis satus, quod aliquando Concionator felici euentu expertus est, cum vehementiùs inuectus in temulentiam, ostensa grauitate huiusce flagitij, seueras quoque pœnas ei legibus diuinis infligendas indicauit; ad eiusmodi nempe minas sensit illacrymantem concionem, & ex ea plerosque auditores exscendenti sibi ex suggesto vidit aduolutos, vt eo apud Deum interprete veteres noxas eluerent. Cæteris porro ciuibus Concionatoris sententiam studiosè amplexis helluo quidam nobilis discessit in alia omnia, ne quid de largiore cupæ demenso in diem sibi deperiret; sed eius insanæ cupiditati atque contumaciæ frenum repentini morbi Deus opportunè iniecit, neque strenuus potator non facile agnouit, eam pœnam sibi refractario diuinitus, & quidem merito suo, inflictam; quamobrem, Diuinæ vindictæ grauioris auertendæ, voto se adstringit seriæ Confessionis, cuius voti nuncupati exitus, exordium mox fuit consequentis sanitatis. Neque minùs feliciter concionum flabello dissipatæ, penitusque discussæ sunt, impiæ superstitiones quæ utilitatis specie in vulgus magno Christianæ disciplinæ, animorūque damno, inueterauerat; quòd, depellēdis morbis veneficio contractis,

venefi

veneficia impunè, passim, & quidem religiosorum amuletorū nomine, adhibebātur ab iis, qui suo facto prætexerēt, non obesse posse animo, quod corpori certā, præsentemque conciliet salubritatem.

MONACHIENSE COLLEGIVM.

DIUTRNA valetudo. vnus è domesticis illi abunde procurando commodum fecerat otium; sed alterius præcipitatus morbus, atque violentus, nec medicinæ, nec consultationi locum reliquit. Pater scilicet Christophorus Ostenberger, Spiritualis Adiutor, dum moribundi extremum spiritum, incenso iuandi eius studio, excipit, venenum letale hausit, vt, post paullò magnitudine doloris, à mente, atque à se ipse discederet, quam inter aberrationem animi, concepta intimis visceribus mors, hominem Societatis muneribus idoneum, ac bene vtilem, breui exstinxit, duobus annis quadragenario maiorem, vno autem & viginti in Societate versantē. Noëmo Leonini, septuagenario, in familiaribus operis annos duodequingenta, longè productior lucta, eoque laboriosior fuit cū importunissimo hydrope; cuius hominis, ætatē florentis, vt erat singularis commédatio ab membrorum firmitate ac robore, sic eximia laus, toto vitæ decursu, ab ingentis animi multa magnitudine, quam ad Religiosi moris capessendas virtutes ardētī studio cōtulit. Magnanimitatis eiusmodi, ab exordio ipso ambiendæ Societatis, edidit illustre documentum, cū facta

eius adipiscendæ nonnulla spe, si litteras condisceret, quarum planè rudis erat, ætate virili homo, summa se alacritate, ad elementa legendi, pueriles inter greges, publicè demisit. Sed hanc mentis celsitatem haud lætior & promptior hoc aditu Religiosorum carcerum prætulit, quàm toto stadio constantior exhibuit. Adeò Præsides hoc eius animi robore, cui socia esset multa prudentia, nitebantur, ut eo laboris administro nihil non effecturos se considerent, atque hoc quidem magis, quòd accedebant ad geminas eas laudes, in omni negotio gerendo, sed erga suos Antistites in primis candor mirus, fidesque singularis. Vultus hominis totus, atque habitus eam spirabat comitatem, quæ ut index erat egregiæ in omnes voluntatis, ita omnium, quibuscum congrederetur, benevolentiam, non sibi conciliaret modò, sed blandissima violentia raperet. Mutuam inter socios caritatem, ex maiorum nostrorum, quibus olim affluerat laudatissimo instituto, & perpetua formula, solebat exigere, quam non levis quidem atque compositis verbis describeret; sed rebus ipsis expressam tam luculenter adhiberet, ut, eo per exempla quàm illustria doctore, facilis claraque evaderet tanti boni disciplina, plus iusto plerumque neglecta. Ex nobilissimæ virtutis liberalissima indole suavissimum illud eius studium existebat in agros Socios, quorù procuratione accurabat tam sedulò, tàmque hilariter, quasi hoc adhibendo ministerio lautissimè epularetur. Sed intracti pectoris illà firmitudinè, uti cæteris quibusque

que casibus egregiè ostenderat, ita in diuturnis, ac perquam molestis longioris morbi tentationibus adèd serena fronte, pacatoque animo præ se iugiter tulit, ut nisi aliunde nosse, ægrotum minimè agnosceres. Aqua certè inter cutem cum tātopere iam exundaret, ut præcordia ei mergerentur, prohibereturque omni accubatione, quo nuncio intelligeret, mortem stare in insidiis ad ianuā, eam præsentī, ac imperterritō non tantū animo, sed placido etiam vultu, in sella exspectauit, & excepit. Magnis itineribus ad exitum vitæ, animique exitum properabat ciuis Monachienſis, tamen salubria monentibus aures occluserat adèd, ut Sacerdoti nostro conuicia ingereret hoc nomine, ac domo sua exigeret. Non tamen fuit abigētis ab se medicum obstinatioꝝ pertinacia, quā fortior medicinam ægro animo facturi constantias octauū enim, & cum stomacho reiectus noster, haud est veritus, ut perniciosè insanienti prodesſet, nonū etiam ac decimū inferre se infensas in ædes, vnde tandem non excessit, quin obduratum animū pertunderet, eiusque fœdā vomitū exſecaret.

N O S T R A M militiam fortiter fideliterque professus, vnumque & quinquaginta emeritus stipendia, Pater Melchior Vitrimontanus, gente Boëm̃us, altero & septuagesimo ætatis anno, sufficientibus adhuc, & ad laborem vigentibus in senili corpore animis; sed diuturno molestoque fastidio stomachi omnem cibum respuente, ita confectus, ut in perpetua inedia eum denique vira

deficeret, anno altero huius biennii. Is humilitatem munerum in Societate principio ardens amplexus, quibus sciret à Christo magnificentissima præmia rependi, numquam passus ab iis se auelli, quoad Præsidum venia licuit, ut eis occuparetur. Vicenarias operas continentes dedit in Elementariorum, neglecto aliis quibusdam, puluere, ipsi autem adamato, supra summas Academicorum exedras. Qua ex palæstra, Designatorum iussu, cum in Confessariorum decuriam commigrasset, mediæ ac vltimæ ætatis dies in ea sic trásegit, ut, ab assiduissima illa cura, quidquid residui esset temporis, recognoscendis prælo destinatis libris, fructuosissimè impenderet. Internecinum scilicet odium bellumque ipsi cum otio intercesserat, ut nisi morbus, quasi Societate bellorû cum aduersario inita, fortem athletam omni commeatu intercluderet, validis etiamnum viribus, sed præsentiore tamen animo, is ad cessationem dedicationemque vitæ non adduceretur. De Sociis nonnullos alios vis morbi cum adegisset ad extrema periculorum, tamen visum est Diuinæ Clementiæ ad spem sanitatis, adeoque ad ipsam sanitatem eos reuocare, quorum deinceps vteretur opera. Ad id boni momentum singulare contulit omnis Boicorum Principum familia, quæ inuitata se humanitate in nostros, per ægrotationem procurandos, effudit, ut satis non ducerent, si summissis ad quemque cibus exquisitis, non & ipsi quoque frequenter iacentibus assiderent, & sermonis idonea fomenta suggererent humanissimè.

Senior

Senior certè Princeps vni ægrotantium tam assiduus, tam sollicitus affuit, vt si omnes sui periclitarentur, nihil ultra videatur ad sollicitudinem adiecturus fuisse; nempe qui perquam anxie medicos in singula panè momenta de ægroto consuleret, quos, de sua cohorte adhibitos, non interdum non noctu pateretur ab illius lætica discedere. Atque, vt tanto humanis validiora subsidia è cælo arcesseret, peramplis largitionibus egentium animos ad precum officia studiosè inuitauit eo nomine, publicèque nuncupatis pro ægri salute votis, superos officiosè ad eò sollicitauit, vt decumbentis sanatio perdifficilis ipsius obsecrationibus, vt cælestibus quibusdam euocata tandem machinis, meritò sit credita. Luthero, & aliis Fidei morumque corruptoribus, vnde septuaginta sacrorum, omnisque commercij, ac vsus Societatem renunciarunt: in qua censione professi sunt Dynastæ Boëmi, duo fratres, genere perquam illustri, quibus mater ab infantia Hæreticum venenum ea cura instillarat, vt intimis sensibus virus adhæresceret. Ei maculæ tam tenaciter insitæ; nostris artibus abolendæ, adolescentium pater, Boëmiæ regno cū potestate præfectus, ad nos Monachium filios adduxerat, eadem operæ quoque litteris imbuendos; nostramque sollicitudinem in fœda rubigine puerilis animi detergenda impensius expectauerat. Quæ parentis auctoritas tametsi validum telum subministrabat nobis ad expugnandas adolescentium voluntates, haud tamen sine certamine se passi sunt à praua opinione abduci; maior præsertim

præsertim fratrum, cuius in mente, quod hæresis cal-
lum iam obduxerat, is eam pugnacius tuebatur.
In eam mentis duritiam emolliendam, cum nostri
peculiares preces adolescenti suaderent, ut consi-
lium non est aspernatus, ita non irrita Deo vota
fecit, cuius sacro instinctu ad veritatis studium
continuò se sensit adeò permoueri, ut eam aperto
sinu exciperet.

*EBERSPERGENSIS SEDES,
& Oettingensis.*

GVILLELMVM Riaufz, Græciensem, vice-
nos annos in Sociorum numero versatum,
ut Epilepticum vitium administranda schola nu-
per auocarât, ita quinquagenarium quinarium,
repentino casu infelicitè eliso capite exstinxit,
Spem non vulgarem sui concitarat, dum in scho-
lis erudiendæ adolescentiæ utiles operas daret; sed
ubi, publico exemptum munere, grauis ille corpo-
ris affectus eum priuatæ vitæ addixit apud Eber-
spergam, multiplicium virtutum, earumque il-
lustrium, laudes faciliè indicarunt, innocentem
hominem cælo pridem destinatum. Principio ni-
mirum sui à publico secessus, ita se animo com-
parauit, eamque sibi dixit perpetuam legem, uti
se omnium Sociorum vile mancipium duceret,
atque re ipsa præberet. Vnde illud factum est, ut,
omni reliqua vita, cuiuscumque domestici verba
pro legitimis haberet imperiis, quæ non modò
excipe

exciperet lubens, & alacriter exsequeretur, sed auidè quoque præciperet, ac præriperet. Sollemne ipsi, perpetuumque fuit ab obuiò quoque studiosè percontari, numquid curatum vellent; siquam verò sollicitudinè ex incessu ac vultu illius deprehenderet, non desistere hominem inquirendo fatigare, dum resciret, in quo suam illi operam commodaret. Totos dies lætissimus transigere solitus in abiectissimis rei familiaris operis, si quid aliquando superabat orij, conferebat. id laboriosissimè in vberimos bibliothecarum instruendos indices, quorum multos iam absolutos habebat. Rerum deinde ab Sociis gestarum exempla collegerat ingenti numero ex nostris libris, rerumque huius generis copiam maximam, quibus digestis, & exscriptis, qui vellent domesticorum vterentur. Iam verò tametsi eius operæ quotidianæ fructus constabat, & quidem luculentus; si eius in precando assiduitatem spectares, vix posses suspicari, ad opus ei superesse quidquam residui temporis: quem numquam non ad Virginis aras nudatis nitentem genibus obseruares. Si cuius Sociorum valetudini factum esset deterius, aut eum casus alius malè haberet, sollicitus & anxius præstò aderat, & cum in cæteris suam industriam ei prolixè commodasset, deferrebat ultro suarum precum subsidium, curriculoque in templum, & quidem sæpius per diem, eo nomine aduolabat. Quo etiã officio defungebatur quotidie, in reliquorum Sociorum gratiam, qui eadem familia quoque censebantur. Vt autem multa essent, & magna, quæ palam

iam exerceret in Fratres ardentissimo caritatis studio: longè plura tamen, & illustriora in eisdem ab eo clam profecta beneficia, eius tegebantur dissimulatione: quibus celandorum benefactorum artibus tacitus in sinu magnopere letabatur. Voluntariæ inediæ, cilicini saguli, cæteræque asperitatis ad diuexandum corpus arcessendæ, ut huic homini fuit usus frequentissimus; ita semper adfuit, quantalacumque maculæ ab animo prohibendæ, studium perquam singulare; ut Sacerdos, qui erat à Confessionibus, perspicacitatē incredibilem in diiudicandis, in auersâdis tenuissimis labeculis, animi teneritudinē impensè demiraretur. Sed eximie planè virtutis illud fuit, & verè Christianæ Sapientiæ argumentum illustrissimum, quod vulgò creditus est ab Sociis, violenti morbi crebris diuturnisque vexatus cladibus, nonnullam aberrationem mentis incurrisse, ut qui plerumque prudenti homine aliena loqui videretur. Quam sui estimationem, ab eo multum aberat, ut ex Sociorum mentibus cuperet enellere, qui tantò maiorem in dies creare studeret, suumque intereà consilium tegeret quàm sollertissimè, ut vix, nisi attentissimus, eius artes quisquam dispiceret. Neque verò hanc sui despiciatus opimam frugem suo dumtaxat compendio dirigebat, sed ex eâ non exiguam vsuræ partem transcribebat in Sociorum commoda. Enimuero inter familiarem congressum, si cuipiam Fratrum excideret eius rei mentio, quæ silentio præmeretur rectius, tum Guillelmus in eam rem interfari quidpiam, verbisque suis

suis consultò nubeculam amentiaẽ obtendere , vt absurda locutus , effusum audientibus risum cie-
ret, & omnium animos, sermonemque ab eo, quod non satis cõsideratò dicebatur, auerteret. His gra-
dibus Guillelmus, inter vilissima quæque fami-
liarium munerum, euectus est ad eiusmodi Reli-
giosæ sapientiaẽ fastigium , quò rari adspirant co-
rum, qui celebrium functionum clarissima in luce versantur. Tamen, quæ occulta fuit Numinis sen-
tentia , per omnium virtutum præclara facino-
ra in dies magis ac magis clarescentem acerbis
exitus , non tamen incautum , imparatumve op-
pressit : vt quem attentissima , perpetuæque mor-
tis meditatio semper occupatum haberet. Et qui-
dem pridie quàm occubuit sacro pastus erat epu-
lo , cuius diei postridie , pium iuxta ac longum
carmen de morte legendo decurrerat, cùm inam-
bulare cœpit , interque ambulationis spatia Ma-
riam ex corolla salutaret; cui vt quinquagies id of-
ficij detulerat , Comitialis affectus vis maior ita
corripuit , vt humi affligeret grauissimè , substra-
toque saxo ruentis illideret caput tam vehemen-
ter, vt diffringeretur caluaria , & ille mox expira-
ret. Explorator tamen nobis sanctitas hominis
fuerat , quàm vt ei tam infæustum occasum fraudi
futurum putare possimus. Sociorum alter febris
iactationem, se permolestè, ac tertium ex interual-
lo incessentem , adoptato in valetudinis tutelam
Beato Patre Ignatio ; tertium quoque ab se de-
pulit.

Vt superiore anno Maximilianus Austrius suã
fami

familiæque salutem Beato Sebastiano, tutelari nostro, acceptam retulit, cum per Comitiales conuētus, grassante lue, periculosissimè laborasset: ita hoc altero anno Principes Boïci, simili ex causa, huc ad eiusdem Martyris aras veneratum adiungunt. Manus altera viro cuidam pænè computruerat, vt iam chirurgis certum, decretumque esset, prohibenda bracchij contagione, inutile noxiumque membrum amputare. Imminentis carnificinæ horror acuit in periclitante orationis studium non mediocriter, vt eapropter sedulus versaretur nostra in æde, propitiando sibi Martyri; & habuit ita propitium, vt tabida manus planè confanesceret. Peregrè huc aduecta erat virgo desperatæ valetudinis, accersendi à Martyre auxilij causa, quam vis morbi sic afflixerat aliquando, vt sensibus destitutam custodes haberent proposita; qua in trepidatione aduocatus noster Sacerdos nihil habuit, quo propemodum exanimi puellæ bene faceret, nisi vt rem diuinam pro eius salute voueret. Redit igitur domum, & ad aram mox adit votiuis operaturus sacris; quibus dum defungitur, sui compos fit puella, viresque colligit, & quidem paucis tam validas, vt eodem die sana Monachium reuerteret.

OETINGENSIVM Sociorum industria creuit Catholicorum cœtus, nunc octonis, nunc tricenis capitibus, ad Christum traductis ex vario Hæreticorum conciliabulo. Duorum de nostris aduenientium in propinquum oppidum fama inde nefarium Sacerdotem, Nosocomio præfectum, exegit

exegit, quòd sacrilegij sibi conscius, eorum præsenti-
 am, censuramque verebatur. Quas enim habebat
 ad rudem plebem conciones, sic pridem instituerat,
 quasi Lutherani verbi præconium factur-
 us, ut, præter viuendi licentiã, superstitiones
 insanas prono ad hauriendum venenum populo
 propinaret: ac super cæteras fraudes, edendæ car-
 nis in Quadragesimæ dimidium, vltro faceret
 gratiam. Propius nihil factum est, quàm ut ex dam-
 nato semine pestifera seges se profunderet, nisi
 erumpentes iam fibras nostri opportuna runcatio-
 ne radicitus extirparent.

AVGVSTANVM COLLEGIVM.

HVIVS familiæ res, trium capitum iactura,
 deterior facta est, quibus saluis illustrium
 operum futura erat ingens accessio. Primæ cladis
 vulnera sensimus in Patris Christophori Amani
 decessu, quem tribus annis quinquagenario ma-
 iorem exstinxit febris, tricesimo-quam Societati
 se adrogandum dederat. Strenuissimæ operæ insi-
 gnem navitatem, vel hoc vno documento, cæte-
 ris in rebus possis conicere, quòd hominum mil-
 lia quindecim ille vnus anno vno Confessionis
 piaculo nuper lustrauerat; & hunc numerum ferè de
 plebecula, quod genus ambitiosius ille consecra-
 batur, quasi ea in humilitate conditionis Christum
 clariùs agnosceret. Deducendis damnatis, stipe
 corroganda egentibus, Catechesi pueris traden-

da, is ardor animi, & sensus pietatis hominem agebant, quem accensæ verborum faces, & omnis habitus corporis vehementer testaretur. Numquam visus est cogitasse, quo loco domi haberetur; sed negotio continenter impensèque intentus, id vnum studuit, vt exemplo ac reipsa domesticis extraneisque prodesset quàm plurimum. Per sæuiantis morbi initia cùm vniuersę vitę commissa ritè recensuisset, placido quodam genere alienationis discessit è potestate, quod triduum cùm teneret, illa ipsa perpetuò dixit fecitque, quorum illi sollemnis vsus fuerat erudiendo quàm accuratissimè populo, vel concionibus, vel catechesi. Post triduū discussa phrenitide, impendētis exitus è vita nuncios excepit ab domus Præsidente, animo sedato lætòque, vnā modò stipulatus dieculam, induciarum nomine, qua se compararet ad æternæ quietis commeatum. Et ratas habuit Deus tantulæ moræ inducias, quarum cùm exisset hora, exiuit & ipse corporis vinculis quàm placidissimè. Philippo Cassano, vnde septuagenario, in familiaribus operis cum singulari fide fructuque annos vnde quinquaginta versato, quàm fuit laudatus vniuersus transactæ apud nos ætatis cursus, tam suavis & fausta mors obtigit. Egregiè suo animo in omnibus moderantis argumentum in eo perpetuum fuit, quòd è litteratiā olim palæstra traductus ad domesticæ rei procurationem, deprehensus est nunquam vel meminisse, vel cogitare rationem conditionis præteritæ. Romanum iter frequenter emensus in comitatu Procuratorum Pro-
uinciæ

vinciæ industriam, strenuitatem, fidem germani Socij omnibus probauit semper vt maxime, quam domi perpetuò gerendis rebus ostenderat. Innocentiam hominis, sub deuexam senectam repuerascentis, apertè indicabat morum simplicitas eximia, perferendisque linguæ apertè stupefcentis hæsitantia, & cæteris morborum aduentitiorum iniuriis, haud immutata mentis tranquillitas. In pari quoque Religiosæ vitæ laude, spatia ætatis decurrit, absoluitque Pater Ioannes Volkius, Boius, tria Vota Professus, quinquaginta ipsos annos, per varia Societatis munia, continenter exercitus, & perquàm fructuosè. Iniuriarum & periculorum quæ imminerent ab Hæreticorum fraude ac odio, quasi ad eum nihil pertinerent, erat insita homini contemtio tanta, quantum hostibus studium nocendi, atque audacia. Veri & æqui religiosissimus æmulator pro vtroque pugnabat studiosissimè, atque hoc sæpenumerò felicius, quòd in eiusmodi causâ idonea inerat libertas dicendi, & facultas. Eis, qui in Sociorum conuentu multis laboribus & vita defungerentur, suam sortem cum singulari voluptatis sensu gratulabatur idemtidem, quàm felicitatem, vt ei tantò liquidiùs ipsa experientia Deus existimandam præberet, tri-
dui dumtaxat morbo tentata leniter eius valetudine, integerrimis fruētem sensibus ad se in quietem aduocauit. Hæreticæ pestis sibi passi vlcus pertundi exsecarique, quattuor & quinquaginta, ea excisa tabe allecti in iura Catholicorum, consuetudinemque. Ex variis opificum collegiis nu-

per apud nos coaluit Mariana Sodalitas, insigniam, per ipsa huius militiæ rudimenta, pietatis ardore, ac virtutum studio; ut fuerit, qui setosilicij asperitatem duos menses totos non posuerit: alius qui solido bimestri durum asserem sibi substrauerit per quietem: tertius, cuius humeribis quotidie concrepuerint incussis flagris per menses totidem.

ALTERO item anno haud multo pauciores eo de genere persanati sunt, pari confossa vomica; euulsaque penitus ex pestiferè affecto pectore. De his vnus Lutherum auidè hauserat, cui deinde periculosè decumbenti fidem salutis facere non poterat Lutherani dogmatis auctoritas, ut sibi non temperaret, quin nocte intempesta posceret ab Lutherana coniuge, uti mox Sacerdotis de Societate copiâ faceret; cui libentiùs obsecuta vxor, quâ sperari poterat, nostrum euocat, qui properè, lætusque aduolauit. Concitati diuino instinctu animi, ad detestanda eluendaque ritu Catholico facinora, indices fuere abruptæ crebris singultibus voces inter consitendum, & antea actæ vitæ cætera omnis execratio, quæ pium erga Numen animum planè indicaret. Ea verò parte Catholici hominis rectè defunctus æger, cum Diuinam quoque Hostiam, cupidiùs expeteret, ad Christiani officij tantò ampliorem cumulum, arrhamque salutis ed certio rem; neque huic bono moram vllam attulit Hæretica vxor, sed Parochum sedula ad id munus accersuit, haudquaquam ex reliquarum mulierum, & Lutheranarum maximè, ingenio. Primarum partium

tium vir quidam, vel potius sine consorte primarius in æde principe, Augustanoque in territorio, quàm longè porrigitur, censuræ morum præfectus, vbi apud nos per otium diuina erat commentatus, sic se affici hoc genere disciplinæ sensit, iisque stimulis ad Christiani hominis perfectum officium commoueri, vt in eam rem leges ipse sibi priuatim diceret, scriberetque, quas ad Sacerdotem nostrum, arcanorum ipsi conscium, afferret ea mente, vti ob signatis tabulis secum ageret, exque syngrapha se compelleret ad officium, si quid earum vniquam legum ab se præteriti animaduertetet. Marco Fuggero, non patriæ magis, quàm religioni auspiciatissimè nato viro, Augustana Respublica, importuno occasu tanti hominis iure merito lugens, funus se facere maximo opere indoluit. Haud facillè tota Germania quisquam alius in causa bonorum depugnauit acrius, constantiùsque, vel insaniam Lutheri validiùs refutauit. Patres autem Regiis pænè copiosas opes, & clarus in paucis fortunæ splendor, cum summa eius modestia coniunctus, raro inter mortales fœdere, plenum Numinis sensu & amore pectus arguebant. Et reuerà cælestium desiderio sic efferebatur, vix vt humana cogitare posset putari. Valetudinem, quæ in bonis prima ducitur, præ Dei gloria, quo loco haberet, grauis morbus, qui hominem confecit, apertè ostendit, cum inter acerbissimos dolorum morsus, non ingemuit, non sibi meliùs fieri optauit, sed tolerandi eam constantiam, & quietem prætulit iugiter, ad quam adstantes obstupescerent,

cerent. Animi arcanis arbitros Sacerdotes nostros viuens moriensque perpetuò adhibuit, quorum qui extremum eius legit halitum, oculosque clausit, & funebri panegyrico rogatus celebrauit, ad moriendi felicitatem in eo desiderari nihil posse asseruit. Beati Parentis pileolus apud nos religiosè asseruatur, quem adolefcens, piè Bēatū veneratus, imposuit capiti, cuius diuturnis doloribus ferè adigebatur ad insaniam, neque mora facta est, quin euestigiò sensu doloris absolueretur.

GENIPONTANVM COLLEGIVM.

PRINCEPS noster, qua religione est in Beatum Parentem Ignatium, eius reuerentiæ tributum id esse voluit, vt cum securi feriendus esset capitalis noxæ reus, nunciareturque ipsi dictam supplicio lucem Beato Patri festam esse, dicendo mox reo promerita infamis necis perlubens gratiam faceret. Inter Fidei desertores minimum quantum emanferant quinque, suo ipsorum scelere non leuiter multati, cum, aduerso Numine, iis nihil ex sententia cederet, quibus tandem ad Christi salutaria castra est patefactus reditus. Pestifero tabo contactæ mulieri euocatus Curio, cui non liceret tum pedem domo efferre, suam opem cum nauare nequireret, per nuncium suaserat, vt, intimis sensibus concepto noxiarum suarum dolore, cætera Diuinæ prouidentiae permitteret: quod ei cum satis non videretur, ipsa nouo religio

religionum genere animum suum sibi procurandum sumit. Inaudierat Lutherano ritu comparatū esse, ut priuatorum quilibet suis sibi auspiciis Sacerdota faciat, cum Prædicantes quod frequenter accidit, præsentia suæ, sacrosanctæ scilicet, non faciunt copiam: qua ex formula mulier de eadem fidelia se, & sacerdotio initiat, & sine fumo, præcipui ritus operatur Saceris. Enimuero, defecta ex angusto penu cibarii panis ofella, & mensulæ imposita, ore profano carmen concipit in subintratam buccellam, quod eam Lutherana Præficia docuerant, ea fiducia, quasi effanti mystica sua verba, patescēte cælo, libi, ac turundæ suæ, diuina quædam vis se desubito infunderet. Non erat miseræ cella vinaria, cuius de cupa meracius vinum ad familiarem libationem promeret; eius itaque penuria cyathum frigida haurit vicino de puteo, quem arcanis itidem verbis impertit, moxque fauces, ac mentem etiam, utrisque Lutherani mysterij symbolis animosa perfundit. Non visum est clementi Numini ab incestis operata Saceris flagitij pœnas repetere, à qua etiam prohibuit sæuè grassantem vim pestilentis vlceris: ex quo ubi conlanuisset, adiit ad Curionem suum, & perpetratum ab se Sacrorum rationem exposuit: forte ut eorum inusitatam efficacitatem ipsi vendicaret.

Acerbè increpita mulier, stolidæ simul atque audaci; Parochus noxiarum sedulam & festinā Confessionem imperat, ac minimè quidem reluctanti, nisi quod, in recognoscenda vita antea acta, illam Sacerdotum usurpationem præterit, quam for-

talte in delictis non duceret. Hoc erroris, & inanis fiducia iniecto veluti hamo, mulierculam suæ assertam seruituti Dæmon credidit, vt ad eam incautam apertè ac liberiùs iam posset adire, & adiit seipsa, cum eam sua egestas acerbiorè morfu, die quodam, laceggeret, secundùm cenulam omni opsonio destitutam. Mœrenti enim, & suam inopiam impotentius querenti, derepentè adfuit laqueo instructus parricida, oblataque reſte, patibulum ipsi de proxima trabe suggererat, vt, semel elitis faucibus, multiplicis miseriae sensum in posterum aboleret. Hac intentata sibi ad perniciem machina, senſit imprudens mulier, quò malorum sua se temeritas prouexisset, cui Iesu nomen inclamanti adfuit de cælo præſidium, vt mox sanguinarius ille euaneſceret, ipsaque curriculo Oenipontem ad nos aduolaret, apud quos animo ritè lustrato, subsidia inueniret, quæ se ſartam rectam aduersus Acherontica fascina præſtarent.

POSTERORE anno Pater Ferdinandus Melchiorius, gente Tridentinus, cum secundo Danubio Ratisponam veheretur, magna nauicularij culpa naufragio perit. Dum enim sui ac nauigij nimium ille securus, portorij à conuectoribus exigendi studio intentiori elatus, à clauo abest diutius, in sublicium pontem transuerſi fermè antè delabuntur, quàm ad clauum rediret gubernator, qui, vt cum magnitudo periculi seriùs aduerterat, vbi redimere impetu studet tarditatem, clauū diffringit, victusque fluminis violentia, cymbara fluctibus permittit, quibus vrgentibus semel iterum

runque ad pontis sublicas allisa, effusis triginta vectoribus, derepentè vorticibus hausta interiit. De toto illo numero, vix tres quattuorve, immanes inter vndas eluctari diutissimè, tandem enauigarunt, quibus, quantum meminisse poterant, renunciantibus, de illius naufragij ratione aliquid accipi potuit. Patris autem Ferdinandi sedulitatem, animique constantiam, hominis alioqui patum audentis, prædicabant, & quidem singularem; vt ab eo nihil prætermissum assererent, quo vectores egregiè animarentur, ad imminentem casum forti, Christianoque pectore sustinendum. Eius cadaver, procul vnde merfus erat, vndarum impetu delatum, ac deinde in glaream eiec tum, multis post diebus, eius ripæ accola fortè inuenit Curio, quem minimè agnitum ei prodidit familiare Sociis flagellum è resticulis; digna tessera, quæ Ordinis atque virtutis indicium faceret. Annos septem & triginta, & in Sociorum quidem grege, vnde viginti expleuerat, Humanioribus litteris tinctus, Rhetoricâ scholâ professus annos bene multos cū laude in summo semper modestiæ studio, quæ multarum fida custos virtutum esse solet: cui comitaretur singularis mansuetudo, idonea conciliandæ alienæ beneuolentiæ illecebra. Mariano Sodalitio gerendo planè à natura factus videri potuit: vt cum cætera munera rectè atque ex ordine administraret: hæc tamen vna censeri posset eius ingenio præcipua functio. Magnam Matrem eo cultu semper habuit, quem decuisse crederes Marianæ familiæ assiduam cura-

tozem, ac magistrum, vti sit fas piúmque sperare, tam mitem patronam clienti suo funesta in clade periclitanti propitiam adfuisse. Præter Oenipontem urbem ibat Hæreticus, alio cogitans, cui, quò intenderat, iter persequenti ad aures accidit clara vox, incerto tamen auctore, qua iuberetur Oeniponté rectà inire, atque à nostris disciplinam veri haurire: quod vbi fecerat diligēter, eā sibi vocē salutis nunciam fuisse deprehendit. Eadē senserunt alij octo Hæretici de iis, quos ad agnoscendū Catholicum dogma auctores, magistrosque habuerant. Pridie salutata ab cælesti nuncio Virginis, in suburbaño viculo, cui Milium nomen est, sub vesperam, occupatis iam postera diei religione animis, famulus iubebatur ab hero caupone, iuncto equis plaustro, finem in vicinum agrum subuehere. Cui aliena tempore ac loco imperanti, cū minister, recepto more illius vesperæ, Cælitū hominumque futuram offensionem modestè excusaret, neque harum rationum fides hero fieret: paruit, inuitus licet, famulus, onustoque plaustro in herilem fundum pertexit: sed non tam facile, quam equos induxerat, ex agro reduxit. Conuerso ad regressum vehiculo, per eundem heri fundum ducturus erat, cū ad eius limites terram præ ipsis equorum pedibus derepente subsidentem animaduertit, eodemque moimento priores equos subitario hiatu autium tetius demersos sensit; quo euentu grauius primum ættonitus; deinde ne qua & equos, & se vastior labes absorberet, connisus omnibus viribus iumenta contendit

dit educere, sed conatu penitus irrito. Adhibita pluriū hominū manu, terra panè obruti cū expeditentur equi, res miraculo visa est similis, eo loco solidioris utique soli, terram nulla antegressa naturali causa, cūestigiò discessisse: procul autem concurrentium indigenarum, spectandi explorandique studio, sententia, longēque dissipatus sermo, præter v̄sitatum naturæ ordinem illi agro subitum specum accidisse vulgauerat. Princeps ipse rumoribus permotus de sua cohorte allegat peritros, qui de illa causa cognoscant, & disceptent; quam in controuersiam nostri quoque disceptatores adhibeantur. Re accuratiùs explorata, eò incubuere omnium sententiæ, ut inusitatus euentus ille iudicaretur, quique à ratione portenti nequaquam aberraret. Ad affirmandam vespertinæ illius vacationis religionem casus eiusmodi valuit in vulgus plurimum, cui Mariani cultus violatū vindex illa vorago ante oculos iugiter versabatur. In Vennonibus, Vinscouiam nunc appellant, hoc biennio versati sunt duo Socij, Curienſis Aristitis accersitu, quo præeunte indigenis exemplo suo, ad omne pietatis officium, multoque nostrorum labore factum est, ut qui durior ad culturam admittendam ager visus est initio, sationem, adeoque messem feliciorē polliceatur in posterum. Athesinam vallem, Tridentinis substratam Alpibus, ab Athesi flauio irrigante dictam, occulta hæresis ita occupare cœperat, ut, nisi maturè obuiam iretur, graues sequerentur animorum clades. Maximilianus igitur Austrius, & Cardinalis Madrucius

drucius , postea quàm id rescuerant, legatis eò eruditis ac piis viris , qui morum ac librorum severam censuram exercerent , conati sunt grassantem contagio pestem auertere. Censorum certè decreto magnus noxiorum codicum numerus in foro deflagrauit : plerique indigenarum iussi sunt temeritatem legendi Confessione eluere : alij dicta multa vetitis coacti abstinere opsoniis : ut fuerit , qui iactaret se duarum librarum carnis intempestium esum redemisse aureis quinquaginta: nonnullis ne inflictò quidem exsilio praua sentiendi studium ex animo auelli potuit. Quòd ea cura non proficiebatur , quantum res visa sit expetere: duo illi Principes de nostro conuentu sex operas postularunt , quarum industria & assiduitate gliscentis mali detergeretur labes : duæ tamen dumtaxat in præsentia mitti potuerunt , quibus sua sedulitas , multis licet difficultatibus implicita , satis cumulatè respondit , ac secururæ frugis expectationem non leuem concitauit. Sub reditum administratæ prouinciæ rationes relaturi, Tridentum ad Cardinalem contenderant, quas , ipso absente, deposuerunt apud ipsius Vicarium , magna eius approbatione. Inde ab summo Forensis rei Præsidente Bolsanum ad prouincialia Comitìa deducti, eius rogatu publicam tabernam librariam recognoscendam susceperunt: oblato postea librorum indice, quos probos iudicassent. In digressu deinde cum delatam ex communi ærario vim magnam pecuniæ respuissent , abstinentiam ipsorum mirè collaudantibus indigenis , desideriumque huiusmo-

iufinodi hominum cum fingulari beneuolentia
testificantibus, decefferunt.

HALENSE COLLEGIVM.

BEATO Parenti nostro colendo impensè ad-
dicta mulier duorum mensium importuniffi-
ma febrì vires amiserat, quarum iactura non tam
dolebat,quàm,quòd appetente illius Natali, præ-
uidebat obfuturam sibi corporis imbecillitatem,
quò minùs pridie sacri diei anniuersarium ieiun-
ium, sollempnèsque preces obire posset. Roboris
tantumdem sibi precario ad tempus commodari
cupiebat, quantum modò satis esset, ad religiosæ
inediæ, orationisq; interuallum: plus tamen
multò impetrauit suo illo voto,quàm optare ausa
esset: illo enim ipso momento discussa febris per-
sanatam eam in posterum reliquit. Trimestres
dentium, eosque continentes,cruciatus patieba-
tur vir claro cum primis genere,ac exigua quidem
spe sanationis, cum adhibuit vota Beato Ignatio,
& reliquias eiusdem sibi admouit, dolorisq; se-
cuta est nonnulla mitigatio: adscitis sociis ad
opem tutelaribus ædis nostræ Martyribus. Interea
Sacerdos noster Ignatiana in ara rem Diuinam fa-
cit,adstante,ad demerenda Beati suffragia,ægroto:
& secundum illudSacrum vis doloris,quasi diuina
manu detergeretur, subitò discussa est,nec deinde
vllum eius vestigium resedit.

Altero anno quidem ad nos cum equo vectus
conten

contenderet, hæresis spoliū domi nostræ sibi detracturus, manifestas, molestasque sensit sibi ab Orci tyranno insidias strui: nam iumentum multis annis sine noxa ipsi perperuò probatum, euestigiò tam vehementer occæpit furere, ut aduersum frenos & calcaria contumaciter refractarius, sessorem fædè excuteret. Non excussit tamè equus indomitus, nec eius agitator Cacodæmō, sui consilij certo viro voluntatem ineundæ vrbs, & malè sanæ dogmatis exuendi: tametsi ædem nostrā ingresso manū occultā iniiceret, prohiberétque ab Sacerdotis tribunali: sed cōstans in cœpto suo vir animi fortis repugnantem vim vi maiore perfregit, nec nisi positis infamibus exuviis ab æde discessit.

RATISPONENSE COLLEGIVM.

NON dextantario tantum, quod etiam graue futurum erat, sed quadrantario quoque fenore, nostram familiam mors exercuit, sublati continenti funere, de vicenario cœtu quinis capitibus: & quidem omnium primo domus strato ianitore, quasi extinctis vigiliis, & occupatis foribus, in sui iuris arce liberioris dominatus potentiam vendiraret. Is fuit Ioannes Grintgrer, Boiū, quem suspicio erat contagione aduentium ad Collegij fores hausisse aliquid pestiferi halitus, sed in mortui membris nulla eius mali signa comparuerunt. Fide aduersum Societatem fuit insigni, parique ardore in omnes iuuandos, quibuscum congrediretur, quorum permultis egregiè carus

ab

ab sincero candore, ac simplicitate morum eximia, sui desiderium reliquit, quadragesimo septimo anno ætatis mortuus, quartoque ac vicesimo, quàm eum Societas sibi adiunxerat. Ab hoc deinde interiit Pater Christophorus Schenk, natus annos quattuor ac triginta, quorum duodenos perquàm laudabiliter in Societate posuerat. Frequentissimus autem & ciuium & aduenarum ad nos commeatus, per generalium Comitiorum tempus, cum eum implicaret omnis ordinis hominum necessariis congressibus, declinare non potuit, vt tetra aspiratione non perfunderetur ab aliquo, cuius veneno etiam extinctus est. Hunc iam puerum omnes virtutes visæ sunt educandum suscepisse, atque cum eo adolescere, traditumque Societati longè augustiore comitatu perpetuo cinxisse, vt de illius sanctimonia facile iam esset principio coniicere, hocque minùs dubitandum sit, quin cælo maturum Deus ad se, vel hac ætate, traducere voluerit. Nicolaus Milcher, Landspergensis, decessit tertius, quinto anno quàm eum Societas conscripserat, submissione animi, & obsequio clarus in primis, quem venenati quoque halitus malignitas excepit, confecitque, dum emotionibus, & oeconomicæ rei fideles dat operas. Huic quartus accessit Simon Lefelder, item Landspergensis, huc Landsperga missus ex Tirocinio, suppetias impeditæ huic familiæ laturus, cui adhibito ad ægrorum procurationem, ardens, sed incautum studium obeundi ministerij, exitium attulit, dum ægrotantium vestes colligit, con-

trectat

rectatque inconsideratiùs. Caritate in Socios, officiosaque sedulitate promeritus est, vt, nuncupatis votis, in Societate decederet, quam nuncupationem præpropera mors pænè intercepit. Adamo Sander quintus atque vltimus actus datus est, vt tragicum drama clauderet, vno ac vicesimo anno aditæ Societatis, cui operis insignibus, & virtutum egregiis monumentis, sui desiderium non mediocriter reliquit. Tota prouincia notissimus, carissimusque, cuius pleraque Collegia, non leuiter ad memoriam impressis rectè factorum vestigiis, mirabiliter affecerat, vt expeteretur vndeque, numquam sine dolore amitteretur: vti omnium munerum suæ conditionis perquam idoneus administer, quæ cum scienter in primis, expediteque gesserat, tamē sibi videretur, nihil scisse, ac gessisse nihil. Aderat homini huic præterea, summa comitas, ingens omnibus gratificandi studiū, multa prudētia, fides, obsequium, religio, quibus dotibus erat affecutus, vt absoluti Adiutoris verus canon haberetur. Tam impigrum operarium in puluere atque sole non moriturum, haud fuerat vero simile iis, qui eius animum & virtutem nouerant: nec conditionem ipse potiore vllam duxerat, quàm vt, inter vilissima quæque officia Sociis adhibenda, viuendi vltimo munere defungeretur: quibus in officiis aura pestilēti afflatus paucis diebus interiit, annos natus vnum & quadraginta. Cætera familia, vno quadrante deminuta, non destitit tota vrbe, malè affectis corporibus plena, versari, luc contactis frequenter adstiterē,

confi

confitentes passim audire, ipsa tamen incolumis: ut visus sit vnus periculū contemptus periculo nos abstinere: Numine suarum operarum alacritatem prerogatiua salutis inter ipsa funera remunerante. Ad sanctam tectam nostrorum incolumitatem, & illud honorifici corollarij accumulauit Deus, ut, per id quoque temporis, tres & quinquaginta subductis de grege capitibus, rem Hæreticorum deteriorem fecerimus. Eorum vni cuidam, defectionem à Zuingliano sacrilegio meditati, nocturnæ larvæ obuiuebant spectra horrida, lectoque octies exturbatum, & domo, eius consilij religionem intentabant: quibus eum terriculamentis absoluerunt sacer Agnus, & Sebastiani Martyris reliquiæ. Coningem Catholicam Hæreticus coniux bis collo tenuis immerfit Danubio, aquis præfocaturum denuncians, nisi Catholica esse desineret: quæ nec responso ferum carnificem dignata, Fidei animique plena, Iesu ac Mariæ piè appellatis nominibus, incolumis euasit. De merendæ Numinis benignitati, vri Comitiorum consilia & psephismata omnia vellent Ecclesiæ fortunare, quadragenarum horarum supplicatione indicta nostro in templo, & indigenas, & aduenas cum primis, per frequentes habuimus, & ei negotio, quod gerebatur, animis studiisque maxime intentos: cui non intererant, modo assidui, sed exemplo quoque præerant, Apostolicus Nuncius, Elector Moguntinus, alique de Clero, Imperatoriaque Aula viri principes. Ipse certè Imperator huius familiæ Rectori ad colloquium adhibito,

bitor, super alia plenissima humanitatis responsa, se Societatis causa semper cupiuisse hactenus, neque animum deinceps mutaturum perbenignè asseueravit.

Alterius anni spolia de victa heresi fuere homines duodequadraginta, quorum nonnullis, velut capitalis fraudis eo nomine compertis, magno stetit huiusmodi transitio apud Hæreticum magistratum. Primarius nominatim ciuis, quod propensioris animi aduersum Catholicos notabatur, in carcerem actus est, ibique seuerè de ipso exercitis quæstionibus, ad singula capita iuratus respondit: quorum vnum illud fuit, quoniam eius tam familiaris vsus cum Catholicis spectaret. Prudenti responso cum omnem criminationum materiam Quæstoribus præscinderet, suspiciones tamen non abstergeret ex eorum mentibus, absolutus quidem est claustris carceris, sed iussus tamen vrbis pomærio uti pro libera custodia. Alter Catholicæ Fidei posthabuit honestam conditionem in Palatini ditione, ynde cum tota familia excessit, ne qua vis eum adigeret in Religionem delinquere: cuius excessum consecutæ græues ærurnæ animi constantiam minimè infregerunt. Voluntarij exsiliij causa solum vètit adolescens, locupletis ciuis filius, ubi eum tota familia conuictis atrociter, atrocissimè deinde plagis acceperat, acerbins prætereà intentans quidpiam, nisi, proximis Natalibus, sese impuris Lutheri Sacris perfunderet: quo scèlere ne se contaminaret, maluit ipse sibi patria interdicere. Iniquiore Senatu

Ratiff

Ratisponensi, penitus Lutherano, vñ eramus: sed hoc demum anno cum importunioris ad ædificationem aræ necessitas nos ad reus implorandas humanitatem adegisset, facilem & propensum colloquio experti sumus. Hæc habuit liceret nobis, aræ nostræ paullulum prolatis finibus, publico in ædificare, vt obtusioris anguli deformitas ædificio sublata, tantum demum tortuli angustias laxaret: cui rei diiudicanda Senatus mox dixit, & allegauit: arbitros, quorum decreto, quantum soli necesse fuit, attributum est, cõmendæ quæ materiæ facultas, quæ artea negabatur, est concessa liberaliter.

LV. CERNENSE COLLEGIUM.

MIOHAEL Victor, Boius, Monacensis, ex Adiutorum manipulo nature concessit, quæ dragenario tribus annis maior, agens in Sociorum cœtu quartum annum & vicesimum, cui adulescenti Societatem, ineunti fiebat, optio litterarum mallet, an familiares operas profiteri: quod tutius videbatur, quoniam abiectius, id prudenter optauit. Inde suam industriam, sollicitam omnino ac fidelem Societati commodauit ianua Collegij, & culina procuranda, cæterisque obeundi ministeriis, eum approbatione omnium, cuius cum multa in agendo prudentia, semper obseruata esset, tum singularis catio, vt Societatis decus integrum in omnibus tueretur.

Næq; vñ secundus annus funere fuit inordinatus.

quo elatus est Pater Christophorus Rheinardi, Oenipontanus, Adiutor Formatus, tricesimo anno adeptæ Societatis, vitæ initæ primo ac quinquagesimo, tertio & vicesimo quàm huic familiæ suas operas addixerat. Domi ac foris laboribus infractus vir, mitissimi ac lenissimi congressus, atque ingenij, quo nomine, iucundus æquè omnibus exteris, ac domesticis: quidquid ab assidua intentorum laborum palæstra ei superabat otiosi, fructuosè conferre solitus in pios libellos, conscripserat, quod aliis quoque prodesset, speciatim verò in Suriij libros vbertimum indicem, quæ Sociis magno compendio vtendum fruendum legauit. Matrōna, nostri Ordinis amantissima, ætatis ad multam senectam deuexæ, frequenter animo agitauerat quemadmodum omnis antegressæ vitæ rationem confessione sedula recognosceret: sed eam ab hoc consilio aliæ res super alias auocant inuitam; cùm eam suus Confessarius domi ea cogitatione defixam aliquando deprehēdit, cuius tamen ignarus, inter cæterum sermonem, id etiam suggestit, vt id ætatis admissa omni æuo recolenda quàm primùm susciperet. Id sibi meditatum pridem illa respondit, & propediem eo se officio studiosè defuncturam: Quin in præsentia, retulit Pater, præstat ea exponere, quorum succurrit memoria, cæteris in proximum diem reiectis. Diuinitus iniectam Patri mentem, vt id matrōnæ, bene alioquin habenti, suaderet, quæ tertia hora quàm ei fuerat obsecrata, velut funesto æta sidere, apöplectico affectu strata obmutuit
penitus

penitus, postridieque animam exhalavit. Mulieri
 algoris tanta vis, & malignitas pedes adusserat,
 ut, iis usu suo panè destitutis, insideret gravis
 dolor, & fœdi puris multa sanies, qua iam aliquot
 menses fluere, accessione interim acrioris crucia-
 tus & adustionis: cùm casu inaudiit vincendorum
 morborum magnam vim Beato Paréti nostro esse
 Diuinitus attributam. Ei ergo quidpiam vouet, in-
 terque vota dolor ei omnis abstergitur, ac triduo
 próximo pedes penitus consanescunt. Pari reme-
 dio usus, Sacerdoti moribundo, vita: feminae ab
 cruris dolore; adolescenti, ab diuturna febre, sa-
 lus est restituta.

F R I B U R G E N S E C O L L E G I U M.

R E C E N S templum magnifico apparatu inau-
 guratum ab Lausanensi Episcopo, cuius in iu-
 risdictione sunt Friburgenses, tutelarique adsci-
 to, Beato Michaëli est dedicatum: in quo tridui
 gratulationem Cœlitibus habitam religiosissime
 celebrarunt ciues frequentissimi, ut eo triduo tria
 hominum millia cœlesti mensæ accubuerint. Con-
 stituendæ scholasticæ disciplinæ politicis quo-
 que sanctionibus, siquando usus exigat, nostram
 in gratiam intercessit Senatuconsultum, ut qui-
 bus adolescentibus Præsidum nostrorum auctori-
 tatē interdictum esset gymnasio, iisdem etiam ne-
 fas esset intra pomerij fines versari. In vrbe sep-
 temdecim, sex in Landeronensi expeditione do-

gna Hæreticum dedoceri sunt, & execrati.
 De POSTERIORI ORGANO tres item ac viginti,
 vrbe in ipsa, seu à Caluino, seu ab cæteris blate-
 rionibus recepti, ad Cæsaria Ecclesiæ instructiones
 ab Catholica rei cuncta redierunt. Quod
 nequidquam antea tentatum erat, hoc eodem
 anno est perfectum, ut singulis scholis adhiberen-
 tur magistri Gallicè pariter ac Germanicè perit-
 ri & feliciterque accidit, ut ex scholarum vna pro-
 dierint tres ac viginti adolescentes, qui totidem
 omnino, id est vicenis tenuis linguis Sancti Spiritus
 persequerentur elogia. Friburgensis ciuitatis iduo
 perillustria lumina, pessimo publico ydrio hanc
 extinxit, alterum de Senatorio, de Clerico or-
 dine alterum. Ioannes VVilhelmus eorum vnus, Fri-
 burgensiū Pætor, totius Germaniæ eximius colu-
 men, vir apprime nobilis, & clarissimarum re-
 rum, iis instructus dæmone uel quæ hostibus & que
 ac suis essent conditionibus, ac aptis. Libera-
 libus ipsis, aduersionum à pietate rationes cum fir-
 de retulerat, cum doctum regressu insidens mo-
 lestior epiphora, eum grauius habere coepit. Por-
 stidie ligatus nostrum sacerdotem ad se aduocat,
 iracundusque totius ætatis lachres apud eum detergit,
 celestis epuli extremum histicini vltio sibi depo-
 nit, & quæ iustare, decessum aduentis, religiosè
 ad eum se comparat: imminente auaerobio, ad
 adstantem sibi Senatui ea verba fecit, quæ om-
 nium lacrymas exprimerent. Hunc ipsum postre-
 mum sermonem, ea sapientia, eoque sensu, uno-
 rib ab patre patre habitum, censuit omnis. Se-
 natorius

natorius ordo , vti de eo in publicas tabulas totidem referendo verbis, decretū interceſſerit. Suam in nos beneuolentiam , quam illuſtribus benefactis egregiè olim oſtenderat , nunc etiam centum Ducatorum legato piè teſtatus eſt. Per idem tempus alterius luminis occaſus accidit , Sebaſtiani Verronij, celeberrimi Theologi , cuius vel vnum hoc præconium ſatis ſit attingere: fuiſſe ipſi Patrē Caniſiū per familiarē, huius verò illum imitatorē, & imitatorē perfectū, in cuius eximias dotes obſeruandas, niſi fuiſſet intētiffimus, quas nobis deinde cōſignaret, earum pleraque, ac inſignes quidem, noſtram ac poſteritatis fugiſſent notitiam. Dixerat hic in funere Caniſij de illius laudibus quàm copioſiſſimè : hunc ruſum noſter pro ſuis meritis panegyrico celebrauit : quæ honoris prærogatiua his ferè duobus Friburgi tributa perhibetur poſt hominum memoriā. Magnam ſanctitatis opinionem de ſe viuus cōcitant, demortuus maiorem quoque reliquit : vt populus cadaueri venerabundus accideret, atque ad rapiendas ex eo reliquias ſe certatim compararet. Diutiſſimè vixerat in ampliſſimis honoribus , cuius tamen mortui ex lauro quondam peculio ad egentes , præter meras lacrymas , nihil peruenit. Viuus ſcilicet omnia benignè contribuērat , ne, quod reſidui eſſet, aliena fraus poſt eius mortem auerteret. Qui certè in hoc, præ aliis multis , ſapere viſus eſt, atque commiſſiſſe, cur ex hoc vno facinore, pleræque ipſius aliæ virtutes facilè æſtimentur. Fregerat erus alterum puer, lapſus ex imprudentis ancillæ

inanius, cum mater, & infantis malo, & multò magis mariti offensione grauius anxius, positus huini genibus, Beatos Ignatium & Xauerium impensè institit rogare, vt iracundiæ mariti auerrendæ puerum sibi præstarent incolumem: quæ vt exsurrexit ab illis precibus, sollicito adhuc animo, trus infantis explorat, idque, modò truncum, coactum, planeque consanuisse deprehendit. Alteri mulieri emortuus partus enitenti, qui ab concurrente vicinia tota immobilis aliquandiu exanimisque versaretur, quoad vna è conuentu feminarum priuatim supplex facta Beato Ignatio, Patri Canisio, Mariæque Matri, tribus simul appellatis, effecit, vt post paullo motus ac sensus expers infans moueretur, atque in hunc diem superstes perseveraret. Tertiæ eundem examines fetus omnes effundebantur, cui rosarium Patris Canisij appensum mox felici puerperij faustitatem attulit.

BRVNTVTANVM COLLEGIVM

AVOTATIS Hereticorum castris in tantò tutiora Ecclesiæ Statua tredecim transcripti sunt, & in iis quidem copiosus mercator, multos annos incertus, quibus notis veræ religionis bona internosceret: quam in rem assiduas preces Deo funderet, vt caliganti sibi facem præferret. Interea verò auditione accipit Fauernensis Hostiæ inusitatum illud prodigium, de quo in
Dols

Dolano Collegio Lugdunensis Prouinciæ, litteræ anni sexcentefimi octauæ capita quædam maxime illustria prodiderunt: quam Hostiam sibi oculis sumit lustrandam, vt eius prodigij fidem testimonio sensuum in animo suo certius consignaret. Sine autem rei veritas oculis vsurpata seipsum obstinato Hæretico non satis probaret, siue is dissimulabat, quod crederet, Bruntrutum redit incertus consilij, multosque dies præterea velitari quadam dimicatione cum nostro pugnavit: ad extremum tamen, datis manibus coniugem, licet principio valde reluctantem, secum ad Catholicos traduxit. Sacerdoti nostro in agrum prodeunti ad rusticanas conciones, Natali Beatæ Magdalenæ, germanus Basileensis Antistitis, eiusdemque Brüttrutani Dynastæ, dat se viæ comitem inuito licet, & multa excusanti, ne illa conditione vir, ipsius causa, itineris huiusmodi se molestia fatigaret. Quod tamen ille instaret vehementius, & causam comitatu obtenderet suam Confessionem, aliaque pietatis animo destinata officia, Sacerdos ultro tendere non ausus, eum comitem accipit. In pago religiosè defunctus Pœnitentiæ ac Eucharistiæ utroque Sacramento, cælestibus plenus incensens lætitiis, redit cum nostro Sacerdote Bruntrutum, totoque itinere pijs de rebus, nominatimque de contemptu mortis, mirificos sermones miscet: Deo scilicet eius animum comparante ad proximè secuturum euentum: eodem enim ipso die, violentia morbi, quo deinde confectus est, è potestate mentis exiit: Ac tamen vt omnis ser-

mo delirantis esset pia cum Magdalena, & reliquis cœlitibus colloquio.

Secundo anno Beati Parris Nostri segmentum vestis fuit oppidò salutare vni è Fratribus, cui ad acerbos renum, & lateris cruciatus, pestilens facta erat accessio, ut contagionis metu omnes domesticos ab eius congressu secluderet medicus. Quia ille familiarium secessionem percussus, se planè depositum cum putaret, arcessenda humanis potentiora è cælo præsidia sibi esse constituit: quâ obrem Ignatianæ vestis breuem laciniam lateri admouet, cuius contactu victus lateris dolor abigitur ad humeros, eodemque amuleto inde pulsus, alio & alias quasi fugæ suæ latebras occupans, tandem toto corpore extruditur, quatrinduoque post æger incolumis existit è lectulo. Vir militaris, genere illustri ortus, clarisque maturæ ætatis, quæ artis dotibus insignis, heresis dediscendæ consilium cepit ab acerbò illudentis. Cacodæmonis in se, ut Hæreticum, iactato conuicio. Spectator fortè aderat in Italia, cum ex Energumeni corpore aduētitiis Orco inquilinus exigeretur exorcismis: inter quam pugnam, veterator ille obuios quosque de circumstantibus diceret figere, atque in aliis multis, hanc nostram, ei negotio curiosius intentum, ludibrio habere, falsis morde scœmmatis, patria ipsius lingua Teutonum vocitare, sed, illiberali adiuncto, Hæreticum. Ab Acherontio ludionè notatam se publicè, ac eo quidem probri genere, inhorruit videlicet militaris vir, eiusmodi contumeliarum insolens: hoc
vno

quò interim suum dolorem solatus, quò circumstantes. Germanice loquentis circulatoris verba non satis caperent cuius projecta dicacitas, ne qua graviore plaga suum nomen convulneret, alia omnia simulans, e corona prope se subducit. Ex illa hora, quòd erat sua secta ei facta suspectior, creberrimè cum Theologi inde rebus Fidei congressus, multa solitus est ponere, quibus agendis veritate in apertius dispueret, donec ad nostros Bruinrentenses perveniret, de paucis quibusdà relinquit aliquantisper in deditiōem lubens venit. Ille namque quidem eò spretoque est ardore Fidei Catholice, ut impetentes Hæreticorum, se hostiliter appropinquum, insidias non modo nihil minueret, sed serio medicaretur etiam de sacerdotio, ut tantò meliore loco sit, fas ipsius in Religione: hoc quo illustrioribus argumentis iussu ipse Fidei, cum res tulerit, ostendat.

CONSTANTIENSE COLLEGIUM.

PA T R I Mithaceli Eiselino, Suevo, quatuor Votorum, Professo, sex annis, quinquagesimum antegressory duodecicesimum agentis, apud nos, famebria iusta hoc anno, persoluit. Ab ipso Theorin in Philosophiâ publicè docebat, inde Theologia vicenotibus continenter atinos explicaverat, ingenti plantis parique fructu, nec intercalares alias operas, quæ in eius conditionis hominera incurrerent frequentes, interea omittebat. Vnde

necesse

necesse fuit hominem diuturnis laboribus, ipsique
 annis iam fractum, viribus tandem debilitari non
 mediocriter, maxime cum duobus illis malis ac-
 cessio fieret affectus molestioris asthmatis, ex co-
 que insomnia, ut vix iam suis pedibus insisteret.
 Eum verò, cum Præsides, si Superis ita videretur,
 multos annos saluum cuperent, de medicorum
 sententia, cæli mutatione subleuandū decernunt:
 sed qua via lecto se subducit, in leti laqueos impe-
 git, apoplexiæ tendicula irretitus, quæ imbecillum
 corpus non integro biduo exstingueret, vix octo
 progressum ab Constantia milliaribus. Hæreticus
 senex inuitari se ab nostris ad ponendas errorum
 exuias ferebat agerrimè, ut capropter nostrum
 conspectum auetlaretur: sed cum Dei clementia
 vel repugnantem adegit, ut eorum præsentiam,
 & allocutionem ultro ambiret, quorum vel no-
 men oderat. Immisso etenim grauiorem morbo, quò
 se, ut intentatis verberibus, diuinitus intellige-
 ret officij adinõneri: certum quempiã de Patribus
 accersiri iussit, cuius nomen, quia vis morbi lingua
 præpediuerat, creta suo nuncio descripsit, cum ef-
 fari non valeret. Hic igitur, serò licet, ac penè
 coactus, in Petri nassam inductus est, neque so-
 litarius, sed, adiunctis aliis in eundem piscatum,
 septimus ac vicelimus. Superioribus annis ab Ma-
 gistratu contenderamus, uti Lutherani Ludimag-
 istri, quibus doctoribus pueriles greges legendi
 vernacula discunt elementa, cogerentur schola-
 rum suarum pueritiam ipsimet ad nostras deducen-
 te Catecheses: quod demum hoc anno, frenen-
 tibus

tibus licet aduersariis, impetrauimus. Nobis quoque ad laborantibus decretum est, ne Hæreticorum pupillis, quorum quotannis ferè magnus est numerus, ciuitatis ius quasi hæreditate cedere, nisi Catholicæ Religionis capita legitimè professis. Qua vtraque lege facilis planaue sternitur via Romanæ Fidei amplificandæ: Lutherano autem supplemento soboles idonea subtrahitur.

H v r v s biennij annus posterior viuendi fuit vltimus Michaëli Heller, Adiutori domestico ex Formatorum decuria, sexagenario, quartum & tricesimum stipendium inter Socios merenti, quæ cæli clementia, spe iuuandæ valetudinis, Bruntuto huc allegerat; sed sine senij, sine morbi vis ea fuit ad corrumpendam sanitatem, quæ cæli bonitate nõ vinceretur. Huius animo natura indiderat rei mathematicæ quædam elementa, vimque præcipuam ingenij ad eius disciplinæ perscrutandos intimos recessus, vt, illiteratus planè, ad eius artis recondita arcana peruaferit, quæ periti suspicerent. Geneuensis Ministri filius Calvinianum dogma exsecratus apud nos est, tanto ardore Catholici ritus, vt quam suorum institutis alienissimam nosset Castitatem, eam in nostris moribus adamaret quàm maximè, adeoque se illius vinculis, nuncupato voto, illigaret: quattuor & viginti aliis in eamdem Ecclesiæ nauim ex hæreseon fœda lacuna transgressis. Constantiensis Senatus luculentissimo rescripto aduersus famosum libellum in Socios vulgatum, tam honorificè testimonium dixit pro Sociis omnibus, & hac nominatim Familia,

milia vt meritò videri potuerit optanda calumnie
plaga, quæ adeo illustrem innocentie nostræ au-
thoritatem expresserit. Lustrandis tota fere vici-
nia oppidis, ad cæteram bene opinatam laborum
messen, accessit vndecim Hæreticorum in Chri-
sti conuentum transitio.

LANDSPERGENSIS DOMVS

Probationis.

VNVS & triginta Tirocinium priore anno
ineuntes, stratis per vias & compita magnis
ægrorum & egentium gregibus, amplum opero-
sumque campum statim nacti sunt, in quo prima
stipendia vtiliter glorioseque ponerent. Et certè
huius Familiæ ardor in ea sibi palæstra vindican-
da, quam nullus iniret ex tota ciuitate, Marianos
Sodales in eiusdem operæ ac laudis societatem,
insigni ægrotantium bono, euocauit: inter quam
corporum procuracionem, & animorum quoque
ratio est habita, eaque multò maior, vt sex etiam
ab hæresi abducerentur. Beati Patris Ignatij ad-
motæ reliquæ feminis duabus, aut veneficiis, aut
alia peste, toto vultu deformatis, repentinam at-
tulere sanitatem. Nostri ex oppugnanda hæresi
præda octonum cessit capitum, quæ se auelli ab
seclesiatris castris non abnuerunt.



PROVINCIA

FLANDRIA.



RIO R annus in vniuersa Prouincia, domiciliis sedecim, quingentas septuaginta duas operas occupauit: his pauciores quattuor annus alter; illo vndecim, isto septem decessere: adlectorum in Societatem non est satis apertè inita ratio.

LOVANIENSE COLLEGIVM.

PROVGNATIONE positionum de vniuersa Philosophia defuncti sunt, duo de nostris, ea eruditionis & industriæ commendatione, quam plerique negarent, vllum antea vniquam Louanij esse promeritum. Letifero, vulnere ab rivali appetitus adolescens, in aduersarij perniciem tanta obstinatione conspirauerat, vt cum tota Gallia Italiâque fugientem, infestis animis, armisque persequeretur iam solidum biennium, nec cuiusquam

cuiusquam vel auctoritate, vel precibus pateretur se ab vindictæ studio auocari. Deo tamen auspice, nostrorum vnus furentis odio pectus ita emolliuit aduersus hostem, vt ei adducto in conspectû, præsentibus testibus, osculum amplexumque peramanter tulerit, perpetuam quoque necessitudinem sibi cum eo fore iuravit in posterum. Urbani Cœnobij Virgines omnes ab Antistita sua, & inter se singulæ infestis odiis dissidebant, neque cuiusquam industria vel dignitas ei malo medicinam facere potuerat in eum diem, cùm Archiepiscopo venit in mentem nostris multam inesse tractandorum animorum facultatē. Quamobrem ad se vocatos ei componendo mulierum cœtui adhibuit, quorum operam Dens ita fortunauit, vt mox gratia vniuersarum in Præsidem, & singularem mutua reconciliaretur: cuius euenti felicitate Antistes optimus, sua & nostra causa, lætatus est aded, vti se non tenuerit, quin nobis tantum bonum peramicè veniret gratulatum. Hagam missu Antvuerpiensis Antistitis quattuor nostrorum per Paschæ sollemnia versati, Batauicæ ditionis in oppido miserè habito, locupletissimam segetem ex Catholicorum ignorantia, Hæreticorumque pèruicacia collegerunt.

LEODIENSIS nostro in Collegio accensis ciuium studiis recens excitata Philosophia posteriore anno, Lonaniensibus Academicis turbâdi multam præbuit, & sine causa, materiam: ratis nimirum, aut se ratos simulantibus, hanc quantamcumque nostri Gymnasij Leodiensis accessionem fore

fore non decessionem modò , sed interitum quoque suæ Academiæ. Illa igitur seu ex opinione, seu ex opinionis umbra , æmuli nos de scholarum templorumque pulpitis lacerare acerbius , & indignos asseuerare illius vrbis domicilio, quâ clandestinis consiliis euersum ire studeremus : ideoque suos nostra æde , nostro congressu arcere. Atque vt maleuolis sermonibus suscepta temerè odia haberent contumaciter interdum , flagrantque vehementius ; hac iniusta nomini nostro calumnia, cepimus vno tempore inuasi esse tota ciuitate , vt ciuiũ vel maximè antea necessarij, amicitiam nobis apertè ac præcisè renunciarent. Quæ inuidiæ tempestas maledicorum hominum flabris delata, sic vniuersam prouinciam occupauit , vt nos iniquorum consiliorum apud Principem insimulatos, omnium penè mortalium excluderet patrocinio. Eas machinas intenderant , & multa quidem arte, aduersarij, quas ad causam nostram euertendam intelligerent esse omniũ validissimas, cum sic egerunt apud Principem , vt ei persuasum esset , nostro facto suam peti procaciùs , violatique auctoritatem, quasi ei , de Leodiensis Philosophiæ primordiis ampliùs pronuncianti, parere præfractè respuissemus. Criminationibus ita nos traduci, vt earum calumnia optimi Principis aures defensionis nostræ occluderentur , vulnus certè fuit priore vulnere tantò nobis acerbius, quantò indignius est hoc te nocentiorum iudicari, quo tu sis innocentior. Dandus tamen fuit inuidiæ sanguis , & æquo animo excipienda calamitas , quando &

aduersarij & iudex sic animo cōparati ad causam descenderant, vt illi ius suum nulla æquitate metirentur: iste de suo non mediocriter deminui putaret, si nos causæ dictione non prohiberemur. Vt ciuilis odij aduersum nos flamma exarserat, per huius turbulenti motus initia, nemo peritus non planè crederet, ab vrbanis hominibus multos in menses vastam futuram in nostra ædē solitudinem: triduo tamen Liberalium, & tota Sanctiore Hebdomada, inusitatæ frequentiæ ab amicis est adni-
maduersa celebritas, vt eorum nonnulli mirabundi tantę celebritatis felix omen nobis gratularentur. Oëtoni variarum hærescon exsoluti vinculis, & Catholica libertate donati. Adolescens, per illustri natus familia, inter Tirones Societatis ex eius formula peregrinatum dimissus, cognatum, lasciuiis moribus adolescentem, qui ei se comitem vix dū adiunxerat, opportunis sermonibus perpulit ad Pœnitentiæ, & Eucharistiæ Sacramenta: quo in munere hic tã seriò versatus est, inito sanctioris vitę consilio, planè vt asseueraret, antè sibi quouis cruciatu vitam creptum iri, quàm rectè viuendi decretum. Sed, ô adolescentiæ rationem, statumque lubricum! sapiens ille noster admonitor, dignus in quem illud veteris Comici: Qui sibi semitam non sapiunt, alteri monstrant viam: ab eo rectè factorum calle, quò induxerat propinquum suum, turpiter ipse deuertit, vel ante ipsius peregrinationis exitum. Veterum enim sodalium ad se visentium suasionibus, & clandestina matris epistola nequiter fractus, oëtano ferè die quàm in
Tiro

Tirocinium reuenerat , causariam missionem à Præsidibus expressit : moxque sceleratis meretriculæ amoribus , & coniugio , ac pænè etiam hospitii sui cæde , pauculis se post diebus inquinauit. Alij duo , clarissimo genere iuuenes , ineundæ Societatis , quò diuinitus vocabantur , aut prolato , aut abiecto consilio , procliues ruebant in eius ætatis ac moris vitia ; & qui coniunctissimè vixissent adhuc inter se , vt non nisi fratres mutuò appellarent , dum , ex diurna computatione vino pleni , cœnant in caupona , alterque porus largiùs propinanti alteri non satis respondet exhauriendis liberaliter poculis , orta ex eo rixa , super mensam absodali confossus exanimis corruit. Percussori verò , întempesta nocte latebras quærenti , nullum est visum tutius , quàm nostri Collegij , effugium , vbi tantisper delituit , suæ desertionis scelus manifestò incusans , dum ad munitius asylum transiret , vbi etiamnum mœrore confectus iacet , percussî propinquis nullam satisfactionem admittentibus , Bataui adolescentis grauitè hoc quoque anno concussa est constantia , quem scripsimus , anno sexcentesimo duodecimo , matris fraude Antvverpia extractum in Batauos , pio postea dolo in Mechliniensè Probationis Domum aufugissè. Is primùm matre & auunculo ad priuatum colloquium Louanij admissis , & suadere conantibus , vt secum rediret domum , interque suos versaretur , dū vicenario quinario factus maior , quid è re sua foret , certiùs diiudicaret : acutè constanterque retulit , ad neutrius conditionis , aut eius , in qua cl-

set, aut illius à qua descuiisset, rationem periclitandam secessu illo sibi opus esse: cum & illam, nimium quantum sibi perspectam, exhorreret: & hanc, magno suo bono exploratissimam, haberet vita sua cariorem. Deinde verò, quod sibi absurdius ab iis proponi posse consilij genus, quàm vt Religiosæ vitæ caperet experimentum extra Religiosorum hominum contubernia? Numquid matrem & auunculum, vt Religiosæ palæstræ idoneos Agonothetas, istius gymnadis familiarē diaTRIBAM, priuatos inter parietes, sua causa excitaturos esse? His, siue responsis, siue percontationibus, postea quàm vtrique os ita obduxerat, vt pudore suffusi verbum deinde nullum mittere audent: se ad parentis pedes abiicit, rogatque supplex, vt ea & conscia, & auctore, Religiosis Votis sese Deo filius obstringeret: quod nec ea, nec postera die, quintùm ipsi ad genua prouolutus, cùm posset euincere, illius expugnandæ obstinationi potentioribus telis sibi grassandum esse decernit. Nixus ergo genibus, intenta in Christum suffixum dextra, per sacra ipsius vulnera matrem obtestatur, vti se lubenti animo patiatur in Christi Societatem venire, vbi sit futurus parenti suæ, ac ipse sibi vtilior, honoratiorque: quæ si pergat crudeliùs, quàm matrem deceat, secum agere: sicut illa exuat animum, conditionemque matris, sic se filij rationem prorsus à se abdicaturum, inque Virginis, & Magnæ omnium Matris, filio eius fraternitatis ius vltro deferente, adrogationem derepenitè concessurum. Flecti videbatur dura parens, victa

viſta præclaro filij facinore, vt eius votis obſecundaret: ſed à fratre ſeducta ſeorſum, & ab eo inſtituto auocata, filio præciſe ſuum aſſenſum denegauit: cuius ille veniam nihil ampliùs moratus, poſt paullo æternis ſe Votorum nexibus Deo illigauit.

ANGLICANVM COLLEGIVM

Louanij.

AD Britannorum circumſuſam noſtra in æde coronam Britannicè verba facta ſunt, tum cæterorum auditorum multo compendio, tum hiſtrionum in primis quorundam, quos ſiue curioſitas, ſiue forſe eò appulerat: vt poſt excepta Cõcionantis documenta, ſuæ artis pertæſi, ab ea, velut ſaluti ſuæ aduerſa, continuò deſciſcerent. Muſicæ artis callidiſſimus Anglus, eoque nomine, Doctoris Muſici prærogatiua donatus in Oxoniënſi Academia, cùm huc ſiue caſu, ſiue conſultò delatus, de Religione Catholica inaudiſſet, quæ ipſius afficerent animum; vel opulenti honorarij, apud Britannia Regem attributi iactura, Fidem Catholicam, cum inopia coniunctam, redimere nihil eſt veritus. Chriſtiano tamen eius ſtudio Diuina prouidentia in tempore non deſuit, qua factũ eſt, vt Archidux Belgij Albertus eum in Symphonix ſuæ corpus allecctum, idoneo ſtipendio proſequeretur. Ex primaria Britannia nobilitate perilluſtris adoleſcens, Montacutij Vicecomitis frater, per illa ipſa tempora, quibus alia omnia

meditaretur, haussit è cælo missas cogitationes, quæ se ad nostrum Institutū allicerent, quibus obsecutus, se nobis adoptandum singularibus virtutum experimentis dedit. Totus erat in Venatoriis operis, ac ludicris militaribus, & derepente insedit eius animum cupiditas, venerationis ergò, ad eundæ Lauretanae Virginis; cuius cupiditatis ea vis fuit, vt, canibus & seruitiis inter amicos illico diuisis, è Britannia traiceret in Franciam, indeque rectà contenderet ad Audomarenses, Italicae peregrinationis mox facturum initium. Ibi Sacerdos noster cogitatae viæ studio æstuantem ægerri- mē pōtuit tantisper distinere, dum Confirmationis muniatur Sacramento: quo impertitum eum adduxit eò etiam, vt itinere suo ad Diuina meditando secessionē dierum aliquot domi nostræ præ- uerteret. Huius quietis feriati quàm appositè dies multam eius animo lucem, summum rerum ca- ducarum tædium intulerunt: vt ex eo pietatis ti- rocínio egrederetur, certus omnes præsentis vitæ curas exuendi: quo animo confestim, ad compo- nendam rem domesticam, in Angliam regressus est. Sanctaudomarum postea vt reuerterat, ab he- roico facinore sanctioris instituti felicia ducens auspicia, maxima pecuniæ vi coemptas peramplas ardes Britannicis Virginibus fugitiuis, ad Religio- sã vitæ palæstram adspirantibus, benignè attri- buit. Tum suam secum ipse rationem putans quã studiosissimè, adscito in primis eius arbitro Nu- mine, ab altissimæ demissionis fundamento salu- tis suæ negotium sapienter instituit. Honorificæ
condi

conditionis oblata anſa, hoc eſt Sacerdotij prærogatiua, Benedictini Ordinis Patres ei receptum apud ſe ultro deferebant: quibus tamen cum honorem modèſtè renunciauit, meritorum ſuorum ac virium præfatus tenuitatem. Ad noſtrum deinde ſua ſponte conuerſus inſtitutum, adamauit in eo, quod ab luce, atque oculis hominum animaduertit eſſe remotius, familiaris rei miniſterium, in cuius parte ſortem ſibi expetiit; quam adeptus pergit in dies inſignibus eximiarum virtutum illuſtrare monumentis. Alter adoleſcens, reclamantibus nequidquam amicis, in eunda Societatis ſponſione fidem ſuam obligarat, adſcita etiam promiſſi ſui Dei Matre arbitra, cuius conſilij ardor valdè refrixerat, & memoria pænè aboleuerat apud Belgas Hiſpanoſque, inter obeunda ſtudia litterarum. Cui excutiendo torpori, morbus è cælo impactus hominem adigit ad inſtauratiui Voti officium, adoptato Beati Ignatij patrociniò, cuius tum erat Natalis, tam felici euentu, vt votum conſequeretur ſanitas. Verùm quàm citus deinde rediit languor animi erga voti religionem, tam velox adfuit ægrotatio, quæ iteratæ perfidiæ reum acerbiùs tantò multaret, quàm antea, inque vltima vitæ deduceret. Hoc ſecundo verbere admonitus æger, vnum è Patribus noſtris aduocat, ſupplexque contendit, tamenſi minimè promerito, id ſolatij ſibi moribundo indulgeatur, vt ſe legitimis Sociorù Votis Numini obſtringat. Quod poſteà quàm impetrarat, exiit è poteſtate mentis, vitioſo huiuſmodi affectu in multos dies prolato,

per quem vix alia eius est audita vox, quàm, se Religiosum esse: in cuius scilicet meditatione defixum, eum phrenitis occuparat. Tandem, mirantibus medicis, & menti & sanitati redditus, rectè iter intendere cœpit in Tirocinium: sed ubi viæ nonnulla interiecta est mora, euestigio in cessatorem febris ex condicito incurrit, vt aliquando is condisceret, eis modò legibus precaria se vsurum valetudine deinceps, si cum fide se promissis exsolueret. Quinquagenarium manipulum Hæreticis cohortibus detractum in Catholicas copias transcripsimus: in illo autem errantium cœctu, facturum mox Noui Euangelij præconium, eò adduximus, vt concrematis multa cura descriptis conciunculis, ipse salubriorum fieret auditor. Transfuga ex Ecclesiæ Statiuis, Sacerdos, digno suis sacrilegiis auctoramento cohonestatus apud Hæreticos, strenuum agebat vexatorem Catholici ritus hominum, adeoque licetorem etiam, si quis eius nominis ducendus erat in compedes. Sed in ea scelerum profunda voragine demerso affulsit Diuinæ bonitatis lumen, quod vt ipse in animum admiserat, ex duce ad nos delatus, & domi cum cura sacris meditationibus exercitus, vitam Sacerdote dignam seriò in itē instituit. Ex comitatu Britannicæ Principis, ad Palatinum recens coniungem, iter intendētis, plurima Anglicana nobilitas, Romani & non Romani ritus, promiscuè ad nos adiit peramanter salutatum: quibus in congressum nostrum familiariter venientibus valdè probabatur nostri moris Religiosa disciplina. Documentum

mentum eius rei esse possit, quòd Nouitio, per id tempus dñus ianuam procuranti, accidit cum torquato Equite, nobilissimæ arcis apud Anglos præfecto. Percontabatur hic nescio quid, paullò curiosius fortè, ab ipso ianitore, qui se vt respòdendi officio honestè absolueret, id modò sciscitanti modestè retulit: se, vt Tironem, iniussu Præfidis prohiberi legibus, sermonem cum extraneo miscere. Quo responso Eques mirificè delectatus, cœpit palæstræ nostræ rationem palam efferre magnificis laudibus, eamque seueriori bellicæ disciplinæ planè consentientem cum voluptate assueverare.

I I S D E M parietibus clausæ, vnoque iunctæ contubernio duæ familiæ, Sociorum scilicet huius Collegij, ac Tironum, non sine aliquo vrriusque corporis incommodo, huius tandem biennij altero anno, ædium varietate ditētesunt, Tironibus in propinquum domicilium, fornice nobis iunctū, migrantibus. Hanc habitationis laxitatem conciliauit nobis vir Anglus perillustis, annuis censibus octingenū aureorum huic Collegio in perpetuum attributis: quam domesticæ rei commoditatem, alacritas maior obeundarum functionū, vt par erat, in vnoquoque Collegarum mox est consecuta: & hanc alacritatem operæ vbertas messis amplior continuò excepit. Anglorum huc ad nos confluentium benè multi recta de Fidei rebus sentire ac proloqui demum edocti sunt, quos puderet tamdiu falsa pro veris & censuisse, & turpiter venditasse. Dubia multorum & perplexa Fi-

dei ratio perspicuis solidisque prædiis ita affirmata est, vt deinceps fluctuaturi minimè videantur, neque suas mentes allisuri ad inanium dubitationum scopulos. Concionatorem Britannici Regis egerat Beniaminus Carerius, quem Fors fortuna cum ad nos appulisset, Cardinalis Bellarminij de Fidei Controuersijs libros is auidè percurrit, proque ingenua indole non dissimulauit, vinci se illius commentarij momentis, in quibus nudam germanamque sinceræ Fidei veritatem agnosceret: vti datis ad eundem Cardinalem litteris deinde lubens professus est. Cuius veritatis studio elatus mirificè, nihil habuit antiquius, quàm vt eius se alumnum primò, ac deinde defensorem assertoremque palam omnibus proderet. Quamobrem regressus in Angliam, nescio quid residuum in Belgis negotiorum causatus, ab Rege impetrat diuturnioris temporis comitatum, moxque ad nos reuolat, euulsurus scrupulos, qui reliqui in animo residerent: quibus exentis ad Collegas nostros Louanienſis Collegij clam transit, vbi Fidei Catholicæ mysteriis, magna sua voluntate, initiatus cum esset, denuo ad nostrum conubernium rediit. Aemulorum quorundam crebro inuitatu fatigatus, vt à nobis demigraret, numquam se persuaderi passus est, nostro semper hospitio, consortioque vsus, singulari sua lætitia, vt eo nihil sibi iucundius accidere frequens contestaretur: cum interea totus in eam iucumberet curam, vt simul excipienda docentium institutione, simul singulorum præclare factis studiosè notandis

notandis , Christiani hominis omne officium, sanctosque mores ipso usu combiberet. Non facile dictu sit , quàm frequentibus , & officiosis contestationibus , quamque luculentis argumentis suam beneuolentiam , acceptique per Socios beneficij memoriam nobis perspectam fieri contenderit : à quibus se diuelli non sustinuit , quoad accessitu Cardinalis Perronij transit in Franciam, ubi haud ita multò post sanctissima morte acquieuit.

ANTVERPIENSE COLLEGIVM.

PATRi Ioanni David huius sæculi annus decimus tertius , primus ac tricesimus initi nostri Ordinis , septimus & sexagesimus ætatis, & vitæ supremus , quattuor Vota professo , fuit. Magni nominis , & sanctæ vitæ Curionem Contraci olim egerat, in natali vrbe, vnde illum eximia sua virtus, quòd Hæreticorum luminibus obstrueret, tertio iam exactum , exulare cogebat, cum Societati se adiunxit, quò totius suæ ambitionis oculum pridem adiecerat. Sic familiæ rationem compositam Parochus habebat , vt, ne matris quidem admissio contubernio, domi omnia dirigerentur multa morum seueritate : cuius ipse austero viuendi exemplo , lex mera veriùs , quàm legislator esset. Vtilissimum perinde atque durissimum ei fuerat perpetuò stratum, secundum quod iaceret sepulchralis ex asseribus loculus , extremæ horæ
moni

monitor assiduus , & , siquando substratæ cuban-
ti duriores paleæ mollius blandiri viderentur, de-
sultorius lectulus , in quem ex quotidiana stibade
transiliret. Cæterum instructissimo solidarum vir-
tutum choro , eius animus celebrabatur : quarum
indices erant , atque fideles administræ maceran-
di corporis istæ, quas diximus, exercitationes tam
sedulæ : vt ei ad Societatem accedenti , non modò
subactum esset iam pectus ad illustrium facinorum
excipiendos satus: sed multa etiam præclarè agen-
di facultate , ac rectè factorum vberi messè fecun-
dum. In Tirolinij nostri vmbra versabatur , cum
Cortracensis Senatus, sui olim Davidis destitutus
præsidio , Societatem nostram expetiit : cui Sena-
tui vt idoneas suppetias ferrent nostri Præsides , è
domestico otio in puluerem aciemque mox pro-
ductum Davidem Cortracensibus suis summise-
runt , qui eo loci familiæ nostræ præsideret , &
contra perduelles in Christi causa sacrum bellum
administrarer. Caput familiæ Cortraci octonos
annos , inde Bruxellis , post Gandaui egit , atque
iterum Cortraci , magna cum sua laude, omnium-
que , quibus præfuerat , approbatione. Gandaui
cum pro Rectore gereret, concionibusque ad ciues
panè occuparetur assiduè , non destitit in sædam
sacrarum statuarum cladem , ab Iconomachis
Caluinianis illatam, acriter dicere, quoad frequen-
tibus tota vrbe basibus signorum suorum pigno-
re orbatis , aut publico , aut priuato sumtu , suæ
statuæ de integro inducerentur. Ei porro in Dei
castris plurimarum nobiliumque palmarum bel-
lato

latori , cùm, fracta laboribus senecta, regendarum
Familiarum & munerum cæterorum vacationem
demum impetrasset , Antverpiam capessen-
dæ quietis missus est : vbi , paucorum mensium
iucundissima consuetudine , solidissimæ virtu-
tis expressam spirantemque effigiem in Socio-
rum animis consignauit: hocque defunctus, extre-
mo erga nos officio , ad euocantem se Imperato-
rem , palmam accepturus accurrit. Beata Virgo
Aspricollina , Fratris nostri , diris tetri morbi cru-
ciatibus conflictati, votis sollicitata, eum derepen-
tè persanauit , in quem summa Medicorum ars
suam vim omnem frustra expromserat. Ei, ad strā-
guriæ , cruentique vomitus & laterum acerrimos
dolores, accesserant atrocissima frequentium con-
uulsionum cruciamenta : vt ex copia fœtidi puris
ab ore manantis , & intolerabili immanium do-
lorum carnificina, medici coniicerent ei omnia vi-
scera fœdis abscessibus , aut gangrænæ pestibus,
tabida frustillatim decidere: vnde nulla vis huma-
na eum ad vllam spem sanitatis vñquam excita-
ret. Itaque quò minùs præsidij sibi reliquum factū
vidit æger in mortali ope, hoc acriùs & confiden-
tiùs animum erexit ad immortalium patronorum
exoranda subsidia : sed nominatim Magnæ Matris
Aspricollinæ : cui, bona præsidum venia, cùm vo-
ta nuncupasset, euestigiò consanuit. De cuius mor-
bo & sanatione iurati Medici scripto suo & chiro-
grapho deinde responderunt : grauitatem multi-
plicis mali eam fuisse , cuius efficiendæ sanationi,
non repentinæ modò , sed cuiuscumque , ars nul-
la hu

la humana par esse potuerit. Quinis conuentibus
dispertiti, variorum Ordinum, ætatumque, Soda-
les milleni quingenteni, eoque ampliùs, non ma-
gis numerosi agminis celebritate, quàm in assi-
dua virtutum palæstra, præclarè factis, Sodalitij
germanum decus tueri perseuerant. Ex Virginibus,
quæ bene multæ perpetuam castitatem, abiecto
vestium cultu, in parentum ædibus sibi indixe-
runt, vnius ad stuprum atrociter appellatæ, for-
tis ac eximia in primis fuit constantia. Huius insi-
diatus solitudini amator nequam, inopinatò in-
uolat in imprudentem: plenaque manu oblati
nummis aureis, ad flagitium studet pretio allice-
re: cui, cum indignatione tetrum scelus auersan-
ti, stricti mox pugionis mucronem nudo pectori
admouet, ad exprimendum terrore assensum, quæ
preces & pretium non euincerent. Hic virgo, non
animis perinde consilioque, ac viribus defecta,
intentis in cælum oculis, clara voce Christum ap-
pellans: Per ego te, inquit, quæcumque iura spō-
sis sponsas iungunt, Castitatis suasor vindexque,
precor quæsoque, hoc ferro mihi pectus hauriri,
& hanc animam exigi, patiære potiùs, quàm vt
tuis Hymenæis sacrato pudori labecula vlla infe-
ratur. Diuini amoris plena vox, de casto prompta
pectore, occulta vi, vim parantis tetrum furorẽ
inhibuit euestigiò, succēsamque Tartareo igne flā-
mam libidinis, instar glaciæ aquæ subitò affusæ
oppressit: voluntatemque insuper proterui homi-
nis, virtutis admiratione, ita demeruit, vt qui
crepturus pudicitiam venerat, eius conseruandæ
inpuel

in puella institutum p̄nc contrā mirificè prædicaret. Fregisti, inquit ille, fortissima Virgo, libidinosis hominis ardentem impetum tua castimonia: & eius certè hominis, qui hoc genere pugnae nunc se mauult, & tuis quidem auspicijs, victum quàm victorem. Perge igitur, innictis his animis, & mei similes, & teipsam, perpetuata victoria, debellare: cui ego maximo opere cupio Superos hanc triumphorum gloriam fortunare. Sed interea, quod vitando purissimo corpori comparatum erat pretium, tu præmium sume pudoris heroico facinore propugnati. Quibus dictis, proiecto ad pedes auro, se properè subduxit, victricique Amazoni, & prælij campum, & triumphij gloriam fruendam reliquit. Honoratissimæ matronæ, ventrem gerenti, sancta cupido incesserat, illo ipso die fundendi sui partus, nono vertente mense, quo die, in eam rem fortunandum, apud nos Diuinam sumserat Hostiam: cuius optatis obsecundante Deo, commodum reuerterat domum, cum feliciter peperit. Auctam deinde mulierem cupita prole subiit hæc cogitatio: satius longè fuisse non suscepisse liberos, quàm peccaturos aliquando in Numinis sacras leges eduxisse: quamobrem ex ea hora institit Deum supplex orare mater, vt si quidem sua filiola commissura quidpiam esset in eum facta grandior, vt adhuc prauis rectique nesciam maturè ab se raperet. Atque vti biennis puellæ animus, antegressis ætatem, viuendique cupiditatem desideriis, occuparetur, cœpit parēs puellulæ auribus occinere frequentes narratiunculas

de An

de Angelorum choris innocentium animos in cælum lætanti pompa euehentibus : cuius lenocinio & assuetudine carminis pellecta filiola, quam mater studuerat, combibit melioris vitæ cupidinem, & in cælitum beatos cœtus adspirare ardentem instituit. Non alienam Diuino consilio fuisse matris filiæque cupiditatem euentus proximè intercedentis morbi ostendit, quo vt vehiculo elatum iri ad cælos natam suam rata parens, post aliquot dies nostram in ædem venit supplicatura secundùm Diuini Epuli mensam, vti eo die, si Deo ita videretur, ægrota è carcere corporis euolaret. Vbi autem suas in ædes regressa, visit ad decumbentem, & cum ea queritur, longiorem videri Angelorum moram, puellula, quæ sextum iam diem, superante morbo vires, siluerat, iis quæ locuta erat parens, respondit: Ita est mater, atque inter eam responsionem, suauiter matri arridens, placidissimè animam exhalauit. Vtriusque porro anni opera, domi forisque, reconciliandis Deo Ecclesiæque non paucis Hæreticis variorum dogmatum perfructuosa fuit.

BRUXELLENSE COLLEGIVM.

TRICENARIVM, ac maiorem eo, concionatorem cùm ageret, & quidem inter eius muneris principes viros, Pater Ioannes Gaudanus, Votorum quattuor Professus, pænè ab pueritiâ prima in Socios allectus, ex corporis erga
stulo-

itilo absolutus est. Felicissimo ingenio decurrerat multa cum laude omnium disciplinarum gradus, euaseratque in earum fastigium clarus, quibus deinde vteretur appositissime in procuranda salute mortalium. Huic cum aliæ quamplures inerant egregiæ dotes, quæ hominum conciliarent gratiam, tum ea iucundissima, quod animo & fronte perpetuam lætitiā præferret: quæ vsque eò perseuerauit, vt non desereret et letali morbo affectum: vt nec ipsi, nec valetudinarij administris molestiæ morbi graues esse possent. Vicesimo ferme ab hinc anno Sacerdos ab nostra Societate defecerat; Leodij adhibitus ad Sacrarum rerum exercendas Quæstiones; pòst variis locis Parochum egerat, nusquam animo acquiescens, vt tandem ad Bernarditarum familiam transfireret, si quo pacto mentis iugiter oblatrantis tumultus sedaretur. Eius Ordinis cum esset, negotij gerendi gratia Bruxellas venit, vbi grauior cum insedit ægrota-tio, secundum quam Patrem de Collegio nostro aduocat, quem palam omnibus aduentantem, ita compellauit cum gemitu, lacrymis ore toto fluentibus: Heu Pater mi, heu miserum me: cur ego imprudentissimus istam vestram, tam sanctam Societatem, bonam meam olim parentem, meo magno malo, deserui! Studui ego quidem, quoad licuit, hoc inito Ordine, quem nunc profiteor, sarcire illam meam culpam, qua temerarius excidi è Societate: sed pacis ac quietis nancisci nihil-dum potui. Et quidem omni asseueratione tibi affirmo, nulla cogitatione angere me tantopere,

V

quàm

quàm dum obuersatur animo, & obuersatur perpetuò, ille supremi iudicij confessus, meae causae arbitris, Iesu & Ignatio, vtrisque olim parentibus meis optimis, à quibus, infelix, turpi defectione descieuerim. Certè illud me terret, cùm memini, ex quo à vobis defecerim, etiam post initum, exque formula studiosè obseruatum, Beati Bernardi hoc Institutū, liquidæ voluptatis nullā me particulā Diuinis in rebus haurire potuisse. Iam verò, si Numini visum erit, ex hoc morbo me fieri aliquot dies superstitem: qui mihi non sapiui, dabo sedulam operā, vt alij meo exemplo sapiant. Scribam vestris Tironibus, & scribam disertè, vt intelligant, discantque meo periculo admoniti, excludere omnes omnino ab se cogitationes, alienum quidpiam ab Societatis Instituto, quacumque specie boni, suggerentes: ne pernitiæ suae emant inutilem olim futuram poenitentiam.

Annorum quattuor & sexaginta viuere desiit, posteriore anno, Pater Ioachimus Arehts, Bruxellensis, in Societate agens quartum & vicesimū, ab singulari vitæ innocentia, & religione, iam inde à puero, celebratus inter suos. Obscurus olim amicorum consilijs, Iurisprudentiæ laurea insignis in Causidicorum Decuriam venturus videbatur: sed potioris fori studio ductus ad Sacerdotium se conuertit, & quidem opportunè Bruxellensium Catholicorum bono, quos perduellium iniuria publico Sacerdotum vsu orbauerat. Per illud enim Hæreticæ dominationis tempus, occultis habendis rerum sacrarum conuentibus, in ciuium animis

mis Catholicam Fidem vehementer affirmant, quoad pio eius dolo rumoribus manante ad aures aduersariorum, vrbis pomario carere iussus est. His in alienam salutem procurandi muneribus, solum in eius mente idoneum parabatur inferendo postea Societatis Instituto: cuius deinde factus particeps, incensum illud iuuantorum animorum studium exaggerauit magnopere, acerrimo flagelli, & continenti pene inedia ac cilicini saguli usu adhibito, quibus comitabatur iugis, & ardentissima precatio. Religiosissima ei perpetua fuit Obedientiae lex, vt iniussu Praesidium, nihil eorum sibi omnino indulgeret, quorum vel pessimè affecta valetudo ei multam necessitatem imponeret: vt saepenumero sit obseruatus, multo manè, pluuio aut niuoso caelo, plus centenum passuum via, Patrem Ministrum Collegij adire, cuius bona venia nocturnae insomnia graues molestias aliquantula quiete in lectulo mitigaret. Vilium in Societate munerum non patiens modo, alacerque administrator, sed flagitator quoque ambitiosus, ætate ad senium deuexa, quinque fratrum ex eadem familia in Societate maximus natus, vnus diutissime vrescentibus ad mensam Collegis egit anagnosten. Princeps Arausionis Guillelmus, prouocatus Beati Guillelmi sibi cognominis, in scenam producti, quam lepido dramate, millenos aureos templi nostri fabricae donum misit.

G A N D A V E N S E C O L L E G I V M.

V N D E Q V A D R A G E S I M V S ætatis annus, tertiusque decimus susceptæ nostræ militiæ, Patri Philippo Noorman initium vitæ melioris in cælo fuit, quem eximia innocentia, singularisque morum candor, visa sunt meritò Beatis adscripsisse, quoad humana rem tantam dispicere ac diiudicare possunt arbitria. Antistes Gandauensis, propagandis tota diocæsi, ad Ecclesiasticâ rem rectè administrandam, idoneis Theologis, Seminarium Clericorum in vrbe instituit, eidemque adiunxit scholas, quibus nostrorum duos præfici doctores voluit: admissis in auditorum numerum, præter alumnos Seminarij, nonnullis selectis adolescentibus, quorum aduentitio manipulo lectiones fiunt celebriores. Quod mirum censerì iure possit, in tanta gentis obstinatione, Zeelandiana integra familia, nostris facem præferentibus, lucem veræ Fidei aspexit, atque amplexa est.

G R A N D I natu venerat in Societatem, è familia nobili, Pater Petrus Iserhendricx, qui tamen, quod reliquum fuit apud nos, tam fructuosè posuit in sua, & cæterorum salute vindicanda, ut paucorum dierum compendio multas annorum centurias adæquarit. Cum cætera omnis functio Religiosi hominis in eo fuit eximia, tum illa inter paucos singularis, quodd egentium imbecilla vel morbo vel fame corpora, sed animos in primis

mis seu ignorantia seu noxiis affectos administrauit tam sollicita cura, vt infinitos, p̄ne ab omni humana ope desertos, vnus credatur in salutis portum inuexisse: quò & eum speramus appulsum esse, anno huius sæculi quartodecimo. Ex Hæreticæ seruitutis nexu emancipati duodecim, ingenuitatis eo iure, quò optimo, in Ecclesiæ regno donati sunt. Herniam pueri nulla medicorum industria sanabilem, post multorum annorum inanes curationes, simulac eius mater Beati Patris Nostri aræ, voto ei obstricta, stitit puerum, puer ipse sensit persanatam esse, ab cuius sanationis die annus iam processit, testis penitus affirmatæ valetudinis.

B R V G E N S E C O L L E G I V M.

QUINDECIM nobis auctoribus Hæreticam infamiam deterfam illustri perinde vt fructuoso Catholicorū nomine commutarunt. Vnus aliquis, noster olim discipulus, ingentis contumeliæ loco habuit, alieno die illatas sibi ad mensam carnes ab hospite, vt calidas iurulentasque in os apponentis impingeret; cui suo, haud planè liberali facto, hanc interea speciem æquitatis obtenderet: Non iis cibis, tali die, ab Iesuitis magistris se nuper assuefactum esse. Coniugem adulterij compertum vxor implacabili furens odio, extinctum velle cœpit tam impotenter, vt magna pecuniæ vī comparatum sicarium ei contru-

ciando apponeret: cuius flagitio iugularetur omnino, nisi Sacerdos noster, concubata maturè gratià coniugum, percussorem ab meditato scelere auertisset. *Damnus*, in propinquo oppido, præsidarius ex militibus Sodalitium Marianum excitauimus, cuius iam se ostendunt vberes fructus, & exspectantur vberiores, ipso maximè cohortis Prefecto familiam ducente in hac pietatis palæstra. Desponderat sibi Hæreticam puellam, quàm diutissime adamatam, ritu Hæretico ducturus Catholicus adolescens, spe illius ad Romanum dogma olim pertrahenda: quæ vt ante nuptias in hæresi occubuit, mirè cruciari sponsus, ac pro ea, si forte morientis animum poenitudo falsitatis cepisset, preces ardentes fundere. Sed ei rosarium et causa enixè decurrenti vltimicibus flammis circumfusa visendam se præbuit, denunciauitque arbitranti gloriæ indices illas esse flammæ, sibi vt Hæreticæ perpetua esse iusta supplicia, pariaque sponso indicenda fuisse, si eos copulasset vnà Hægōnotici moris triste matrimonium.

IP R E N S E C O L L E G I V M.

EX A V C T O R A T V M se Monastica militia vir nefarius, veluti augustioris cuiusdam sacramenti castra initurus, armatum satellitem nescio cui cum se addixisset: qui abiecto pridie cneullo caput suum exaugurauerat, credidit sanctius se inauguratum iri, vbi adscita concubina. scelus
 scele

scelere nauiter exaggerasset. Hunc, octona iam stipendia in Martis, ac Veneris utroque exercitu, pari constantia merentem, sui Ordinis Præfides in flagitio deprehensum, utri piū fasque fuit, Monastici Sacramenti scelestè violati reū in custodiam & compedes dederunt. Ad quem, imminis sacrilegij pœnas luentem, noster aliquis adhibitus perfecit suadendo, ut nullū notū supplicium sacrilegio suo deberi lubens agnosceret, perpetuamque sanctioris vitæ legem ipse sibi ultro imponeret. Quinū dierum intolerabiles in moliendo partu dolores ab matrona depulit, felicemque nixum impetrauit, B. Ignatius.

Altero anno Iprensis adolescens, in Hierosolymitana peregrinatione captus ab Turcis piratis, semel iterumque ad Mahometanæ Circumcisionis, Turcicique coniugij nefanda sacra pretio pœnaque appellatus, Terram Sanctam, cuius in conspectū iam venisset, Christique contestans vestigia, prædonibus fortiter denunciavit, aditurum se lubentiùs quorumvis suppliciorum carnificinam, quàm ut Mahometismi sacrilegiis sese inquinaret. Religionem hominis Numini iucundam cecidisse inexpectatus docuit euentus, cum truculenti homines ad oblatas ab adolescente conditiones descenderunt, qui sibi vitam libertatēque ab eis pactus trecentis quinquaginta florenis Belgicis, Ipras misit, qui suis necessariis rationem suæ captiuitatis nuntiaret. Ei redimendo pretium, viaticūque reducendo ad suos, Collegij nostri Rector ab Iprensi Magistratu cum esset promeritus,

postea è nautico ergastulo reducem, & Societatis nostrę beneficium inuitatis gratiis prosequētem, ad Magnę Matris Sodalitium idem Pater Rector valdè cupiētem admisit. Casserī, ad occasum oræ Flandricę, quaternis Sociis, cum agrum culturis deinceps, sedes constituta est, magna spe messis longè vberimę. Ballioli quoque, tertio ab Ipris milliario, in possessionem fructuosę missionis venimus, repugnantibus tamen auctoritatis multę viris non paucis: quorum vim perfringere pari auctoritate gratiaque alij municipes. Horum vnus, in suadendā publice huiusmodi Missionis, rationum pondere, atque ardore dicendi eò prouectus est, vt stuporem audientibus incuteret: quibus, vt sumptum eximeret sollicitudinem, tergiuersationisque omnes ansas amputarer, prolata syngrapha, fortunas suas omnes Missioni fouendę obligauit. In quam excipiendam incumbentes municipum animos, ab ea oratione quam diximus, Benedictini Ordinis in propinquo Cœnobiarcha, peramicè suscepta causa Societatis, omnino perpulit.

CORTRAC EN SECOLLEGIVM.

GENERIS egregiam nobilitatem maiore virtutum exornauit claritudine, tum viuens tum moriens, Pater Philippus Zueuefeel, Flander, quem Adintorem Spiritalem quinto & quadragesimo ætatis anno extulimus, in nostro cœ-

tu vicenarium quinarium. Ad Religiosi hominis proprias dotes, plurimas & singulares, corollarium ei Græcarum litterarum pernobile amplumque accumularat sua industria: quibus tradendis disciplinis multos annos celeberrima doctorem egit: sed quem cætera omnis virtus, magis etiam, quam rara doctrina, commendaret. Anxietate conscientie tantum non perditæ matronæ, ut mole angoris oppressus animus ad desperationem vergeret, pacem salutemque peperit triplex votium Beato Ignatio sacrificium, & ad cenotaphium, pridie Natalis ipsius, pia oratio. Alteri feminæ in vitæ periculum adductæ grauiore febris æstu, altero die, quam pro ea Beati Parenti est supplicatum, incolumitas planè restituta est.

V I N O C I B B E R G E N S E G O L-
legium.

QUADRAGESIMO altero quā viuere, decimo sexto quā esse noster cœperat Pater Ioannes Canisius Neomagensis, rationes cum vita supremas putauit, easdemque probauit. Nummi, ut vita eius acta ex virtutis norma, & Religiosi Instituti formula, nos sperare iubet. Moralis Theologiæ idem magister, ad ciues Concionator, auditorque Confessionum pænè assiduus, cum hæc munia obiret strenuè, residui tamen temporis aliquid nancisci solebat, ut ad agrestes ecurreret. Biennium versatus in castris frequentet

conferuit manus cum Hæretico, & vbicumque
 fors tulit, vt in hoc hominum incideret genus, acri
 eos animo semper agitauit: quæ ex acie, vt copiis
 instructior perpetuo redibat, ita paratior industriis
 ad impugnandos hostes, quos & scripto volumi-
 ne confutauit: Petri illius Canisij dignus prone-
 pos. Canisius alter, cui Petro nomen, Gandaui
 natus, agens inter nostros annum septimum, tri-
 cenarius cum ad nos adiit, singulari pietate in Dei
 Matrem, quæ non vana est probitatis nota, eo-
 dem pæne tempore decessit. Duobus Martyribus
 excipiendis Gerontio, eiusque socio, aduectis ad
 nos Roma, Bergenses ciues pios se iuxta & ma-
 gnificos præbuerunt: nominatim verò, in huius
 triumpho cohonestanda liberaliter pompa, Mun-
 darum Abbas suam Bergensibus Societatiq; be-
 neuolentiam impensè commendauit; cum Sacra-
 rum ab se obitam reliquiarum transuersionem
 terminauit splendido epulo, domi nostræ, Clero
 ac Magistratibus dato, postridieque discipulis no-
 stris, lepido dramate hanc vrbi faustitatem gratu-
 lantibus, munificè præmia diuisit.

Annus secundus, idem funestus huic familiæ,
 duorum iactura Patrum: idem latus iis quos con-
 tinenti pæne funere abstulit. Pater Matthæus Eu-
 chronius, Iprensis, vnde septuagenarius, assiduus
 eximisque annorum quadragenarum quinquæ labo-
 ribus in Societatis stadio clarus, non potuit non
 felicem incundumque ducere sui exitus diem. Tri-
 cenaria ei fuerat concionum opera: Confessionum
 vicesenaria senaria: quibus muneribus, industria
 singu

singulari nec absimili religione obeundis, cum cæteris, quorum animos excoluerat, tum Hispaniensi militiæ in primis, gratissimæ euaserat. Præferuido imperu cum natura eius ageretur, sic dormitos habuit omnes animi motus, ut eo nihil temperatius, obsequentiùs nihil fingi posset: multa scilicet, ardensque oratio, quæ potentior nulla est machina frangendis, quæ virtuti obsunt, impedimentis, hanc ei moderationem, veluti nativam adsciuerat. Thomas Hallæus, Hibernus, octonum dierum intermissa ab exsequiis cessatione, ad integrandum funus nos reuocauit, octauo anno quam in nostris census erat, quinto & tricesimo ab ineunte vitæ. Theologicum penum quam instructissimum in pectore sibi viderat, sed omnium virtutum refertissimam in primis apothecam, ut, hoc utroque præsidio valide septus, popularibus suis iret superbas. Huius tam prolixæ voluntatis eandem atque ipsius reipsum gestæ provincie rationem Deus habuit, exemitque molestia Hiberniæ, ac reliquæ omnis palæstræ ineundæ, ut compendiarie via in meditata victoriæ triumphos induceret.

TRAIECTENSE COLLEGIVM.

NEQVE funebri officij & narrationis hic factus adhuc modus, quando duo quoque Socij hanc familiam operis suis in perpetuum orbarunt: quorū vnus non editur nomen: vbi de eo memoratum est, otij minime patientem fuisse, ac cum
qui

quidem inter familiaris ministerij Adiutores. Sacerdos alter Pater Remerus Ryſvvyk, septenarius in Albo noſtræ familiæ, cui ſe vicanarius ad-dixerat, omnium maximarum virtutum ſtudio ardens inuſitato, vt iam plurimarum ſtudioſa cura eum faceret compotem, factura cunctarum, ſi vita longior ſuppeteret. Precationis ardentiffimæ quotidianus vſus, diligentiffimæque perſcripta ratio omnium beneficiorum, quæ oranti ſibi diuinitus acciderent, momenti multum afferebant in dies ad minimè vulgares virtutum proceſſus: vt eſt ſcilicet diuinis donis promerendis expeditiffima via, eorum recordatio perpetua, gratique animi teſtis commemoratio. Mentis cum Numine coniunctiffimæ, ergaque illud inuſitata reuerentiæ index in illo fuit cogitatio tam potens ſui, vt inter orādū, vix aberraret tantillū ab eius obtutu, quem nuſquā non ſibi præſentē veneraretur. Gemino argumento colligi potuit, alūnum Ignatij, vt cælo maturum, euocari ad præmia, ſuique occaſus præmoneri; quando & ipſe Beati Parentis Natali ægrotare cœpit; & biſtremi pia lectione ante obitum, quidquid duplici codice legendum incideret, alterutram induceret, aut morbi aut mortis mentionē. Rhēni alueo fermè inſidentia oppida quatuor, Grollā, Rhēnobergam, Olderaliam, Lingā, ab Marchione Spinola perduellibus Batavis nuper erepta, Patres duo reſtituenda in integrum, ab hæreſis vaſtitate, ſuſceperunt, opera primū difficili, ſed læto tandem fructuum prouentu. Fuit ubi non admitterentur principio, aut acciperen-

tur cum indignatione : sed postea ex fructu animorum cum operæ ratio constare cœpit oppidanis, illa prior ab alienatio mentis vertit in beneuolentiam venerationemque, vt priuatim publiceque nostri colendi ac prædicandi finem nullum facerent. Vnde, tametsi res gestas, & latos expeditionis euentus, singulatim scribendo non persequamur, intelligi tamen facile possit, quanta labes & vastitas ab nobis illata sit ignorantia vitio, hæresi, annum iam quintum decimum ea tota regione bacchantibus.

SILVADVCENSE COLLEGIUM.

LVSTRANTI, ex Societatis formula, Pro-
uinciam hanc eiusdem Præsidi, Patri Guillelmo Verannemano, quasi eius aduentus bona huic Collegium inuideret morbus, in via ipsi hostiliter insidiatus, pestilentis affectus labem inussit, quæ vicesimo sexto die corpus ægrum conficeret. Cuius viri, planè magni, vt perdifficile scribenti fuerit, eximias laudes subiicere legentium oculis, ita erit ei quidem procline, audientium verò conditioni opportunum, quo præclaræ huius hominis comprehendantur vniuersæ dotes, vnum modò eius facinus, quod postremum in vita edidit, ponere. Ab inusitata cuiusdam demissionis animi studio singulari, & intimo sensu, hanc ex suis familiis vnâ, cuius in oculis occumberet, exemplis quàm verbis instituere rarus longè fructuosius,

fius, hoc dumtaxat allocutionis genere moribundus affari voluit, uti nos erratorum suorum veniam ei daremus. Prouincialem deinde cum sibi subrogasset, mandatorum ei nihil aliud iniunxit, iniunxit autem quam accuratissime, uti tota Prouincia scriptis suo nomine litteris, ab Sociorum singulis noxarum suarum sibi gratiam flagitaret studiose, impetraretque. Quæ optimus Pater, cum faceret ingenio suo, atque penitus insitæ modestiæ tantum obsecutus, aliud omnino agens, & quod omnium minimè cogitaret, seipse qualis quantusque esset, quam appposito, ad delitescentium suarum virtutum exprimendam speciem, penicillo figurabat. Quadragenarium contumaciæ calum obductum erat cuiusdam animo, ut nullius Confessarij aut indicium, aut etiam vultum subiret, cuius duritiæ molliendæ ut religiosa coniux, propinqui, & amici, rationes plurimas excogitassent, nulla processerat adhuc, cum nescio cui venit in mentem, ut eius vxor cum quacunque machina induceret ad Concionatorem nostrum audiendum. Ut id saltem daret rogantibus, persuasus tandem est, nec citius aures dicenti præbuit, quam ex oculis se profuderunt copiosæ lacrymæ, colliguesfacti pectoris testes, ut mox quadrageno situ coucueram mentis illuuit apud nos detergeret. Eodem remedio factum melius est adulescenti nuper Lutherano, cui, ab deterfa hæresi, multo usu inoliti mores profligati sic adhærescebant, ut nihilo probior, quàm improbior esset, quam fuerat, nondum posita hæresi: quem illico sibi dissimilli

simillimū fecit vna auditione Cōcion tori nana-
ta opera. Beneficentia Geisberti Masij, Siluaducē-
sis Antistitis, huic Collegio in perpetuum con-
tributa sunt rusticani Cœnobij octingenū Flo-
renū vectigalia annua: cui Episcopo, eidemque
Sodalitatis, ab Visitantis Virginis mysterio dictæ,
apud nos Præfesto, insequenti anno mœrentes
parentauimus, cū, euocante ipsum Patrona Ma-
ria, ipso die sacro eius cognatam Elisabetham vi-
sentis, suauissimo leti genere decessisset.

R V R E M V N D E N S E C O L L E G I V M .

ANQVISITVM est capite in bene numero-
sam mulierum decuriam, veneficij comper-
tam, de maiore septingentarum cohorte, quæ, in-
fandarum Menadum ritu, sanctioribus diebus pro-
fligatissimæ impuritatis Bacchanal celebrauent,
ex sectæ suæ instituto, ad mysteria nostra si fieri
posset, sacris religionibus suis exauguranda. Quod
autem Orcus diuina eis flagitiorū communione
consueuerat, vt inusta deprauatis animis scelerum
cōtumacia disciplinam recti sanctique non admis-
sura timeretur: adhibiti sumus studiosè, ad præ-
rētandas idoneo sermone abalienatas ab sua salute
mentes, si qua industria eius neglectæ cupido eis
ingenerari posset. Vna vel altera in sua perniciē
occupatū Cacodæmonis fascino pectus obdurarūt,
reliquus tamē numerus, quod impellebamus, se ad-
duci denique passus est, luendisque deinde suppli-
ciis

ciis æquitatē mentis prætulit sibi salutarē. Armata ab nobis cereo agno, Cacodæmonis vim fraudemque in carcere facilè ab se auertebant, quæ sacro amuleto non se exuerent: sed vna Tartarei amatoris studio adhuc implicita, cū ille arceri se fateretur virtute cereæ plagulæ, ne propiùs adiret, orabat vti eam, velut suis naribus foetidā, abiceret: quæ vt ei obsecuta est, mox integrato inter ipsos amatorio fœdere, quod sacra cera abruperat: miseræ illi factum est peiùs, quàm antea fuerat. Aliæ quinque sagæ attinebantur eadem custodia, quibus vt ille sanguinarius prædo suadere non potuit, vt salutari se clypeo exarmarent, ita quoque illo arcente inhibitus est, quò minùs in mulieres inuaderet.

Ad insequentis quoque anni partem non minimam pertinere frequentes de veneficiis quæstiones, vt hoc biennio plus sexagintā sagæ, immanium scelerum damnatæ, in accenso busto deflagrarint, plurimam partem nostra opera expiatæ. In hoc maleficij genere formidolosissima est eorum factio, qui, lupina specie ac ingluvie sanguinarij, dentibus furenter grassantur in mortales: quo de grege ad vnum, supra cæteram improbitatem, etiam Hæreticum, cū propinquo in oppido ægrotaret, euocati sumus. Ei grauissimorum flagitiorum reo noster tam acres admouit orationis faces, vt eum vehementissimè concitaret scelerum suorum pudore ac odio: quæ non est veritus in frequenti Hæreticorum corona singulatim exponere, atque detestari, vnaque falsum dogma, indigna

indignatione frementibus Hæreticis, atque hoc grauius, quòd ad reliquæ vitæ exitum constanter in recta Fide perseverauit:

*TIROCINIVM MECHLINIENSE indigenarum, & Anglorum
Louaniense.*

CAROLVS Bosso, Bruxellensis, amorum vndeuiginti, per multas longioris morbi molestias insigni patientiæ laude, cum ad suos curationis gratia remittendus esset, virtute sua promeritus à Deo videtur, vt antè decederet è vita, quàm è fratrum contubernio domum ablegaretur. Duodesexaginta Tironibus aucta domus est priore hoc anno, & eorum quidem nonnullis apertissimo Diuini vocatus testimonio concitatis. Senserat vnus aliquis eum Numinis instinctum, cui ne obsequeretur, ipse sibi obtendebat sinistri oculi quoddam vitium: sed pilæ ictus cum dextri acie ferè præstinxisset, intellexit calumniandi causa diem se frustra exemisse: Deo siquidem non posse imponi. Octauum tamen annum præterea comperendinatus, in æquales personatos bacchantium ritu tota vrbe inuehens, prehendentis morbi repentino incurso audit se diuinitus ad vadimoniū citari, quod se obiturum, votis per inualetudinis graue periculum Beato Ignatio nuncupatis, spondit. Adeptæ tamen nouo beneficio sanitatis

iucundior vsura & benefacti & sponfionis oblitterabat memoriam, nisi potentiore machina durum pectus Deus ita cōcussisset, vt ad obsequium propē adhuc repugnantem adigeret. Ab altero parens promissum expresserat, vt ne ante decursum Philosophiæ stadium iniret Societatem; intereā verò adolescenti penitūs refrixit animus ab Religiosæ vitæ instituto; cū ecce tibi, anno euoluto, eadem ipsa die, horaque sponfionis, ab stipulante patre expressæ, quinque grassatorum gladiis infesta manus adolescenti, domum vespere redeunti ac inermi, tantam vim affert, vt momento conficeret, nisi vicinas in ædes fortè patuisset effugium. Neque ipsius parenti fors illo ipso die felicior obtigit, sub vesperam in equo suburbanos hortos ad-eunti, cui præceps grauiorque lapsus ex iumento plagam eam inflixit, vnde pōst paullò interiret, cuius tanti infortunij acerbior nuncio perculsus filius, ne salutatis quidem necessariis, euestigiod in Tirocinium conuolauit. Puerulus Societatis antè cupidus, quàm eam nossset, scholarum nostrarum à parente impetrauerat potestatem, in quas quo primū die pedem intulit, molestissima rauis eius insedit fauces, quæ trienniū teneret, eumque suis votis excluderet, ardentius sollicitato precibus piis Beato Ignatio, & huius Prouinciæ Præsīde, ab illo suauitatem restitutæ vocis, ab hoc Societatem impetrauit. Zelanda puella, cū Hæretici dogmatis tuendi inaudita peruicacia, tantum nostri horrorem combiberat, vti nec nos audire, nec etiā videre sustineret. Eam Catholicus frater Mechliniæ

nia degentem, per causam visendorum amicorum, deduxit in nostras ædes, certumque Patrem euocavit: ad cuius illa conspectum, vocemque ita inhorruit, ut, in fletum effusa, oculos & aures obduceret manibus, quasi verita, nequid ad suos sensus ex eo emanaret. Quoniam igitur nullam factura videbatur congressus copiam, reducenda domum fuit; vix tamen ædium suarum limen superanti Deus tanta vi mentem illustravit, & emolliuit, ut eundem Patrem, quem non erat alloquio dignata, mox arcesseret, quocum leuiter velitata, manus animumque dedit Fidei Catholicæ.

E Louanienti Anglorum Tirocínio tres in Britanniam, honorificentissimo iuuantorum popularium comœatu, dimissi: quattuor panè anteinitam nostræ militiæ sollemnem dimicationem ad præmia emeritorum sunt euocati. Roberto Campiano prima sors obtigit, cui adscitum id cognomen erat, eius gentilitio ex causa suppressendo, & denuo suscitandæ isti appellationi, claro in adolescente, illi olim Campiano moribus non absimili. Excellentis indolis, magnarum virtutum, eruditionis pro ætate singularis, luculentum in Audomarensi ac Romano Seminario specimen dederat: ut cum probatissimos mores, & naturam compositissimam in Tirocinium intulisset, studio autem ingenti perfectissimæ vitæ duceretur; non potuerit paucis diebus summos in virtute non habere processus. Quam viam ardentè ingresso febris incessit, cuius æstu vehementiore

grauiter exercitus, incredibili semper æquitate animi, atque moderatione; quamdiu autem violentia mali abrepta mens deliraret, ea sermonis modestia, quæ summam argueret innocentiam; sed, florente licet adolescentia, morbo ferendo impar, tandem extinctus est. Ab huius funere itum est, interuallo aliquo, ad exsequias Patris Nicolai Harrington, duodecimesimo ætatis anno, Probationis suæ primo, quem litteris ac sanctis moribus expolitum dederant Audomarense Hispalenseque Seminaria, eumque obsequij aduersus Præsides, & Religiosæ disciplinæ, quàm obseruantissimum faciebat multus amor erga suum Institutum. Pridiè illius diei, qui fuit ei supremus, sanctissimo exarserat odio in admissas omni ætate noxas, ut diffuens lacrymis, magna vocis animique contentione audiretur, Deum per quæque sacra obtestans, uti admissorum sibi veniam daret, recipienti, si suppetere vita, ærumnosissimæ cuiuscumque afflictationis optionem, in promouenda Numinis gloria. Quo die hunc extulimus, eo ipso interiit Christophorus Michaël, absoluto Tirocinij biennio, emissisque votis, anno vitæ suæ vndericesimo; cuius erat omnis agendi ratio Præsidiibus multò acceptissima, & magno quidem ipsius merito, adeò, in summa vitæ innocentia, factum fictumque ipsi erat ingenium ad omnem exercitationem cæteræ virtutis, in primis verò ad Religiosi Instituti egregiam functionem. Funerem rem & pompam clausit Pater Henricus Lamannus, annorum octo inter Socios, triginta
inter

inter viuos, nullis viribus, nulla valetudine homo, sed animi robore, vigilantia, sollicitudine, alacritate tanta in ægrotis, quibus præerat, ut vnus omnes eorum molestias sustinere, animique ægritudines leuando planè obliterare, videretur. Summam in eo lenitatem naturæ, comitatemque agendi, iucundissima suauitas oris, hilaritasque perpetua, condiebat, mira congregientium voluptate: quas naturæ dotes iam per seipsas inpensè amabiles, cum studio etiam & arte quadam excoleret, eius consuetudo suauis in Sociorum animos influebat mirabili quodam sensu incunditatis, qui vel inuitos raperet in hominis inusitatam beneuolentiam. Tam suauium morum homo, ingeniique tam lepidi, quanto esset leuamento malè affectis vel corpore, vel animo Tironibus, vix dici aut etiam cogitari potest; cui tam validas mentis vires, in summa imbecillitate corporis, Deus reseruatas vsque eò esse voluit, dum, suæ procurationis Nouitiis, aut recreatis ex morbo, aut eius vi extinctis, ipse nobilium palmarum medicus honestissima morte defungeretur. Recentem è Batavia Hæreticum adolescentem, pictorem, vbi Antverpiam sese appulisset, sectarij vetabant seuerè omnino cum nostris in congressum venire, hominibue scilicet factis ad incutos præstigiis illaqueandos, quorum fraudibus, qui captus teneretur, se postea numquam expediret. His occupato documentis adolescenti visum per quietem offertur eiusmodi, quasi ædem is ingrederetur, auditoribus frequentissimam, ad quos nostrum vnus

verba faceret, cuius ipse dicta ponè columnā primū exciperet, quæ vt placere valdè cōperant, propius audiret: ac demum nostros priuatim conueniret, cum eis mox eadem in Fide sentiret. Postridie cū eius animū valdè vrgeret objecta dormienti species, repugnantibus nequidquam contubernalibus, domo se eiicit, mox incurrit in templum in somnis oblatum, animaduersum nūquam antea: ingreditur, respondent cætera, quæ occurrerant quiescenti: audit dicentem, eius hamo capitur, venit in congressum: hæresim ab se abjudicat, inque Societatem se cooprandum impetrat: tumque sua fides somnio fuit: nec eam postea iis se dolis ductum, quibus se non explicaret.

C A S T R E N S I S M I S S I O.

HÆRETICIS, & Calvinianis maximè, princeps sanctioris Fidei caput est, quin & ipsius religionis summa, quoque iure, quaque iniuria, suarum partium rationes ita promouere, ac eò vires adducere, vt dominatum in alios quosque ipsi exerceant, aut certè in nullius cogantur esse dominatu. Ex illo sollemni pronunciato, tamquam principe ex fonte, huius generis existant multiplices cognatarum sententiarum veluti quidam riui: vt sibi sumant pacis, fœderum, induciarum iura, ea modò religione metiri, quæ suis asseruiat commodis, aut obsit, aut non profit alienis. Ab hac consiliorum disciplina egregiè parati

Bara

Batavicæ factionis coniurati Hæretici, simulata quadam induciarum reuerentia, in Belgio per hosce annos aperta quidem vi abstinuerunt, hostilibus tamen seditionibus & armis vicina omnia perturbarunt, vt Belgij Principibus in alieno periculo damnoque incommodarent. Ab hinc triennium obiectam Coloniae urbem arcemque, in aduersa Rheni ripa, moliti sunt: Aquensem inde magistratum Catholicum, Societatemque nostram suis sedibus per factiosos Lutheranos exegerunt, nostras expilarunt ædes: Neoburgensē Ducē, odio Lutherismi ab eo nuper eiurati, suis ditioribus excludere tentarunt: Rheno finitimis cæteris, ac de Clero maximè Principibus, ita sunt insidiati, vt animis armisque comparati, iam imminere prædæ viderentur. Atque hoc tanto audaciores acrioresque inuehebantur in aliena, quòd Belgij Archiducibus rarum esse sub signis militem animaduertebant, vt non vererentur, quin, legitimi exercitus aduersum conatus suos cogendi, tempus insigni aliquo facinore anteoccuparēt. Quam eorum opinionem frustrata est Marchionis Spinolæ, digna clarissimo Imperatore, celeritas atque industria, qua factum est, vt, delecti militis iusto exercitu paucis diebus educto in conspectum hostium, projecta ferociter exsultantium copiarum mox inhiberetur audacia: & qui nunc ludibundi alienas incurfarent possessiones, inopinato casu attoniti, suis protegendis finibus multa iam sollicitudine distinerentur. Adsciti verò de nostris in eam expeditionem Sacerdotes quinque, Adiutor

vnus, & voluntariæ operæ duæ, nostri Ordinis candidatæ; cæstrensis concionibus lingua quintuplici habendis, cæteraque omni ratione procurando exercitui, pro Societatis instituto. Religionis studio egregie comparatis nostris copiis, & ab omni comæatu copiose instructis, cuius in primis agebatur causa, cum Imperatori militique studiofissimè propugnanti, Deus secundissima ope adfuit, & omnes conatus abunde prosperauit. Enimuerò, vt Aquas ventum est, vrbs confestim recepta est, & eius dominatu deiectioni Hæretici, Catholicis magistratibus in integrum restitutis, ad mortisque ad ciuilis administrationis gubernacula, vnde iniuria partium aduersarum exciderant. Quarum commutatio bonis quidem omnibus, etiam priuatim; commodè; Societati tamen percommode cecidit, quæ compilatis nuper ædibus suis exacta, vrbs tamen si pœmœtio non prohibebatur, domesticæ tamen rei molestas sentiebat angustias, & in perpetuo gratioris fortune metu versabatur, feditiosissimæ plebis cincta manipulis, & quotidianis obiecta tumultibus. Imposito autem vrbi ab Spinola, obtreendis Hæreticorum motibus, valido militari præsidio, sicut reliquis Catholicis ciuibz, ita Sociis quoque, in ea vrbe ab hostili violentia peropportune cautum fuit in posterum. Aqueusibus rebus ad eum modum compositis, profectus inde cum exercitu Prætor, & munita, & muniendo idonea castella oppidaque, illius tractus capere occupauit, & præfidiis sibi adstringere, nequa vis aduersa iis, velut arcibus, in Aqueenses &

finitimas Catholicorum vrbes vteretur. Progredi-
enti verò, ab ea castellorum expugnatione Cli-
uiam versùs, Rhenus medius intercurrerat, quem
pedum millenùm & sexcentenùm ponte iunctum,
ad oppidum Rinsberkam, traiekturus Imperator,
iubet nostros Patres celeri commeatu vniuersas
copias anteuertere, araque ad aduersam ripam ex-
citata, eis præstolari, quas inibi sacris operatas,
ad Vesaliam, Cliuiæ urbem oppugnandam, recta
traduceret. Vesalia ciuibus frequentissima, merca-
turis celebris, locuples opibus, ædificiorum bo-
nitate ac pulcritudine amœnissima, sed hæreseôn
turpitudine, annis iam octogenis propemodùm,
valdè infamis, omniũ toto Belgio ea lue contacto-
rum commune fuit receptaculum. Eam, siue dedi-
tione, siue oppugnatione captam, obtineret Spi-
nola, intelligebat se aduersariorum rebus maxi-
moperè incommodaturum: quamobrem positis
inopinatò ad eam castris, oppidanos iubet se mox
dedere, aut acerbam oppugnationem continuò
expectare. Quibus, per causam ciuilis consultatio-
nis, bellicas interim machinas ad aggeres molien-
tibus, Spinola pluribus locis oppidi mœnia & por-
tas verberare acriter instituit, vt paucis glandibus,
vita portarum conquassata, irrupturo militi pænè
iam idoneus pateret aditus: quo periculo tam re-
pentino admoniti Vesalienses deditionem hone-
stis conditionibus fecere. Validæ cohortes ibi col-
locatæ, quæ oppido præsideret: excitataque muni-
tio firmissima ad vrbis latus; quod Rheno alluitur,
comprimendis ex ea seditionum motibus: tum re-

liquus exercitus in statua propter urbem eductus, ibique in tabernaculis habitus, dum sese aduersariorum conatus clariùs aperirent. Embricam enim & infirma quædã alia oppida, cõtentim ab nostris deserta, inuaserant, & castra, castris nostris haud ita magno interuallo dissita, posuerant, omnique incursione militẽ abstinebant. Per eam igitur quietẽ nos Vesaliensem populum, demta vna Patrum Carthusianorum familia, Hæreticum penitùs, adorti, animos eorum à nobis tam abalienatos, vt congressum declinarent, demitigare commoda oratione tentauimus. Quam inter ciuium peruiaciam studiosè molliendam, peritus Iuris medio foro vnum de nostris aggressus variis interrogationibus appetere, quibus expeditiùs satisfaceri, quàm vellet, vbi animaduernerat, & eum iam fortè tela deficiebant, mox incussò sibi protrahendæ dimicationis pudori prætexuit conditionem Iurisperiti, non verò Theologi. Sed cùm illigatus eorum defensione, quæ temere antè profuderat, eò tandem adactus esset, vt fateri cogeretur, Biblia esse oportere animo prædita, quo iis velut arbitris, quod volebat ipse, omnes Fidei controuersie diiudicarentur: idque ineptissimè admisisset, circumfusæ plebi opiparè deridendum seipse propinauit. Obstinatis Vesaliensium animis medicinam in præsentia facere nequaquam potuit, facturũ fortè ex aliquo interuallo, spectaculum eis mansuefaciendis in ipsa vrbe comparatum. Commiserat duo milites de nostro exercitu, cur laqueo pleterentur, quibus ad Christianè moriendum egregiè

giè animatis , visum est , in oculis Hæreticæ ciuitatis, legibus sancita supplicia eis infligere, si quid ea res prodesset contumacibus, maximè verò cum illi rei religiosè morerentur , interque cateram Catholici moris professionem , caput illud magnopere inculearent : felicissimam eò se sortem suam ducere , quòd in Catholicorum cœtu obirent , extra quem nec esset , nec posset esse, vlla spes salutis. Indignatione non modica perculit ea vox morientium animos populi Vesaliensis, vt ad eam auditam , ex ipso patibulo , fremens corona & aures & oculos manibus obduceret.

B A T A V I C A M I S S I O .

HOLLANDICÆ coniurationis ciuitatibus omnibus idem vsuuenit, quod ceteris populis solet, opes aduersus legitima imperia quauis ratione anquirētibus, vt, aperto quibusque aduenis asylo , bonorū morum, adeoque religionis ipsius disciplinam , in ea hominum colluione , amittant. Nam ex quo Batavice genti ea incessit cupido, amplificandarum quacumque ratione fortunarum, Amsterodami quidem excitatum est emporiū c. celeberrimis locupletissimisque tōta Europa vnum reliquis autem eius oræ urbibus , vt quæque fuit opportuna mercaturis faciendis , rerum omnium paucis annis facta est ingens planè accessio: sed tantam viuendi corruptelam secum inuexit illa fæx deprauatissimæ multitudinis, eò confluentis, vt
maxi

maximis animorum impendiis insulani omnes redemerint illa exaggeratarū opum cōpendia. Amsterodamēsis certe vnus Calviniana secta trium infensissimarū sectarū inter se capita peperit, Arminiorū, Gommarorū, Mediorumque inter istos, implacabilibus odiis vicissim pugnantiū, quę sæpenu-
merò in atrocissimas dimicationes erūpant, vt hęc vna triceps Hydra, vel aliis sectis fermè infinitis quiescentibus, ciuitati funditus euertendæ satis superque futura sit. Ingenium porrò his inest hominibus siue natura factum, siue fictum quodam mali studio, ad comminiscendas in momenta singula nouas hæreses: neque, aut aliunde susceptis, aut inuētis suo Marte, peruicaciter tuendis minor adest vel impudentia vel contumacia. Quamobrē nostris hęc prouinciā sortitis, tã multiplici arduoque difficultatū nexu implicatam, hoc impensiore opera his perrumpendis enitendum fuit, quò se infesta vis mali acriùs intenderet. Et verò, contentis ipsorum laboribus benigniùs obsecundante Numine, vel ex asperrimo solo plerumque fructus existunt lætissimi: vt vnus Patrum, priore hoc anno, in oppido Delfensi, nouem integras familias ex Hæreticorum damnato Albo exemerit, præter alios bene multos, quos singularim variis detraxit conciliabulis: centum yerdè & triginta idem audiit, qui cum Deo rationes vitæ totius inirent quàm accuratissimè. Aliis Patribus istius generis permulta vsu venerunt, etiam vbi quis minimè crederet. Mulieri nuper Hæreticæ prauis dogmatis iustissimum odium est inustum.

huius sui Hæretici funesto casu, quo in eum sera licet Numinis vindicta non acerbius quam æquius defæuit. Sacerdotem egerat annos aliquot, qua in functione, cum necessariæ castitatis cum nimio plus tæderet, consortem tori adoptauit mulierculam, utque omni re gerenda strenuum præferret nouitij Euangelij assertorem, eius præconium in vicino pago factitare cœpit. Per Sanctioris autem Hebdomadæ dies, ore impuro cum eius temporis sacrosancta mysteria violaret, reiecta inter dicendum linguæ portiuuncula, vocem desubito amisit, postque paullo insigni scelere pollutam animam efflauit. Tam illustris supplicij cogitatione mulier, illius sacrilegi hominis ex incesta filia neptis, se factam grandiusculam ita commoueri animo solere, ita exhorrescere, narrabat, uti nusquam conquiesceret, quoad ab impura sacrorum consortione descisceret. Lugduni Batauorum vir quidam pessimè vitam exorsus, nulla religione, nisi quòd cum Catholicus non esset, cum qualis qualis foret, Hæretici sibi vltro vindicabant, in multos iam annos prouexerat impietate, grauique morbo conflictatus, Numinis ac sui, penitus immemor, ruebat præceps in Tartara. Ei noster, quà opportunè quà importunè, non destitit, etiam refraganti, medicinam facere, tanta industria, & assiduitate, ut, se de cælo copiosa infundente luce, Deum, seque ipse agnosceret æger, rituque Catholico sacris instructus, mirantibus probis, improbis frendētibus, è vita decederet. Harlingæ in Frisia vir inter suos claro nomine, cum anno superiore dumtaxat in Catholico

Catholicorum partes transisset, per ea primordia Catholici ritus initi, eius quocumque suo periculo tuendi ardens studium præ se tulit, & quidem perillustri singularis magnanimitatis, prudentiæque facinore. In eius ædibus, celebri quodam die, Catholicorum conuentus habebatur ab Sacerdote rei Diuinæ gratia: cuius coacti cætus cum in suspensionem venisset Hæretico Prætori, derepentè in ædium ipsius intima irrumpitur, tantumque improvisò, ut, vix bene occultato Sacerdote, reliquus ferè Catholicorum globus in conclaui deprehenderetur. Prætor singulorum nomina postea quàm retulerat in codicem, eam omnem turbam contumeliosè traducit per ora plebis illudendam, ab Catholici nominis hostibus infensissimis: postque dies paucos Familiæ patrem vocat in Curiam, de suo facto rationem Hæretico magistratui redditurum. Interrogatus primùm an Sacerdotem domi suæ tùm habuisset, Quæstori retulit: Nulla se teneri lege, de se ac suis ea prode-
re, quibus prodendis, periculum sibi apud iudices crearet: ipsos enim studiosè omnia domi suæ inspexisse, quàm sollerter esse scrutatos, nullis tamen vestigiis Sacerdotem comperisse: eis autem se cogitandum relinquere, an potuerit, sine Sacerdotis opera, Catholicum gregem conuocare. Edicti autem violati eum insimulantibus Magistratibus, & multæ hoc nomine commissæ illum admonentibus, alacriter respondit: Compertas sibi fuisse huiusmodi pœnas, procellasque his tantò grauiores, suo imminentes capiti, antè multò

multò quàm se Catholicis adiungeret , non esse veritum in eas scientem incurrere, qui animi salutem quouis pretio sibi esset redempturus : sibi autem constare, illius asserendæ nullam omnino, nisi Catholica in Ecclesia , suppetere facultatem. Quæsitum deinde ab eo cùm esset , quam Fidei formulam profiteretur : ipseque , pronunciato Apostolorum symbolo , nihil adiecisset præterea : vnusque confidentium Iudicum eodem se vti quoque symbolo excepisset : Iam verò nos , inquit ille , Fidei nostræ rationem non nudo verborum sono, sed sensu quòdam interiore, altioreque, metimur. Contendentibus postea eum grauiore culpa & ignominia non vacare , qui se adrogandum in sanguinariorum hominum pestiferam sectam imprudentissimè dedisset , quorum sceleratæ manus innocentium multorum cruore , religionis causâ trucidatorum , essent turpiter inquinatæ : paucis indicauit, iure cæsos à Principibus Catholicis perduelles , qui per inanem religionis causam , omne ius humanum ac Diuinum funditus euerterent. Atque de sanguine ac cædibus si agitur , piget dicere , quàm vestra sit longè grauior noxa in hoc genere : pacis & beneuolentiæ , velim dicatis , sintne vlla vestigia , in quopiam corpore variorum dogmatum cum Ecclesia Romana toto Belgio pugnantium. Mihi verò salurè, extra tam fœdas de Fide cōtrouersias, inquirēti, quis vestrūm , amabo, indicauerit, vbi consentientis ea de re populi futura sit copia , nisi in Catholicorū tutissima simul & tranquillissima castra cōcessero

cessero. His grauitè prudenterque pronuncian-
dis responsis vir probus ita vniuersum consilium
defixit, vt alto silentio diu taciti sese circumspi-
cerent, alij aliorum sermonem quasi præstolan-
tes: cumque nihil cuiquam in rem occurreret,
alio deflexere orationem. Ad extremum, subridens
consilium ex eo percontatur, præsentem inallet ir-
rogatam ipsi patria lege multam dependere, an,
producta eius die, suo deinde numerare commo-
do: acutè, ac facetè cum dixisset, gratius casu-
rum, si ea sibi condonaretur, cum bona pace di-
missus est, nec vmquam deinceps aut Fidei aut
pœnæ nomine interpellatus. Quam profitendæ
Religionis fortiter ingenuam libertatem familiari
& illustri beneficio Deus continuò rependit, im-
pertienda eius filio, grauissimè affecto, inusitatæ
rationis sanitate. Decennis pueri morbo pericu-
loso erat accessio facta furiosa phrenitis, quæ il-
lam ætatulam ad horrenda verba, & impias exse-
crationes, nusquam fando auditas, adigeret. Pius
pater adèd nouis intemperiiis filii perculsus non
mediocriter, Patrem è nostris accerlit, cuius con-
silio & ope vtatur in sua calamitate. Cui de pue-
ro nonnulla sciscitanti, vbi renunciatum erat, cum
neutiquam adhuc Baptismo tinctum esse, haud
dubius, quin ea tanti præsidij destitutio, mor-
bi princeps causa putari deberet: continuò lu-
strare instituit, lustratumque patri reddit corpore
prorsus incolumem, ac mentis functionibus lon-
gè expeditiorem. Honestissimæ matronæ tanti mo-
menti nostrorum opere in eo tractu videbatur, qui
omnium

qui omnium bonorum itidem est sensus , vt ipsa se Deo victimam dedicaret pro salute nostri Sacerdotis, periculosissimè decubētis, supplexque instaret apud Numen , vti deriuaret in se priuatam, sua morte incommodaturam nemini , grauiorem Patris valerudinē, in cuius incolumitate tam multorum salus, in morte verò perniciēs esset constituta. Ratam Deo fuisse hanc precationem, ipse precationis exitus indicauit, cum mox ea malè, noster bene habere cœpit, ac eo quidem vtrimque progressu & vicissitudine , vt vbi nostro melius, illi deterius in dies fieret: cumque tandem conualesceret hic penitus, pia femina honestissimo leto defungeretur. Clementius habuit Catholicum virum, quàm huius ipsamet vxor, Minister Hæreticus, vt est ingenium muliebri sui plerumque impotens. Aegrotabat ille vehementer, nec vllis prectibus ab vxore Hæretica euincebat, vt Sacerdotem subsidio sibi venire pateretur, cuius missu contrà Minister aliquoties adiret ad decumbentem, quasi ad suarum partium hominem. Is verò quoties ægro adstiterat, perquàm comiter ab eo dimissus, intellexit, quod nescierat, sibi rem fuisse cum Catholico; cuius moderatōne delectatus, cognita vxoris illius inurbanitate, animum libenter adiecit, vt, ea ignara, marito Sacerdotis copiam ipsemet sufficeret. Itaque Catholicum priuatim admonet, vt, condicta die, adhibendi Sacerdotis arriperet opportunitatem, quā esset ipsi conciliaturus, vxore, adeoque tota eius

familia, per variarum officiorum causam, seu-
cata. Quam operam ægro nauauit, etiam maiore,
quàm receperat, fide, vt Sacerdoti & ægro tran-
sigendi perutilis negotij, magna vtriusque volup-
tate, amplissima facultas daretur.

A L T E R O quoque anno in Batauis felicissi-
mæ fuerunt nostrorum operæ, qua in felicitate
nihilominus de capite interdum periclitatum est,
sed vel humana industria, vel ope diuina declina-
ta est, quæ videbatur imminere certa perniciēs.
Roterodami certè ipso Natali Christi, noster Sa-
cerdos nocturnum conuentum habebat, eumque
frequentissimum, ad quem vt verba fecerat, aram
iniuit Sacris operaturus, cùmque iam Euangeliũ
pronunciaret, irrupit vrbani Prætor in confer-
tissimam turbam, & instructam aram, & pro ea
facientem Sacerdotem animaduertit. Verumta-
men siue dissimulauit, siue Deus alio auertit eius
animũ, prius vicina conclauia hominibus referta,
quàm illud ipsum, vbi fieret, lustrare aggressus
est: quæ ipsius mora exuendæ sacræ vestis otium
sacrificanti dedit, quasque vni de populo, in con-
ferta turba loci occupandi. Recensenti demum
magistratui huius exedræ singulos homines, Sa-
cerdos incidit in manus, ab eo, vt quidem credi-
tur facile agnitus, sed, quem tamen vt ignotum
præteriret, nec molestiæ prætereà quidquam reli-
quis afferret, quàm vt à duobus eius conuentus
principibus viris multam sibi eius cœtus nomine
depacisceretur, testatus pœnitere se, quòd eò pe-
dem intulisset. Sed aliud quiddam cecidit eodem
tem

tempore in gratiam eius conuētus peropportune,
quod sit illustre in suos documentum Diuinę pro-
uidentię. Posticam faciem earum ædium, quę cœ-
tum exceperant, alluit Rorta fluuius, vnde vrbi
nomen est, cuius ad ripam cymba vacua cum de-
prehensa esset ab fugientibus Catholicis, & quā
multos ceperat, vno comœatu transmisisset in ad-
uersam ripam, inde iterum, ac tertio, nullius
impulsa vi, sua sponte rediit, ad excipiendos re-
liquos donec, omnes traicerent. Non veritatis
modò fulgor Hæreticorum ita discutit cecitatem,
vt eā ab Catholicis stantem per medias etiam te-
nebras agnoscant, & vel inuiti venerentur: sed
multa quoque morum probitas, propria Catho-
licorum tessera, sic insensissimos quosque aduer-
sarios demitigat, ac eorum denique animos de-
meretur, vt non defugiant aperta beneuolentię ar-
gumenta. Lugduni Batavorum Catholici magni-
ficum apparatus in Beati Parentis Nostri natalem
instruebant, inque ipsius aram ornandam, pridie
Consulis vxor, nuper Iesuitis insensissimi, flores
legebat: cui suus vir, eccui Festo ij pararentur:
zum illa, Pater, inquit, & certum quemdam ap-
pellauit, me ad Beati Ignatii Natalem inuitat.
Quibus auditis Consul calathum sibi sumit, flo-
rum lectissimos quosque carpit, & vxori porrigit,
suū ei apparatus ac pietatem gratulatus. Auctio-
res non tantum factę sunt Catholici ritus partes
accessu transeuntium ex castris aduersariis, sed il-
lustriores etiam conditione principum è nobilita-
te virorum, se nobis adiungentium. Ioannes qui-


dem Nassavius , Comes , Mauricij Comit̃is propinquus , clam nuper ab Haga Comit̃is ad nos Leidam profectus Sacramentorum participandorum gratia , nunc ex Italia recens , Hagam Leida Patrem de nostris arcessiit, quem sibi adhiberet in consilium de grauissima sua cum Batauicis principibus viris , ac maximè gentilibus Nassauij nominis, dimicatione. In inuidiam scilicet , crimenque vocatur, Catholici ritus adsciti nomine, quasi hoc suo facta contumeliosissimã eternę ignominie notam genti Nassauia inuulerit , cuius iam nemo vnus non aliena Romano dogmate sentiat, loquatur, & studeat. Vt tamen Comes acutè ac prudenter vidit, quantum in Catholicis sacris inesset boni : quod clarè perspectum cupidè amplexus est, id quoque generosis animis, vti sua stirpe dignum est , tueri destinat. Et verò primariis Batauorum per hos dies in eo criminantibus illud dedecus, quod crederent ab eo illatum Nassauiorum generi , ad rem quàm appositè retulit ; se , contrà , in uitam Nassauiorum gloriam primum de suis postliminio pedem posuisse , qua primus exciderat, secumque traxerat posteros, qui primus nouitiam sectam ingressus Arausionensium Princeps, nuper & ab Rege suo , & ab ipso Deo descuerat , quo flagitio , is vnus maximè Nassauia gentis splendorem obscurasset. Nam , per , ego vos , generis vestri claritudinem, & maiorum reuerentiam, obtestor, quid æquius , gloriosiusque fuit , me de solidæ Religionis suscipienda formula sollicitum, amplecti & sequi , an hominum nouorum , & , si
fas

fas est dicere , quorum hominum , numquam sibi cohærentem sententiam ; an maiorum meorum, & totius antiquitatis , vniuerso diffusam orbe, nulla dogmatum anxietate vacillantem doctrinam, & in Romana Ecclesia semper coniunctam cum eximia morum sanctitate ? Atque vti perspectam consilij mei rationem habeatis , videte , obsecro , quàm non leuiter adductus sum , vt ad Catholicos transirem : En vobis Leonardi Lessij , eruditi hominis , eo de argumento accuratè scriptam consultationem. Eum commentarium de Italico in Germanicum verterat , politissimeque sua manu descriptum asseruabat , vt eius lectione subirati parentis animum leniret, ipsique probaret, meritò se iis rationibus persuasum in auorum Fidem remigrasse. Porro studia in contraria , inque maxime pugnantes sententias , diuisis nuper, vt perpetuò, Caluinianis , cùm, odio aduersi dogmatis, in eius fautores stylus vicissim distringeretur acerbissimè, ac partiù studiosissimi quique mutuis se conuiciis conscinderent, in vnum aliquem ardentissimè in ea dimicatione versatum , grauis morbus incurrit, qui letalis crederetur. Hic autem, tametli acerri- mè pro Caluino erat digladiatus, vbi se manus cõ- fertù vocari nominatim ad extremâ palæstræ contentionē animaduertit, antiquius habuit nihil, quàm vt nostrū Sacerdotē accerferet, à quo hæresim dedoctus, inque Catholicorū allectus cœtum, Sacramentis instrueretur, multa indignatione fremētibz Hæreticis , qui , quem pridie suarum partium pugnacissimum assertorē nouerant, nunc experiantur ab se alienissimum.



PROVINCIA

BELGICA.



FAMILIIS primùm denis septenis, dein-
de octonis denis, biennes suas operas de-
derunt huic Prouinciæ, nunc quingenti
octoginta & duo, nunc supra quingentos nona-
ginta & nouem Socij, quorum priùs tredecim, to-
tidem posteriùs decesserunt, adoptati sunt aliunde
duo & triginta.

DVACENSE COLLEGIVM.

SCOTICÆ iuuentutis Seminaarium priore hoc
anno excitauimus; atque cum eo incolere cœ-
pimus ædes, idoneo vrbis loco, Catholici Regis
sumtibus exstructas: quarum alioqui læta no-
bis auspicia, Davidis Christi, Fratris nostri,
acerbus exitus pene funestauit. Is componendis
ad vsum commodiorem nouis ædibus trabium
quiddam exportabat per apertum tabulatum, vnà
cum duabus operis, qua multum degraunte sar-
cina,

cina, & deerrante pede, lubrici soli vitio, ad marginem tabulati, præceps in caput corruit, fractaque caluaria, vulnus accepit, ex quo paucas post horas interiret. Huius improvisi occasus formidolosissimam aleam Diuina Prouidentia benignè præuerterat, quòd triduo antè Sacramentis erat munitus, &, quod caput est, totos decem annos vixerat in Societate singularium virtutum nomine illustris, quarum nos recordatio mœrore tam funesti casus eximeret. Alius itidem Adiutorum, Venantius Mille, de hac familia, Insulis obiit, quò venerat, salubrioris cæli hauriendi gratia, de quo postea dicemus. Terruit deinde vniuersum Collegium, sed nihil aliud quàm terruit, grauis cuiusdam ruinæ labes, vi Austrorum priùs excitata, quàm potuerat animo prouideri. Theologicæ, Philosophicæque, ac sollemniū exercitationum amplissimæ exedræ, vix annum ipsum steterant, magnis Aquicinctini Præfulis exædificatæ suntibus, cum prima luce ab Austro ingruens tempestas turbulentissima ingentem adificij molem luculenta strâge derepente afflixit, antè tamen quàm discipulorum quisquam eò coiussset. Quæ verò in nos Præfulis optimi beneuolentiâ & liberalitas, vbî de labefactato gymnasio inaudiit, mox adiecit animum ad illud idem, ampliore accessione adiuncta, instaurandum, vt qui cum eo, quod nuper fuit, nunc velit contendere, vt in hanc excresceret speciẽ, existimare possit suam ipsi ruinã profuisse. Relata in codicem ab nostris omni ciuitatis puoritia, vt eius per Catecheseon palæstram erudien-

dæ apertior constaret ratio : eam nobis suorum liberorum tam impensam curam Magistratus , & ciues vniuersi mirificè gratulati sunt , seq̃ue huic nostræ adeò frugiferæ ac liberalis operæ subsidio venturos prolixè receperunt , nec defuit ex inopum muliercularum cœtu , quæ suam egestatem defraudatura , menstruæ pecuniolæ quidpiam , cœmendis Catecheticæ scholæ præmiolis , si audiretur , addiceret. Amuletam , auertendis inter peregrinandum latrociniorum periculis , adolescens alicunde nactus , quoad secum habuit , tamen cum curæ educatus ab optimis parentibus , in perpetuis flagitiis volutatus est , quod tandem vbi nostro auctore , abiecit , mox eum incedit tam ardens pietatis studium , vt iam rectè viuendi normam quàm optimam cæteræ omni adolescentiæ præferat. Graui ère alieno Collegium obruebatur , cùm Dei Prouidentia liberalitatem in nos suscitauit hominis locupletis , filium Sacerdotem habentis in Societate , cuius supremis tabulis hæredes facti ex assè , vetera nomina feliciter explicauimus.

V I X E R A T ad annum huius biennij alterum Pater Ioannes de la Haie, Seruius, Votorum quattuor Professus , annos quattuor & septuaginta , inter Socios vndequinquagenarius , cùm eum confecit trium dierum ægrotatio. Hunc inter maximè illustria Belgicorum Patrum lumina , multæ ac eximix virtutes claris in Societate muneribus assiduum ferme admouerant , toto Belgio principum virorum adiunxerant beneuolentiæ , nominatim
verò

verò Collegij Duacensis conditori, qui eius singulari prudentia, innocentiaque delectaretur maximoperè, ac consilio valdè vteretur. Huius Patriæ ingentibus laboribus Duacense Collegium sua primordia, progressionem, & hoc sui splendoris Fastigium in primis acceptum refert, deincepsque referet quàm lubētissimè. In tempora verò difficilissima cùm incidisset eius ista procuratio, & eò tamen res prouherentur, quò non facilè quisque sperare ausus esset, quæ summa ei viro inerat Numinis fiducia, angustis sæpe rebus se apertè prodidit cùm ea fretus nihil quantumvis ardui non susciperet alacriter, feliciterque perficeret. Cur autem rebus maximè dubiis tantopere Diuina ope confideret, obsides habebat domesticos, & egregiam vitæ innocentiam, & ardentissimum Diuinæ gloriæ studium, quibus comes accedebat iugiscū Numine per assiduas preces veluti cōsuetudo, vnde tam certam prosperorum euentuū fidem eius animo afflari solere, sit quàm probabilissimū. Mirati frequentissimè sunt Prouinciæ Præsides in eo liberum prorsus omni sollicitudine animum quamdiu administravit numerosissimam Duacensem familiam, nullis propemodum certis nitentem vectigalibus vnde aleretur, vt angustiarum familiaris rei mentionem numquam sit auditus intulisse: id modò causatus silentij sui argumentum Præsidibus percontantibus: Non solere Numinis beneficentiam ipsius ope confidentibus alumniis vmquam deesse, qua vna cogitatione mentem suam diceret planè acquiescere. Hominis &

litterarum & negotiorum bene prudentis, exercitissimi præterea in tractâdis hominum quorumlibet ingenjis, inusitata modestia ex eo vno perspicui potest, quòd epistolas ad viros graues dare nõ solebat, quin Spiritualium rerum Præfecto excutiendas ita detulisset, vt nihil nisi eius arbitrio liberum sibi sua in scriptione vellet. Quo de homine illustria quæque dixisse tametsi minùs quàm pro eius meritis videatur: quoniam tamen facile cætera ex his capitibus æstimabuntur, plura scribere in præsentia supersedemus. Iacobo Leslæo, Scoto, & hic annus vitæ supremus fuit, quartus in Societate, quinarius vicenarius ex quo in hanc lucem venerat, Braunsbergæ in Prussia vnum annum litteris mansuetioribus excultus; vnde Romam cum venisset, Aronam Tirocinijs causa, postea Duacum missus, in Philosophiæ studio ætatis curriculum multarum virtutum laude terminauit. Sacra corpora Beatorum Terentiani, eiusque Socij, Martyrum, Roma huc ad nos ab Reuerendo Generali nostro Præside transmissa, splendidissimo instrumenti apparatu, lectissimaque pompa omnium Ordinum ciuitatis nostram in eodem religiosè inuecta sunt, & ibidem condita.

AVDOMARENSE COLLEGIVM.

IL L V S T R I V M pariter atque fructuosarum Operarum functione clarus inter Socios Pater Christianus Dalmerius, vota quattuor professus, annis.

annis quattuor septuagenario maior, laudatissimam aetatem honestissima morte conclusit. Alterum & vicesimum annum huic familiae praesedit, approbantibus omnibus eius rationem magistratus: quadraginta dixit annos, & hoc amplius, è celeberrimis pulpitis, eo spiritu plenus, qui non afflatur nisi diuinitus, quod, incredibili fructu audientium, vehementes animorum commotiones testari perpetuè consueuerant. Multa senectæ, immodicique longioris vitæ labores, tamen acerbos artuum dolores, aliaque incommoda, nec pauca, nec leuia ipsi arcessiuerant, sanctæ hilaritatis iucundo sensu & fructu cum tamen numquā defraudarunt, quod vnum esset inter multa innocentis animi argumentum non mediocre. Ei aduersus Beatam Vrsulam propensissima semper fuit religio, quod in eius sacrario prima semina Instituti Societatis eius animo Deus inseuerat, cuius beneficij numquam satis pro suo sensu poterat exaggerare magnitudinem, tanto autem ipsi iucundiores nobilioremque, quod ipso eiusdem Virginis Vrsulae Natali Deus ipsum ex corporis ergastulo ad caelestes epulas euocauit. Patribus nostris agrestem expeditionem longè lateque prouehentibus, vni ex eis contigit excurrere in alieni Principatus pagos, vbi libentissimo populo, quæ huiusmodi functionis sollemnia sunt officia, exercebantur fructuosè, dum quibusdam incessit non bene sana æmulatio, qui alieni hominis aduentitia opera offensi, eum exigendum curarent cum ignominia. Commodè tamen incidit per hoc ipsum.

sum tempus , vti suam diœcesim obiret Antistes, qui eius rei à probis commonefactus, Patrem humanissimè appellatum, gratulatus tam fructuosè nauatam suo gregi operam , honorificè apud se habuit , rogauitque , vt susceptam Spartam ornare perseueraret. Postea verò , in amplissimo indigenarum conuentu, grauiter questus iniuriam Patri, omnem beneuolentiam humanitatemque promerito, contumeliosè illatâ, edixit eū & rectissimè fecisse antea , & quod deinceps faceret , auctoritate ac nomine Antistitis , qui probaret eius dicta factaque , legitimè facturum : quamobrem cum nemo sua opera prohiberet , contra omnes recta sanctaque præcipienti dicto audientes essent. Inter quam dictonem , manu apprehensum compellauit beneuolentissimè , apudque auditores mirificè collaudauit , proborum , qui Patris concionibus profecerant , summo gaudio & approbatione , sed Hæreticorum tanto acerbiorè inuidia. Grauelingam quoque urbem, ac munitionem maritimam delatus est ardor missionū, vbi militares inter manipulos vehemens animorum commotio in multam pietatem exarsit, cuius fouendæ iniecta Sodalitatis sacrae cū esset mentio , nomina mox dabat vniuersum præsidium , sed , potiorum delectu habito, coaluit illico numerosus iuxta & pius conuentus Sodalium. Urbis Præfectus, Centuriones cohortium militarium , honoratissimi quique ciues, se gregario militi ea in dignatione posthabitos doluerunt granissimè, aditoque Patre, queribundi expostulabant , nec futuram expostulationum

num finem asserebant, donec eodem loco & honore inter Sodales, quo turba saltem militaris, haberentur: quibus facere satis nequaquam fuit difficile. Oppidanorum omnium ardebant odia in suum Curionem, ut pessimum exitum res habitura videretur: cui malo Sacerdos noster ut occurreret, singulorum civium obiuerat ædes, & ad communis pacis studium adduxerat eorum animos: quæ ne, omnibus expugnatis, conciliaretur, qui vnus reliquus erat mitigandus, odiorum auctor, vesperi adit ad oppidi primarium virum, & orando adigit, ut secum crastina die rus venturum polliceatur, quò se subtrahat Patris nostri oculis & precibus. Sed fugientes Sacerdos assecutus, quâ rationum, & precum momentis, quâ Diuinæ iræ ac vindictæ grauib. denunciationibus interponendis, nihil omittit quo mollire vel saxeâ possit pectora, vel frangere: irrita tamen per eum diem opera. Quamobrem Sacerdos & socius, vbi humana vistantæ moli euertendæ infirmior erat, supplices fusi in vota, opem de cælo potentio-rem exposcunt, nec frustra: postera etenim die bene inanè, ad nostrum adit vir ille princeps, hesternæque contumaciæ veniam impensè rogat, se in Patris potestate recipit futurum, cuius opera mox vsus noster, habito omnium dissidentium conuentu, æquis conditionibus conciliatur pax, & eius perpetuandæ in posterum idoneæ leges perscribuntur. Diuturno, acerbissimoque ex morbo receptum nonnullum sæpe impetrarat puella, Beati Aloisij nostri expetito cum fiducia præsidio, denique

niq̃ue verò cūm periclitaretur grauissimè , haustis Beati cineribus , eò angustiarum adducta est , vt iam conclamaretur eius salus, cūm ei fortè cinerū sacrorum quidpiam infusum secundò est , optanti quidem, sed ad postulandum defectæ viribus: quā alteram sorbitionem consecutus caloris, & viri non regressus sanitatem prænuñciauit, postque paulò integram restituit.

TORNACENSE COLLEGIVM.

EXIMIÆ artis opificiam exercuerat in Germania Batauiæque ciuis Tornacensis, vbi Calvinianorum animos commouerat cupiditate artis artificisque in suas præsepes traducendi, quò & improuidum traduxerunt. Decimum ferè annum venerabatur, & colebat insulsa illa Calvinici mysterij prandia, cūm nos eum tantò angustiora Sacra & sapere & amare docuimus, quibus ille probatis vsuque perspectis lubens adhæresceret. Popis Calvinianis, Poparumque tribulibus, permolesta cecidit eius hominis ad nos transitio, cuius vt animum demererentur, blanditiisque ad se pellicerent, omni arte, operaque adlaborarunt, toto biennio. Validæ admovebantur machinæ homini, quàm tenuiter parato ab re domestica, expugnando, quòd annuus commeatus deferebatur ampliter: sed nulla copiarum illecebra opibus tenuem, multa Fide diuitem hominem potuit demulcere. Sollertis animi atque constantis argumenta prætulit

tulit omnis illius ad Calvinianorum condiciones
cauillationemque responsio : quam Tornacensis
Magistratus perspectissimam habuit, mirificeque
in huiusmodi homine comprobauit : porro de il-
lius virtute iudicij documentum id exstare voluit,
vt is amplo congiario publicè donaretur, quò Fi-
dem tueri pergeret alacriùs, & artificium, quo ex-
cellebat, luculentiùs factitaret. Nostra autem in
æde Sacrorum vsum constanter ac religiosè obire
perseuerat, ex quo desciiuit ab Calvinico conci-
liabulo.

B I E N N I O pænè vertente demigravit è viuē-
tium contubernio Pater Antonius Dautroult, se-
xagenarius, annos ab hinc quattuordecim allectus
in Societatem, quod omne tempus quàm vtilissi-
mis transegit operis, ac præter cæteras quidem,
Historico Catechismo instruendo, cuius editione
auctiore diuulganda, dum tertium volumen prælo
subiicitur, grauis eum sopor mēbrorū occupat, &
imbecillitas memorię, vt omnium repentè obliuif-
ceretur. Tres circiter hebdomadas tenuit ille stu-
pentium sensuum, & labantis memorię affectus,
quo deinde paullulum discussso, senectæ morbo-
que victus, bonus Pater religiosè animam exha-
lauit. Totos nouem annos bis quothebdomadis
virorum Cœnobium adire solitus excipiendis ip-
sorum confessionibus, magnis incrementis disci-
plinam Monasticam apud eos, pietatemque pro-
mouerat. Sanctorum statuas hac regione quàm
multis locis, Hæreticorum scelere, aut deturba-
tas, aut comminutas, vt publica auctoritate, in-
penfaqte

penſaque reſtituerentur, effecerat ſuadendo, magna proborum voluptate, diuini cultus propagatione non mediocri.

LEODIENSE COLLEGIVM.

CREVIT decreuitque alternis mutationum vicibus Collegarum numerus, vt addita gemina Logica perueniret ad quinquagenarium vniuerſa familia: ex qua deinde Patres duo, Frater vnus, aut ſenectâ, aut morbo, demerentur. Septuagenario iam, & ſua ſponte ad obitû vergenti, Patri Ioanni Hallenio, pulmonû exulceratio, pituitęque profluencia non parum anticipauit extremę diei ſortem, quieremque. Eum nuper è Gallia communis Sociorum proſcriptio Montes, Hannonia in urbem emiſit, vbi Sociis præſuit ſexennium; tandemque ſuos ad ciues Leodienses cûm deueniſſet, quam ſollertiam ſedulitatemque adhibuerat iuuandis extraneis, eandem, adeoꝛque maiorem popularibus impertiuit. Hic cum arderet alienę ſalutis ſtudio, eamque animo combibiſſet de Catechetica inſtitutione opinionem, quam Decem-primorum Patrum res geſtę præferunt prædicantque, incredibili cura eò ſuam mentem appulerat. Tam impenſę verò curę par frugis euentus reſpondebat, quòd mirificę indiſtrię artifex cûm eſſet, inſinuando rudium ingeniis Catechiſmo, urbana ruſticanaꝛque plebè utebatur admodum docili, cui videlicet ſui Doctõris diſcipulorum

Torū tarditati se tam amicè seduloque accommo-
dantis, iucunda in primis erat humanitas. Quoad
senectus corporis vires non penitus infregit, om-
ni tempestate agros atque ut urbem saluari disci-
plina imbuat: degrauante postea senio membra,
sua Hiberna ciuili plebi, Aestiuam modò agresti ad-
dicebat: quo genere saluberrimæ institutionis be-
neuolentiam omnium tota regione popularium
incredibilem collegerat, sibi que ac Societati, ad-
hibendo gratissimo indigenis officio, nomen cla-
rissimum fecerat. Magister Stephanus Massæus,
Leodiensis, annorum sex & viginti, à vicésimo
ætatis, seu erudienda iuuentute, seu debellandis
se iugiter impetentibus morbis, exercitus variè,
tandem horum vi maiore oppressus interiit. Patrè
denique Anselmum Deschamps, pessimè affectum
Spadanæ aquæ, quibus aduersus grauiorem va-
letudinem vsus erat, non prohibuere, quò minùs
domum inde regressus malo succumberet: nulla
tamen vis morbi, vel etiam mortis, hilaritatem um-
quam ex illius animo, vultuque, depulit. Secun-
do Numine, hominibusque iuuantibus, Summo
scilicet Pontifice, Coloniensi Electore, eodemque
Leodiensi Episcopo ac Principe, Leodiensium ma-
gistratu ac ciuitate vniuersa, eodem conspiranti-
bus, Philosophicam scholam hoc anno institui-
mus, centum & quadraginta mox frequentem au-
ditoribus, quam si aduersa vis nulla disturberet, læ-
tis inchoatam auspiciis, fructibus vberissimam
futuram speramus. Hoc Collegio Philosophicis
initando disciplinis mysteriisque interesse voluit

Antistes ac Princeps noster, suaque præsentia, & insigni religione cohonestare Sodalium conuentum, ac deinde, remisso cuncto comitatu, & satellite, priuatus apud nos prandere. Præter inuitatæ beneuolentiæ aduersus omnes ac singulos Socios luculenta argumenta, mirabilem tanto in fastigio augusti natalis honorisque modestiâ perpetuò prætulit, vt nullo nec sellæ, nec vasarij discrimine à nobis distingui voluerit: quin, & detergendis post lauationem manibus, ad Sacerdotum inuitatus lintea, se non Sacerdotem causatus ad pensile Fratrum mantile, ductus religione, transierit. Non parum valuit huius Principis graue testimonium, ad comprimendos æmulorum iniquos sermones aduersum Societatem, quòd ipsius in eam criminantes huiusmodi exceptum est responsum: Alieno vel iudicio, vel auctoritate nihil sibi opus esse in Societatis æstimanda innocentia, cuius à puero haberet quàm exploratissimam probationem. Spadanæ aquæ communis vsus cum Britannici Regis medicorum decuria nostrum Sacerdotem frequentibus de Fide disputationibus illigauit, ac peropportunè quidem affirmandis Romano ritu Catholicis, qui fortè aderant, quòd ex iis medicis non nemo veterum Patrum aciem vniuersam, velut suo dogmati fauentem, obiiceret. Sed adfuit in tempore qui cornicū oculos ita configeret, vt ne deinde acutioribus luminibus vellent videri, quàm essent, neque rudioribus imponere auderent. Agendi verò comitas, quam perpetuam tota concertatione noster

Sacerdos

Sacerdos adhibuit, ita ei conciliauit Hæreticorū hominum animos, vt huius mansueti moris laudandi finem nullum facerent: in Angliam verò postea renauigaturi, ad eundem Patrem nostras in ædes officiosissimè venirent salutatum.

EXARANDO Hæretico solo, tametsi, præter inanem sudorem, nihil plerumque compendij fiat, posteriore tamen anno denos septenos inde manipulos sustulimus, & nonnullos memorandis impulsos ad Fidem euentibus. Dictis gestisque proteruiam gloriabundus factitabat aliquis de Clero, multa cum offensione ciuitatis, quem vt nulla proborum monita deducerent à flagitio, funestus tamen casus auocauit. Per nocturnam concursationem, in qua multus esse consueuerat, cum cinctus gladio expeteret auidè sibi occurrere aduersarium, vel ex Orco ipso, si non suppeteret aliunde, quicum ferro congredi ad satietatem posset; inclamaret porro intenta voce, vti prodiret in medium, cui esset animorum satis ad conflictū, de Tartaro prouocatus duellator mox exstitit. Sed acuendæ in aduersario cupiditatis ad pugnam maioris, inuolutus pallio simulauit ex metu fugam; passus tamen haud multos emellus, sibi acrius instantem ab tergo prouocatorem, euestigio conuersus, stricto ense repressit, paucisque digladiandi satietatem intulit. Nam, cæsum punctimque congeminandis validè petitionibus, vti stolidi hominis defatigarat vires, artēque heberauerat, graui confossum ictu ad ædis propinquæ fores humi afflixit, vt in re desperata, salutare nomen Iesu lu-

gubri voce appellantem, qua nomenclatione percussus victusque, Tartareus bellator, momento evanuit. Sauciato postea noster Sacerdos adhibitus interiorum plagarum vulnerarius, tam appositè animum eius versauit, ex recentis cladis summa opportunè ansa, ut eum accenderet studio vitæ sanctioris, quam exorsus deinde in hunc diem egregiè promouet.

I N S V L E N S E C O L L E G I V M.

FVNERE Socios duos priore anno extulimus, Sacerdotem alterum, alterum recentem ex Ti-
 rocínio adolescentē. Patris Henrici Huberti anno-
 rû triû super quinquaginta, Boscoducensis, Professi
 Votorû quattuor, priores fuerunt exsequiæ, ciuium
 extraneorumque mœrore insignes. Cum cætera
 virtus multiplex, tum congressus, morumque iu-
 cundissima suauitas, ei conciliauerant, quidquid
 hominum ferè vîquam viderat, animos, erga-
 que ipsum sic affecerant, ut ei gratificandi ansæ
 omnes vndique captarentur. Quare, quòd eius in
 mendicos singulare multis notum erat studium,
 vel ex ipsa vltima Hollandia destinabatur ad eum
 ingentes pecuniæ, in egentes erogandæ. Docu-
 mentum, eius in hoc hominum genus beneficen-
 tiæ, petatur vno ex capite panis distributi: cuius
 nomine vna dumtaxat pistoria officina ei accepta
 retulit terna Florenorum millia. Qui tam profu-
 sæ benignitatis affectus in alienam egestatem, ex
 incenso

incenso videlicet Diuini amoris æstu expressus, quàm frequenti, quàmque honorifico præcellentium virtutum comitatu cingeretur, ad existimationem fidemque pronius est, quàm vt longiore sermone sit explicandum. Arnoldum Deschamps, Insulensē, mensis sextus ab Tirocinij exactis stipendiis, hæctica febris tabescit, eximiarum virtutū insignem laudibus. In Numinis de se suisque arbitrio totus acquiescebat quàm pacatissimè: si liceret tamen aliquid suo iudicio in causa sua optare, longiorem vitam libenter sibi ab Deo pacisceretur, vt ingentiū laborum inter Socios exantlandorum ei copia fieret: quorum materiam sibi ante tempus præripi doleret. Gallo mercatori Hæretico, dum in classe Turcica hostium potiretur, constantia repudiandi Mahumetani ritus, multarum blanditiarum illecebra studiosè propinati, vtramque & mentis & corporis libertatem ipsi à Deo promeruit. Post septennem quidpe captiuitatem è vinculis exemto feliciter, perque Belgium iter ad suos intendenti, Catholicorum ædes sacrę pio elegantique ornatu, & cærimoniarum augusta maiestate, stuporem incusserunt non modicum, sed maiorem multò ad Beatorum reliquias edita miracula. Exinde igitur is animo vehementer angere, & assiduis compungi scrupulis, num ab Calvinianis falsitas, veritas ab Catholicis faceret: quo angore vt animum absolueret, nostrum adhibuit arbitrum, apud quem vt rationes exposuit, quæ se in Calvinismo adhuc distinebant, & earum vanitas fuit ostensa, quàm lubentissimè amplexu

est, quam venerari & adamare iam cœperat Catholicorum Fidem.

ALTER annus viuorum numero exemit Patrem Stephanum Fouaquierum, Atrebatensem, senio grauem, in Societate quadragenarium, excipiēdis Confessionibus strenuū, assiduū, industriū cā primis hominem, in se penitūs inclementem, in alios omnes mansuetissimum. Nosocomio vrbanō, & ei præfectis Cœnobitis Virginibus annorum quattuordecim culturam saluberrimam contulit, ex qua Diuini cultus, disciplinæque Religiosæ quàm optima ratio deinceps existeret. Ex vicinis septenis Germaniæ prouinciis frequentissima hic versatur adolescentia, varij ex causis variis, ad quos, suo ipsorum idiomate, statæ sunt nostro in Collegio conciones: quibuscum seridò actum hoc anno, ac perfectum etiam, vt quæ semina pietatis auribus solerent excipere, obeundis cum cura & religione frequenter Sacramentis, ea in animis altius ad spem frugis secuturæ defigerent. In Batauico exercitu, Embricam Resamque, Cliuenses vrbes, expugnante, merebat Hæreticus miles, quem capta Embrica incescit cupido visendi nostri ea in vrbe templi, vt aliquando nosset, quid rerum ageretur in Catholicorum sacris ædibus. Ingredientis animum affecit illico multa sacri loci dignitas, & omnis instrumenti elegans venerandaque compositio. Maximè verò placuit frequentis populi summa modestia; silentium altissimum; incensa precandi religio: veneratio erga res Diuinas singularis; quibus argumentis sensum pie

sum pietatis non vulgarem animo suo iniici mox animaduerneret. Eam ob rem de ritu Catholico sublimia quæque cogitare, ac existimare cœpit, tã etiã fermè persuaderi, apud eius sectæ homines residere sinceræ lumen Fidei, quos tam sancta disciplina Sacrorum imbuisset: cuiusmodi nec tenuissimum vestigium deprehenderat vñquam in pudendis Calvinianorum lustris, vbi omnis petulantia, velut in castris impiorum dominaretur. Hæc per aliquot dies meditati, non decernenti tamen, quod optimum videretur, incidit velut à tergo morbus, qui resistentem adigeret, quod Deus benignè vocabat. Opulento seni mediis Batavicæ perfidię tenebris immerso, inter obstinâtissimas in errore cognatorum phalanges, Deus inspirauerat venerationem cupiditatemque Catholici dogmatis, adedò vehementē, vt nisi se illi adiungeret, in nulla re speraret se posse acquiescere. Neque tamen erat ipsi dubium, quin vt eò adspiraret, quod cupidinem adiecerat, & patria, & opimum patrimonium sibi esset prorsus abdicandum. Hæc tamen viliora ei visa sunt, quàm vt, ipsis conseruandis, Fide Catholica excluderetur, cuius Sacrorum experti nulla spes salutis fieret reliqua. Sollicitudine igitur caducarum rerum expeditus rectà Insulam contendit, nostrisque sibi adhibitis religionum magistris, animi sui rem omnem tuto loco constituit.

*MONTENSE ET LVXEMBUR-
genſe Collegia.*

Q V A S I à grauiffimo flagitio procliuior, propinquierque fieret gradus ad ſanctimoniam, ſic mortalium nonnullis uſu venit, vt inſigni aliquo ſcelere implicati ſub vitæ exitum, inuſitatæ pœnitudinis glorioſiſſima clauſula ætatem concludant, viamque ſibi ad æternæ felicitatis epulas fruendas aperiant. Sapientiſſimum utique Diuinæ Prouidentiae conſilium eſt, eos non prohibere caſu turpiſſimo, qui ſua ex ruina generoſiorem impetum capturi ſint, ad virtutem ſuis in animis validiùs poſteà, magnificentiuſque ſuſcitantam. Hoc euentus genere proſtigatiſſimè fuit Montibus anus ſeptuagenaria, cui ſuam fortunam, ab inopiæ anguſtiis fortallè, lugubri querimonia in hortulo querenti, adſtitit ex improuiſo Acherontius Danista, & aliquot nummulis nescio quid ab vetula licitatus, eam ipſam ſibi pactus eſt, quo voluit pretio, ubi ea ſe Sacrorum, Deique omni abiudicaret commercio, porrecto que crine Tartareæ militiæ auctorauerat. Ab tam ſacrilegis impiorum initiorum carceribus, laxis habenis decurſum eſt ad quorumuis flagitiorum conſuetudinē, incubone Dæmone nihil non per impuram veneficam audente, perficienteque, quoad eam vulgatiſſimorum ſclerum atrocitas in neruum, ac in buſtum deinde compegit. Poſteà verò quàm in
vincu

vinculis eam conscientia criminum imminentiſſi ſupplicij comunefecit, æquitate animi ad luendas pœnas, & religione in Deum inaudita, ſe comparare inſtituit: vt qui alacritatem properantis ad paratum incendium, & inquinatiſſimam ſenectam exſecrantis, lacrymas gemituſque animaduertenter, fletibus ipſi præ miſeratione non poſſent temperare. Porrò in tolerandis accenſæ pyræ cruciatibus, fuit iuxta muliebri animo tantum roboris, & in effecto corpusculo tantum virium, præ interiore Diuini amoris flamma, vt ſpectantium corona planè obſtupefceret, tamque feliciſſimi occaſus ſortem turpiſſimæ nuper mulierculæ gratularetur, vti & nos quibuſdam aliis gratulati ſumus exutū Hæreticæ ſuperſtitionis ſpolium.

LUXEMBURGENSIBVS Sociis templum exædificare inſtituit priore anno Epicoſopus Azo-tenſis, Suffraganeus, vt vocant, Treuirenſis Archiepiſcopi, mirabili concurſu indigenarum ad deſcribendorum finium, & inaugurandæ aræ ſollemnes ritus propiùs cognoscendos, affluētium. Cui fabricæ auſpicatiùs inchoandæ, ac fortunatiùs promouendæ, architectus, vir planè probus, ab religioſiſſimæ legis ſanctiōe pium opus aggreſſus eſt: conuocata ſiquidem omnium operarum turba, & pauca in rem præſatus, docuit, non ad profanos vſus mortalium cuiſpiam inanem ſubſtructionem apparari, ſed Regi Regum immortalī Deo exſtructum iri templum, vbi, quotidie incruenta hoſtia crebriùs immolanda, Numini litetur. Quamobrein intelligerent omnes puris

corporibus animisque huic ædificio dandas esse operas: sibi quidem certum esse laborem nullius admittere, qui non iuraret in verba suæ sanctionis. Dicti autem factive noxa grauior Dalerò, hoc est aureo dimidiato, sanciebatur in cæteris; in ipso autem architecto, tot Daleris, quot noxiæ suæ conscios testes ille habuisset, cuius legis conditionibus ubi fabri vniuersi, operæque omnes se volentes adstrinxerant, conspirantibus omnium animis, in opus itum est vndique. Postridiè admissa in legem fraude à quopiam, eius lator depensa multa minimè contentus, reum à se ablegauit, dum Sacramento Confessionis esset expiatus, cuius persoluti officij syngraphum ab Sacerdote cum hic afferret, quindecim tamen dierum ignominiosa missione plectebatur insuper, nisi Patris Rectoris suffragiū interuenisset. Seueritate scilicet supplicij adhibenda principio, amputare studuit bonus Architectus effrenatam plebeiòrum hominum in peccando licentiam: neque spe sua frustratus est, nam cætera omni ætate sectorum structorumque numerosissimam officinam sibi obsequentem, & egregia modestia compositam habuit. Siquid minùs ex artis disciplina, vel non satis sedulò à quoquam administraretur in opere, non iracundè peccatè m ultus, non conuicio, vt fit, appetiit negligentem operarium: sed iniicienda religione, castigauit: Opus videlicet Magnæ Matri dicatum esse, in quod diligentia fidemque quisquis non contulisset, graui scelere suum caput obstringeret. Quibus verbis idem idem inculcandis facillimè

cillimè impetrabat, vt quidquid operarum fabrilia inibi mereret stipendia, pro se quæque negotium suum strenuè accurarent. Pueri puellæque quàm alacriter, vel inuitis parentibus, se adiunxerant Catholico gregi, tam fortiter aduersùm machinas & vim suorum in cœpto perstiterant, vt neque familia exacti, nec appetitî, conuulneratique saxis à suis fratribus, in Fide vnumquam vacillarent. Posteriore anno exeunte, quà senio, quà laboribus fractus, migravit è viuentium commercio Pater Antonius Haëck, annorum sexaginta quattuor, vnum & quadraginta Socius noster, ex Spiritalium Adiutorum Decuria, cui diuturna plaga grauitè obliſi lateris, inter audiendas assiduissimè confessiones, letalis fuit. Ei erat imis insitus medullis Diuini cultus amor, & intima cum Numine per continentem allocutionem consuetudo: vnde nascebatur eorum omnium quàm ardēs studium, quæ Deo grata esse vel nosset, vel coniiiceret. Hominum abiectissimæ conditionis, quorū vel ab suo, vel ab alieno neglectu, salus plerumque periclitatur, nempe rerum salutarium supina ignorance: peculiarem sibi delegerat institutionem, & curam in omnibus quàm sedulam; in huius suæ tutelæ causâ commemoranda libenter præfatus: se curare videlicet ipsa Dei membra, ei quàm coniunctissima, carissimæque, quorum ideo consuetudine delectaretur mirificè. Fœdis, & insanabilibus affectos morbis, ab contagionis metu ferè in solitudine desertos, humanoque destitutos subsidio, ipse suæ clientelæ proprios ducebat, ima

vrbis

urbis regione abditos, præcipiti asperrimoque descensu, grandi licet ætate, incommodaque valetudine, visibat sæpenuerò. Quibus laudibus & diutissimè, & quòd caput est, ad extremum vsque diem floruit, vt eius meritorum memor ciuitas, eius funus vniuersa sibi cohonestandum putaret. Patrum vnus, aliquot Missionibus, pænè septies millena hominum capita Confessionis Sacramento expiauit.

VALENCENENSE COLLEGIVM.

MA T T H Æ V S Accobt ætatis anno quinquagesimo tertio, suæ in Societatem adoptionis decimo septimo, ab ianuæ domus religiosissimè obito ministerio facilem in cælos aditum sibi visus est patefecisse. Per illustri siquidem multipliciũ virtutum coronæ hanc gemmam scitè sapienterque illigauerat, qua cæteræ omnes connexæ tantò ampliùs ornarentur, vt insigniter pius erga Numen esset, cuius quàm accuratissimo cultui, ad venerandum pegma Sacrosanctæ Hostiæ tribueret quotidie, quidquid otiosi supererat ab sollicita forium procuratione. Grauioris fraudis in Deum admissæ reus, ita cæteras omnes expiabat Confessione, vt hanc soleret obstinato silentio præterire, interim tamen, animum dilaniante conscientiæ carnificina, Beatæ Mariæ Hallensi vota faciebat, procul absè amoliendis exulceratæ mentis molestiis. Sed voti exsoluendi gratia cùm ad

Hal

Hallenſe templum adiret , occulta vi ſenſit prohiberi ſe aditu ædis , & agnouit illico ſacrilegi hominis votū præſentiâque integerrimæ Virgini fuiſſe inuiſum:quare apud noſtrum exhausta fœdi peſtoris ſentina, ſtudit redire in gratiâ cū Virgine Matre , ac verè rediit , & per eam cum filio. Batauorum, Zelandorum, Anglorumque bene magnus numerus noſtra opera in Eccleſiæ , Sacrorumque communionem receptus eſt. Beati Seuerini, eiusque Socij, Martyrum, Sacra oſſa, è Priſcillæ cœmeterio eruta , & ad nos tranſmiſſa, incredibili ciuitatis , finitimique populi concurſu ac religione, magnificentiſſimo triumphî apparatu, Atrebatenſis Epîſcopus noſtram in ædem inuexit. Eos Valencenſium ciuium perpetuis Tutelaribus Senatus adſcripſit, noſtrisque Patribus ſignificauit ſibi fore gratiſſimum, vt, bona ipſorum venia , veteri ciuitatis more , horum quoque Martyrum, cum cæteris Valencenarum Præſidibus , eſſet anniuerſaria die tranſuectio. Secundùm hoc tempus ardebant piæ cuidam matronæ artus intolerandis podagræ doloribus, & iis tantillum leniendis Medicorum ars , pharmacorumque vis hebeſcebat: vouit igitur mulier feſtos ſibi futuros , omni vita horum Martyrum , & Beati Ignatij Natales, continuoque , ſtupentibus inuſitati euentus miraculo domeſticis, è ſella incolumis exſiliit. Ciuium animos ſtrenuè fructuoſeque curantibus Sociorū aliis, alij peregrè ſunt proſecti , magno indigenarum compendio. Ventum eſt in lapicidinas ſubterraneas, conditione loci hominumque inibi degentium

gentium planè horrendas , vt Orci facies veriùs, quam humani moris contubernia victusque cer- neretur : sic omnem humanitatem religionemque aboleuerat diuturna vitiorum consuetudo, & cul- turæ negligentia. Ided enitendum fuit multā Ca- techismi frequentia , vt Christiani officij vehe- mens religio efferatis pridem animis primū in- duceretur, ac deinde Sacrorum vsurpatio : quæ hominibus, operi ac lucro acriùs intentis, nisi eas in specus aliena cura inueheretur, ipsi numquam per se accerferent. Erectum eapropter in propin- quo sacellum Dei Parenti; cultus quotidie Deo adhibendi scriptæ leges; indicta multa religionem Numinis, & rectam morum disciplinam violan- tibus; qua cura salubriter perfectum est, vti à fe- rino vitæ genere ad ciuilem Christianumque re- uocarentur vilia nuper scelerum Dæmonumque mancipia. Virginis Matris elegantissima è Siche- mensi quercu efficta sigilla, varijs ea regione tem- plis, nostrorum hortatu, collocata; continuò celebrari cœpta sunt multiplici depulso- rum mor- borum prodigio.

ATREBATENSE COLLEGIVM.

PAR quoque Martyrum, Beatum Florentium, & commilitonem ipsius, Generalis Præpositus Societatis ad nos Roma delegauit, quorum aduen- tu Atrebates omnes, luculentissimo impensæ læti- tiæ, ac religionis argumento, effudere se in omne
genus

genus sumtuosissime simul & splendidissime poi-
pæ, vt intra extraque mœnia vrbis nihil, ad varie-
tatem, elegantiam, magnificentiamque celeberrimi triumphi, posset desiderari. Heroibus suis, si-
bique delatum honorem, tam incensis animis,
tamque profusa sumtuum liberalitate, Deus iu-
cundissimam suæ maiestati accidisse, procul etiam
vrbe ipsa degentibus Martyribus, excitando vno
alteroque prodigio, Atrebatibus compertissimū
esse voluit. Intra ipsas vrbis portas, confertissima
turba, pio contingendi studio, sacræ transuectioni
destinatum pilentum circumfidente, duodenū
annorum puer à proximè vrgentibus in rhedæ or-
bitam deiectus est, cuius rotæ renes, dorsum, &
scapulas ipsius antè decurrere, quàm adstantium
clamore admonitus auriga incitatos equos inhi-
bere potuit, quibus repressis quod dextrum pue-
ri tempus vna rotarum iam inscenderat, eidem
toto carpenti degrauante pondere insistebat. At-
que quod vsu solet venire in rebus trepidis, vt im-
pedita magis ipsimet implicent, qui nituntur ex-
pedire: de turba iubent alij rhedarum habenas
adducere, alij remittere, cuiusmodi ad imperia
pugnantia dum hæret anxius, pueruli malæ insi-
stens rota eum obterebat. Sed demum interuenit
animi plenus Sacerdos, qui omnibus connitens
viribus, rotam & cissium molitus puerum præsen-
tissimo exitio subduxit. Obuersa solo mala liuo-
ris nonnihil, altera impressorum clauorum vesti-
gia, corpus aduersum totum scarificatæ cutis pur-
puream lineam dumtaxat prætulere, incolumi cæ-
terum

terum puero, ut meritò prodigiosi euentus exemplum vniuersi conclamarint. Alio quoque documento idem Beatorum patres, se, maxime propitium, huius populi clientelam sumere prænunciavit, cum imponenda rhedæ triumphali sacra sarcina, frequentissimus populus rei spectaculo defixus teneretur, in quem bene stipatum, magni modi quadratus lapis è proximæ domus fastigio periculosa ruina delapsus est, sine cuiusquam perniciæ ac vulnere. Ex quo autem augustissima excepti cella iuge sibi apud nos domiciliū delegerunt, arlere perpetuò votiui cerei ad ipsorum aram, & affigi donaria perseuerarunt, aperta symbola multis ægris impertitæ per eos sanitatis. Princeps matrona, recens nupta, primarij apud Atrebatum Præsidis filia, Medicis ab sua arte & spe destitutis sacro inuncta oleo, deficientibus iam omnibus sensibus, extremo conflictu cum morte luctabatur; & ad Martyres, nouos hospites, velut ad sacram ancoram, visum est confugere: quorum ex sacris ossibus puluis de iusculo cum in semianimis os instillatus esset, mox receptis sensibus, iudicio, ac voce, stupente adstantium corona, Collegij nostri Rectorem, proximè nitentem genibus, cæpit affari. Ab eo igitur iussa postulare opem Beati Florentij eiusque comitis, ut ipse Rector, ceterique adstantium pro ea tum postulabant, eorum sæpius appellato nomine confestim habere cæpit melius, postridieque diuturna insomnia liberatur, suauiter eam complectente sopore. Cum primum ad aram Martyrum Sacerdos pro eius salute facere instituit

instituit : inualescentibus exiit in momenta viribus, donec planè confanesceret.

I N annum quoque insequentem iidem Sancti beneficia sua in elicientes ciues propagarunt, conclamato Curioni restituta valetudine, ac mulieri emortuam prolem effundere solitæ, felici deinceps partu impetrato. Duodecim annorum puellæ ad gressum nixumque crura & pedes prorsus erant inutiles : cuius vterque parens, inter alia, novemdiæ precationis ad Beatorû capfas voto se obstrinxere, quas preces quo die instituere filia niti suis plantis, altero progredi cœpit, tertio, ac semper deinceps, pedibus cruribusque valentissimis vsa est.

*CAMERACENSE COLLEGIVM,
atque Namurcense.*

S O C I I S Cameracensibus cum ex ciuili, tum Sex agresti opera, rusticanam plebem, numeroso agmine, frequenter in vrbe accipientibus, per amplios vtroque anno fructus rediit, quodd adducti sunt plerique vti hæresis exuias, numquam repetituri, ponerent, hisque multò plures Christiani hominis officium, quod vel ignorarent, vel negligerent, vsu magis, quàm nomine profiterentur. Ciui cuidam decimum tertium iam diem obstructi renes seu calculo, seu alio vitio, post diros cruciatus, sæuissimæ mortis necessitatem attulerant, vt Medici decernerent duodecima post

hora eum superstitem non futurum. Ad vim malam importunam exigendam, quiddam reliquiarum Beati Patris nostri admotum tandem est, postque horam vnam, patefactis renum cauis, dolor sedatus est; & erupit geminus calculus mediocris modi, cuius emissionē collocata deinceps in tuto sanitas videretur.

Qv o vno argumento ad seditionē maximē concitari poterat Namurcensis ciuitas, eo vsi sunt aduersum nos calumniatores, vt tantō acerbiorē nobis conflarent inuidiam. Vnum mensem vrbe iam aberat Collegij Rector, opportunē aduersariorum consilio, ad captandam ex absentia huiusmodi ansam calumniæ, quibus inde liberum fuit asserere, ipsum Bruxellis versari, suis artibus exprimentem à Principe ius amplissimum tributū Namurcensibus imponendi, ad magnificam Collegij nostri fabricam absoluendam. Simile vero commentum fiebat ex eo, quod citaretur testis nescio quis, cuius in manus incurrisset illius tributariæ facultatis obsignatum diploma, in ipso Principis tabulario: atque Bruxellensis cuiusdam accederet auctoritas, quam super ea re scriptis ad Namurcensem familiarem litteris consignasset. Genere autem tributū, quod iactaretur, Namurcenses hoc omnium maximē offēdebantur, quo scilicet indicendo, eorum vna libertas consultō peti, affligique videbatur. Belgicarum ciuitatum sola Namurcensis hoc iure vtitur, proprio sibi præcipuoque, vt ciuium quilibet vniuersæ familiæ ceruissam domi de suo coquat, eiusque nomine genus vestiga

vestigalis nullum Principi dependat : qua videlicet prerogatiua libertatis Namurcenses gaudent mirificè glorianturque , vt acerbiùs iis possit accidere nihil, quàm si ea parte quis vel minimum læserit. Principio quidem in plebeiorem modò circulis iste rumor iactabatur : qui, postea quàm inualuerat vehementiùs , primariis quoque ciuibus nostra pridem causa cupientibus, occasionem sermonum præbuit, & cuiusdam abalienationis materiam subministravit. Vt tamen nulla esse potest ad veritatis imitandam speciem callidè adumbratæ calumniæ vis tanta, vt eam tempus non aliquando discutiat : ita huic, ignotis disseminatæ in vulgus nunciis, non fuit diuturna fides, quòd eius proferendæ in medium principes, nullo scilicet testimonio freti, criminationum suarum auctoritatem studiosè defugerent. Prætor igitur, & populi optimates quique, omnibus vestigiis harum accusationum originem persecuti, vbi nihil omnino compererant, plebem esse iusserunt sine sollicitudine: Patribus enim nihil vñquam rei eius in mentem venisse : quorum virorum testimonio cum plebs acquievisset, illa criminationis procella momento dissipata est. Concionum in vrbe, ac in agris, sed Catecheseon in primis fructus toto priorè anno longè vberissimi constiterunt. Posterioris verò anni & plures expeditiones, & momenti maioris fuere, oppidanæ vicinæque, plebis ingenti gaudio, compendio neutiquam minore; vt plerisque locis magistratus publicè nostris suum aduentum & operam amplissimis ver-

bis gratularetur. Honestissimo loco natus adolescens amplissimum patrimonium, luxu & ganea, paucis mensibus, concoxerat, cui repentina penuria grauius acuebat amissarum opum desiderium, & ardentiorē quærendarum sitim, vt ea cupiditate accensus ad magorum subsidia decurreret. Ab iis in tenebricosissimæ siluæ abdita detrusus, Plutoni ærariæ rei potentissimo sistitur, cuius hortatu facile adducitur, vt Numen velit exsecrari, sed Beatam Virginem minimè omnium, tametsi nisi eam detestatus, venire non poterat ad omnium fortunarum felicitatem, quam Dæmon iis conditionibus deferebat. In tam facinoroso homine, ac vix expiabilis sceleris reo, deprehendit tamen Numinis benignitas, quod placeret: Marris Dei habitam esse ab impuro adolescente rationem, quæ vel ipsius Dei non esset habita: hocque argumento exorari se passa est infinita bonitas, vt resipiscenti condonaret maiestatis noxam, & eundem ad pristinas rei familiaris copias eueheret.

DIONANTENSE COLLEGIVM.

CIVITATIS huius in Cælites egregia pietas, impensumque aduersum nos studium, tametsi prodiderat se antea luculentissimis sæpenumerò argumentis: quoniam tamen per hosce dies negotium eiusmodi obtrigit, in quo quantum vellet possentque seu Cælitum, seu nostra causa, quæ facillimè esset ostensura: vbi primū à nobis est eius rei facta significatio, & magistratus, & ciues vniuersi propensissimis animis, quod cuperemus
 amplo

amplexi sunt, & prolxiùs etià perfecerunt, quàm ausi essemusvel postulare,vel cupere. Templo nostro idoneis Tutelaribus instruendo ad nos Roma summittebantur Beatæ Polychroniæ Virginis Martyris, & Sociæ ipsius, veneranda corpora, iamque haud procul Dionanto aberant: quibus triumphantium honore in urbem, ædemque nostram, inducendis, Dionantensis populus, quidquid ipsi opum, animi, virium, industriæque potuit suppetere, non magnificè modò, sed regificè quoque, ac summa quidam alacritate contribuit. Cuiusmodi liberalitate munificentissima vti nostram Familiam sibi deuinxit in perpetuum, ita speramus Sacrarum Virginum ciuitati suæ demeritos eam esse beneuolentiam, quæ tutissimum ipsi præsidium, æternamque sit conciliatura felicitatem.

Elector Ferdinandus, anno altero, cùm vnum modò diem esset futurus Dionanti, eumque grauius operosum negotiis, asseruit tamen nobis ab se negari non posse, quò minùs principem ædificio nostro fundando lapidem poneret. Qui nostra causa nihil cuperent, eumque sibi occupare studerent, ambitioso agmine, supplicantium instar, prodituro præstolabantur ad fores arcis, si possent aliò auersuri: sed is neminem salutantium moratus, ad nos per mediam rogantium aciem citus & rectà cōtēdit. Vbi adfuit, perhumaniter singulis porrecta manu, ita est prolocutus: Multorū se precibus, ac ferè manib. distingere conātibus, aduolasse tamē, quò se animi voluntas cupidissimū impelleret:

pelleret: moxque, posito galero & chirothecis, inscriptum suo nomine lapidē imis fundamentis, operi bene precatus, collocauit.

*HEDINENSE, AC ARIENSE
Collegia.*

HEDINVM oppidum est, situ, aggeribus, militari præsidio, munitissimum, in Atrebatum, septentrionalisque Franciæ, seu Picardiæ, finibus, nostra memoria, id est, superioris sæculi anno quinquagesimo octauo & nono conditum, vno fermè lapide ab eo loco, vbi eiusdem nominis oppidum per eos dies deletum fuerat. Hedinum vetus, Teroannam Morinorum, & aliquot alias arces bene firmas, tormentis quassatas, vi ceperat, funditusque defeuerat Emmanuel Philibertus, Dux Allobrogum, cūm Caroli Quinti auspiciis, suo autem ductu, bellum in ea regione administraret: eodemque tempore, propulsandis hostibus Atrebatum ora, idoneo loco, amplum castellum, munitionibus validissimum, cūm exadificasset, Hedinum fert de veteris arcis nomine, suoque gentilitio symbolo, appellauit. Eo cæli solique bonitas, habitationisque tuta conditio, paucis mensibus, frequentissimos incolas conuocauit, vt pro modicis pincerij finibus, in celeberrimum oppidum euaderet. Huius præsidij ciuēs ingenti Societatis desiderio tenebantur, sed in præsentia facultates eis non suppetebant, vnde nobis para-
rent

tent & annonam perpetuam , & domicilium, fuit
tamen eorum in petendo tam incensus ardor, tan-
taque importunitas , vt pro eis copiolis , quæ ip-
sis tùm effent ad manum, trium scholarum magi-
stri, & Sacerdotes aliquot , concederentur sub la-
cri Paschæ sollemnia , quibus duæ præterea sunt
adiunctæ proximis Remigialibus. Ex trecentis
gymnasij auditoribus mox aliquot Sodalitia coa-
luere , ac rectam morum, pietatisque disciplinam,
audis hausere mentibus. Statis quidem habendis
concionibus, ciuium præfidiariorumque militum
animi ad Christianum officium incitati sunt ve-
hementer : omnium tamen fuit vna sententia , &
procerum oppidanorum in primis , familiarem
Catechistæ institutionem cuiuscumque auditori cæ-
teris omnibus præceptionibus esse longè salubrio-
rem: ad eam itaque accurrunt toto ex oppido vni-
uersi ordines quàm cupidissimè , fatenturque ple-
rique animi anxietatibus molestissimis ea se audièn-
da esse absolutos. Pauculis excursionibus refrena-
ta circumfidentium nos Hæreticorum audacia, &
ad ius suum , munusque tuendum , egregiè ani-
mati Catholici , ac inter eos totis agris rusticani,
quorū numerosi greges in urbem confluere cœpe-
rūt, Christiana munia religiosè ac frequenter obitu-
ri. Nobilis matrona , in agro degens , propinquis
nostrorū freta subsidiis, Calvinianorum conuen-
ticulum ausa est suis ædibus exigere, vbi olim suus
vir Hæreticus sedem eis destinarat: ad quam agro-
ram Sacerdos noster , procul ex pagana æde , Di-
uinam Hostiam, spectantibus, & freudentibus Hæ-

reticis, attulit. Militaribus autem manipulis apud nos Catechetica opera commodè nauari non potest, quòd eorum ferè assiduam præsentiā frequentes aggerum portarumque stationes exigunt: quamobrem festis diebus ad ipsos adimus centuriatim coactos ipsis in excubiis, & eo quidem cū eorū emolumēto, quod se prodit postea, cū cateruatim ad Sacramenta participanda confluunt.

S E C V N D O autem anno, vt par fuit, de ignorantia, vitiorumque compilatis castris copiosiores manubias tulimus. Et quidè triduo ante Cincralia, promulgatis moris nostri sacris Indulgentiis, præter Hedinenſes oppidanos, præsidiumque vniuersum, exciuius omnibus ex agris integros & frequentes pagos cum suis Curionibus, supplicantium instructa acie accurrentes, vt Sacerdotum, quod erat in vrbe, ac ex agro confluxerat, id tamen satis non fuerit, pro numero confitentium. Urbanis Sacerdotibus prodigiosum videbatur, posse nostros tam diuturno molestoque labori audiendorum pœnitentium sufficere, quo per eos dies quererentur se ferè obrutos. Oenopolæ verò diram perniciem suis tabernis metuebant, si pergerent istos Sacrorum conuentus frequentius agere, quibus nec peregrinus nec ciuis suas cauponas vel aspectu dignaretur. Non piguit octogenarium Francum, cum vxore anu, excitatos fama Pontificiæ Indulgentiæ, itinere pænè diei vnius ad nos contendere tanto fruituros beneficio: quibus, serò licèt aduentantibus, abunde tamen factum est satis, quam in rem & ipsi strenuè vicissim

vicissim adlaborarunt. Studio perdiscendæ Catechæsis , rationisque de ipsa reddendæ apud nos, publicis in conuentibus , ardent rusticani, vt densis agminibus hoc nomine in urbem adeant, rectæque in stadium ipsum huius concertationis egregiè comparati conuolent. De hoc grege vnus audierat, ex nostris per Catechismi explicationem, de Cerei Agni dotibus , auditorumque memor , sibi detraxit ex collo , quem pretium suæ industriæ acceperat , magnaue fide coniecit in latissimè sparsum incendium, quo amplissima granaria frumento refertissima tantumnon ablumebantur, præualido vento flammæ eò impellente: idemque cum fecisset alius rusticus , mox sublimis elata vis flammarum sese à proximis tectis auertit , ac tantisper impetum sustinuit , dum frumenta omnia exportarentur. Mulier annos plerosque fœdam noxam in sacra Confessione præterierat, rata eius labis memoriam , sensumque , diuturnitate silentij tandem oblitteratum iri. Sed quò tempore procederet longiùs , hoc acerbius eius animum conscientia laniabat : vt desperatione sanitatis decerneret Confessionis vsu penitus abstinere. In hac sententia obfirmatæ , festoquæ die sub auro-ram in lætica quiescenti , adolescens adstitit, qui laqueo in eius vlnas inserto, se inuitam pertracturum ad præstolantes in publico matronas assereret , nisi sponte ipsa sequeretur: habitura nimirum religiosas feminas suæ salutis duces. Ea vis fuit opportuni admonitoris, vt, qui ad manum fuit, vulgari amictu raptim assumto , ipsa prodiret, & du-

cibus matronis nostram ingressa ædem, veteres animi ruinas quàm diligentissimè sarciret. Patri Aegidio VVrincre, Insulano, ætatis primo & tricesimo anno Hedini parentauimus, cùm eum maligna lues febris, occulta tæbe viscera depascentis, nono die confecisset. Ei religiosissimè apud nos traducti octo anni, cum apud domesticos, tum apud externos caritatem omnium conciliarant, atque venerationem. Hoc se studium tota in ciuitate prodidit, cùm renunciato eius pio decessu, iacturam nostram sibi communem querebantur officiosè, posteaque ipsius funus frequentissimi cohonestabant.

A R I A M, in Atrebatensis agri urbem, Franciæ ad Austros finitimam, acciti sumus incunte huius sæculi anno decimo tertio, atque in ternis modò scholis, exeunte Quadragesima, docere instituiamus. Nobiscum inductæ sunt in oppidum statæ Dominicis diebus per totum annum conciones, quarum vsus antea non fuerat, moxque inuitati sumus ad sacri Aduentus, maiorisque Ieiunij concionum sollemne munus, & quidem ad nos confluentè bene frequenti, honoratissimoque auditore. Hæreticum virus hauserat mulier in Batauis multos annos versata, vnde cùm reuerteretur, canis rabidi pestifero morsu sauciata grauiter, ad Beati Huberti, proximè Ariam, adibat remedium suo malo petitura, vt est mos indigenarum huius prouinciæ. Sed, Ariæ cùm esset, audiuit de Catholicis, nihil opis à Beato Huberto, cæterisque Cælitibus, Hæreticos impetrare: quare mox venit in

nit in nostram ædem, palam, & ex sollemni formula, execratur hæresin, sacra Confessione accuratè animum expiat, quo perfuncta munere, illati vulneris diram luem discussam esse illico apprehendit.

TORNACENSE TIROCINIVM.

PATREM Tironis è Francia Tornacum nuper fuga elapsi, nobis tandem conciliauit aduersa valetudo, cùm eius violentia se ad mortem appeti, non inanibus coniecturis, credidisset. Vnum iam annum, hocque ampliùs, Rothomagensis, Parisiensisque Curia decretis nos vexauerat, sed, ex suo ingenio, non satis grauitè; quare auctoritatem Regina per Aulicos proceres moliebatur, vt, ea suam in causam inflexa, citiùs validiùsque negotium conficeret. Cui machina in nos intendendæ impensius defixo grauis morbus derepentè insedit, cuius inopinata impressione territus animum planè ab suis conatibus, consilioque, auocauit. Eum Rothomagi decumbentem noster quidam visere cupiit, eius filij olim præceptor, vt infensissimum sibi placaret, de cuius cupiditate vt inaudierat, id verò significauit fore sibi iucundissimum: adeunti que, manantibus vbertim lacrymis, suum factum excusauit diligentissimè, causatus vim paterni animi aduersum liberos, sed in primis amicorum importuna cõsilia studiaque, quibus se passus esset inconsideratiùs abripi. Vix se
domum

domum receperat noster, post adhibita agro idonea fomenta consolationis, cum ab eodem reuocatur, oraturque, ut ne grauetur ultimum, maximeque amicum officium morienti tribuere: se videlicet doceat Christianæ vitæ rectam, salutaremque clausulam, qua studiosè adhibenda superioris ætatis omnes negligentiae suppleantur: maxime verò sibi noxas à puero per Confessionem recognoscenti aures beneuolè præbeat. Qua parte Christiani hominis religiosè defunctus cum esset, extremæ voluntatis tabulas descripsit, quarum princeps caput fuit, quo peteret sepulturam sibi concedi apud nostram Rothomagensem Probationis Domum: tam scilicet acerbius alienati paulò antè animi erat immutata ratio. Simo du Forest Nouitius, editis per vtriusque valetudinis, firmæ, affectæque, religiosarum virtutum luculentis facinoribus, migravit è viuis, quo die optauit magis, quàm quo aut medicus credidit, aut ipse sperare potuit. Sacris Magnæ Matris diebus insignia diuinitus ei ceciderant beneficia, & illud nominatim, quòd Salutatæ Virginis festo venerat in Societatis Tirocinium, quo itidem die, si Superis videretur, cuperet dimitti è corporis ergastulo. Cum igitur Sacramentis semel iterumque procuratus, ut affectis erat viribus, in momenta expectaretur eius obitus, orabat sibi prorogari diem octauum, Virginis è cælo Salutationi sacrum, ut eadem Dei Mater ineunti Cælitum choros dux fieret, quæ fuerat Societatem adeuntri. Ratum fuit eius votum cælorum Reginæ ac Deo, nam eo ipso die

so die tranquillissimè obiit, cùm eius vires ita medico probarentur, vt perstaturas in aliquot præterea dies crederet.

PATRIS Oliuerij Manaræi, viri planè magni, exeunte anno posteriore, funus mœrentes duximus, primo & nonagesimo anno quàm natus erat, sexagesimo quarto quàm Societati se addixerat, quæ ipsum ad Vota quattuor admiserat anno sui aduentus decimo: fractum autem ingentibus laboribus senem effetæ vires toto quadriennio lecticæ affixerunt, vnde suborta cruris gangrena languentem paucis diebus exstinxit. Quo de homine vbi plurima summaque dixeris, fateare tamen necesse est, imparem tuam dictionem eius æquandis meritis, quem Deus vnum ex Societatis Heroibus esse voluerit: cui tamen vt videaris adscripsisse, quod omnium instar esse possit, elogium, satis erit asserere: qualem, quantumque inter Socios futurum Beatus Pater Noster prælagierit, talem eum, ac tantum ab eodem paucis post annis agnitum, probatumque. Videlicet is fuit omnino nostri conditor Ordinis, qui quos homines suo Instituto idoneos animo esset complexus, ac ipse reipsa exprimeret, vnus posset sua institutione conformare, sed exemplo in primis absolutos numeris omnibus fingere: cuiusmodi hunc, quo de agimus, figuratum expressumque sua ex officina emisit, aliis ad eandem perfectæ disciplinæ normam expoliendis futurum olim cis Alpes archetypum. Ob quas igitur præcellentium virtutum dotes Beatus Pater cum posteris

domum receperat noster, post adhibita agro idonea fomenta consolationis, cum ab eodem reuocatur, oraturque, ut ne grauetur ultimum, maximeque amicum officium morienti tribuere: se videlicet doceat Christianæ vitæ rectam, salutaremque clausulam, qua studiosè adhibenda superioris ætatis omnes negligentia suppleantur: maxime verò sibi noxas à puero per Confessionem recognoscenti aures beneuolè præbeat. Qua parte Christiani hominis religiosè defunctus cum esset, extremæ voluntatis tabulas descripsit, quarum princeps caput fuit, quo peteret sepulturam sibi concedi apud nostram Rothomagensem Probationis Domum: tam scilicet acerbius alienati paulò antè animi erat immutata ratio. Simo du Forest Nouitius, editis per vtriusque valetudinis, firmæ, affectæque, religiosarum virtutum luculentis facinoribus, migravit è viuis, quo die optauit magis, quàm quo aut medicus credidit, aut ipse sperare potuit. Sacris Magnæ Matris diebus insignia diuinitus ei ceciderant beneficia, & illud nominatim, quòd Salutatæ Virginis festo venerat in Societatis Tirocinium, quo itidem die, si Superis videretur, cuperet dimitti è corporis ergastulo. Cum igitur Sacramentis semel iterumque procuratus, ut affectis erat viribus, in momenta expectaretur eius obitus, orabat sibi prorogari diem octauum, Virginis è cælo Salutationi sacrum, ut eadem Dei Mater ineunti Cælitum choros dux fieret, quæ fuerat Societatem adeuntem. Ratum fuit eius votum cælorum Reginæ ac Deo, nam eo ipso die

so die tranquillissimè obiit, cùm eius vires ita medico probarentur, vt perstaturas in aliquot prætereà dies crederet.

P A T R I S Oliuerij Manaræi, viri planè magni, exeunte anno posteriore, funus mœrentes duximus, primo & nonagesimo anno quàm natus erat, sexagesimo quarto quàm Societati se addixerat, quæ ipsum ad Vota quattuor admiserat anno sui aduentus decimo: fractum autem ingentibus laboribus senem effetæ vires toto quadriennio lecticæ affixerunt, vnde suborta cruris gangrena languentem paucis diebus exstinxit. Quo de homine vbi plurima summaque dixeris, fateare tamen necesse est, imparem tuam dictionem eius æquandis meritis, quem Deus vnum ex Societatis Heroibus esse voluerit: cui tamen vt videaris adscripsisse, quod omnium instar esse possit, elogium, satis erit asserere: qualem, quantumque inter Socios futurum Beatus Pater Noster præfagierit, talem eum, ac tantum ab eodem paucis post annis agnitum, probatumque. Videlicet is fuit omnino nostri conditor Ordinis, qui quos homines suo Instituto idoneos animo esset complexus, ac ipse reipsa exprimeret, vnus posset sua institutione conformare, sed exemplo in primis absolutos numeris omnibus fingere: cuiusmodi hunc, quo de agimus, figuratum expressumque sua ex officina emisit, aliis ad eandem perfectæ disciplinæ normam expoliendis futurum olim cis Alpes archetypum. Ob quas igitur præcellentium virtutum dotes Beatus Pater cum posteris

steris magistrum discantibus, imitantibus exemplum præscribebat, ob easdem quoque Deo insigniter carus, summè familiaris, multarum magnarumque rerum, luculento Diuini erga se amoris argumento, factus erat conscius, vt, quod pertinet ad Socios, amicosve, priuatim aut publice, nihil futurorum euentuum ipsum lateret, postquam se orationi ea causa dederat: nullus eum casus perturbaret, quòd huiusmodi esse consilium Dei nouerat. Laureti cum Sociorum Familiæ præesset, horæ quadrante ante prandium, Promus eum admonet, panes perexiguos quinque dumtaxat in penu sibi reliquos esse, quos sexaginta & quinque accubituris apponat: eam ob rem se non audere, nisi secus ipse iubeat, dato signo vocare Socios in cœnaculum: cui, domesticas angustias trepidè nuncianti, nihil aliud responsi dedit, quàm vt domesticæ partitionis horas ex more seruaret, de cætero nequaquam sollicitus. Suo igitur tempore, prodeunt omnes in triclinium, ignari penariæ tenuitatis, & mensam ineuntibus adfuerunt in singulorum quadris vnus modi panes integri, quos mortalium nemo in mensam intulisset, vt nullus dubitare potuerit, quin nota Rectoris virtus, summaque apud Deum gratia, hoc beneficij suę familiæ, consueta vi precum, momento impetrasset. Ex eodem Collegio emisit aliquando suum Oeconomum ad faciendam cum creditoribus nomina, vestemque mutua pecunia procul emendam, Recinetensibus nundinis, cum notissima scilicet omnibus nostra inopia omnem Oeconomum spem fidei

fidei creditique apud homines copiosos adimeret. Eum tamen iubet Pater, certus Diuinæ Prouidentia, plenum spei administrare negotium eorum hominum, qui se totos Diuinæ curæ permisissent: quo dicto non tam animauit Procuratorem, quàm perfecit, ut is quantum æris opus esset, ab obuiō creditore mutuū facillimè obtineret. Vix autem Oeconomus vestiaria ex annona redierat, cū Neapolitanus quidam, Societatis candidatus, inter obeundam peregrinationem Lauretanam, Patri Oliucrio, de Numine omnia bene speranti, aureas Hispanienses Duellas ferè trecentas in manū liberaliter coniicit, vnde creditori mutuū repræsentaretur, & domus angustia multiplices opportunissimè laxarentur. Fuit & illud, erga Patrem Eleutherium Pontanū, cū in Tirocinio adhuc ageret, facinus hominis futurorum præscij, & apud Deum longè gratiosissimi, quod imminentes ipsi acerbissimas animi molestias diserte prænunciauit, & cū eis obrutus, adigeretur ad desperationem, adhibito breuis, sed incensæ, precatōis officio, in tricenos reliquæ vitæ annos, est ipsi promeritus à Deo quàm maximè liquidam mentis tranquillitatem. Cuius calamitatis non prius se deprecatorem professus est, quàm grauissimè laborantem docuisset, per eiusmodi luctarum acerbitates, breuiore via perueniri, secundissimo Numine, ad illustrium virtutum amplissima compendia, quarum sublimi fastigio solescent procul abesse, qui huius dimicationis asperitate terrentur. Animi videlicet sui Heroica
illa

384 PROVINCIA BELGICA.
illa magnitudine, cuius esset, summa facere, ma-
ximaque pati, cæterorum animos, viresque me-
tiebatur: aut certè quos minùs valentes cer-
nebat, iis quacumque ratione poterat,
ad excelsissima quæque pro Deo
audenda, vires addebat, &
alacritatem.

* *



PROVIN



PROVINCIA POLONIA.



SOCIETAS, latissimis huius Prouincię cō-
prehensa finibus, in solē eduxit, vel in um-
bra exercuit operas, anno priore quadra-
genas denas, posteriore plures illis quinas vice-
nas; quarum Sacerdotes prius centeni septuagē-
ni terni; post centeni octogeni septeni; Sacris non-
dum initiati nunc centeni triceni septeni, nunc
his plures septeni; Adiutores rei domesticę pri-
mum centeni, deinde supra hos quaterni; Noue-
nos singulis annis amissimus; tricenos anno alte-
ro, altero tricenos septenos accepimus; vniuer-
sum porro numerum perpetuis domiciliis quat-
tuordecim, non perpetuis tribus distributum.

GRACOVIENSIS PROFESSORVM
DOMUS.

STANISLAVS VVoiciechovich septimum
Annum suę apud nos nauiter decursę militię.
B b singulari

singulari exemplo diuturnæ patientiæ, religiosissimaque morte terminauit. Tribus ab Ecclesiæ capite fœda secessione diuulsis; vni ac triginta dogmatis nouitate ab ipso Christo dissentientibus, eæ sunt intentatæ concionum, colloquiorumque machinæ, quibus victi, deinde volentes ad officium redirent. Horum vnus, septuagenarius ciuis, olim inter primos hæresis venenum in hac vrbe cupidius hauserat, quem, quò propiorem rumulo, eò sibi cura impensiore studebat asserere noui Euangelij artifex Acherontius, ipsiusque satellites Ministri: sed potentior vcritas, dicentis Concionatoris ardenti sermone vibrata, obstinatæ mentis duritiam perrupit, fraudulentæque obnitentium Prædicantium caliditatem dissipauit. Non modò enim adductus est, vt, id ætatis, & prudentiæ vir, in tam aperta re fateretur se lapsum esse: sed vt, in principe quoque vrbis templo, frequentissima ciuium corona, suum errorem agnosceret, cumque indignatione detestaretur, vniuerso plaudente populo. Ad Slauios in fines Vngariæ traiecimus, accersitu Hommonensis Dynastæ, Georgij Drughettij, aduentitiam eius ditionem repurgaturi ab hæreseon funesto lolio, quod annis aliquot disseminandum curarat eius regionis Sarrapa, cuius occasu res Catholicorum facta est longè melior, successoris pietate ac diligentia. Duo Patrum eo cùm venissent, hoc eis amplior campus, & operosior offerebatur, quòd nulli Sacerdotes operæ adiutores, aut ex Cracouia, pestifero halitu afflata, aut ex vniuersa Vngaria,
bellis

bellis deflagante, deduci poterant, quibus postea Parochis populus vteretur. Id tamen feliciter effectum, ut nullius Hæretici Ministri vox toto eo tractu deinceps audiri posset, vno ex iis, iam septuagenario, ad bene sentientium partes transducto, cæteris silentio perpetuo, & Ministerij sui gestione, multatis. Plebs minimè mala, reuocatis sedulo, & cum splendore simul, ab longiore interuallo sacris cærimoniis, cum in antiquæ pietatis possessionem vsusque denuo mitti se animaduertenter, exsiliabat videlicet gaudio, & grauem earum iacturam lacrymis itidem prosequeretur. Momentum verò habuit non leue, ad suscitandum in populo amorem & venerationem Catholici ritus tantò vehementiorem, funus matronæ frequenti ac religiosa pompa procuratum, habitaque insuper concio de Catholica sepultura, de prærogatiuis morientium in Ecclesia, deque infelici obitu à Fide aberrantium, cuius auditione plebs suum sibi reditum ad Catholica Sacramirificè gratulata est. Interea casus incidit, quo Hæreticorum ferocia, & in Catholicam plebeculâ petulanter grassandi libido, validè contunderetur, erigerentur Catholicorum animi ad suum ius liberiùs fidentiùsque persequendum. Ex Evangelicæ factionis primoribus vnus, ut potens opibus, sic insolentia, superbiaque facilè princeps, plebeium Catholicum, tenuis fortunæ hominem, verberibus mulcarat atrociter, suoque scelere ita gaudebat, ut eius noxæ citatus ad Capitales Quæsitores reus, non modò crimen non inficiaretur,

sed gloriabundus etiam apud confidentes iudices
suum factum vendicaret. Sed decreto consilij eius
humeris liberaliter incussum fustuarium, ad ipsas
Curiae valuas, tam proiectam, ostentandae iniu-
riæ ab se illatæ, compressit in homine contu-
macissimo alacritatem, & opporturnè inhibita
eius gregalium petulantia, Catholicis multam
libertatem, quietemque asseruit. Ruthenici di-
uortij Popas quinquagenos, (sunt eius gentis Sa-
cerdotes) Ecclesiæ summo capiti volentes adiun-
ximus, & suo Vladicæ, hoc est Episcopo, feci-
mus in posterum obsequentiores, cuius primum
id documentum fuit, quod publicè operanti Sa-
cris, in cætero canentium choro, ipsi quoque ca-
rentes adstiterunt. Iis porro, quod, extra ædem
sacram, nullo vestis, aut tonsuræ discrimine in-
ternoscebantur à reliquò plebis vulgò, persuasum
est, ut Clericis idoneo amictu, tonsuræque vteren-
tur, qui eos secerneret à plebeiis, & ab quoti-
dianis contumeliis, iniuriisque vindicaret: quo
nomine honorificas immunitatum prærogatiuas
ipsis optimus huius oræ Dynastes impertit.

Secundus annus Schismaticos binos, quinde-
nos Hæreticos salubriora sapere ac profiteri do-
cuit. Sodalium quidam, captato leui offensionis
erga nos argumēto, decem & octo menses pio
sociorum conuentu & exercitationibus abstinuit,
intereaque, coactis variarum criminationum in
Societatem vndeque centonibus, & adhibita
in calumniandi societatem studiumque maleuolo-
rum manu, nobis maledicendi finem faciebat nul-
lum

lum : maledictorumque suos commentarios , adscripto nomine , idemtidem ad nos per contumeliam summittebat. Vna nostris visa est suæ conditionis , & hominis ingenio congruens respondendi ratio , nihil procacissimo conuiciatori respondere : sed , tacentibus non sibi consciis , Diuina non siluit ultio ; inopinatus enim morbus , grauisque , iniuriosum hominem deiicit : cui noxam poenamque dissimulanti acerbior plaga mox ingruit , quæ vel nolentem adigeret fateri , suo sibi merito inflictam Numinis manum vindicem. Quæ obrem Sacerdoti nostro , qui Sodalibus præficeret , aduocato , palam omnibus enunciat , quantum sibi mali , & quæ grauibus , quamque frequentibus suis culpis accidisset : sibi enim , sæpenumero noua crimina in uos comminiscenti , admonitorem , ultoremque Deum perpetuò adstitisse , qui , tentata variis modis ualitudine , à flagitio , quoties peccaret , uoluisset abducere ; se itaque qui ultro debuisset , Diuino iussu coactum , omniam criminatione absistere.

CRACOVIENSE TIROCINIVM.

SECEDENDVM nobis fuit , uel cum familiaris rei non exiguo incommodo , uti urbanam luem rusticana excursionè declinaremus , unde in agrestem multitudinem , Christiani officij maxime rudem , superstitionum præstigiis perniciosè implicatam , Hæreticorumque assidua consuetudine , ac fraude , in plerisque Fidei capitibus la-

banthem, deriuata sunt admodum opportuna subsidia. Multiplici tamen sollicitia, nec dispari constantia, certandum fuit cum populo, vel sua sponte minùs docili, vel Ministrorum artibus à nobis abalienato, vt vltro gràtisquē salubris sermonis commoda inuidentibus se attentum praberet. Postea verò quattuor & Vicesapi & Tirones eam inurbanam rusticitatem multa patientia vicerant, & demulserant humanitate, non modò non captabant siliurum latebras, quòd factitarant principio, sed aduenientibus sociis in pagos & vicos suos officiosè prodibant obuia, inque sacras ardes & priuatas domos deducebant amicissimè. Cecidit & illud perbelle, ad eiusmodi negotium tantò fructuosius promouendum, vt agrestium Satrapiarum Dominiis, tametsi Hæreticis plerūque, parū iniquis vteremur tota istiusmodi expeditione, quibus procuratiōe nostrā vel tacitè præbātibus, vel dissimulātibus, paganos, eorum clientes, longè obsequentiores haberemus, &, in salutis causa, rei suæ multò melius gerentes. Non sit proclive scribendo persequi, quàm densas inscitia nebulas, quàm crassam, & damquē superstitionū illuuiē detergendam præbuerit nobis rusticana multitudo, præter insitam ingenui dititiam, multos iam annos idoneis rerum sacrarum magistris destituta. Quod vsuvenire solet vbiuis gentium, pueritiam simulac Fidei rudimentis sedulò imbueramus, eadem, veluti magisterij vicaria subroganda, feliciter vsi sumus, ad parentum auorumquē, ac ceteræ familiæ ignorantiam expugnandam: quòd tenella

nella ætas, quæ semel animo combiberat, ea puerili more domi, quodam genere intercalaris natiuitatis, ita interdium noctuque canendo frequentabat, ut toties audita domesticorum, etiam aliud agentium, memoriæ penitus adhærescerent. Porro, in multa, diuturnaque aduersum Hæreticos opera, id dumtaxat in præsentia sumus assecuti, ut Calvinianos duos à perfidia vindicaremus: cæterorum animis ij stimuli sunt sæpenumero iniectioni, unde olim expectari possit veterum errorum penitudo.

POSTERIORE anno adolescens, Institutum nostri cupidissimus, paternarum aurium duriciem inclementiamque sæpenumerò expertus, quæ nullam eius rei mentionem planè admitterent, ubi parentis animus tempore obsequioque nihil mansuefiebat, eius missionem non moratus, parato ad conflictum animo, si res postularet, contendit in nostrum Tirocinium. Eò haud ita multò post venit pater, filium, quacumque ratione volentem aut nolentem abducturus: & reuera, ut filius venerat in eius conspectum, valida iniectione manu, cum conatus est subducere: sed obnitente, qui prehendebatur, consilium alio conuertit. Multa primùm disseruit, nostris audientibus, ut filio discessionem persuaderet, quem ut nihil commouebat, sine arbitris sibi compellandum censuit, ratus suas petitiones apud solitarium validiores futuras. Bona igitur Præsidum venia Tiro cum patre secedit, qua in solitudine, prolis amore impotens sui homo, ubi nullum blanditiarum genus

cedebat ex sententia, descendit ad infima quæque ac parente indignissima, vt etiam ad nati pedes pronus & supplex aduolueretur, suam miseriam fœdis lacrymis, ac muliebri ciulatione contestatus, & omni humana infelicitate acerbio rem calamitatem, nisi filius ad commiserationis studium aliquod sibi pateretur animum emolliri. Vim paternæ caritatis in liberos ex potentissimo illo naturæ ductu estimabat quidem suis momentis adulescens, parentisque indignum factum excusabat eo nomine: quòd tamen eo facinore formidolossimæ tegebantur insidiæ, obdurauit mentem eò magis, vt omnino ad postulata patris nihil inflecteretur; quòd eius decretum vbi aduertit parens, à precibus ad inclementiam conuersus, desubito gladium stringit, constantiam filij tetro particidio multaturus, nisi è propinquo nostri Patres accurrissent. Postèro die ad instaurandum certamen cùm rediisset homo iracundus, sui copiam, tam iniquis conditionibus vt faceret, Tiro instaur non censebat, nec æquum videbatur eius Præsidi bus, vt ad id compelleretur imperio, qui suæ virtutis luculentum alioquin experimentum præbuisset: ille igitur cum bonâ pace dimissus abiit, cui meliorem mentem natus non cessat precibus, voluntariisque flagellis, è cælo postulare.

POSNANIENSE COLLEGIVM

RERVM caducarum graues iacturas celestium optum tanto vberiore compendio, priorum huius biennij parte, feterauimus. Perijt nobis, sibi sospes esse instituit, Pater Stanislaus Grodicius, singulare Societatis ornementum in tota Polonia, ex quo inter mortales agebat, anno septuagesimo & altero, inter Socios tertio & quadragesimo. Is Romæ Theologicis apud nos instituebatur, illiusque studij attigerat calcem, adhuc incertus quod esset genus vitæ sortiturus, cum Beato Kotstkæ, ipsius populari, felix obtigit obitus, cuius ipse funus officiosè pieque comitatus, seriò secum de reliquæ vitæ statu consilium iniit, subductisque rationibus omnibus, animum ad Societatem hanc, seque ipsum totum studiosè appulit, assumpta iussu Præsidentis Theologici Doctoris laurea. Tirocinij palæstram iis eximiarum virtutum gradibus decurrit, quæ illum ad opipionem promeruerent multæ olim sanctitatis, quo nomine, Patet Claudius Aquauia, eorumdem tum rudimentorum commilito, cum singulari beneuolentia est complexus, ac in magnis viris semper habuit. Eius autem reditus Roma in patriam incidit in calamitiosissima Lithuanix tempora, cum laxissima prouinciæ, ac Religionis olim florentis laudibus, Caluiniani, Lutheranique incendij funestissima labe omnis orâ miserè deflagaret. Vt nouarum rerum

da esse solet experientia, rudibus facile imposuerant Hæretici, delinitis præsertim licentioris vitæ illecebra, quam Erebo missi, Epicurea ex disciplina, Euangelij specie, propinabant sycophantæ, ut numerosos confestim sectariorum greges ex Ecclesiæ castris abducerent. Vbi verò Patris Stanislai singularis eloquentia, eximia eruditio, & vtrisque clarior potentiorque vitæ probitas, pro auito Romanæ Ecclesiæ tuendo ritu, acre ex aduerso certamen concionum instituit, & Lithuanos popularis sui luculenta vehemensque aduertit denunciatio, quæ admonebat, rueret vniuersos in certissimum exitium, tum quasi frenis iniectis, plurimorum est inhibita curiositas, cupiditasque noui ritus cognoscendi experiendique, atque ad Patrem audiendum repentina facta est animorum conuersio. Non difficile fuit homini, apprimè docto conuelleret fundamenta impiorum dogmatum, & ea dicendo scribendoque Lithuanis ut execranda, sic deridenda quoque proponere, quorum apertè reuincenda falsitate, ac exagitandis ineptiis, est felicissimè consecutus, ut Lithuanix gentis copiosas multitudines, sed illustrium imprimis viro- rum bene amplas decurias, ad Catholicæ sententiæ studium reuocaret, ea popularium gratulatione, ut vulgò totius Lithuanix audiret Apostolus. Vilnensi nostræ Academiae complures annos Theologicas quæstiones dum interpretatur, magno ingenij, eruditionisque præconio, quam concionibus non mediocriter stabilierat Catholicam Fidem, eandem, luculentis

commentariis, pro re nata divulgandis, magnopere affirmavit, & eius profitendæ, ac retinendæ cōstantiū, alacritatē multis indigenis attulit. Octo eius exstant cōcionū volumina, quibus ingeniosissimæ simul & religiosissimæ se prodit mētis inusitata industria, pietas, eruditio, & erga suos caritas, in Christianorum morum asserenda disciplina, & integritate Fidei vindicanda, aduersum Calvinianæ Lutheranaeque vesaniæ perduelles. Nam qui se incomparabili sedulitate diuinis muneribus excipiendis compararet, proque modo capacissimi pectoris, affusam Diuinæ auræ copiā iugiter hauriret, non potuit non abundare omnium rerū penu apparatusissimo, quæ, in Christi causa, pro veritate, ac popularium salute assidue propugnantem, deceret. Qui Sacerdotalis prærogatiuæ inexplicabile beneficium, in participanda quotidie Sacrosancta Hostia, exque huius beneficii magnitudine, numquam satis diligenter expensum, Sacerdotis officium suis momentis æstimaret, interpretareturque, vbi religiosissimè Sacris fuerat opetatus, homo negotiosissimus, numquam habendis agēdisque gratiis loco excedebar, quin horā solidā in genua pronus expleisset. Vnde cum exurgeret, merum pietatis ignem verbis animisque spirabar. Studium summæ demissionis in eo perpetuum licuit obseruari, ac in duobus quidem nominatim, quod domi eius erat omnis ferè consuetudo cum Fratribus Adiutoribus, neque vinquam destitit multavi precū & lacrymarum Præsides vregere, vt ne ipse aliis præstet, aut præsidendi pro-
uincia,

uincia, siquando esset iniuncta, liberaretur. Contumelias & iniurias, in Christi maximè tuenda causa, quàm auidè appeteret, exciperetque alacriter, vel vno documento, coque singulari, procliue sit ostendere. Publica vrbis via ei transeunti Hæreticus puer, siue ab insito petulantia studio, siue ab odio Catholici ritus, & notæ virtutis in homine, os ei fædissimè consputauit, sed tam æquo animo, placidoque vultu cōtumeliosum ludibrium accipienti, quàm tenellus pusio impressum à matre suauium. Non perinde tamen accidit ad oculos Catholicæ matronæ tam indignum facinus, quæ sancta æstuans iracundia, pro scelere grauitate vltum ibat importunam pueri procacitatem: quod dum exsequi contendit ardentius, seditionem in vicinia pæne concitat, accensis contra eam, adeoque ipsum ius, aduersarum partium studiis. Bonus verò Pater, cuius vnus agebatur causa, cum pia muliere supplex agit, vt honesto studio susceptam sui honoris defensionem, honestiore contra Diuini ac sui etiam honoris ratione deponat: Nam si honoris causa huiusmodi estimanda sit, nihil sibi honorificentius, nihil suæ professioni congruentius posse obtingere, quàm vt Christi nomine contumeliis obruatur: qua sui animi testificatione, & mulierem admiratione virtutis defixit, & nascentem in plebe tumultum momento compescuit. His affectum sublimium rerum sensibus & studiis hominem, inque horas singulas ad maxima quæque decora se concitato cursu prouhentem, id exceperit genis mortis, quod
in signi

inligni sanctimonia transactum longioris ætatis curriculum præfagiret. In ipsis regni visceribus residentium Hibernorum militarium diuturnitas, sæuitiaque, barbaro quodam vexandi genere, non acerbissima dumtaxat, sed propemodum funesta & agris, & ipsis fuit urbibus, quod eorum tota ratio, castrensis moris com meatibus exigendis, hostili vastationi propior erat, quam quæ merito timeri debuisset ab indigena exercitu, tametsi petulantissimo. In tam aspera prædiorum villarumque populatione, cum rusticana plebs spoliaretur funditus, necesse quoque fuit nos, cum villicis nostris direptos, omnibus fundorum mercedibus destitui; cui calamitati & aliud infortunium accessit, ut frumentaria nobis annona, quanta erat domum coacta, in horreis inopinato incendio deflagraret. Miles porro, parum bene de nobis meritis in agris, nostram operam opemque exoptavit in vrbe, ac beneficam sensit, cum minimè cogitaret. Enimvero urbana plebs, præter factas domi forisque iacturas, quotidianis in vrbe vexata castrensis turbæ molestiis iniuriisque, ubi eam tædere cœpit tam diuturnæ nefariæque crudelitatis, signo dato concurrir ad arma, factoque impetu in palantes incautasque decurias, diram momento carnificinam vrbe tota excitauerat, cum nos prodiimus, multosque militum certo exitio subtraximus, nec sine capitis nostri periculo. Fœdam profectò morum corruptelam inuexit militaris licentia, manipulis otio, ganeis, in urbana copia, solutis: nostris tamen Scholis sua in hunc diem facta

farta rectaque mansit disciplina, & eluxit nonnul-
 lorum insignis probitas, animique fortitudo in-
 propulsanda proteruia. Præcellenti forma & pu-
 dore adolefcens diuerterat ad honestum ciuem,
 cuius parum pudica coniux multos dies inusitatis
 blanditiis insidiata iuueni, vbi aduertit castum
 pectus non emolliri lenocinio, apertè importu-
 neque ad societatem stupri eum appellat. Ille
 procacitatem impuræ feminæ demiratus, nihil
 aliud, quàm modestè retulit, si quidem de amo-
 ribus agatur, vni Cælitum Reginæ suos amores
 se addixisse, cæteris feminarum abdixisse in perpe-
 tuum: quibus verbis Circem illam funestam ab se
 ablegauit, moxque in conclaue abditus, duram
 verberum grandinem suis incutit humeris, amo-
 liendæ ab se procul damnati scorti flagitiique me-
 moriæ, ac inde rectà in Collegium adit, suum pe-
 riculum Confessario nunciaturus. Noui Euange-
 lij futurus olim præco sedulam apud nos operam
 litteris nauabat, quibus aduersùm magistros ali-
 quando vteretur: atque, vt tectior esset perfidia,
 sacrilego animo, quæ sunt Catholici hominis offi-
 cia omnia, in nostra æde obibat, dum inter audien-
 dam cohortationē, ad discipulos certo die habitā,
 Deus ita eius animum perculit, vt diurnum fla-
 gitium exsecratus, mox sese aperiret nostro Sa-
 cerdoti, & germanum Catholicum deinceps age-
 ret. Ex variarum Sectarum colluie octogena ca-
 pita in vnā, & eadem vbique sentientem Eccle-
 siam coaluerunt. Beati Kostkæ suos inter popu-
 lares fræquentia sunt prodigia, & Posnaniæ qui-
 dem

dem hoc anno septena obseruari contigit, de quibus illa maximè insignia, quòd Matronæ perpetua laboranti abortione felicitatem partus attulit, ternosque ægrotos insanabili morbo absoluit.

R E I familiari nuper afflictæ grauiiter, accessit insequente anno labes Florenorum quinquies millenûm, amico, indigenaque exercitu, hostilem in modum grassante totis agris: leuis tamen hæc plaga censerī possit præ ea, quàm inflixit & nobis, & maioris Poloniæ incolis, occasus Patris Ioannis Conarij, septuaginta & quattuor annorum senis, cuius quinquagenaria opera fructuosissimè vsa erat Societas, digni certè, qui æternûm viueret, si & eius merita spectarentur, & Poloniæ nobilitatis vniuersæ vota audirentur. Huius Collegij Rectorem videnos, Gymnasij Præfectum plurimos annoa egerat, Concionatorè fere perpetuû, quibus administrandis muneribus vniuersi Cleri, Nobilitatis, cæterorumque Ordinum, animos ita sibi deuinxerat, nihil vt apud eos esset toto regno carius, nihil gratiosius, honoratiusve; sed nominatim viri nobiles, ac mendici, honoris & amoris indice vocabulo, suum patrem, cætera nomenclatione tacita, vulgò appellabāt. Facile nequeat iniri numerus pacificationum, quarum arbiter felicissimus fuit, & quidem grauissimis in rebus, primarios viros inter, & conuentus, periculosè dissidentes. Quidquid fermè Dynastarum ad Catholicos ex Hæreticis rediit, tota regione, id eius industriæ acceptum est ferendum: quam in recognitionem veniunt & oppida ipsa quædam integra, quæ

que cum suis Satrapis Ecclesiæ restituit. Extremam porro vitæ clausulam egit apud nostrum Antistitem, qui eum sibi à Confessionibus præfectum legerat, vbi cum die quodam Sacris religiosissime vt solebat, operatus, curru veheret, inter decurrendum Marianum rosarium, pæne sine sensu animam exhalauit. Eius obitu indolere vniuersi Ordines acerbius quàm dici potest, sed nobilitas omnium grauissime, cuius illæ voces diu audite sunt: Luctuosum hunc annum duris calamitatibus sibi accidisse, sed eius viri occasu probis viris nihil potuisse cōtingere calamitosius. Triginta ex lulentis hæreseon lacunis emerferunt, quos inter nobilis virgo, vna pedissequa conscia, ementito vestitu clam ad nos adiit, vt graue sibi hæresis spoliū exueret.

CALISSIENSE COLLEGIVM.

VT vix indigenarum quemquam intactum hac vniuersa regione reliquit militaris violentia, sic neque huic Familiæ condonauit, tametsi longè mitius cum ea egit, quàm cum vllō Calissiensium ciuium. Regni rebus perquàm turbidis, huius Proinciæ fluctuantem statum conuulsura videbatur duorum ex Proceribus diuturna similtas, quæ in hostiles, apertasque inimicitias eruperat, populariumque studia in geminam pugnantium factionem distractum ibat. Eis reconciliandis primarij quique prouincialium in priuatis amicorum cœtibus,

tibus, publicisque totius gentis Comitibus, omnes industriæ, auctoritatisque nervos sapenumero, sed frustra intenderant: quibus pacificationis spem abiicientibus, huius Collegij Rector, Diuina ope fretus, negotium ab aliis desperatum aggredi non est veritas, singulisque seorsum conuentis, post diuturnas velitationes, demum persuasit, ut nostra in arde mutuum in conspectum venirent, ubi, principum virorum prudentia sublatis dissidij causis, tota plaudente ciuitate, ipsorum reconciliata est gratia. Reuerso ab expeditione Moschoyitica Polono milite, atque hic in Hibernis aliquot mensium stipendia expectante, ne quid molestiæ ab eo discipulis nostris, quocumque nomine, inferretur, Nobilitas, ex Comitibus missa ad cohortium Præfectos legatione, diligentissime admonitum voluit, professa, præ adolescentiæ institutione, se reliquas suas iacturas facile contemnere. Sebastiano Chodeliensi, vndecim annorum in Societate, hic annus extremus fuit, vnde fecit initium capiendæ mercedis, quam ei fortis fidelisque opera curandæ rei familiaris, in cælo pepererat.

Insequente anno ex secunda Grammaticæ schola, cui præsidebat, in cælum euolauit Ioannes Schiidloroski, annorum modò quattuor in nostri Ordinis militia, sed pro stipendiorum paucitate, multiplices eximiarum virtutum palmas adeptus. Per octonum mensium Hiberna militem assidua opera excoluimus, effecimusque, ut illatas rustico iniurias vel pecunia compensaret, vel cer-

re ab se læsum esse doleret, cui non posset rependere: seruitiis autem plerisque iniecta est religio rapinæ herorum iussu contrahendæ, vt auderent iniusta imperia, in huiusmodi flagitiis, detrectare. Quinquaginta seu Hæretici, seu Schismatici ab sectariorum fœdo commercio penitùs abducti Catholicis se adiunxerunt.

LVBLINENSE COLLEGIVM.

SA C R A Martyrũ trium ossa, Roma huc ad nos transmissa, magnificentissimæ pompæ perquam læto triumpho per vrbem circumueximus, indeque honorificentissimo condidimus loculo, gestiente gaudiis vniuersa ciuitate Futuræ transuersionis nuncius vti crexerat Catholicorum animos expectatione iucundissimi spectaculi, sic factionem sectariorum mœrore graui afflixit, vt publico decreto sibi aliquot dierum inediam indicerent, spectaculo eiusmodi auertendo, rati eam gratiam sibi concessum iri diuinitus, vt, turbidum per eos dies cælum, impensiùs turbaretur, & nos sæuæ tempestates sacrilegio, vt ipsi loquebantur, & impietate prohiberent. Sua illa insana spe, ac sceleratarum precum fiducia, tantisper sunt elusi, dum illuxit triumpho sacro dictus dies, qui ex turbidissimo repentè vertit in serenissimum, vt vix meminissimus pridem tam claram lucem huic vrbi affulxisse. Graui pœna sanxerant Hæretici, nequis sui ritus pompæ sacræ interesset, neu etiam
oculo

oculorū curiositatem eò adiiceret : quamobrē Senatoria matrona peregrino habitu velata, ne proderetur, vt cupiditati faceret satis nostram in-ēdem penetrauit, cui cum omnia nostri ritus valdē probarentur, futuræ transitionis spem nobis fecit nō modicam. Equestris Ordinis Hæreticus, audiente Catholica, non potuit linguam tenere, quin conuicia per iracundiam iactaret in Martyres, quē pia mulier admissæ noxæ subitò admonuit, adiecitque illam ipsi non futuram impunē, nec inania præfagiuit, morbus enim properē inuasit in conuiciatorem, qui haud immemor denunciatae diuinæ ultionis à matrona, Patrem de nostris aduocauit, moxque abdicata hæresi, religionis in Cælitates plenus, ad Catholicos transiit. Lublinensis ciuis coniux, desperata per eos diēs valetudinis, ab supplici cōiuge, secundum ægræ lectulum, Beatis Martyribus commendata, post paullò penitus conualuit.

ALTERO anno asperi creditoris vexationum, atque inde ipsius vitæ, pertæsa mulier, crudele in semetipsam parricidium destinabat, eoque animo conclaue ingressa, præ multo mærore se dedit in lacrymas, postque paullò, degrauante corpus tristitia, corruit in lectulum. Continuo ei adstant ad latus Erebo missæ, laræ geminæ, Monachorum ornatu, quarum altera; Torqueris, inquit, alieni æris magnitudine, & acerbitate creditoris, sed tu mihi caue tua syngrapha, & hic meus Frater numeratæ pecuniæ, quoad satis sit, mox afferet, vnde nomina dissoluas. Inhorruit

miseræ, & Tartarei grassatoris agnouit insidias quibus vt se expediret, porrecta ad frontem manu, impressura erat Crucis signum, & filium è propinquo inclamatura, nisi dexteram laruæ distinerent, & os occluderent. Filij nomen ei reuocat in memoriam Beatum Paullum, cui sacer ille dies erat, & ad opem eius exposcendam animos facit, quem vt magno enixa conatu tandem appellarat, vti fulmine afflatæ pestes illæ, desubito assumpta equina specie inde auolant. Hic aduersus casus illius tantò funestioris mulierem admonuit, in quo versaretur, cùm impatientia molestiæ suam necem meditabatur: quamobrem rectà nostrū ad Sacerdotem accurrit, eius ope, grauitèr faucio animo factura medicinam. Viduæ non aderat ynde pupillos aleret, ad Arianos igitur transi- tionem cogitat, vt inde stipis aliquid corroget, egestatis suæ solatium; & eius rei gratia subito contendit ad conciliabulum Ariane factionis. Ad fores iam peruenerat, & ingressum parabat, cùm occulta manu est incussa ipsi alapa tam validè, vt quattuor ipsos menses in affecta mala liuor adhæ- resceret: vt ei iam dubium esse non posset, quin, inuito atque vlciscente Numine, grande scelus fuisset exorsa. Afflicto igitur animo, & inopiæ & grauis noxæ memoria, domum regreditur, per- que viam obruente animum tristitia, se humi ab- iicit, cuius calamitatem miseratus Deus, septen- nos nummos, ex officina recentissimos, ei iacenti apponit ad latus, quo beneficij genere disceret, quò sint angustia maiores, eò certiùs esse Diuina
ope

ope confidendum. Vnde viginti variarum hæreseon
 pedicis explicari, tanto sanctioribus, ac lætioribus
 vinculis Christianarum legum se volentes adstrin-
 xerunt. Septuagenario rustico semel dumtaxat per
 omnem vitā, & adolescentulo quidem obrigerat
 Confessionis piaculo animum curare, cui vicinū
 in pagum accersito accidit, audita vnus de no-
 stris concione, ad Confessionis studium vehemē-
 ter commoueri; sed ne stimulantī Deo in præ-
 sentia obsequatur, à seipso petit inducias, & repu-
 gnante licet conscientia, etiam extorquet, domū-
 que iter intendit. Ei vadenti adolescens peregrini-
 nus sit obuiam, manuque prehensum percontatur,
 velintne iam noxas confiteri; vti senem decrepi-
 tum deceat, atque Christianum: tum ille, Cæ-
 lum, inquit, voluitur, diemque ducit de die, &
 ducet deinceps, vt mihi liceat facere, quod po-
 stulas: iam enim negotioso non satis mihi dicet.
 Contrā iuuenis, nisi exsequeris actutum, quod
 iubeo, ecce in lacunam hanc te præcipitem ago:
 erat autem præalta lacunæ fossa, & liquatis ad
 summum plena niuib. Periculi metu percussus
 senex, Iesu nomen inclamat, cui adolescens: Quia
 tu, stolide, sacri hominis tutela studiosius vteris
 in salute procuranda? quibus verbis à rustico Cō-
 fessionis obeundæ promissum expressit, continuo-
 que euauit. Eo ex oculis sublato, promissorum
 immemor vetulus domum abibat, cum aliquan-
 tum progressu se iterum sistit, subirato vultu, idē
 peregrinus, inlæcta que in perfidum manu; Num
 inquit, mihi pergis, Deoque illudere? inter quæ

verba miserum in profundam cloacam , pæne ipso metu exanimem , proturbat. Illi tamen , lesu nomen appellanti, manum porrigit, è fossa graui- ter perculsum eximit , iussumque confestim adire ad nos in urbem , ab se dimittit, quo, adhibita coniuge comite, venit adeo territus, vt vix vel pedibus consisteret : cui maximè salutaris fuit illata vis ab homine ignoto ad vniuersam vitam seriæ Confessionis spongia detergendam. Vngato , nobili viro , incesserat cupiditas cum Sacerdote nostro congregiendi , vt ei se probaret fortem peritumque suæ sectæ propugnatorem; cui postea con- dicit in crastinum , suas eo die causatus occupa- tiones audiendis Confessionibus , monito intetèa si cuperet felicem exitum eius congressionis , vti vnius veritatis studio iniret certamen : quare, me- mor cultus Deiparæ Virgini à maioribus suis im- pensi , eam sibi agnoscendæ veritatis per preces magistram adscisceret. Secundum hæc verba di- gressus , codicem sibi mutuum sumit Hæreticus à Ministro , eiusque lectione ad dimicationem se comparare instituit , prius tamen in abdito con- clauis , vt iussus erat, Mariæ Matris opem in ge- nua prouolutus exposcit, inde assidens suam lec- tionem aggreditur. Sed ei, vix oculos in apertum volumen demittenti, augusti otis formosissima virgo adstitit, excussitque procul è manibus dam- nati argumenti codicem, intentatis minaciter pœ- nis , si pergeret porro legere : qui tamen siue au- daciæ ostendendæ , siue ab impotentia mentis , li- brum humi colligit : quam ad contumaciam, ex- cande

candescenti similis Virgo iterum , sed asperius , librum deiecit, additque seueræ expostulationis hæc verba: Hæccine promissorum fides , quibus te adstrinxisti , cùm inter precandum me consuleres? Tantum verborum locuta cum indignatione , lumen exstinxit , & abiit , vehementer emollita hominis contumacia , cui Numinis opem intentius appellanti , tota nox , insomnis fermè in eodem vestigio effluxit , vt qui sacro horrore defixus , pedem è conclauis efferre non auderet. Postera verò dies vix illuxerat , cùm accurrit ad nostrum , ad eiusque pedes abiectus , vbi paucis rem gestam perstruxerat , actenso animo hæresim est execratus: quem si reliquis adiungas , vel domi , vel foris quadraginta omnino Hæretici aut Schismatici esse desierunt.

LEOPOLIENSE COLLEGIVM.

DECEM & septem annos meruerat in nostris castris Pater Petrus VVrede , Pruthenus, ferè duodequadragenarius, cùm eum febris ardentissima , in medio honestissimæ contentionis cursu , opprèssit. Prussiae laxissimi fines ipsius industriæ campus obtigerant affirmandis in auito ritu , & probitate morum Catholicis , Hæreticis à falsitate abducendis , quam prouinciam incenso animi ardore , multaque dexteritate , ac paribus virorūque commodis obibat. Præter quattuordecim ab Schismate , sex ab Hæretico cœtu abductos , Ha-

licienſis diœceſis Rutheni omnes magno numero Popi vnum in conuentũ coacti, perſuali ſunt rationibus idoneis, vti deſciſcerent ab Schiſmatico Epifcopo, concederentque in iuriſdictionem & Sacra conſentientis cum Eccleſiæ capite Antiſtitis, quod & reipſa fecerunt. Anno biennij huius altero, Andrea Galcziński, optimo adoleſcenti, obitus accidit feliciffimus, cum exſpectationem concitaret ſingularis virtutis, & magnorum facinorũ in Societate, ſi diutiũs vita ſuppeteret: ſed iis meritis, quorum præſens eſſet copia, contento Deo viſum eſt cum maturiũs ad præmia euocare. Seceſſionem à Chriſti Vicario quinque & triginta nobis auctoribus damnauerunt, prauam in Fide ſententiam vndecim. Proſecti de noſtris nonnulli cũ exercitu ad regni tutandos fines, aduerſum ingruentes Scythas, præter altam rei Chriſtianæ ignorationem, in milite deprehenderunt perpetuam rerum ſacrarum cum Schiſmaticis communionem, & cætera vitia, quæ huic confuſioni commitari ſolent, quibus abolendis haud mediocriter deſudandum fuit.

I A R O S L A V I E N S E C O L L E G I V M.

SEXAGESIMVM alterumque natus annum Pater Stanislaus Alandus, in Sociis quadrageſimum agens, Spiritualis Adiutor, niſi vicienariæ herniæ grauior ærumna vires affligeret, neque ſenectæ, neque aſſidui laboris vlla vi fractus, nobis

his tandem decessit cum eius industria esset maxime frugifera. Sicut ardentem animum attulerat Russis ad vnum Ecclesiæ Caput adiungendis, sic erat in eam rem Divino munere singulari natus industriam: ut hos non minus quam Catholicos, quâ priuatis congressibus, quâ concionibus publicis, maximopere commoueret. Instituta sibi naturæ ductu misericordiam aduersum infirmæ sortis egentes homines, assiduo studio ita prouexerat, ut in eis procurandis miraculo proxima ei quædam succederent, dum sua manu parata herbarum medicamenta ægrotis adhibet, unde grauium sæpe morborum vis omnis profligatur. Eorum greges alebat sua industria, qua beneficentiæ illecebra parabat sibi animorum docilitatem, ut se doceri salubria paterentur, quod animi pabulum ut eis instillaret, mirum erat, quàm terri halitus loca quotidie subiret, quàm tabidis, quàm caduueris, & vel ipsa specie horrendis cum hominibus perpetuò consuesceret. Prodigio simile fuit in homine, qui tam æterba iugiter pateretur, tantum superfuisse virium, ut tam assiduam, tam difficilem ipse morbosus operam nauaret, cui Deus, pro ea scilicet ferendorum cruciarum alacritate, qua multum valuit, id prærogatiuæ loco tributum esse voluit, ut in leuissimis herniæ doloribus, quasi vnus de Martyrum decuria, vite muneribus tandem defungeretur. Patri Ioanni Bucouia longè breuior fuit cum morte dimicatio, cui letalis febris biduum dumtaxat reliquum fecit, ad viam in cælum præmuniendam, diem neququam

breuem ei, qui se vndecim annis totis in Societate studiosissimè comparasset, sed valdè compendiarium tam diuturnis, tamque certis bonis in cælo perfruendis. Homini Valacho tam hebes ingeniū obtigerat, tamque praua educatio, vt eius mentem nulla vel Numinis vel religionis subiret vquam cogitatio; cum tamen frequens iniret nostram ædem in Principis comitatu, concionibus audiendis, & obseruanda cum ciuium, tum iuuentutis nostræ multa erga res Diuinas veneratione, & assiduitate præcum, cœpis non mediocriter commoueri, sui que status deplorandam rationem agnoscere, ac eam denique cupere fortunatiorē. Heræ igitur suæ, Principi cum primis religiosæ, supplex accidit ad pedes, oratque vti hominis infelicissimi curam suscipere ne grauetur, tradatque alicui salutaribus documentis imbuedum. Nihil fatulo poterat euenire opportunius, nihil dominæ opratius, quàm vt hæc ad eiusmodi causæ patrociniū vocaretur, cuius voluntate mox nobis traditus est erudiendus admodum rudis Taro, sed qui discendi cupiditate vinceret incredibilem naturæ tarditatem. Bis ad nos quotidie ventitabat ardenti disciplinæ studio, atque tamen si parum proficeret, mirabili constantia seipsum ad condiscendum vrgebat: cumque singulis diebus, multa contentione, vix singula verba memoriæ commendaret, ingentem vim stupidissimo inferebat ingenio, vt fidei rudimenta in animum subirent. Ex tam supina mentis tarditate ansam illico arripuit Erebi latebra erumpens insidiator,

impor

importunissimi cædij in tenebrososum pectus infundendi, si qua satietate durissimæ palæstræ, hominem eius maxime insolentem, ad eamque omnino minime idoneum, à cura salubrium commentationum posset auocare. Sed contrà, quàm funestus interpellator cõiiceret, fecit ea oppugnatione Titonem nostræ consuetudinis disciplinæque cupidior, quòd deprehenderet, intolerabiles illas delusæ inquietaeque mentis molestias tranquillari penitus, simulatque se ad edium nostrarum fores appulerat, Polonici Regni Senator quidam, inter eius Ordinis viros auctoritatis summæ, probitatis verò non disparis, ex quo apud nos Diuina piè meditandi rationem hausit, numquam illius formulæ codicem è sinu dimittit, nulla vel occupationum multitudine, vel difficultate itinerum horariæ meditationis secessum patitur sibi umquam detrahi; quin ad quotidianum eiusmodi pensum sui comitatus honorarios ephebos, idèridem cohortatur, frequenterque argumentum piæ commentationis excipientibus ipse suppeditat. Comitiali morbo absolutus est, annorum septem puer, viri Nobilis filius, huiusmodi affectu antè habitus grauissimè, vbi primum eius pater nostra in æde, Beato Martyri Valentino ea causa supplicauit, ad eumque sistendi pueri voto se obligauit: idèque Iatostauienti puellotrienni, & in eiusdem vitij calamitate accidit. Penetratum est à nostris in fines Vngariæ, ac in eo confinio prædonibus, montes latrocinii infestos habentibus, injecta est mens melior, & latrocinandi est adhibita religio:

Hæc

Hæreticis persuasum, vt ex templo decederent Ecclesiasticorum fundorum possessione, quos per vim annos multos occupauerant; coniugatis Sacerdotibus incestarum nuptiarum est illata verecundia, atque pœnitudo. Principis Ostrogianæ filia, natu minima, inanium curarum nuper æstu concitior, ex quò nostra in scena Beati Crispi res gestas spectauit, cum sibi patronum legit, & perpetuum conformandæ vitæ archetypum, cuius vitam libello descriptam numquã ponit de manibus, & viuendi tenet institutum, quod omnes noti demirentur, probissimi quique mirificè prædicent. Martino Ploski strenuò rei familiaris administro, vita plerisque in Collegiis religiosè trãfacta, ineunte anno posteriore, felicem occasum peperit, spemque melioris æui fruendi attulit. Gravioris noxæ vicenos annos rea mulier, &, quod vulgo creditum est, vindice Numine Comitalem affectum diutissimè passa, nostrorum cuiusdam frequenti hortatù pœmòta vouit Beato Valentino, se ad eius nostro in templo aras supplicem adituram, & quidem precatio viatico, quò vbi primum aduentauit, deterfam sibi sensit fœdi morbi molestiam, incolumisque in hunc diem perseuerat.

LVCEORIENSE COLLEGIVM.

ADAMO Bakonski, ætatis anno vicesimo sexto, è puluere Grammaticæ palæstræ ad perenne caelestis vitæ gloriæque stadium obtrigit
feli

feliciſſima tranſitio , vbi ſeptenarium æſtiuorum in noſtra militia expleuerat, ſumma diſciplinæ obſeruantia, Moſchorum in Polonia numeroſiſſimi verſantur greges , poſt vaſtatam à Polono exercitu Moſchouiam , quorum vix vllus Romanum agnoſcit Pontificem, Græcanicis prætereà erroribus inquinati ſunt eorum plerique, frequentes tamen ad nos adeunt, & Sacramentorum ſibi copiam fieri, vel noſtro more , poſtulant ita, vt ſi ſuo merito reſuſſam ferant , velut affecti grauiore iniuria, offendantur. Euicimus tamen rationibus , & quoties etiã res tulit aperta & ſeria denunciatione religionis , qua prohiberemur, vt, ægre licèt, æquo tamen animo, ſuis excluſi poſtulis, abſcederent. Foris vicanos ſenos à Schiſmatis ſtudio auocauimus : Principem Græcanici ritus , ſua ſponte in nos bene animatum , officiis ita demeruimus Societati, vt eius cauſa ſe nihil non cupere oſtendat. Vocatu ipſius Chriſti Natalibus eum adiuiimus, & in templo Græcanico per eos dies defuncti ſumus omni munere Catholici ritus , ſtupentibus Popis, ac etiam rationem noſtram collaudantibus, ſiue non aduerterent , ſiue diſſimularent, ſe à Principe, præ Romanarum partium Sacerdotibus, eſſe neglectos. Præterquam quòd in Societatem hic eſt liberaliſſimus; quos ei caros eſſe nouit , in eos quoque beneficentiam confert amantiſſimè, quo nomine , nuper Contubernio egentium diſcipulorum aream percommodam emit, eidem annua vectigalia parat conſtituere.

Altero anno deceſſit Albertus Baltrouici, hoc eſt, decimo ſeptimo quàm familiares operas fideliffimè.

fortissimeque Societati dabat, cuius virtute Calisfienſe Collegium bis olim conſeruatum eſt, cùm, peſtilenti tempeſtate dilapſis pene omnibus Sociis, ipſe animi plenus reſiduorum, qui diro afflatu exſtinguerentur, funera ſuis manibus procuraret, familiæque rem omnem ſartam & rectam cuſtodiret. Slaſuonica linguæ ſcholam excitauimus, in gratiam Ruſſianæ iuuentutis, gymnaſium noſtrum frequentantis, quodd illi genti hæc lingua fermè ſollemnſis eſt in Sacrorum procuratione: cui noſtro inſtituto Ioſephus Ruſtki, Catholicorum Ruſſorum ritus Græcanici Archiepiſcopus, omnem ſuam opem detulit, deſtinata nobis in eam rem librorum copia, magnopere delectatus multiplici Slaſuonico carmine, quo eum noſtræ Scholæ ad nos viſentem conſalutarunt.

TURONIENSE COLLEGIVM.

Nihil ſibi reliqui faciunt Turoniennes Magiſtratus Hæretici, quo poſſint noſtris incommodare ſcholis, ac eò magis, quodd eas numero auctas vident, adiecta hoc anno Humanitate, diſcipuliſque quàm olim frequentiores. Nihil porrò ſua conſuetudine alienum tentauere proximis Comitiiſ, cùm, largitionibus & multo ambitu cõparata ſactione potentium virorum, eas publico Prouinciæ decreto diſſolutum iri, falſo tamen, crediderunt; vt minùs mirum ſit, quodd duos diſcipulorum noſtrorum bi-meſtri captiuitate vexarunt
in car

in carcere, quasi vnum Hæretici ritus adolescentem, cui consueſſent familiariter, ad noſtras Poſnauienſes Scholas induxiſſent. In multa peruicacia indigenarum deerrantium in rectæ Fidei capitibus, ingenti compendio apponendum eſt, quod ab erroribus paſſi ſint auocari ſe quattuordecim. Hæretica puella, in grauiore morbo, vnde poſteà interiit, duas horas omnibus ſenſibus abalienata iacuit, vt animam exhaſſe putaretur, quo ex ſopore cùm ad ſe rediiſſet, vnum de noſtris Sacerdotem, quo vteretur ad procurandam animi ſanitatem, frequenter appellauit, cui properè accurrenti Hæreticorum manus fores obdidit, planeque prohibuit aditu: cùm ægra interim non deſiſteret adſiſtentem ſectariorum turbam commonefacere ſui periculi, ac vehementer hortari, vt dånato abſtinerent fano ſuo, Sancti Ioannis ædem, id eſt noſtram, ſtudioſè inirent. Per viſum ſibi oſtenſos memorabat de ſuo conciliabulo numeroſos greges, quos decliuiſ, & laxiſſima via, conſertos ad horrendos flammarum cruciatus deuolueret, ac nomine designabat non paucos: Catholicorum verò exiguos manipulos anguſta ſemita euehi ſuſum ad gloriam. Sed neque narranti eſt habita fides, neque obſecranti conſeſſum, vt ſibi adhiberent Sacerdotem; vt iis ſubſidiis deſtituta trifido vita deſungeretur. De primoribus Hæreticorum ſæpe deprehenduntur orantes in ædis noſtræ angulis, quos Romani ritus cupidos prohibet metus Magiſtratum, ne ſuo animo faciant ſatis. Extraneus Miniſter arentes multa ſiti fauces, & vacuum

cum ventrem huc attulerat, qui ut hunc ingenti opsoniorum mole saburrauerat, illas verò frequentibus sextariis meraciùs perfuderat, impotens degrauantis saginæ, pronus decidit è fenestra, effusoque cerebro, substratum pauimentum cruentauit: cuius tamen occasum de Adscriptitiõrũ Patrum decuria nescio quis laudauit pro concione: indignum forte, qui, nisi Heroum alicuius auspicata manu, occumberet, ac Liberi Patris maxime sopitus lagena.

POSTERIOR annus Rhetoricam, Germanicæque linguæ publicas exercitationes, Gymnasio nostro adiecit, vnde ipsi conciliauit è Nobilitate castellana multò frequentiores auditores, ideoque apud Hæreticos Magistratus tantò acriorem inuidiam, quam sollemniũ Rogationum statis supplicationibus, manifestò præ se tulerunt, interposito edicto, ne quis publicè supplicaret, cui cum neque nos, appetiti nominatim eo decreto, neque de Clero vllus obsequeretur, intercludendo supplicantibus itineri, vias passim catenis obtenderunt, ad quæ repagula ordinatos prodeuntes obuium armatorum agmen telis, & aduersariis infessa summa ædium, lapidibus nos prohibere transitu. Ingentes factiosorum armatæ copiæ, quæ sibi Fœderatorum nomen adsciuerè, tota pane Polonia prædonum ritu grassantur, omnibus agris oppidisque infestissime, dũ nescio quid legitimorũ stipendiorum, quibus se fraudatos aiunt, dependatur, quibus prædatoriis legionibus, ut hoc Regnũ absolueretur, multum pridem, sed frustra laboratum

laboratū est. Cū ad eiusmodi exercitū, suis auctora-
m auspiciis, legationē adornaret Toruniensis Epif-
copus, suo comitatui vnum de nostris adiunxit,
quo apud illos grassatores trimestri concionato-
re vsus quā opportunē, corrasa latrociniiis pe-
cuniæ vim magnam ex eis redegit, quæ in com-
mune sarciedis popularium iacturis redhiberetur.
Eorum etiā plerisque incessit cupiditas Sacramē-
ta participandi apud nostros, sed Sacrorum com-
munio eis præcisē à nobis negata est, quoad legi-
timē dirimeretur perduellium scelerata factio, quæ
nefariē adscito fœderis titulo, contra ius fasque
coiuerat. Vnde viginti ab insania hæreseon re-
sipuerunt, vnus à Mahometismo, quem puerum
hunc ad Turcas abductum, & inter eos diu Ma-
hometis sacrificulum, pœnitudo flagitij tandem
in auitam patriam, religionemque redintegrauit.
Catholicarum partium mulier in lucem editum
recens infantem, spe lucelli cuiuspiam, ab Hæ-
retico lustrari passa, euostigio acerbis cruciatibus,
qui octo dierum perpetuam inedia in somniam-
que parerēt, horrendis adiunctā vociferationibus,
in quibus omnium Sacrorum expers interiret. As-
sumptæ in cælum Virgini sacro die Hæreticus Ca-
tholici operam eruendæ argillæ conduxerat, qui-
bus, sub meridiem, ad os effossi specus cibum su-
mentibus, imminens vtriusque capiti velut qui-
dam fornix terreus, repentina ruina occupatos op-
pressit, mox extincto Hæretico, altero seminece,
cui, post procuratam apud nos conscientiam, nihil
sāctius fuit, quā ex Catholici ritus formula actio-

nes omnes dirigere : mœrore interea defixis
 grauitèr Hæreticis , quodd infausto eo euentu di-
 uinitus damnatam ipsorum fidem infidam vulgò
 iactaretur.

S E N D O M I R I E N S E C O L L E G I V M.

TR I V M & sexaginta annorum valentissimus
 Athleta , Pater Gaspar Nahauis , vota quat-
 tuor professus , tricesimum primum iam emerit-
 us stipendium in nostris castris , non nisi labori-
 bus attritus arma posuit , & tumultuosius irrum-
 penti leto concessit. Trans Russiam in Scythis seu
 Tartaris natus , in Russorum fines populatum ir-
 ruentibus ejus gentilibus , cum patre puerulus
 venerat , cui tenera ætas , suâque innocentia salu-
 ti fuit , cum Scythicus exercitus , præda onustus , in-
 tercluso sibi reditu ab Russis , internecione dele-
 tus est. Eo prælio feliciter defunctis Russis , cum
 apud exercitus Prætorèm miles capta de hostibus
 spolia profiteretur , captiuus quoque productus
 est puer , cujus eximia indole mirificè delectatis
 omnibus , qui aderant in Prætorio , eum sibi à mi-
 lite , cuius esset captiuus , Imperator ipse depõ-
 poscit , & deinceps perbenignè apud se habuit.
 Prætor autem post annos aliquot aduersa tentatus
 valetudine accersitum ad se medicum excepit , at-
 que semper habuit perhonorificè , quamdiu apud
 eum diuersatus est , eam venerationem de mirante
 puero Scythia , eiusque causam ab domesticis cu-
 riosius

riofius sciscitante. Vt verò ex eorum sermonibus didicit, insignis eruditionis, & experientiæ singularis opinione tantam medico conciliatam esse gratiam, auctoritatemque apud viros principes, sensit generosi pectoris puer, paris celebritatis sibi conciliandæ stimulis, animum suum haud mediocriter commoueri. Opportunè itaque usus heri perspecta erga se beneuolentia, rogare instituit, vti erudiendum se litteris ad scholas amādaret, quod ab homine faciliè impetrauit, cui summa in puero modestia, morumque grauitas, vti magno pere probabatur, ita mirabilis cuiusdam virentis antegredientia ætatem documenta præmonstrabat. Beneuolentissimi ergo heri liberalitater versatus est in Gymnasijs vsquè èd, dum emensus Philosophiæ stadium, ad Theologicas disciplinas animum appelleret; quas vt Romæ apud nos cognoscere, eius instituto peropportuno cecidit, vt per idem tempus è gente Kostka vir primarius liberis suis Romam studiorum causa deducendis; regendisque, moderatorem sibi quæreretur, consuleretur auctorem ea de re Gasparis Scythæ patronum; cui nihil visum est congruentius, quàm vt Gasparem, expertæ probitatis adolescentem, præficeret munerem. Per eam studiorum quietem seridè cogitare Gaspar instituit, quid se deinde futurum esset, nec dubium ipso etiam initio ei esse potuit, quin se Religiosæ militiæ deberet addicere, futurum sibi olim, aliisque non paucis fructuosum: cumque ad Dominicanos aliquādiu propendisset, aliò se potestè vocari apertè sensit, ac se Ordini nostro ad-

iungendum dedit. Quo de suo instituto cum antea per litteras commonefecisset heros utrosque, Comitem Tarnouium, patronum optimum, & Dynastam Kostkam, cuius filiis tum præesset, ille nuncius mirifice ambos oblectauit, ut profiterentur, nihil sibi iucundius, nihil etiam honorificentius potuisse contingere, quam suis sumptibus in eam spem educatum esse Gasparem, ut in Societatis membrum coalesceret, cuius deinde auspiciis fieret vniuerso Polonico imperio salutaris, Neque ipsos sua fefellit opinio, Roma enim transmissus in Poloniam, eius plerasque prouincias, & Podoliam, VVoliniam, ac Russiam denique vniuersam, tricenaria propemodum opera, sic excoluit, ut, quidquid ferè Catholicorum iis regionibus nunc censetur, suum ad Ecclesiæ castra felicem regressum Patri Gaspari, animo perquam liberali, acceptum ferre soleant. Animum scilicet ad Societatem attulerat non nisi grandium facinorum cogitationibus plenum, cuius integritatem cum in momēta exaggeraret seuerissimam disciplina, procliuius erat nihil, quam ut eius omnes conatus Deus beneuolentissimè promoueret. Qui verò suæ salutis, in densissima grauium discriminū turba, rationem prorsus nullam duceret, vbi Diuini cultus prouehendi vel minima se aperiret occasio, eum Numinis prouidentia peculiari quodam studio sibi tuendum sumserat. Apud gentiles suos Scythas grauissimè offenderat, discessione facta in ritum alienum, studioque plurimum pertrahēdorum ex popularibus ad easdem partes; quamobrem

ubrem infensissimis animis frequētes periculosasque ipsi struxere insidias, designatis etiam acerbioribus suppliciis, quibus eum comprehensum diucxarent: sed miris eum rationibus ipsorum fraudi scuitiæque Deus perpetuò eripuit. Quos non facile poterat abducere ab adamatis pudendarum noxarum illecebris, inusitata iis aliquando adhibuit remedia, quorum vim fortasse inutilem, adeoque noxiā, si eis alius vteretur, malè tamē affectę mentes salutare sibi experirentur, peculiari quadam aura propitij Numinis eius omnibus institutis obsecundante. Quod genus fuit illud mulieri aliquando intentatum æterni cruciatus experimētum, cū in nobilem matronam incidisset, impuris aded irretitam amoribus, vt, vsu peccandi animum obcæcante, paratas flagitiis in altera vita pœnas in fabulosis commentis, atque insomniis, haberet, eiusque opinionis obtentu omnes salubria monentiū sermones eluderet. In eius colloquium cū venisset Pater Gaspar, & contumacissimam experiretur, vel inuitam adegit, immisso digito flammam propinqui funalis tantisper probare, dum ardoris infestam vim non posset sustinere: cuius documenti exitus is fuit, vt non modò illa inuitanti Patri ad pœnitudinem mox obsequeretur, sed ex eo etiam momento fœdæ libidinis omni titillatione absolueretur. Acumē, & nervos eius disputantis Hæretici reformidabant summo opere, ac Ministri quidem in primis, tametsi non quærebat id, vt vicisse videretur, sed vt victi veritatem agnoscerent & amplecterentur, quod

eius optatum frequenter cedebat ex sententia. Dux Oltrogienſis, ac idem Kionienſis Palatinus, ſtudio vexandarum Catholici nominis partium, ex Lipſienſi Academia ſubtilem Calvinianum, & argutandi peritum, amantemque, arceſſiuerat, cuius fraudulenta loquacitate, tamquam ariete, Dux omnem Catholicæ arcis aggerem ſibi diſturbaturus triduo videretur. Duci familiariter notus erat Pater Gaſpar, Patrem igitur Aulici noſtrarum partium hortabantur, Ducem veniret ſalutatum, vt ſi qua ſe daret inde occaſio congreſſus cum Miniſtello Sophiſta ineundi, cam ne pateretur elabi. Acceptus menſa Ducis Pater, cui argutulus Sycophanta etiam accumberet, idonea quaſtione poſita, diſputationis aliàs cupidior, nunc tamen reſiſtente, ad conferendas manus eum pertraxit, atque tamen ſi primùm acriter in tuenda Caluini cauſa velitante, deinde tergiverſationibus ſe regentem, obſtructis capionum exceptionumque cuniculis omnibus, eum breui ad infantiam redegit. Calvinianis accidit luctuoſa hæc dimica, ſed Miniſtro in primis, qui ſuas de Catholicis victorias manubiasque gloriabundus ſoleret recensere: cui iam elingui aliud ſuperabat nihil, quo ſuos gregales ſolaretur, quàm vt frigide ſponderet, paratior ſe inſtauraturum ſuis partibus glorioſa iucundaque prælia: ſed diem ex die ducentibus Calvinianis, quo ſuum athletam denuò producerent, Catholicos eius ſpectaculi auidos afficiebant permoleſtè, donec liquidò cōſtitit, nullam eis horam poſſe illuſceſcere, quæ
con

contractam superiore pugna infamiam detergeret. Enimuerò validis lacertis vibrata veritatis fax, tamen obluſtanti, Hæretico pectori vim potentior intulerat, multaſque radians luce penetrarat intima præcordia, vt vel inuito Sophiſtæ confessionē ſuæ infirmitatis exprimeret, quam tamen diſſimulauit in præſentia. Satis quidpe ſuum ad inſtitutum eſſe ratus, ſi clam conuento Patri ſe aperiret, apud eum ingenuè profeſſus eſt, Catholici dogmatis ſolida fundamenta ſe agnoſcere, ac venerari: quosdam tamen reſiduos ſibi eſſe ſcrupulos, quos condicta die Patri proponeret euellendos, in nulla deinde futurus mora, quò minùs ad Romanum ritum rationes ſuas, ſequè ipſum totum apertè tranſduceret: neque plùs triduo expediendis dubitationibus conſumto, hæreſin interpoſita repudiatione procul ab ſe adſpernatur. Inde Academiæ Vilnenſi prolixè commendatus epiſtola Patris Gaſparis, in Seminariumque Pontificium admiſſus, ſeriò ad ſuperiores diſciplinās adiecit animum, quibus excultus, luculento edito commentario, ſectariorum falſitatem multa cum ſua laude, ac voluptate Catholicorum refutauit. Sed pænè quotidiana fuerunt Patri Gaſpari ſpolia decoraque huiuſmodi præliorum; quibus aut hæreſibus, aut moribus mortalium deprauatis, diras clades inueheret; ſed eos triumphos, vt ne diuturniores Eccleſiæ Dei conciliaret, immodicis concuſſa laboribus ſeneſcta eum præpropèro ſtratum occaſu abſtinuit.

A L T E R quoque annus vnum de Familia de-

cerpsit, Matthiã Ianorõici, gente Lituanum, quinquagenario grandiore, cuius ætatis partem alteram ex æquo Societati fidelissimè impenderat, perpetuis coquinariis operis, vnde se aliquando leuandis laboribus exemptum à Præsìde, prædemissionis, & caritatis in Socios studio, doluit magnopere, nec precib. vrgere destitit, sua vt ei Sparta redderetur, cui strenuè procurandæ immortuus randem est, plenus meritis, celeberrique inter suos Religiosissimi viri præconiis. Iudaismum detestandi exuendique causam habuit vnus inquietæ mētis perpetuos angores, quibus derepente absolutus est, cum ad Christianos sincero animo transisset: cuius transitioni accessere decem Hæretici, atque in his Iudæa, quæ olim Christiana, cui Ariana hera desertionem Fidei fraudulenter induxerat.

C A M E N E C E N S E C O L L E G I V M.

R V S S I quattuor & triginta in Romani Pontificis iurisdictionem concessere, ac præter hos, Græcæ secessionis Macedo, & Armena mulier. Viri principes duo Hæretici, nobiscum congregiendi finem non faciebant, conferendique de Fidei capitibus, quòd eis nostræ sententiæ ratio maximopere arridebat, sic tamen vt in luto hærerent nihilominus: sed eorum alteri apud Moldauos legationem gerenti, Patris Scargæ per otium lectæ conciones hæresin aucllerunt ex animo: huius exemplum, & auctoritas, errores veteres damnantis

nantis, pertraxerunt sociū quoque in rectè sentientiū gregem. Quaternis Sociis in Vkraina, regione latissima, perpetuò degentibus, ab omni pane Christiano subsidio deserta ora, negotij multum, exiguam in præsentia sui laboris messem, attulit, spem tamen fecit post diuturniorem culturam frugis vberissimæ. Quæcumque cogitari possunt in Christiano populo, præter ipsum nomen, ea omnia deerant istis hominibus, & eapropter supplenda, pro præsentibus copiis, fuerunt. Quòd autem nec Sacerdos ullus, nec conuentus habendi locus suppetebat, viginti totis oppidis, quæ, ab ineunte Quadragesima Octobrem ad mensem, noster Sacerdos semel iterumque decurrit, ædes amplæ cogendo cœtui; & ciuium religiosissimi, regendis sacris conuentibus, & piæ lectioni per festos dies habendæ, ab nostro destinati sunt. Data est insuper opera, vti Procerum sumtibus cuiusmodi octona facella excitarètur ad tempus, ne plebs sacrarum adium penuria omnem memoriā Christiani exueret, à quo iam erat iusto ampliùs aliena: quibus procurandis effectum est, vt sensim & Sacramentorum & Cærimoniarum vsus abolitus reuocaretur, & quidem apparatu, quàm fieri potuit splendidissimo, vt hic Diuinæ rei splendor in gente incultissima augustiorem venerationem concitaret. Vinnicæ, in eius oræ oppido primario, duo Socij sedem nunc habent perpetuam, vbi Catholicis sua est ædes, & ab assidua nostrorum cura Christiani ritus paullo splendidior species, quàm in regione reliqua: cui oppido cum iuris-

ditione imperioque, more ac nomenclatione gentis, præest Capitaneus. Ad hoc munus euchi contigit hoc anno Ruthenici Schismatis virtum primum, cuius alienior mens ab nostro, & Catholico nomine, nec iniuria metuebatur: vnde tantò studiosius cum suæ causæ nostri demerendum arbitrari, capessentem & magistratus & vrbis possessionem adierunt honorificè salutarum. Nulla comitas, nulla benevolentia maior significatio expectari poterat, & quidem ab iam noto & familiari, ea humanitate vultus & sermonis, quā nostris salutantibus prætulit, quos non tam inuitauit, quā secum abstulit ad conuiuium, vbi eos inter proceres cohortis honorificentissimè habuit, atque iucundissimè. Super mensam omnes eius cum nostris sermones fuerunt ab animo benevolentissimo, cum multa nostri Instituti commendatione, vnde id haberemus, vt in Catholicum ritum promouendum Sociorum industria vbiuis terrarum elaboraret quam strenuissimè: quam in rem ipse suam auctoritatē, operam, pecuniamque prolixissimè deferret, moxque aduocato rei familiaris Oeconomo nostris omnia de suo suppeditari affatim iuberet. Eodem porro tempore præstò cum muneribus ei adfuerunt sui Popi, quos nec sedere iustos, nec vlla omnino dignatione affectos, non sine contemptus nota quadam, breuissimo responso à se ablegauit, vt, ex illius in suos nostrosque præfenti studio, si rem æstimare liceat, non verendum sit, quin apud eū Catholici quàm Ruthenici corporis longè causa sit potior. In Tartaros, Capham

ad vi

ad urbem, vnum de nostris penetrasse, anno superiore scripsimus, cum in Valachienſi clade à Scythiſ capſus, & deinde abductus eſſet: cuius nunc aſſiduus labor confertur in Iacohidenſes Catholicos excolendos triceſimo ab Capha milliari. Turcica ſauitia ſupra modum diuexatur ea omnis ora Scythica, Catholicorum plena, quorum duriffimam ſeruitutem miſeratus Deus, præſidij quiddam iis populis nuper excutiendo iugo videbatur ſubminiſtraſſe, cum Pater inde ad nos litteras daret, quæ illum ſpes ſolabatur in ea rerum omnium vaſtitate, & futuræ aliquando vberioris meſſis viam, tametſi dubiam, aperiret.

A N D R E A S Moraïkouici, grandi natu, ſedulus adminiſter familiarium munium, ſecundo anno ex hac mortali vita in aliam tanto meliorem, cum multa virtutis laude, tranſlatus eſt. Omnis Podolia, cuius Prouincię vrbs eſt Camenecum, vbi degimus, magnopere vtitur noſtrorum opera, non modò Camenecenſis populus, cui, beneuolentiſſimo erga nos, omnis Sociorum labor, vt hac tota ora iucundus, ita fructuoſus eſſe conſuevit, quod & ipſe Camenecenſis Antiſtes, cum hinc ad Leopoliensem Pontificatum tranſiret, vltro & palam, cum honorifica noſtrorum mentione profeſſus eſt. Triduo toto ante Cineralia ciuitas vniuerſa, & vrbi circumiecta oppida pagique, ſplendidiffimo ædis noſtræ apparatu exciti, perpetua oratione apud nos ſupplicarunt, Armeniſ etiam, & Ruſſiſ cateruatim eò confluentibus, vt Podolica nobilitas ſuum ex ea frequētia, piērateque gaudium

dium profusis vbertim lacrymis palā testaretur. Ex Hæreticæ vastitatis deserto agro rediit ad Christū manipulus capitum quindenū, nec aberant Armeni ex eo numero, quod in hac regione sit prodigio quā simillimum. Insani amoris æstro percita mulier magica vi sponsum procul agentem, properè sistendum, sibi pepigerat cum Saga, & iam Stygius emissarius pudicum iuuenem, & Marianæ disciplinæ studiosissimum incessabat: cuius ut acriores stimulos inpingi sensibus suis aduertit adolescens, ad nota Magnæ Matris subsidia illico animum adiecit, nec mora intercessit, quin cælitus affusa aut Tartaream flammam obrueret. Irritæ oppugnationis acerbæ pœnas sua cute dedit venefica Tyranno Acherontio, cui excandescenti videretur indignissimum, ab Mariano cliente opera tam facili, sua esse restincta incendia. Fatuæ autem amatrici sua libido impietasque permagno stetit, cui per eos dies Turcica manu captæ, biennioque vix toto vndecies venditæ, dominorum toridem contigit in dura seruitute immanitatem experiri: vnde tandem elapsa post laceffitōs multis precibus ac votis Cælites, sacre Confessionis adhibito malaginate vefanis illis ardoribus continentia salubres aquas denique infudit.

GEDANENSE COLLEGIVM.

QUONIAM hîc rerum potitur Hæreticus, & procul absumus ab Regia, tametsi nostram

nostram in gratiam frequentia intercesserint & à Principe rescripta, & ab Comitibus Prouincialibus decreta, publicis Instituti nostri functionibus prohibemur Gedanensis Curia senatusconsulto; operis tamen erga ciues priuatis, & publicis extra pomerium non arcemur. De Gedanensis plebis bene multos constat auctoritate Procèrum, Magistratumque metu teneri, quò minùs se dedoceri hæresim patiantur: nam in anxiis suis rebus nos priuatim adit quàm libentissimè, consiliis nostrorum utitur, & ad suos ægros non admittit modò, sed euocat etiam, patiturque iis Catholicam Fidem persuaderi, quòd nostra remedia sibi salutaria multo usu comprobarit. Quantum porro est otij ab ciuili procuratione; tantumdem nobis negotij apud extraneos quotidie nascitur, finitimis oppidis, vicis, Cœnobiis lustrandis, vbi ex continenti cultura lætissimus fructus redit, & is quidem cum vberi fenore. Vtroque loco, & in vrbe, & foris, permulti abducti ab Hæreticorum consortio, communioneque Sacrorum, ab hæreseon labe còplures repurgati, quorum primo anno numerus non redditur, altero autem vndetriceni recensentur, in quibus fuere, qui ab suis paterentur acerbis vexationes assumpti Romani dogmatis causa, inter alios æger adolescens lecto ædibusque à vitrico exactus, hanc iniuriam ignominiamque, studio initi cum Ecclesia fœderis, tulit patientissimè.

A N N O altero inter lustrandam Diœcesim Gedanum venit Antistes, vbi Socios amplexus quàm aman

amantissimè, mirificè collaudauit eorum industriam excolendis omnibus agris Gedano circumiectis, sed indoluit vehementer filere nobis gymnasium & ædem sacram, Magistratus decretò tribus iam fermè annis occlusa: & quacumque potuit ratione Gedanensem Senatum ab eius decreti seueritate deducere, sed frustra, connisus est. Quæ machina cū ei non succederet, eò delapsus est commiseratione nostri, piorumque ciuium, vt templum nobis suo in suburbano excitaret, quò & ciues & oppidanorum vicanorumque propiores Sacrorum gratia ventitarent, dum se meliorum temporum aliqua ratio aperiret.

RAVENSIS AC PRÆMISLIENSIS Sedes.

Quo anno primū Rauæ Sedem fiximus, hoc eodem decessit huius Familiae Præses, Pater Florianus Garlinski, vicanarius inter Socios, cū vix tricesimum septimum ætatis expleisset annum, longiore dignus vitæ cursu, nisi eum Deus cælo maturum euocaret. Huic homini, omnem in occasionem rectæ rei gerendæ intentissimo, duræ tēpestatis ratio amplissimū argumentū dedit multiplicis virtutis, interque cæteras eximie benignitatis in egenos exercendæ, cū passim iacerent, vel in ipsis sterquiliniis plebeiorum fame morboque confecti greges; in quos rarissima exstarent beneficorum ciuium subsidia. Horum curam cum ipse si

ipsi sibi sumsisset Pater Florianus, cæteris Sociorum aliò delegatis, nihil omisit omnium officiorum, quibus egentium animis corporibusque melius fieret, subministrandis ex conquisita stipe, cibis, vestibus, recto, ac lectica: sæpius etiam deiectis auribus ad semiuiua cadauera, putri stramento demersa, vt ne, inter brachia humo tollentium, non procurati animam sponte fugientem exhalarent. Cui negotio studiosissimè instantem villatica paganaque Nobilitas, dum rei gerendæ gratia in vrbe versatur, frequenter obseruauit, eoque nomine ipsius virtutem suspexit, coluitque maximoperè: ciues etiam ipsius exemplo inducti consilium inierunt mendicitatis plebeiorum publico sumtu subleuandæ. In hoc pietatis stadio ardentius currentem bonum Patrem, ne qua pars ciuitatis operæ tam officiosæ non particeps ipsi elaberetur, grauius affecta valetudo citius, quàm vellent ciues, putarentque, ad frædam laborum coronam cælo inuexit. Præter paucos ab hæresi & schismate receptos, Statiui exercitus egregiè compressa est licentia omnis diurna nocturnaue, quæ priuatis congressibus, quæ concionibus nonnullis, eo argumento ad milites habitis, vt iam ipsi mirentur, quæ tandem ratio suam insolentiam adeò compescuerit.

PRÆMISLIENSIS Familia posteriore anno septenos dumtaxat ab Hæretica factione abiunxit, sed ampliores tanto Catholici nominis greges, quos, vel suum ingenium, vel assidua cum damnatæ opinionis hominibus commercia,

432 PROVINCIA POIOTONIA.
mercia , eò prouexerant , diuturnitate flagitio-
rum , vt corruptissimis Hæreticis essent peiores,
diligentissimæ culturæ assiduitate ad
bonitatem præsentis futuræque
frugis denique com-
pulerunt.

* *
*



PROVIN



PROVINCIA LITVANIA.



LITVANORVM Sociorū trecētena septena capita primū censa sunt, illis deinde amplius quattuordena, Sedibus denis quaternis, in quibus Sacerdotes centum triginta tres, Magistri quadraginta, nonaginta Discipuli, Adiutores, Tironesve reliqui, aucto superiorum annorum numero accessione duorum ac viginti Novitiorum, eodemque hoc diminuto denis ac septenis huius biennij funeribus.

*VARSAVIENSIS PROFESORVM
Domus.*

VICENIS quinis seu Hēresin, seu Schisma, tametsi altissimè defixū, ex animo tandē auellimus, vnius quidem viri Nobilis annos decem totos ob-
luctante contumacia, quam tandem expugna uit,
suasum nostrorum studiosè adhibita, veterum Pa-

E c

tr um,

trum, de Fidei capitibus mirè consentientium, multa & diligens lectio. In quorundam flagitiosissimos numerosa iam serie annorum mores, cum frustra detonuissent intétatæ Diuini iudicij comminationes, horrendum fremens de cælo fulmen, quasi surdarum aurium duritiâ prouocatum, ita refractoriorum pectora concussit; ædibus prope-modum labefactatis, vt imminenti ad ultionē Numini reluctandum diutiùs non putarent. Nostram erga se beneuolentiam, fidemque habent eo loco ciues, vt in summis suis commodis ducere soleant, paribusque studiis nobiscum certare contendant, vt nonnullis, animi quadam propensione in nos immoderatiùs elatis, suus amor exitio penè vertat, cum, in subitis & periculosis valetudinis aduersæ casibus alios, quàm nostros, animorum suorum medicos sibi non patiuntur adhiberi.

*VILNENSIS PROFESSA DOMVS,
atque Probationis.*

SINGULARI planè veneratione celebratur, Shac omni regione, Beatus Casimirus, cuius nomine insignem ædem molimur, sed, dum reliquæ partes assurgunt, in operto iam ante ac circum intinam Cellam sacro Vestiario, rem Diuinam facere occœpimus, incredibili certè cœnium, cæterorumque frequentia, vt quotquot ferè aliis in templis Diuina mysteria obiuerunt, vix vllò die Christianis officiis se defunctos putent, nisi nostra
in ædî

in ædicula quoque suas preces de integro instaurarint, ac eius lucis patronum sibi adoptarint Sanctū Casimirū. Huius rei gratia viam septuagenarum millium ementi duo senes, propemodum octogenarij, quam defatigationem grauiore ex itinere contraxerant, eam sibi videbantur penitus absterfisse post adhibitam ei Sancto piā venerationem, multò autem magis vbi se sacro Epulo refecerant, vt iam, valentissimorum instar adolescentium, alacribus animis ad longinquioris viæ spatia iteratò decurrenda se mox compararent. Tam certi opis impetrandæ procul venere nonnulli, vt votiuas secum adueherent tabellas: cū essent vota in hac ipsa æde nuncupaturi, quo defunctis officio aliis subitò est restituta sanitas, aliis factum longè melius, vt integrī beneficij lætum nuncium se accepisse neutiquam diffiderent. Anabaptistarum impietate prohibiti sunt pueri nonnulli, adhibendis salutaribus aquis aduersùs Hæreticam labem in tenerum pectus iam influentem: plerique item à cæteris damnatis dogmatibus, non sine multa contentione, auocati.

DECVRSO Probationis legitimo biennio Tironum vnus, Ioannes Bororesky, ægrotare ita cœpit, vt postea numquam exurgeret, quasi ad vnā condiscendam rectè moriendi rationem biennis piarum exercitationum ei concessa fuisset nominatim palæstra: & reuerà, toto ægrotationis tempore, omnis eius sermo, & actio fuit eiusmodi, vnde constaret, quæcumque fors, aut longioris vitæ, aut præproperæ mortis, ipsi obtingeret, in

vtramvis partem esse perbene comparatum. Illu-
 stris familiæ adolescens, Societatis cupidissimus,
 in missione impetranda parentem difficillimum, ac
 diutissime quidem expertus, eo ipso telo paternā
 duritiam expugnauit, quod ad eius auertendum
 consilium intendebatur. Enimuero parens, homo
 copiosus, nati animum suo ex sensu metiens, opti-
 mi patrimonij amittendi metu commoueri eum
 posse ratus, post diuturnam repulsam, graue sibi
 quidem esse affirmauit, ablegari ab se procul ca-
 rissimum filium; quando tamen ipse vrgeat tam
 obstinate, facturum abeundi, quod velit, copiam,
 sed non alia lege, quàm vt is apud Magistratum se
 abdicet spe omni hæreditatis in posterum. Itaque
 stipulante patre bonorum patriorum in Iure cessio-
 nem, auctore stipulationis Prætor, filio contra
 sibi restipulante liberalem manumissionem, & pa-
 rente repromittente, concipitur legitimis verbis
 hæreditariæ abdicationis formula, scriptoque con-
 signata in publicas tabulas refertur, quo, veluti
 com meatu domesticæ seruitutis iugo expeditus
 adolescens, & caducarum rerum omni absolutus
 cura, continuo in Tirocinij nostri stationem ad-
 uolauit, incredibili triumphans gaudio, tam lon-
 ginquis ac incensis votis optatam ab se conditio-
 nem, tam nullo pretio sibi redemptam esse. Alteri
 adolescenti codex fortuito apertus sententias ali-
 quoties obiecerat, quibus ad Religiosum Statum
 inuitaretur, quæ sortes ne temere obtigisse viderentur,
 easdem sibi sæpe ac sæpius iterandas putauit,
 iterantique frequentius eiusdem semper argu-
 mentum

guimenti acciderunt: quo velut cælesti oraculo admonitus votum Religiosæ vitæ nuncupavit, sed sponsionem sacram iuuenili leuitate postea neglexit. Huic liberalibus ipsis genialia studia fidentius persequenti repentinus periculosusque morbus incidit, atque inter decumbendum tetra species immanium monstrorum oblata est, cuius vel aspectu ipso mirum quantum cruciaretur, vnde cum declinaret lumina, grandioribus consignata litteris vox huiusmodi, *V O T U M*, ex conspicua tabula illius oculis importuniùs obtrudebatur, cui comes aderat seuerus promissorum exactor, his grauiter intonans verbis: *Redde quod debes*: quod & se facturum ægrotus spondit. Siue autem religio dilati, aut neglecti Voti, siue spectrorum horrenda facies, responsum ab ægro expressit, sponsionemque fidei exsoluendæ; tamen, adhibitis nostris, iterato se deinde Voto adstrinxerat, conualueratque post triduum, visus est tamen rem minimè contemnendam haud magnopere curare. Ecce igitur tibi cælo irato immissus idem planè morbus, nec ita multò post, quàm discussus erat, nec mitior, longè verò diuturnior, cuius vexatione ad officium reuocatus, instauratiua deuotione omnia sua Deo arctiùs addixit, exemploque Beati Stanislai perpetuam Castitatem vouit, vbi autem conserauerat, animum ad Societatem, adeoque seipsum totum studiosissime appulit. Discipulorum cuidam inter Sodales Parthenios in menstruorum Tutelarium sortitione obtigit scheda eiusmodi, cuius omnes partes ad Religiosum

stadium inuitabant, ac nominatim Beati Ignatii Loiolæi patrociniū, & indicta pro eius Societate oratio, quorum omnium audienda lectione cohorrui, moxque ad vberes lacrymas delapsus, cœpit cogitare apertiozem vocantis se Numinis videri voluntatem, quàm vt vlli tergiuersationi locus relinqueretur: quamobrem ex illo ipso momento adeundæ nostræ Societatis consiliū inuuit. Quod institutum suū agitati attentius periculosa incessit ægrotatio, quam tamē Beati Ignatii, Stanislausque, in subsidium ab ægro, Patribusque nostris vocati, adeò feliciter depulere, vt ab sanandi ratione miraculi species quædam non abesset, cuius sanationis exitus adolescenti fuit initium nostram ad Societatem appellendi.

V I L N E N S E C O L L E G I U M.

VT ne in amplissimo apertoque vtilium laborum campo annuas operas integras darent tres Socij, morbus eorum, & ex morbo matura alijs, alijs immatura mors vetuit. Patri Iacobo lenkievickz, Lituano, sex & quinquaginta annorum inter mortales, apud Societatem tricentum tetrum operario bene gnauo, vna vis mortis campalnam de manibus potuit extorquere, vt in hoc exercitu pilanorum aciem suo more non duceret. Eum multa illustraque huius militiæ decora plurimos iam annos Socijs ac ciuibus valdè commendabant: duorum Aestiuorum incredibilis labor, indu

industria, & in omnes populares caritas, procu-
randis lue contactis ægris, ciuitati vniuersæ non
bene fructuosum modò, sed salutarem quoque
fecerat: quibus in cladibus vt ne occumberet, Di-
uina factum est Prouidentia, quæ illius necessa-
riam operam aliis prætereà mortalibus destinabat.
Hermannus Balster, Belga, post decimum quintum
annum sedulæ contentionis in administranda re
familiari, postque illustria documenta omnis Re-
ligiosæ virtutis, cursum vitæ feliciter expleuit.
Neque Georgio Piekielevvikz, Lituano, annorum
viginti quattuor, quorum partem ex æquo tertiam
discendo docendoque multa cum probitatis signi-
ficatione posuerat, secus in exitu vitæ accidit, quæ
decurfu toto contigerat, vt qui pie admodum
vixisset, cum singulari pietate occumberet. Repu-
diatis tandem dissidentium dogmatum alienissi-
mis à ratione ambagibus, septuagena capita vnâ,
& sibi constantem veræ Fidei normam amplexa.
Sacrilego consilio adibat ad Confessarium vir qui-
dam, suppressurus, quæ animum inquinarent ma-
ximè, cum subito linquentibus eum sensibus horas
vicenas quaternas pro mortuo iacuit, horrendis
intereà visis eum mirificè vexantibus, quorum
aspectu, quæ suarum partium in Confessione fo-
rent, est admonitus, vt redeunte deinde animo
iudicioque mox sacram Confessionem summa fi-
de institueret.

SE Q V E N T I anno de variarum Hærescon lu-
stris præda fuere septuageni quini homines, ad Ro-
mani moris Sacra transducti. Ex agresti turba,

Christianæ legis ignorantissima, reuocati nō pauci ab Idololatriæ insanis ritibus, quos stolidi superstitionis, rei familiaris tutandæ, augendæque cupiditas, Veneficorumque fraus, rudibus animis, ab Christiana disciplina destitutis, induxerat. Frequentis sacrilegij, inter sacram Confessionem admissi, mulier pœnas dabat atrocibus omnium membrorū tolerandis doloribus, suæque scelus vniuersæ circumstanti viciniae vltro euulgabat, ad quam cum adisset noster, eaque ad legitimæ Cōfessionis inuiteret munus, illa fanaticæ similis, suppressa voce, exerta productius linguam, atra pice nigriorē, Sacerdoti pro responso foedè ostentabat. Biduum, eoque amplius, insanienti assedit noster, monendique constantia & dexteritate, consecutus demum est, vt dimidiatarum Confessionum integram seriem diligenter instauraret, cuius animo vt ea ratione factum est bene, corpori quoque firma valetudo rediit. Anus Festos dies seruilibus operi assucta violare, altera verò parte corporis capta inutrem panē alteram sentiebat, vt ei dubium esse non posset, damnari, multarique in ea neglectæ Religionis flagitium: cui vt persuaderet noster, se iuberet asportari ad proximam Virginis Matris ædem, vbi Deum venerata, noxæ ventan. postularet, nuncupatis eo loco votis, plane consumuit.

BRAUNSBURGENSE COLLE-

gium.

PATRI Roberto Abocrombio, Scoto, ob-
genario, extrema vitæ clausula cupide prælu-
lanti, priore anno exeunte, obtigit. Eum olim
Pater Laines Romam Tridento ad Tiocinium ab-
legat, dignum eius temporis Magistrorum in
Religiosa disciplina discipulum futurum. Prima
Colonia de Romano nostro conuentu in Poloni-
cum regnum deducta, sedes ei obtigit Braunsber-
ga in Prussia, Pontificiæ iurisdictionis vrbe pri-
maria, in rebus Fidei grauter nutante, qua in Fa-
milia tres & viginti annos industriam suam, & fi-
dem, administrandis nostris munis, maximè ve-
rò Tironum contubernio, fructuosissime com-
modauit. Cracouiæ nostrorum Tiocinio initia
dedit felicissimè, ac iis institutionibus informa-
uit Nouitios, vt eorum disciplinam iam tum sus-
piceret vniuersa ciuitas, noster deinde Ordo uti-
lissimam omnibus suis gerendis muneribus expe-
riretur. Vnde viginti annos postea versatus in Sco-
tica Missione, præter diuturnum carcerem, inhi-
nitum sit recensere, quàm grauibz ærumnis ve-
xatus, quantum salutaris frugis coegerit ex op-
pressis dira tyrannide Catholicis. Edicto Regio
pronunciatum librarum decies mille præmium ei,
cuius opera Pater Robertus comprehensus Regi
sisteretur, plurimorum animos ad eius conquisi-
tionem prouocauit: quæ tamen denunciatio, &

secutura comprehensionem supplicia, homines non abstinuerunt, quò minùs toto regno sacris animorum venandorum expeditionibus incumbere. De Scotica Nobilitate, Ordinibusque cæteris, numerosos greges, vel in Fide vacillantes affirmavit, vel iã deprauatos abduxit ab Hæresi. Certis indiciis cùm aliquando eum deprehendisset Minister Hugonoticus, in ædibus ciuis cuiusdam, & inuentæ prædæ indicium palam fecisset, maximo tumultu eò accurrere Fraterculorum venaticæ cohortes, quasi ad votiuam Romani Sacerdotis viscerationem, illo interea in cariosæ arçæ vacua per domesticam trepidationem abditò, cuius, seu non animaduersæ, seu sponte præteritæ, latebras nemo scrutatus est, cæteris ædium angulis omnibus perdiligenter exploratis. Ea porrò defunctum quàm laudabilissimè prouincia, ad tam arduos labores non suppetentibus deinceps viribus, Braunbergam eum recepit, clarumque rerum gestarum, & sanctimonix præconio in Cælitum choros, patrum sibi olim futurum, allegauit. Vicenis ternis, Hæreseos expresso veneno, salutare sinceræ doctrinæ succum feliciter infudimus, vt eorum vni adolescenti, Lutheranis parentibus copiosis nato, nullæ suorum acerbitates, etiam trahenti animam, Romanæ Fidei studium, professionemque potuerint extorquere, aut vetare, quo minùs, Catholico more procuratus, piè defungeretur.

SECVNDVS annus pares prioris anni exuias de Hæretica Hydra sibi decerpfit, tribus ac vicenis hominibus de Lerna illa traductis in amœnissimos hortos Matris Ecclesiæ.

PULTOVIENSE COLLEGIVM

QUOD Vilmensibus ciuibus triennio antè acciderat , vt sua vrbs tota funesto incendio deflagraret , nosque in communi calamitate priuatam experiremur , idem Pultouiensibus, ac nobis etiam obtigit hoc anno, vnus horæ nō diuturniore flamma vniuersæ vrbs in cinerem redactis ædificiis. Tam repentinus incendiariæ cladis irperus præripuit nobis , vel diligentissimis , subtrahendū ex subitario ædium busto instrumenti domestici magna ex parte facultatem: quæ domus strages ab medio Augusto ad ineuntem Nouembrem tenuit, cum , reuocatis frequentissimis discipulis, Gymnasij sollempnia munera instaurauimus. Quod vt possemus , alioqui viribus nostris alienissimum, fecit propensissima in nos Antistitis Pultouensis beneuolentia, effusaque liberalitas, assignatis Familiæ nostræ in quadriennium Seminarij sui vectigalibus, instauratoque hac causa ædificio: ad cumulum verò amoris & benignitatis, cum inauduit cogitare nos laxiores Collegij de integro statuendi sedes , ultro adiecit, si solido auro essent fundatæ ciuium ædes , perfecturum se tamen, vt opportuno nobis loco cederent : quamobrem liberè inspiceremus, referremusque ad se , quæ vrbs regio nostris vsibus esset maxime idonea. Urbana hæc nostra calamitas veterē, & cum ciuibus communē, rusticanae rei labem excepit , qua nos pridē multatæ cœpit

cœpit coniuratarum cohortiũ violẽtia, quarũ tota regione grafsãtium furore immanis infertur agris pagisque vastitas; vt eis quã prece, quã pretio demitigandis, quã prãdiis nostris villicisque infestæ solent esse, omnes ferẽ Collegæ possint occupari.

P O L O C I E N S E C O L L E G I V M.

TREs Polocia Socios hoc anno absumsit, eorumque primum Patrem Gregoriũ Tolsczuk, quadraginta & sex annorũ, viginti quinque apud nos Aestiuorum valentissimum militem, cui summa oris, omnisque actionis modestia venerationem, gratiamque bene multam conciliaret apud exteros, domesticosque in primis, quibus virtus eius intima, cum ea compositione consentiens, esset perspectior. Blasio Iodovicz, vndetricenario in Societate inter mortales duodesexagenario, tãto exploratior probatiorque fuit Religiosę vitę ratio, quod vna fermẽ in Familia laboriosissime se per exercuit pensũ Oeconomicę procurationis, cũ pari pietatis ardore, vt eum immodicę contentionis diuturnitas ad semestrem Paralyfin, extremamque vitę metam adegerit, qui eadem seu patiendi seu agendi alacritate perpetuò vigeret. Et Tironibus N. Kraïeroskij excessit, recens e Rhetorico Gymnasio, sed paucorum mensium consuetudine nobis cognitus iis virtutum eximiarum argumentis, quæ spem facerent insignis suo tempore sanctitatis. Ab Schismate nouem, tres ab Calvinismo recepti.

Foris

F O R I S ab incurſante Moſcho , ab indigena milite domi grauitur turbatum eſt , altera parte biennij, atque hoc militari tumultu prohibito ſunt noſtri plerumque ſuis muneribus fructuoſe obcediſ. Oſto Caluiniani poculi propinatum olim toxicum cum horrore deſpuere , inter quos cenſeri quoque voluit Miniſtelli filia , & altera claro genere , grandique natu mulier , cui ab infantia diuinitus ſubiiciebantur ſtimuli ad veritatem Fidei capeſſendam , ea tamen contumaciùs obnitente , quoad grauitur affecta valetudinis telum potentius eius duriciam perfregit. Ruthenici Schiſmatis inanitatem edocti ſexaginta , caput & interpretem Religionum eum agnouere , quem vnicum in terris Chriſtus eſſe voluit.

N I E S V I S I E N S E C O L L E G I V M.

Q V A T T V O R ægrotis repentinam ſanitatẽm ex diuturna ægrotatione peperit , magno cõſciorum omnium ſtupore , adhibitum ſacræ Confessionis pharmacum. Veneficiorum vſu , inter agreſtes homines longè familiariſſimo , graui religione iniecta , prohibiti plus ducenteni homines , atque in his veneficij docendi magiſter ipſe , exercendique auctor , quem in genua nixum apud Sacerdotem , Confessionis gratia , Erebo allegatus interpellator inde abduxit , noſter tamen deinde in priore inſtituto confirmatum Pœnitentiæ piaculo priſtinis ſcleribus abſteſit. Græcanico ab
diuor

diuortio abstracti sexaginta Romani Pontificis iurisdictionem subiungere: concessere autem in Catholicorum castra sententiâque magno numero Hæretici, sed quod mirum sit pro insita obstinatione, quattuor Calviniani eis se comites addidere. Religioso die cum nescio quid operis faceret mulier, leuiter digitum conuulnerauit, quam plagam tanti esse non censuit, ut curationem posceret; verumtamen cum ad plagulam dexteræ Sacer Ignis accessisset, occupata mox tota scelerata manu, feminam impiam, stupentibus familiaribus & notis, triduo ipso enecauit.

V E L O C I V S fuit, altera parte biennij, Diuinæ animaduersionis telum, acerbiusque pro tempore, in virum Nobilem, Christiani negotij malè gerentem, iniquum præterea omnis religiosi moris, pietatisque censorem. Is post pocula inuitatus in templum ab amico, illico excandescit, amicūque ac sacram ipsam ædem, iubet ire in malam rem: dein coepit tantum probrorum ore impurissimo effundere in res pias, ut audientium animi exhorrescerent. Salubris vindictæ calamitatem Deus non distulit, vnde hic aliique Numen reuereri condiscerent suo periculo. Illa ipsa luce flagitiosi hominis caput inuadit tam acerbis dolor, ut eum de statu mentis panè deliceret: cum doloris accessio longè etiam infestior, immane vlcus erumpit illico è maxilla, indeque momentum proserpit in fauces, earumque intima sic obstruit, ut esculenti poculentique nihil transiret. Supersit præsentem vini Numinis, & reformidauit. Hu-

mo procacis linguæ, ingenique protulit, qui paullo antè, intempestivæ libertatis alii prouectus, cælum, superòsque conuiciis læsserit: extemplo vocat nostrum Sacerdotem, & illi concepti doloris luculenta testificatione, multorum annorum noxas per sacram Confessionem reteggit, certus vitæ religiosius componendæ in posterum; neque Diuina Bonitas corporis supplicium vltra protulit, quàm vt animo rediret sanitas: nam subitò ab Confessionis obito munere omnis remisit ægroti dolor, postque paullo ipsum etiam apostema planè discussum est. Alteri cuidam oculos infederat ignotus morbus, & ex eo deinde orta cæcitas hominem, grauium culparum sibi conscium, sic luminibus orbauerat corporis, vt mentis aperiret lumina, vnde dispiceret, huiusmodi tenebris infligendis, repeti ab se pœnas criminum diuinitus. Eapropter inquit consilium ædis nostræ adeundæ, vnam verò leucam aberat, vt, accuratissima Confessione obeunda, Deum animo suo propitiet, quam inter deliberationem, necdum iter ingressio, quod cogitauerat, offusa est cælitus orbis ipsius oculis, non tantum animo, clarissima lux: quod tantum beneficium, vt eò illustrius Deo sibi gratularetur, gaudio exsiliens, ad nos euestigiò properauit, fœdâsque ac veteres sceleratæ mentis exuuias, multa cum pristinæ vitæ detestatione, posuit. Ducentos & duodetriginta sectarios Calvinianis Ministris, Ruthenicis Popis viginti & quattuor subtraximus.

RIGEN

R I G E N S E C O L L E G I V M.

QV A domi, quà foris de Caluini ac cæterorum loliaria segete frumentariæ spicæ decerptus est centenarius vrcenarius manipulus. Coniugum centena quadragena septena paria, ritu nullo, non legitimo sociata, ad sollemnes Ecclesiæ cęrimonias reuocata denuo, & ritè coaluerunt. Lutherano Catholicæ puellæ nuptias ambient erat facile polliceri, copulatam sibi Romanis moribus & Sacris sponsam, in auita Fide profitende suæ spontis apud se futuram: sed facilius itidem fuit, datam fidem Deo, & affinibus, fallere, vt Luthero Caluinoque sua religio est in partes omnes versatilis, quà se aperiunt commoda. Recens nimirum ab eius pactiõis dicto sacramento, auspice auctoreque Prędicatę, nuptiarum sollemnia celebrat, securus infortunij, quod imminabat negligenti fortasse in tuendo Catholico ritu coniugi suæ, quam, per idem fermè tempus, messoribus in agro adstantem, vehemens turbo sublimem abripuit dimidiatoque inde milliari exportatam in palustres lacunas abiecit semimortuam, vbi solidum triduum sensibus defecta iacuit. Eam paludis accolæ cū extractā è cœno, velut è sepulcro, detulissent domū, nosterque aduolasset curriculo, deprehendit viribus imbecillimam, maximeque perturbatam, cui vt persuaferat Sacramentorum vsum, & ei volenti adhibuerat, mox ei roboris quantum vniquam habuerat, & animi liqui

di. t. m.

da tranquillitas est restituta. Suadebat noster Sacerdos mulieri, ut suppleri pateretur in sua prole sollemnes Baptismi caerimonias, quibus eam Minister Hæreticus non affecisset, perperam à matre adhibitus ad lustrandum infantem: quibus verbis offensa iræ impotens mulier, iactatis in Sacerdos ritus scominatis, ac maledictis in Sacerdotem, eum malam in crucem cum suis caerimoniis adscritiis abire iussit: nec triduo tardior insecuta est impietatis poena, eodem puero, adhuc trimo, collabente in puteum, unde non emerfit.

A N N O altero sex & quinquaginta Hæresin dedidicere, lubentesque posuere. Ministro parento irata mulier, in acerbissimis puerperij doloribus, passa est ab nostro Sacerdote sibi virus Hæreticum detrahi, spe felicitis partus, quem & confestim est consecuta: sed pactorum conuentorum postea inimicior, non modò ad veteres sordes rediit, sed coniugi, Catholica Sacra iam capeffenti, prope modum auctor fuit, ut ab præclare coëptis descisceret. Sed feminae ingratae, contumaci, ac impiae sub illud tempus improuisa iuxta & acerba incessit ægrotatio, quæ refractariam ad extrema vitæ malorumque deduceret: quibus meritò conterrita eundem Patrem exciuit, professa, sibi nunc certum esse ad Romanam Ecclesiam sincero animo redire, in eius sententia viuere perpetuò, ac emoriri, cui, triduo quàm noster Catholica Sacra fuerat impertitus, est reddita sanitas, quam ut Numini luculentiùs acceptam referret, proximo Palmarum die, publicè in æde sacra cum suo coniugi

ge, cælestis epuli mensæ accubuit. Magicorum maleficiorum comperti ciues quinque de suis nocturnis conuentibus horrenda prodidère: sed de eo, quem habere consueissent Rigæ, ipso in Caluinianorum fano, quod olim sacrum erat Beatæ Virgini, nunc impietate Hæretica exauguratum, enunciarunt eius generis non pauca, vt tam familiari, frequentique communione templi sacrorūque, secum ab Veneficorum vniuersa tribu, eiusque antistite Diabolo, tam studiosè affectata, vehementer attonitos eos suæ conditionis maximopere pœniteret, puderetque. Regium solum sublimis insidens, humana specie, frequenti circumstante epheborum corona, serico pulloque Regis regionumque puerorum vestitu, Erebi germanus seuum inibi exercebat imperium in deuota sibi diro sacramento capita, iussa quippe singulatim, & palam recensere quot, quamque diras pestes in corpora, familias, pecora, sata, & reliquas fortunas quorumque mortalium intulissent. Referentibus autem singulis plura grauioraque de se facinora, quàm potuissent edere, nihilo tamen minùs erant de toto conciliabulo acerbiores Tyranni querimoniæ, quòd Linoniæ leuiorem, quàm pro eius odio, intulissent vastitatem; quam si acriter exaggerare deinceps pergerent, apud Inferos pollicebatur delicias insipitis partibus cumulationes iis, quas cælo affingere solent Christiani. Interrogati porrò veneficiorum rei, quidni conuentus agerent in Catholicorum templis, respondebant eorum se ingressu prohiberi Diuinæ Hostiæ poten

potentissima virtute ac, respectu aquæ lustricæ: quarum rerum cum ne umbram quidem haberent Hugonoti, non arceri posse ipsorum fanis, sed ad ea potius allici multa similitudine ingenij, rituum, ac doctrinæ, qua utriusque partis valdè conciliarentur animi. Hæc, aliaque huiusmodi, publice à veneficis, & secundum ipsum supplicium, Hugonotorum plurimis sui suæque sectæ pudorem, ac Calvinisimi horrorem incussere, ut eo deinceps abstinerent.

DERPATENSE COLLEGIVM.

IN præteritarum cladium bustis, ferè adhuc fumantibus, septem de nostris, exigua manus, pro commissi agri vastitate, incolimus, multamque in eo ponimus operam, ut ciues, exterique se ab nobis volentes patiantur iuvari. Toto certè hoc tractu diuturna Hæreticorum consuetudo ingeneravit in Catholica plebe incredibilem Diuini cultus, Christianæque disciplinæ contemptum, sed duritiam animi, cæcitatem, stuporemque incomparabilem, ut vix eam possit afficere cælestium præmiorum, aut æternorum suppliciorum cogitatio. Ea scilicet vis est prauæ consuetudinis, ut pessima quæque, longo tandem usu, boni speciem quamdam induant, quæ assuetudine sui adco fallat incautos, ut recti prauique seu confuso, seu sublato discrimine, faciendi de apertis rebus iudicij eis adimat facultatem. Præter insitam plebeiis

stuporem : Curionumque vel paucitatem , vel in
rudium instituendis animis inertiam , quòd Cal-
uinianis pronunciatis eiusmodi pridem personarèt
omnium aures , quibus suaderentur, cuique mor-
taliū suo in dogmate certæ salutis rationem esse
constitutam : non fuit mirum in eam opiniorem
rudes homines esse delapsos, vt promiscuè Catho-
licum Hæreticumque ritum vsurpare se iure arbi-
trarentur. Huic rituum, sacrorum confusione, seu
rerum Diuinarum potiùs sacrilegio abolendo, no-
stri, & in vrbe, & extra vrbem, singulorum fa-
milias sibi lustrandas sumserunt, & reipsa lustra-
runt, vt dissimilium rituum discretis vbicumque
capitibus, sui muneris quemlibet de familia seriò
admonerent : Catholicorum nempe singulos, nè
vlla ex causa in sacris rebus, cum alieni dogma-
tis hominibus communionē vel leuissima illiga-
rentur : Patrēs verò familiæ Hæreticos sui iuris es-
se paterentur quemlibet de suis Catholicum, in
profitenda fide. Feliciter cessit plerumque nostro-
rum hæc diligentia, vt herorum in famulos, pa-
trum in liberos seueritas remitteretur, & eos de-
inde suis sinerent viuere ritibus, persuasi Patrum
nostrorum ratione, qui dicerent, non vi, sed per-
suasionibus, res Fidei esse tractandas. Antea cer-
tè seu filij seu famuli Hæreticorum, tametsi Ro-
mani ritus essent, ad Ministrum adigebantur nup-
tiarum iungendarum gratia : iam verò præcisè ne-
gant, se Pastoris Hæretici vsuros opera, qua con-
stantia euincunt, vt suæ coniuges, rituum nostrorū
sanctitate delinitæ, & adactæ occulta vi, ad eo-
rum

rum professionem voluntariam transeant. Lutherana mulier libenter audiebat conciones nostrorum, cui magnopere arrisit, quod aliquando exceperat de colendo ieiunio, ut mox consilium caperet eius adhibendæ medicinæ ad sedandos alui cruciatus intolerabiles, quibus frequentissimè vexaretur: ea igitur causa vouet perpetuū dietum Veneris ieiunium, quo nihil ad cibum esset additura præter panem, & frigidam, raphanum & sallem, quo medicamento vsa, primo ipso die ventris illos immanes dolores penitus exstinxit, ac deinceps ieiunij religionem colit diligentissimè.

Quantum malignæ cæcitatibus, præfractæque obstinationis eorum pectoribus infundat Calvinismus, quos semel infederit, superiorum annorum, sed secundi huius experientia maximè didicimus. Oëstonum animi, quorum in finibus est Derpata, natura sunt ad pietatem propensissimi, sacrarum rerum indigenæ cupidi, ac reuerentes quàm maximè, vix ut cogitari possit, non tota modò Polonia, sed Europa etiam, religiosior populus Oëstonum gente vniuersa; quibus id accidit, quod sapiens quisque facilè coniiciat, ut naturali hac inductione mentis erga Diuinū cultum occupati, quidquid religionis specie aliquando combiberint, in eo tenacissimè adhærescant. Derpatensium ergo ciuium plerique Calvinismi tetrīs erroribus implicati, tametsi proximorū annorum iis vexati calamitatibus, quas nemo, nisi sponte cæcutiens, dubitarit, Hæreticorum vlciscendis immanibus sacrilegiis è cælo inflictas, perstant tamen in Hæ-

refi, vana illa sanctioris adepti Euangelij opinio-
ne ipsos illudente, nostrosque labores in se co-
lendis, ferè irritos in hunc diem esse sinunt. Quā-
obrem, ad rusticanæ plebis institutionem tradu-
ctis operis, villas, agros, silvas obimus continen-
ter, ingenti agrestis multitudinis ad solidam pie-
tatem progressu. Nostris gregatim prodeunt obuiā,
ac velut cælitus missos ad se nuncios, summa ex-
cipiunt veneratione, mox verò, antiqua gentis
consuetudine, poscunt sibi Apostolos designari,
hoc est, Tutelarem Cælitibus aliquem, cuius se
custodia septos velint, cuique honorem solent
habere singularem, ac nominatim, pridie Nata-
lis eius, domesticos accipiant cœna lautiore, ip-
sum autem Natalem colant sanctissimè. Secundum
hanc petitionem sunt & alia religiosarum rerum
postulata, vt sacrorum Agnorum, & huiusmodi,
quorū apud eos est veneratio suprā quā credi po-
test: tum prolatis sale, aqua, & variis frugibus,
poscunt in hæc omnia Sacerdotum ex Ecclesiæ ri-
tu faustas preces, quibus impetratis, nihil sibi,
rebusve suis, funesti vel à mortalium quoquā, vel
ipso ab Orco solent metuere. Ac eorū quidem re-
ligiosæ Fidei, Deo propitio, respondē teuentus feli-
cissimi, vt quidquid morborū, quidquid aduersorū
casuum ab Cacodæmone, ac Veneficis, ingruat, his
amuletis instructi ab se nullo negotio amoliantur
Sacerdotes omnes, & in iis nostras præsertim, vt
aliquem Cælitum, pro ea munèris dignitate, qua
norunt eos fungi, Christi obeunda vice in Sacro-
rum procuratore, reuerentur, & res quaslibet,
ipso

ipsorum contactu , Sacrae dignationis quiddam sortitas esse autumant. Fenum quidem , nostris Sacerdotibus apud se cubantibus substratum, studiosè à reliquo secernunt, & , æquis per singula capita portionibus , pecori suo sospitando diuidunt , quoniam , inquit , Sacerdos super id pabuli & quieuit, & orationes fudit. Erga Diuinam Hostiam Oestiones feruntur religione incredibile, qua vna illecebra reuocantur ab Hæresi, maximè vbi deprehenderint, in Hæreticorum frigida Cœna, præter profani panis buccellam , nihil subesse, aut subesse posse. Eiusmodi turundæ gustatu, quod nemini vmquam mortalium ab ægrotatione factum sit meliùs, Romani verò moris Eucharistia piè vsis, quod suorum plerisque restitui quotidie amissam valetudinem obseruant, id verò argumenti habet instar omnium, cur dubitare neutiquam possint, stare ab suis partibus veritatem : Calvinianosque, ad edendum Diuinæ alicuius efficacitatis quidpiam ex suo arcano panariolo , audacter , & cum ludibrio , pronocent. Sanctos , cælo fruantes , Catholicorum omnes Curia , secundum Deum, piè colunt , sui que cultus vberes vsuras à Beatissimis accipere : quamobrem , qui sunt in potestate Hæreticorum Satraparum , studiosè ipsorum gratiam demerentur , vt iis lubentibus Beatorum sibi liceat Natales feriatos ducere. Eius autem ritus Dynastarum vnus , cum rustici conuentus postulata in eo genere auersatus , veniam non daret Beato Laurentio festum diem religiosè traducendi , prætereaque cum stomacho subiungeret, feri-

riarum nihil deberi Laurentio, cuius dignitas sua dignitas esset utique augustior sanctiorque. Sub idem verò tempus, intimis in horreis impij Sarrapæ, ignis, occulto casu conceptus, paucis horis frumentariam eius annonam planè corrupit: unde rustici didicere, quem Cælitum auertendis incendiis piè solerent appellare, Divinæ ipsorum atque suæ iniuriæ vindicandæ, ultatricibus flammis aduersum barbaram impietatem iustissimè fuisse grassatum.

L O M Z E N S I S S E D E S.

LI G N E O adhuc temporarioque sacello utimur Lomzæ, dum opportunius ædificium Deo colendo, nobisque collocandis, apparatus, religione tamen floret nostra ædícula quàm maximè, ut quotidiana ferè votorum nuncupatione ac solutione celebretur à ciuibus. Quattuor matronæ nobiles, partus acerbissimis cruciatibus triduum vexatæ, concepto Eucharistiæ in ea ædícula sumendæ voto, mox omni dolore absolutæ peperere feliciter: totidem aliæ item primariæ feminae, in grauibus morbis, eodem usæ remedio, pari euentu consanuerunt. Ciuitatis porro vniuersæ tam propensum est in nos, & nostra omnia studium, ut sperare liceat, in tam bene affectos homines nostram operam utilissimè collocatū iri.

A L T E R annus initium dedit Lomzenfi Collegio, felicibus utique auspiciis Premetensis nuper

per Abbatis, eiusdemque nunc Episcopi Camenencensis, cuius munificentia huic familiæ attributo prædio annuorum florenorum plus vicenum millium, iusta nobis vectigalia in perpetuum sunt constituta. Ineunte Quadragesima tridui supplicationem instituentes nostro in sacello, admirationem concitauimus rei nouitate, nihilque præterea primo die; altero autem vnus dumtaxat, sed è primaria nobilitate vir, se palam omnibus Diuinis imbuendum mysteriis obtulit, cuius auctoritas ad id valuit, vt paris conditionis homines aliena suæ moribus & officio facturos se putarent, nisi Christiani facinoris locupletem auctorem imitarentur: tertia igitur die, principes viri frequentes apud nos Sacra obiuere. In plebeios quoque peruasit horum dierum religio, vbi rem perpenderant attentius, vt fuerit caupo, qui è taberna sua potantium greges exigeret, seuerè in hæc verba præfatus: Alias fortasse, sacris etiam diebus, apud me vobis fiat vini copia: nunc verò Lomzæ id sollemnium mysteriorum genus institutum est, quod nefas sit vestri moris potationibus inquinare. Religiosa autem Parasceues luce, & Parentis nostri Natalibus, ciuium bene longus ordo ex æde nostra prodiit in gemina vrbis templa, totòque itineris productiore tractu flagellis terga mulcauit.

*O R S S E N S I S E T P L O C E N -
sis Sedes.*

HARVM Sedium prior Hæretico gregi septenos de suis , Schismatico denos his plures abstulit. Matronæ Catholicæ stolidus in coniugem amor suaserat , vti cum eo secessionis fieret particeps, cùm secundùm hanc impietatem in eius oculos eiusmodi lippitudo inuolauit , vnde ipsa cæcitas fermè nasceretur : grauitas porrò tanta pedum, ac deinde imbecillitas secuta est, quæ statum gressumque inhiberet. Nihil alio admonitore fuit opus , vt imprudens femina intelligeret , se Diuina ultione sacrilegij ream peragi : cui calamitati ab se depellendæ , vouet reditum in Romanam Ecclesiam, eoque nomine adit nostram ædem, vbi, Sacramentis expiata , vtrique morbo amoliendo efficax accersuit amuletum. Altero anno triceni vel ab Hæresi, vel ab Schismate nostris hortatoribus desciuere. Absente Duce, in geminam factionem discesserat exercitus , iam iamque concursuris tubarum tympanorumque cantus animos iramque acuebat , cùm è propinquo nostri aduolant , in medias irrumpunt acies , dereptisque tubis & tympanis è canentium manibus, ac interposita ea oratione , cuius copiam faceret tumultus, reconciliant gratiam pugnantium factionum. Constabat exercitus cohortibus Catholicis Hæreticisque promiscuè ; æquè tamen vtrisque partibus gratissima opera nostrorum accidit , vt omnium

nium centuriarum suffragiis , ac Hæreticarum nominatim, postularentur de nostris Patribus, qui, fouendæ militari Christianæque disciplinæ , in castris essent assidui.

P L O C E N S E S nostræ operæ suâ prouinciâ gerūt eo minore molestia , lætiore ac vberiore fructu, quòd Hæreticum semen eo in agro raras stirpes egit , qua de paucitate nouem etiam reuellerunt, vt infirmæ iam factæ sint reliquarum fibræ. In excolendos igitur Catholicorum animos strenuè iucumbitur, & constat pretium operæ, in optimæ indolis populo , & Instituti nostri amantissimo, quorum piis studiis , vt ne faciamus satis , prohibemur Sociorum infrequentia.

*K R O Z E N S I S , S M O L E N S C E N S I S ,
ac Vendenfis Sedes.*

S A M O G I T I A M vniuersam animo complexi , totum iam sexennium Krozis in assidua statione sumus , vnde , pro tenui copia operarum, excurrimus longè lateque , opportuniorem interè sedem explorantes , quam huius oræ Antistes nobis assignat Verniis , apud Aulam Pontificiam, alij locis aliis , pro suo quisque ingenio. Calvinismi laqueis tres ac triginta, Arianismi vnus sacrilegio expediti : Hæreticæ mulieri , ad nos simulato studio Confessionis adeunti , vt eius ritum in suorum conciliabulo postea illuderet , Diuina benignitas animum derepentè sic immutauit , vt
prau

pravi consilij noxiâ complurium horarum vberri-
 mis lacrymis , in ipsa æde, omnibus palâ, expiaret.
 Infamis Idololatriæ altè adhuc impressa vestigia,
 in agresti, & ignorâtissima Christiani ritus, multi-
 tudine , locis aliquot aboleuimus, demirante pri-
 mùm rudi plebe , receptum pridem suis in pagis
 Sacrorum morem à nobis tantopere condemnari,
 ac deinde, cùm errorem dedocta esset, sanioris dis-
 ciplinæ ritum sibi nobisque vehementer gratulan-
 te. Fuit vbi , maiore vi fugatis agrestibus Sacrifi-
 culis , sacrilegiis inquinatissima esset ara funditus
 conuellenda , prohibendis anniuersariis cruenta-
 rum pecudum victimis, quibus se numerosæ Deo-
 rum decuriæ barbara plebs litare crederet , vbi la-
 niati viuentis agni lacera membra concremasset.
 Viri nobiles quindecim à Caluini strophis vindi-
 cati , Catholicorum animum ritumque induere

S M O L E N S C V M anno huius sæculi duodeci-
 mo sibi Regiis armis creptum Moschi doluere
 grauitè, biennio igitur pòst amissum recepturi,
 acerba obsidione nos vexauere, vt cùm ciuis miles-
 que diuturna iam fame pressi com meatu vndique
 intercluderentur, deditionem denique cogitarent,
 vbi cibariorū nulla spes ampliùs affulgebat. Quod
 in eiusmodi ciuiū angustiiis nostrarum erat partiū
 nihil publicè vel priuatim est omissum. Arden-
 tium verò precum machina, qua potentior nulla
 est , aduersum calamitates vltimas , intentata
 est constantissimè, vt ea se victum Deus videri vo-
 huerit. Enimuerò res ciuilis militarisque ad des-
 perationis extrema pænè redierat , cùm Regij
 exerci

exercitus summus Prætor per medios hostium cuneos , deiectis ipsorum munitionibus , valida manu ad nos penetrauit , amplissimoque ciuitatem refecit comineatu. Per eas etiam obsidionis asperitates , duodecim passi sunt Hæresim sibi auelli ex animo , Schisma autem viginti : ciues porro vniuersi , præfidiarii que , ac in his clarissimi quique , cum aliàs semper , tum præsertim ab egregiè nauata ipsis obsessis opera , nos amant , coluntque magnopere , ac in oculis ferunt.

V E N D Æ inter Lotauos, populum mirè factum ad pietatis studia , fructuosissimè operam collocamus , longè fructuosius posituri , si plurius Sociorum adesset copia : frequenti tantum doctore opus est , ingeniis ad disciplinæ flexum cera mollioribus , quibus hoc ardentior sit ad condiscendum sollicitudo , quòd decenni bellico tumultu se fraudatos pia institutione , ingenti suo damno , agnoscunt. Centeni & quinquageni , deterfis fœdis Hæreseon maculis , eandem religionum palæstram cum cætero Catholicorum grege ingressi. Ter huius sæculi anno decimo quarto , istius gentis aliquot hominum millia peregrè duximus supplicatum , quorum ea fuit toto itinere ad eximiam modestiam pietatemque compositio, vt castellanis, vicanisque passim prodeuntibus , peramanterque excipientibus, ad idem sacræ exercitationis studium exemplo inflammatis gratissimi gaudij lacrymas eliceret. Fuisse in triplici ea peregrinatione obeundorum Sacramen

cramentorum cupidissimi, tolerantissimique ad-
 uersarum tempestatum, vt siue in oppidis, siue in
 agris, sub dio cubuerint ternis quaternisque con-
 tinuatis noctibus, & cælo interdum maximè plu-
 uio. Cùm ad Beatæ Virginis precantium acie ordi-
 nata issemus, omnis supplicantium ordo reli-
 gionem animi sui erga Magnam Matrem, lucu-
 lento documento declarauit, qui nefas sibi putauit
 sacram ædem subire, quin ipso genuû nisu, arden-
 te in manibus cereo, ter eam, venerationis gra-
 tia, circumuiisset, vbi & concionem exciperet aui-
 dè, & Sacramentis sanctissimè defungeretur. Fati-
 gationis penitus expers genus hominum putares,
 obeundis huiusmodi cultus Diuini muneribus,
 quos longa & difficilis via, cantus, inedia, noctur-
 nus diuturnusque imber, insomnia, non sic assi-
 cerent, vt non accuratè otiosèque omnia pieta-
 ris officia obirent in templo, suum in oppi-
 dum regressi, priùs quàm curandi cor-
 poris, aut lustrandæ familiæ,
 vel cogitationem dum-
 taxat admitte-
 rent.

PROVIN



PROVINCIA FRANCIA.



FAMILIIS decem & octo, Sociorum capita sexcentena octona censuimus, hoc medio biennio; eodem exeunte, illis amplius vicena terna, ynde uiginti domiciliis: quorū toto biennio interiere quattuordecim, centum & tres ad nos aliunde aduenére.

PARISIENSIS PROFESSA

Domus.

INSIGNES Missiones duas prior annus peperit, quarum alteram Statiuis, vrbaniſque caſtris contra ignorantiam impietatemque poſitis, campeſtribus excuſſionibus frequentem alteram adminiſtrauimus: vtramque affirmandæ Religioni ac diſciplinæ Chriſtianæ, Caluinismoque & corruptelæ morum inſirmandis fruſtuôſiſſimā. Duos Patrum Cardinalis Perronius luſtrādæ Senonēſi diœceſi, cui iuriſdictione Pontificia præeſt, deſtinauit,

qua obeunda trecentos pagos supra vibem, Archiepiscopi sede illustrem, Euangelica semente conleuerunt, incolarum omnium singulari fructu gaudioque. Sacerdotum vnus, Lingonas euocatus, Calvinianæ perfidiæ arcem ipso statim initio cum inuasisset, deiecitque, cætera omnia deinceps habuit longè procliuiora. Errorum fautorem doctoremque, Minstrum scilicet, disputatione aggressus, spectatibus primariis viris, ita exagitauit, abiecit, fregitque, tam luculentis probationibus Romanæ Fidei veritatem demonstrauit, vt ex assessorum corona vir nobilis exclamaret, ea doctrina, quam noster explicaret, nihil esse, nihil fingi posse liquidius, cuius ad tam apertam lucem hauriendam, si quo suo fato in Hæresim esset delapsus, videatur sibi necessario fuisse accursurus. Illustri loco perpetrata falsitatis conuictio, Calvinismi hinc supinam fatuitatem, inde malignitatem incredibilem, longè lateque prodidit, & afflixit: Lingonensium quosdam, Hæresis clandestina labe contactos, occultæ pestis exitio absoluit: vacillantium in Fide animos confirmavit: ex cõsumacissimæ peruiacix adolescentis animo Calvinianum toxicum, intimis conceptum viscetibus, cū priuato congressu doceri se non pateretur, tandem aliquando expressit. Altet quoque tetrum Hæreseos spoliū excussit, quod ei adhuc puero inductū fuerat, cuius probri danique grauis accessio facta erat perpetua Stygij monstri per importunissimas illusiones vexatio, qua eius animo illata fax sinceri dogmatiseum derepentè vindica-
uit, Tre

uit. Tertius, pretio conductus Caluini discipulis sacramēto dixerat, octauumque iam annum, atrociter eum torquente proditoris animi conscientia, diram seruitutem seruiebat, vnde assertus est in suauissimam tranquillitatem mentis, simulatque postliminio in Ecclesiam rediit. Is postea, cum prelato Crucis labaro, quod munus sibi ardentissime depoposcerat, transvehenda publicè Sacrosancta Hostia, in prima magnificentissimæ pompæ, & Catholicum palam, & Catholici agnitionis vexilliferum cœpit agere; mirum quàm ex hilarauit cœlium animos, quàm honorificis præconiis, suo se factò cohonestauit. Septenos domi Concionatores habuimus, quorum dictione frequentissimus auditor fructuosissimè distineretur, totidem vrbis templis celeberrimis, per quadragenarium Ieiunium, Eucharisticasque ferias. Liberalium sollemnium apud nos triduo, tametsi, ad ceteram eius temporis licentiam, accesserant Francicorum Principum, exquisito nouoque apparatu, equestres decursiones, saltationesque, delectum ciuitatis florem rebus Diuinis nostra in æde assiduissimum habuimus; etiam per ea interualla, quibus tympanorum cantu vndique nostra perstrepebant atria. Calvinianæ lepræ intimum vlcus excruciamus primario viro, quem impotentia iracundiæ ad erroris magistros appulerat, præterquæ, in aliis quinque parem animi labem abstersimus.

Vix interquieuimus annum totum superiorem, tantulum interuallum, à continētibus scēdisque priorum annorum tempestatibus, cum bre-

uium Alcedoniorum pacem immanis fauorum Aquilonum turbo nobis interpellauit. Pontificiæ auctoritatis defensionem, à Patre Soario Franciæ finibus procul editam, aduersùs Britannicum illum commentarium, Summo Pontifici omnia ferme sua iura detrahentem, maleuoli homines, compluribus accerſitis exemplaribus, paſſim legendâ diſſeminarant, ac panè inuitis obtruſerant, vnde in nos inuidioſè captarentur. Specioſæ anſæ maledicendi, nocendique. Ipſum codicis argumentum, in Francia, iis temporibus, eo maleuolorum numero, ingenio, ea arte, audacia, auctoritate, non potuit non multiplicem ſuppeditare cauillandi, carpendi, lædendique materiam. Primum igitur argutuli alienæ commentationis interpretes, ac, ſi Superis placet, ſtrenui Regiæ maiestatis vindices, propugnatoresque publicæ tranquillitatis, palam iactare leſuſticum ingeniû odioſis, nouis, regno pernicioſis edendis in momenta ſingula commentariis natum eſſe: **inſanam** hanc, peſtiferamque peſſimo publico ſcribendi pruriginem, iniuſtis, acerbioribus pœnis, eſſe in perpetuû exſcindendam. Vt autè eius criminationis inuidia latiùs funeſtiùſque ſerperet, inuento ad calumniam fraudulentius potètiùſque conſtandam peridoneo, & ad ingenij ſui rationem maximè appoſito, vniuerſa ex ſcriptione malitiouſius decerpunt quorſdam ſingulares locos, quibus ſuo ex corpore auulſis, quaſi genuina membrorû ſede, adeoque anima ipſa, deſtitutis, ab maligno interprete affingi ſententia quâ odioſiſſima poterat.

Trun

Truncis istiusmodi capitibus ad arbitrium digestis, totaque Francia vulgaris ad colligendam consiliis suis existimationem summæ æquitatis, nobis verò tantò acerbiorē concitandā maleuolentiā, de Senatu quidam, pessimè in nos armati, pridemque publicis honoribus, & iurisdictionis fastigio in Societatis perniciem iniquissimè abutentes, de Soarij commentario atrocissimam relationem apud consilium Patrum instituunt, vrgentque uti de illius voluminis toto argumento, nominatimque de exscriptis ab se capitibus, consilij sententiæ rogentur. Eò igitur cū ventum esset, ut Senatorius ordo singulatim interrogaretur, variatum quidem est sententiis, nullæ tamen dictæ nisi & in codicem, & in eius scriptorem, & in nos omnes, admodum seueræ, asperæque, ut varietate dicendi quæsitæ, videretur nouitas, grauitasque acerbitalis. Biduum tenuit ea opinionum disquisitio, inuisitata contentione animorum rem disceptantibus, pro suo quisque sensu, Patribus, aliis, ut nobis omni nostra functione interdiceretur; aliis, ut, quàm latè patet Senatus ditio, ea extruderemur: aliis tendentibus, uti commentarius, Carnificis manu discerptus, palam, ad imas Basilicæ scalas, infamibus flammis vstularetur, quam in sententiam deniquè discessit bene frequens Curia. Rege Reginaque Matrè auctoribus Secretioris Consilij decretum intercesserat, ante habitam in Senatu rei huiusce relationem, quo decreto de hac causa referri à quoquam, cognoscique verabatur: sed dissimulata huius Interdicti

auctoritate, seuerum in nos pronuntiatur Senatusconsultū, cui pronuntiando in Iure palam quaterni de nostris adfistere iussi, audireque de huius causæ argumento duriora Senatus monita. Ibi, de Præpositi Nostri Generalis decreto aduersus alienas in Tyrānicidij materia disputationes, præfatus eius Quæstionis Præses, ex consilij sententia edicit, quando illo decreto rectè atque ex ordine de tam odiosi argumenti commētariis exceptum est, vti eius omnia capita religiosè seruentur in posterum, ac ipsius decreti sanctio proximo semestri diligenter instauretur: caueant porrò nostri, cuius disputationis, pessimo Regum Regnorūque bono, inuentores ipsi fuerint, vt ne vīquam gentium, vllum iis consciis vestigium prodeat, si saluam in Gallia Societatem esse velint. Durissima omnia exspectantibus, tamen si reipsa peracerbus, at suauis visus est, multa indignatione in nos collectus, capitibusque nostris asperè intentatus huius procellæ impetus, quodd omnes colonias nostras in terrarum vltima non eiecit. Seipsā sponte suppresserat odiorum acerbitas, cogendis ex mora viribus ingentioribus, quarum tota simul erumpens moles, funestiore ruina, proximis vniuersæ Galliæ Comitibus, omnium Ordinum decreto, nos obrueret. Comparandis igitur Francorum omnium volūtatibus ad meditati facinoris secum ineundam societatem, ad eius verò approbationem, cæterarum nationum animis, per emissarios diuulgant geminum commentarium; alterum Latinogallicum, vt exteris quoque venenum propinetur, quo
docent

docent nostri Ordinis pridem corruisse omnem disciplinam, ad quam erigendam Clerici Laicique nominis Principes quosque cohortantur: alterum, qui eius disciplinæ restituendæ rationem ex ipsorum ingenio explicet. His duobus coniurationis initæ Prodromis vadabantur omnium mortalium animos, & tacita veluti sponsione conflandi nobis exitij, quasi aliud agentes, implicabant. Hac proluione feliciter exorsi diram, & nobis inauspicati exitus, tragœdiam, immanibus criminationum voluminibus aduersum nos instructi, prodeunt in Gallicani conuentus theatrum illustrissimum, expromturi palam, & summo conatu in nos, quidquid complurium annorum implacabilis ipsorum malevolentia, sceleratissima iniquitas, fraus exquisitissima, perfidia inaudita, sæuissima crudelitas, in calumniarum infinitū acervum potuit congerere. Qui hominum in nostrum caput coniurantium multitudinem, quidam, artes, audaciam, potestatem, gratiamque haberet perfectam, nosset etiam ab eis tam ardentibus animis nostri peruertendi consilium esse initum, is haudquaquam posset ambigere, quin Sotietatis nomen in vniuersa Francia, paucis diebus, interiret. Ita scilicet mortales, humanis inducti argumentis, de nostra causâ existimarent, nisi eodem tempore propitij Numinis longè alia intercederent consilia, quibus periclitantis nostræ causæ omnis ratio derepentè conuersa, optimo loco poneretur. Enimuero trium Gallici nominis Ordinum duo principes Ordines, Clerus atque Nobilitas

litas in postulatorum suorum commentariolis, inter cætera capita, nominatim ac impensè ab Rege flagitabant, vti non modò restitueretur Claromontanum Societatis Collegium Lutetiæ, sed vniuerso planè Regno nobis liceret nouas ducere Sociorum colonias, omne genus nostrarum functionum liberè obituras: subiiciebant porro studiosissimas preces eo nomine, vti aduersùm infensissimas aduersariorum petitiones Regia benignitate nobis præstaretur incolumitas, eaquæ propter Rex humanissimus Societatem Franciæ finibus comprehensam, in tutelæ suæ portum sinumque interiorem acciperet. Tam illustribus consignata monumentis, eius vtriusque Ordinis adèd propensa in Socios voluntas coniurata in nostrâ pernicië factionis animos conatusque, tametsi viriû suarum fiducia, nostri que nominis odio, vehementer incensos, non repressit dûtaxat ab cogitato scelere, sed penitèns quoque in præsentia exstinxit: reputâtibus apud se nostris inimicis, post eâ Nobilitatis & Cleri professionē, in quâ instructâ aduersariorum impares viribus & auctoritate incurfuri essent, si porrò pergerent eo nos genere pugnae lacerare. Decē & octo Calviniani auctoramenti sacrilegū ius detestati, ab insanè damnatęque militię signis ad Ecclesiæ vexilla transiere. Ad remum damnatis, triplici, ac bene numerofo gæge, ter, nostra in æde, vinctis adhibita sunt Sacrorum subsidia, & deinde in atrio domus inducta vestis necessaria, & prandium copiosè appositum. Franciscus Motus, grandi natu, familiaris operæ nauus admini

administer, ad tricenarij laboris, fideliter constanterque in Societatis negotio positi, præmia fruenda demigravit.

*PARISIENSE COLLEGIVM,
& Pontifarenfis Sedes.*

ILLVSTRIS Marchionis piam coniugem viri
aduersus quidam casus inauditus sic conturba-
uerat, vt, trium mensium prægnantem, tristis
nuncius, animi corporisque grauitè ægram, mox
lecto affligeret. Vehemens illa commotio immatu-
rum fetum sollicitauit adeò, vt iamiam erupturus
putaretur, sed, nequidquam allaborantibus con-
trà obstetrice ac medicis, abortionis cruciatus ia-
centem diuexabant atrociter, & loco suo aliquan-
tulum diuotus infans in angustiis adhærescebat.
Noster Sacerdos per eam trepidationem aduoca-
tus, cum periclitanti suggessisset Beati Parētis vul-
gò propitiam parturientibus opem, ipsa ei votum
facit, subitoque fetus, inedicamētis sua sede antea
depulsus, in eam sponte redit, paulloque post, parē-
te incolumi, ac doloris experte, inuixit efflu-
xit ex vtero. Pontifaræ, septima à Parisiis leuca,
Ioiusæi Cardinalis sumtibus anno altero consti-
tuta nobis est demum Sociorū perpetua Sedes, &
Collegij Parisiensis Colonia, valdè lubentibus op-
pidanis, nostrorumque præsentiam & operam mi-
rificè sibi gratulantibus.

FLEXIENSE COLLEGIVM.

NO V I T A T E M Calviniani Euangelij mendacio & scelere nixam nostris admonitionibus agnouere tres hoc anno, sex insequente, ab illiusque peste descivere. Cogitatas à filio nuptias se inconsulto inuitoque parens tam impatienter ferebat, ut natum fugientem insequeretur ad necem, iamque misero armatus imminebat, cum æstuans iracundia in nostrum Sacerdotem incurrit, cui tam idonea verba iram lenienti, tam potentia contumaciam retendenti Deus subiecit, ut, suppresso primùm furore, composito deinde ad noxæ pœnitudinem animo, planè sibi restitueretur, sanguinem filij paullò antè sitiens, continuoque ad pedes nostri se demitteret, iassis ipsius obsecuturus. Impetratum est ab homine, uti quantum superiora vitæ meminisset, sacra Confessione admissorum omnium rationem ederet, quod ei consilium ad salutem profuit maximopere, ut cui tri-duo ultimus ætatis dies illuxit.

IN S E Q V E N T E anno, Flexienses Scholas Regæ Reginaque, cū suo comitatu visendi causa ineuntibus, non commisere nostri, quoad humana ratione provideri potuit, ut excipiendis tam beneficiis Principibus suo muneri viderentur defuisse: cecidit autem omnis noster apparatus eis adedò iucundus; ut cū auribus, oculis, animisque multam ac variam hausissent voluptatem, Reginæ iudicium testimoniumque fuerit, quidquid artis,
elegant

elegantie, dignitatis, magnificentie que in eo pompe genere posset optari, cumulatissime accuratum fuisse à nostris, ut nihil à quoquam merito desideraretur. Vestibulum, atriumque Collegij, propinquum arboretum, Conuictorum impluvium, & huiusmodi loca, amplioris structuræ accipiendæ capacia, suis quæque insignita spectaculis, argumento & ratione inter se aptis & connexis, commissam seriem varietatemque suavissimæ voluptatis intuentibus ostentabant: eò, maximè collata industria, ut Rex & Regina, in Musarum sacrario, ab earum alumniis se, ut ipsorum Apollinem Pallademque, intelligerent excipi. Præter erectos in vestibulo fornices: structam in Gymnasij atrio porticum, Borboniæ, Medicæque gentium scriptis, pictisque præconiis magnificè illustres: inibique sublimem, ac bicipitem Parnasum, Musarum choris frequentem: nemus conuentu Siluestrium Deorum nobile: præter hæc, inquam, aliaque infinita oculorum auriumque iucundissima lenocinia, & eruditæ mentis singularia oblectamenta, in primis affecere audientium animos septemdecim lectissimi oratores, linguis totidè Regi exponentes capita suæ legationis: & secundum hæc, progredientibus oblati inusitata proceritate, augustissimòque ornatu visendus Obeliscus. Huius molis ingeniosa conformatio lumina & mentes intuentium admiratione artificij magnitudinisque continuè defixit, quodd, interrogata, occulto ex ore diserta responsa funderet; tacita verò, pænè spirantis picturæ quodam sermone lo-

queretur. Atque hæc quidem fuit, per matutinum otium, labyrinthi velut Circi vaga quædam decursio: pomeridianis autem horis sedentariam spectationem præbuit theatrum, incredibili adstantium voluptate, argumenti dignitatem, industriam poëtæ, actorum venustatē, mirifico plausu celebrantium. Patri Iacobo Furnerio hic annus feliciter fatalis ad religiosissimum obitum fuit, eum sortito vitæ finem, quem summa, perpetuaque alacritas in exsequendis Instituti sui muneribus polliceri videbatur. Raphaël des Mœurs dignum item præmium pia morte tulit eius operæ, quam decimum quartum mensem in Tirocinio, multa cum approbatione, nauauerat.

*M V S S I P O N T A N V M C O L
legium.*

SOLLEMNE suum tenuere nostri, anno utroque Pontamussij, altero Metis, pueritiæ urbanae, suburbanaeque, sedulo instituendæ, ad Sacrosanctæ Eucharistiæ primùm libanda mysteria, ut teneris mentibus de diuino epulo eæ religiones ingenerentur, quas nulla temporis longinquitas, vel morum corruptela possit abolere. Quingentorum impuberum ordinatissima, & linteata cohors Pontamussij, Metis haud multò infrequentior, processit in sacram ædem epulatura cum Cælitibus, religiosissimoque spectaculo mirabilem in omnibus ciuibus motum pietatis concitauit. Vicini

cini oppidi rem omnem ita conturbauerant principum ciuium duo, funestis simultatibus diuisa in factiones duas infestissimas ciuitate, vt quoniam aduersę partes in aduersas perpetuis insidiis eruptionibusque grassabantur, latronum præsidium eo pomerio veriùs, quam iure sociatorum oppidanorum conuentus claudi putaretur. Eam verò pacis & amicitie inter partium duces reconciliandę felicitatem Deus Sacerdoti nostro impertitam esse voluit, vt vtrosque ad templi valuas perductos, stupente ac exultante ciuitate vniuersa, inter se amicissimis congregientes verbis animisque committeret, iteratisque amplexibus firmata concordia, eosdem adhiberet suę quemque partis cū aduersa factione pacificatores, quorum opera in multam animorum consensionem reuocatis oppidanis omnibus, publicę asserendę in posterum tranquillitati, religiosę obeundis Sacramentis; pax Numinis postulata est, ac secundum Sacra in communes epulas passim discessum est, ingentibus perpetuandę beneuolentię studiis. Inibi claro genere matrona Hæretica, vno contumacissimę peruiticię telo nostrorum congressum retundebat, quos vt inauspicati aduentus nuncios auersabatur maximoperę, vt, cū proximē redituros ad se arbitraretur, Metas properę, simul abducta familia, se auferret. Acerbissimē ferebat tantum honoris haberi ab Catholicis Virgini Matri, cui vt venerationem detraheret, quantum poterat, ipso Diuini Conceptus, Marię nunciati, Festo die, lancei linteive operis nescio quid acu pingere petulan

tulanter occæpit , quasi contribulium suorum insigni quodam operæpretio litatura manibus; at ecce, obstinati sacrilegij vindex stupor maleficio suo contumaciùs instantis animum membraque occupat desubitò , & vi tanta , vt voce ac sensibus momento suppressis , ore turpiter fluente , pænè dimotis sua sede oculis , furenti similem , in eodem vestigio, exstingueret.

M V S S I P O N T E M curriculò aduolauit, anno posteriore, supremæ Parisiensis Curix causidicus , impensèque rogauit , vti secundò allegeretur in Marianum Sodalitium , vnde sua graui culpa pridem exciderat, sui que huius postulati rationem hanc afferebat. Per affectam grauissimè valetudinem, vnde nullus sibi esset respectus ad vitam, cum , exsoluendæ omni noxa conscientix, admissa toto æuo attentius excuteret, animo succurrit neglectæ desertæque Virginis piaculū, cuius ex memoria tam acerbus hæsit in mente aculeus , vt eū deinceps nullus assiduarum precum ardor , nulla Confessionis iteratæ vis , nullum damnatæ desertionis odium , ex intimo pectore auelleret. Quouis sæuissimæ necis cruciatu illa mentis carnificina crudelior , hoc miserum torquebat atrocius, quòd & erat assiduissima, & , alioqui iamiam morituri, perpetuando supplicio , animam videbatur distinere. Post adhibita nequidquam insanabili dolorum acerbitati quæcumque alia fomenta, tandem perditè afflicto venit in mentem vouere Magnæ Matri reditum in eius Parthenium gymnasium , qua sponsione vbi se deuinxerat , continuò agnouit

agnouit æger ex remissione doloris vini morbi suppressam esse diuinitus, idque liquidius, quod sauus ille angor animi simul omnis absterfus est. Ut igitur ei virium tantum est redditum, vt sedere posset in equo, citus ad nos accurrit, amissumque sua culpa ius Sodalitij, precariò sibi postulauit restitui, eis legibus, quas in officij sui negligentes iure nosset esse sancitas. Non potuit videri sua petitione meritò excludendus, cui Præses ipsa, Materque sacri conuentus, manifesto prodigio eius repetendi auctor fuisse proderetur: quare, admissus ad formulam sollemni ritu pronuntiandam, consensu pietatis, suauis lætitia condita, legendo eam decurrit, qui etiam in audientes refunderetur. Alteri, eiusdem cœtus desertori, mox vltlices flagitij tēdas tam diras assiduasque admouit consciētia, vt, non die, non nocte, vsquam mente acquiesceret: circūsideri se ratus perpetuò Stygiorū monstrorum infestissimis globis, ab eisque in barathrum suppliciorum abripi, quoad rediit ad legitimum Sodalis officium, Magnæque Matri supplex adnolutus, eam sibi placauit.

VIRODVNENSE COLLEGIVM

VENEFICIJ damnatos quinque, ac eodem absumendos rogo, ad supplicium felicissimo euentu deduximus, vt si abesset flagitiosæ vitæ infamia, præ religiosa ipsorum morte optabilior nulla possit existimari. Eorum vni sagarum
verius

verius inuidia, quam suum scelus, perniciem attulit, sed, quam iure posset, innocentiam nullam accusationi prætexuit, ratus sibi conducibilius fore, imprudentiæ suæ noxam vel ipso interitu expiari. Palcenti gregem in solitudine, Acherontius Fenerator improvisò, adstitit, purpuratus, compluriumque aureorum gratuitam, stipem ab se iubet accipere, beneficium hæud iniucundum homini egentissimo, & aduersum veteratoris insidias ab ingenij tarditate imparato, cui nec venit in mentem fraudes suspicari, cum abstrusos, in solum adulterinos nummos post paulò deprehendit esse mera aridorum foliorum ludibria. Ad irretitum primo illo congressu agrestis indolis hominem redit post dies aliquot Sycophanta Stygius, iubetque sibi comitem adesse aliquò properanti, abicere verò procul sacro ritu lustrati panis buccellâ, quâ apud se haberet, qui non obsequenti multas ingerit plagas, vique adacto sacri panis amuletum excutere, subsequendi necessitati tantò dickerius imprimit, eumque in propinquis montis latebras, magicum ad conciliabulum, abripuit. Ibi acceptus liberaliter ab epulantium, deinde saltantium frequenti cœtu, postea inuitabatur ad horrendi moris sacrificia, quorum fœditatem animò auctus, IESU ac MARIÆ nomen appellat, quibus enunciatis, quasi flantibus Aquilonibus, instar frumentariæ glumæ omnis ille sacrificantium diffusus est globus, horroreque plenissimus pastor ad gregem è colle degressus est. Detestatus est homo idiota hunc ignaviæ imprudentiæque suæ lapsam

tanto pe

tantopere, vt cùm se veneficarum odio proditum
eius maleficij quæſitoribus inaudisset, ideoque
capeſſiuiſſet fugam, ipse vltro ex fuga se reuoca-
ret, sponte luiturus, quod se commeruisse arbitra-
retur, impia stoliditate, supplicium, vt & postea
luit, inaudita tranquillitate animi, singularique ſi-
gnificatione pietatis. Alterum, ab incunabulis
mater inauguratum sacris magicis, feralis carmi-
nis carmonia Orco desponderat, quem, longè
post ea Tartarea initia, immanium maleficiorum
compertum, formidolosorum spectrorum quoti-
dianis terroribus à Pœnitentiæ instituto. Cacoda-
mon auocare conatus est, cuius grauissimas im-
pressiones cùm iugis orationis clypeo retudisset,
ad extremum cælestis visi iucundissima specie re-
creatus, acerbissimorum cruciatuum incredibili-
lem cupiditatem animo induit, quibus alacriter
excipiendis, Christo pro virili paria rependit. In
equuleum tolli sæpius expetiit, eoque nomine,
comperta crimina infitatus aliquando est, vt sui
denuo torquendi necessitatem iudicibus afferret.
Damnationis seuerissimam formulam lætissima ex-
ceptam gratulatione, prouolutus in genua postu-
lauit exaggerari eo pœnarum corollario, vt sibi
circum fori vacua, lictoris manu sæuissima ver-
bera tertio prius ingererentur, quàm rogi vltimum
supplicium iniret: quod vbi non concedebatur,
ipse suis humeris acerbissima flagella in carcere
admouit. De illo reorum quinario vetula incubo-
nem ex Erebo diutissimè, ac intolerandis quidem
vexationibus, passa, tyrannidem eius ab se tan-
dem

rediisset nihilominus, & ille monitor ex eo cogere, esse huic misero ad Religiosa officia ineptum penitus ingenium, hac denunciatione perturbatus adolescens, quid secum agatur, Spiritualium rerum Præfectum admonet, & hic vicissim Patri Rectori significat. Præses Patrem Ministrum percontatus discit, nihil eorum ab se contigisse, quæ in illum Fratrem commissa essent, ut iam nemini dubium fieret, quin illis in præstigiis fraudulentæ laterent Stygij quadruplatoris insidiæ: quamobrem Socio toties iterata impressione perculso Rector animos facit, hortatur aduersus tenebrionem, nihil nisi ex occulto molientem, strenuè audeat omnia, & si quidem in conspectum venerit, per summum despicatum, eius vultum liberaliter despuat. Hic tamen egregiè animatus discessit, ad insidiatorem procul exigendum, nihilò tamen minùs ferè totus obriguit, ubi se ille vaser obtruserat, ut aliud nihil, quàm stuporem sensuum, & animi caliginem præferret, dum insimulatur nimiae facilitatis in re aperienda, quam vulgari utile non esset. Debelatum esse postremo illo conflictu putauerat impius carnifex, ultimam ergo adhibet machinam, ut sua opinione fractum fufumque procul etiam familia exterminet. Instauratiuis Votis dies predicta erat, eoque omnium domesticorum se studia conuerterant, vnde ansam arripit Acherontius parricida nostri hominis peruertendi: dicit Pater Rector, inquit, tu vnus absis à conuentu Sociorum Vota iterantium: vide, quid consilij tibi capiendum putes: tui periclitandi hæc perquam

idonea , postremaque captatur occasio : si sapiens , cogitabis obsequij liberalis sacrificium Deo futurum iucundius reliquorum Sociorum consecratis per Votorum sollemne victimis. Compos hîc sui fuit noster , quia præsentis Numinis præsidium aderat : nihil itaque cunctatus , lustricæ aquæ vrceolum , quem Fors obtulit , validè impingit in os sacrilegi , seque hac vna petitione diro monstri congressu , & impugnationibus absoluit in perpetuum. Discipulorum quidam tetrum in flagitiû ferebatur tanto impetu , & ita inueterauerat in eius animo sensuque peccandi libido , quæ in cæteram quoque adolescentiam contagione serperet , vt humano consilio reliqui nihil fieret , ad eam pestem eluendam. Itaque ad preces studiosè descenditur , quibus sollicitato dies aliquot Numine , adolescenti decumbenti per nocturnam vigiliam immanis monstri species offertur , & illa quidem tam truculento & horrendo aspectu , vt ea vel animaduersa miser , repente defectus viribus animisque , fermè contabesceret. Vbi vero funesta belua , dirum fremens , horrificis vocibus atrocium minarum ferale carmen cœpit infringere , quorum illud vnum caput erat : Pergeret porro sceleratus in flagitiorum sentina volutari , breui adfuturam horam , quæ ambos ipsos æternorum suppliciorum societate coniûgeret : tùm hîc dehiscentem terram sentire visus , inauditis terroribus æstuabat : neque aliud frenum nefario iuueni deinceps opus fuit , quo inhiberetur ab sceleris inueterata consuetudine. Parthenius Sodalis & alter ,
eius

eius condiscipulus dum nescio quid Philosophicæ cōmentationis eorū alij scribenti dictat alius, turbidiore iam cælo, intendentibus se deinde maioribus tenebris, acere verò tumultuosius concrepante ab ingeminatis tonitribus, accurrunt spectaturi ad fenestras, vbi eos horrenda obiectæ regionis facies ad precationis officium inuitat, quæ piæ defuncti assurgunt, seque ad pensum reuocant. Vix vinum aut alterum versum scribendo promouerant, cum euestigiò Parthenius cælo delapsa flamma totus circumfunditur, sed impunè, ac post eum ille alter puer, cuius globo circumuolvente se, sine vulneris vestigio exstinguitur. Creditum est, inopinanti licèt, haud imparato tamen, infauftum letum obtigisse: nam eius ad fenestram spectantis audita eiusmodi vox erat: Prò, quàm formidolosus nunc terror incutitur mortiferæ culpæ sibi consciis! cuius sententiæ hemistichio subsecutus Sodalis adiecerat: Quamque ad omnia fulmina pallent: secundum quæ verba vterque Deo supplex procubuerat in genua. Parthenius certè ad collabentis socij extrema suspiria nihil antiquius habuit, quàm vt humi accidens declinati periculi beneficium religiosè agnosceret, seque sospitanti Patronæ tantò impensius perpetuum clientem deuotè addiceret. Eiusdem Sodalitatis alumnus alius ad res Philosophicas percipiendas Bæotica quadam stupiditate suffusus, & plumbeo velut ingenio, cum penitus hebesceret, votis Virgini Marzæ nuncupatis, huic duritiæ mentis amoliendæ, tantum postea perspicacitatis nactus est, affuso

ipsi, Virginis opera, clarissimo lumine, vt de Philosophicis enigmatis abstrusissima quęque liquidò peruideret.

Insequentis anni haudquaquam læta nobis, adeoque vniuersæ Franciæ, tempestas fuit, importuno leto præcellentissimi pace bellóque viri, Claudij de la Chastre, Galliæ Mareschalci, rebus gestis florentissimi, meritissimique Biturigen- sium & Aureliensum Gubernatoris, cui, quam- diu stabit, Francia plurimum debebit nomine aui- tæ Fidei sanctè acriterque propugnata. Incensum eius in uos perpetuò fuit studium, vt non modò, propè sublatam in humeros suos Societatem re- uexerit Biturigas, sed in omnes de nobis bene me- rendi occasiones iugiter excubarit, cuius liberali- tate iam aliquot annos ducenteni aurei huic Fa- miliæ numerabantur: cuius aucti benefactis, & auctoritate gratiaque, qua multū valuit, cū egregiè tecti, quoad vixit, fuerimus, haud abs re patrē ap- pellauerimus. Ei viuenti frequens in ore ille sermo fuit, optare se id modò vnum de nobis, vti ne morienti vinqvam deessemus, cuius officij haud illo cupidior, quam nos essemus, cecidit euentus planè vtrisque ex sententia, vt is inter nostrorū manus vita religiosissimè defungeretur. Terni Concionatores de nostra Familia fructuo- sissimas operas ciuibus dederunt, sed qui dixit in æde principe, præconium tulit omnium suffragiis, ante vicesimum annum tam claro plausu, tamque vberi fruge hic habitas non esse conciones.

NIVERNENSE COLLEGIVM,
& Augense.

NIVERNIS, utroque anno, & in ipsa vrbe & foris, pestis intestinæ nauseam vomitūque ciētibus nostris, aliquot Caluinianū toxicum eiecerunt. Accersito hinc Concionatore Aurelias, eruditissimæ honoratissimæque cōcionis ea perpetuò frequentia fuit, ut ineunti suggestum Sacerdoti sæpenuerò aditus præcluderetur: quo ex audiendi studio, & illud secutum est, ut ad perpetuandam adeò fructuosæ dictionis copiam, omnium civium animi accenderentur cupiditate Societatis suam in urbem inducendæ, quod iam olim cogitauerant, nunc autem reuocatis ardentius primis eorum studiis, domicilium deinde nobis est apud eos constitutum: Mulieri, perpetua sterilitate medicorum pronuntiatis damnatæ, certis cōditionibus factum Beato Parenti nostro votum, nono mense, quàm conceptum id fuerat, prolem feliciter impetrauit.

AVGENSIS civis, à pietatis commendatione nobilissimus, & fabrilis ferrariæ, horologiorūque in primis, scientissimus artifex, exarsit in studiū expeditionis Canadicæ, ubi audiuit eò proficisci vnum de nostris, notum sibi Sacerdotem, cuius in comitatu ut decederet, ægrè licet, ab sua coniuge impetrauit, utilissimas scilicet operas Christianæ Colonix in peregrina ora nauaturus, exi-

mio artificio, neque minùs vtiles ab insita probitate religioni daturus. Nauta Lemurum assiduis molestiis vexatus, sacri Agni plagulam, ab nostro acceptam, cùm sibi adhibuisset, importunis spectrorum intemperiiis subitò exsolutus est: sed vbi verecundia Hæreticorum, apud quos degebat, potens amuletum excusserat, exarsere tantò acerbius in eum diurnæ nocturnæque Furia, atque ad veteres terrores, etiam verberum sæuitiam adiungere, quibus se numquam exemit, quoad rediret ad sacræ ceræ præsidia.

*ROTHOMAGENSE COLLEGIVM,
& Rhedonense.*

QUARTVM annum inter nos egerat Pater Antonius du Thor, Rothomagensis, cùm animam egit, in ipso ætatis flore, atque robore confirmatarum in eius mente multiplicium nobilissimarumque virtutum, quarum splendor vsu nobis exterisque iam cognitus, triste huius viri desiderium reliquit. Expugnata contumacia octo Calvinianorum, sed mulierculæ vnus inusitata peruiacacia negotij plus peperit, quàm obstinatissimorum soleant multiplices decuriæ. Amplum patrimonium, ingenium, multam industriam, ac malitiam, caput denique ipsa suum deuouerat diuexandis quacumque ratione Catholicis, quo nomine coniugem sibi adsciuerat Typographum, & atrocissimis in Ecclesiæ Romanæ, ac Iesuitarum nomen

nomen, commentariis conquirendis, edendis, tota Gallia disseminandis, perpetuam acerbissimamque calumniam ingenti ardore factitabat. Eam multæ fraudes in vincula tandem compegerunt, vbi, seu quia iam decoxerat, seu quia laborabat causæ infamia, sui sectarij eam omni destituere subsidio, vt ea in solitudine, rerumque angustijs, sensim multū de veteri ferocitate remitteret, nec ea deinde pigeret aurē nostro' accommodare, Catechismū in custodia explicanti, nisi cæterorū captiuorum conuicijs, vt sacrilega, eo cœtu excluderetur. Admittenti benignæ orationis solatia, & mentionem quoque de Fidei capitibus, studiosè sunt adhibita ea omnia, quæ viderentur personæ temporique idonea, sed irritò complurium dierum labore; postea verò sua sponte professæ est, certum decretumque sibi esse ad Catholicos transire, atque huius consilij sui ex eo ipso die testē habere cupere vniuersā victorum multitudinem, adeoque ipsam totam ciuitatem, cuius suæ denunciationis, & promissi formulam, scripto consignari mox postulauit, cui suum chirographum adscripsit, nostroque seruandū tradidit. Data sedulò opera, vt eximeretur vinculis, quibus absoluta, nihil non molientibus, quo iure, quauē iniuria Hæreticis, vt ne à suorum grege descisceret: publicè, summaque alacritate, apud Antistitis Vicarium, hæresin execrata est.

Altera parte huius biennij fluctibus Parisiensis tempestatis nos quoque non parum vexati sumus, vt in hanc Familiam infesta odia, maledictaque atrocità Ordinum omnium erumperent apertissimè: fue

me: fuere tamen de ciuibus viri principes, qui hoc studiosius, luculentiusque publicè ac priuatim, beneuolentiam erga nos suam ostenderent, professi hanc nobiscum inuidiæ societatem sibi iucundam accidere, paratis fortunarum omnium, ipsiusque vitæ periculo pro Sociorum incolumitate certare. Horum singularis alacritas constantiaque in tuendo nostro iure, prætereaque manifestum in nos studium huius Prouinciæ Præsidis, & Sacrorum Adiutoris, ab Iouisæo Cardinale summissi, nubem illam calumniarum maleuolentiæque paulatim discussam absterferunt.

R H E D O N I B V S Patri Ioanni Dalbino aditum ad æternitatem aperuere Religiosæ disciplinæ studiosissima obsequantia, obitque multo Diuini cultus ardore labores nec pauci nec modici, quorum in stadio sibi ac ciuibus fructuosissime versantem prior huius biennij annus ad præmia emisit. Maclouiensem diocesim rogatu Antistitis duo Sacerdotes nostri vberimo indigenarum cõpendio lustrauere, summaque Pontificis voluptate. Architectum Catholicum, pretio redemptum, Hæretici fano sibi exstruendo adiouerant, reclamante Antistite, ac in operis redemptorem Ecclesiasticas stringente Censuras; quarum seueritatē, reuerentiamque nihil moratus sacrilegus, fanum pænè ad fastigium perduxerat. Diu cum eo nostri operam luserant, sed non perinde cum eius operis, quæ, iniecta sibi religionē impietatis admixta, in sceleratum delubrum sic iracundiâ exarsere, vt maxima recti parte, ac eo, quod recentis structuræ fuit,

ta fuit, deiecto, suam noxam detestantes, excederent ab opere: eius loci Dynasta, & toto Haretico nomine, in tanta sui ritus contumelia, nequidquam freudentibus. Effectum denique ut damnatae fabricae praefectus, agnita grauissimae offensionis toto eo tractu culpa, ipso in vestibulo aedis Pontificiae, ex veteri Ecclesiae ritu, publica defunctus poena, illatam Catholico nomini infamiam abstergeret.

ALTER annus Patri Nicolao de Martigny prosperè fatalis fuit, cum altero mense, quam huc venerat, Rhetor in annum sequentem designatus, sanctè interiit, congruenter anteaetæ vitæ, ab eximiarum virtutum ornamentis valdè illustri: cuius, supra cæterum decus, Religiosa humanitas ciuium animos ei iam magnopere conciliauerat. Quadragenium horarum supplicatio, nostra in aede his primùm Liberalibus instituta, concursu omnium omnino ciuitatis Ordinū, celebritatis, religionisque habuit quā plurimū, ut vicena millia hominū apud nos caelesti mensæ accubuerint, silente per illud triduum, publicè priuatimque, omni bacchantium licentia.

*MOLINENSE COLLEGIVM,
atque Ambianense.*

TR E s ac sexaginta natum annos, Patrem Frā-
ciscum Bonaldum, singularis moderationis,
prudentiæ, pietatis, obsequiique virum, huius

ſæculi decimus quartus annus è conſortio noſtro
& è viuis ſuſtulit : cuius funus , pro ea ſanctimo-
niæ opinione, qua valuit apud omnes exteros, to-
ta ciuitas eſt honorificentiffimè comitata , eique
priuatis ſermonibus celebres dixit panegyricos,
collaudanda , in complurium magnarumque vir-
tutum nexu , eius animi demiffione incredibili.

A N N O priore Ambianenſibus ſcholis nata eſt
Parthenia Sodalitas , eodemque illi exſtinctus eſt
totius Mariani chori flos delibatus, annorum duo-
decim , Peronenſis puer , quem iam inde ab incu-
nabulis Magna Mater ſibi delegerat, inuſitatæ cu-
iuſdam ſapientiæ , innocentiaque futurum pueris
ac viris exemplum ſingulare. Eius indoles ad om-
nem religionem egregiè comparata, octauo ætatis
anno, ardentiffima cæleſtis epuli fame cœpit con-
citari , cuius uſu aliquamdiu prohibitus , vt æſti-
mandæ tantæ rei minùs idoneus , vt tandem frue-
retur , rationibus haudquaquam puerilibus impe-
trauit. Vt autem inaudiit de noſtrarum ſcholarum
diſciplina , incenſo rerum diuinarum ſtudio, qua-
rum ibi fieret vberior copia , precibus expreſſit,
vti ad nos mitteretur. Diſcipulorum noſtrorum
cœtum ingreſſus , quaſi nouus, & inſito ſplendens
lumine Sol, inter minora ſidera exortus, eueltigiò
cūctos in admirationē ſui rapuit, beneuolentiām-
que : ſuauiſſimā nempe ipſius erat conſuetudo,
mores compoſitiſſimi , ſermo totidem pænè ora-
culis, quot conceptus verbis , erga res Diuinas
ardor incomparabilis: quibus ſe abſorbendū ſum-
ma ſua voluptate magnam temporis partem da-
bat.

bat. Sed vel tā sancti pueri præsentia indigni erāt mortales , vel Cælites non digni diuturna vtrique eiusdem absentia, vt paucis mensibus ei propemodum viuenti suauissimè animus euelleretur e corpore, beatorum choris mox inuehendus. Symphoniæ Præfectus rupta in pectore vena multum inde cruoris vomuerat , liberaliore præterea sanguinis missione iussu medicorum exhaustus propemodū viribus , certissimam mortem exspectabat , vna ei reliqua spe in patrocinio Beati Parētis Nostri, quē musicis cāticis celebraret lubentissimè , ac piè coleret : qua in cogitatione cepit cum cupido reliquiarum ipsius, quibus allatis derepentē venæ solutio suppressa est , robur restitutum , ac deinde secuta sanitas.

*RHEMENSE AC CADOMENSE
Collegia , & Caropolitana Sedes.*

PERDITÆ valetudinis trienni continenter vexatus ærumna Pater Ioannes Du Bois , æquitatem animi , & alacritatem , serenitatemque vultus eam iugiter ostendit , quæ altis radicibus affirmatæ virtutis argumenta præberet illustrissima , vnde salutaris disciplinæ documenta vniuersi hauriremus , ac tantò cupidius , quòd , iis tranquillæ patientiæ calcandis ad extremum gradibus, aditum in cælum sibi tandem aperuit. Sacerdotes duo , missu Antistitis Sueffionensis , partem non minimam eius diœcesis obiuere , vberimo Catholi

tholicæ Religionis, disciplinæque Christianæ pro-
uentu, abolita sacrorum rituum, proborumque
morum corruptela, quam passim ignorantia vel
negligentia officij vulgauerat.

Cadomensis agri solum, Caluiniano lolio mul-
tis locis obfitum, ipso runcando, pastinandoque
negotiosissimas nostras habere solet operas, neque
semper inani labore, quando, priore anno qua-
dragenas binas, posteriore quinquagenas illius
ingenij stirpes explantatas, feliciorique sulco im-
missas, generosi frumenti clara ingenuitate dona-
uimus. Retegenda porro nouarum sectarum infam-
ia, exponendoque Romani ritus genuino splen-
dore, adiiciunt Hæreticorum simplicissimi oculos
ad lucem veritatis quàm lubentissimi, vt & ipsi
pueri, vel inuitis, vel ignaris parentibus, vulgo
Catholici nominis, & Sacrorum communionem
ambiant.

CAROLOPOLITÆ Socij Sedanensibus se-
ctariis, omnium tota Gallia peruicacissimis, plu-
rimum per frequentes excursions facessunt nego-
tij, quòd non modò eorum fœdè laruatam doctri-
nam per aures indigenarum ignominiosè tradu-
cunt, sed fama sui nominis plurimos quoque de
Caluini schola pelliciunt, trahuntque suas ad con-
ciones, quibus, vt non intersint frequentes, ne-
queunt edictorum seueritate deterreri. Monacho
ingenioso eruditoque, transitionem ad sectarios
molièti, opportunè interuenere nostri, suaque ope-
ra tanto flagitio inhibitum in sacro Instituto con-
firmarunt. Vndecim annorum puerum Stygius
mango

mango sibi manciparat, fraude mulieris veneficæ, impressisque vnguibus sinistro eius humero, velut sui gregis pecudem, familiari conlignauerat symbolo: sed exitialis mancipationis vinculo eum exsoluimus, adhibitis Sacramentis, Agnoque cereo.

*NANCEIANA, ROTHOMAGEN-
sis, Parisiensisque Probationis
Domus.*

VN o Tirone, Veterano vno, vtrisque suo in ordine clarissimis militibus, minuta est, priore anno, Nanceiana Familia. Nicolaus VVapy, annorum duodeuiginti, paucorum mensium Nouitius, vti ab incunabulis vixerat integerrimè, ita sanctissimè occubuit, Beati Aloisij nostri proximè consecutus sacra vestigia, quem sibi olim sumferat omni contentione animi exprimendum: quibus studiis defixum eum complexus cælestium donorum copiosus imbuat, mirabilem exquisitæ cuiusque virtutis vberitatem in eo suscitauit, promouit, perfecitque. Iam ante initum Tirocinium ea vitæ sanctimonia floruit, vt testatus sit Sacerdos, omnium eius arcanorum conscius, infusam ipsi per Baptismum lustratò integritatem animi, nullius mortiferæ labis accessione inquinatam, perseuerasse purissimam vsque ad obitum: quam, inter quotidiana perfectæ vitæ incitamenta, exaggeratam in Tirocinio maximopere fuisse oportuit.

rui. Patri Innocentio Piquet , septuagenario , dimidium fermè vitæ in Societate versato quàm religiosissimè , par ætatis exitus obtrigit , quem sperari fas erat ex anteaçti temporis glorioso curriculo. In Tirocinij Statiuis complures iam annos fructuosissima merebat stipendia sacri belli miles experientissimus , cuius assiduo exemplo ad omne genus armorū , bellorumque salubriter informaretur , iuuetus , quæ rudimenta ibi ponebat. Ea senectæ vir non sineret quemquā iuniorū sibi aut alacritate , aut perseverantia in vlllo genere laboris præire , cui omnis profestus dies , ab aurora ad vesperam , in templo domi : festus verò in agris , rustica plebe instituenda transigeretur , summa virium contentione , in qua interdum validi adolescentes ei non responderent. Secūdo anno vnus quoque Tironis funere multati sumus , Anneti Aymardi scilicet , cui longinquæ febris diuturna molestia vt multam præbuit patiendi materiam , ita ille oblatam cupidè arripuit , eaque exercenda multarum ei comitum virtutū illustria documenta continenter dedit.

ROTHOMAGENS I Domui videbatur graui-
ter incommodaturus vir potens opibus , dolore amissi , vt interpretabatur , filij , qui , postulata impensis diuturnisque à parente precibus nostri Ordinis incundi copia , repulsamque passus immeritò , receptum apud nos sibi tandem parauerat. Irato in nos ac in filium animo venerat , iudicio , & vi etiam , eum repetiturus , si vel obstinatè retineremus , vel ipse patriæ auctoritatis rationem non
habe

haberet : sed admissus liberalissimè ad nati congressum , eum sibi priùs sumsit suam in sententiã rationibus perducendum , quibus nisi vinceretur , aliorum oppugnationem conuerteret. Qua verò parte se instructiorem fore putauerat , ea fuit imbecillior : adolescentis enim defensio accusatione senis , vt potior iure , ita pondere argumentorum validior , aduersarium loco facilè deiecit : quam ad vim rationum cum accederet dicentis summa venustas , & in aperta causæ victoria , moderatio animi verborumque singularis , ratiocinatione ac urbanitate filij parens victum se palam professus est , moxque ad illius consilia & vota paternæ auctoritatis suffragium adiunxit , & eodem tempore animum ad nostras rationes egregiè affectum , cuius in hunc diem argumenta existunt cum primis illustria. Rothomagensis Curia Senator , filiorum duobus ad Religiosum Institutum iam transgressis , duorum reliquorum altero Societatem appetenti missionem præcisè negauerat , postque adhibitas eo nomine frequentes Deo preces , recusaturus etiam erat in postèrum : sed per nocturnam eius rei meditationem subortæ vberes lacrymæ , mentisque anxietas , permouere hominem , vt super eo negotio Diuinam mentem diligentius exquireret. Vbi ergo se lectulo eiecerat , religiosè antea fuis precibus , rem Diuinæ Prouidentia , ductis ex Dauidis psalterio fortibus , permittere constituit : bis autem de filij missione sortienti exiit accommodatissimus ad causam psalmi versiculus , prior hic , Nonne Deo subiecta erit anima ?
iste

iste posterior, Beatus quem elegisti, & assumisti: quo utroque cœlesti oraculo demum acquiescens, aduocatum mox filium sua manu libens emisit. Postera verò luce eundem adducit in nostram Probationis Domum, vbi piè contestatus ducere se in summis suis bonis cā filij ad nos transitionē, eoque nomine religiosè Numen veneratus, natorum sibi carissimum ei consecrauit. Adolescentis acerbissimam herniā conquisiti vndique præcellentes medici aliquot annos curauerant irritò conatu, cū ægro subiit consiliū vouendæ Castitatis, & nostri Ordinis amplectendi, quasi posita in eo certa spe sanitatis; quam inter deliberationem solidum tamen biennium effluit, laxati porro ventris plaga in dies ingrauescebat. Vrgente igitur malo acerbius, Beati Parentis nostri opē exposcere cœpit ardentius, eoque in studio complures dies perseverare, voti ab se concepti inferre mentionem, quasque ex sponsu cum Beato agere, quod dum facit contentius, & pendentes è collo reliquias Beati reuerenter suauiat, desubito perfanatum se animaduertit, qui, deinde factus Societatis compos, inter nos viuit valetque.

PARISIENSIVM Tironum spectata in triclinio ab Cardinale Iouisæo eximia modestia & sobrietas multā ei admirationem cum pari voluptate peperit, ut inter suos deinde, quod iucundissimè spectauerat, summopere prædicaret: quæ tamen animi commotio, ut in tam pio Antistite minimè noua, ita singularis non fuit, pro ea, quam eadem morum orisque compositio in militari viro
conci

concitavit. Nostro in horto forte ambulabat vnus aliquis, bellica laude clarus, graciosusque apud Dynastas, & incurrit in Tironem, aliquid mandati operis exsequentem, cuius aspectu, ore ac membris totis meram modestiam innocentiamque spirantis, mirifice captus, congressionem eius priuatumque colloquium illico cepit, vt sibi frugiferum, expetere vehementer, eoque quærit de ianitore, num eius Tironis conueniendi futura sit copia. Postridie itaque redit, & sæpius deinceps, eumque sibi Christianæ disciplinæ doctorem adhibet, hauritque quàm augustissimè promta è Nouitij pectore de omni vitæ ratione salubria documenta: & cecidit quàm bellissimè in militare pectus capuerilis institutio: eo enim magisterio inductus bellator ad seriæ Confessionis studium, compositionemque vitæ reliquæ, nunc, in mediis Aulicæ consuetudinis fluctibus, pacatam piamque vitam viuit, magistrique sui recolens identidem magna voluptate memoriam, cognomine grati animi perpetuo indice, solet eum suum appellare velut seruatorem. Ignatius Cottonus, annorum duodeuiginti adolescens, octo mensium continēti, grauique vexatus morbo, Niuerni, quò venerat hauriendi mitioris cæli gratia, occubuit, Tiro multiplicium præcellentiumque virtutum clarus iam athleta, cui si euadere in virum liceret, expleturus videbatur eximiæ Religionis numeros, ita eū natura expresserat, finxerat cultura paucorū mensium ad Instituti nostri maxima quæque decora.



PROVINCIA

AQVITANIA.



S E N I S Familiis , ducentenis ternis aut quaternis Sociis , ad operas emissis, hanc Prouinciam toto biennio coluimus , in culturæ partem venientibus pro virili duobus & octoginta Sacerdotibus , Magistris quadraginta, septuaginta Discipulis , Adiutoribus sexaginta, Tironibus cæteris, quorum tredecim priore anno, posteriore sex & viginti adscripti sunt , vtroque anno ex omnibus Sociis nouem decessere.

BVRDIGALENSE COLLEGIVM.

Q V A T E R N I S huius domicilij funeribus initium dedit Franciscus des Barres, Senatoria familia natus Burdigalæ, in patientiæ schola diu exercitus , multa cum sua laude , nec dissimulati meritorum prouentu , dum quotidiana & longa veluti morte illum phthisis conficit , donec penitus ex

tūc exstinguat. Patri Ioanni Hauureo & viuenti &
 morienti longe fuit accubūs inter illucurios iu-
 gelque calculi cruciatus, quem, atrociffimum
 dolorum alto veluti mersum pelago, aut tacitū
 perpetuū vidimus, aut in sacris Iesu & Marię no-
 minibus leuiter ingemifcentē audiuius. Tertius
 locus inter obeuntes obtigit Ignatio Torreto, ado-
 lefcenti eximia fpe rerum magnarum inclyto, sed
 quem Deo vifum fit ad maiora fruenda cuocari.
 Quarta fors Ioannem Barin, Adiutorem feptua-
 genarium ē viuīs exemit, cū in eo fernerent pic-
 tatis & laborum ftudia non fecus quā in floren-
 tis atatis ardoribus. Lutetia huc cuocatus ab
 Cardinale Sourdisio, concionum gratia, Pater
 Gonterius, principum virorum frequentiffima
 perpetuū concione auditus ē, cui, follemne il-
 lud fuum Hærefeos exagitandę obseruanti, accidit,
 vt Calvinianorum fcriptorum imbelli manu pete-
 retur, in quos ille ftrictō validiūs ftvlo luculentas
 plagas intulit, & intulere alij, eius ftudiofiffimi,
 eruditique viri, quibus iuftam bilem mouerat
 Hæreticorum petulantia. His errorem fuum ob-
 ftinatē tuentibus, de eorum gregalibus omnino
 quinquaginta oblatam ab noftris lucem dispexēre,
 neque caufati funt quidpiam, quō minūs perpe-
 ctam in animum admitterent, Catholicum ritum
 publicē profefli. Monachus, Superiorum grauib;
 Cenfuris adactus, Præfidis fui flagitia retexerat,
 cuius indicij mercedem deinde tulit ab domesticis
 vexationes acerbiffimas, quarum grauitate in def-
 perationem actus, Rupellam, in Hæreticorum ca-

stra transfugit, vbi annos decem totos scortatorem egit, congruentissimo Caluinianæ militæ auctoramento. Adolescens Burdigalensis, decurso apud nos politioris litteraturæ studio, ad compendiaræ Philosophiæ aliud quoddam Lyceum commigrauit, neque multum inde abiit temporis, quin gregales inter homicidio adfuerit, cuius noxæ causa cum ignominiosam multam commisisset, eaque iam irrogaretur, qui altos spiritus gereret, nouitate infamiæ factus sui mox impotens, in iudices, ipsumque Deum, ore spurco & impio, cœpit horrenda maledicta vomere. Huius impietatis vindicandæ retruditur in custodiam, consilioque iudicum reuocato ad dicendas sententias, impius adolescens infelici arbori addicitur strangulandus. Perierat miser, nisi funestiore sibi exitu pereundum sensisset: enimuerò ita fracta est contumacis animi duritia, denunciata suspendij necessitate, vt totus in lacrymas & pœnitudinem solueretur, tamque piam obitet mortem, vt ea damnatio plurimi redimenda fuisse videretur.

A N N V S alter ex dissipatis Caluini mapalibus quadragenos homines in vnū ac legitimum Christi conuentum redegit. Anus octogenaria, filiæ victa continuis precibus Sacerdotem nostrum acceperat, Catholici dogmatis amplectendi gratia, nec amplius tres horas ab eo adepto superfuit. Ad demortuæ cadauer, sacra instructum cruce, mox aduolauit examen Caluinianorum, cui horrorem quidem incussit signum Crucifixi mortuæ impostum, non veruit tamen, quin, veluti pro suo iure graf

re grassantes, corpus auferrent suo more huiusmodi. Homines scilicet ingeniosi occupabant, Caluini ritus sepultura, sicut cadauer, ita veritatem rei gestæ obruere, ut ne crederetur ad Catholicos viua transisse, quæ mortua Caluinianum nacta esset tumulum. Noster igitur aduersariorum vi deiectus sua possessione, adit ad Cardinalem, eundemque Burdigalensem Antistitem, eius auctoritate ius suum vindicaturus, quia factum est, ut, inuitis cedentibus Hæreticis, res sua rediret ad Catholicos. Patri Matthæo Morello, septuagenarium supergresso, mors videri non potuit immatura obrepisse, seu eius ætatem spectanti, seu mores probissimos, cui semper comparato nihil improuisum, seni nihil præproperum accidit. Fratres duo adolescentes maximam sui expectationem, in virtutis, ac litterarum studio, concitauerant: sed visum Deo est, non expectationis eorum maturis fructibus, erudos adhuc flores sibi legere.

A G I N N E N S E C O L L E G I U M .

MVLIERI emorienti in diuturnissimis acerbissimisque partus doloribus, cum eam obstetrices ac medici destituisset, desperatione remedij, & ea Sacramentis ad extremam luctam se comparasset, prosperitatem partus & valetudinis attulit Beatus Ignatius, cui per sacrum Votum ipsa prolem seque commendauerat, auctore Sacerdote nostro, ubi eam defecerant humana præsidia. Hæ-

reticus cum vno de nostris secundo flumine vehabatur Aginnum versus, & sumta forsitan occasione cauillandi ex Iesuitæ præsentia, in Pontificiam Sedem, adeoque in eius Principem Beatum Petrum, cœpit aliquando atrocissima quæque dicere, neque destitit suo scelere, ab nostro semel iterumque amanter admonitus, contra, inde factus procacior, adiecit etiam acerbiora. Non terruere sacrilegum intentatæ verborum minæ, offensi Numinis ultionem denunciantes, sed coërent ipsumet ultio, derepentè inflicta, quam dissimulauit aliquamdiu miser, vt occultam, sed eum vi mali, vt se proderet, adegit. Acutissima pleuritide affectum pessimè latus tam grauitè ei condoluit, vt urgente Dei vindice manu, impotens sui, ad nostri Sacerdotis opẽ, quẽ modò exhorruerat, simplex confugeret, inque ipsius sinum perlibèter deuolutus suã salutem in eius beneuolẽtia collocaret. Huc terrorem alius consecutus est casus, vnde colligeretur, funestiore plaga iram Dei fuisse grassaturam aduersus impiam linguæ procacitatem, nisi ea priore supplicio compesceretur. Enimuerò cõmodum vectores omnes exscenderant, cū in oculis ipsorum, cælo aquisque placidissimis, quo vecti erant nauigium, pondere nullo degiuanatum, sua sponte subsidit, nec postea emerfit. Condo-mis, quæ vrbs est Nouempopuloniæ, vir quidam, cateroqui honestissimus, pridem cœperat de nobis sentire ac loqui quam inuidiosissime, omnemque in nos male dicendi occasionem occuparet: sed in nostrum Parentem odio erat singulari, cuius res

ius res gestas carpendi studio curiosè ac malignè lectitabat, quòdque còmentitium arbitraretur totum illud argumentum , famam hominis ignominiosissime traduceret ad populum , & perpetua probrorum acerbitate laceraret. Huic nocte quadam suo in strato decumbenti , per somnum an vigiliã incertum est , multa coruscans luce Beatus Ignatius noster est oblatuſ, què Angelorũ circumſtans chorus religioſa veneratione acciperet; quod viſum poſtquã tenuerat paullo ampliùs horẽ quadrãte, Beatus Ignatius ſuauiter coniectis in iacentẽ oculis, mox euauit. Sed blandiſſimus ille oculorũ coniectus tanta vi penetrauit inſenſi antè hominis pectus intimum, vt cum impetu exſiliret è lectulo , perque ipſas tenebras arrepta è propinquo Beati Patris factorũ hiſtoria , vt inde venerationis exordia ſumeret , appreſſo ad pectus codice, prouoluitur in genua , & ardentiffimam Beato precationem adhibet , illi ſe impenſo ſtudio commendat deuouetque , nominatim verò poſtulat, vti ſibi à Deo impetret propenſiorem ad pietatis ſtudia voluntatem. Patronum in ea cauſa naçtus officioſiſſimum , accepit longè plura , quàm poſcerat, & cumulatioſa ſingula , quàm eſſet auſus expetere : nam ab illo ipſo momento erga genus omne religioſarum actionum cœpit mirabiliter affici, creſcitque illius ardor in dies magis magiſque, quo nomine ſit in omnium popularium ore ac ſermone , maximaque celebritate famæ. Indidem quoque illi eſt importata rei familiaris tanta felicitas, vt ſubita quotidianaque fortunarum incrementa

ipse demiraretur, unde largitionibus magnis in
 templa & egentes exercendis, cum eundem in
 fontem cumulate refunderet, ex quo beneficia in
 ipsum manauerant, aperiebat sibi beneficiorum
 longe copiosiores alueos, ut numquam finit Deum
 superari se cuiusquam liberalitate. Ex eo porro
 die, quo in gratiam rediit cum Parente nostro,
 Societatem sic animo est amplexus, sic deinde co-
 luit, ut in oculis eam ferre dici possit: cuius ta-
 men euenti annus iam tertius agitur, sed de quo
 nobis nunciatum est, anno dumtaxat huius sæculi
 decimo tertio, quo hæc scribimus. Altero anno
 ab Hæreticorum partibus octo descuerunt.

*PETROCORIENSE, AC LEMOVI-
 cense Collegia.*

PETROCORÆ Caluiniana ex Hydra sex de-
 cidimus capita, & radicitus quidem, ut non
 eadem pullulatura denuo esse videantur, quorum
 in censionem venire minimè puduit claro genere
 ortum virum, cum septuagesimum annum exce-
 deret, ut fateretur se tot annis ignorasse, quod
 eum noster docuerat, quam confessionem a ple-
 risque Caluinianorum perarduum sit exprimere,
 Beati Patris Nostri effigie insignis creta bulla, Gym-
 nasij nostri alumno puero admota, periculosam
 febrem depulit, eiusque euentus felicitas præsen-
 tibus aliquot matronis earum bullarum vim com-
 mendauit maximopere, quatum eis fides suo bo-
 no fa

no facta est luculentior , cum eis deinde adhibitis
puerperiorum omnem aleam defugerunt.

LEM O V I C I , alioque finitimo in loco , no-
uem Hæreseon vinculis exsoluendos se ita lide-
rūt. Infelicitate partus compluribus iam annis le-
borantes aliquot matronæ , votis Beato Ignatio
factis , eam ab se calamitatem in posterum amo-
uerunt. Duabus ex scholis nostris eximix notæ
adolescentes duodequingenta in vnum Recol-
lectorum Ordinem non toto biennio commigra-
runt. Rupefocaldij , diœcesis Inculismensis oppi-
do , sacri Aduentus Ieiuniique Maioris diebus, ce-
lebres conciones habuimus , & Hæreticis audito-
ribus frequentes , quorum cupiditati vt fieret sa-
tis, medio sæpissime foro de rebus Fidei contro-
uerlis verba fecimus , quodd eò ipsis erat aditus li-
berior opportuniorque. Aperuere nonnulli oculos
pectusque illucescenti veritati , eamque admiscere
penitus : plerisque illius dogmatis est iniecta gra-
uis religio , cuius tandem didicerant , aut nulla
esse prorsus , aut solo mendacio nixa fundamenta:
que si pergamus concutere , haud dubium quin,
eis prostratis , ad eorum ruinâs deinceps nolint
adhærescere.

*PICTAVIENSE, AC SANTONENSE
Collegia.*

VNA Pictonum gens, de Franciæ Prouinciis,
Caluinisimum antè complexa est, admiratio-

ne studioque nouitatis , quàm vllus ferme Fran-
corum deprehenderet , quis esset Caluinus, quod-
que ipsius institutum , quam pestem tota ea re-
gione aluerunt complurium annorum bella ciui-
lia , impensè adnitentibus. Euangelij noui secta-
toribus , vt ne flagitio parita possessione pelleren-
tur. Ex quo autem Pictauium , in principem Pro-
uinciæ urbem , Sociorum ducta est Colonia , &
strenuè impugnari cœpta est Hæresis , & concita-
ri animus Catholicorum ad auitæ Religionis re-
uocandum tuendumque decus, cum in vrbe pri-
maria, tum totis circa oppidis , rediêre probis vi-
res ad instaurandam pietatem , improborum vali-
dè repressâ est audacia , spes Hæreticorum minuitur
sunt non mediocriter. Facit porro nobis maiores
animos , ad persequendum opus institutum , Pi-
ctauiensis populi singularis alacritas, incensumque
studium, Catholici ritus in antiquum splendorem
reducendi : qua in p̄sestra hoc libentiùs nos se-
quitur & hortatores & duces , quòd manifestò de-
prehendit , se in hunc diem non mediocriter pro-
fecisse nobis auctoribus. Rediere ad Ecclesiæ Sta-
tua ex volaticis & erronibus Caluini manipulis
nobiles viri aliquot , & ex iis quibusdam ea tran-
situs profuit ad salutis æternæ com meatū, cum, sub
ipsam Hæreseos detestationem , vita defungeren-
tur. Iulio mense cùm in Pictonibus essent Rex,
Regina mater , Regisque soror , Hispaniensi des-
ponsa Principi , visêre ad nos summa significatio-
ne beneuolentiæ , quorum honorificentissimum
aduentum , quanta maxima curari potuit , pompa
celebra

celebratumus. In multiplici splendidoque apparatu, cum placerent omnia, toti Aulae iucundissimum fuit theatrale spectaculum, in quo Pædonicæ Nobilitatis se maxime probauit industria. Pastoritia munera in theatro sibi oblata Rex partitus est inter Rhetoricæ alumnos, in Scena primariorum partium actores, quos postridie accitos ad se, perhumaniter est percontatus de singulorum gradu & honoribus in schola, iterumque hellernæ Scenæ munus priuatim apud se obire voluit.

KALENDIS Ianuariis anni insequentis Sacrorum primitias Deo dicauius in recenti ade, quo die aperuimus aditum inusitatæ ciuiū & peregrinorum frequentiæ, loci amplitudine, ac venustate sacri apparatus, ad obeunda religionis munia inuitante. Gratulantur sibi priuatis publicisque sermonibus ciues nostram octo annorum fructuosissimam operam, in Fidei morumque suscitanda, promouenda integritate: cuius vtriusque longè illustriores processus sibi pollicentur, nobis in eodem stadio alacriter persistentibus.

SANTONENSES Socij præter habitas toto ferè anno conciones, duobus locis celeberrimis, magno audientium concursu plausuque quadragenaria Liberalium supplicatione vniuersam ciuitatem ad se aduocarunt, nominatim verò Cleri Curias, & Familias Cœnobarum, cum sui quæque corporis ordinata præcantium acie prodeuntes. De Caluini obstinatissima secta quaterni modò contumaciam sibi deteri euellique passi sunt, sed primæ notæ homines, qui eo in genere complurium

plurium instar habendi sint, tantum momenti habet eorum auctoritas, ad alios eodem incitandos. Patri Iacobo Bordæo, vnde quadragenario, Professo Votorum quattuor, Santonenſis Familiæ omnium primo Rectori, extremus dies vitæ obtigit anno priore, cùm vnum & viginti annos fuisset in Societate, vbi cum cætera omnia munera, tum concionatorium multa cum celebritate, audientiumque fruge sustinuerat. Indoluere ciues vniuersi nunciata ipsius periculosa ægrotatione, ac pro se quisque incubuere in conquirenda difficili morbo remedia: & à plerisque incenso studio decursu est, ad vota Deo nuncupanda pro eius salute: cuius deinde interitum luxerunt, vt hominis, quæ ciuitati suæ ornameto emolumentoque summo esse intelligerent, ab multa experientia eius virtutis, & haud dubia opinione sanctitatis. Ei sepeliendo non erat locus apud nos idoneus, quare principis ædis sacrum Collegium eius sepulturam studiosè ambiuit, vbi ei funus honorificentissime procuratum est ab omnibus ciuitatis Ordinibus, indicto per exsequiarum diem iustitio: insequentibus porro diebus parentauere ipsi quoque vrbanæ suburbanæque complures ædes sacræ, ac splendido quidem apparatu. Hæreticis aliquot persuasimus veritatem, atque auctores fuimus, vt agnitam amplecterentur.

*BENEARNENSIS, CANTABRICA,
& alia Missiones.*

IN Benearnensium finibus Concionatores nostri duo versati sunt, alius Eloroni, Lascuria alius, scilicet ante Nascentis & Resurgentis Christi sollemnia, nunc menstrua, nunc bimestri opera erudiendo populo negotiosissimi, vt ternæ in dies frequenter essent conciones. Simul exorta est Hæresis in Francia, simul Benearnensis ager totus hoc Tartareo lolio est consitus Navarrae Reginae imperio, manu que, vt cui gloriosum visum est, per immanes illius temporis nebulas, si Calviniani dogmatis patronam, adeoque magistram ageret. Ab illa Fidei clade in hac vniuersa Prouincia, infrequentissimos religionum sincere interpretes & doctores habuit vniuersus ille tractus, qui palam eloqui auderent: vnde coniici potest, quantum resideret ignorantia in iis Catholicorum reliquiis, quas sibi Deus in sæuo illo Hæresis principata reseruarat: quam rerum Fidei altam inscitiam vt nostri detergerent, assiduo intentoque studio elaborandum fuit. Vt Calvinismus recta est ad Atheismum via, ita necesse est in eo valere abundareque omnium flagitiorum colluuiem, qua gradatim scandatur ad impietatis sublime fastigium. Et reuera deprehensum, vbi-cumque fixa sint Caluini vexilla, horrendis superstitionibus beneficiisque plebem esse addictissimam. In Boïatum, seu Baïonensium finibus, Diuini cultus

rus regnum quoddam Orcus sibi constituerat, inter barbari cuiusdam moris homines, quibus se
- foedissima Capri figura adorandum præbebat, cuius sacrilegis cærimoniis abolendis haud leuiter tamen desudauimus. Ex vltima Cantabria venere ad nos Catholici postulatam auxilia contra Tataras laruas, quarum manibus eiicerentur quicunq; infantes, singulis feruè noctibus, & asportarentur ad tempus, quo genere intemperiarum infestissima est tota illa regio: aduersum quas nostrorum admonitu, adhibiti Ecclesiæ ritu Exorcismi omnem deinceps Lemurum molestiam depulerunt. Eius oræ Ministellos datis litteris Burgigala ipsorum Archimagirus vetuerat congregi cum Iesuitis, non se tamen cohibere potuit vnus de tribulibus, suo iudicio & aliorum opinione, non imperitus, quin velitaris prolusionis quiddam cum Sacerdote nostro institueret, prolatis in medium centonibus aliquot de Rabbinica commentatione, quibus vt ex tempore satisfactum vidit, & plura his, Hebraico de fonte, atque abstrusiora sibi à nostro ingesta, mox cecinit receptui, nec postea comparuit. Hanc suam temeritatem, in Fraterculorum sanctiore conciliabulo acerbè primùm increpitus, luit deinde irrogata multa trimestris abdicationis à suo munere. Cum Eloroni, nostris diligenter satagentibus, ducenti ciuium Christi Natalibus Sacræ Mensæ accubissent, instar prodigij tota vrbe habitum est, id vsurpari à tam multis: quod nemo meminisset eo tempore à quoquam factitatum: neque minus

admiratio subiit animos , quod quinto & quadragesimo pòst anno intermissum sollemne psalmorum canticum videbant reuocari , præmittique Noctis Sanctissimæ mysteriis. Dispexere luteæ veritatis Hæreticorum plerique , amplexi sunt pauci , cæterum, vt perspectam non prosterentur , aliæ rationes alios tenuere : hæc vna plurimos, quod, potentiorum factione, nondum in ea Pro- uincia est facta optio vtriusvis dogmaris, sicut in reliqua Gallia : qui tamen Catholicè sentiant, au- dent iam de constituenda ibi Societatis colonia mentionem interponere. Albæ Terræ nostris Cal- uinianam falsitatem dedocentibus, vndecim, Ru- pifocaldiæ tres, Romanæ Fidei veritatem in ani- mos admisere.

A L T E R O anno Eloroni certam Sedem nacti sunt tres nostri Sacerdotes, & Fratrum Discipu- lorum vnus, qui tamen numerus semestri modò tenuit, duobus postea exclusis annonæ caritate. Inibi stamus egregiè, beneuolentissimo freti præsi- dio D. Arnaldi de Maytia, Eloronensis Episcopi, quo auctore ac duce Instituti nostri munia exer- cemus publicè, refragante licèt Palensi tota Cal- uiniana Curia, cuius seueris Interdictis vetiti cra- mus aures præbere Confitentibus, sed auctorita- tem suam contrà interponente Antistite, nec in illum, nec in nos quidquam ausi sunt eo nomine decernere. Ossaltensem vallem lustraturus Episco- pus nostrum Sacerdotem sibi adiunxit sociū, eius- que assidua opera vsus est, & quidem binis ferè quotidie habendis concionibus. Indiçto publicè tridui

tridui ieiunio , vti Deus vniuersæ Galliæ conuentus prosperaret , sollemnis postmodum eo quoque nomine instituta est supplicatio , quam, præter religiosissimâ Diuinæ Hostiæ circumuectione, celeberrimam fecere agmina Scholasticæ iuuentutis , omnisque Catholicæ pueritiæ , atque Collegia & Sodalitates opificum , vt suum ipsi numerum Catholici demirarentur, Hæreticique obstupescerent. Vix dici potest quantum alacritatis adiciant Romani dogmatis populo restituta longo interuallo hæc argumenta religionis antiquæ, quibus instaurandis, iterum sibi videntur Ecclesiæ nasci, vt tantò fidentiùs ad spem veteris vindicandæ libertatis adspirent. Ea lustratione vallis vnus , præter puerorum magnos greges , plus centenis viris, ex iisque primariis aliquot , ac septuagenario Dynastæ , impertitum est Confirmationis Sacramentum. Illustris feminæ filio duodecim annorum , propemodum expiranti, nostri Sacerdotis suasu adhibitus cum cautione Baptismus , cum mater ambigeret, côneinctus esset, repentinam attulit sanitatem. Puerum , iam triduo, aspectu , sermone , motu defectum , simul atque commendatus est Beatæ Virgini Saranziensi , ea regione miraculis inclytæ , atque nostri hortatu nonnihil lustricæ aquæ ori eius instillatum est, repente oculos aperuit , & fari cœpit incolumis. Vocatus Sacerdos noster ab vicini oppidi Parochis ad maleficorum pertinaciam antè debellandam, quàm legibus irrogatam necem obirent , eorum non paucos ab vltima pueritia noxis omnibus expiavit.

piavit. Ibi frequentissimè fuerunt, ut aliis pluribus locis, parentum apud nos querimoniarum, veneficorum violentia, cui non possent obistere, rapi sibi de sinu per noctem suos pueros, & in Magicum Bacchanal auferri Orco initiandos: cui malo cum alias remedium Exorcismos indixissent nostri Patres, & salutare illud esset permultis, non tamen omnibus, huius rei causam à capite arcescentes, diligentius inuestigando tandem edocti sunt. Enimuero comperiebant indigenarum sermonibus, fuisse de Clero, ac etiamnum esse, homines sacrilegos, impietati Magicæ, ac ipsi Erebo addictos, qui ex nefandæ coniurationis disciplina infantium Baptismum auide aucuparentur, eoque impertiendo formulam conciperent, non Dei, sed Beelzebub appellatione interposita, ut iam cum illam ætatulam Tartaro, quoad possent, inaugurarent. Inde fiebat, ut Sacramenti præsidio destituta plerisque locis pueritia, veneficiorum sæuitiæ tam obnoxia pateret, nec eam illorum vexatione eximerent Exorcismorum subsidia, in animos collata Diuina gratia vacuos. Vnum de pueris, quos ad nocturna Orgia impuræ Mænades consuescent rapere, Sacerdos noster sibi sumsit percontandum de nefariorum sacrorum impio ritu, ex quo audiebat, pueris eò per vim illatis cereos Agnos, reliquaque amuleta prius à sagis detrahi, quam cæcæ incantationis imperio, eademque iis egressis restitui: cuius conciliabuli præsidem Dæmonem, gentis vernaculo idiomate, *launam Gorriam* soleant appellare, hoc est, Ru-

brum Dominum, quòd ea coloris specie nocturnis sacris colendum se clientibus præbeat. Non impunè tulit puer indicij facti noxiam, insequen-
tis noctis conuentu Præsidis decreto acceptus verberibus, quorum impressa scapulis vestigia eidem Sacerdoti, qui se interrogauerat, postridie ostendit. Porro aduersus nocturnos puerorum raptus, iussit noster eos clam Baptismate muniri, adiecta conditione ipsius nondum fortasse adhibiti, vti diximus, eoque velut interiecto vallo, exclusæ sunt veneficæ puerorum cubilibus, sacrilegisque conatibus prohibita. Ecclesiasticum prædium, in-
ædificatamque ipsi ædem vsurpauerat Hæreticus, cuius ædis parietes cùm in profanos vsus conuerteret, sectores adhibuit quadrato lapidi suis rationibus conformando, quorum vni, frustra eluctanti iampridem in dolando saxo, è propinqui altaris ruinis vulpecula improuisè erumpens tantum terroris incussit, vt, siluestribus feris alioqui assuetus homo, ex ea trepidatione, decubuerit periculosissimè. Sementis Euangelicæ faciendæ gratia in Aspensem vallem descendit noster Sacerdos, leuæas ab Elorono quattuor, vbi ex vetustissimis membranis hausit planè memorabilem historiam rei anno trecentesimo duodequingagesimo supra millesimum gestæ, quæ vehementer faciat ad euincendam & illustrandam Romanæ Ecclesiæ aduersum Hæreticos huius ætatis diuinitus concessam iurisdictionem, efficacitate insignem. Diuturnum de finibus pascuorum intercesserat certamen inter Aspenses & Laucedanenses, finitimorum
oppido

oppidorum incolas , in quo isti viribus impares, cum cedere cogerentur, fraude ac maleficio se instruunt aduersum Aspenges , pecuniis scilicet redempto Beati Sauini Cœnobiarcha , magicis artibus homine infami formidolosissimoque , cuius præsentia freti prodeunt contra aduersarios in prælium. Vbi venere in conspectum vtræque acies armatæ, dirum illud Tartari mancipium, cum Stygiis membranis sambucû arborē cōscendit, indeque tetri maleficij cœrmen ex codice in aduersos Aspenges immurmurat, qui ferali fascino derepentè sunt ita dementati, vt in risum soluerentur, moxque sua sponte in Lauedanensium manus inermi concederent. Abbas ille Sauinianus, sceleratæ fraudis architectus, ante concipiendum exitiale fascinum, ab Lauedanensibus Aspengium vitam salutemque stipulatione ac sacramento sibi diligenter pactus erat , & stipulanti iureiurando sponponderant Lauedanenses, sed captiuos domû abductos coniugibus suis dedunt trucidandos, quarum immanitate omnes sunt iugulati, ratis interim ipsarum maritis, se religiosè fide sua exsolutos, quod manus ipsi ab funesta cæde temperassent. Ecclesiastico autem Interdicto, & Anathemate irrogato in omnes impiæ fraudis, & barbaræ crudelitatis conscios, raras habuit Numen inflicta meritissimò in sceleratissima capita Ecclesiæ censuras, & pœnarum insuper durissimùm collarium nefariis adiecit, cum ad Pontificij iudicij auctoritatem vehementiùs apud mortales sanciendam, tum ad perfidiam hominum illorum

barbariam iusto supplicio vindicandam. Nam ab inflicta percussoribus Pontificiæ sanctionis plaga, vniuersis Lauedanensium finibus, nulla mulier deinceps vterum tulit, cæterarum animantium nullius generis femina vel peperit, vel concepit, nihil omnium stirpe vel fibra nitentium aut folio tenuissimo, aut gemma etiam fruticauit, quoad septenni iam elapsa naturæ, cælesti imperio suppressa, orbitate, cum æterna sterilitas illi solo inuita videretur, vt ex se nihil penitus effunderet, Romanam ad Pontificium tribunal damnatæ atrocitatis rei supplices adiuerunt. Acerbitarem quidem Censurarum supplicibus, cælestique plaga seueremultatis, condonauit Pontifex Romanus, pecuniariæ tamen pœnæ perpetuitate Lauadanensibus admissi flagitij tristem memoriam, sensumque ignominiosum irrogauit, Aspensium siquidem interneccione deletorum posteris eos iussit æternum esse tributarios, quo tributij nomine viginti ac tres pagi etiamnum Aspensibus vectigales sunt, & annuam multam hodieque dependunt. Harum omnium rerum, illo ipso quo gerebantur tempore, perscripta publicè auctoritas in Aspensium tabulario diligenter asseruatur, vnde sibi exscriptum exsignatumque exemplum, oppidano magistratu auctore, noster Sacerdos curauit, quo in stabilienda Romani Episcopi iurisdictione, ac censurarum efficacia, vteretur aduersus Hæreticos. Nostra porro ætate bis venit in disceptationem earum tabularum fides, apud Palensem Curiam Hæreticam, rei gestæ admirabilitate stupentibus disceptatori

toribus, cuius integritas scripti quia & antiquitatis iure, & vniuersæ gentis testimonio egregiè se tuebatur, non sunt ausi Calviniani iudices ei derogare, tamen suo dogmati conuellendo firmissima indè argumenta petebantur. Visum itaque est, perplexis super ea controuersia totius Senatus iudiciis, sacrosancto Ministrorum accersito Collegio, fatidicorum Patrum consulere Pythicam facultatem, & omnis oraculi consultissimam potentissimamque intelligentiam percontari, censuræ Pontificiis execrationibus in Lauedanenses tantum suppliciorum importari potuisse, quanta illæ commemorarent tabulæ. Ea quæstione posita, velut immisso dissidiorum fatali pomo, totum Synedrion mox abiit in maximè dissentanea iudicia: seu quod verius est, & hominum ingeniis congruentius, multum ibi rixarum fuit, nugarum plurimum, nihil disceptationis legitimæ, solidæ sententiæ nihil. Vnus tandem aliquis, maiorum gentium Pater, ac illius Delphici consilij fortasse princeps, ubi promissam barbam Socraticè demulserat, ita est effatus: Illum Pontificem, cuius sententiam in Lauedanenses tam acerba de cælo supplicia fuerint consecuta, quàm sint huius sæculi Pontifices, longè sanctiorem videri: atque hæc summa fuit responsum ad illam consultationem. Porro non Aspenus modò vallis, sed omni circà regione, auidè nostri experuntur, vel ad perpetuas, vel ad Quadragesimæ Aduentusque conciones: quò minùs autem valeat eis fieri satis, prohibet Palense Calvinianum totum Tribunal, cuius de-

creto nostrorum numerus vno dumtaxat quaternario definitus est apud Benearnes vniuersos, cum tamen plus sexaginta Ministri Caluimiani ritus ibidem censeantur. Sed ea est conditio Catholici nominis in hac Prouincia, cuius vix quintam populi partem efficiunt Hæretici, sunt tamen eo iure, vt rerum potiantur, & ea quidem iniquitate, vt exclusis vbique Romani dogmatis hominibus, Caluini sectatores continuent sibi perpetuos magistratus, vel ius in oppidis ac pagis, vbi duo trefve degant modò Caluini assèclæ in reliqua Catholicorum ciuium multitudine. Hac dominatus inescati dulcedine, quibus alioqui sua secta erroris est suspecta, nostrumque dogma probatur, volentes hæsitant in luto, ne, Romano ritu assumpto, ex sua felicitate transeant in communem Catholicorum miseriam. Frequentes tamen sunt ex illorum castris in nostra Religionis studio com meatus, sed quorum nequeat à nobis numerus censerì, quòd omnibus ibi Sacerdotibus facultas est Hæreticos admittendi ad iura Ecclesiæ. Calsigothi apud Benearnes sunt veterum Gothorum reliquiæ, regione, moribus, omni penitus commercio discreti ab indigenarum corpore, quibus nefas videatur cum ea gente connubij ius communicare. Sub eorum olim principatu Benearnes durissimam seruiere seruitutem, quorum excutiendo iugo, quòd diuturnam fortemque operam publico natuirit Nobilitas, præmium olim, de Clerici & Monachorum sacro patrimonio, tulit vniuersa ferè, ac valdè opima prædia, iure primitiarum

rum dumtaxat Parochis ad tolerandam vitam relicto : neque illius possessionis nomine defugiunt hodie viri nobiles Abbatum appellationem. Quòd autem acerbæ illius dominationis Gothicæ memoria, petita ex verustis monumētis, hæret adhuc in Benearnium animis, innato ipsi studio quoddam asserendæ libertatis prouecti etiam longius, quàm par sit, qui ex eis nacti sunt publicæ rei gubernacula, obtento metu sui iuris amittendi, grassantur in alienum iusto impotentius acerbiusque. Nobis interea in magna difficultate fungendi sollemnem nostri muneris, magno solatio esse consuevit Eloronensis Episcopi ac Cleri propensissima erga nos voluntas. Ipse quidem Antistes huiusmodi suæ beneuolentiæ amplius testificandæ, Beati nostri Parentis sacro Natali, nostro in sacello perpetrata re Diuina, impertitque Confirmationis caractere, cum primoribus ciuium prandere apud nos priuatim & familiariter voluit.

Cantabriæ partem alteram, obuersam Septentrionibus, Francicæ utique ditionis, ab Hispaniensi Cantabria intercurrentibus disclusam Pyrenæis, anno huius sæculi decimo quarto illustrauimus, iteratis interdum vicinùm leucatarum excursionibus. Et insito genti vitio, & rectæ institutionis diuturna penuria, horrendorum veneficiorum infamia laborat vniuersa hæc regio, etiam ad prodigiū: cuius flagitij compertos damnatosque hominum numerosos ex ea Prouincia greges, Burgalæ sæpe numero flammis exustos meminimus. Sed lentius videbatur negotium, quàm pro illius

pestis latissimè patētis finibus & atrocitate, si Burdigalæ procul exercerentur huius maleficij questionēs, eò pertractis execrandorum scelerum tam frequentibus reis; eam ob rem consilium captum est, ad eò perniciosæ fraudis indagandæ in ipsis eius cubilibus, & inibi opprimendæ. Hoc fuerat nuper Henrici Quarti consilium, cuius missū eò profecti ex Burdigalensi Curia Præsides vnus cum assessore Senatore, quattuor aut quinque mensium perpetuis in facinorosa illius gentis capita questionibus, immanem reorum stragem ediderunt, quibus penitus exterminandis cū nullæ crucis, nulla busta satis esse possent, molestissima aliquantidū defuncti prouincia Burdigalensi regressi sunt. Experientia scilicet didicere prudentes viri, tam latè fuscum, diuturnoque tempore corroboratum magnopere incendium, non exstingui iudiciorum seueritate, sed occultari dumtaxat eius flammam ad tempus, interea quæ ex ipsis latebris inualefcere, ac grassari deinde violentius: capropter eòtū admoniti Regina Mater aliam viam tantæ cladis persanandæ instituendam sibi censuit, perque Patrem Cottonum iussit suo nomine moneri nostrū Aquitanicæ Prouinciæ Præsidentem, vt eò Concionatores allegarentur, se verò sumtus in eas expeditiones præbituram. Ea re nunciata exarsit continuò plurimorum ardor in eiusmodi procurationis labores ambiendos, sed omnibus moram illius profectiois iniecit Cantabricæ linguæ inscientia, donec Patrum vnus Cantaber tandem repertus est in Tolosana Prouincia, vnde Burdigalam

galam euocatus , ad gentiles suos iuuandos missus est alteri Patri socius. Itaque, à Boiatum Episcopo impetrata legatione, Cantabriæ fines mox ingressi sunt , egregie animati ad superandas operis difficultates , quod arduum fore prælagierant : non tamen orta est laborum materia , vnde ipsi principio expectauerant : nam si se doctum, iuuatumque iri, sperarent indigenæ , vltro sua vulnera patefacturi accurrerent, vt postea exitus negotij docuit. Verùm nostris aduentantibus incessit omnium animos grauis consternatio ; quasi Capitalibus Duumviris ad se iterum aduentibus , veneficiorum quæstiones , & damnatorum integrarentur incendia : vt non mediocriter Patribus fuerit laborandum in eiusmodi refellenda vulgi opinione; quæ postquam rationibus, experientiaque utilis operæ in aliquos collatæ, penitus discussa est, tùm tota se regio in eorum sinum effudit studiosissimè, animique sui morbis curandis medicos vltro adhibuit. In ipso Prouinciæ aditu substiterunt Patres habendis cõcionibus ad oppidanos Sancti Ioannis de Luz , & Moralis Theologiæ prælectionibus ad ipsos Sacerdotes , vbi apertè inuecti sunt de loco superiore aduersus omne genus commercij cum Cacodæmone, quod argumentum attingere antea Concionatores omnino verebatur: nostros tamen illius exagitati nequaquam pœnituit. Inde progressis longiùs ad interiora Cantabrię occurrebant passim hominum greges , qui nec interrogati, nec aliunde prodiiti , se vltro veneficiis addictos patefacerent, de se deque suis consortibus dictu au-

dituque tetra profiterentur. De Sacerdotibus autē
exsecrandam illam factionem professis infanda
narrabantur, vt illi nimirum, ore sacrilego, pane-
gyricos honoris gratia dicerent ipsorum præfidi
Cacodæmoni, cui multæ venerationis inter con-
cionandum titulos affingerent, atque vt tanto
amplius gratificarentur, Diuinæ contrā maiesta-
ti, flagitiosè ludificando, acerbius derogarent, in te-
rerrima illa omnis impuritatis ganea, sacrosanctū
Missæ sacrificium ementirentur, ac loco cælestis
Hostiæ, nescio quid picci & atrii orbiculi adoran-
dum obtruderent. Adultis porro ad grauiora per-
petranda flagitia destinatis, pueritiæ, recens Tar-
taro initiatæ, id muneris demandari ferebatur,
velut sceleris tirocinium in eo posituræ, vt bufo-
num cūrent greges, ad rei veneficæ noxios vsus
studiose comparatos, vnde in ipso interdum con-
uentu in leberibus ad ignem venena conflantur,
ad pestem deinde infetendam satis, pecori, atque
hominibus. Numerosæ puerorum cateruæ ab sex-
to ad decimum septimum ætatis annum ad nos
confluebant, qui sc̄ renellos, & doli nescios, que-
rerentur abreptos à sagis in nocturna magorum
Orgia, plagisque adaectos ad Stygiorum sacrorum
professionem, vnde nulla se arte aut vi deinceps
potuerint eximere, in ea verò impietatis officina,
tam acerbam seruitutem seruire, vt fando non
posset explicari: magnopere itaque rogare, vt
eius declinanda subsidia sibi præberentur. Ex-
promta cū essent idonea in singulos sanandos
remedia, proderat compluribus ad integram sa-
nitatem

ritatem vna curatio, aliis eadem erat iteranda diligentiùs, ipsique sedulò admonendi, vt animum intenderent studiose ad id, quod agebatur, qua cautione tandem fiebat, vt planè absoluerentur potestate Cacodæmonum. Atque siquando perbene curati sanatique fraude aut vi nefariis cœtibus implicarentur, ipsi sua sponte redibant ad Patres, nunciabantque quid sibi accidisset, quibus Pœnitentia lustratis, cæteróque instructis præsidio, deinceps omnia tranquilla à veneficorum vexatione fiebant. Præter puerilem ætatem, deuexx senectutis non pauci, qui etiam quadragenariam aut quinquagenariã operã Orco scelestissimè nauassent, se nobis planè reficiendos renouandosque obtulere, atque in eorum numerum venit Magus, qui, cum multorum certa pernicie, inibi Magica vulgò profirebatur, cuius id documentum fuit abiudicatæ ab se artis, quòd suos commentarios nobis vstulandos tradidit. Postea verò quàm plerique nostris bene vsi remediis incurstatione Dæmonum, & sagarum maleficiis se immunes multis iam diebus senserant, & certa utilitate passim vulgabatur curationis efficacia, haud exspectato, qui nunciaretur, nostro ad se aduentu, quinis & senis procul leucis ad nos aduolabant Cantabri, & quidem concursu tanto, vt templo & cibo prohiberemur totos sæpe dies, ac nonagenos vno interdum die procuraremus, eo sanè, satientibus Superis, euentu, vt, minùs senis mensibus, sexcentos indigenas, Tartareis sacris exauguratos, cum Christo & Ecclesia in gratiam poneremus. Vnum nobis

nobis dolebat maximè quòd duo cum essemus dumtaxat , vndequaque accersentibus nostram operam oppidanis paganisque , per primarios ciues , & ipsorum oppidorum Consules , plerisque non poteramus obsequi , etiam cùm cuperemus maximè. Certè adierunt ad nos permulti etiam ex Hispaniensi Cantabria trans Pyrenen , adeoque ab inferiore Nauarra superioreque , inde vsque ab ipsa Pompeiopoli , qui se postularent absolui necessitate factitandi veneficij , quam tyrannica vis Erebi sibi vel maximè repugnantibus imponeret. Patres porrò temporis ac loci opportunitate vsi perlibenter , Beati parentis Nostri Natalem in ipso Loïolæo sacello agitarunt , quàm fieri potuit , celeberrimum , duobus totis diebus , vnde digressi habuerunt obuios ex incolis , qui ad ipsos Loïolam contenderent , diri maleficij ab se auerruncandi gratia , quorum studio vt fieret satis , ex equis excidendum fuit , vt in ipso vestigio adhiberetur curatio. Inde per inferiorem Nauarram instituto regressu , fanaticorum ea regione , canino more latrantium , magnus est oblatus numerus , quibus ad valetudinem acciderūt salubria in eos collata per nostros amuleta. Inter cæteram verò turbam , vnde viginti annorum puella , nuper in augurata nefandis Orci Bacchanalibus , eorum Decuriæ est exenta , quæ indicaret omnibus Stygiam sodalitatem ineuntibus , per ipsa initiorum sollemnia , medicati liquoris quidpiam sinistri oculi albo ita infundi , vt inde pes bufonis figuretur , quæ sit germana tessera , & velut syngrapha capitis

tis Tartaro sacrati. Eam verò maculam ipsa in se de speculo vt saepe obseruasset, ita tùm in puella nondum sanata nobis coram ostendebat: illud insuper vsu aiebat se deprehendisse, oculo instam labem in eis omnibus sensim obliterari, quos Patres persanassent, in cæteris iugiter perseuerare. Porro iter agentibus, toto eo tractu Nauarræ, pagorum oppidorumque seu Parochi seu viri principes studiosè occurfabāt, qui facturos nos suis medicinam supplices ad se inuitarent. Sanctus Pet-laius, seu Palladius, Nauarrę nostrę primariū est op-pidū, vbi Supremus consistet eius ditionis Senatus Hæreticus, Catholici quoque habitant nō pauci, ad quos habitę sunt nōnullę cōciones, & catechismus explicatus, responsum de multis grauibusque rebus, ad Fidem vel mores spectantibus, & cum illius iurisdictionis Procancellario Caluiniano, erudito alioquin viro, de controuersis Fidei capitibus disputatum est: permultis autem venetica labe inquinatis adinota est medicina mentibus eorum salutaris. Serio tandem actum est cum toto Senatu, vt quocumque scelerato fœdere confortium cum Dæmone olim contraxissent, si vltro se ad curationem animi proderent, ab eis omnibus seueritatem iudiciorum abstinere: hac scilicet ratione longè plures, & multò efficacius salubriusque auocatum iri à flagitio, quàm acerbitate pœnarum irroganda: quam nostrorū sententiam visus est Senatus comprobasse, ratamque habiturus postea. Inde rectà Burdigalam, quò aduocabantur, properantibus prodibant vndique obuiam

uiam paganorum vicinarumque cum suis Parochis & Magistratibus copiosi greges, salutem suam tribulibus collatam gratulantes, reliquis idem postulantes beneficium, quibus grauissimum accidebat, quod Patres spem redditus faciebant nonnullam, præcisè verò denunciabant sibi, tametsi cupientibus, longioris procurationis otium non suppetere.

BURDIGALENSE TIROCINIVM.

ADOLSCENS Pictaviensis ciuis, copiosæ viduæ filius, toto biennio nostris Præsidibus supplex, aditum sibi ad Instituti nostri communionem patefecerat, matre tùm agente Lutetiæ, cuius rei ea admonita, queritur apud Supremam Curiam raptum sibi à Iesuitis filium, sed id modò responsi aufert, ut suæ prolis vindicias ab Pictaviensi repetat Magistratu, cuius decretum mox intercessit, uti liberali causâ puer vnde cumque matris assereretur manu, erat autem in nostra Probationis Domo, Burdigalæ. Itaque venit eò parcus, petit ab Senatu, liceat sibi bona ipsius venia, in eiusdem ditione, Pictaviensis Interdicti iure ac auctoritate agere, ex eoque suum sibi filium ab occupantibus Iesuitis vindicare: Curia, declinato petitionis argumento, eius libello rescribit, consulat sibi ex Forensi formula in Iure, ubi iam ipsa versetur. Ex hoc rescripto mulier cum intelligeret, in ea causa non facile superiorem se futuram Burdigalæ

galæ, Parisios regreditur, ab Summa Curia Senatusconsultum aufert, quo secundum matrem vindiciæ filij pro libertate darentur, & is sibi iuberetur Pietauij, neque huic sententiæ intercedendum nostri putauerunt. Adolescens apud honestam familiam Pietauiensem, vt sequestram, deponitur, ex Senatus sententia, vnde illum sua mater alterius filij opera per vim abripit, multaue vexatione toto itinere fatigatum tridui via, in castellum vicinis ab Pietauij leucis, procul ablegat, ternis custodibus appositis, qui interdium noctuque, domi ac foris, eius latera cingerent. Inde post octo dies Pietauium propius, in aliud prædium est abductus, quò parens, minore suo incommodo, cum comitatu esset vettura, vbi nihil eorum omissum est, quæ idonea putarentur, ad euellendam ex adolescentis animo Religiosæ vitæ voluntatem: sed omnibus eam palæstram ingressis suus conatus cecidit irritus. Clandestinæ verò fugæ consilia cum agitari sensisset, in omnem euentorum aleam mirè intenta, mulier sollertissima, sollicitæ custodiæ illam init rationem, qua videri possent obsepti omnes exitus adolescentis: qui vt aliquando maternas suspiciones minueret, segnioresque faceret excubitorum, vigilias, simulare cœpit remissiores in suo instituto impetus, paulloque licentiùs velle genio indulgere. Allatam ex Tirocinio tunicâ, tres iam hebdomadas non die nō nocte posuerat, sed eam sibi tandem eximi passus est, antè stipulatus eam sibi redditum iri: deuietus quoque asperitate detraxit nonnihil, adhibitis etiam ad colloquium

loquiū domesticis libentiū,quā erat solitus: qua ludificatione incautis cū imponeret,omnes præstabat sibi minū iniquos,& in obseruādo negligētiore. Quā se dēmitteret, perfoderat antea conclauis tabulatum, condicta cum fideli amico die; super cœnā, causatus nescio quid necessarij, bona discubentiū venia, deuertit in conclaue,vnde mox suspenso fune deuoluitur ad Sacerdotem infernē sibi præstolantem, quo duce in tutum & abditum perfugium curriculò deuolat, vbi dies aliquot lateret, dum summissi à matre conquisitores procul excessissent, post quas latebras, eiusdem Sacerdotis ductu, itineri se commisit,secundoque Numinis auspicio in expetitum Tirocinij portum aliquando euasit. Alter item Pictauij natus puer, triennium totum Diuinis motionibus continenter agebatur, quæ modò blandiū oblectarent, modò pænē obruerent animum copia dulcedinis, vt pro vario suo statu aut eis assentiretur, aut obtentu valetudinis, & tenuis corpusculi,reuocaret assensionem, donec explendi voti causa veniret ad Beatę Virginis Ardellanæ,vbi cælo missus solito validior instinctus adegit ferē renitentē ad virginitatis votum Magnæ Matri nuncupandum. Ex æde Virginis, vbi, voto exsolutus, arctiore aliò se obstrinxerat, domum rediit valens & vegetus, qui aliàs imbecillus semper vixerat, & æger, quo ex die robur animi longē auctius sibi quoque accessisseprehendit; quare, passis velis spirantem de cælo auram copiosā cū excepisset, ex procelloso humanarum curarum oceano, directā breuique

uique nauigatione , in Societatis portum inuectus est. Duos menses transegerat in Tirotinio , cum eum suus pater ex insidiis obseruatum in publico rapere , vique auferre conatus est , sed ea violentia Magistratus auctoritate prohibitus , se conuertit ad Principis Condæi gratiam demerendam , cuius litteris ad tres huius Prouinciæ potentissimos viros impetratis , ad Cardinalem scilicet , ad Aquitaniæ Rectorem , & primum Senatus Præsidentem , omnia tentauit , ut eorum vel gratia , vel viribus filius sibi redderetur. Roquelauræus , Regio nomine Prouinciæ Præsides , sibi sumit ut pueri voluntarium sequestrum ageret , à quo tamen cum triduo post recepimus , hortatu parentis rogatūque , quem filij alacris virilisque constantia non placauerat modò , sed mira quoque voluptate affecerat , ut hoc nomine haberet multò cariorem. Ex Aulica nobilitate plerique , ac in his quidem Hugonotti nonnulli , puerum variè lacerauerant , siue animi gratia , siue ut abducerent à consilio , apud quos ille contrà seriò dicere ac agere omnia : magistri morum Fideique grauem personam induere , singulos hortari , monere , docere , quæ Christiani , quæ Catholici essent muneris , commendare ipsis magnopere ; ut in ea aratula tantum prudentiæ animique omnes vehementer suspicere. Quamobrem , cum Tirotinij Rector Dynastæ Roquelauræi vocatū venisset ad suum reducendum Tironem , apud eum faceret querebatur Nobilitas , cur suum sibi Doctorem adimeret , cuius magisterio multum iam profecerant ,

optimis deinceps informandi moribus, si eo præceptore diutiùs vterentur. Tertium Pictaviensem semestris & assidua cum utroque parente, ac cæteris consanguineis, dimicatio, exprimendæ missionis gratia, hoc pluribus & illustrioribus palmis clarum ad nos victorem adduxit, quòd uti minùs hostiliter, ita magis periculosè, ac diutissimè quidem est impugnatus, & ab iis aduersariis, quibus repugnare pænè impium, quos profligare sacrilegum videretur. Virilis sexus erat parentibus vnicus, utriusque, ac suo quidem merito carissimus, quorum canitiem hoc faceret tristiores miserioresque quòd æternum esset abfuturus, hocque acerbius videndi fruendique accenderetur cupiditas, perexigua tamen exspectatione solatij. Duplici genere prælij adolescens appetebatur validissimè, ac suis quidem armis non periculosè minùs; quam alienis, infestissimis sanequàm utrisque; nimirum inter quotidianas obtestationes obsecrationesque pater effretis iam viribus tabescebat ploratu assiduo, mater, in acerbis filij abeuntis amplexibus, animo deficiebatur sensibusque, ut identidem mœrore fugientis animæ iure timeretur interitus: cùm filius intercè, ut suum dolorem premeret sollicitè, lacrymis tamen colliquefiebat. Fuit enim verò excelli cuiusdam, exaggeratique summa fortitudine pectoris, non superiorem modò, sed incruentū quoque ac integrum ex tam formidolosa aciescedere. Alium, apud Petrocorios narum, parentis, cui erat vnicus, libellis interpellatus Senatus suo rescripto eduxit è Tironum familia, & ad se vocatum, in frequenti Patrum consessu, interrogavit Præses, cu-

parentem, defereret; vt Christum ait, vocantem
sequar: sed quid speraret ex Religioso Instituto;
crucem inquit ille: quid esset autem crux, an satis
liquidò intelligeret; eò veni, retulit, vt præcep-
tis vsuque condiscerem, Acumine, celeritate, ac
breuitate responsorum cùm defixisset Patrum co-
ronam, non potuit euincere Tiro, quin suo paren-
ti addiceretur, solido semestri apud eum pericli-
tandus. Qua decreti acerbitate consternatus, cor-
ruit in genua, & precibus ac lacrymis demitigare
iudices vehementer insistit, ac lenioris in se arbi-
trij gratiam postulare; sed Patribus iudicij sui au-
ctoritatem rigidè tuentibus, adolescens nihil im-
petrauit. Porro interfatus præses, & multiplicis
æquitatis illi decreto prætenta specie, pueri que-
rimoniis cumulatè sibi facere satis videbatur, cùm
ita spondebat: haud illi abfuturam in patriis ædi-
bus Diuinam opem, si quidem è cælo consilium
illud iniectum esset: atqui spe cælestis auxilij ne-
mini sunt, ait sponte ac temerè incurrenda peri-
cula, & graua præsertim, in quibus circumspe-
ctissimi & fortissimi quique opprimuntur quoti-
die: vt si in eo peream, quò me præcipitem agitis,
peritutus non sum, nisi vestro grauissimo scelere:
vno igitur fretus Deo puer patrem secutus ab eo
ad Tirones socios sui reditus auctorem Deum ha-
buit. Alteri cuidam, clari generis, sed Hæretico
parente, ortus cùm esset, ab incunabulis varij euen-
tus obtigere, quibus deinde cognitum est, cum
cultui Diuino, tantò antè, data opera comparari.
Ei nato Catholica mater Baptismum Romano,

pater Hugonottico ritu destinabat, cōq; nomine famulum miserat, qui Ministrum accerferet, sed equū aliās maximè mansuetū ac docilem, famulus nulla vi aut arte potuerat in viā inducere, sed ingenti pavore plenus redierat, heris suis euentum rei nunciaturus. Puer interim propinquæ mortis aperta præferebat argumenta, quem mater Deo antè deuoverat, si posset euincere, vt Catholicis imbueretur cærimoniis: quare vehemēter instat apud virum, vt ab Sacerdote lustrari eum patiatur, quādo Ministri non sit copia: cui cū victus precibus coniuæ annuisset, eundem famulum eodem equo properare iubet ad Parochum: cuius equi numquam facilior, promptior, fideliorq; fuerat opera, quā tum fuit, quo celeriter aduecto Sacerdote, matri, religiosissimæ feminæ, Catholicis aquis expiato infante, cumulatissimi gaudij est allata materia. Bimus cū adhuc esset puer infedit eius renes, calculus tā atrox, vt in momenta doloribus tantū non exspiraret: cui calamitati amoliendæ, mater eum iteratō consecrat Numini, & eam dedicationē breui secuta est exitialis calculi sine infantis noxa, eiection. Votorum maternorum ignarus pater grandiore factum filium iā initiaturus credebatur Calvinianis ritibus, eumque, suæ tuendæ augendæque factioni, fortem olim pilanum, mente prædestinabat, sed intercessit eius cogitationibus celerior occasus, quam putaret, qui adolescentis conditionem in libertatem asseruit. Inde missus in nostra Gymnasia, vbi primū Societatem vidit, coepit adamare, in quam postea seriō adiecit animum, & seipsum studiosissimè contulit.



PROVINCIA

LVGDVNENSIS.



EXeunte biennio suas operas profitebantur Socij quadringenti septuaginta sex, id est, plures sedecim, quàm priore parte biennij; quo toto in partem laborum adsciti quadrageni quaterni; octoni decessere; familiis quattuordecim meruère Sacerdotes centum sexaginta; Magistri participes aut expertes Sacerdotij centum circiter: Discipuli ferme totidem; Adiutores, nunc pauciores jis decem, nunc decem plures: Titones quinquaginta, vel iis paullò infrequentiores.

LVGDVNENSE COLLEGIVM.

IOannes Marquæus duobus iam annis Theologia merens stipendia, cum vicenarium ætatis triennio excessisset, maximo Sociorum mœnore occubuit. Placidissimum ingenium, & cum singulari actionis sermonisque lepore consuetudo suauissima, in quibus innocentia quam eximia

Ll ; emicaret

emicaret, huius adolescentuli domesticorum exterorumque famam beneuolentiam conciliauerat ut nemo non eius commodo, incommodove perinde afficeretur ac suo. Hic aduersus eum animus egregie se prodidit in molesta ipsius ægrotatione, quam suo quoque redemptam veller periculo, vnde illa precum existeat incensa vis, qua eius interitum omnes deprecabantur assidue, si superis ita viceretur: sed septimo anno ab inita, & fortiter decursa virtutis palæstra, Cœlestium ille palmarum Designator coronam ei decreuerat. Morbi acerbitas in aliquo alio rerum diuinarum sensum, & vim animi ad illustria pietatis facinora oppressisset: sed in hoc visa est tanto magis acuere, incendereque: ut scilicet præclaro usu generosis mentibus insita virtutum semina nullis aduersis casibus se sinunt obrui, sed acrium flammarum instar coactæ se exerunt vehementius. Ut morbi graves molestiæ multiplicem iugemque ipsi sufficerent Religiosarum actionum materiam, aliunde tamen accersebat omnes earum ansas quàm diligentissimè, ne quod breue sentiebat superesse tempus ad obitum, sine fenore præteriret. Pueritiam omnem, & ad id ætatis, flexum adolescentiæ lapsui maximè obnoxium, tametsi sine labe transegerat: concipiendæ tamen sensibus intimis pœnitudini, per frequentes gemitus, hoc carmen, ipse sibi occinebat idemtidem: *Hæu fallax adolescentia, quàm præpostere sum vsus annis tuis, & viribus!* Humanis momentis si rem æstimares, lectissimo adolescenti multa incrant

rant, quibus longioris æui cupiditate tangi posse videretur, nec immeritò: ab eius tamen animo nihilvsum est alienius; vt contrà suauiter simul & auidè sublati in cælum oculis, cogitatione vitæ melioris, quasi iam prægustatæ, totus inardesceret, quas inter incensas sanctè concitati animi adspirations placidissimè occubuit. Virginum cœnobio, ex duplici labe, propinqua imminere videbatur ruina, quòd votiua paupertatis integritas iam pænè obsoleuerat, & solutior in plebilque labebatur. Vtrique incommodo est salubriter occursum. expolitis, per Diuinorum sedulas commentationes, Virginum principibus, ipsaque inter primas Anrissima; quibus factum est, vt instituti Religiosi memoria vsusque reuisceret, vnàque de cœtu, paupertatis studio, referret in commune. de suo peculio argenti facti, pretiosæque suppellectilis bene magnum modum, stupentibus reliquis sororibus, laudantibus Ecclesiasticis Censuris decem & octo annos irretitus ad nos adiit, vt eis tandem expediretur vinculis, sed eorum fuit ea conditio, vt vsque ab Roma necessariò esset euocanda solutio; quo vt eo nomine missum erat, ille graui morbo decubuit, vnde non excitaretur postea: sed cuius animus in momenta euolaturus putaretur, supra naturæ vim, occultis illigatus nexibus hælit in statione, quoad allati Pontificij diplomatis eum auctoritas, multa exentum, honesta quoque missione corporis ergastulo mox absoluit. Hæreticorum ex Albo expuncti viginti duo, in iisque Sacerdotij

desertores tres, quorum vnus duodeviginti Sacerdotibus sacrilegæ defectionis auctorem se fuisse multo cum gemitu secum ipse querebatur.

Sequentis anni de Caluiniana præda manubiæ ad nos vberiores peruenere, duodequadraginta eius transfugis auspiciore sacramento in nostro exercitu dicentibus, cuius transitionis nomen auctoritatemque non defugerunt Ministri filius, & alius inter suos nuper Diaconus. Adolescens, aliàs Discipulus noster, & Marianus Sodalis, prohibitus assiduitate negotii statos Sodalitii non obibat conuentus, animo tamen studium erga Patronam fouebat, cuius ei copiosam mercedem Magna Mater repedit in tempore. Is enim cum operis nescio quid curaret ardentius, maioris modi acum altè defixit in sinistro oculo, cuius plagam vt periclitati sunt medici, decernunt reuocandi hominis spem esse ablatam penitus, in id vnum mature conferendam artis industriam, vt oris deformitas abstergeretur, cæteram omnem operam planè inanem fore. Per eas angustias humanæ artis opisque, adolescens summo conatu mentem erigit ad extraordinaria subsidia è cælo accersenda, Magnæque Matri supplicat ardentissimè, interpositis triplicium votorum velut obsidibus, vt clienti suo manum admoueat salutarem. Sub illam precationem chirurgos obtestatur, amoliendæ luminis orbitati curatione adhibeant sollertissimè, tantisperque sustineant petatum ab naturæ & artis experientia iudicium, nam magnopere confidere se, ab Dei parente suffectum iri manibus ipsorum inusitatam

inulitatem vim sanationis, eius ductum modò sequerentur, quæ remedia & operam esset prosperatura extra ordinem. Medicis ei tantopere roganti obsecutis, paucorum dierum curatione oculus aciem integram, speciemque recepit, tenui dumtaxat vulneris macula residente, quæ Diuinæ manus admotæ vestigium præferret, idemtidemque refricaret memoriam beneficentiæ. Amico accepti hospitio in agris Patres, cereis Agnis armauerant familiam aduersum infestos Lemures, cæteraque pietatis institutione munierant. Ab eorum digressu, cubantibus in eodem lecto famulis duobus, obdito foribus pessulo, ante somnum ad lecti spondam, se obiiicit proteruissimæ feminæ species, prælato dextera lumine, cuius splendore fit spectrum vtrique conspicuum. Alteri cubantium ex repentina trepidatione fertur animus ad sacri amuleti nuper accepti cogitationem, cuius ope fretus iubet laruam eloqui, atque sitne à Deo, an à dæmone, profiteri. Ab neutro nullam se affirmanti, sed volaticum esse genium, nulli noxium, ille, fraudem iure suspicatus, manum brachio iniicit, in oculos deinde inuolaturus, sed, inter eam prehensionem, simulacrum elabitur, & ad ostium regreditur. Ibi mox induit armati squamæque pumilionis effigiem, adunco naso, villosis manibus pedibusque, densioris flammæ circumfusam globo, quibus præstigiis, ut vidit hominem nihil commoueri, post paullo in fumum euanuit. Triduo ab illa nocturna ludificatione, alterum ex iis famulis, qui, seu obliuione, seu contemptu, sacri amuleti ni

leti nihil sibi petierat, vis quædam vehemens & occulta renitentem maxime, ac vociferantem, eodem de cubili, à capite detrahit, & asportat ad fenestram, aut deiectura præcipitem, aut longius in perniciem auctura. Magnitudo periculi excitat in misero Numinis memoriam, ac Beatæ Virginis, quorum precatus opem, huic votum concipit, euestigioque is funesto raptore absoluitur, & somno socius, qui ad id momenti mirè sopitus, eum tumultum non aduerterat. Dies deinde aliquot ingens hominem horror tenuit, & ad omnes domus fores infesta ei fuere dira simulacra, donec ad nos perductus anteaquam ætatem vniuersam vna Confessione recognouit.

AVENIONENSE COLLEGIVM.

Catholicum nomen & speciem ementitus Minister dolo malo Auenione versabatur, quem sui demum sermones, tametsi callidissime ad fallendum compositi, prodidere, ac compegere in vincula, ubi, auditis nostrorum ad vinctos crebris adhortationibus, sic affici tandem cœpit, ut colloquium vnius Sociorum ambitet, quocum sapius congressus errorem dedoctus est, eaque ratione ab Hæresi & carcere absolutus. Tetrarum criminum reus vir quidam, multos iam annos Deo illudebat, dicis tantum gratia usurpato Confessionis officio, dissimulatis in eo videlicet reterrimis immanium flagitiorum ulceribus: cui Deus,

leuiore

leuiore inurenda plaga, horrendi tandem sacrilegii salubrem religionem inussit. Sacrosanctis Paschæ diebus ore animoque impurissimo ad Cælestes dapes se appulerat, reclamante, vt semper scelerum infandorum conscientia, cum demisso in stomachum Diuino fergulo, ei derrepente pectus intumescit, viscera exitiali torrentur ardore, vt lymphato similis, omnibus concuteretur artubus, inauspicatum nescio quid dentibus infringens, ac mox linquentibus animo & viribus, collabefieret nisi exceptum amici domum inter manus asportarent. Post aliquantum temporis sui compos factus, liquidò intellexit, reum se Maiestatis Diuinæ vadari, ob scelestissimè irrogatas Numini diuturnas immanesque contumelias: quo nomine, quem vnum conscium haberet teterrimarum fraudum, Deo tacitus se adstringit vitæ melioris sponsione. Inde certum de Patribus nostris aduocat, cuius ad aures superioris æui noxias singulas, & horrenda sacrilegia, intimo doloris sensu exsecratur: neque mora intercedit, quin omni cruciatu eximatur. Ei miserè laboranti præsto aderat amicorum vnus intimæ necessitudinis, qui ad eum diem Catholici pectoris vmbra Calvinianæ fraudi obtendisset, cui æger cum tam repentinæ acerbæque calamitatis rationem familiariter indicasset, is veritus, ac meritò quidem, vltionis Diuinæ iam intentatam fortasse capiti suo machinam, posito infami simulatæ religionis velo, germanum Catholicum sincera mente professus est. Ex adolescentium, Sodalium, decuria vnum proiectæ

proiectæ libidinis muliercula, occupatum in strato, laceſſebat ad communionem flagitii, cui ab ſe depellendæ ſetofum cilicium pectori prætentum cùm oſtendiſſet, nec illa reprimeretur, hic ad validiora tela conuerſus, promptum è puluinari flagellum acerrime cœpit nudatis incutere humeris, dum ſpectaculi horrore funeſtum proſtibus ab ſe procul abigeret. In ſenioribus Sodalibus cuiſpiam vel à natura, vel prauo ab uſu inceſſerat effrenatus ad omnem libidinem impetus, quo urgente per obſceniffima quæque diu fuerat volutatus, vnde veteres animi clades recogitanti acerbæ indignatio, & ſui horror ingenerabatur. Efferueſcente igitur vehementius hoc doloris æſtu, proſtratus in ardentes preces intentius ab Deo eſſagitat, vt quoties impuræ cogitationis ſtimulus mētē laceſſeret, de firmitate membrorum, oculorumque acie, ſibi quidpiam decerperetur. Iuſto ſui refrenandi ſtudio concepta obſecratio iucunda Numini cecidit, & habuit exitum, qui optabatur: enimverò cùm poſteà vehemens libidinis titillatio corripuiſſet hominem, & is ad facinus accingeretur, repentina eius oculos cæcitas inuoluit, qua non eximeretur, quoad veſanus ille motus planè concidiſſet. Nemaufi Arecomicorum decem Hæretici, obducto Catholici moris ſimulacro, in latebris deinde Caluinum pro numine reuerabantur multos iam annos, quibus adſcititia perſona detracta eſt, & Catholicorum germana induc-ta. In Hugonoris vndecim, ad Romanas leges adductis, poſt longam tergiuerſationem, emicuit mulieris

lieris ægrotæ alacritas & animi fortitudo, in profitenda ratione assumti ab se Catholici dogmatis, Calvinici conciliabuli Patribus summis quibusque palam, atque inexpectatæ huius mutationis causas anxie sciscitantibus. Quod serò tandem aucta est, id ei pridem erat decretum, nisi vanus quidam matris metus, feminæ Caluino addictissimæ, professione Catholici nominis auocaret: nunc verò quod sui consilij esset aperte enunciantem, rebantur, aut se ratos simulabant Calviniani, à coniuge fuisse blanditiis metûve adductam ad eum sermonem, qui non esset ex ipsius animi sententia. Eius voluntatis haud dubiis conjecturis explorandæ gratia, eò accesserat Capitalium rerum Dux Nemausensis, præter Calvinianæ scholæ procures, apud quos primùm quæstæ est, cum multa sua iniuria, vocari ab Hugonottis in dubium, suone, an alieno ex sensu asseruisset, nuncium Caluino se remittere, quasi mulier id ætatis, conditionisque, ipso pænè in articulo subeundi iudicij Diuini, de re omnium maxima, videri voluisset in cuiusquam gratiam ambiguè locuta: deinde grauitèr, & contenta voce, pronunciauit certum sibi esse in Catholici dogmatis sententia viuere, atque pro eo tuendo sanguinem profundere, si se Deus hoc beneficio dignaretur. Ab tam luculento edito suæ Fidei testimonio rerum caducarum mentionem non admisit, nec cogitationem; de coniuge ac liberis omnes sermones aliò auertit, vni Diuinarum rerum commentationi affixa penitùs, quo cælestia meditandi accenso studio ad decimum

mun producto diem, ipsa religiosissime occubuit. Omnium qui ad hunc diem Calviniani Evangelij præconium fecere in Gallia, intelligendi ac dicendi sine controuersia Princeps, Ieremias Ferricetus, cuius vnus viribus Hugonotica sententia maxime tota Francia nitebatur, vt eorum partes magnoperè sua destitutione affligeret, si ad nostras traduceretur, ita, qui de Patribus cum eo congressi momentum illud habebant exploratum, cupidè adiecerant animum studiumque suum ad eius periclitandam, & eo concitandam voluntatem. Quod vt maiore fiducia molirentur, suadebat hominis liberale ingenium, & non modica eruditio, quæ duo si adhiberentur, summoto antegressarum opinionum præiudicio, ad dispiciendam veritatis lucem, abesse non poterat, quin vt ea ipsi copioso splendore affulgeret, is eam agnosceret, ingenuèque amplecteretur. Neque secus accidit, quàm illi ex hominis perspecta indole prudenter coniecerant, nam vbi secum agi deprehendit liberaliter & amicè, eò quoque non grauatè mentem appulit, quò inuitabatur, & quod suusus erat, semota omni peruicacia, cum otio, & animi quiete, vim rationū à Calvinismo reuocantium accuratiùs expendit, neque illis cogentibus id quo de agebatur, suum assensum negauit. Exinde per aliorum negotiorum causam, Nemauso Luteriam eunti redeuntique multiplex cum nostris eo de argumento, locis idoneis, sermo fuit, vt demum eius ad Catholicos transitio decerneretur. Eo certè animo studia sua conferebat in partes Romani dogmatis, vt explo-

dendi

dendi sollemni execratione Calvinismi theatrum deligeret Nemausum ipsam, vbi Hæresis propagandæ, ardore incredibili, & summa dicendi gloria, permultos annos florentissimum nomen, inter perpetuos suorum plausus, sibi conciliauerat: fueret tamen amicorum graues sententiæ, cur eo tempore, ac loco, ad tantam celebritatem res non adduceretur. Homo id ætatis, experientiæ, auctoritatis, eruditionis, consilij, & grauitatis, cum ab veteri sententia rituque post multam deliberationem, discederet, potuerat secum pertrahere in idem consilium quidquid est Calvinianorum in vniuersa Gallia, si quidem res iusta rationum trutina penderetur: sed ea vulgo non sunt Hugonotorum ingenia, quibus tam facile receptum ab errore persuadeas; quàm liquidò ipsos errare peruincas, adeò præfractè tuentur, quod semel animo combiberint, ne non satis acuti, & intelligentes in iudicando fuisse videantur. Tantum verò absuit, vt Nemausensis populus sanum & maximè prudens doctoris sui reuereretur iudicium, cuius in verba velut in sacra Pythici oraculi effata, pridie fuerat iuraturus, vt simul ac obscuris sermonibus dissipatum est, iam alia omnia cum de Fide sentire, cæco impetu rei omnium grauissimæ abstrusissimæque diiudicandæ temerarium insanumque sibi vindicaret arbitrium: quia scilicet apud Calvinianos audacia & ferro potentioris partis est decernere, quid cætera pars in Fide sequatur. Tota igitur Nemausensi vrbe plebeiorum cietur rumultus, animos clam facientibus Hugonotorum proceribus, & passim

passim audiuntur acerbæ voces proditorem sinceri dogmatis Ferrierum ex mortalium numero excindendum ; ferro ac igne piandum scelus , quod impius in sacram Christi familiam consciuisset ; occupandam prius vesani capitis amentiam , quàm turpi labe suos nuper consortes inquinaret ; & acerbitate supplicij obstruendum , cæteris de suo corpore , ad hoc genus impietatis exitum. Ferrierus , cui plus satis multo ex usu notum esset suorum nuper tribulium ac collegarum ingenium , cùm inaudisset concitatos in se plebis animos , furentemque sua sponte procellam occultis maleuolorum flabris vehementiùs accendi , clam in potentis & Catholici viri ædes perfugij causa demigrauit , diro alioqui membrorum laniatu satiaturus truculentæ plebis , hostili sæuitia ferro & igne grassantis , immanitatem. Ferina rabie instincti homines ubi herum suis ædibus abesse audiunt , ipsas in ædes innoxias , & earum instrumentum acerbi odij tetrum virus exonerant , penuariam cellam , vel corrumpunt , vel cum supellectili eiiciunt per fenestras ; heram ipsam , puerperio proximam ex lecto contumeliosè deturbant ; geminam eius prolem , teneram adhuc , cum matre incendio communi domus ipsius destinant ; inde malleolo & facibus in suburbanam eius villam , infestis omnia deleturi flammis , prouolant ; quos nisi villicus supplex inhiberet precibus , eam labem suo futuram periculo denunciâns , eodem tempore vrba & rustica res omnis Ferriero deflagraret. Verumtamen ne sanctæ religionis æstus ipsos nequidquam
cò

ed prouexisset , proculeandis late frugibus , petulanter defringendis vitibus, arborumque tum surculis tum ramis , non modicam consumunt operam, sui semper, ac veterum facinorum memores, vt qui ferro ac igne noui sui Euangelij sementem nuper fecerint, eade ac incendio eiusdem auerrenda carbunculatione grassentur. Is intererà , cuius vnus maximè petebatur iugulum, suam salutem Catholicorū septus claustris, & præsidio vallatus, non sine trepidatione, tegebatur, sic animatus tamen, vt si maior vis inde se abigeret, vt incolumis non posset euadere, quacumque pateret exitus, in Patrum nostrorum eniteretur contubernium, vti eorum in oculis, & ad ipsorum, vt aiebat, pedes, pro Catholica Fide mactandum se, Deo victimam, consecraret. Vbi verò furentis plebis nonnihil ardor deferbuerat, opera Catholicorum ciuium, veste mutata, Nemauso elapsus est, tutumque ac honorificum receptum habuit apud Belliquadrenses, ad Rhodani ripam, itidem in Aremicorum Volcarum finibus. Fratri tamen ipsius, clarissimo medico, non adeò feliciter aliquot inde diebus cessit alieno vestitu tentatus exitus, cui nempe, inter efugiendum agnito, intentata sicariorum manibus atrox lapidatio perniciem propemodum vltimam attulit, sed Deo propitio tandem inter diram saxorum procellam euasit. Ea defunctus clade Ferrius, qua Christi Crucem, germanam utique Catholicorum tesseram, per ipsa rudimenta Christianæ professionis sibi desponderat, operam euestigiò contulit ad lucubrationem dignam eo verita-

ris studio, quod per acerbâ illa iniuria prætulisset Breui ergo ex ipsius officina producit luculentus iusti modi commentarius, quo facti sui eam rationem reddit, quam necesse sit probari ab sapientissimo & æquissimo quoque arbitro, ubi etiam refutat fuisse ac validissime certa quædam Calviniani dogmatis pronuntiata, quibus asserendis olim se intemperatius ipse iactauerat. Massiliensibus & concionaria in primis, & reliqua omnis opera diu, ac vtilissime nauata est: neque minus frugifera Rhodani vtriusque ripæ accolis, Cauaribus & Volcis, per frequentia oppida, & pagos non pauciores. In Monbrunensi ora Calvinianus Minister, præsentē eius loci Dynasta, nostrum ausus lacessere, ubi ad ignominiosam infantiam paucis adactus erat, præmium temeritatis, tulit Satrappæ indignationem, sui que abdicationem ministerii, nosset autem præter eruditionis elogium ab ipso Dynasta Hæretico, eiusdem benivolentiam, conuiuium, atque hospitium promeruit.

Parte alterâ biennii vni Discipulorū nostrorum ad sacrâ mensâ prouoluto, & segenius rem gerenti, occurrabant frigida Calvinianorum cauillationes aduersum Eucharistiæ veritatem, quas nuper ex illis audierat, quarum inanitatem quod naturæ non reieccisset, ipsæ se insinuabant in eius animum, & fermè assensionem idem exprimēbant. Interim Sacerdos cum sacrosancta Hostia ei iam adstabat, eam porrecturus in ipsius os, sed infelici labra & dentes tam obstinatè occludebantur, vt is omni licet conatu enisus tantillum non diduceret, quo casu

su impietatis suæ admonitis, in Deum, & in Eu-
 charistiam, quàm potest religiosissime, suam exci-
 tat, eiusque suo scelere nunc eo ipso loco violatæ
 supplicat veniam: neque sit nota, quoniam ei
 recludatur os, multaque innox religio erga illud
 Sacrum diuinitus infundatur. Adolescens grauior-
 is flagitii reus pudore prohibebatur, quò minus
 feedo ulceri medicinali Confessione accerseret,
 iamque menses aliquot hoc pacto illi cesserant,
 cum Stygio infessus hospite rusticus, omnis lite-
 raturæ ignarus, ei seducto de via, & æqualium
 cœtu, commemorat occultum illud facinus, & ali-
 quot expressum idiomatis acerbius exprobrat. Gra-
 uiter attonitus tam inexpectato euentu puer, hæ-
 rere primum ac patere; dein culpam agnoscere, ac
 recipere pœnitentia expiaturum, sed quacunque
 illum causa tam salubri consilio abstinuit, dein-
 ceptus hærebat in luto, cum ille idem seuerus mo-
 nitor, in adolescentis conclaue insinuat, clam om-
 nibus occupat solitarium, & increpitum asperitumè,
 Deo se auctore denunciare ait, diuturnæ contuma-
 ciæ iustissimam pœnam, durū & propinquum ipsi
 e cælo imminere letum, exindeque apud Orcum
 æterna supplicia, nisi desubito animum adiceret
 ad conceptum pridem scelus eluendum. Puero vix vim-
 quā alioquin ausuro expromere flagitii turpitudi-
 nē, necessaria fuerat intētata potentiùs à Deo ma-
 china, quæ se adigeret ad Christiani officium, quo
 religiosissime defunctus est, postea quàm ei tam
 præcise fuit edita Divinæ iussionis formula. Septe-
 mis Missionibus vicina oppida exulta sollemnibus

concionum diebus ante Christi Nascentis Resurgentisque ferias; interque cætera illius operæ compendia, octo Hæreticis fax veritatis illata est, quam & volentes adspexerunt, præsertim verò mulier octogenaria, in qua pridem Theologi non pauci tempus oleumque perdiderant. Inusitato prodigio vnus aliquis, inhumanum scelerum sibi conscius, inductus ad idoncam homine Christiano religionem, cum participare Sacramenta vel inquinatissimo animo neutiquam vereretur. Ipso sacro Paschæ die ab cælesti Epulo domum redierat, & aduertit vxor ex illius femore cruorem defluere, quo spectaculo attonita exclamat, rata maritum ferro grauitè saucium, quod ille cum negaret, sanguine tamen coxendix & crus manare pergerent, vterque mirari summo opere, ac diligenter scrutari fluxionis originem, quamprehendunt ad summa femoris, inter vestes, in concreti sanguinis grumo mediocriis pomi magnitudine, vnde eminula quinque tubercula, totidem papillarum instar, cruento fluore manarent. Adhibiti medicorum experientissimi, ad eius liquoris periclitandam naturam, iurati asseuerarunt, illum sanguinem ab humano neutiquam discrepare: quo miser ille ostento permotus, rationes cum animo suo, ex conscientia pridem reclamantis formula, diligenter sibi putandas sumsit. Apud Belliquadrenses Rhodani accollas, in Volcis, viceni, terni apud Salonos, in Salyis, Caluini lepram exuerunt.

TURNONENSE COLLEGIUM.

VALENTIÆ Cauarum vnus de nostris, inter obeunda sollemnium concionum muncera, tricenos septenos Calvinianorum cū Romana Ecclesia & sentire & viuere docuit: denos alius alibi eodem volentes adduxit. Matrōna nobili genere, nonagenaria, primū nascentibus nouis Caluini mysteriis infans imbuta, Catholice non modò institutum, sed nomen quoque, in primis verò Sacerdotum, oderat implacabiliter, vt ad eorum ipsam appellationem exhorresceret. Ad eam, haud procul Turnono, vnum de nostris Sacerdotibus euocant, ex itinere, viri nobiles, qui moribundæ aderant, cuius ad adspēctum recreata mirificè, stupentibus omnibus, desubitò erūpit in ardentissima desideria Calviniani dogmatis explodendi, neque vrgendi finem fecit, quoad noster, vix horæ quadrante quā aduentarat, ei ex sollemni formula Calvinismum exsecranti, aures accommodaret. Se verò Dominici corporis summa incensam auiditate, non est passa in lectulo, tametsi grauiſsimè affectam, Diuinis mysterijs imbui, ne quid secus fieret, quā ipsa dignum putaret reuerentia præsentis Numinis: iussit itaque se deportari ad familiare sacellum, vbi, velut proximè vita functuræ, sacri viatici nomine Diuina Hostia ei porrecta cū esset, contra opinionem omnium, ex morbo incolumitatem impertiuit. Non diu superstes deinde fuit, sed, quod vitæ

concessum est reliquum, id sanctissime agnoscendo inusitato erga se Dei beneficio tranlegit. Idem Pater ad inopinantem Hæreticum, grandi etiam ætate senem & ægrotum, introductus suadendo tantum valuit, ut Hæresin ei extorqueret, quem Nummius benignitas Sacramentis rite procuratum sanitate donauit, qua nunc fructuosissime utitur redigendis ad Christi gregem tota vicinia Caluini errantibus assēclis. Femina primariæ, in laboriosissimi partus angustiis ad extrema deuolutæ, Sacerdos noster accersitus, opis ferendæ causa, tradidit in manus tenacem assulani ex Spōda B. Patris Ignatii, qua accepta & repente felicissimo functa est puerperio. Admotis eiusdem Patris reliquiis, depulso vitæ haud dubio periculo, facillimè peperit coniux nostri medici, cuius testimonio didicimus nullis humanis viribus matris incolumitatē in eo partu potuisse asseri. Hoc demum anno ab Sociis Turnonenſibus recepta sunt ossa Patris Iacobi Saleſij & Guillelmi Saltamuchij, ex sua olim familia, quos prioris sæculi annus nonagesimus tertius illustres Martyrj laurea cælo inuexit. Eorum reliquias Calvinianæ sæuitiæ Albenacensis Matrona religiosissima substractas, diuque asservatas domi occulta in latebra, deinde Patribus nostris Auenionensibus, clam adiuonitis, summiſerat, a quibus sacrum depositum denique acceptum, sacro loco abdidimus.

Secundo anno apud Gratianopolitas seducti de Caluini Schola discipuli ampliùs viginti, moxque Catholica inaugurati disciplina, in quibus
prin

principes matronæ dæ hoc laudis ampliùs tul-
lère, quòd, præter Mimistros, eas exagitantur ma-
gnopere propinqui de Calviniana decum, sed
non alio compendio, quàm sui dedecoris. Nollet
porro Delphinates panè omnes exciuit Gratia-
nopolin, vt eo nomine nouis præfidiis regiones
vrbis firmarentur: concursum verò concitauit fa-
ma quadragenariæ orationis, cuius apparatus fuit
magnificentissimus, & apparatus fructus haud ab-
similis. Processit supplicantium acies numerosis-
sima ordinatissimaque, Christi patientis religiose
instructa symbolis; cuius multo maxima pars de
nobilitate fuit virginum matronarumque, vela-
ta fronte, pedibus nudis, virorum reiectis ad fla-
gellorum ictus humeris; quo spectaculo nihil me-
nimerant, quotquot interfuère, ad incutiendam
religionem se vidisse potentius; quæ confessio non
Catholicorum modò erat, sed ipsius Lesdigne-
rij, quem curiositas visa est ad spectandum pelle-
xisse, sed tenuisse deinde ipsa rei summa dignitas,
res Catholicorum ex eo vno argumento maximè
interea stupentem. Is toto triênio concionatorem
nostrum, Gratianopoli versantem, illustri semper
& honoris & amoris loco habuit, & eius illa vox
frequenter excepta est, beneuolentia & veneratio-
ne aduersùs eum Patrem nemini planè se nostro-
rum concedere. Nostrum Institutum ex eodem
Sacerdote cognoscere voluit, cuius rationem cum
inde habuisset perspectam, ostendit illud sibi pla-
cere vehementer, & clarissimè pronunciauit, So-
cietatem ab omnibus Francis, qui vere Franci es-

sent adamandam esse meritò, & vnde quaque expectendam. Vt constaret autem quanti faceret Patris eruditionem, & rerum grauium tractandarum industriam, ei vni duodenos Calvinianos Gymnosophistas se obiecturum denunciauit, disceptaturos de igne purgante, & conuersione panis vinique in Christi corpus ac Sanguinem; sed aliæ res ex aliis hanc cōgressionem auerterunt. Eodem Patre arbitro diremtæ lites, quæ futuræ immortales videbantur, Episcopum inter & Clerum Grætionopoliten: sopita item in Virginum cœnobio, duas in factiones distracto, funestissima discordia, cuius eò difficilior erat reconciliatio, quod vtrique factioni aderant firma & manifesta principum virorum subsidia, & ex Senatu, & ex Clero, Antistibusque domesticis atque extraneis. Præsidem de suo corpore vtraque Virginum decuria sibi legerat, fautores verò sui cuiuslibet suffragabantur Antistitæ, quasi legitimæ: Pater tamen ex sacrorum Canonum formula demonstrauit, vtramque vitio creatam, ideòque magistratu abdicandam. Quod ubi persuaferat, ardens cohortatus est vniuersas singulasque ad gratiam reconciliandam, ac inde vnā sibi Præsidem communi suffragio legendam, quod vtrumque summa omnium consensione impetrauit, Virginibus deinde suum præ magnitudine gaudium non capientibus, cum certatim aliæ ad aliarum exosculandos pedes prouoluerentur. Turnoni sex de Calvinianis copiis detracti manipulares, qui Catholicis in castris salubriora stipendia mererent, quorum vnus propediem

diem infulis sacri ministerij destinabatur. Turnonensis olim ciuis, vndericesimum abhinc annum mortuus, tanto ex interuallo, villicæ spectandum se præbuit, qui esset multis probauit argumentis, & ad hæredem filium dedit mandata, vti suo nomine salis frumentique certum modum erogaret in egentes, & Sacra procuraret. Consulti ea de re nostri Patres, aliquid etiam copiosius, quàm postularat, ei tribuendum censent; quod & factum est magno defuncti solatio, qui exinde villicam admonuit satis superque sibi factum esse, iisque adiutum præfidiis iam in cælum abire, futurum perpetuò memorem beneficij apud se in tempore collocati.

CAMBERIENSE COLLEGIVM.

BInis locis in vrbe, ternis extra urbem Concionatores dedimus, per sollemnes ante adueniētem & resurgentem Christum dies; ac in vrbe quidem Rectori huius Familiæ verba facienti vtraque iudiciorum rationumque Curia perpetuò cupidissimèque adfuit, pèrque illud tempus eiusdem Rectoris studiosissima cura ingētis molis negotium quoddam feliciter perpetratum est, cuius secundo exitu, qui eius nossent conditionem, vehementer obstupescerent. In iuniorum Sodalium cœtu detineri se Causidicus indignum sua conditione credebat, ea propter habebat se negligentius in omnibus, & multa infrequentia nauseam suam

ostentabat apertius. Ei ergo quiescenti oblatum est visum Magnæ Matris, in puerorum conuentu, eorum singulos amantissime amplectentis, & nullo non blanditiarum genere singularē omnibus testificantis beneuolentiam, vno inter omnes præterito neglectoque Causidico, quem nec aspectu dignaretur, nisi vt, tristioris frontis incussa seueritate, hominis animum eo suæ indignationis percelleret admonitu; quod equidem satis ei fuit, vt suam culpam agnosceret, elueretque in posteriorem. Huius Sodalitij tanto impetu exarserat studium macerandi corporis, vt nisi maturè cohiberentur elutiùs iam prouecti, certam sibi perniciem crearent, lecti, victus, cilicij, verberum asperitate assidua & immodica. Adolescens deprauatis moribus matri, religiosæ admodum feminæ, hoc nomine intusus erat, quòd velut insensus Numini quotidianis scelerebus bonitatē ipsius irritaret; quamobrem pia mulier post diuturnam irritamque curationem refractario adhibitam, supplex Deum rogare insistit, vt perditō adolescenti eam corporis infligat vexationem, ex qua redeat saucio animo salus; neque multum abiit temporis, cū voti compos facta est. Intempesta nocte redibat nebulo ex ganea, iamque transgressus erat limen domus, cū exorto foris tumultu regredi ad rixantes gregales voluit, manu & precibus retinente ipsum matre, cuius auctoritatem nihil moratus, vi se ab ea excutit, & in publicum redit. ipsoque in egressu immane vulnus dorso excipit, cuius instanti maadito pia parens exclamat: Quod animo tuo
felix

felix faustumque sit, mihi ac tibi gratulor eam plagam ineussam membris, unde ad acrius procurandam sanitatem auspiciata sint nobis futura caecidia. Quattuor menses ex vulnere decubuit, ex eoque postea interiit, sed, optima satagente matre, perpetuis exercitationibus pietatis omne illud tempus sanctissimè illi traductum est, ut vnum illud infortunium ei deesse videretur ad salutem eius asserendam, cuius religiosa mors spem bonæ matri iure fecit maximam. Anno quoque altero peregrè itum ab nostris Concionatoribus, & opera omnibus locis posita est fructuosissimè. Alicubi de Christi patientis erga percuissores suos clementia dixerat ardens Sacerdos noster, atque ad eam imitandam virtutem, Christiani hominis propriam, vehementer cohortatus fuerat auditores, quorum de numero militiam nuper professus, & in ea ductorem ordinum, sensit dictione huiusmodi se affici magnopere. Huic discedenti è templo fit obuiam plebeius homo, cum primis ipsi pridem iniusus, ex memoria illatæ sibi olim ab eo grauis contumeliæ, quo peramanter appellato, quæ modò, inquit, ab Concionatore accepi de Iesu benignissimi Seruatoris mei erga parricidas Iudæos indulgentia, prohibent meminisse tuæ aduersum me quondam iniuriæ, quare iungèdis dextris perpetuam reconciliemus gratiam. Procìdit ille ad istius genua, duplicem suam professus culpam, & quòd iniurius olim fuerat, & quòd per summam ignauiam in officio abolendæ suæ noxiæ aliena dilgentia se passus esset præueniri, quo nomine tam clementi

clementi viro studiosissimam volūtatem, fidelem-
que operam deferbat in perpetuum.

DIVIONENSE COLLEGIVM.

Geneuensis mulier, capite luitura supplicium,
tametsi aliàs non admitteret vllam Catholi-
cæ rei mentionem, denunciata pœnæ vltimæ ne-
cessitate, antiquius nihil habuit, quàm vt nostris
mysteriis vellet imbui, rata in Caluinisino moriē-
tibus nullā esse spem salutis. Adolescens annorum
viginti quattuor, patre natus Geneuensi, copioso,
eodem propè tempore ad Catholicos etiam trans-
gressus est. Narrabat hic Geneuæ recenseri am-
pliùs mille ac ducentos ab Dæmonibus infestos, &
veneficiorum inibi esse vsum frequentissimum: se
verò quadrimum cœpisse vexari horrendis intem-
periis, opera Stygij prædonis, suum corpus occu-
pantis, cuius tyrannide paucis ab hinc diebus ef-
ficeret liberatus. Olim autem cùm iam factus esset
grandior, & in dies sæuior fieret suus ille hospes;
vel miseratione, vel cupiditate ductus gloriæ, Ge-
neuensium Ministrorum primarius sibi sumit in-
festum aduenam ex aliena possessione deturbandū.
Eo nomine ab ipso vocantur ad cœnam puer, eius
parentes, & propinquorum nonnulli, spectatores
ac testes futuri eius facinoris, quod licèt in Lu-
thero & Caluino, reconcinnati Euangelij auspi-
catis principibus, nec faustum nec honestum ha-
buisset exitum, nunc demum tantò sanctioribus ac
effica

efficacioribus Ministerij, quam nuper, infulis, omni faustitate locupletandum esset. Mox à cœna, liberaliter curato corpore, collectis ad pugnam ingentibus utrique viribus & animis, ad Hugonottici ritus novos Exorcismos magno fastu descenditur, eoque vultu ac voce, quibus & Tartari, & Carolorum etiam imperium concreditum putare facile potueris, iubetur satelles Orci ex statione decedere. Risit primam iussionem Acherontius ludio, alteram procacius illudit, cum nescio quid præterea ingeminaretur ab Calviniano Archimandrita, ne quid umquam huius generis in se auderet ullus Ministellorum, sibi providendum rarus ille veteratorius bellator, ab ludicro ad sæuitiam derepente conuersus, inuolat in malè auspicatum Exorcisten, & nequidquam obnitentibus domesticis hospitibusque, pugnorum & calcium durissima velut grandine concundit, augustumque illud caput, nulla Calvinicæ inaugurationis reuerentia, immanibus concisum plagis vndique cruentat, ut miser, post eam cladem, quasi taureus laniena elapsus, sanie totus diffunderet. Sed hanc, licet acerbam, terrior secuta est procella; mox enim per saxneas scalas præceps deiectus, caluariam, & reliquum corpus allisit quàm grauissimè, dilaniandus omnino ab sæuente Tartarea bellua, nisi, adhibito quàm maximo ab adstantibus conatu, eius crudelitati subtractus esset. Ex tam infausi certaminis alea Minister, suæ gentis Heroum maximè inclytus, quasi auulsis Erebo cornibus, excussoque diademate, quæ utraque suo adstruxisset capiti, fasciatus, &

cornuta

cornuta fronte conspicuus, triduo pòst, inunctionem produit. Parentibus natus erat adolescens ille perbene affectis in dogma Catholicum, à quo nec erat ipse alienus; sed illa tam umbellis Ministri manus aduersùs Stygiam Canem, ac Ministri quidem, magni quondam Beatz successoris, quo tamquam fenestra larua, esset abasus, ad ludibrium Calviniani apicis, qua iam exigua spe pridē erat, sanitatis & salutis apud eos Popus assequendæ, ipsi omnino eam præcidit. Consilium ergo init tacitus adsciscendæ Catholicæ Religionis, perque occasionem visendi ruris paterni, Gencuenisibus claustris se eiecit, opportunèque in Capuccinos Patres incidit. Horum sermonibus magis etiam inflammatur ad studium Catholicarum partiū, quorum in propinquas ædes inuitatus cum venisset, iis auctoribus Beatz Virginis patrociniū, diuturnæ calamitati suæ depellendæ, adoptat, eoque ipso loco, ad patronæ imaginem prostratus in genua, orat quàm ardentissime, spondetque transitionem in Romana Castra, si eius ope Dæmonium absoluat tyrannide. Incensas fuiss, preces, & pronas Virginis aures in vota sui clientis, documento id fuit, quòd ab ipso sponsionis momento infecta Tyranni vexatione liber penitus in hunc diem viuit. Ex eo quoque audiebamus de Monachis, qui in impuræ vitæ licentia ex Sequanis Gencuam appulerat; quòd cum aduentasset, Calvinianæ sanctitatis exordia duxit ab sacrilego coniugio, atque inter profani verticis Ministellos velut redemptum abiecti Sacerdotij sui facultatem nonnulla vendidaret,

ditaret, cepit Energumeno adhibere Catholici
moris Exorcismos, & sacris quondam digitis ob-
ducti oris hiatum moliri, & inde discretum sermo-
nem ab Dæmone postulare. Sed Hæresis & incontin-
entia exangurauerat digitos, vt eorum digiti-
tationem pristinam nihil moratus esset ille Stygius,
eos mordicus apprehensos tantum non amputa-
ret, probro huiusmodi adiuncto, Monachicæ articu-
lorum veterem sanctitatem ardentibus tedis com-
mutasti, quibus apud nos æternum deflagras.
Quodam in oppido, vbi noster haberet concio-
nes, pueri duo, septem alter, alter vndecim, nati
hærenico patre, matre Catholica, nuper mortua, hu-
ius piam institutionem ita combibant, & multis
Catechesibus confirmant, vt illuina verbe-
rum acerbitate, cæteraque omni fauitia, pater eos
tantillum de sententia Romani ritus numquam
potuerit dimouere; quibus denique, victis eorum
constantia, fecit sui dogmatis profitendi liberam
potestatem.

Insequenti anno pænè exente cessit è vniis Pa-
ter Gabriel Voiretius, vir mitis, si quis alius, quam
virtutē eius vultus, & sermo spirauerant totis duo-
dequadraginta annis, quibus in Societate vixerat
religiosissimè. Plerisque missionibus multa cum
laude functus, egregiè prouexerat Catholici ritus,
& Christianæ pietatis studia, quā priuatis quā pu-
blicis congressibus validè cōfutata Hæresi. Dicen-
di eximiam facilitatem, multumq; leporem & sua-
uitatem ab natura consecutus, naturales dotes do-
ctrina & arte vehementer expolierat, accedenti-
bus

bus eò eximiarum litterarum ornamentis: & quamquam suaue illud dictionis lenocinium semper ad pietatem suadendam diligenter perpetuò contulerat, tamen, aliquot annis ante obitum, abstinendum eo sibi penitus putauit, ne qua fuci umbra sacræ veritati sic mista videretur. Ei ægrotanti votum, impetrandæ per Dei Matrem sanitatis, cum suaderetur, præcisè negauit se facturum, ratus indignum sua conditione, vt in re, suo iudicio tam leui, adeò venerandi patrociniij auctoritas interponeretur; suis contrà, & Patrum Fratrumque omnium precibus contendendum à Magna Matre, vt propitiato ipsi filio facilem in cælos aditum aperiret. Pridiè quàm decessit, sancto quodam huius vitæ fastidio, dolebat sibi superesse in sensibus facultatem capiendæ voluptatis ex edulio, quod esset appositum; ex illis autem ingeminatis magno animi sensu verbis; Panem Angelorum manducabit homo, solidioris oblectationis argumenta captabat. Ad extremum vsque spiritum præsentis animi adfuit ei vis maxime vegeta, qua vsus opportunissimè, pia cum Sociis colloquia perpetuabat, interque amplexandos singulos domesticorum, quasi qui esset profecturus peregrè, animo tranquillissimo dicebat, quæ in rem conuenienti; neminem verò ab se dimisit, quin pro re nata vtili quopiam documento in futuram vitam impertinerit. Transducti ad Fidem Hæretici septem, ex iis Carthusianus vnus octauum annum postquàm maxima Diuionensium ciuium offensione, proculcato publicè cucullo, ad Calvinianos transierat. Caufidicus

cus primariis ferè quibusque Diuionensium affinitate iunctus, vicesimo ab hinc anno sacrorum & sententiæ fœdus inierat cū Hugonottis, omniūq; pertinacissimè dogma illud tuebatur, vt eius inde abducendi spes nulla se ostenderet. Ei autem ægro tanti eo morbo, qui postremus ipsi accidit, diutissimè adstiterunt ad fores Calviniani, sed aditu prohibita pia ægroti coniuge, irrito conatu tandem retrogressi sunt; optima interim vxore iugibus apud Deum lacrymis, apud virum quibuscumque blanditiis nihil non moliente, vt is saluaret de Catholicis rebus sermones admitteret, quod incredibili denique constantia emicit, nostroque Sacerdote admissio, fructuosissimi congressus aperuit exordia. Octo dies solidi abiure in sedula collatione multorum capitum Fidei, cuius deum is fuit exirus, vt æger supra omniū expectationē in Catholicas partes remigraret, vnde suo scelere pridem discellerat, quo nuncio tota ciuitate increpuere plausus ingenti significatione lætitiæ. Hugonottis verò hanc ægro voluptatem interpellantibus, quasi sua maximè interesset, vt ille desiperet perpetuò, postulatis codicillis scripsit, se iis ipsorumque dogmatum nunciū remittere, scaperent autem & ipsi, si eò quidem animam possent adijcere; ad se prætereā ne redirent, cui deliberatum esset, quod nunc denique decreuerat. Secundum hæc, in celeberrima principum virorum corona, maximè sollempni ritu, quoad procurari potuit intra priuatos patietes, Calvinum, Hugonotrica pronunciata omnia ciuitauit; sumtoque idoneo spatio eluendæ per Con-

fectionem vitæ vniuersæ, se comparauit diligentissimè, quo deinde munere defunctus quàm accuratissimè, familiam fructuosissimis præceptis imbuere ad studium Catholicæ Fidei, generumque à Calvinismo ante obitum vindicauit, luculento commentario errores Hugonotticos refutaturus, si vita suppeteret.

H A C T E N V S res alienas nostris verbis reddidimus; deinceps sua cuique gesta, suo etiam dicendi more, cum fide reponemus, quando Annalium editio tam acriter à nobis exigitur, vt quæ comparaueramus, recognoscere non possimus.

DOLANVM COLLEGIVM.

E Magistris vnus, Dionysius Iulinus, Sequanus, nobis ereptus est, Erat is Grammaticæ Professor, annos natus viginti quinque, è quibus septem egerat in Societate, magno patientiæ documento, nam dolorem capitis subinde vehementiorem, quem nimia, in meditandis Diuinis, contentione creatum ex Nouitiatu detulerat, ad vltimum vsque spiritum constanter semper ferre visus est. Silentij obseruantissimus; temporis parcissimus: Religiosæ simplicitatis specimen, in regendis Scholasticis admodum industrius, & disciplinæ retinens quos sæpenumero ad saluberrimam mortis memoriam excitabat. Quidam cum Beati Ignatii meritis, & subscriptione manus, pristinae sanitati iterum restitutus

restitutus fuisset, ac in iis exsequendis, quæ piè decreuerat, esset remissior, subrahente opem Numine, factum est, vt delapsa paulatim valetudo, vna cum vita hominem defecerit. Ille tamen ad extrema perductus, culpam agnouit, palamque confessus, Deumque sibi Beato Patre deprecatore propitium reddere conatus est. Sacerdos noster in via Lugduno Dolam versus, iam sera nocte incertus viarum per agros errabat cum socio, cùm ecce è vicino loco excitos villaticos canes oblatrantes audit, quorum admonitu villani ipsi excitati nostris occurrunt, eosque benignè salutados domum inuitant, vbi æger maturæ ætatis graui morbo implicitus iacebat, Parochi diu expectatam opem desperans. Hunc Sacerdos noster cupidè peccata confitentem audit & absoluit, atque eius deinde famulum viç ducem admisit, qui in se diuersorium longinquius deduceret. Surregi in Sebustianis, & Laudonæ in Aeduis, Aduentu & Quadragesima, fructuosissimè ab nostris opera est posita concionibus habendis atque Catechesibus. Laudonæ non paucorum est ciuium Hæreticorum pestifera congressio, qui Hæreticum Ministrum habent, Catholicorum pariter Fidem moresque labefactant. Huc præter consuetudinem, & Consulium inuitatu, ad Festa Natalitia concionibus celebranda euocatus vnus è nostris, simulatque pedem intra portas intulit, vbi Iesuitam Ecclesiasten adesse viderunt, plerique ciuium, etiam præcipuorum, nullam eius concionem sese audituros vna voce contestati sunt. Sed Consules vrbs blandis sermonibus primariis

quibusque persuaserunt, ut Ecclesiastæ nostri conciones tam sollemni tempore sua præsentia cohonestarent, vel delibarent saltem, & experirentur. Itaque ubi eas multi vel tentandi gratia degustarunt, incredibile est, quanto studio urbs vniuersa ad nostrum audiendum conflueret. Cum igitur noster præter matutinas conciones, pomeridianis etiam horis aliquot serias Catecheses de Fidei mysteriis, ac potissimum de confessionis Sacramento habuisset, multi totius vitæ Confessiones sua sponte retexere cœperunt. Ipse Hæreticorum princeps & patronus, cuius opulentus, cuius in primis sumptibus Hæreticus Minister fouetur, in familiare colloquium cum nostro Sacerdote ultro in eius hospitio venit, nosterque vicissim illum domi eius de Fidei negotio semel conuenit, Ministro ad fores nutritij sui cum strepitu furentis in modum obambulante; sed has eius minas nihili ducere se ipse patronus etiam palam est professus, nostroque priuatum dixit, sibi in animo esse ipsum Patrem aliquando Dolæ conuenire.

VESONTIONENSE COLLEGIVM.

Femina primaria molestissimum mamillarum dolorem, cuius curationem ars medica non præstabat, clementissimæ Dei matris imploratione, cuius Sichemiensis imago apud nos religiosè colitur, facillè depulit, & factam ex argento mamillam, accepti beneficij, gratique animi monumentum suæ

suæ liberatrici dedicauit. E ciuibus vnus duos ex suis liberis eodem tempore desperatos à medicis, singulari erga sanctissimam Dei parentem fiducia eripuit ex mortis faucibus, ac pristina redditos sanitati ad templum nostrum adduxit, vt gratiarum actiones persoluerent, & suam vterque argentæ statuam è tholo suspenderent. Ianuario mense virgines duæ & anus sedebant ad ignem, quo tempore aded vehemens repentè ventus inhorruit, vt tecta, parietes, tabulata validè concuterentur, quare trepidæ ad cubiculi angulum, in quo habebant orandi consuetudinem, se recipiunt, quasi iam morituræ peccatorum veniam à Deo exposcunt, recordantur munificentissimæ Dei parentis erga pios suæ imaginis nostra in æde cultores, illam inde venerantur. Haud vanæ fuere preces, corridente tecto, camino, parietibus domus, perfractoque cubiculi tabulato, angulus tantum ille, in quo orabant, obstitit ruinæ, non tam vi sua, quàm præsidio Virginis, supplicum virginum de vita periclitantium preces audientis, & succurrentis, quæ vicinorum deinde ope, remotis ruderibus, saluæ & incolumes quasi è sepulcro eductæ sunt. Conflagrabant amplæ ædes maximo totius vicinæ periculo, Agni particulæ obuolutæ panniculis in arduentes flammæ coniiciuntur, continuit se ignis omnino ab aliis ædibus, repertæque postea illæ & omnes Agni particulæ inter fauillas & cineres, non sine stupore intuentium. Simile quiddam alibi accidit, cum nobilis cuiusdam nocturno incendio stabula deflagrasset.

Anno secundo adolescens vsque aded alex se addixerat, vt quo damnosiores experiebatur, hoc impotentiùs in eam exardesceret, nimirum sua damna lucro ducebat; dilapidatis itaque attritisque rebus suis, qua via ægrè vitam traheret ignaro fluctuantique iniectum tandem consilium est vitæ abruimpendæ, nec fuit arduum Dæmoni, vaferrimo consultori, iuuenem ad desperationis barathrum abripere. Tumulum igitur quemdam, ex quo se in profluentem agat præcipitem, conscendit, vestes exuit, & in vndas mox secuturus præmittit, sed inopinatò adfuere nonnulli, qui hominè ad melioris spem vitæ studiumque traducerent, ad nos in urbem pertraherent, quorum opera à tanta mentis ægitudine conualuit. Vidua egentissima nostrorum hortatu ad spem Diuinæ opis erecta pupillos filios incœnatos cùm aliquando cubitum mitteret, iubebat à Deo bene omnia sperare; ipsa interim in preces se dat, pium obtestatur Nomen, suam vt releuet tenuitatem, pupillorum incolumitati prouideat, & suæ quâ pudicitia, quâ saluti, consueta liberalitate indultum velit. Postridie auditas preces comperit, nam vix illuxerat, cùm variis è locis, tametsi suarum necessitatum participem fecerat neminem, modii aliquot tritici, panum coctorum vis non modica, carnes, aliaque id genus plurima, affatim transmissa sunt. Alicubi cùm in templo magna pompa daretur Catechesis, & is qui Catechismi partes agebat, loqueretur, quidam, per fractis modestæ pietatis repagulis, nescio quid malo multorum exemplo insolentiùs in-
ibi

ibi egerat, cū eadem, hoc ipso sub vesperam die, manus, qua Catechistis insultarat, truncata est, multisque vulneribus transfuerberato vita infelicitate erepta est. Mulier exulceratæ conscientiæ morfunculis lancinata importuno quærebat malo remedium, cum obiecta est dormienti cuiusdam imago, qui nostrum monstraret Sacerdotem, apud quem grauissimum retrò actę vitæ onus, si bene sibi consultum velit, humillimè deponeret; audiit bene monentem illa, & replicata superioris ætatis recordatione, omne præteritorum scelerum virus salubriter euomuit. Sacerdos ab Ecclesiæ castris transfuga, se ad Caluini vexilla contulerat, iam sub Diabolo stipendia annos circiter triginta fecerat, non tamen erga Deiparam pietatem ab animo expunxerat suo, utpote qui sacram illius coronam circumferret, & idemtidem clam relegeret. Ea vero piissimæ Virginis corona inter infinitas bellicorum tumultuum procellas, quibus in Gallia iactatus est, illi semper ancora, illi Hæresibus circumvallato Palladium fuit. Resipuit tandem, & ab scelerato auctoramento resiliens, ad Fidem Catholicam, repetito veteri sacramento remigravit.

VIENNENSE COLLEGIVM.

DEcessit Magister Petrus Raimondus, qui Diuione, vbi professorem agebat Eloquentiæ, Biterras, in natale solum, ægrotus proficiscebatur, at ingrauescente in dies morbo, id est, longa iam

phthisi cogitur inuitus in media profectioꝛe ad nos diuersari, si periculosus fortitā morbus remitteret aliquantulum. Simul ac Collegium iniiit, ea patientis animi documēta dedit, vt missus à deo videretur, qui suo in tā molesta afflictatione ad constantiam & moderationē exemplo cæteros pronocarēt. Nam ex quo tēpore defixus, lectulo iacuit moribundus, nihil habuit antiquius, quā vt sese ad felicem ex hac vita discessum compararet. Ergo dum corpus in eo est, vt de rebus Diuinis varios sermones miscat, de discessione monetur pænē diuinitus, extremo Decembri scilicet per menstruiam Tutelarij schedam, quæ denunciarēt, moriendum sibi, Deo viuendum. Sacramentis itaque procuratus, pridie, ipso Natali Beati Sebastiani, quem tota vita vnice coluerat, placidissime conuicuit. Gallicanorum Antistitum lumen singulare Petrus de Villars, Viennensium olim Archiepiscopus, cū decederet ē vita, sepulturā inter nostros sibi cupidissime optauit nostra in ædícula, cui de hac familia optime semper merito, vt & de Societate vniuersaj parentauimus quā officiosissime, & studiosissime, debere videbamus. Vxor is ex priore marito filiam constuprarat homo incestus, cuius flagitium, quoniam tegebant propinqui, vt puellæ honores servaretur, ille, nefarius susque deque habebat, nostris porro ex eo erat infensissimus, quod suam turpitudinem ad eos delatam esse cognouerat. Negotiorum autem causa cū deinde secundo Rhodano Massiliam veheretur, adiit fœdissimam tempestatem, & exinde certum exitij periculum, qui

sibi

sibi, præter vota, nihil tuti superesse sentiens, vovet ad nostros se accessurum Confessionis gratia, si saluus evaderet, sitque voti compos, ac postea eius religione se absolvit. Hæretici quindecim ex errorum pelago, diu iactati, ad Fidei pharum aliquando conuersi, tenere portum Ecclesiæ, quorum de numero fuit adolescens Anabaptista, Vlerajectensis Belga, pingendi scientia, & indolis bonitate clarissimus.

EBREDVNENSE COLLEGIVM.

DVODEVIGINTI sunt inducti ad Catholicam Fidem, ad quam venturos optimates quidam, non vanam, vt speramus, spem dederunt. Mulier primaria, parentum & viri metu, non audet palam profiteri Catholicam, quotannis tamen ter aut quater clam nos adit Confessionis & Eucharistiæ gratia, quoad Deus viam aperiat Romanæ ritus liberiores facultatem: Cultelli fragmentum in genu defixum adolescens decem & octo menses, incredibili dolorum carnificina, gerebat, cum Societatem nostram appeteret, eoque nomine cruciatus suos, & claudicationem dissimularet, ingentis doloris accessione, quod eius supplicium. Sacerdos noster aliquando ex quibusdã signis suspicatus, togando elicit genuinam rei confessionem. Iussu itaque genu retegere clam inprimis signum Crucis, ad ipsam cicatricem, hortaturque sibi adhibeat Patronum mali depellendi Beatum Ignatium, cui

& ipse Sacerdos ardentè ea causâ supplicare instituit. Triduo post supra genu, & ad latus in femine, sentit adolescens doloris morsum, & ex repentino ulcere pus emergens, quod cum detergeret, emicuit in genu nuper demersa cuspis, cui educenda quia non sufficiebat animus, adhibitus Chirurgus extraxit facillimè. Res multis de causis apud homines admirationis tantum habuit, ut qui eliciendo ferro non interfuerant, plerique huius narrationi fidem derogarent, quibus non persuadebatur, & tamdiu delituisse ferreum mucronem in adolescentis corpore, sine illius perniciè, & tam altè ab plaga primùm inflicta sua sponte conscendisse. Lupi, qui superioribus annis, diuinæ ultionis administri, multis mulierum præcipuè, & puerorum funeribus, atque adeo plus quingentis, circumfusus circa Ebredunum pagos funestarent, exacto proximè anno, in Ebredunensi etiam solo, in multos mortales grassati sunt, maximus mulierum paganarum terror fuere, quæ malo vicinarum doctæ, maturè sese ad vitæ omni ratione consulendum compararunt. Domo vix excedere audent, nisi exeundi necessitas imponatur grauis, quibus infertur coactio, illæ non nisi veruis instructæ; hastis oblongis, stipitibus ferro præfixis, nec sine comitatu proficiscuntur; quædam animû magis pietate sanctisque Sacramentis, quàm corpus ferro tegunt, nos adeunt, mentem peccatis exonerant, aliaque huius generis idonea procurant. Puella cæteroqui admodum pauida, cum cerco Agno armata esset, non dubitauit cuiuscumque
solita

solitarij loci viam inire, tanta erat sacri amuleti fides, tantum noui roboris in puellari pectore; in tres ergo lupos cùm sola incidisset, sumto in manus sacro Agno hiantibus feris opponit, iis armis diu propulsatur bestiarum impetus. Sed diutina famēs, dulcis & solita praeda humana, ferociores facit, vna de tribus in fauces puellæ furenter inuolat, dentes insingere conatur, aliæ ad laniatum accurrunt, sed hebescentibus ferarum dentibus, intacta perstat puella, vt belluæ sua spe frustratæ in furorem agerentur, mutuisque morsibus inter se desæuissent.

Altero anno sex ab Caluinianæ hæresis extracti sunt laqueis, quibus haud scio an intricatius adstricti fuerint, quàm alius quispiam obscenæ voluptatis illecebris implicitus, qui annos quatuordecim ab vxore mortua in cōcubinæ societate traduxerat, cuius vinculis non nisi ægerrimè se absolui passus est. Anceps nobis causa cùm esset in Aquensi Senatu, suadentibus amicis, triennium iactilebamus, ne ambigui iudicij subiremus aleam; sed aduersario urgente ad causæ dictionem veniendum tandem fuit; tum verò humanæ opis damnatis subsidiis Beatæ Virgini Ebredunensi supplices fuimus. Ad rem vbi ventum est, cùm è multis vnus causæ patronus vix reperiretur, qui suam operam nobis commodaret, accepimus quem potuimus, iuuenem quemdam, non imparatum illum quidem à doctrina, sed quem fori subsellia vixdum cognitum, semel aut iterum dicentem audierant: sed Deus neruorum & facundiæ ad rem nostram contulit,

tulit, ut obmutescentibus pænè aduersariis, & cunctis admirantibus, qui præter morem frequentissimi accurrerant, & vicerit laculenter, & celebri sermone vulgatum sit, nihil in hoc genere umquam auditum eloquentius.

*CARPENTORACTENSE COL-
legium.*

Pater Ioannes Clauerius, diœcesis Carpentoractensis, huc missus æger, patrij cæli hauriendi gratia, diem suum obiit, sexto mense ab suo aduentu, anno ab adita Societate octauo, ætatis duodetrigesimo, longa tandè confectus tæbe, in qua ferenda suam omnibus patientiam ita probauit, nihil ut, exhaustus pridè morbi diuturnitate, umquā questus sit, ne tū quidem, cum lecto affixus mortem in horas expectabat imminentem, cuius ictum ut nunquam reformidauit, ita perlibèter excepit; & huius rei argumentum fuit, tum singularis illa mentis intrepidæ quies, quam semper prætulit, tum sermo habitus ad parentem suum, qui per illud tempus aderat. Hortabatur pater filium ad incundam curam recipiendæ valetudinis, & ad id suam operam & preces defererebat; Nolo inquit æger, eiusquam precibus longiorem mihi vitam postulari, sed id vnum dumtaxat, quod è re mea fuerit. Eius obitus incidit in ipsam Natalem Beati Bartolomæi Abbatis, què eo mense sortitus erat suum tutelare. Eius inusitata pietatis magnitudo ab ijs semper obseruata est.

ta est, qui aderant Sacris operanti, vt eo audiendo spectandóque ipsi non parum commouerentur: cum verò Diuinam Hostiam sumturis porrigeret, incredibili quodam efferebatur gaudio, quod vix ipse caperet, cuiusque non modicam partem in alios deriuabat. Quoties eum confitentem audiit Pater arcanorum eius conscius, demiratus est in homine incensum de leuissimis noxis dolorem, tanta Diuini honoris sollicitudo, & amoris flamma in eo pectore iugiter æstuabat. Puella quíndecim annorum, honestis parentibus orta, stomacho diu fuerat ita languenti, nihil vt ciborum sumere sine grauissimo dolore posset, quem dolorem violenta neruorum contractio medicis formidandum fecerat. Hinc propè iam deploratæ sunt ad collum suspensæ Beati Patris Nostri reliquiæ, illiusque auxilium imploratum, quod nulla planè mora impetratum est, laxatis mox & neruis & pectoris angustis, ac postmodum integra valetudine restituta. Nioni apud Delphinates montanos, præter primæ notæ Caluiniæ quattuor, in quibus Conciabuli Hugonottici Diaconus, & eius filius, integra familiâ, quæ olim ad eos defecerat, ad Romanum Institutum reuocata est felicissimè.

ROANNENSE COLLEGIVM, ET

Vesulanum.

ROANNÆ obiit Ioannes Dechampfeu, adò,
 lescens quâ morum facilitate, quâ mentis candore

dore nemini non acceptus. Paullò ante exitum vitæ, cum nobis tam prope abesse à morte non videretur, ab inuitis ferme, ridenti vultu, expedita voce, summis precibus obtinuit, vt inunctus sacro oleo fortiùs cum morte confliceret, quæ post quattuor horas interueniens, aditù ipsi fecit ad immortalitatem. Cardinalis Ioïusæus, Maiennæus & Niuernensis Duces, pro sua in Societatem singulari beneuolentia, cùm hic aliquamdiu subsisterent, humaniter familiariterque viferunt ad nos, multisque argumentis egregiam in nos voluntatem sunt testati; Niuernensis autem nominatim, cuius in ditione sumus, affirmauit se sibi ac suis hanc nostram Roannensem sedem vehementer gratulari. Quindecim dies totos cum hic versaretur, ferè quotidie ad nos deuerit, primumque ex suo comitatu virum Calvinianum ab Hæresi reuocandum dedit, quo ex cœno, cum Deo fauente, ipsum extractum Ecclesiæ reconciliauimus.

Vesulij obiit Pater Claudius Coprtor, exeunte Nouembri, quo die Beatus Andreas Apostolus, idemque Burgundorum parens migrarat in cælum, quam diem vltimam sibi fore designarat, & quidem cùm sanus esset, vt dubium non esset, quin aliunde quàm conjecturis, eam habuisset præcognitam.

LVGDVNENSIS ET AVENIONENSIS probationis Domus.

LVGDVNENSIS Tirocinij alumnus Nouitius patri erat vnicus, arcte pietatis omnibus cornibus

cornibus instructo, precibus, lacrymis, argu-
mentis, etiam ex domesticis de promptis rationibus,
acerrimè concussus, inter quam dimicationem, da-
to Sacri signo, ad id audiendum patrem inuitat fi-
lius, perducit, totisque viribus animi cæleste sibi
deposcit auxilium, nec repulsam passus est: domum
quippe ut reuersi sunt, de proposito interrogat
pater, firmiter ut illud accepit, genua flectere fi-
lium iubet, extempore filio bene precatus,
ei potestatem abeundi facit. Nobilis matrona,
Hæresi abiurata, cælesti cibo recreari, & Con-
firmationis muniri Sacramento, nostro in sa-
cello expetiit, ubi etiam vir doctus, magni apud
Caluinianos nominis, Hæreticam perfidiam abi-
urare ac detestari voluit, se in Fide Nouitium dicti-
rans, in domo Nouitiorum Catholicam profiteri
Fidem decere; quibus duobus eodem studio & tres
alii accessere.

Apud Auenionenses Tirones obiit Ioannes Fa-
rineau, domesticorum operum antiquus Adiutor,
singulari in Deum pietate, eximia in Societatem
fide, & amore conspicuus, Instituti sui obseruan-
tissimus. Septimum & quadragesimum egerat an-
num inter Socios, multis quæ domi in re iuuanda
familiari exantlatis laboribus, quæ foris peragran-
dis variis Prouinciis. Opsonatorem egerat diutis-
simè, quo in munere, ac cæteris omnibus, mirificè
sibi ac Societati deuinxerat externorum animos,
inuitato quodam genere comitatis. Inter socios fe-
stini erat cōuictus, hilarisq; , sed operis tam studio-
sus, in eo tam assiduus, ut exhaustis senio & labo-
rum

rum longinquitate viribus, vix momentum cessare
 Et animaduersus. Adolefcens, Societatis antè candi-
 datus, inter æqualium malè feriatos greges, passus
 erat sibi extingui missos è cælo ignes, sed incur-
 santes eum eodem tempore multiplices funesti ca-
 sus, cùm in concursatione nocturna necis pericu-
 lum adisset frequentius, ad salutis portum, vnde se
 auerterat, renocato priore consilio, rediit.

N E M A U S E N S I S E T D I E N S I S

Missiones.

Nemausi, anno huius sæculi decimo quarto, vn-
 de septuaginta sollemni sacramento Hæresim
 ciurarunt. Non in postremis locum habet Mini-
 ster, litteris humanis ac Diuinis, & peruicaci con-
 tumacia nobilis. Is olim cùm sancti Augustini re-
 neretur legibus, effractis mox votorum vinculis,
 Nemausi, totos quadraginta annos, in omne flagi-
 tiorum genus, atrodoce semper conscientia, se in-
 gurgitauit. Cupiebat interdum è tam lutulento
 cœno emergere, verùm multis magnisque reuoca-
 tus difficultatibus iactum calculum subducebat,
 vxore, magna liberorum multitudine, inueterata
 vitæ licentia, cum renocantibus ab instituto. An-
 ceptus hæsit in deliberando, quoad eum vires & sa-
 nitas defecerunt, denique tamen superioris vitæ ra-
 tionem & Caluinianum dogma, iis pœnitentiæ
 argumentis, palam detestatus est, vt cumularentur
 gaudio Catholici, Hæretici mœrore tabescerent,
 secun

secundum quam execrationem multa demissione animi, & ingentibus lacrymis, Sacrosanctæ Eucharistiæ copiam sibi fieri postulavit. Quæ ad ægræ-
tum eximio apparatu delata, is egregiam orationem, animi sermone resipiscantis indicem Latine habuit, ubi vir doctus nostræ huius ætatis Hærcles Lutheri, Caluini, & iis affines, damnauit ac detestatus est; coram deinde professus, quàm suæ se defectionis pœniteret, quàm cuperet pœnitentia publica suum scelus expiare, quanta animi voluptate, si liceret per valetudinē, sanctissima quæque loca pedes & mendicatō inuiseret, libros tum demum summo studio & industria de Sacramentis omnibus ab se elaboratos, in lucem proferendos tradidit. Benignè præterea omnes salutans, veniam dans omnibus, & sibi deprecans, omnes exorans, ut sibi Deum propitium facerent; manu summo animi dolore pectus tundens, ita se verè pœnitentis modo gessit, ut omnibus lacrymas cieret, nec ita multò post piè defunctus, plaudente tota Catholicorum cohorte celeberrimo funere est elatus. Inde talis exitus tali homini concessus credi debet, quòd immensam Beatissimæ Virginis in se misericordiam, sit expertus, vna enim domesticorum omnium voce Patri nostro confirmatum est, hominem multis iam annis summo studio & obseruantia Deiparæ coluisse, non rosarium tantum frequenter percurrendo, sed ipsa etiam nocte precam recitandarum cāsa surgendo. Quod ut magis omnibus sit indubitatum, germanam ab illo habemus sententiam, suam Deiparam voluntatis obsidem, quam

quam de immaculata eiusdem Conceptione in ore
& oculis omnium Ministrorum longè aliter sen-
tientium propugnauit acerrimè. Franciscanus no-
bili ortus loco Monspellium cùm venisset, præ-
unte verba Ministro, Catholicam execratus Fi-
dem, subornata mox puella mittitur, quæ ad nu-
ptias eum inuitaret, quam tamen ab se repulit,
quòd de coniugio nondum se cogitare diceret. Id
tamen sceleris auso, quod diximus, adfuit illico,
quæ animum exagitaret atrociter Furia intestina,
quamobrem mœroris plenus contubernalium se
coronæ subducit animi leuādi per ambulationem,
cui domum egredienti larua occurrit humana
specie, quæ quinquagenos in quemlibet mensem
desert nummos, si perstare velit in instituto Hugo-
nottico, quod esset amplexus. His eius dictis per-
cussus miser, fraudem iure suspicatus, pectori Cru-
cem imprimit frequentius, nam manū ad frontem
non est ausus attollere; quo telo insidiatorem ab
se propulsauit, sed qui aliò deflectenti, breuiore
tempori spatio, septies cum iisdem conditionum
inuitamentis importunè occurreret, semperque
impresso Crucis signo fugaretur. Hærenti magno-
pere, ac consternato grauitè homini venit deni-
que in mentem, vt iniret ædem Beatæ Virginis, vbi
concionanti aures tantisper dedit: tum flexo genu
Numen de more veneratus, facti petiuit veniam,
& saniora promittens, opportunaque nactus oc-
casionem ad Patrem nostrum adiit, recta Nemaus-
sum, vbi meliorem in spem erectus, libelarique
donatus viatico, Auenionem conscientia causa
processit,

processit, vnde Nemausum mox reuersus, spei plenus & animi, ad suos se Superiores contulit. Nemausensis adolescens annorum viginti duorum circiter cum nostra opera Calvinismo renūciasset, à parentibus, nisi à cæpto desisteret, & deuonebatur diris omnibus, & Quæstura exuebatur; sed maluit infensos habere parentes, & honore Quæstorio excidere, quàm Catholica prærogatiua, quam rebus omnibus anteponeret. Vrbe igitur excesserat, ne quid suæ libertati officeret, in quem cum familiarium amicissimus incidisset, seiscitabatur ex eo, quî factum esset, vt Quæstura volens se abdicaret; Non essem, inquit, ego, nisi ea mihi periisset, vt periit. At patriam & parentes, infert ille, vt tibi perperud assereres, æquum sanè fuerat, non vt procul exsulares. Tum hic intento in cælum digito, patria mihi curæ est, eritque dum viuam; patri autem æterno iam me fouendum regendumque commisi. Quin tu, si sapis, si me amas, vt ego quidem non dubito, mea sequeris vestigia, fruiturus mecum iis deliciis, quibus in Catholicorum coetu mihi animus suauiter perfunditur: quibus amicè inter amplexus & vberes lacrymas inculcandis, animum multa sibi iunctum necessitudine non mediocriter commouit, vt cum deinde Montmorancii Ducis auctoritate inter patrem filiumque reconciliata esset gratia, ille Nemausum redeunti amico lætus occurreret, quosque nosset fore incundissimos, decretæ sibi ad Catholicos proximæ transitionis nuncios attulit.

Diam, supra Cauares Rhodani accolæ, in Del-

phinaribus montanis, Augustam Vocontiorum ple-
rique, nec immerito, esse putant. Dientis urbis, a-
grique finitimi principatum obtinent, Põtificiam-
que illius dioccesim simul cum sua gerunt, Valen-
tiniensium in Cauribus Antistites annis amplius
iam quadringentis ac triginta septem, vt constat ex
iis Federici primi ac secundi Imperatorum, quas
aureas bullas adhuc vocant Dienteses, Calvinianis iis
bullis, cum vniuerso Ecclesiastico instrumento, pro
templi foribus spectante annuenteque sacri Colle-
gij Decano; in ardentem pyram coniectis, non
crediderant Dientem iurisdictionem ad Catholi-
cos vniquam redituram, adeò furenter vniuersa ci-
uitas concepto Caluini dogmate in Catholicum
nomen communi sententia coniurarat, Octauo
huius sæculi anno missi eò sumus ab Valentino
Episcopo, eodemque Dienti Comite habendis Ad-
uentu & Quadragesima concionibus, deinde ab
eodem stabilis sedes nobis est ibidem constituta,
inuitis maxime Calvinianis, quibus nihil anti-
quius fuit, Henrico quarto vita functo, quam vt
ab Regina & Consilio missionem causariam So-
riorum Dientium impetrarent, & reuerà impetra-
ram ab se prætulerunt. Sed viris sua opinione
perquam acutis & lynceis, inani quadam specie
singularis prouisionis & calliditatis, egregie ipsis
imposuit præceptum in causa ardor & odium in le-
uitas. In supplice libello narrauerant nos homi-
num nostri Ordinis statum domicilium Dize iniuf-
su Regis collocasse, aperuisse gymnasium, re ipsa
docere iuuentutem, & ad ipsa urbis moenia sedem
delegisse

delegisse, quasi arce posita, cuius velut claustris ciuitatem oppressam olim teneremus; quarum rerum usu & possessione nobis interdictum esse postularent. Rescriptum est à Consilio, vt earum rerum nobis facultas non esset; quo responso exultantes rumorem tota Prouincia dissipauit, Regij Consilij decreto Dia funditus arceri Iesuitas, quod vt cæteris multis, ita nobis quoque persuasum est, quando tam asseueranter id vulgabatur, eoque nomine à Præside nostro Prouinciali assignatæ iam nobis erant certæ Collegiorum sedes, in quas nos reciperemus. Per illud verò tempus Quattuorviri Regiorum Edictorum sanctionibus ex formula exigendis, inhihendisque, Prouinciam obeuntes, expectabantur ab Diensibus, quorum auctoritate Iesuitas exactum iri sperabant, & adfuerunt haud ita multò post; dixit autem apud eos arbitros pro Caluinianis Causidicus eiusdem dogmatis, sed ita aduersùm nos, vt meliorem causam nostram faceret, cum asseueraret, nihil esse in quo iure possemus reprehèdi, laudaret autem multis ex capitibus non mediocriter; nobis interim domi residentibus, quia nihil erat cur ei iudicio adessemus. In Quattuorviris erant pro causa Catholica Præses Sanctandreas, & Libellorum Magister Frereus, qui audita dictione Hugonottorum, ad Lefdignierium, & Crozium, Caluinianarum partium Quattuorviros, conuersi familiariter eos percontabantur; potuissentne dici accommodatius, non ad exigendos, sed ad introducendos, Diam Iesuitas, quàm dixisset ille ipsorum aduersarius Causidicus; iis autem, po-

tuisse nihil, respondentibus, causa nostra eo ex capite egregiè iam stare videbatur; & planè statuta erat, si vis abesset, quando Consilii rescripto aduersùm nos decernebatur nihil, qui nec domum, nec scholas, nec Collegium Diæ haberemus. Ne qua verò fraude nobis officeretur, quibus iure non poterat, obeuntibus Prouinciam Quattuorviris Episcopus Valentinus & Diensis adfuerat perpetuò ad eum diem, qui tum maximè præ se tulit, quo animo esset in Catholicam causam & nostram, cum apertè disertèque denunciauit, quouis sui capitis periculo, se rem nostrā in tuto collocaturum. Post nonnullam itaque discepcionem, quia nulla causa erat vllius decreti perscribendi, nihil decernunt, nisi vt ne frustra viderentur Diam conuenisse, ac in ea quidem verba decretum perscribunt, quibus nos volumus, atque concepimus. Sub discessum ipsorum cum Sacerdos noster ad salutationis officium prodiiisset, vt Ministrorum illuderet ignauia, quibus plus est in aggeribus præsidij aduersus vim veritatis, quàm in æquitate suæ causæ; facètè admonet Quattuorviros, vti Ministrorum animos ab suo Breuiario securos esse iubeant; à quo vtique periculi nihil immineat in Dienses aggeres, & muros propugnacula. Tum Lesdignierius, ego verò, inquit, in hac causa me tibi locuplerem vadem fero, tam scilicet te improbum iudico. Quæso, inquit Noster, docete, qua ratione me cum Diensibus gerere debeam. Id verò tu probè nosti, refert ille idem, eoque minimè nostra eges disciplina. Is denique fuit totius discepcionis exitus, vt ipsi
eius

eius arbitri hoc vnum maximè curare viderentur, vt nihil statuerent, nisi quod nostris maximè probaretur. Porro ludimagistri Calviniani Dieneses, qui sibi ac suis tantopere metuissent ab Iesuitarum præsentia, tam fœdis dissensionibus post paullò laborarunt, vt in ipsorum caput vertisse Deus videatur conflatum nobis eorum opera discrimen; indeque oblato documento iis ostendisse, quàm non aliunde ab iis caprari causas oporteret, cur suis metuerent scholis, sed earum originem in seipsis ingenuè agnoscere.

Ab eius periculi ergo declinata feliciter alea, mox conuersi sunt nostrorum animi ad Diensem diœcesin studiosissimè obeundam, cuius describenda sibi geographica tabula deprehenderunt quaternis Archipresbyteriis, vt principibus membris, eam contineri; olim verò in ea censa fuisse, supra minores ædiculas, ducentena tricenaque templa, quorum supersint vnde viginti dumtaxat, immunita sacrilegis Calvinianorum manibus, cætera funditus euerfa. Multa inibi oppida omni destituta Sacerdote; pleraque Calvinianis frequentissima, nullo reliquo capite Catholici dogmatis; aliquot templis Diuina res ab nostro facta Sacerdote, vbi quadragenis annis Sacrorum nihil erat vsurpatum, quot verò, & quàm graues calamitates sint eis consecrariæ, quas indicamus, facile sit coniicere. Egentium certè Catholicorum, & Hæreticorum ingens est tota regione numerus, quibus, ex Missionis tenui peculio contendimus, vt benignè faciamus, vt molliore via subeamus in eorum animos. Diœsum

quoque mendicorum habita est ratio diligentissime, ac quinta quidem Feria Sanctioris hebdomadae, in atrio domestico duodecim ex iis, & inter eos Calvinianis nonnullis eluti pedes, & osculo impertiti, posteaque appositum prandium, oppidanis Haereticis eo spectaculo vehementer attonitis, mendicis verò ipsis ea dignatione affectis, quòd se vilissimos è plebe agnoscerent, inter se mustitantibus, haud quaquam Ministri nostri ad nostros pedes se demitterent: melius omnino consultum rebus nostris fuit, quamdiu omnes Catholici fuimus. Inter hæc quadraginta errabundæ oves in Christi gregem sunt receptæ: in his adolescens cum ipso Paschæ die Catholicam Fidem publicè professus esset in Pontificia Diœsis vrbis æde, Calviniana mulier odio religiosi facinoris contumeliosè in eius vultum despuir, quam ille iniuriam nec verbo nec signo questus est, eius, ut aiebat, reuerentia, quem in Eucharistia ipso eodem tempore sumississet. Habitæ quinquæ Disputationes publicæ cum Ministris, optato arque vtili exitu; nam prima, cum eorum Professor poneret, omnia per Scripturam decidi, & quosdam à nobis pro Canonicis receptos libris non esse Canonicos, rogatus, quo Scripturæ loco decideretur, non esse Canonicos, illico comprehensus est, suomet occumbens gladio. Secunda disputatione, oblata à nostro tres conclusiones Ministris: Extra Romanam Ecclesiam, neque quòd Deus sit, neque quòd Christus sit, quempiam credere: Generationem Abraham, cui soli Iustitia per Fidem competit, extra eandem Ecclesiam non reperiri.

periri: Ab eadem Ecclesia omnem veritatem temperari, neque esse ullam veritatem ad salutem, præter eam, quam ipsa doceret. Quibus positionibus nullo pacto, ullave conditione adduci potuerunt, ut se opponerent. Tertiæ disputationi ipse Marschalchus Lefdignierius interfuit, cum primario Præsidi Delphinatis Senatus; in qua cum Minister premeretur, ut fidem sine testimonio esse non posse fateretur, nec testimonio communicare inter se, atque propagari fideles posse, nisi sensibile esset, unde fateri cogebatur, contradictionem involviam assertionem invisibilis Ecclesiæ, omnium tam Hæreticorum quam Catholicorum calculis damnatus est Minister, solutæque est disputatio lepidò dicto Præsidis, cum diceret Marschalcho Lefdignierio, maximam Cacodæmonum non soluturum argumentum lesuitæ. Quarta fuit ærior cæteris, & auditorum multitudine celebris, cum Ministro Monspelliensi, qui fortè Diam ad natale solum suum venerat, is est Daniel Peyrolhus, qui prius Societatis nostræ transfuga, deinde ut coniugij nomen & umbram culpæ prætexeret, à Catholica extorris Fidei Caluino adhæsit, sed non antè quàm Ordinis nostri desertor, fratrem suum natu minorem Catholica doctrina imbuisset; tanta vis est Divinæ gratiæ, ut non patiatur unum excidere, nisi alium longè meliorem antè suffecerit. Hic enim minor natu pietate ac prudentia, vitæque integritate ac constantia claret nunc inter Catholicos, fratris perpetuam levitatem, lucis inimicam conscientiam, animumque nusquam quietum iucosans

sæpe apud Sacerdotem nostrum, quem etiam roga-
uerat, vt si ad disputationem cum lucifuga illo ve-
niretur, quod sine dubio procuraturi erant Calui-
niani, plus de istius vnus, quàm de aliorum Mini-
strorum omnium eruditione confisi, spiritus homi-
nis omnino frangeret, & in vno multos contun-
deret, in quo ei noster est obsecutus. Peyrollus Mi-
nistrum Diensem coarguerat, quod suo scripto &
chirographo confessus esset, vti disputando adactus
erat, Productionem totius vnus substantiæ ad al-
terius totius desitionem, ac proinde Transsubstan-
tiationem, nihil repugnans includere; quo nomi-
ne Peyrollus ab nostro notatus cùm esset, quia Mi-
nisterij socio contradixerat. Ad eam animaduersionem
continud efferbuit, & relicto cæptæ disputa-
tionis cursu, Patrem Gallicè interrogat, vrgetque,
quid intelligeret eo pronomine, quo in panis con-
secratione vtimur: quod eo faciebat consilio, vt
nostrum Gallicè interpretantem, exponeret impe-
ritæ ac procacis plebis ludibrio, quæ ex Caluinia-
na indole petulanter solet irridere, quæ de Myste-
riis Fidei aduersum se prolata non capit. Sed inci-
dit in casses, quos alteri posuerat, intelligo, ait no-
ster, idipsum quod tute intelligis per idem pronom-
men in hac positione, Hoc est vinum, si ea proposi-
tione aquam in vinum Christus mutasset; si potes
explicare, dic sodes, sin minùs, docebo. Hic Mini-
ster, qui summopere, quod est hominis ingenium,
caueret, ne si fateretur id explicare se non posse,
ipsius coram populo marcesceret existimatio, vt
vulgo loquuntur Ministri; materiam dixit se illo

prone

pronominè intelligere determinatam accidentibus
vino & aquæ communibus. Premittit noster, sub qua
forma sit ea materia in pūcto prolationis illius syl-
labæ, *Hoc*; si enim sub forma vini, falsum fore Euā-
gelium, quo constat aquam dumtaxat fuisse in hy-
driis, illo ipso puncto temporis, de quo disputa-
batur. Hic verò Minister astutiam exclamare, insi-
dias quiritari, de sella exsurgere, in nostrum Sacer-
dotem pænè inuolare, vt de moderatione quam
alias tenuisset, fuerit ab eo palam monendus. Cūm
autem pergeret, & se circumueniri clamitaret;
Tuis artibus, inquit noster, caperis, & incidisti in
laqueum, quem mihi tetendisti, extrica te, si potes:
sed cūm responsum negaret, etiam maximè vrgen-
tibus Calvinianis, vt afferret aliquid, & Senator
Gratianopolitanus, qui intererat, enixè flagitaret:
hūc omnium ora ad Sacerdotem nostrum conuer-
sa rogantium, vt nodum ipse solueret, quem agno-
scebant. Fecit noster, quia de Ministri confusione
nullus erat ampliùs ambigendi locus, & ita rem in
aperto posuit, vt ipsis etiam satisfaceret Hugonot-
tis. Quinta & vltima disputatio coarguit Ministrū,
negantem Missæ Sacrificium esse diuinę institutio-
nis, ex eo quòd idem fateretur, institutū esse à Chri-
sto idipsum, quod Missæ nomine sumunt Catho-
lici: qua redargutione in eas angustias redactus est
Minister, vt negaret Catholicos, id intelligere Mis-
sæ nomine, quòd se intelligere profitebantur. His
disputationibus attrita est Ministrorum arrogan-
tia non mediocriter, vt quamuis eò minus visi sint
persuaderi, quòd apertius conuincebantur, tamen
inde

inde nobis conciliati sunt animi Calvinianorum, & minuta valdè est eorum ab nostris Sacris alienatio. Multa item inter disputandum leniendis odiis, & inducendis animis audientium, vt moderatè de se sentirent, intercessere salubria monita ab nostro Sacerdote, vt non tam quæsisse videretur eiusmodi aduersarios sibi subiici, quàm ipsorum nomina cælo transcribi. Siquidem vsu ipso didicimus, meliùs solidarum virtutum, humilitatis præsertim, caritatis, & patientiæ armis, quàm disputationibus, licèt interdum necessariis, Hæreses expugnari. Itum etiam est ad confinia vicinarum Dioceseon, maximè Grationopolitanæ, permissu Episcopi, vt in Synodo Prouinciali Hugonotica, omnibus simul Ministris noster se opponeret. Ibi antè coactum conuentum noster auditor fuit Ministri concionantis, cui exscendenti ex suggesto salutandi causa occurrit, inter cætera placidè interrogat de iis ædibus, vbi concionem habuisset, tum vbinam esset oppidi Ecclesia; Minister, qui se humanitate occupatum videret, inurbanus cenferi noluit, comiterque ducit nostrum, confertim sequentibus Hugonottis, ad fores vsque templi Catholici, & indicat illam esse oppidi Ecclesiam. Hic noster ad Calvinianos conuersus, audistis, inquit, testimonium Ministri vestri; si hæc est Ecclesia, vt dicit, ad illam vos inuito, vt mecum veniatis, audietis refutantem, quæ malè vos docuit. Ad hæc Minister nescio quid submurmurans, quòd præter mentem respondisset, cum parte asselarum aliò se recepit, aliis cum nostro in templum ingredien

ingredientibus, qui audita per concionem multa, animo dicta beneuolo, suis deinde retulerunt, & fuit ex principibus earum partium vnus, qui asseuerarit, libentissimè de suo collaturum pecuniam illi fouendo concionatori, si eum sibi retinerent oppidani Catholici. Ibi traductæ ad Catholicos nobili ex familia sorores duæ, quarum altera peruicaciam insignem in Calvinismo prætulerat, vt aliquando cogitantes transitionem ad Catholicos pugnandi obstinatione ab sententia deduceret. Hæc autem, deprehensa impudentia calumniarum Ministri aduersum nos, erubuit, studioque in odium conuerso, & improbitatis detestationem, Ministro descendenti ex concione scriptam à Sacerdote nostro refutationem antecedentis alterius concionis Calvinicæ, palam obtulit, obrestata vt si quando putasset sibi tuendam suam doctrinam, eius propugnandæ hanc occasionem ne prætermitteret, alioquin ipsam ad Catholicos transituram illico, vt quæ iure crederet, Ministrum coniectum esse mendacij. Excanduit Minister, quod eas cogere-
tur in angustias, conditionemque præcisè recusauit, Virgo igitur publicè in templo Catholicum ritum est professæ, & exemplo eius idem postea fecere non pauci. Synodus autem Ministerorum viginti ac duorum deinde coit, qui ad suos concionarentur, quorum dicta Hæretica noster aut extempore, in concione ad Catholicos, refelleret; aut sub vesperam eiusdem diei scripto etiam notatis ipsorum erroribus, & ad vicinas vrbes transmissis, ita pereulit forum conuentum, vt suæ causæ diffiden

diffidentes Ministri contrà hiscere non sunt ausi; non enim aberat voluntas repugnandi, sed facultas. Nam qui Synodo præfuit Minister, prima concione, spiritu eo scilicet prophetiæ plenus, qui prænunciat ea tantum, quæ facere decreuit, omnino prædixit, quod sexto postea mense Parisiis contigit: Iam Galliæ Comitia sudare, ut aiebat, in explicanda illa difficultate, quam parit doctrina Iesuitarum, de potestate Pontificis in Reges, qua regna evertuntur. Per eos verò dies allatū est Parisiensis Curie Senatusconsultum, Soarij in Pontificia contra Anglum tuenda potestate damnati, cuius decreti formulam, cum affixissent publicè, ac in concione pronunciaissent, procaciter quærebant ab nostro Sacerdote, ecquid haberet, quod posset obii cere; quibus ille, adeste mihi dicenti, cum ego respondebo. Frequentes adfuerunt, & in cæteris, de nobilitate is, qui, exitu Synodorum eiusmodi, Ministro principi socius destinari solet. Noster verò, qui necdum sciret, quid decreisset Parisiensis senatus, id satis habuit, ut Ministris, eius decreti buccinatoribus importunis, illuderet liberalissimè. Explicandum igitur sibi sumit, ut coacto manè Hugonotorum concilio, Ministri suæ vocationis pertæsi, ad nouum decretorum in Synodo genus appulerint animum, ut constituerint apud se creando deinceps Apparitores, qui Arresta Parisiensis Curie promulgarent, & exsequerentur sedulo; sed hodiernos Apparitores, ut adhuc nouitios dignarios fuisse sui muneris, qui in sinibus Gratianopolitanae Curie, sine auctoritate, & earum litterarum præsidio,

præsidio, quas, Pareatis, appellant vulgo, Arresta Curiz alterius exsequi auderent, quorum vim non caperent. Valuit ea ludificatio ad comprimendos in præsentia Ministrorum tumidos spiritus, quibus acerbum fuit rideri suos triumphos, in re quam ipsi maximè seriam putarent, noster verò ita eleuaret; id verò præterea nacti sunt, vt Apparitores à plebe deinceps cum ludibrio appellarentur. Extremus porrò Synodi actus Caluiniano dignissimus fuit ingenio, & Ministrorum arrogantia, cum aliquis de augusto illo synedrio, sub finem ineptæ declamationis ad plebem, vbi se legitimum Pastorem venditauerat, pronunciauit, potestate de cælo sibi tradita excommunicare se Papam, & omnes Iesuitas. Alius antè multò acerbius exarserat in Patrem, sibi ac tribulibus suis fortasse importunior, in quem pro concione inuehens, non est veritus affirmare, si quid animi ac studij erga communem causam, & Dei cultum, sui auditores vquam prætulissent, id reipsa ostensuros, cum illum importunum Iesuitam viuum comburerent. Aderat ad valuas fani Hugonottici Sacerdos noster, cum illæ seditionis faces in se iactarentur, & præsentī animo, serenoque vultu, cuius constantia & tranquillitate Ministri, qui eum obseruabant, rumpébantur, cæteri Hugonottorum, certatim coniectis in eum oculis, velut miraculo attoniti, petrarum similes obstupescébant.

PROVINCIA TOLOSANA.



DVCENTI nonaginta Socij, decem Domi-
ciliis, gesserunt hanc Provinciam, adscitis
totu biennio, qui aliquando veniant in pattem la-
borum; triginta & vno Tironibus, amissis contra
de suo corpore nouem commilitonibus.

TOLOSANVM COLLEGIVM.

PERTIT nobis hoc anno Pater Carolus Pla-
teanus, trium Votorum Professus, magnarum
virtutum homo, sed obedientie præsertim, & Re-
ligiosæ domissionis cultor attentissimus, nondum
quadragenariò maior; quod decus virtutum, in sin-
gulari eius eruditione, & laude & literis dignum
est. Nam & omni Humanioris scientia insigniter
doctus Græcarum litterarum arcem supra cæteros
tenuit. Quadrante horæ ante obitum, adhuc inte-
gris sensibus, adesse sibi Superiorem cum rogasset,
monuit, post quadrantem se non ultra futurum,
itaque

itaque Sacramentis se munire curaret, nec dicto veritas abfuit. Tolofani Senatus summum in nos eluxit studium cum aliàs frequentiffimè, tum prior hoc anno, in vniuerfæ Societatis tuenda fama. Famoli libelli cuiusdam consultationis ventilatione fama Societatis labefciebat, tum Senatus decreuit contra Remp. videri facere, qui talem librum aut diftraheret, aut legeret; ideoque conquisita exempla per tabernas, publicata concerperentur; Religionis enim rem agi, vbi Societatis bonum nomen sine caufa periret. Quod Senatusconsultum, quamquam reclamantibus quibusdam primoribus, perscriptum est; iuffique sunt ex eius auctoritate agere, quorum id muneris fuit.

Altero anno viginti & quinque à Caluino difcefferunt, vt in Ecclefiam Catholicam, nobis duceibus, commigrarent. Reis adfuimus, cùm ducerentur, ingenti certè multorum emolumento, quos inter vnus flagitiorum multitudine & grauitate insignis, illuftri in Beatam Virginem femper claruit pietate; annum & amplius, ante decretoriam diem, sacros globulos & litanias in illius memoriam percutiebat, femel, iterum, & crebriùs non raro in dies fingulos, ardentiusque multo octauum diem ante mortem. Conftitit operæ fructus, tantum enim meroris anteactæ vitæ recordatio iniecit, vt in fummis numeraret beneficiis non poffe diutius vitam prorogare. Duo ciuium affecta valetudine, luculenter fignificauit, quid de Societate fentirent: Vnus accito ad fe Patri de nomine & vefte tantum fibi noto, voluit fine arbitris, quas afferua-

bat plurimas pecunias in manum tradere, nobis accessuras, si quid ei humanitus accideret, sibi restituendas si eualesceret. Alter Senator, non opimum modò patrimonium, sed & liberos, in Societatis fidem, si annueremus, studuit deriuare.

BILLOMENSE COLLEGIVM.

OP TAVERANT Aruerni, vt in Collegio Bil-
lomenſi Philoſophiæ ſchola poneretur. Hoc
opus nondum patratum perilluſtris femina, Co-
mes Ludenſis, libenter confecit, & Lucalibus pro-
ximis leſido dramate excepta nouum Philoſo-
phum audire voluit perorantem, quo tempore cœ-
pit exponi Theologia Moralis ad Sacerdotes, alioſ-
que Sacris initiandos. In certo pago quidam no-
ſtro Sacerdoti inſenſus, quòd in deprauatos mores
diceret acriter, ei maledicebat publicè, & ad ſe
adeuntem reſpuebat, eiſque odio abiturus aliò ad
Confessionem, iumentum conſcenderat, quod poſt
duo milliaria ſibi ſenſit adedò hædere, vt calcaribus
ſcinitatum non moueretur. Obſtupuit vir impius,
tarditatemque ac ſtuporem equi ſuſpicatus eſſe ma-
ledicæ linguæ ſuæ perulantiam. Itaque noſtrum
adire decernit, culpam deprecari: atque illico mo-
uit equus; ipſe poſtridie apud eundem Patrem ge-
nerali confessione expiatus, idem vt facerent, ob-
trectationis ſociis perſuaſit. Cuidam Patrum gra-
uiter iam quattuor annos condoluerat articulari
affectu ſiniſtrum brachium, quo morbo derepen-
te ſana

te sanatus est, cùm adhibitis Beati Dominici reliquiis huic Sancto quidpiam vouisset.

Insequenti anno diem clausit petrus Leschelle, Coadiutor temporalis formatus, exactis in hac mortali vita annis nonaginta tribus, quorum maximam partem in Societate vixit: sedulus fuit in officio, sine litteris quietus. Cæterùm, excepto continuo ferè tibix dolore, integris ad summam senectutem sensibus ac iudicio vsus, tandem Sacramentis ritè munitus in pace conqueuit. Riomi, in prænobili Aruernorum vrbe, Aduentu & Quadragesima concionatus Patrum vnus, mirabiles tota vrbe, ac circumjecta regione motus concitauit, vt summittēdi fuerint Sacerdotes præterea duo Confessionibus audiendis. Egrediè itaque affectis ad omnem religionem animis, quantum cuique Patres voluerunt præcipere tantum impetrarunt. Ibi quoque sanati ab Hæretica lepra nonnulli.

MAVRACENSE COLLEGIVM.

R H E T O R I C A votis omnium dudum ex-
petita his Lucalibus accessit, ad quam conflu-
xere auditores Eloquentiæ candidati fere quinquaginta. Aliquot ab Caluino. trāsflati ad vnam veram-
que Ecclesiam. Quinque annorum peur audita, per
Catechismum, quæ dicerentur in temere deieran-
tes, cùm altè demisisset in pectus, sorori aduersus
ea liberiore iureiurando delinquenti colaphum in-
fregit, simulque adiecit verborum animaduersionem.

uem hanc, Tibíne tam citò excidit, quod audieras ab Catechiste? Atqui scito imminere à me idē tuis malis supplicium, quoties in hæc verba erumpes. Obstupuere domestici, & laudata pueri religione, ab sororis iratæ manibus eum prohibuere. Vtroque anno creberrimæ in vicina oppida & pagos expeditiones susceptæ, eæque magno animorum compendio feliciter administratæ. Altero anno vulgatis popularibus tota vrbe morbis diffluxere scholarum alumni ferme vniuersi, donec sub aduentum Veris, salubrioris cæli amœnitate recreata sunt corpora, morborumque vis remisit, & scholis sua frequentia rediit.

ANICIENSE COLLEGIVM.

O B I T non domi, sed in proximo Sancti Germani castello, Pater Antonius Morgues, qui lenta phthisi tabescens ex Prouincia Lugdunensi missus ad cælum natale, medicorum decreto, venerat. Is die decimo septimo Ianuarij mensis, ipso Natali Beati Antonij, sui Tutelaris, litaturus in vicinum templum se contulit, quo ex die cœpit febris ingrauescere, vt & purulentum pulmonum vlcus, ad decimum Aprilis, quo sensit sibi vltimum adesse diem. Tunc domesticos obnixè assiduèque orare, vt è specula prospicerent, num aliquis de Societate aduentaret; quas voces idemtidem repetebat, donec moribundo renunciatum est, apparere procul duos de nostris. Ingresso Pa-
tri,

tri, clarè maturóque iudicio summariam totius vi-
tæ Confessionem exorsus est, sacróque inunctus
oleo, eadem hora, piè in Domino Crucifixum am-
plexatus obdormiuit. Vixerat in Societate annos
octodecim, quod omne tempus aut absoluendis
studiis, aut docendis Humanioribus & Philosophi-
cis fructuosè traduxerat. Domi verò exulimus Pa-
trem Arnaldum Feuga, Vasconem, Philosophiæ
Professorem, virum ad magna natum, de quo mul-
ta Societas acceperat, plura sperabat. Erat ei ani-
mus comis, humanitas singularis, ingenium om-
ni natum culturæ, scientia eximia, magna pietas.
Phthisi eius intima depascente, medicorum iu-
dicio Albenacum missus, mitioris cæli gra-
tia, incidit in Apostatam, ad Calvinianos ad-
spirantem, quem rationibus adegit, vt facti apud
Episcopum pœnitens, ad Patres Recollectos tran-
siret. Inde, augescente malignitate morbi, ad hoc
Collegium reuectus Pater, vbi domus limen atti-
git, lætus, inquit, nunc moriar. Procurato igi-
tur diligenter animo per multos dies, effundente
se tandem multa sanguinis copia ex eius pectore,
cùm minimè adhuc obitus eius expectaretur, pla-
cidè obdormiuit. Optauit hoc sibi bonum, & obti-
nuit Societatis cupidus adolescens, conditione Su-
tor, quam domi artem factitabat, qui se cupiit ad-
mitti ad vota Societatis ante obitum, quo bono
eum Prouincialis absentia prohibuit aliquamdiu, cū
cætera omnia fauerent; sed adueniente demū Pro-
uinciali, & eius permissu ille votis nostris adstrin-
geretur, lætitia plenus deinde occubuit.

B I T E R R E N S E C O L L E G I U M .

DV o supra viginti Ecclesiæ Catholicæ reconciliati. Fuit vir primæ notæ , qui dum valeret, intemperantiùs vitā agens, & fœdis libidinibus, execrandæque Diuini nominis vsurpationi addictus, omnia pro suo genio exerceret, ipsos etiam monentes dictæis respergeret. Is dum postremum sibi morbi & vitæ diem imminere sentiret, acriter monitus de salute à nostro Sacerdote, mentem saniores induit, ritèque procuratus Sacris omnibus animum inter nostri amplexus emisit, omnibus ad rei nouitatem stupore defixis.

A L T E R A parte biennij huius, grassante febrium lue, multorum de nostris, toto ferè anno, grauissimè afflicta est valetudo, & vnus demum eo morbo confectus, Hugo Regagnacus, Cadurcensis, annos duodetriginta natus, vir ingenuæ, liberalis, & ad pietatem natæ indolis, qui olim Causidicum in Cadurcensi Curia egerat. Cùm animum ad Societatem appelleret, passus est grauissimas animi perturbationes, quo nomine pias peregrinationes instituit, ad Beatam Magdalenam in Salyos montanos, & ad Dei Matrem, in Serratum Montem, quibus defunctus se Societati adiunxit. Quinquennium, nec omnino integrum, egit in Societate, magno sanè exemplo singularis erga suum Institutum voluntatis, modestiæ, obedientiæ, caritatis, pietatisque. Harum virtutum exercitatione vt hominibus, ita Deo videtur fuisse gratiosiss

tiosissimus, vnde plerisque mirum visum est, quòd alij lógè imbecilliores, & diutius ægroti euaserint, ipse integerrimis supra cæteros viribus, & quasi in summo efflorescētis ætatis fernore, tam breui tempore fuerit extinctus. Septemdecim, eiurata Hæreseò prauitate, Catholicam Fidem sunt professi. Mariani Sodalitij Præfectus, cùm abiret eo honore, postulauit in se reuocari vetus Sodalitatis institutum, vt mox ab sua Præfectura iniret munus Ianitoris; quoniam verò suus successor, Pontificiis infulis designatus, atque ex Valesiorum gente Regia, non fortasse videretur post gestum magistratum ei muneri addicendus, petebat vt sibi eius loco ianuam liceret administrare. Non, ægrè impetrauit prius postulatum; de posteriore cùm referretur ad nouos magistratus, ipsumque in primis designatum Præfectum, Ludouicum Valesium, ei petitioni vehementer intercesserunt, quòd ea de suo iure derogaret, qui vilitatem munerum in Beatæ Virginis familia summo sibi dicerent honori.

AVSCITANVM COLLEGIVM.

CE N T E S I M V M annum exceſſerat ſenex paralyticus, peſſimè toto corpore habitus, ad quem ſolandi gratia noſter adiit, & inter cæterum ſermonem; Confessionis Eucharistiæque mentionem intulit. Negauit ſenex auricularis Confessionis ſibi cutam aut ſcrupulum eſſe; ſoli enim Deo aperienda omnia; cætera myſteria ſibi religioni eſ-

se, quæ iuberet per Parochum sæpe offerri. Obstupere domestici ad fectas Hæretici, aut personati Catholici voces. Pater omnem lapidem mouet, & principio quidem frustra, donec, interpositis Diuini iudicij minis, hominem demum permouit, sed de Confessione respondit in tanta atrocium peccatorum multitudine se non posse omnia vel per memoriam dicere, vel per pudorem sibi non licere. Diu pugnandum fuit, vt ille pudor expugnaretur, quo tamen denique profligato, ille grauem sarcinam noxarum ab se eiecit, ad deinde protulit ex latebra Hæretici dogmatis scripta impia, quæ se in eam mentis caliginem induxissent. Matrona septem annos sterilis in coniugio post conceptum Beato Ignatio votum liberis donata est.

E nostris Sacerdotes duo mortis falce fuere demessi anno posteriore, ac vt credimus in horreū cæleste transportati. Pater Iacobus le Preuost, Parisiensis, quattuor Vota professus, quintum supra sexagesimum agens animum, vir egregius sui corporis domitor, & spectatissimæ planè cum domi tum foris ædificationis. Is lustrata olim magna ex parte orientali plaga, & ex ea magno desiderio terræ viuentium contemplandæ aduecto, nostram Societatem amplexus erat, in qua Superioris, Concionatoris, & Theologi Doctoris munera sanctè obiit, quæ sancta etiam conclusit morte; cuius in morbo nullum doloris signum edidit, nihil omnino postulauit, præter breniarium, cuius ad preces exsoluendas, vt valenti sic ægroto summa & perpetua sollicitudo fuit. Pater Ioannes la

Com

Cambe Aruernus diuturna consumptus tabe animum Deo reddidit, qui ut erat ad Humaniores artes in primis eruditus, & per alias versatus scientias, multa promittebat, si eius ingenio firma valetudo respondisset. Cum valeret, ita æternitatis consideratione mouebatur, ut hac cogitatione defixus somnum capere non posset. Alicubi, extra urbem, formata & adulta iam in quattuordecim hominum pectoribus Hæretica pestis extincta est.

CADVRCENSE COLLEGIVM.

OBIIT Pater Guillelmus Roquanus, in quo mirabilis virtus, & comitas, omnium approbatione planè singularis elucebat. Decē à Calviniano veneno exempti. Altero anno Pater Ludovicus Tatoatus, Procurator Collegij, vir pius, & eximiè mansuetus, ex vndecim Sociis, qui grauissimè decubuerint, vnus vita excessit. In communi totius ciuitatis calamitate, sibi sumserunt duo Sacerdotes obeundam quotidie vniuersam urbem, regionibus partitam, qua in procuratione utilissimam ciuibz operam nauarunt, iuuandis ægrotis omni ope, ut eo nomine publicè grates agerentur Præsidi nostro Prouinciali. Adolescens, anno superiore, valetudine ad desperationem infirmissima, ad Beatum Ignatium confugiens, periculo defunctus fuerat. Hic parem ab eo gratiam hoc anno recepit; nam prima nocte, qua febris iactari coepit, visum sibi ait non dormienti Beatum Ignatium

propius accedere, ac bono esse animo præcipere, ab ista febre non moriturum. Morbus tamen ingrauescebat, iamque de ipsius salute medicus desperarat; ipse contra præsentī semper animo non moriturum affirmabat. Nec eum fefellit animus, nam post diurnum lectum, diramque membrorum carnificinam, pristinas vires recuperavit. Seniorum Sodalitas coaluit ex quadraginta primū honoratis viris, Episcopo, nostri amantissimo, ad Præfecturam delecto, Assessoribus ei destinatis Archidiacono, & Cancellario. Præsciendæ autem omnis ambitus materiæ, cum ex omnium sententia decerneretur, ut nullo discrimine servato primæ sedes occupantium essent, ipse Episcopus sua sponte ad ima subsellia se demisit, sed intercessit omnis conventus, & inuitum adegit, ut seorsum in principe loco sederet, ut qui ea lege non teneretur. Tam multa nihilominus summæ demissionis argumenta edere captareque perseveravit, ut stupori esset Sodalibus, quo in genere viri principes cæteri eius vestigia studiosè affectati sunt. Hæretici decem & novem conceptam à primâ ætate prauitatem Hugonotici dogmatis eiurarunt.

RVTHENENSE COLLEGIVM,

& Albenacensis Sedes.

RVTHENIS Calviniani septem execrantes
Hæresin amplexi sunt Catholicam Fidē prio-
re anno, posteriore verò quattuordecim. Cuiusdam
è nostris

è nostris salus à medicis desperata fuerat , pro cuius prospera valetudine Pater Rector in Magnæ Matris ara salutare sacrificium obtulit, votoque Anicianæ Virgini ægrum obstrinxit, si periculo emergeret, isque post paullo emerfit, cuius sanationem miraculo affinem medicus asseruit. Primarius Ruthenensium Consul, eloquentia & prudentia Iuris clarissimus vir, ilium cruciatus periculosè torquebatur, vixque certas pecunias Beato Ignatio, temploque nostro vouerat, cum sensit tormenta remitti, nec ita multò post in eodem templo, ad participanda suo more Sacra, incolumis est visus.

Albenacensis Familia summittit operarios toti Vinariensi Prouinciæ, quam nostri obeuntes pedibus, humaniter accipiuntur vel ab ipsis Hæreticis, quos afficiunt illæ pedestres sine apparatu & cultu expeditiones. Vnius è nostris opera Dominicanis Patribus instauratum ab indigenis deiectum olim templum, magna Patrum illorum approbatione, ac significatione beneuolentiæ. Religiosæ professionis homo inter viam cœpit rixari cum comite, & abiecto cucullo ab eo discedere ad Hæreticos voluit, & contumax euicit, vt abiret ad eiusdem Ordinis desertorem, vxore iam & liberis præpediturum. Cum non procul hoc ille diuertisset, euocatur, & clam adhibetur ad colloquium, sed alia omnia auditurus, quàm cogitauerat. Nam verus ille transfuga, insanum ait cum esse, qui hanc defectio- nis viam ineat; nescire quas in pedicas se induat, qui sibi vxorem quærat, vnde liberorum grauem familiam debeat expectare : omnium malorum sentinam

sentinam esse Hæresin; desciscat à proposito dum ei sunt omnia integra: miserrimum se qui loquatur esse omnium mortalium, quòd magis loqui verbo quàm exemplo possit, atque utinam, inquit, mihi iam ut sana sunt consilia, ita liberum esset institutum, ostenderem quàm stultum sit, quod ambo tentauimus. Potens ea fuit machina, ut defectionem ingresso reditus ad sua castra suaderetur. Euocatur vnus è nostris, qui emendicatis pecuniis, & idonea veste instructum hominem Episcopo sisteret, à quo in suum Claustrum remitteretur, vbi nunc veterem noxam ardentibus pietatis studiis detergit. Anno posteriore triginta Hæreticos afflante opem Deo ad veram fidem adduximus.

T O L O S A N A P R O B A T I O N I S

Domus.

TOLOSANI Senatoris filius iniens Societatem, ius ei attribuit Ecclesiastici prædij apud Cevennos montes, quo ipse antea fruebatur. Eò missus Sacerdos cum esset, apprehendit indignas Sacerdotes impatientia vexationis Calvinianæ tota pænè regione cessisse; Catholicos in omnibus Ministello promiscuè cum Hæreticis uti pro Parocho; à quo ut auellerentur, ipse Parochi partes omnes necessario instituit obire; ideoque præter cætera, mortuorum efferre cadauera, suis ipse manibus humare, ac eius generis omnia multo labore exsequi, sed vberi Catholici dogmatis compen

compendio. Paucis diebus rei bene gerendæ assiduitas & fama etiam apud Hæreticos auctoritatem ei parauit, vt eius opera libenter vterentur. Certè mulier Calviniana ipso Pentecostes die, sub vespere, ad eum simplici animo fidentique adit, & obsecrat, vt illa ipsa hora Missam Deo ne grauetur offerre pro salute filij grauiter decumbētis. Pater mirabatur mulierē tam ignaram moris Ecclesię, sed vt accepit Hæreticam esse, opportunè retulit, facturum se quod illa peteret, nisi sciret, non facile rem ex voto cessuram, nam matris Hæreticę perfidiam filij licet innocentis sanitati officere; ideo esset ipsa Fidei Catholicę morigera, precibusque orantis Deū non defuturum. Hæsit aliquantulum eo responso perculsa, sed manus paullò post dedit, & execrata Hæresin, noxis expiata, Sacrę mensę admota est; deinde, nostro sacrum faciente, incolumem filium cum singulari voluptate animi recepit: inde puer ac tota familia Fidem amplexa est. Distribuerat noster Agnos cereos, interque cæteras eorum dotes, commemorat vim parientibus salutiferam; & accidit per eos dies mulierem Calvinianam partus doloribus duos iam dies horribiliter cruciari, cui adesset Catholicus sacro Agno instructus, qui memor dictorum Patris enunciauit adstantibus, habere se præsentē eius morbi medicinam, si puerpera esset ritus Catholici. Nihilominus post multa euincunt ac pænè inuitum adigunt, vt amuletum adhibeat, quod vt patientis collo appendit, euestigio ea feliciter peperit. Cauerat in sponsione Catholicus vt puerperę fetus ritu Romano lustraretur ab Sacerdote,

cerdote, quod haud repugnantes Calviniani parentes admiserunt. Arnaldus Boretus, in Tolosana Curia Senatoribus, antiquitate, splendore, integritate clarissimus, postquam Tolosano Collegio nostro annuos redditus fouendis Theologiae auditoribus attribuerat, eidem rustica prædia duo, urbanamque domum condonarat, & Tirocinio, præter cæteram liberalitatem, quaterna librarum millia, semetipsum quoque ipsi dicauit, anno decimo quarto huius sæculi, ætatis suæ quarto & quinquagesimo, & in hac domo velut vnus Tironum versatur.

PRO



PROVINCIA TOLETANA.



QUCCURAVIT hæc Prouincia Socios primum quingentos octoginta tres, deinde duodefexcentenos: biennio toto amisit de suis viginti quattuor, duodequingaginta sibi adsciuit ex candidatis aduenis.

TOLETANA PROFESSORVM DOMUS, & Collegium.

PERditis moribus homo vagabatur oppidatim, agentibus eum conscientiae stimulis, cui regiones cuiusdam vrbis otiosè lustranti cupiditas incessit visendæ Domus Hospitalis, in quam ingressus, vidit hominem morientem, accessit, & ad bene moriendum cœpit adiuuare. Aegrotus caligâtes oculos in ipsum immisit, protentaque manu designauit his verbis; *En Dæmonem, dæmonem, videte Cacodæmonem.* Qui præsentes aderant, insanire præ morbo ægrum existimarunt, nec deinde curarunt,

runt, quæ ab eo dicerentur. Ille homo nequam mente perculsus expectavit tantisper dum arbitri discederent, ac deinde solus cum ægroto cœpit loqui de rebus Diuinis, & arripiens imaginem Crucifixi, adorandam morienti proposuit. Ægrotus tamen animam ageret, viribus omnino destitutus, lecto insedit, illiusque hominis prehensa manu, ita dixit; Tunc verò sic audes coram tanto Deo apparere, eiusque nomen sanctissimum ore spurcissimo pronunciare, cum sis nefarius, & vitam agas sceleratissimam? Vide, quid agas, qui Deum grauitè offenderis; animum expia sacra Confessione, age pœnitentiam, nisi velis iratum Deum experiri. His dictis recubuit moribundus, & ut paulò antè, sic agebat animam. Perditus ille agnouit Diuinam bonitatem erga se, cum sic admoneretur: narrauit puero socio suo, quid sibi accidisset; addidit se velle antea acta peccata deflere, pœnitentiaque diluere; abiret proinde quò vellet; iurauit prætereà se neque comesturum neque bibiturum, nisi priùs apud Sacerdotem nostræ Societatis peccatorum sarcinam deponeret. Aberat à nobis leucas duodecim, neque tamen proptereà despondit animum, sed defessus venit ad nos, & quia meridie venerat, neque de ipsius ieiunio quidquam erat notum, iussus est ad vesperam expectare. Aperuit scelera lacrymabundus summo cum dolore, peractaque pœnitentia salutarè ad patriam rediit.

Ineunte Vere insequentis anni obiit Pater Gabriel Ordonnez, quatuor professus Vota, ætatis anno septuagesimo, quorù duos & quinquaginta egerat in

rat in Societate. Vir planè religiosus, qui cum summa laude quinque Collegiis præfuerat, ac deinceps ante annos triginta, in hanc Domum venit, in qua diligentissimum egit operarium. Cunctos ad se alliciebat hominis sanctitas, & inusitata prudentiæ fama, ut grauioris nihil priuatim aut publice gereretur eo inconsulto. Excursum viroque anno inrēmota oppida & pagos, missu Archiepiscopi, Concionibus & Confessionibus apud agrestem & maximè rudem plebem obeundis, quam longè studiosiorem sui muneris fecere largæ pecuniæ in egenos liberalitate Archiepiscopi per nostros distributa.

In Collegio sollemnia litterarum & pietatis curata sunt quàm diligentissimè.

COMPLVTENSE COLLEGIVM.

AD Tordelagunam, & vndecim finitimos populos, Missiones à nostris susceptæ iussu Cardinalis Toletani Archiepiscopi, ad eius largitiones diuidendas, & Iubilæum promulgandum. Alicubi principio non satis placidè accipiebantur nostri; sed utilitate Concionum Confessionumque perspecta, excitatum omnium studium ad eas participandas; ut vicinorum oppidorum Parochi ac Magistratus inuitatum ad se venirent, etiam cum lacrymis, & vno die pleræque huiusmodi legationes aliquando exceptæ sunt. Aduentantibus nostris in oppida & vicos, plebes occurrebant conuertissimæ, in genua interdum prouolutæ, ac cymbalorum pulsu lætitiæ præferentes. Instituta ubi-

que à nostris Sodalitas Seruorum Beatæ Mariæ, cum consuetudine confitendi & communicandi singulis mensibus, & quidem tam feliciter, vt Monachorum, & ex Nobilitate plerique adscribi se in eos cœtus cupidè postularent. Mulieres tres erga Dei Matrem religiosè affectæ, illius ope præsentis exitio subtractæ sunt, quod ipsæ sibi desperatione consciuerant, duæ hausto veneno, vna earum item voluntario suspendio, & tertia lapsu in puteum. Instituta item altera Missio ad quattuordecim alios populos, eiusdem Cardinalis auctoritate, parique aduersus egentes munificentia. Quacumque hora diei oppida inirent nostri, coacto in ædem populo, legationis ratio exponebatur, & vulgò accidebat tam grata, vt Concionibus, Catechetibus, & cæteris exercitationibus adessent perpetuò frequentissimi oppidani. Excitati Parochi ad studium vsurpandæ Catechesis in suis templis per dies Festos, & eius vsum amplexi sunt plerique cupidissimè, vt fuerit Parochorum vnus, qui, publicè apud suam plebem nuncupato Voto, eius tradendæ necessitate sese deuinxerit in singulos Dominicos dies. Earum Missionum opera in consequentem annum continuata, fructus omni opinione maiores attulit.

ALTERO anno decessit Pater Bartolomæus N. huius Collegij Rector, sexaginta sex annos natus, de cuius virtutibus tacere præstat, quàm pauca dicere, præsertim cū sit vniversæ Societati cognitus. Litteratissimus fuit, Abulæ cursum Philosophiæ prælegit, Theologiæ Vallisolexi ac Neapoli, vbi res nostras apud Proreges magnopere iuuit, maximè apud

mè apud Ducem Ossunæ, cui fuit à Cōfessionibus. Bæticam Prouincialis administravit, inde Patri Generali Assessor, ac postmodum huius Prouinciæ Præsides, omnium Socjorum animos vehementer sibi deuinxit. Neque minorem laudem Madritij obediendo inter priuatos eius Familiæ Socjos, quam Prouinciali iure præsidendo est consecutus. Decem & octo menses præfuit huic Collegio, multis imbecillæ valetudinis pressus incommodis, vbi copiosos virtutum thesauros patientia egregia tolerandi patefecit. Eius funus omnes Religiosæ Familiæ, Academia tota, Nobilitas, & plebs, sua cohonestarunt præsentia. Officiū Missæ fecit Prior calceatorum Carmelitarum, eique ministrarunt Theologiæ lectores duo. Frater quoque Ioannes Merchante defunctus est, qui tertium annum operam dabat addiscendæ Theologiæ, annos natus viginti septem, de quibus septem in Societate vixit. Hic ingenio valuit, gradumque primum in litterariis licentiis assecutus erat, sed hæc omnia pro nihilo habuit, vt Christum in Societate lucrificeret. In hecticam febrem cum incidisset, decreto Medicorum ad patrij cæli amœnitatem hauriendam remissus est perinuitus, affirmavitque se properare ad certissimam mortem, enixeq; petiit & obtinuit vetustam sotanam, & detritam, in qua sepeliretur. Itaque longo morbo diutissime dispositus, gratias Deo agens maximas, quod in Societate moreretur, obdormiuit in Domino.

MADRIDIANVM COLLEGIVM.

Amplius millenos Discipulos censemus in nostro Gymnasio, & eos pietati egregiè addictos, quorum plus sexaginta Religiosam vitam inierunt. Seniorum Sodalitas una, quæ civibus constat, millenos Sodales numerat; altera quæ Sacerdotum est, centenis & quinquagenis continetur, quorum omnium vita est exemplo virtutum insignis. Obiit Pater Ioannes de Cetina, quattuor Votorum Professus, annos natus septuaginta, cum ageret in Societate quartum & quadragesimum, quibus totis ministerium audiendi Confessiones exercuit, quo munere perfunctus est egregiè Romæ, in Hispania, Sicilia, & locis aliis. Sex totas horas quotidie dabat manè audiendis pœnitentibus, paullòque minus à meridie, cuius assiduæ occupationes de somno & recreatione quotidie detraherent non parum, ut recitandis sacris precibus satisfaceret.

Posteriore anno sexaginta quattuor ex Gymnasij nostri alumni in diuersa concessere Monasteria. Rex Calendis Ianuariis Sacra obiuit apud nos, amoris summa testificatione in nostrum Ordinem. Sex Sacerdotes missi ad oppida & pagos concionaturi, ac diuisuri magnam pecuniæ vim munere Cardinalis Archiepiscopi, quarum Missionum nomine studij & gratiarum plenissimas litteras Cardinalis ad Prouincialem dedit, voluitque nunciari Patribus vniuersis earum Missionum fructum sibi iucun

lucūdiſſimū accidiffe. Obiit Pater Ioannes Baptiſta Paciecus, annorū ſexaginta quinque, quorum duos & quadraginta in Societate vixerat, Votorum quatuor Profeſſus, Miſſionum obeundarum ſtrenuus athleta. Tam raro ad eas talento erat præditus, vt quocumque veniret, omnem omnino ætatem & ſexum ad Confeſſionis ſtudium adduceret, etiam pauciſſimis ibi diebus futurus, cuius opera ex mutatione morū in oppidanis mox ſentiebatur. Confraternitates quas vbicumque inſtituit, poſt multos etiam annos, pietate, ac integritate morum vigent, vt eo ipſo die, quo cœperunt: Spartariam totam, quam Mancham vocant, percurrit, annos multos in Miſſionibus exegit, magno populi bono. Mortuus item eſt Pater Guillelmus Vachius, Hibernus, qui Salmanticam venerat, vt ſuæ gentis negotia quædam ageret; cuius de virtutibus Salmanticenſes præclara quæque poſſunt recensere: nos affirmare poſſumus, quamdiu hîc fuit, & domeſticis & extraneis virtutum omnium exemplis præluſſe.

MVRCIANVM COLLEGIVM.

L A T R O quidam inſignis, vt ſe periculo eriperet, accuſauit Nobilis familiæ adoleſcentem, qui torquendus cū eſſet, reiecta res eſt à Prætorè in diem tertium, cō quod eſſet peruigiliū Aſſumptionis Beatæ Virginis. Adoleſcentis mater rogauit Sodales Congregationis, vt cū Sacro adeſſent

communicaturi, filij causam Deiparæ commendarunt. Res mira; necdum omnes Sodales sacram Eucharistiā acceperant, cum latro ille festinè iudicem aduocauit, ad eius gēna supplex se abiecit, suum confessus esse crimē, & illius adolescentis protestatus innocentiam. Ita adolescens ereptus ē carcerē, magno ciuitatis applausu, enixè petiit, vt in Sodalium cœtum adscriberetur perpetuus Beatæ Virginis famulus futurus.

Insequēte anno, cum Ricotenses Mauri exigērentur ex Hispania, duo de nostris eō missi sunt, qui calamitosi solatium afferrent. Adhibitis aliquot edicōnibus excitati sunt ad expianda peccata eō etientī, vt nemo de totā multitudine abierit sine Confessione, adulti verò omnes Eucharistia passi sint. Manēuit hæc quoque utilitas ad classiarios milites, & ipsos Saracēnos captiuos, ex quibus cœperunt bene affici ad Christi fidem, nonnulli etiam baptizati. Obiit Frater Franciscus de Espinosa, Coadiutor Formatus, annos natus quinquaginta, ē quibus in Societate viginti egerat. Obseruantissimus fuit silentij, obedientiæque deditissimus, vt nunquam auditus sit de Superioribus conqueri, etiam si quid asperum iuberetur: nequē de Officialibus, tametsi necessaria sibi decissent. Vltimam egritudinem satis molestam trēs ferē annos patientissimè tulit. Alij quoque duo Fratres Nouitij decessere, qui Villaregio venērant, Hæctica febre correpti, vt patriam cæli temperiem experirentur. Illi tamen cum raro exemplo patientiæ, reliquarumque virtutum nos multum ædificauit.

*OROPESANVM, HVETENSE, CA-
rauacense, Belmontense, ac Placentinum
Collegia.*

OROPESA profecti duo de Sociis, rogatu Cardinalis Archiepiscopi Toletani, cum eleemosyna pauperibus diuidentia, in Pontem Archiepiscopi, quod est oppidum satis celebre: & primò quidem satis arduus fuit introitus, ut apud homines minùs affectos, & quia Parochus parum fauere videbatur Missioni. Vicit tamen difficultatem vis verbi Dei concionante nostro, & eò usque progressum est, ut manè sex horas totas oppor-teret adesse; ad audiendos pœnitentes, ac ferè totidem vespèri, præter tempus, quod dabatur Catechesi pueròrum & rudium. Itaque concursu ingenti ad nostros, populòque ad pietatem inflammato, Confessiones generales auditæ plurimæ, conciliationes gratiarum perpetratæ, quam utilissimè & frequentissimè. Ab cæteris item Collegiis frequentes obitæ Missiones & cum fructu, maximè Antistitum auctoritate, in suas diœceses studiosè delegantium aliquòt ex Patribus.

*SEGVRENSE, TALABRICENSE,
Cònchense, Almagrense Collegia.*

SEGVRÆ obiit Frater noster Antonius Ruizius, Coadiutor Formatus, triginta octo annos

natus, cum in Societate vixisset octonos denos, vir sane in officio Sacristæ multum exactus, & in agendo cum sæcularibus valdè modestus, ac circumspectus, omnibusque tam domesticis quàm externis prælucebat virtutis exemplo. In febrim Hæcticam incidit quam anno integro patientissimè sustinuit. Talabricæ duæ Missiones susceptæ iussu Cardinalis Archiepiscopi Toletani, cum elemosyna, quam ipsius nomine nostri distribuerent, Iubilæo pronunciato, populi summo ardore ad Confessionem accurrerunt; Concheneses nostri eadem ex causa destinati ab eodem Cardinali, septemdecim oppida ingenti bono indigenarum lustrarunt. Eodem quoque genere vtilium excursionum nostri Almagrèles missu eiusdem Cardinalis feliciter occupati sunt. Talabricensium Sociorum vni dum versatur in pagana Missionè, accidit quiddà singulare. In via ei occurrit indigena gratulabundus, quòd Sacerdotem de nostra Societate cerneret, & significauit suam vxorem, graui morbo decumbentem, toto manè instituisse, vt Pater aliquis de Societate Iesu vocaretur. Ingressus noster hominis tuguriolum, feminam inuenit humi cubantem sub lodice, quattuor iam menses in eo situ exigentem, apostematistoto corpore refertam, & membris contractam, sed celestibus consolationibus plenissimam. Viso Sacerdote exsultauit, suprà quam credi potest, & lacrymans Deo Sacerdotique gratias agebat. Assedit Pater in patri scabello, cui illa dixit; Nocte superiore se vidisse Angelorum Reginam, calitibus comitatam, quæ sibi tota nocte ad auro-
ram

ram vsque adstiterat, in eo ipso scabello, in quo Sacerdos sedebat. Affirmabat autē non fuisse somniū illud, quia satis aduerterat se vigilare, ac recordabatur omnium, quæ Beata Virgo dixisset: nimirum collaudare mulieris deuotionem, quòd singulis diebus recitasset rosarium, Confessionem frequentasset, & sacram Synaxin, labores sustinuisset patienter, ac tandem monuisse, vt cum aliquò de Societate rem certā tractaret, cuius in Confessione oblita esset annis superioribus. Perseueraret porro in sua deuotione, seque apud Iesum filium ei patronam futuram: inter quæ verba cū ægra cōplecti præ amore Dei Matrem cupiuisset, ipsa Virgo derepentē sublimis abiisser in cælum, multa pompa eam comitante. Pater perfecit, vt in Nosodochium delata mulier sedulò curaretur, quæ deinde conualuit, erga Dei Matrem deuotissima, & multum erga Societatem nostram. Veram fuisse visionem apparet ex eius vitæ innocentia, & eximio animi candore.

SANCTI CLEMENTIS, ET ALMONACIRIA Sedes.

MISSI duo Sacerdotes in oppidum Sanctum Clementem, excepti sunt amantissimè à Senatu, Populo, ac Parocho, cuius postulatu venerant, vt ageretur de instituendo Collegio, moxque ministeria Societatis exercere cæperunt fructuosissimè. Don Andreas Pacheco, Episcopus Conchen-

sis, excitauerat Parochum, vt id faceret; statim ergo atque rescivit aduentasse Patres, aduenit ipse quoque, & magno ardore de fundatione Collegij pertractauit. Parocho igitur iam pridem optanti persuasit, vt donationem faceret inter viuos prædij cuiusdam, ex quo plusquam tres mille aurei in annos singulos colliguntur. Senatui verò exposuit quanti ipsorum interesset, ne Societas ab oppido discederet: proinde animos caperent, & quisque liberaliter offerret, quo nostri alerentur tantisper donec Parochus fundator moreretur. Ipse in primis Episcopus obtulit bis mille aureos, totamque materiam templo exstruendo necessariam: Parochus annuam tritici & vini satis amplam copiam. Senatus etiam de suo benignè contribuit, itaque accepta fundatione, Lucalibus apertæ sunt duæ scholæ Grammaticæ, ac lectio Casuum conscientiæ.

Doctor Ioannes Escudero, Almonacirij Parochus, sapius cogitauerat ex amplo patrimonio aliquid instituere perpetui, quod popularibus prodesset, terque confectis testamenti tabulis, varia in eam rem decreuerat, in quorum nullo eius animus acquiesceret deinde; sed anno septimo huius sæculi testamentum condidit, quod ratum postea esse voluit, ac septimo post anno mortuus obsignatum reliquit. Id ab Senatu & populo cum publicè inspiceretur, ingentem omnibus peperit admirationem, quod Societas hæres ex asse creabatur, ea lege, vt Almonacirij Collegium excitaretur, cuius rei ab eo numquam illata mentio fuisset, qui se austerum potius erga nostros semper ostenderet

deret, siquando ex occasione eò diuerterent. Ferunt eum viuentem legere consueuisse Librum de Missionibus Indiæ Orientalis, & Iaponis Insulis, quem Pater de-Gusman composuit, eaque lectione permotum, vt Collegij instituendi consilium caperet. Eo defuncto Magistratus missis literis admonuit Patrem Rectorem Collegij Complutensis huius testamenti, missique sunt Sacerdotes duo, qui auctoritate Senatus hæreditatem adirent, moxque exordium caperent munerum sollemnium Societatis in ea vrbe. Propinquorum defuncti animaduersæ sunt principio quædam à nobis abalienationes, quod exciderant hæreditatis expectatione; sed illis ipsis ita placere cœpit opera Sociorum, vt breui euanesceret omnis simulas; & fuerit ex eis, qui audita Patris nostri concione affirmaret, pluris sibi videri eam concionem, quam vniuersas Doctoris Escuderij possessiones. Plerique de oppidanis, post explicationem Catechesis, & sedulam puerorum in ea exercitationem, cum applausu exclamabant in hæc verba; Nunc apparet nos omnes Escuderij heredes fuisse, ad quos tantum boni ex eo peruenit. Præter frequentem Sacramentorum inductum usum, sublatam morum corruptelam, plerique de Clero, populo, & Sacris Virginibus; exculti sunt priuatis rerum Diuinarum meditationibus, summo omnium emolumento & gaudio.

VILLAREGIENSIS , ET MADRIDIANA probationis Domus.

VILLAREGIENSIS Domus Sacerdoti versâti apud Oretanos in Missione res accidit memoranda, quæ faciat ad Pœnitentiæ captandam omnem opportunitatem. Multa de nocte audiebat alicuius Confessionem , qui magna edidisset signa pœnitudinis ; quo defunctus munere Pater ad meditando sequentis diei concionem se collegerat. Cum fores ac fenestræ vndique essent clausæ , irrupit tamen ventus vehemens , qui Sacerdotis nostri vestem magna vi commoueret ; moxque insecta est vox valdè lugubris, quæ horribili gemitu, *Va*, tertidè iteravit. Qua voce consternatus primùm Sacerdos grauitèr , vbi animum receperat, adiurauit eum , à quo vox flebilis esset emissâ , & iussit edere , quis esset, & quid vellet. Tum ille; Tua nihil refert nosse , qui ego sim; aliò propero; sed huc in transcurso deductus sum , vt viderem quemadmodum iste pœnitentiæ locum nactus est , à quo ego excidi. Quæ res opportuno tempore pro suggestu narrata , vehementer concussit auditorum animos , neque vulgaris ex ea fructus perceptus est. Alio loco Monachus ex honorata familia culpam admiserat , cum graui multorum offensione, quo nomine publica illi erat inurenda , & acerba infamia ; sed elaborarunt nostri vt ea ipsi remissa, offensio tolleretur , ingenti populi totius latitia.

Quod

Quod officium fuit tam gratum illius Ordinis Superioribus , vt ea causa gratias numquam nobis agere desinant.

Madridiani Tirocinij alumnus , Ioannes Garcia Gallego , Nouitius , felicissimè obiit. Innocentissimè vixerat extra Societatem ad annum vicesimū ætatis interque cætera argumenta virtutis eximia , puerulus adhuc , voto se Castitatis adstrinxerat. Vixit in Tirocinio tres modò menses , sed quorum singula momenta religiosissimæ vitæ insignibus monumentis illustrauit.

D E C A S T E L L A N A Prouincia nihil venit in nostras manus.



PRO



PROVINCIA ARAGONIA.



TRECENTOS nonaginta septem Socios
anno priore, posteriore quadringentos &
quattuor censuimus in Familiis quattuor-
decim, de quibus recentes in Societatem venêre
toto biennio quadraginta quinque, dimissi ab So-
cietate septemdecim, viginti morte sublati.

*VALENTINA PROFESSA DOMVS,
& Collegium.*

DIEM suum obiit Pater Ferdinandus Alma-
raz, annos natus duodetriginta, postquam
magna æquitate animi aliquot annos morbū per-
pessus esset. Fuit amabili morum suauitate, animi-
que demissione iusto ardore temperata, ne in re-
missionem degenerasset nimiam; quo pacto mul-
torum sibi voluntates lucrabatur, & Deo. Principe
in æde Valentina magno ciuium concursu fructu-
que nostri conciones habuerunt, nec minore, bi-
nis

nis excursionibus in oppida varia. Setabin vocati sunt nostri, summo Cleri ac ciuium consensu, & pari vtrorumque bono, vnde rediit singularis omnium erga Societatem beneuolentia. Ibi noster à Patribus Dominicanis est adhibitus laudando Beato Thomæ Aquinati, eius natali die, ac prandio exceptus in ipsorum cœnaculo, deinde à prandio, cum sollempnis supplicatio esset, Cœnobiarcha ipse nostrum hominem, vel pertinaciter recusantem, compulit, vt locum in supplicatione quàm honorificentissimum occuparet, magna ciuitatis, quæ tota conuenerat, approbatione. In quattuor item alia oppida expeditiones susceptæ, Concionum & Catecheseon fruge quàm vberissima, vt alicubi fuerit, qui vnus concionis auditione decem & octo annorū pellicatus cōsuetudinem aboleuerit, eoque studio exarserit verbi diuini, vt vno die quinquaginta millia decurreret, ne sub vesp̄eram Concioni deesset. Valentina Seniorum Sodalitas hoc anno liberauit è carcere ac vinculis cētum & septuaginta captiuos, dissoluto ipsorum ære alieno. Oppida sedecim Valentia circumiecta nostri lustrarunt, prima de tribus missione. Eorum oppidorum in aliquo dissipatus erat rumor, tam austeram esse nostrorum in Confessionibus rationem, vt omnes oppidani eorum aditu abstinerēt. Venit autem vni ciuium in mentem explorandæ rei causa nostrum Sacerdotem adire, cum ab eo hilari vultu, & amoris magna significatione, de peccatis esset auditus, ac deinde palam, & clara voce professus, mentiri, qui contrā sentirent ac loquerentur, animum ad eundem cæteris

cæteris fecit omnibus, & mox illi rumores sunt dissipati. Aliquot locis viri ac puellæ, grauibus impliciti noxis, cùm adiissent ad nostros Confessionis gratia, senserunt sibi adstringi fauces, occulta vi Dæmonis scilicet, vt diu connitentes eloqui non possent, perstantes tamen in consilio expiandæ conscientiæ, tandem euicerunt, quod contendebant.

Collegium Valentinum, superiorum facultatum totius Prouinciæ Seminarium celeberrimum, litterarum, & pietatis exercitationibus floruit, vt cùm maximè, hoc toto biennio. Transierunt ex his litterariis castris in Religiosorum Cænobia egregiæ spei adolescentes: Sodalium verò se maximè probauit in omnibus, & in tuenda Castitate nominatim, cum magnis artibus appeteretur, etiam à principibus feminis: fuit autem ex hoc conuentu adolescens, qui afferret ad Præsidem Sodalitatis amatoriorum codicillorum magnam vim, manu primariæ mulieris ad se scriptam, flammis vstulandam. Misit hoc Collegium ad Superos vnum è nostris Theologiæ discipulis, egregiæ indolis & exempli, quo mirum quantum accenderet ad pietatem omnes, qui secum agebant. Alterum emisit quoque Coadiutorem Formatum, legum nostrarum valdè obseruantem, & laboris ita sitientem, vt ne recreationis quidem tempore de summa contentione quidquam remitteret.

GANDIENSE COLLEGIUM.

PATREM Franciscum Castillo, Gandiæ natum, hoc idem Gandiense Collegium cælo transmisit, quattuor Votorum Professum, ætatis anno quadragesimo quinto, Societatis aditæ vicesimo sexto: ætate quidem non maturum omnino, sed vitæ sanctimoniam, & laboribus pro salute animorum susceptis, bene maturum. Erat laboris indefessus, alienæ salutis sitientissimus, amantissimus excursionum nostrarum, quas cum ingenti proximorum fructu obibat. Reliquit apud externos magnum sui desiderium, & eximiam sanctitatis opinionem, ut plerique contenderent enixius eius reliquiarum aliquid sibi concedi.

ALTERO anno præsentem Beati Patris Nostri opem sensit vnus Fratrum, qui nono die, quàm eam ad ipsius sacellum implorauerat, pedem alterum fœdis vlceribus laucium, ut eo non vteretur, perfanatumprehendit. Quadriennio antè Madridi defunctum Ioannem Borgiam, Equitem præcellentibus virtutibus in Aula florentem, germanam sobolem & exemplum magni quondam Ducis Gandiensis, hoc anno huc transmissum, nostra in æde, magnificentissimo apparatu, condidimus. Lectissimam Conuictorum Familiam, ex principe Nobilitate Valentina & regni totius, pietatis & literarum disciplina hic informamus, euentu felicissimo. Prorex Valentinus, cum hac iter haberet, apud nos pernoctare voluit.

CÆSARAVGVSTANVM COL-
legium.

QVADRAGENARIÆ apud nos orationis celebritatem planè inusitatam ex eo sit facile deprehendi, quòd omnis omnino & Sacer & Profanus Magistratus, multis distinctus Decuriis, vno tempore interfuit, quod aliàs visum erat numquã, eiusmodi concursum studiosè declinantibus eorum singulis, propter sessionis prærogatiuam, quã, alij alio iure, singuli tamen sibi vindicant, cuius tamen nomine dissensionis nihil hoc conuentu intercessit. Seniorum Sodalitas centenos vinctos è carcere sua pecunia hoc anno exemit: opulentus mercator, huic propagandæ benignitati, millenos aureos Sodalitio legauit. Montereгиenses, quorum in agro luculentum nacti sumus prædium, vulgo commemorant, & cum multa grati animi significatione, Beati Patris Nostri meritis toti suo territorio concessam immunitatem à grandine & locustis, quibus erat infestissimum antè, quàm nobis in eo fuisset prædium; qua calamitate circumiectus vicinorum ager etiamnum, & grauiùs etiam, quàm olim, vexatur. Quodam in oppido ad singulare certamen nonnulli vocabantur, libellis in foro publicè affixis; prouocationem incendia sunt consecuta, iamque aliò cogitabant nonnulli, vexationibus ferèdis impares, neq; oppidi Satrapa excitatum tumultum poterat compescere. Eius tamen auctor incendij cum interfuisset nostrorum concionibus, pœnitentia

nitentia ductus, & se criminum suorum atrocitate, & populum sollicitudine liberauit. Exeunte anno Pater Antonius Hurtado, Baricus, duodetriginta natus annos obiit, dum magna cum laude Humanitatis litteris tradendis occupatur, vixdum studiorum omnium absoluto curriculo. Ludouicus item Sora, Cæsaraugustanus, vndenigesimo ætatis anno, magnæ spei adolescens, decessit.

S E C U N D O anno Patres duo peragrarunt oppida septemdecim huius diœcesis, quorum opera Sacramentis imbuti sunt oppidanorum plus dena millia vix toto trimestri, quo tempore priuatim & publicè omni ludorum genere, ac saltationum abstinebatur: auditæ sunt iis excursionibus generales Confessiones voluntariæ mille, ac quingentæ, præter has aliæ quingentæ omnino necessariæ.

BILBILITANVM COLLEGIVM.

M I G R A V I T A D Superos Pater Antonius Belloc, Valentinus, trium Votorum Professus, in Collegium Valentinum valdè beneficus, cum vixisset annos duos & sexaginta, in Societate viginti. Degerat ille priùs in matrimonio & honestè & splendidè, in Diuinis incedens mandatis sine querela: sed ad vltiorem Consiliorum perfectionem accitus, coniuge ad Virgines transeunte, se Christo, & rem suam, quæ annuorum sexcentorum erat aureorum, in eiusdem Societate donauit. Homo in deliciis habitus diu, ægrè dein-

de tulit inter nos , si quidpiam singulare videretur ipsi tribui , aut si mentio inferretur eorum , quæ Societati donauerat . In sola fuit animi demissione singularis ; nam exacto biennio Probationis , cum necesse haberet præcepta Grammaticæ repetere , ultroque Superiores deferrent , vt priuatim doceretur , maluit publicam nostrorum discipulorum scholam frequentare , vbi cum ipsis discipulis & Grammatica præcepta repetebat , & vicissim disputabat . Fuit ei perpetuus sermo de morte , ac eo quidem eius fructu , vt Sacrum facienti Deus instantis obitus diem denunciarit , quo ipso die complexus eū est affectus Apoplecticus , qui quadragesima hora ipsum exstingueret : quo in stupore liber ei relictus est linguæ vsus , vt ex eo auditum sit , singulari Dei beneficio sibi patere in cælos aditū . Lustrata oppida quædam summo incolarum bono vbi sopitæ grauissimæ seditiones , & ex cædibus ortæ inter oppidanorum summa capita , exitiales futuræ non paucis simultates .

Insequente anno mortuus est Michaël Valpicesta , Coadiutor rei familiaris , anno ætatis quinquagesimo secundo , & vicesimo quarto ab Societatis ingressu , in quo emicuit omnium virtutum decus , ac obedientiæ in primis studium singulare . Ianitoris & Aeditui munus obiit pari pietatis , & boni exempli laude , in quo cum suis partibus egregiè defunctus esset , suam operam Sociis liberaliter deferebat .

*TVRIASONENSE, OSCENSE, ET
Barcinonense Collegium.*

VNius è nostris, Quadragesima in primaria Oscensi æde concionâti, opera Mauritanus, Mahometanę sectę alumnus, ad Christianâ veritatē se conuertit, qui Baptismo deinde magno mortalium concursu initiatus, Diuinę vocationis beneficium prudenter expendens pietatem egregiē colit. Turiasonensis Sodalıs Marianus letali vulnere acceptus cū exiret è templo, id primū cavit per Sacerdotem nostrum, qui ad eius Confessionem accurrerat, vt omnes intellerent, se percussori condonare, quod & apud propinquos ratum esse voluit: neque caruit mercede illa mansuetudo, nam Deipara, cui erat cliens addictissimus, ei sanitatē, præter multorum spem, impetrauit. Barcinone quidam multos iam annos peccatum celabat in confessione, qui acceptam ore sacrilego Diuinâ Hostiam non potuit deglutire, vel adhibito frequenti aquę haustu, quo casu sui sceleris admonitus, accidit ad pedes Confessarij, expiatusque, dum Absolutionis formula pronuntiatur, fauces sibi mox dissolutas sensit, quę prius veluti duro laqueo stringebantur. Beati Patris Nostri patrocini adiutus quidam conualuit letali ex vulnere, cū eius salus iam esset palam conclamata. Gotthalanix Prorex dysenterico ex morbo periculosissimē laborabāt, & postulauit sibi afferri quidpiam reli-

quiarum ab eodem Patre, quibus admotis derepente sanatus est, neque se ingratum tanti beneficii præbuit, cuius magnitudinem deinde non desinebat prædicare.

Secundo anno viuere desiit Pater Melchior Miralles, Professus quattuor Votorum, anno ætatis quadragesimo tercio, Societatis initæ vicesimo quarto, indefessus operarius, Missionum in primis studiosus, frequens in Nosocomio, & Custodiis, capite damnatorum comes assiduus. Is excepta in carcere Confessione multarum horarum, non sine suspitione pestiferi halitus contracti, feбри ardenti paucis diebus est confectus. Petrus item Macipe Theologicæ scholæ auditor, annorum vicensimum quinum, & inter Socios nouem versatus, graui & molesto ex morbo occubuit, cuius patientia in eo tolerando mirificè se probauit omnibus. Ipso Circumcisionis die venit ad nos Illustrissimus Princeps Philibertus, festo corporis cultu, stipatus satellitibus & pedissequis purpuratis, magnaue Nobilium multitudine: quī, re Diuina peracta, vnus prandere voluit apud nos, in communi triclinio, exclusis ceteris omnibus, parato suis impensis lauto conuiuio.

GERVNDENSE COLLEGIVM.

PVER cū ageret animam, & à parente suo numeraretur in mortuis, accensa candela iacentis naribus applicita, extremum spiritum explorante, noster Sacerdos accurrit cum Beati Patris

tris chirographo. Is ubi pedem in moribundi cubiculum intulit, antè quàm sacra lipsana promeret, sensit morbus præsentem Ignatij manum: nam subito puer, stupentibus adstantibus, lecto exsiliens, Sanctumque Ignatium ingeminans, ad nostrum retè tetendit; & in lectum à suis coniectus, mox ex eo sanus descendit. Eius deinde mater, repentino confecta morbo, humi iacebat exanimis, rigentibus membris omnibus, marito extinctam eam conclamante, ubi rigor ille corporis aliquot horas perseverarat. Tum puer à Parente nostro sanatus haud ita pridem, matris calamitate permotus, procidit in genua, sublatisque in cælum manibus, hæc verba fidenter, constantique vultu iterabat: Sancte Ignati, ego volo ut matri meæ opem feras; age, Sancte, ego volo: quæ ingeminare diutius perseveravit. Annuit pueri tam ingenuæ precationi Beatus Ignatius, moxque matrem filio reddidit, qui ante matri filium restituerat. Virgo castitatis Deo servandæ studiosissima ægerrimè ferebat, sibi sponsum hominem destinari, quæ Christum legisset coniugem; quamobrem ipso Natali Beati Parentis Nostri, in eius sacello, post Diuinæ epulas, postulabat à Beato, ut sibi morbum impetraret, qui vel tuendæ Castitatis facultatem, vel mortem afferret; quæ ipsomet die morbum contraxit, ex quo brevi occubuit. In eius mortuæ mundo reperta sunt flagella multo cruore conspersa, quibus bis terve in hebdomade se acriter exciperet; adhæc gemina vestis cilicina, & earum una rigida admodum, quam indueret sollemnium saltationum diebus.

Altera parte biennij Virgeliam missus Gabriël Baije, vt Humaniores litteras doceret, decubuit in via apud oppidum, & deinde occubuit. Ea fuit eius modestia, religio, & patientia, vt eum oppidani certatim viderent, animaduersaque ipsius omni actione, Sanctum vulgò appellarent, ita omniatim rapiebat animos, non ipsius tantum pietatis & sapientiae plenissima oratio, sed ex eius vultu emicans incensus quidam religionis, & Diuini amoris ardor. Renidenti ore, vt semper erat, & ad modestiam compositissimo, intuentes summopere oblectabat, accendebat autem studio rerum caelestium, quas ipsis oculis spirabat. Morti proximo oblata est Deipara, Caelitum frequentissimo septa comitatur, ac deinde Christus ipse, manibus texens corollam, quibus spectandis incredibiles animo iam prægustaret delicias. Certatum est p̃sa æmulatione Clerum inter atque Religiosos, vtri sepulturæ ipsius & exsequiarum ius obtinerent: sed vicit meritò eius hospes, vir primarius, apud quem decesserat, & Cœnobio Benedictino eum attribuit. Omnis Clerus atque Magistratus perhonorificè ipsius funus duxit, & rapuit sibi de ipsius vestibus quilibet, quod potuit. Rogati ab nostro Sacerdote num eorum bona ventâ nos eius ossa inde auferremus: negarunt præcisè cuiquam se condonâuros tam sacrum depositum, quando id sibi Deus commississet.

*VRGELITANVM, ET ILERDENSE
Collegium.*

VRgelix Concionatoris nostri dictione per-
moti plus quam viginti homines, grauium ini-
uriarum suarum condonationem voluntariam pu-
blicis tabulis consignatam esse voluerunt, vt se
persequendarum omni iure in posterum exfortes
esse testarentur, qui voluntatem nunc abiēcissent.
Eodem inter dicendum vehemētius efferuescente,
sublato in manus patientis Christi simulacro, mu-
lier, quæ triginta annos Ecclesiastico viro turpiter
cōsueuisset, fasis lacrymis, ductisque ab intimo pec-
tore suspiriis, à Deo culparum, & à populo veniam
præbitæ offensionis postulare cœpit. Eius factò ta-
tus in concione animorū motus erupit, vt vniuersus
populus exclamaret, se quoque grauium esse flagi-
tiorum reum, & alius iniuriarum gratiam hosti-
bus faceret, alius admissorum posceret veniam.
Defecta porro viribus mulier, humi decidit, velut
exanimis, nec se patiebatur erigi, quia diceret, se
Dei nunc factam, quæ fuisset Diaboli, Deo humi
operam nauare debere: cibum verò non admisit,
donec postera die legitimè esset expiata. Sacerdos
autem eius feminx concubinarius, sub vesperam
aduocatis publicè reliquis Sacerdotibus & Magi-
stratu, prouolutus in genua, Numini factus sup-
plex, antea vitæ pacem precatus est, & ab ad-
stantibus offensionum gratiam; ac deinde omni

præterita turpitudine Sacerdoti se præbuit expiandum. Diem suum Ilerdæ obiit Pater Ioannes Oliua, anno quinquagesimo primo ætatis, & duodecimo ex quo venit in Societatem, Spiritualis Coadiutor strenuus, qui octauo ante die obitum suum præ-nunciarat, cum bene valeret. Anno decimo quarto huius sæculi Sociis Ilerdensibus datus est aditus in nouas ædes, quò Eucharistiâ sollemni ritu intulit ipse Antistes, Magistratibus, & ciuiû Ordinibus vniuersis pompani cohonestantibus. Eodem anno Pater Cosmus Maîquez, Collegij Rector, ingenij ac virtutis præstans laudibus, extinctus est quinque dierum pleuritide. Mirificè consensit in omnibus eius voluntas cum Diuina voluntate, ac sub obitum maximè. Nam auditò pulsu campanæ, qua Patres vocabantur ad Sacram eius vnctionem, sublati in cælum manibus exclamauit, Te Deum laudamus.

*BALEARICVM, ET PERPINIA-
nense Collegia.*

IN Balearium maiore oppidum est Petra, quod in duas ruptum factiones ad exitium properabat, duobus oppidanis iam occisis, aliis non paucis malè multatis, pluribus fugitiuis, aliis in vincula coniectis. Pridie quàm eò venirent nostri alterû seditionis caput in templi asylum se receperat, vbi iam versabantur contrariæ factionis duo, vt iis, quod timebant vulgo, concurrentibus, redundatura huma

ra humano cruore sacra ædes putaretur. Noster Sacerdos in eadem æde concionatus nihil omisit & publicè & priuatim, quod valere videretur, ad conciliandam eorum gratiam, sed irrita opera. Igitur postridie inter concionem, in ipso dicendi ardore geminam caluariam humanam profert in medium, & quasi essent duo factionorum capita, eleganti idolopectia suum statum deslencia, lugubriter induxit, quantum malorum apud Inferos ex simultatibus excepiissent, quàm seuerus inibi Deus odiorum ultor esset. Quo spectaculo & lamento ingens animorum commotio in auditoribus facta est, quâ vt vehementiùs incitaret, Christi de cruce pendentis signum eduxit, atque factionum principes publicè appellâs, quàm humanissimè potest per Christum cruci affixum obtestatur, vt in concordiam se patiantur adduci; qua tandem oratione moliti nuper immiti pectore homines concedunt in mutuos amplexus, & horum exemplum mox cæteræ factionum manus reconciliatis animis ad osculū certatim decurrerunt. Illa verò ipsa die omnes ad nostri Sacerdotis genua prouoluti salutari Cōfessione sunt expiati, postridièque sacro pasti epulo, inter quam dapem, Christianæ amicitiae notam, & pacis effectricem, noster monuit sedulò vniuersos beneuolentiæ perpetuò fouendę. Eos oppidi Rector omnes conuiuio accepit eodem die, vbi mutuò & officiosè alij aliis ministrabant, eandemque mensæ communionem in suis postea domibus sæpius vsurparunt. Post eiusmodi argumenta reconciliatæ penitus gratiæ, noster Sacerdos vniuersos

fos secum duxit ad Proregem, cuius auctoritate pacificationis ratio publicè in tabulas est relata, renotatis apud ipsum instauratę beneuolentię omnibus argumentis, secundum quę Prorex omnium, quę in leges ac Principem commisissent, gratiam fecit humanissimè.

Posteriore anno in Balearibus obiit Dominicus Irlatte, Formatus Adiutor, Nannarræus, anno ætatis sexagesimo quarto, Societatis adeptę vndetricesimo. Humilitatem, paupertatem, obedientiam coluit ex animo vsque ad extremum diem, silentij tenacissimus, vbi res sermonem non exigeret, domandi corporis studiosissimus, cuius indices erāt inflicta humeris quotidie verbera. Magno cultu Deiparam profecutus, castitatis, & religionis erga res Diuinas egregiam laudem, ab ea promeruit. Tunetanus Maurus captus ab nostris, ex Insulariū consuetu cępit erga res Christianas affici, ac tanto magis cū reuersus in patriam suorū gentiliū barbaros mores cum Christianorū humanitate ac probitate conferret. Igitur hoc anno vectus prædatorio nauigio cum viginti quattuor sociis ad Balearicum littus, se deiecit in continentem, inque propinquam turrin confugit, suumque animum aperuit, vnde ad nos adductus, iam Fidei rudimenta capeffit ardentissimo Baptismi studio. Vitę sanctitate præstans femina, noctes solidas orationibus transigebat, in magna copia deliciarum cælestium, magna Cacodæmonis inuidia, qui eam hoc nomine grauissimè diuexaret. Oblatam igitur ab Sacerdote nostro imaginem Beati Patris Ignatij, cū fiducia

fiduciæ plena ad cellæ suæ parietem affixisset, omni molertia Dæmonis se sensit continuò liberam. Post annum verò, imagine refixa ad purgandum cubiculum, passa iterum est vexationes à Diabolo acerbissimas, donec requisitam cum cura imaginem parieti denuo alligasset.

TARRACONENSE TIROCINIVM.

EXCVRERE in duo oppida totidém Sacerdotes ex Tirocinio, quorum ex opera insignia emolumenta in oppidanos redierunt, ut instaurata morum probitate, ac in res Diuinas religione exaggerata vehementer, alia facies oppidorum cerneretur. Tironum vnus vrgentibus propinquis nobis ereptus, & in carcerem coniectus, ut ea vexatio excuteret Religiosæ vitæ studium, quod & simulauit se abiēcisse, ut imponeret cognatis, à quibus domum suam abductus, ac deinde missus in Academiam ad Iuris Ciuilis studia, mox ut sui cōpos factus est, ad nos reuolauit, iamque perseuerat singulari omnium approbatione & animi sui voluptate. Missi duo Patrum ad longinqua oppida, quò nondum Societas peruaferat, vbi primùm respondere oppidani eorum se opera nihil egere; mox verò cōsiliij factique sui pœnitentes ad se vltro ad miserunt. Omnes omnino ad Concionē Confessionemque accurrebant, etiã ipso ex aratro agricolæ, qui ante lucem ad templi fores nostris præstolarentur. Quasi ergo discussis tenebris lucem obortam
auidè

audè adspexerunt, cognita scelerate sui peccati, altè concepto Dei timore, odioque temerarij iurandi, execrationum, detractionis, quibus assueuerant. Quidam post obitam Confessionem, & sumtam Eucharistiam, dubitare cœpit an ritè fuisset expiatus, adhibuitque sibi Beatam Virginem, ut eius ope doceretur, si quid omisisset; cui per somnum indicata sunt ei certa quædam peccata, quæ iubebatur recolere apud Sacerdotem. Rediit ergo ad nos, ac multo cum fletu iterum confessus, animo deinceps acquieuit, egregiè memor accepti à Magna Matre beneficij.



PRO



PROVINCIA BÆTICA.



VNDEVICINTI domicilia, & Sociorum capita quingenta septuaginta septem anno priore numerauimus, ex iisque Sociis Sacerdotes centum nonaginta octo; Discipulos nonaginta; ducentos octoginta duos Coadiutores; Nouitios quattuor & septuaginta: anno autem posteriore Socios quingentos octoginta sex, Sacerdotes centum nonaginta sex: Discipulos centum quadraginta septem; Adiutores ducentos quadraginta unum. Nec admissorum nec mortuorum certus numerus perscribitur.

HISPALENSIS PROFESSA

Domus.

ANNO priore decessit Pater Aloisius Alcazar, Hispalensis, septuagenarius, Votorum quattuor Professor, eximium huius Prouinciæ lumen, ac Societatis vniuersæ decus, quem multæ ac exquisitæ

quisitæ ornabant litteræ, sed quatum esset in eo illud ornamentum longè splêdidissimum, quodd rem litterariam animi demissione sic obruebat, quasi eam non attigisse planè videretur; qua quoque arte vsus est cætero omni opprimendo decore, quo maximè claresceret. Absusæ eruditionis, & incomparabilis industriæ monumentum illud in Apocalypsin Ioannis, fuit eius multorum annorum fructuosissimus labor, & luculentissimum pretium operæ, cuius paucissima videlicet mandata typis folia, de quibus verò excepta est moribundi vox illa memorabilis: Gaudeo, inquit prius me animam, quàm illum meum codicem edere. Absolutam reliquit secundam huius operis partem, quam inscripsit Apocalyptrica, quodd. loca Scripturæ Sacræ contineat, quæ Apocalypseos obscuritati plenior lucem afferat. Integrum scilicet Canticorum Canticum, Psalmos complures, multa que alia Bibliorum capita complectitur hic commentarius, cui edendo diligens datur opera. Sed non ita hæc magna summi viri facinora, quàm maxima in eo homine sui despicientia. Erat certè popularis auræ ac humani plausus avidissimè, ac interdum perquàm faceret contemnens, despiciens ac illudens in quavis mole, vbi Diuinus honos appetebatur. De bonis, quæ nobis peperit Christus, alto quodam animi sensu frequens loquebatur, in quo, aut simili quopiam sermone, non sibi à lacrymis temperaret. Prosecuta est hæc ciuitas eius mortem eximio doloris sensu; ad funus hominis Religiosi conuenerunt sua sponte variarū Familiarum plerique, multi

etiam

etiam de Clero , & maximo templo nominatim , & honoratiores quidem , alij alijs per intervalla succedentes effere hunc cadauere. Expeditiones menstruæ susceptæ ad aliquot oppida, ubi opera ingens , sed optimè collocata , cùm admotis vehementissimè ad auditorum animos dicendi facibus , continuò à concione certatim se abiicerent ad Sacerdotum nostrorum pedes Confessionis gratia ; & ij quidem homines , ac ijs de rebus, quibus explicandis fructuosissimè quivis labor adhiberetur. Inuitantibus ad se oppidanorum primariis quàm humanissimè officiosissimeque , diuerterunt tamen nostri ad Xenodochium , quò inferebantur esculenta & poculenta copiosissimè, unde nostri & ægrotis & vinctis bene facerent , & quidem abundantissimè.

Altero anno variis excursionibus ampliùs triginta oppida, & pleraque montana, lustrauimus incredibili oppidanorum bono. Sæpe contigit desertos montes obeuntibus nobis, ut diem vnum dimidiatumque aquæ nihil libaremus , tantum abest, ut cibo refici possemus: erat autem in summis deliciis panis ater ex alliato , si quando eius fieret copia. In pagos & oppida egentissimæ plebis cum ventum esset , dilabebantur alij aliò , ne si nos acciperent, cibum sufficere aduenis cogerentur ; postea verò quàm audierant nos utcumque viatico instructos, non futuros eis graues impenfarum nomine ; tum vndique concurrere in templa, & occasione sua bene uti. Fuere non pauci, quos vel noxarum urgeret pondus , vel metus ne multitudine prohiberentur

à Confessario , ideoque palam omnibus sua peccata vulgarent, vt ea necessitate adigeremur ad absolutionem eis impertiendam. Neque potuere ab hoc instituto abduci , etiam grauium virorum suasionibus , quod assererent, malle se apud mortales estimationis iacturam facere , quàm ea tuenda non expiari suis flagitiis, & æternis ignibus addici. Qui superiore anno in Fortunatas Insulas excurrerunt, dum Superiorum iussu reditum parant , ab Insularibus præ amore sunt ita reuersione interdicti , vt flagella in baiulos, si eorum vestes; ducetos aureos in quemlibet nauclerum, si nostros exportassent, Prætor edicto sanciret ; itaque iis interclusis manendi Prouincialis fecit potestatem. Quare Lanzasotem, & Fortem-venturam, quæ solæ de septem Insulis supererant , lustrare sunt aggressi. Hæ duæ sunt Fortunaturum littori Africano propinquissimæ, vt duodecim non plùs horis transfretetur: sunt tamen egentissimæ , vt quæ pluuiæ vix vnumquam imbuantur. Vna sola planities est arenosa , quæ, si opportunus affluerit imber , quinquagesimum , ac centesimum etiam referat suis aratoribus. Extra tritici, hordei , cæterique frumenti culmos , in Lanzasote vix aliam stirpem, aut arbusculæ stipitem deprehendas. Quadraginta amplius passuum millia in longum porrigitur , in latum decem millia , & eò magis, vbi ficum vnā dumtaxat, puteo pæne immerfam, obseruare licuit. Fortis-ventura Fortunaturum maxima, longa est octoginta millibus, lata viginti, & eò amplius , pauculis hortis confita, aquis plurimum falsis vtitur , alendis gregibus maximè

ximè idonea. Incolæ sunt indigenæ partim, partim Africani aduenæ, Christiani omnes; indigenis ferriè omnibus intercedit sanguinis cognatio cuiusmodi, quæ matrimonia prohibeat, nisi Ecclesiæ soluantur legibus, aut Afris Neophytis copulentur, quod genus affinitatis exhorrent. Destituti sunt pæne omni procuratore, ut vix quarto quoque anno contionatorem audiant, & vnico quidem in templo tota ea Insula, quod olim Beatus Diego suis propemodum manibus integrum exædificauit; quo ex templo exspirare videtur adhuc nescio quid cælestis suauitatis, cuius illecebra in ea gente sensus pietatis fouetur. Qui ab templo absunt, manipulatim incolunt montes vallesque in summa rerum omnium inopia, ut vix decenti amictu tegantur, cuius penuriæ verecundia templo & Sacris plerumque abstinent, alij verò viæ longitudine, quæ viginti millium est in plerisque locis. Hanc siluam tam horridam aggressuri duo de nostris, duobus aliis in Canaria versantibus, dum Fortem-venturam occupare tentant, ea nebulis excipitur, perque imprudentiam nautarum ad Lanzerotæ littus appelluntur. Ibi dum onerariæ duæ se parant ad nauigandum, omnes Epibatæ expiantur: inde, tota lustrata Insula, in Fortem-venturam traiciunt, eamque vniuersam percurrunt. In multa ignorantia Christiani officij, & tanta destitutione subsidiorum, facilè sit conicere quàm locuples materia exercendæ industriæ nobis sit oblata, insularibus certè rem suam nauiter gerentibus, ut ne breui discessuris nostris excluderentur Sacro-

rum opportunitate; quibus deinde abeuntibus omnium indigenarum fletus sunt consecuti. Inde traiecere in Canariam, vbi Natalem Beati Patris Nostri celebrarunt incolæ apparatus ac frequentia Confessionū, quanta in maximis Hispaniæ urbibus posset expectari. Ad hunc modum perlustrandis septem Fortunatis Insulis, res indigenarum ea felicitate procurata est, vt vulgo dictarent, suas Insulas eo nomine verè dici posse Fortunatas. Pater Stephanus De Hogeda per illud tempus è viuis excessit in Professā Domo Hispalensi, cui vita obtigerat in Societate annorum duorum & quadraginta, septuagesimum & sextum nato cum mortuus est inter Professos Votorum quattuor. Cum adiit Societatem, eo nomine in Salmanticensi Academia erat, vt ad summos magistratus apertum iam sibi videret aditum; cuius auctoritatem & exemplū secuti plerique Academicorū, in nostram militiam se adscribendos dedere. Professus annos aliquot Theologiam, mox deinde ad regendum adhibitus, reliqua fere vita in eo munere summa cum laude versatus, eximiæ prudentiæ fama concitauit viros quosque principes in grauissimis negotiis ad suum consilium exquirendum. Vt tutandæ Societatis fuit perpetuò studiosissimus, ita eam defendit strenuissimè sua gratia, auctoritate, consilioque in rebus sæpenumero grauissimis. Comitatus, summissio-
ne, religione in Deum, Instituti sui obseruantia, orationis studio, asperitate victus, vestisque in paucis excelluit, vt meritò visus sit apud externos etiam clarere opinione sanctimonix.

*HISPALENSE COLLEGIVM,
Probationis Domus, & Anglicanum
Seminarium.*

SCHOLARVM nostrarum Discipulus, Hispalensis ciuis, Comitiali morbo laborabat infestissimè, cui Pater vnus de nostris cùm assèueraret habere se potentissimū ei malo pellendo amuletum, & euestigiò proneret æreum sigillum, effigie Parentis nostri cælatum, & acceptum puer religiosè oscularetur, repentè illo molestissimo affectu exsolutus est, iamque decem menses eo immunis perseuerat. Idem puer Quartana pridem pessimè habitus, eidem Sacerdoti aliquando occurrit, postulatque ecquod haberet aduersùs febrim præsidium. Quidni potest, inquit Pater, qui te absoluit Comitiali molestia, febrim quoque abigere, si quidè tu eadem Fide vales, qua rum valuisti? Excitauit in se Fidem puer vt potuit, & preces adhibuit Parèti Nostro, moxq; iussa Quartana excessit. Eius pueri amita, quinquaginta iam annos Comitiali vexata, vbi de puero sanato inaudiit, misit ad eundem Sacerdotem, qui exprimeret iconem, salutifera impressam effigie; quam misit Pater, sed, iussa muliere, rem Diuinam præmittere, tum malè affecto cordi admouere sigillum; quo appresso mox fugatus est vetustissimi morbi contumax affectus, iamque quattuor menses intactam relinquit mulierem.

Altera parte biennij vita functi duo; alter Scholaris, Gaspar de Velasco, cum ætatis annum vigesimum, Societatis quintum, Philosophiæ secundum perageret; alter Bartolomeus Gonzales, temporalis Adiutor Formatus, ætatis anno tricesimo quinto, Societatis decimo sexto, ambo Granatenses, disciplinæ Religiosæ studiosi ambo. Tirones admissi ad Probationem quadraginta duo. Ex Seminario duo Sacerdotes missi ad populares Anglos, in Fidei negotio studiosè iuvandos: duo item ex eis alumnis in Benedictinam Familiam commigrarunt. Ex Anglia porro tribus his annis Hispali venere alumni omnino sex & triginta, quibus tredecim eodem rediere ad Fidem propagandam: sed hoc postremo anno accepimus inde tredecim, septem eò dimisimus, qui operæ hic positæ pretium apud suos facerent. Habitæ sunt ab alumnis ad Britannos Hæreticos & Catholicos Adventu & Quadragesima conciones, & plerique reuocati sunt ab Hæresi ad Catholicam fidem.

C O R D V B E N S E , E T G R A N A T E N -
se Collegia.

PR O D I E R E duo Sacerdotes ad menstruam operam in celebri oppido ponendam, vbi aliàs institueramus Sodalitium ex oppidanis, cuius ea sunt incrementa iam & frequentia & pietatis, ut vno die Sacram Mensam adierint plus trecenteni Sodales. Anno secundo migravit è vita Pater Fermandus Rodriguez, Votorum quatuor Professus,
Lusita

Lusitanus, clarus quidem cæteris virtutibus, sed paupertate, meditandique vsu valdè conspicuus. Egerat multis annis concionatorem magno audientium fructu, quos quotidianis etiam sermonibus pietatē singulari conditis ita in Deum afficiebat, & sibi demerebatur, ut cum amarent, & venerarentur maximopere. Ad egentium excipiēdas Confessiones ferebatur ingenti ardore, in quibus Christum suspiceret veriùs ac suaviùs. Hic denique vir omnino magnus eximiam multarum virtutum decuriam purissimo flore virginittatis ad mortem usque coronauit, quam vitæ apprimè similem excepit valdè alacriter.

Granatæ valet ac viget quàm maximè ciuium pietas in Beatum Ignatium, quàm prodigia frequentia exaggerant non parum. Quemdam iliacus dolor vexabat acerbissimè, qui sibi visus est videre ac audire Beatum ita loquentem: Ades animo, nam tuo in me studio hunc à te dolorem statim abire Deo placitum est. Verba continuo sequitur sanitatis fides, quæ suspicionem somnij amoueret. Multa sanguinis copîa coëuntis ad fauces pueri vitam ita dubiam fecerat, ut desperarent medici; sed appensa collo ægroti Lipsana Beati Patris causam morbi morbumque ipsum momento discussere. Alius aciem oculorum tantum non amiserat, orat confidenter Beatum, quasi vnus de Familia, quòd Scholarum nostrarum esset alumnus, continuoque vinolum integrum recepit. In huius regni quadam vrbe viri primarij debebant procul ab vxoribus, inductis earum loco concubinis, & manabat res exē-

plo virorum dignitate præcellentium , nemoque serpenti malo medebatur , tametsi grauißima erat omnium offensio. Noster concionator scdum illud vlcus tam acriter agitandum sibi sumfit , dum factore permotus excitaretur aliquis , qui penitus excinderet. Egit itaque toties , tam vchementer , tam multis locis aduersùs eā gangrenam , vt ad supremum Consilium Regium deueniret fama , vnde mox missa est syngrapha ad Prætorem , vti concubinas exterminaret , quibus confestim exactis , gratulatum est publicè primatimque Sacerdoti nostro , cuius acri expostulatione illa pestis esset excisa. Excursum in summota viginti oppidula , quæ leuitas numquam viderant , rarò alios animorum procuratores , vbi operæ plurimum fuit in summa indigenarum ignorãtia , & peccandi consuetudine , sed acuebat animos nostris , viresque sufficiebat in rudi admodum plebe summum proficiendi studiũ , vbi admonita fuerat , quæ suarum essent partium , & procul quotidie accurrebant nũcij ex aliis oppidis longinquioribus , qui ad suos inuitarent , ad quos cum iter intenderetur , prodibant certatim obuiam primarij quique oppidanorum , suam nobis & sibi gratulantes faustitatem. Quodam in oppido passim iacebant , & exstinguebantur populari morbo , copia foetidi sanguinis obstruente fauces & strangulante ; quod in oppidum vt pedem nostri miserunt , nemo eorum qui iacerent periit , nemo eum affectum contraxit , vt mox tota regione vulgaretur , nos omnibus morbis facere medicinam , & reuera fecere sigilla Beati Patris , cæteraque huiusmodi.

M O N

MONTELLANVM, ET BAEZANVM
Collegia.

EXCESSIT è viuis Pater Alphonfus De Sina-
 nez, Latinæ linguæ Professor eximius, cuius
 singularis ea fuit virtus, vt cum ad superiores
 Disciplinas esset non parum idoneus, in quibus
 præclarum dederat sui specimen, cum & in alio
 genere posset plurimum, maluit multorum magno
 emolumento ei se totum dedere. Virtutis autem
 reliquæ vt erat studiosissimus, docendo instillabat
 suis Discipulis per litterarum suaues illecebras soli-
 da documenta omnis religionis. Quo in studio dū
 prouehitur ardentius, cupiditate communicandæ
 suis auditoribus doctrinæ accuratioris, præmaturū
 sibi obitum accersuit. Inuocari vocatique petrexi-
 mus Montella in propinquos summosque pagos
 & oppida, mirabili mutatione morum Conciones
 & Catecheses consequente, alicubi verò institu-
 tam rectè viuendi disciplinam Magistratus pœna
 fanciuit, vt qui nostris legibus mores non direxe-
 rit, plectatur, vt assuetudine rectè agendi virtus
 condiscatur. Secundo anno decessit Franciscus Fer-
 rer, sexagenarius, rei domesticæ Procurator egre-
 gius, cui muneri præfuit annos plus triginta, sin-
 gulari sollicitudine, ac magno virtutis exemplo.
 Coluit studiosissimè tranquillam in aduersis patiē-
 tiam, ac in diuturnis præsertim, molestisque mor-
 borum vexationibus: Feminarum allocutionem sic
 perpetuò vitauit, vt neminem admitteret, ac si quid

opus esset dicto, per interpretem id curaret.

Baëzanis Sociis sua vetus manet apud ciues, & vrbis accolae existimatio reuerentiaque, vt nihil operosi negotij cuiquam vel consultandum vel decidendum sumatur, cuius consultatio & arbitrium apud nos & per nos non transigatur. Nostra etiam opera multum est vsus Cardinalis Archiepiscopus Toletanus, suæ diœceseos obeundis oppidis & pagis, & diuidendis in egenos copiosis pecuniis, quarum excursionum vt laboriosissima fuit ratio, ita laboris seges amplissima latissimaque. Descendenti ex concione Sacerdoti nostro processit obuiam mulier, & enixè rogare institit, vt se mox audiret confitentē. Narrabat autem cum multo fletu gemituque se pridem somniare solere, sibi demerlæ in luto vnum de nostris funem porrigere, quo apprehenso ipsa emergat, sed multa conanti nihil succedere, quin altius mergi: se autem sæpe miratā, ac sapissimè quid sibi vellet somnium illud, capere nō potuisse, donec concionem Patris audierit. Nunc autem intelligere versatam se annos decem in luto iniquatissimæ cōsuetudinis, vnde sit eam educturus Pater. Aggressura deinde Confessionem, mox oppressa est velut torrente quodam lacrymarum, vt reiicienda fuerit in pomeridianum tempus, quo procurata est quā opportunitissimè. Degebant nostri die quodā in egentissimo oppidulo, vbi post multū laboris nihil eis cibi aderat, quo reficerentur: sed eodem tempore Diuina Prouidentia rem eorum sedulò procurabat. Nam in vicino pago vir probus & opulentus occulto instinctu sentiebat se vehementer

menter impelli ut nostris Patribus ferret clementia, quam iniquitatem ut assiduam esse aduertit, euestigio percutit, copiosamque annonam attulit Dei militibus, labore ac inedia exhaustis.

MARCENENSE, ET MALACENSE Collegia.

BEati Parentis Natalibus edita domi singulari arte simulacra, quibus illius res gestæ symbolico emblemate proponerentur, cogitandæ spectatoribus, magna ipsorum, vel voluptate animi, vel utilitate. Marcenæ contra laboratum seriò, ut quædam abolerentur, prauo inducta usu, quorum esset publicè ac priuatim exemplum perniciosum in primis. Sodalitium Sancti Spiritus ut numero frequentissimum, quadringentos enim & septuaginta Sodales excedit, ita rebus præclarè gerendis clarissimum, ciuitatique fructuosissimum esse perseuerat: nam quot eius Collegij capita, tot morum Censores in plebe sunt, ut nemini liceat iis consensu dicto aut facto delinquere, quin ex tempore Censoria nota, sed perquam suauiter & amica mul-
teretur.

Malacæ quattuor Hæretici, quorum duo annos triginta, duo non minùs quattuordecim, suos errores in animo fouerant, ab Sacerdote nostro, Anglo ad Catholicos traducti sunt. Nonnulli etiam ab impietate Mahumetana transiere ad Christianos. Altero anno Pater Guillelmus Ionsonius, Anglus,
Vota

Vota quattuor professus, decessit, vir omni virtute, ac religione in primis clarus, cuius caritas non ad Anglos solum, ac alienigenas, quos ex professo tractabat, sed ad indigenas etiam porrigebatur. Tredecim ipsos annos id munus obierat, magno cum nostrorum, tum externorum exemplo; quibus amoris pariter & admirationi erat, & eius cum Deo familiaritas, cui magnam dici partem tribuebat, in tractandis hominibus, faciendisque percurtionibus industria. Viger eius memoria non in animis solum Malacensium, quos arctè sibi deuinxerat, nec in Anglorum, quorum plurimos attraxerat ad fidem, sed in multis etiam congregationibus, quas variis in oppidis coëgit. Impetratum à nostris ut Indos viginti quinque, bello captos, Angli libertate donarent, nostrisque in Fide instituendos relinquerent.

*GADITANVM, ET XERIENSE,
ac Triguersenſe Collegia.*

GA D I B V S summa est habitatio aduenarum, commeatus aut commercij causa in portum perpetuò appellentium, ut eorum animis bene fieret, quæ nostra sedulitas felicem vsque eò exitum habuit, ut Hæreticis quoque nonnullis studiū cultusque Catholicæ Fidei sit persuasus. Vtroque autē anno susceptis in vicina & lōginqua oppida expeditionibus, nostræ operæ copiosis onustæ manipulis reuerterunt. Nostra in æde Xerienti colitur religio-

sistimè

liffimè ab indigenis Beata Virgo , quam de Papulo vocant , cuius fuæ religionis opimam plerumque referunt mercedem. Mulieris mammas teter exedebat cancer , quæ , à medicorum auxiliis prorsus destituta , confugit ad Beatæ Virginis præfidium: cuius lampadis oleo vnctam aciculam cancro ter fignum crucis exprimens admouet , statimque illius Fidei respondet euentus ; nam sese habere bene cœpit , paullisperque omnino nullo morbi vestigio manente sanata est. Puella in scalas delapsa caput atrociter labefactauerat , quæ à medicis & chirurgis pro mortua derelinquebatur ; accurritur ad eandem Virginem ; cùm igitur nocte caput sic malè habens medico oleo inungeretur , apparuit puella fequenti die , rei peritis stupore maximo attonitis , reddita omnino sanitati. Haud aliter accidit famulo assiduis febribus laboranti , & præ imbecillitate rationis experti , qui hoc ipso oleo perunctus conualuit.

Anno fequente Hispanienfis Classis in reditu ex India non procul Gadibus adiit præsentiffimum naufragij discrimen , vt iam naucleri salutem desperarent , quos noster Sacerdos ad Beati Ignatij opem implorandam adhortatus , protulit eius imaginem , quæ malo affigeretur. Mox circum eam omnes in genua prouoluti voto se adstringunt nudis pedibus adituros ad illius aram , fi se naufragio eximeret ; quo concepto deferuefcere primùm fluctus , mox fedari , & deinde amœniffima redire tranquillitas. Xerienfis noſtra Virgo fecit & hoc anno variis ægrotis medicinam ex eius lampade Sacro
perun

perun&is oleo. Apud Triguerienses Socios Beatus
 Parens Noster suam opem exposcentibus non pau-
 cis à Febrium vexatione quietem impertuit.

A S T I G I E N S E , C A Z O R L A N V M , E T
Vvedense Collegia.

EX Cazorlanis Sociis Pater Paullus De Villa
 alta feliciter cursum vitę, anno tricesimo quar-
 to ætatis, absoluit, Vota quattuor Professus, vitę
 quidem propter indolis bonitatem, quam admo-
 dum vtiliter ad Societatis referebat functiones,
 omnibus amabilis. Quemdam collectum multis
 annis scelerum pondus gravissimè premebat, dum
 exonerare cupit, molestia eum desperationis incur-
 sat cogitatio. Implorat ille Dei Matrem, interim
 grato sopore corripitur, videre sibi visus est Ange-
 lum, qui ad bene sperandum hortaretur, & ut adi-
 ret ad nostrum Collegium, erat autem advena, ubi
 apud Ministrum Collegij sarcinam deponeret. Tū
 expergiscitur cum pauore, sine mora venit ad nos,
 Ministrum offendit, eiꝛue magna sua voluptate
 patefacit omnem conscientiam. Vvedenses nostri
 vicina oppida obierunt cum singulari eorũ fru-
 ctu, sed præcipua excursio complexa est Obulcum,
 vetus oppidum, & bene frequens, cuius operæ
 maxima pars ad eius oppidi vniuersum Clerum
 pertinuit, cuius bene multi generali Confessio-
 ne lustrati sunt. Quod nossent in se non pauca nec
 leuia reprehendi, cupierunt eorũ mentionem

non inferri publicè, sed de iis haberi ad se simul coactos priuatas allocutiones; quæ ratio nostris visa est æquissima, quam & amplexi sunt magno Clericorum gaudio, & ipsorum ingenti emolumento. Altero deinde anno Cazorlensis Familiæ Sacerdos Illiturgim adiit exercendarum functionû nostrarum gratia, vbi tantò fructuosior nauata est opera, quòd Illiturgenses pridem sunt nostræ Societatis adsciscendæ studiosissimi.

*FREGENALENSE, GVADIGENSE,
Antiquariense, Accitanumque Collegia.*

FREGENALIM venerat flagitij perpetrâdi vir Nobilis ab sexagesimo inde millario, cùm vidit adeuntem ad se puellam, mira venustate & modestia insignem, quæ ipsum seuerè increpans, tristi vultu hæc diceret; Tunc istud sceleris, cùm, in foro tibi cognito, Patrem N. vnum de nostris appellabat, exhortantem audieris, audeas committere? Perterritus homo, & grauiter dolens conceptum à se facinus, cum magna celeritate ad nos venit imminente iam nocte, Sacerdotem eundem accersit, euentum aperiens ab eo summissè ac enixè petit, vt statim totius anteaetæ vitæ Confessionem suam audiat; res in crastinum differtur, vt opportuniùs curaretur, confessus est, ac deinceps homo in noua vitæ institutione, haud vulgari exemplo, perseuerat. Oppidi cuiusdam princeps femina, Gubernatoris vxor, Societatis haudquaquam
amans,

amans , incredibiles partus dolores triduo iam ferebat , cùm votum Sancto Francisco nuncupatum sui fetus eidem deuouendi per angustias instaurasset , nihilque promoueret , Beati tandem Parentis Ignatij effigiem à nobis petitam sibi applicans puerum incolumem edidit. Parens omnesque propinqui euentum admirati , Beatum Ignatium votiuus donis ornandum, eiusque nomine appellandum infantem decernunt. Antiquarienses Socij duos Agarenos , domi studiosè institutos , Christianis documentis Ecclesiæ lustrandos Baptismo tradiderunt. Sequenti anno Mahumetanæ sectæ terna capita iidem Socij Christo adiunxerunt. Apud Accitanos Sacerdotem eò impulit inopia & auaritia, vt se totum Dæmoni mancipandum offerret, si eius opera ducentos aureos acciperet. Dæmon ad hæc, cùm primùm Sacerdos per schedam sibi crit deuotus pecuniam numeraturum responderet. Stat fœderi Sacerdos , Dæmon verò accepta schedula , nec pecuniam soluit, nec ei visus est ampliùs. Ad hunc Sacerdotem , triennium iam Dæmoni adstrictum, accedit ignara Latinæ linguæ pia femina, eique rē vti gesta erat explanans Latinis verbis, suadet, vt ab eo statu receptum sibi quærat. Rei nouitate perculsus in nostrum se Collegium statim recepit, vbi, re tota vni ex Sociis patefacta, per totius antea actæ vitæ Confessionem animum expiauit.

MISSIO IN FORTVNATAS

Insulas.

SACERDOTES tres de Societate, assumpto Fratre vno Adiutore, in Fortunatas Insulas designatum ipsarum Episcopum, eius rogatu, sunt consecuti, qui anno huius sæculi decimo tertio ab Hispali soluentes, Aprili mense, die septimo in Canariam, Insularum maximam, ad eiusque Insulæ urbem principem Palmariã, à palmarum frequentia dictam, appulsi sunt. Numerantur Insulæ septem, Magna Canaria, Ferraria, Fortisventura, Gomera, Teneriffe, Palma, Lanzasotte, quarum situs is occurrit ex Hispania venientibus, vt prima omnium sit, quam postremam nominauimus, & vltima quam primã: cæteræ aut mediæ sint intes has duas, aut ad dextrum latus. Prouinciam lustrandarum Insularum ita sunt partiti Patres, vt qui cæteris præesset, in Canaria subsisteret cū Adiutore Fratre, reliqui duo sex alias insulas, aliam ex alia, obcundas susciperent. Ratio excolendæ Canariæ fuit, vt matutinæ vespertinæque conciones aut continuarentur, aut essent admodum frequentes, nec omitterentur pueriles Catecheses; certæ diei horæ tribuebantur grauium difficultatum explicandis nodis, cuiusmodi multa incidebant in vrbe principibus de Clero, Nobilitate, ac Foro, frequentissima: instituta recens Mariana Sodalitas, præceptis imbuebatur, quique in eam allegendi essent, comparabantur idoneis ad eius normam institutis: ea

verò cum paucis diebus centum & quinquaginta facta esset capitum, in quibus censeretur ipse summus Insularis Prouinciæ Prætor, omniumque Ordinum primarij plerique viri, non poterat ea procuratio nõ valdè occupatum habere Patrem. Principibus huiusmodi hominibus, quorum ex recta disciplina penderet publicæ rei status, affirmandæ solidiùs ipsorum religioni erga Deum, informandisque sanctiùs moribus, commentationes Diuinarum rerum tradere aggressus Pater, quòd res bellè procederet, eo contentiùs, & assiduitate maiore negotium vrgebat, cuius fructus vberius postea in multos funderentur. Muneribus porro quæ multa & ampla mitterentur penitus abstinuit noster, vt nec esculenti nec poculenti quidpiam vniquam admitteret. Lautius quiddam vir præpotens cum aliquando misisset, vitandæ offensionis gratia noluit remittere; sed nunciari iussit, vt eius bona venia, opsonium delicatius ferretur ad Nosodochiũ, quod libenter ille annuit, abstinentiam postri demeratus, quam deinde tota vrbe, multo cum præconio, euulgauit. Narrabant interea Patri Canarienses quamplurimi, se pridem ardentibus precibus, ieiunio, lacrymis, clementiam Numinis obtestatos, summitteret aliquem facturum pessimè affectis animis suis medicinam, quo cum tràquilla mente ac fidenter intima pectoris communicarent; fuere autem, qui sexaginta ipsos annos continentes, alij quinquaginta, triginta, viginti in eiusmodi votis transegerint; quorum facti compotes, incredibili lætitia Deo, Patribus, ac ipsis sibi gratulabantur,

labantur. Optimatum nonnullus admirandam mutationem morum in tota vna Insula obseruauerat, cuius rei mentio cum incideret, inusitatis exultabat gaudiis, & mera se prodigia vidisse multis cum lacrymis affirmabat. Is autem erat vulgo sermo in ore omnium, hætenus se nescisse quam essent Fortunatæ Insulæ, nunc verò se opera nostrorum, ingentibus suis commodis, eius appellationis didicisse rationem, experimentoque comprobasse. Vili sunt sæpenumero grandi natu, & canis venerandi senes, prouoluti ad nostrorum pedes, multo cum fletu & lacrymis, per Deum, & sacra quæque obtestantes, si salutem sitirent animorum, si laborum asperitatem in Dei causa consecrarentur, ne alibi Iaponios & Sinas, Peruanos & Brasilos, quam in Fortunatarum agro malè fortunato exquirerent: videre per Deum, ne nos vestra præsentia & cura destitutos coniiciatis in tristem illam omnium præsidiorum solitudinem, in qua tamdiu obtorpuimus; possumus de nobis hoc nobis polliceri, & vobis recipere, dum adieritis, facile nos leuioribus etiam noxis vacaturos, absentibus autem vobis sperare nihil possumus. Æthiopum ingens est numerus totis his Insulis, quorum pueritiâ Frater noster Catechesi cum imbuisset, habebat valdè docilem, & ad omne genus virtutis propensam, quam iubebat obuios Sacerdotes impensè venerari, & postulare ab eis osculandam manum, in quo ei simplex illa ætas parebat diligenter, cumque per illud officium ab nonnullis Ecclesiasticis parum urbanis pueri alapis caderentur,

tur, & magister præciperet alteram malam obuertere, obuertebant tranquillis animis magno stupore spectantium. Exstiterere in omni genere profligandi flagitij exempla pæne infinita, sed illustria nonnulla ponemus dumtaxat, vnde fiat coniectura cæterorum. De primaria Nobilitate vir perditissimis moribus, ad cæteram vitæ turpitudinem id adiecerat, vt repudiata vxore pellicem adscisceret, publicæque domi iam haberet multos annos, Episcopo, & cæteris proceribus annitentibus omni conatu, vt eum à flagitio & offensione deducerent, sed irrita omnium opera. Noster igitur hunc hominem omni officiorum genere ita sibi conciliat, multis vt hebdomadis mentionem non iniiceret concubinæ; quodam verò die sub vespèram, eum inducit secum in conuentum piorum hominū flagellis terga cadentium, in ipso autem verberum ardore, contenta voce Pater exclamat, Breuis vita, certa mors, æternum supplicium. Præterquam quòd immanis plagarum tergo incussarum crepitus audientis ferum licet animum emollierat, hortenda Patris vox, quam is deinde asseruit prætulisse sibi extremi iudicij ferale carmen, sic hominem conterruit, vt sui compos non esset. Adit ad eum postea Pater; iam apertè loquitur, hortatur ad Confessionem; facit optionē Sacerdotis quem maximè velit; dat ille manus, expiatur, exigit pellicem, coniugem recipit, viuit cum ea concordissimè, totus est in religiosarum actionum muneribus, Mulier obitinauerat animum non aperire flagitium in Confessione, & quidem iam ter vt desperata

sperata eius vita sacro inuncta oleo, atque ipso etiam sceleris conscio summittente ad eam Confessarium, cui mulieris crimen retexisset, quod ipsa obtegere institit præfractissimè. Intereà cniè supplex erat Dei Matri, vt eius opera mitteretur aliunde quispiam, minimè sibi notus, cui ea nihil esset celatura: quæ vt noùit nostros ad Insulas applicuisse nauem, ingeminauit preces, vt eos suum in oppidum Deus destinaret, quibus ed appulsis, vnum eorum mox adit, simul dolore, simul gaudio tota lacrymis colliquefcens, summóque studio animum Confessione procurat, nec deinde finem facit Beatæ Virginis benignitatem prædicare, quâ sibi magnis quidem officiis demeruerat, non iis tamen quibus tantum boni se speraret impertaturam.

Alij duo Patres, cæteras Insulas percurrentes, deprehendere primùm de Fortunatis Insulis fabulofissima esse quondam prædita Græcorum Scriptorum vanissimis commentariis: nam earum Insularum plerisque nihil est infecundius, nihil desertius, nihil aridius; quibus autem inest soli bonitas quædam non prorsus aliena Fortunatarû nomine, eædem quoque spatæ sunt quibusdam regionum tractibus planè incultis, vastis, & asperis. Insularum fermè victus ac vestitus, tectum, & res familiaris est, quæ esse solet egentissimorû hominû, nisi sicubi vrbiū frequentia, negotiatio, soli amœnitas lautiora præbet incolis cultus & vitæ subsidia. Ipsi certè Palmariæ, non Insulæ modò Canariensis, sed Insularum omnium vrbi nobilif-

simæ, circumiecta sunt oppidula plurima omnibus humanæ vitæ præsidiiis propemodum destituta. Deinde Sacerdotum incredibilis paucitas, eorum saltem, quibus cordi sit aliena salus, indigenis affert incomparabilem sacrarum rerum ignoratiam; ut si nostri sibi nollent indulgere, patentissimum nacti essent campum industriæ in multos annos negotiosissimè exercendæ. Cæterum est indigenarum Canarinorum indoles ad disciplinam idonea; cuius ab Insulæ oppidanis initium fecere sementis Diuinæ iaciendæ duo Patres, duobus aliis Palmariæ residentibus. Antè verò quàm Canaria egredierentur, tentarunt aditum cuiusdam oppidi, eorum instituto valdè opportuni, de quorum aduentu cùm esset nunciatum, Instituti Religiosi vir pro concione in nostros est inuectus asperè; alius quidam in circulis cœpit nobis crebrius & acerbius maledicere. Hic cùm perseveraret, in ipso flagitio grauitè in capite læsus est imprudentia pueri saxum emittentis temerè, quam Diuinæ ultionis esse animaduersionem omnes conscij asseuerarunt. Inde Cœnobita ille factus cautior, assumpto teste vno ex oppidanorum proceribus, procubuit deinde ad Patrum genua, & poposcit contumeliosè dictorum veniam, multamque postea semper erga nos adhibuit beniuolentiam. Tamen quoniam hæserant in oppidanorum animis iactata in nos petulantius, inde ad Episcopum missa est legatio ciuium honoratorum, qui peterent, ne Antistes in suum oppidum destinaret alterius instituti Religiosos homines, quàm cuiusmodi iam haberent. Hærente,
pro

propterea Episcopo , vrgent nostri vt sinantur co-
venire suo periculo , expressaque tandem venia, eò
deducuntur à Palmariensi primario viro. Telde op-
pidi nomen est in Canaria , solo amœnissimo, hor-
tis & vinetis vndique oblitum , pulcherrimis con-
ditum ædificiis : vbi nostri quattuor dies pæne si-
luerunt, sed habitis Dominico die concionibus ma-
nè ac vesperi, mox Senatum vniuersum ita sibi de-
meruere, vt totus ille conuentus cum familiis ad
Confessionis officium vltro se offerret , quem illi-
co reliqui oppidani consequerentur in eodem mu-
nere. Ex oppido postea proficiscentibus nostris,
quantumuis repugnantibus , dedere se longinquæ
viæ comites Prætor ac triginta equites , Patrum
discessum , vt suam orbitatem, multo fletu prose-
quentes. Sed vt paucis multa complectamur in re
prope infinita , hi duo Patres septem mensibus to-
tis , non die non nocte vacationem ab contento
labore nacti sunt, nisi quantum necesse modico ci-
bo ac somno esset , Diuinisq̃ue perpetrandis. Qua
operæ assiduitate ac contentione peragratis omni-
bus Insulis , omnium indigenarum animis erga
nos ingeneratum est studium eiusmodi , vt nostro
decessu dolerent acerbissimè, cupidissimè reditum
postularent : Palmarienses autem seridè inirent ra-
tionem instituendi sua in vrbe Collegij Socie-
tatis. Quòd verò Patribus præfinitum esset expedi-
tionis tempus, & Præsidum eos litteræ ad se aduo-
cabant , proficiscendum eis fuit , de quorum egre-
gia virtute , fructuosissimisq̃ue laboribus perscri-
bere Magistratus earum Insularum , virique pri-

marij, non litteras modò commendationis honorificentissimæ, sed integros propemodum rerum bene gestarum commentarios: & actiones gratiarum luculentissimas ad

Societatis in Bætica

Præsides.



PRO



PROVINCIA SARDINIA.



DOMICILIA quinque, ipsisque circum-
iectum agrum, coluere primo anno Socij
centum septuaginta quattuor, altero tres iis
amplius; hoc transcripti in cælum decem, adscri-
pti ad nostrum numerum quattuordecim; illo ad-
missi vndecim, vnus amissus.

SASSARITANVM COLLEGIVM.

CAROLVS Falconerius, Lycienſis, rei do-
mesticæ Adiutor, annos natus quadraginta
obiit, quorum dimidiũ egerat inter nos in assidujs
vigilijs ac laboribus. Illud in eo admirabile & imi-
tabile spectabatur; orij declinatio tam exacta, vt
priori quandoque fractus labore, pro quiete ad a-
lium statim accingeretur, sollicitato ad id enixus
Superiore, vt alteri negotio adhiberetur, gemina
palma, & obedientiæ, & fortis operæ simul iusi-
gnis. Missionum continentes ferè labores fuerunt,

& messis non modica, quibusdam verò locis prodigia concionum vtilitatem comprobarunt. Quidam audita concione, consilium inierat vitæ sanctioris, cui noctu in lecto vigilanti oblatus est elegantis formæ iuuenis, multo splendore radians, qui se ita compellaret; Heus tu, audistin' Sacerdotis illius nuper concionem; quòd si audieris, ne quæso patiare iactum semen tuo in pectore, ut hætenus, interire. An forte illius criminis, id autem disertè designabat, oblitus es, quod quindécim abhinc annis admissum, Confessione tamen, ô miser, expiasti numquam. Quia tu nunc posito alieno pudore Sacerdotis pedibus aduolutus, veniam à Deo efflagitas? quid cunctaris? Nec plura cælo missus adolescens: tum verò dolens ille vir neglectū ab se officium in re tanta, vix orto sole ad Sacerdotem nostrum expiaturus animum aduolat. Vir primarius à plebeio homine violatus colapho ante biennium, alebat odium; & aduersarij aspectum declinabat; ex auditis tamen Concionibus eo usque profecit, ut procurato animo per Sacramenta, festo die, sub concionem in æde sacra, spectantibus ciuibz hominem ad se aduocat, suauiter amplectitur, testatus Christi causâ pro veteri similitudine omnem in posterum beneuolentiam.

Altero anno Pater Ioannes Barba, Saffarensis, ætate ac ingenio florens, concionator egregius, ab recondita doctrina, & oratoria facultate, quam editis scriptis celebrat, in primis clarus, ætatis anno tricesimo & altero, sic occubuit, ut omnes huiusmodi dotes vna plaga extinctas eius ciues

non

non mediocriter ingenuerint. Neque enim Pater speciosa quædam, ad magni nominis umbram, sed vtilia, & ad mores potius attinentia in Concionem afferebat, ut merito illius obitus tam externis quàm domesticis fuerit luctuosus. Federicus Vitalis, in Apulia natus, domesticæ rei Adiutor, vnum & quinquaginta natus annos, quorum alteram ex æquo partem in Societate vixerat, in munere præsertim Æditui summo cum studio ac diligentia: Cosmus Maringius, Sardus, item Adiutor, Fabrilis lapidariæ peritissimus, positis annis viginti extruendo nobis ædificio: ac Marcus denique Pugionius, sexaginta & sex annorum, operæ domesticæ gnavus administer, felici clausula vitam terminarunt. Oppidi cuiusdam ciues in geminas factiones distraxerant vetera procerum quorundam odia, & quidem annos iam quattuordecim; contigit autem, uti per Bacchanaliorum licentiam eorum nonnulli prodirent armati, quibus animaduersis vniuersum oppidum velut dato signo ad arma conuolauit, & iam stabat ytraque acies ad conflictum parata sub vesperam. Interea Sacerdos noster ignarus seditionis, eò properabat, quem ex itinere multi retrahere conati sunt in suas ædes hospitij nomine, quoddam via longior videretur, quàm eò posset pertingere. Urgente tamen occulto quodam instinctu Numinis, quod aliàs facturum non esset, benevolentissimis hominibus oblatum hospitium præcisè admodum renunciauit, suumque iter institit vehementius concitare. Ut pagum attingit, omnes regiones armatorum globis obsessas
depre-

deprehendit, obuertas contrarias acies ad prælium expeditas & instructas, vt præsentissimum exitium oppido-immineret. Itruit ergo in conferta agmina eques, seque inter infesta tela, ausu non humano, medium inserit; cuius repentino aspectu, verbis, & præsentia perculsi animi euestigio, summa quiete ac silentio domos-repetunt, mussitante nemine. Arma quidem, non odia tamen, exuunt, vt postera die semel iterumque ad arma concursaretur, sed interueniente Patre omnia mox sedata, cuius opera pænè iam compositis rebus, tertio concurritur, sed prius intercedentibus nostris, quàm vulnus cuiquam intentaretur, vbi obiurgatione accepti liberalius, patiuntur se tandem in templum induci, ad quos facta verba pro conditione rei, feros animos ita demitigarunt, vt, ipso in loco positis simulatibus, ad reconciliatæ gratiæ indices amplexus dè repente omnes conuolarent, tanta voluptate Cleri ac reliquorum oppidanorum, vt festo æris Campani crepitu, & sollemni cantico Numini haberetur gratulatio.

SASSARITANVM SEMINARIVM.

ARBORËNSIS Archiepiscopus, præter vicena librarum millia, Saffarenfi Collegio augendo attributa, Seminario constituto ter mille librarum annuis vectigalibus, eius nobis administrationem, pro sua in Societatem beneuolentia, concedidit, quàm vt illustrius proderet, splendidum

dum Gymnasium iam pæne affectum, veteribus benefactis adiunxit. Alumnorum bene amplam copiam Seminario suo destinavit, quoque suum beneficium latiùs pateat, ex variis Sardinæ locis, ac nonnullos etiam ex Corsica legendos edixit. Ei regendo Seminario septem de nostris præfæcti sunt, Rector, Procurator, Confessarius, quaternique alij disciplinam & litteras curaturi. Huius instituti vberem lætamque frugem sibi gratulantur omnes Insulares Sardi, & eò adspirant vehementiùs, ut tam salubri educatione sui impertiantur liberi; & fuit Eques Nobilis Sassarensis, qui aureorum sex millia legavit Seminario, ut de suis propinquis sex pueri deinceps perpetuò educentur in eius alumnorum contubernio.

*CALARITANVM COLLEGIVM, ET
Probationis Domus.*

MONSERRATVS Rouello, Musei Satrapæ, Societatis amantiſſimus, cuiusdémque firmissimum præsidium, singularis in eam benevolentia geminum in morte documentum hoc anno, cum popularium suorum Sardonum res præclare gestas, quas accuratissimo complexus esset commentario; edendas, si nobis ita videretur, huic Collegio tradidit, insuper sex millium voluminum exquisitissimorum Bibliothecam, grandi pretio ab se conflatam, testamenti tabulis eidem huic Familiæ legavit. Puellam decem annorum, quæ
præcepſ

præceps è fenestris in substratum pavementū delapsa, caput propemodum comminuerat, cū chirurgi grauitate vulnerum territi non auderent curationi manum adinouere, Beatus Ignatius incolumem præstitit. Eius puellæ hera, religiosa in primis mulier, medicorum ope destituta, primò sigillum Beati Patris effigie impressum, capiti pessimè affecto alligat; deinde sibi oleum ex eiusdem Patria lucente lampade afferri iubet, quo magna fide, adiunctis etiam precibus, semimortuæ caput & pectus inungit, tum derepentè fluxus supprimitur cruoris, puella redit ad seipsam, heramque atque adstantes incipit agnoscere: postridie aduocati medici iubentur inspicere, æquis reliquis sit curationi locus; caluariam attræctant, quam pridie nulla parte cohærentem senserant, nunc verò sanam integramque deprehendunt; quo euentu obstupefacti, prodigium adesse pronunciant, heræ suam saluam gratantur ancillam, ac mirè læti abeunt.

Insequente anno ad Concionum munus in Põtificio templo gerendum sumus reuocati, vnde proximo biennio quorūdam maluolentia & calumniis excideramus, quorum ingenio perspecto Antistes ab eorum sententia sibi putauit esse discedendum, nostrosque Aduentus & Quadragesimæ sollemnibus Concionibus in sua æde præfecit, tota nobis plausum dante ciuitate. Iulianus Serra, Sassarensis, de hac Familia vnus decessit, ingenio, pietate, Instituti sui accuratissima obseruatione insignis adolescens, vndatum impetu abreptus, dum, Sacerdoti datus viæ comes, obuium flumen traiceret,

ceret, graui oppidanorum mœrore, quos congregatus comitate deuinctos egregie ad pietatem informabat: sed Clericis in primis carus, quibus nocturnam in æde sacra diuerberationem hebdomadariam persuaferat. Summopere semper abhorruit ab iis sermonibus, vbi Sociorum existimatio tantillum perstringeretur, vt mox rubore suffusus è corona loquentium se subtraheret, si quæ huius generis verba cuiquam exciderent. Hunc secutus Sacerdos, item iuuenis, Pater Iulianus Fadda, quem tantisper ab studiorum contentione vacante, Quadragesimæ diebus, excolendis paganis adhibitum, incitatissimus alienæ salutis procurandæ ardor eò prouexit, vt letalem sibi morbum accerseret, qui annua vexatione hominem conficeret, multiplicumque virtutum ei præbita materia, meritis clarissimum in cælos eueheret. Leonardus Pôducus, Sardus, hunc excepit, lenta consumptus phthisi, ingentibus relictis, per diuturnam ægrotationem, animi planè Religiosi argumentis. Quartus & postremus excessit è viuis Pater Gabriel de Campo, Hispanus, Vota quattuor professus, in concionibus habendis versatus diutissimè, in Societate vtrò annis vndequadraginta. Æstuabat Diuinæ gloriæ promouendæ flagrantissimo studio. Amor in B. Virginē spirabat singulari iunctus pietate, in eius Concionibus, scriptione, sermone familiari, cuius ardorem iis, quibuscum ageret, instillabat. Aliquot menses ante obitum phrenitide occupatus, sæpe animaduersus veluti cum Dæmone contendere de animi sui statu; sed remisit deinde illam
mentis

mentis alienatio, ut quàm tranquillissimè morte defungeretur.

Expeditionum susceptarum ab Tirocinij Patribus in varia oppida constitit & præsens fructus singularis, & eius in posterum continuandi spes haud vulgaris. Apud Galtellinenses nostro Concionibus habente, in Crucifixo, prodigiis iampridem perillustri, se ostendit inusitati moris portentum. Sub ipsam rem sacrâ, die Inuentæ Cruci sacro, cœpit illud Christi Domini simulacrum multo cruore diffluere membris totis, ut obstupescerent, qui spectaculo intererant. Noster ubi primùm de re prodigiosa nuncium accepit, dedit operam, ut interposita Magistratus auctoritate, qui miraculo adfuerant, iurati profiterentur, quod eis esset compertum, eorumque testimonium in publicas tabulas referretur. Hoc & sequenti quoque anno variis excursionibus initis instituta sunt frequentissima Sodalitia totis pagis, oppidisque, quorum ex rectissima disciplina, & multo virtutum usu, in reliquos indigenarum conuentus, ut ex sanctitatis seminariis, rectè viuendi præcepta deriuarentur.

*ECCLESIENSE COLLEGIVM,
& Alguerense.*

ECCLSIENSIVM Sociorum opera extra urbem fuit multorum animis perquàm opportuna fructuosâque. Quodam loco in fratris uxore
tam

tam iniquo erat animo aliquis, vt nec fratrem etiã alloqueretur, aut videret. Sed Patris nostri hortatu ita vehementer ad inuisã nuper mulieris amorem est accensus, vt eius impetu quodam actus, ne salute quidem dicta nostris, ab eorum colloquio digressus, ad fratris & coniugis pedes aduolueretur, ac veniã postularet præteritæ simultatis. Inde gloriosum per eos pagos, Societatis nomen euulgatum est, & laborũ fructus exstirrit tam illustris, vt Parochus, homo haud vulgaris, asserere non dubitaret, binas sibi singulis annis sufficere nostrorum conciones, ad rectam pacatamque sui gregis gubernationem. Sequens annus infestus prope modum vniuersæ Familiæ fuit, Sociis aduersa valetudine rētatis, quibus deinde recreatis de morbo, vnus Rector, Pater Baltasar Saquello, Sardus, morbo concessit, eodem planè recurrente die, quo tricesimo quinto ab hinc anno, in Societatem venerat. Erat vir miræ suauitatis, qua subditorum sibi animos conciliaret magnopere. Ecclesienses homines ita sibi deuinxerat, vt eius præsentia gestire tota ciuitas videretur.

Alguerenses Patres concionibus habendis suæ contentionis illustria tulerunt nec pauca præmia. Sex annos vnus expers confessionis excubabat in occasionem inimici occupandi, quem è medio tolleret, mox deinde ad Confessarij prouoluturus pedes: sed audita de hoc argumento Sacerdotis nostri concione, ab scelerato consilio desciiuit. Alius inimicos ad ianuam intento arcu prastolabatur, quos de sua nece agētes audiebat: tum verò redeū-

tibus in inētem quibusdam Concionatoris nostri verbis, detento arcu inde abscessit. Inimicitias mutuas duo exercentes, fortuitò alter alteri occurrunt in aperto loco, conserendis manibus, vbi hic illius impetum occupaturus videbatur: sed dexteram vterque continuit, & in mitissima crumpens verba, ad demitigandum aduersarium composita, præsens periculum in concordia, ac beneuolentia suscitandæ occasionem conuerterunt. Rogatus postea vterque, quodnam frenum tam ferocibus animis iniectum esset, nullum aliud respondent, quàm ab Concionatore intentatas minas, & incussa iacula, in simultatum auctores, & iniuriarum memores. Altero anno interiit Pater Ioannes Baptista Stephaninus, anno ætatis tricesimo quarto, decimo septimo ab inita Societate, qui principes huius insulæ vrbes concionibus excoluerat, non minùs exemplo, quàm verbo potens. Nefandum scelus quidam animo agitabat, eodemque tempore ingressus nostram ædem, incidit in Sacerdotem, qui Diuinam Hostiam supra caput adorandam attolleret, in qua vidit Christum affixum cruci, & densa obtectum nube. Horruit viso tam inusitato percussus, & suum detestatus consilium, vix absoluto sacro, accedit ad pedes Confessarij.



PROVINCIA PERVANA.



V N C octoginta septem, nunc septuaginta octo Socij supra trecentos occupauerunt sedes quindecim in hac tota Prouincia : vndecim prius desiderati sunt, decem & octo posterius; vtroque anno vndexaginta in Socios adscripti sunt.



LIMANVM COLLEGIVM.

I Oannes de Bazco, rei domesticæ administer, raro humilitatis exemplo, culinam cum exercuisset annis viginti, & alia insuper munera, feliciter obiit. Peruvianus Prorex, cum domum nostram vniuersam summa humanitate lustraret, miratus est maximopere coquinarij instrumenti nitorem incredibilem, multò verò magis Fratris illius sapiens & pium responsum, quòd percentanti sibi, quò spectaret tanta mundities in culinaria suppellectile, is retulisset, vt sibi ex ea opera quæreretur tanto maior cum Deo familiaritas. Ex eo responso

V u 2

cœpit

cœpit Prorex ita virtutis desiderio commoueri, vt longè aliam vitæ rationem inire statuerit. Deinceps verò quotiès Frater ille ipsi venisset in conspectum dicebat, augustum nescio quid sibi ante oculos obuersatum. Ianitoris munus exerceuit non approbatione modò, sed summa quoque omnium admiratione, vt cæterorum ministeriorum curatoribus imitandum Præsides perpetuò proponerent. Res difficillimas, quas attingissent alij, effecisset nemo, precibus ille ad Deum fulis, corporisque macerationibus, ingenti omnium stupore perfectas sæpissimè reddidit. Huius obitum mox est consecutus decessus Patris Stephani Paëz, Hispani, quadraginta quinque annos in Societate versati, quibus pæne totis Præsidem in ea egit summa cū laude, nam aut certæ Familiæ, aut Prouinciæ alicui cum ordinario extraordinariove imperio præfuit. Eius in gubernatione grauis suauitas mirum quàm ei obnoxios omnium Sociorum animos reddiderit, quàm felicem eius omnem administrationem fecerit. Apud omnes viros cuiuscumque Ordinis principes sapientiæ ac virtutis inusitatæ commendatio cum posuerat in summa gratia, qua non vteretur, nisi vel ipsorū res, vel Diuinus cultus exigeret, veluti cū alicuius imminēs lapsus illorū occupatus beneficētia prohiberi poterat. Ei mortuo cū parentaretur, femina sanctitatis opinione celebris supra ipsam aram à Beato Ignatio processum obuiam, & summa exceptum gratulatione postea narrauit, illudque visum ab se præsentē, spectanteque liquidò obseruatū

uatum asseruit. Eodem die iusta soluta sunt Fratri nostro Petro Vidambra, Limensi, ætatis anno vicesimo secundo, quinto ex quo factus erat Socius, qui sex menses febris iactatus, doloribus, quos summa constantia toleraret, defunctus maximis, de vitæ huius statione decessit. Iuuenis hic naturæ concessit, verum Pater Antonius Gonzalez, Zamorensis: Pater Ioannes de Leon, Salmanticensis: Consalvus Bellomontanus: Petrus de Salazar, Cordubensis, naturam satietate viuendi expleuisse videntur, qui beatorum genarum obiere, omnes insigni florescentes laude pietatis. Salazario illud mirandum obtigit, ut cum priuatim oraret, animoque cogitaret beatorum sedes; Angelos audierit fidibus canentes, quos augusta specie secuta Virgines, quæ rogaret: Numquid vellet. Estne cordi, inquit Barbaræ, quam de facie ac nomine illico nouit, in cælum proficisci; ubi placidissima quies, & vita viget sempiterna? Est sanè cordi; respondit, ut nihil magis: tantis scilicet huius ærumnosæ vitæ defungi periculis. Paullò post in morbum incidit, satis vehementer, diuque ægrotauit, deinde urgente malo, die Barbaræ Virginis sacro, ut ipsa promiserat, feliciter occubuit. Chinchacochanis populis, qui à fide defecerant; ad Christiana sacra reuocandis; diutissime occupati Patres quattuor euicerunt, ut ab sacrilegio suo desciscerent. Quia in procuratione Pater Benedictus Arroio laborum magnitudine; ac pestilenti afflatu confectus, interiit. In oram Quibi duo de Sociis missi vim Barbarorum ingentem ad Christum

traduxere, vbi acres aduersarios habuerunt Religionū Antistites, qui Dæmonis instinctu nefaria eius gentis sacra ijs maximè diebus celebrāt, quos Ecclesia in primis sollemnes habet. Præbent aures confitenti populo, quem adeò dementant, vt is eos loco parentum habeat, & omnem eis adhibeat venerationem.

Anno insequente Hispanus genere nobilis, de cuius salute conclamatum erat medicis, cum Congregationi nomen dare, si conualesceret, apud se firmiter decreuisset, statim & ex insperato conuuluit. Alter nobilitate non inferior, sed parum Religiosus ac pius, vt Sodalibus se adscribi permitteret semel & iterum rogatus, Dominica quadam die concionem auditurus ædes nostras adiuit, quo tempore Sodales ingredientiæ sacellum nomina notabant in tabella. Quod illorum studium irridere, vt superuacaneum, cœpit, & ineptissimum Theatinorum inuentum appellare, cum petulantioris sono, motuque corporis inurbano: ac deinde quasi merito offensus pedem referre, ac discedere. Sed non abiuit impunè hominis intempestiua procacitas: nam insequenti nocte in manifesto adulterio deprehensus, traiectus ense, nullis procuratus Sacris, infelicem animam exhalauit. Sub auspiciis Pueri Iesu excitata est Sodalitas Pusionum, quæ iam censeat plures quingentis, quorum plerique vix cunis excesserunt, eo fructu illius ætatis, ea voluptate & approbatione vniuersorum ordinū huius ciuitatis, vt nihil pridem eis ab Societatis industria fuerit iucundius. Vnum de Fratribus

tribus nostris tam peritum & sedulum huius disciplinæ curatorem & artificem nacta est pueritia; vt quàm ardentè & sollicitè suum munus obeat; admirationeque sui instituti, ac iucundissimarum exercitationum totam ciuitatem rapiat in sua spectacula. Florentissimarum Academiarum dignitates & sollemnia omnia munerum Academicorum non modò sibi adscriuit, sed imitatur etiam tam scienter, venustè, ac grauitè, vt stupore compleat suos auditores: neque sibi potuerit temperare ipse Prorex, quin quasi supplex rogarit, vt ad id spectaculum adhiberetur, vnde tantum solidæ voluptatis hausit, vt magnopere nostris Patribus, ac toti Peruuio gratularetur tam salutare institutum Religionis Christianæ puerilibus animis penitus inculcandæ. Quinis expeditionibus non modica illata est ruina vel palam vel occultè reuiuifcenti Idololatriæ, sed apud Checranos maximè, in Prouincia Limano Antistiti obnoxia, vbi Guacarum mirè luxuriabat adhuc soboles execranda. Guacæ huius gentis vocabulo sunt excelsissima montium, vbi asseruantur Idola, & coluntur, hoc est lapilli, figura hominum, quadrupedum, volatiliū, vel arte; vel natura efformati, quos habent Penatium Debrum loco. In eorum Numinum Religionibus hæ inter cæteras vigent cærimonix: gemelli fetus tonitruo geniti putantur: eorum parentes sale, pipere, vsu coniugij totum annum iubentur abstinere: eo vero ritu ipsi gemelli tonitruo, vt germano parenti, consecrantur; quibus eo nomine Iacobi nomen ambitiosius af-

fectatur : Confessionis apud eos mentio vsusque multiplex animaduertitur , & eius ineundæ ritus impendio ridiculus , qui est huiusmodi. Ante lucem conueniunt frequentissimi vastissimam in conuallem , vbi aduersum contuentibus montem obuersatur Antistes Sacrorum , qui mystici cuiusdam lapilli ostentatione Confessionis inchoandæ tempus indicit : hic autem lapillus herbaceo inspersus puluere mox abolendarum noxarum symbolon exprimit. Expleto Confessionum longiore circuitu , procedit Rex Sacrorum cum suo symbolico lapide ad profluentem , in quâ simul lapillum , simul coactum noxarum aceruû demergit , sollempni præfatus carmine , abolitas perinde animorum sordes per confessionem fuisse , uti puluis aspersus lapillo , quem demersum eat , vento diffandus sit , ut penitus euanescat. Eo defunctis piaculo traiectus est in patentissimâ planiciem , vbi cantu , saltu , potu , crapula , libidine omnis generis , Deis suis , ac ipsis sibi expiationis gratulationem liberaliter faciant. Persuadentur hæ gentes Erebo Doctore Confessionis vsum , qui sit Hispanis communis , alteri hominum generi non esse necessarium , Hispanis autem politica quadam necessitate esse impositum : humanum genus non ab Adamo & Eva originem ducere , sed à Guacis , & riuorum capitibus , aut saxis eductos , quibus eo nomine Religiosus cultus debeatur : Mortuorum animos nec Cælo nec Inferis destinari , sed Vpaimarcam , hoc est vmbrosam locum petere , per traiectum flumen crinali contex-

tu, vt sublicio ponte, iunctum, vbi sint cumulandi voluptate omnium iucundissima. Sexcentæ sunt aliæ Tartarei eius ritus ineptiæ quàm fatuissimæ, quas recensere pretium non est operæ. In eos immissi antea fuerant, qui ex legum sanctionibus seuerè agerent in Christiani dogmatis olim suscepti violatores, tetrorum scilicet veneficiorum, ac Idololatriæ compertos, ferro ac flamma grassati, haud mediocriter perculerant animos reliquæ multitudinis. Quæ consternatio eam nobis aduenientibus multò mitiorem obsequentioremq, immò & beneuolentior fecit, quòd nossent nostram agendi rationem illius seueritatis nihil secum inuehere. Nostrum ergo aduentū cantu, saltatu, plausuque accipientes illius tractus indigenæ, obuiam processere multa cum significatione gaudij. Proximi oppidi incolæ plùs milleni trecenteni omnis ætatis sceleribus expiati, publica diuerberatione, & huiusmodi aliis argumentis non paucis, prætulerunt ingentem interioris animi pœnitudinem. Qui prauis moribus corrupissent multitudinem, qui sacrilegi cultus ei se magistros præbuisent, priorem pertæsi vitam, sponte, ac palam populo, exsecrati sua culpa inuectam corruptelam morum ac Religionis, profitebantur eò se adductos auaritiæ studio, auctoresque fiebant adspemandi ab se flagitij, quòd malè adsciuisent: quæ res docilitatem nobis conciliabat in populo longè maximam. Dùm hæc fructuosè ac tranquillè curamus apud Checranos, Quæsitòr ille Capitalis, qui ante nos obiuerat Checranensem agrum,

versabatur apud Andaxenses, vbi Guacarum, a-
 riolorum, sacrificulorum, cadauerum pro Diis
 habitorum, infinitam vim deprehenderat: non-
 dum tamē idoli omnium sacratissimi. L. Liuecan-
 carchi latebram diu scrutatus explorauerat, do-
 nec à sacrificulis in equuleum sublatis expressum
 est, in summo vertice cadauer eius in sacrario de-
 litescere, magnifico cultu corporis insignē. Inde
 promptum illud, & alia virorum insignium in ea
 gente cadauera, ducētū annorum ferme annorum, Li-
 mam adsportata cū essent visendi gratia, repor-
 tari placuit ad Andaxenses, vt, Numinibus suis
 carnificis manu in pyra deflagrantibus in foro me-
 dio, ipsi condiscerent, quanti momenti esset in
 ea Diuinitatis inanissima vmbra, quæ se flamma-
 rum iniuriæ non subtraheret. Centum ac septem
 arioli ex vna tantum parœcia pœnitentium habi-
 tu adducti ad excelsum theatrum, spectante indi-
 genarum aut Hispanorum corona ferè quater mil-
 lenum capitum, quò & nos ex Checris sumus
 accersiti, iussique ipsi Quæsitore assidēre. Dixit ad
 eam concionem vnus ex Patribus Checrensis Mis-
 sionis, oratione tam varia, vehemente, ple-
 na animi, plena spiritus, vt audientes ocu-
 los pænè corrumperent lacrymarum vbertate.
 Quo ex spectaculo alios videres toto animo ad
 Christianam Religionem sese applicare: alios
 Guacis addictissimos, ne Christi quidem nomen
 ad aurem admittentes, toto vultu iram & contu-
 maciam spirantes, dirissima quæque suis capiti-
 bus imprecari, nisi Guacæ acceptas ab Hispanis
 iniū

iniurias acerbissimis ac perpetuis suppliciis vlcerentur. Vanitate porro ariolandi nimio plùs confisi, denunciare non verebantur iis, qui ad Christianos transirent, toto anno obductum iri cælorum càtaractas, vt omnis perfidorum ager ariditate marcesceret, quòd esset pœnarum exordium, quas Guacæ Religionum violatoribus inurerent. Sed ariolorum inanitate luculentius patefaciendæ in vulgus, & Andaxarum seu vetustis seu nouitiis Christianis ad alacritatem Fidei maiore erigendis, Deus per eos dies misit largissimũ imbrem ipsorum regioni, quo agri copiosissimè irrigarentur. Ad eos verò nostri cupidissimos cum transire per illud tempus non possemus, quoniam tamen nostros flagitabant auidissimè, iniecta est nonnulla spes futuræ propediem apud ipsos missionis. Interea foris decesserunt de nostris aliquot, non leui Prouinciæ huius incommodo: quorum primus Pater Christophorus Ouandus Gezez, in veteri Lusitania ortus, qui Romam Procurator missus, apud Carthaginem Indicam in continenti tentatus periculoso morbo, adhuc æger denuo conscendit, ne occasionem nauigationis amitteret, dumque fœda tempestate laborat classis, febris æstu flagrans, ac ferè siti exstinctus, vbi de Auanæ portu cœpit cogitare, triduo quàm Carthagine soluerat, longiore traiectu in cælum trãs fretauit. Vir fuit excellentibus dotibus, & ad Societatis tractanda munia cœlesti quodã dono expressus: quod eius in Societate triginta & sex annorum labores eximij apertè ostendunt, quem
amissimus

lestis patienter latis : Hic sui abnegatione , exte-
inæ pleuritidis , aliorumque laborum tolerantia
nobilis. Patris quoque Martini Pelaez, huius Col-
legii Rectoris , obitus incidit in hoc tempus, do-
mesticis externisque tristissimus. In Hispania na-
rus , in agro Laminiano , Societatem Toletæ am-
plexus est, Diuino quodam viso ad eam , decem
• annorum puer , antè aduocatus. Quam vocatio-
nem ex animo cum aboleuisset æstus adolescen-
tiæ , vicesimum primum deinde annum agenti bis
oblata in somnis Pueri Iesu species eadem suavit,
quæ olim , atque nisi suadenti obsequatur , gra-
uissima salutis discrimina ex ætatis conditione
ostendit. Gerit morem imperanti , & in Societa-
tem ingressus , silentij , & alienationis à rebus
mundanis spirantem imaginem cunctis se præbet.
In Mexicana deinde Prouinciæ Rectorem , Magi-
strum Nouitiorum , Prouincialem , Procuratorẽ
Congregationis Romam summa egit cum laude.
Antè annos sex in Peruuium remissus , Cusquensi
ac Limensi postea Collegio præfuit cum omnium
approbatione , atque in hoc ultimo quidem , quat-
tuor modò mensibus , quibus præsedet , omnium
domesticorum voluntates sibi magnòpere deuin-
xit. Per morbum se Christus ei visendum dedit
pueri habitu , vnde intellexit sibi migrandum è
vita , quo ex tempore non admisit vllam cogita-
tionem prorogandæ vitæ , ad quam si quis horta-
retur , seipse insimulabat , quòd eam ad diem &
se & sua omnia Diuinæ Prouidentiae non peni-
tus permisisset. Eius funus cohonestarunt optimi
quique

quique, ac Ordines Religiosi nominatim, ipseque Limanus Antistes magna beneuolentiæ ac doloris significatione.

LIMANVM TIROCINIVM.

NOmen Societati dedit Hispanus adolescens, cuius animo idemtidem obuersabatur cogitatio, num satius esset supplicio Crucis affectum Christum sequi, quàm hominum vitia imitando consèctari: sed ille, vt hæc recurrerent frequentius, animumque haud leuiter afficerent, aliò tamen curas auertit, iuuenilis ætatis inconstantia. Cum verò postea in lecto conclamatus iaceret, secundum quietem videre visus est strata passim mortuorum corpora, ex iis autem, qui ad lectum ipsi aderant numerosa multitudo, subinde non paucos occùbere: audire verò vocè hominis ignoti, qui ex se percontaretur: Ecquid causæ haberet adolescens, cur salutaria suadenti nollet acquiescere. Quo viso, quibusque verbis, adedè est permotus, vt simul atque melius paullo habuit, Societatem studiosissimè appetiuerit, ad quam admissus, congruenter illi primo ardori cursum suscepti stadij promouet.

Sequente anno commutauit vitam cum morte Nouitius ille, cuius sinceræ mentis, & ad omnem pietatem propensionis exemplo commilitones reliqui accendebantur, Alphonsus Ouandus, Messellinensis, in Beturia. Fuit hic octo mensium

Tiro,

Tiro, in magna spe frugis lætissimæ repentè succisus, septemdecim annos natus, qui ante vnum & alterum ex Hispania aduentarat, & in Beati Martini Collegio apud nostros Latinitatis posuerat Tirocinium. Ibi erat animi, sensuum, ac motuum custodiæ ita imminens, vt eum Collegæ non suspicerent modò, sed vnicum bonarum artium exemplum clamitarent. Eius illud erat indicio, quòd si quando ea lege domum egressuris socium eligendi daretur optio, vt in virtute clariorem eligerent; Quandum vnum, suppresso nomine, sibi comitem dari iudicabant. Huius adolescentis eximias virtutes in Tirocinio de miratus Pater veteranus, satis expertus, ita de eo ad domesticos loquebatur, vt eum nobis breui ereptum iri ostenderet, & maturum cælesti mensæ pomum sponte casurum. Alter adolescens de antea: vita eum stimulante molesta religione, Deum sæpius cum lacrymis precabatur, vt quid se veller fieri, declararet: nec diu factum est, cum nocte per quietè, se Christo è cruce pèdenti à Magna matre præsentem sisti sensit, & eius clientelæ commendari; ac eiusdem Virginitatis hortatu ad nostrum Ordinem impelli, si quidem absolui cupe-
ret animi angustiiis, & humanæ vitæ periculis. Cuius audito consilio, ita institit apud nostros Præfides, vt admitteretur, & eius ratio ea esse
persecratur, quæ sit affirmatura im-
missam ab Dei parente
vocationem.

*SEMINARIUM S. MARTINI, ET
Sedes B. Iacobi ad Limam,*

EX Martinianis alumniis centenis ac quinquagenis, seu Philosophiæ, seu Theologiæ dant operam quinquaginta. Emeriti decem in Theatro Philosophico suam eruditionem explorantibus probauerunt. Horum vnus de Academiæ vacua Cathedra dimicantibus sex aduersariis palmam eripuit, ampliùs quingentis suffragiis supra eos ablatis, cum insigni commendatione nostri Seminarij. Tredecim annos huius Collegij alumnus fuerat, cui perquàm grato animo cum sua omnia retulisset accepta, egregiæ voluntatis in illud, ampliùs testificandæ, quidquid sibi mortuo vsquam esset fortunarum, publicis tabulis declarauit ei Collègio se iam tum destinare. Ad Beati Iacobi Sedem non leuiter laboratum, vt indigenis sua Fides sarta, testâque conseruaretur, cui occultas insidias collocari à perfidæ mentis hominibus nostri sentiebant: effectum autem est Dei summo beneficio, vt nemo vnus sit adhuc visus ab integritate Christiana defecisse.

CVSCHIENSE, AC POTOSINUM Collegia,

ECVSCHIENSI Familia profecti Socij ad propinqua oppida non modicum terrorem
• æterno

æternorum suppliciorum inuexere, quod sit maximè potens telum sceleribus ex hominum mente depellendis. Sollemne nostris est in expeditiones prodeuntibus æternos Inferorum cruciatus in tabella depictos circumferre; quibus picturæ explicandis emblematis capiuntur Indi vehementer, & ut abducuntur à vitio per eas descriptiones, ita facilè ad virtutem concitantur. Inda Virgo, extra urbem, via deserta, obuium habuit virum deprauatissimis moribus, cuius nequitias olim experta, nunc se destitutam omni humana ope, valdè cœpit horrere, tum implorato Numine, inducit animum fortiter pro castimonix laude propugnare. Ille autem barbarus, vbi precibus ab castissimo pectore nihil extorquet, tam crudeliter eam habet, ut semimortuam relinqueret: cuius allata in urbem purissimus animus postquàm Sacramentis est studiosè procuratus, integer hilarusque ad sponsum Christum euolauit. Altero anno crudelissimè grassata pestis est in Cuschienfes, quorum non pauciores millibus duobus exstinxit, è Dominicanis autem sedecim, è Franciscanis quattuordecim; nostris reliquis decumbentibus, quattuor integri perstiterunt, qui suam operam in domesticos & externos partirentur quàm opportunissimè. Nihil ab eis prætermissum, quod in ciuium animos corporaque conferri posset auxilij, quod non sedulò adhibuerint, toto oppido à prima aurora diligentissimè lustrando, ut non minùs inuocati, quàm vocati subsidio venirent egentibus. Quattuor denique de nostris seua lue sublati sunt,

quorum nobis opera perquam utilis futura fuerat, nisi aliud Numini visum esset. Pater Ioannes de Alua, Hispanus Metinensis, ab naturæ gratiæque dotibus vir planè insignis, Quamanganj Collegij propemodum auctor, cui deinde præsedit summa cum laude. Indigenarum idiomatum, vt Aymarai & Quichüj, fuit peritissimus, vt eorum ipse disciplinam institueret, aliósque commodè doceret: Sanctorum verò res gestas eadem lingua complexus, quibus indigenæ iuuarentur, propediè prælo destinabat: sed præproperea mors ætatis anno vndequingagesimo, quarto & tricesimo quam strenuè laborabat in Societate, illum præclarè cæptis auocauit. Pater Petrus de Vedoya, Bæticus Bæzanus, proximè secutus est, cum ageret quadragagesimum quartum vitæ, adeptæque Societatis vicesimum octauum annum. Fuit & hic Scientissimus Chiquuani sermonis, vt in eo nemini mortalium cederet, quem solandis ægrotis hilarissimè occupatum pestilens afflatus inuasit confecitque. Ioannes de Alua, quem hic Pater socium habuerat in ægrotis procurandis, eundem honestæ mortis & æternorum præmiorum sibi Collegam quoque adiunxit. Antonius de Cardenas, externorum operum industrius exsecutor septimo anno supra octogagesimum, postquam septem ac viginti traduxerat, è viuorum numero sublatus est, Extra Familiam mortuus est etiam ex halitu pestifero Christophorus Plaça, in ipso itinere, quod iussus inierat Cuschio in Iulidem. Hoc eodem anno Chuschienfis Antistes Seminarii ab se recens

cens instituti curam nobis commisit. Potosij homo Hispanus, genere iuxta ac vitiis nobilis, cui stupri ganeæque lubido incesserat, multa nocte Collegii Rectorem compellabat, velle se æs alienum grande, legitimis dominis restituere, Rectoris adit cubile, quò ubi peruenit, eius pedibus aduolutus Christi Domini expirantis in cruce simulacrum ostentans, cura sedulo, inquit, ò Pater, hanc animam tot peccatis irretitam Christo vindici per pœnitentiam reddere, quando Societatis præsertim viris animarum cura est commissa. Metus principio Rectori obijcitur, qui hominem cerneret ferreis catenis arctè constructum; sed cum sese collegisset, consolantis officio diligenter functus, per Sacramentum Pœnitentiæ hominem in pristinam gratiæ dignitatem vindicauit. Alterum tuminopia, tum deprauati mores sapius induxerant ad diuitiorum compilandas domos, cui per quietem oblatum est extremi iudicii tribunal, ubi summa frequentia Cælitum Dæmonumque ingentium furtorum conuincebatur, vnus autem de nostris proximè Iudicis tribunal assistens redhibendæ omnis interuersæ pecuniæ obsidem se ipsi præbebat. Non citiùs homo perditus euigilauit, quàm horrendi tribunalis euauit ipsius ex animo memoria. Redintegratur nocturnum illud somnium haud multis inde diebus, & adsunt ei Custos Angelus, & idem ille de nostris, quorum vehemens fuit adhortatio ad meliorem frugem: quam obrem nihil amplius cunctatus ad nos adit in ædem sacram, Sacerdotem illum inter reliquos

facile internoscit, ad eius pedes aduoluitur, & ritè expiatus nouum vitæ genus instituit. In excursionibus vtiliter cum multis est opera posita, cum aliis non item: sed nonnullorum contumaciam excepit præsens Numinis ultio. Pellicatu scdè implicitos Hispanos seriò iampridem admonebat noster Sacerdos, flagitium ab se depellerent, eiusque apud vulgus non minùs turpem offensionem: sed surdis canebat. Adfuit tandem Numinis vindicta, quæ alterum in agresti casa iacentem fulmine planè conficeret, quo iudicio supplicioque territus alter mox se pellicatus labe absoluit. Inauditam post homines natos deierandi licentiam in Hispano coercere potuerat nostrorum nemo, cum ei Fratrum Adiutorum vnus intrepidè ita comminatus est: Futurum sanè auguror, mi homo, repentina te morte à Deo esse multandum. Planè vera fuit prælagitio: incedit enim ferina quædam rabies nequam hominem, vt ipse se multo cum ciulatu vnguibus dentibusque concerperet, cùmque duraret aliquantum ea laniena, nemo interim vnus adesset, à quo impii animus posset iuari.

*AREQUIPANVM ET CHV-
quiabense Collegia,*

INiere à ciuibus non vulgarem gratiam Are-
quipani Socij, sublati per eos inter Religiosos
viros seditionibus, quæ ita exarserant, vt, multis
frustra

frustra tentatis , vix locus tranquillitati reliquus putaretur. Desideratus ex nostris Frater vnus, Andreas Amadosius, cum aliis virtutibus insignis, cum paupertatis maximè laudibus, quem Deo visum est non procuratum Sacramentis, delapsum in altam tetraë labem, & oppressum terrena subsequente mole, interire. Chuquiabi auxilium nostri Sacerdotis deposcebat homo Hispanus, ad eius prouolutus genua, vti suas noxias aperiret, quas multo nitens cōhatu non posset exprimere. Diu dubitatum est ab nostro num vir ille ab Caudamone insideretur, qui tanto in nisu eloqui nihil posset, & rictu præferret insanientis speciē. Suasus demum à Sacerdote, Mariam inuocaret, & erogaret in pauperes tot aureos, quot Maria litteras in suo nomine censeret. Nihil ille cunctatus, promit aureos quinos, & diuidit; moxque illi adfuit expeditissima facultas sua enunciandi peccata. Secundus annus Arequipanis ciuibus pestilens, nostris valdè operosus fuit, inter perpetua funera versantibus, quorum vt esset ad ægtos, inopes præsertim, aditus suauior, copiosè suppeditauit nostris pius Canonicus, quidquid esculenti, poculenti, ac medicamentorum necesse fuit. Eodem anno Chuquiabi pestilentia nobis abstulit Ildefonsum De Luera, quattuor mensium Nouitium, florenti ætate, nondum enim quartum vicesimumque annum egressus erat, sed qui amore virtutum inter cæteros domesticos emicaret, vt non parum pudoris veteranis afferret. Dum autem vis morborum ciuitatem vrgeret;

mirificè probata est ab omnibus eius in solandis,
& iuuandis ægris industria, pietas, constantiaque.

*CHV QVISACANVM, ET
Guamanguense Collegia.*

CHuquifacæ indigena, vir coniugatus, decem annos totos Confessionis officium defugerat, ac fere tantumdem vxori esse iniquus perseuerarat, pellici turpiter addictus, cuius hominis statum Sacerdos noster cum rescuisset, eum ad Confessionem inuitat, eiusque obeundæ diem indicit. Stipulanti Patri certæ diei Confessionem ille quidem sponderat sibi destinatam, sed promissi deinde pœnitens eam non obseruauit, quin tota vrbe otiosus cum ad satietatem vagatus esset, domum regreditur, cui occurrunt derepentè sex ingentes simij teterrimo aspectu ac minaci, quos ponè sequens ageret squalidus homo, facie horrenda, ardentibus oculis, metam spirans crudelitatem, quem Ingaram aliquem esse sibi persuasit, qui olim dominarentur in Peruuios. Euestigiò autem iubentur simij ab illo suo magistro pallentem & contabescentem pauore hominem vinculis constringere, adstrictoque acerba flagella incutere, quod liberaliùs etiam faciunt, quàm iussi esse viderentur, pessimèque affectum pro deposito miserum relinquunt. Fortè vxor abfuerat, quæ domum repetens coniugem humi iacentem, im-

mo

mo emorientem offendit, mox domum nostram reuertitur, Confessarium euocat, qui adsit animam exhalanti. Accurrit noster, & sensibus defectum cum inuenisset, exspectat dum se qua via ostendat, qua iuuari miser valeat, cui cum sensus rediisset, tumescenti atræque linguæ vis defuit ad eloquendum, oculis dumtaxat emissitiis circumlustrabat omnia tacitus, valdeque attonito similis, ignarus ubi esset, & simiorum integrato aspectu perculsus supra modum, quò se verteret, planè non habebat. Consilium erat Stygiarum simiarum homini terro- ris ac desperationis tantum iniicere, vt eo statu inquinatissimum animum rectè in Tartarum abripiendum emitteret: quare siquando intenderet in Crucifixum oculos, circummissæ belluæ atrocis- sima quæque infelici minabantur. Noster idem- tidem lustrali aqua cubiculum adaspergebat: at eò grauioribus terribus infestabant ægrum simiæ: donec Sacerdos promptas è theca Beati Pa- tris nostri reliquias ita eius ori applicuit, vt lin- guam quoque contingeret, Beati suffragium ad- stantibus interim suppliciter postulantibus, se- cundum quas preces æger flatum vehementem exspirat ex pectore, cuius graueolentiâ, omni te- trior Mephiti, circumstantes procul abegit. Spi- ritus ille teter eduxerat secum viti animum occu- paris Stygij tyranni, sed non vniuersam: detu- muerat lingua, vox redierat, tangebant tamen liuida immodicis plagis brachia, vt nec erigi, nec col- ligi ad Crucis signum efformandum valerent: ve- tum tamen eis admota Beati Patris Lipsana suum

mox calorem, ac deinde vigorem omnem accipiunt. Satis superque documentorum in hac calamitate hauserat, unde disceret miser, Numini nequaquam illudendum esse: agnouit ingenuè temeritatis impietatisque suæ magnitudinem, euestigioque purgavit animum ea flagitiorum sentina, quam tota vita collegerat, multa cum detestatione superioris ætatis, sponsioneque melioris frugis in posterum. Chuquisacensi populo ad Religionem ac frequentiam Sacramenti piacularis vehementes stimuli accessere, tum ab contagiosi morbi periculo, circumiectis oppidis ac pagis lue passim laborantibus; tum ab fulgetrorum frequentia & acerbitate, quibus interiere paucis horis quinque hominum capita.

Guamanguæ Hispanus scriba sæpius ab nostro Sacerdote inuitatus, ut vel in vita semel Sodalitium Marianum ingredi ne grauaretur, ut se tandem eius rei mentione omni absolueret, respondit, scire se ingeniosis hominibus periculi nihil esse ab Tartareis incendiis: ideò sibi, qui esset ingeniosissimus, ut non periclitaretur ex eo capite, ita nihil opus eorum subsidiorum esse, quibus ille casus declinaretur: has ergo nœnias reliquæ mortalium vulgo esse concinendas, eas verò se iure suo habere habuisseque semper despiciatui: posse quidem se culpa pollui, quæ animum suum Orco addicat, sed prouisas habere animo rationes, quibus, vel sub ipsum exitum à vita, se hoc expediat discrimine. Tam vesanam ac tumidam arrogantiam Deus inultam esse noluit, cum enim de
vix

via domum rediret, quinque annorum puer contenta voce ipsum inclamabat, caueret sibi ab iramanissimo tauro cornibus infestis imminente, ac mox impetituro; quam vocem, ut ab iridente missam, accepit, nec aliud pensi habuit, ea tamen fuit ultimi fati denunciatio, si nequam ille intelligeret, desubito namque in eum morbus inuasit, qui nec opinantem, & imparatissimum exstinxit. Idololatrarum vis ingens ab Sociis Guamanguensibus Christo adiuncta, idoneo & constanti adhibito labore, ut ijs etiam locis, quibus insita est maior obstinatio erga cultus impietatem, fuerint numerosissimi Neophytorum manipuli.

*IVLIDENSIS, ORURENSIS.
& Sanctæ Crucis sedes.*

Ivlidensium Sociorum fructuosissima opera lenituit in aduocandis ad Christum ab Ethnica impietate Neophytis, quorum hoc anno salutaribus aquis tincti trecenteni quinquageni, præter tricenos ternos ætatis iam prouectæ. Orurensium quoque labor feliciter cecidit erga Indigenas, Hispanosque, sed in eo felicissimè, quòd ipsorum hortatu Hispaniensis excellens pietate vir, ut claritudine generis, ac copiis instructissimus, animum liberalissimè adiecit ad exædificandum Xenodochium, quod & sumtibus longè maximis absoluit.

In Iulide sequente anno sæuiit admodum pestilentia , vt plus mille capitum vnus mensis exhauserit , quā in procuratione non potuit otiosa esse nostra Familia , quæ , supra cæteram munerum turbam , Parochorum quoque subit omnem administrationem , & ea fuit ipsius sedulitas , vt tanto ex numero nullus non expiatus obiuerit; vna dūtaxat excepta muliere, ad quā maturè non sumus vocati. Sed huic mulieri , cū se vrgeri morbo sentiret , singulare adfuit Confessionis desiderium ; quando enim , inquit , abest Sacerdos domesticorum ignauia , deponam apud Sanctissimum Ignatium noxarum sarcinam. Facessere domo iubet totam Familiam, & ex suo strato exsiliēs; Ignatij papyraceam imaginem deripit è pariete, procumbensque in genua , dat se totam in lacrymas , Beatoque Ignatio, quasi præsenti, audienti-que, quantum ab vltima pueritia commemorasse potest , noxias omnes exponit. Tum ad eum oratione conuersa , impetra quæso, ait , peccatorum veniam , & mox impertire : hæc tantum venire in mentem; occurrissent plura , non suppressissem. Sub hæc verba inclinauit caput , quasi exceptura formulam absolutionis , in eoque corporis positu placidissimè animam exhalauit : quo ipso articulo temporis Sacerdos noster ingressus nitentem adhuc genibus inuenit , remque , vti gesta erat , ab domesticis , ex occulto explorantibus , accepit. De nostris audierant Virgines duæ , genere quodam defungi Martyrij , qui peste affectis ministrantes tetto halitu exstinguerentur , quare in-

gen

gentibus animis ad illud officium tam Christianum se, & ardētibus studiis æcingunt, præter alias non paucas studiosas eiusdem numeris. Harum una, nomine Catherina, contracto pestilenti halitu, vnde postea occubuit, Beatæ Virginis, puerum Iesum vna gestantis, dignari meruit suauissima præsentia, & alloquio officiosissimo, quæ instante obitus ipso articulo audita est his verbis Dei Matrem affari: Domina mea, vnde mihi tantum dignationis, vt hac vilitate mulierculæ tuis pascas vberibus? Quæ cum diceret, hiatum oris aperuit, velut papillam acceptura, & in ijs verbis animam efflauit, insignis virtutum omnium laude, ac Virginitate præsertim, quam pænè ab incunabulis sacratam Deo, integerrimam ad extremum conseruauit. Anna, Virgo altera, dimidia antè hora, quàm excederet è viuis, vt nemo sociæ obitum nunciasset, ipsa tamen è cælo significatum agnouit: nam, quorsum, inquit, mihi celastis sororis meæ decessum: ecce adest cum Beata Agnere, ac duabus alijs, aut tribus Virginitibus. Conopeon demitti iussit, vt Cælitum chorus commodius ad se adiret, quem suauibus exceptum verbis rogabat accedere, tùm ad Virgines, exspectate me Dominæ, iamiam vos sequor. Deiecta deinde in solum nudum, sublatisque in cæsum bracchijs, ait, malle se inde ad sponsum transire, quibus dictis tranquillissimè decessit. Diro hoc halitu domestici contacti ferme omnes, extincti duo, Pater Ioannes Ponsalius, & Pater Diegus Majera, ætate ferè pares, pares studiis ac

700 P R O V I N C I A P E R V A N A:
solicitudine in agris adiuuandis. Ille quidem tri-
cesimum sextum ætatis, in Societate dimidium
vitæ omnino ex æquo; hic nobiscum vixerat an-
nos septemdecim, alterum tantum fuerat inter
mortales: vterque Nosodochiis præfectus,perpe-
tuò agris affederat, indeque letalem auram con-
traxerat. Orurense operæ, præterquàm quòd
funeribus suorum exempti sunt, omnia fecerunt
paria cum reliquis Collegiis, nam, procurandis
pestilenti vlcere sauciis, laboratum est apud eos
diutissimè, periculosissimè, sed fructuosissimè ni-
hilominùs. Ad Sanctæ Crucis, omnes Socij versati
quoque in pari alea, in qua cùm etiàm Ethnici ja-
ctarentur, & nostri eis auctores fierent, vti hæc
occasione salutem animi gratis emerent, grandi
natu viri mulieresque Baptismo abluti mox in
Christi gregem, ac cælestem quoque societatem
sunt translati. Numerus omnium, quos Baptis-
mus Christo adiunxit, ad ducentenos quin-
quagenos peruenit, adultorum verò ex
ea turba fuit sexaginta & duorum
lectus manipulus.

P R O



PROVINCIA MEXICANA.



EGVNT in hac Prouincia quinque ac viginti supra trecentos, distributi viginti domiciliis, quorum septemdecim ad nos recens è mundo adscripti sunt, sex felici obitu decesserunt, anno huius sæculi decimotertio: nam insequentis anni litteras non accepimus.

MEXICANA DOMVS

Professa, Collegium, & Seminarium.

IN sollemnibus erga domesticos, ciues, extraneosque muneribus, hæc Domus ita tenuit suum vetus institutum, vt quoniam hoc anno splendor quidam in singulis eorum eluxit singularis, seipsam & superiores annos rectè factorum magnitudine superasse videatur. In Collegio Sociorum tres, Pater vnus, duo Fratres in vitam meliorem

liorem demigrarunt. Omnium primus decessit Pater Ioannes Adamus, Coadiutor spiritalis, Institutu Religiosi, Obedientiæ in primis, patientiæ, orationisque studiosissimus vir: sed sui in omnibus altissimè deliciendi perpetua sollicitudine clarissimus. Numquam visus in alium culpæ cuiusquam causam deriuare, sed sibi omnia errata tribuere: tanta mansuetudine in ceteros, seueritate in se tam insigni, ut ferè modum excederet. Obitus nuncium admirabili accepit alacritate, qui eius vitæ maximè consentaneus, placidissimo somno simillimus fuit. Hunc est subsecutus Franciscus Ximenez, ætatis anno vicesimotertio, dum Logicæ studia decurrit, quem, tametsi firmis viribus, repentinus insidens morbus, octauo vix absoluto die consumpsit. Singulos domesticos sibi demeruerat, cùm cetera virtus, tum singularis in obsequendo alacritas, ut omnium vel iussa, vel rogatus propensissima gratificandi voluntate præueniret. Purissimus eius animus se ab omni culpa pridem ita abalienauerat, ut vel tenuissimæ noxiarum umbræ illum anxium mirè haberent, si quid earum aliquando sibi accidisset nec opinanti. Præfagiit diem horamque decessus, & se cum germano Fratre, qui proximè obiuerat, futurum prænunciauit, nec temerè; nam ea nocte, quæ occasum præcessit, auditus est colloqui cum illo suo germano, velut qui attulisset mortis propinquæ nuncios, ad quos mirificè exsultauit, postridieq; inter suauissima Crucifixo impressa oscula lætissimus occubuit. Petrum Perez tertio loco beata fors excepit,

cepit, cum viginti annos egisset in Societate, rei domesticæ Adiutor Formatus, in summis perpetuò versatus occupationibus, & summa cum religione ac fide, quarum obtentum numquam interponeret, ut se priuatis exercitationibus familiæ subtraheret, quibus tribueret constantissimè, quidquid à grauioribus suppeteret otiosi. Seminarium Mexicanum ex centum sexaginta egregiè moratis alumni sex & viginti produxit in publicum, suo merito laureæ prærogatiua donatos, cum honorifico testimonio industriæ in disciplinis vtiliter collocatæ. Huius Seminarij Rector, Pater Emmanuel de Sandoual, cum decederet, non mediocriter eius statum conturbauit, quem sanus egregiè antea tuebatur. Vixerat omnino annos duodequadraginta, in Societate autem duos ac viginti, quattuor Vota professus, vir planè omni genere virtutum eximius, quarum vim singularem hauriret ex intima illa, & perpetua cum Numine coniunctione, cuius assidua familiaritas sic animum hominis componeret, ut non sit animaduersus commotæ mentis signum edidisse. Illosus pridem erat, acerbissimis, frequentibusque doloribus obnoxius, quorum tamen sæuitiam ferendo silendoque premeret: quo eum affectu extinctum sit credibile, cum eum tres duntaxat ægrotationis horæ confecerint. Eum Nobilitas Hispana, Mexicanus populus, sed Alumnorum conuentus, cœtusque Sociorum, multis grauissimisque de causis luxit, lugetque.

S E D E S

SEDES SANCTI GREGORII.

QVaterni Socij, duo Sacerdotes, Adiutores duo, popularis linguæ periti, agunt in hac Sede, adiuuandis indigenis, maximè instituenda suburbana, & vicinorum pagorum pueritia, quæ huc confluit ad Christianæ doctrinæ, litterarum, ac Musicæ haurienda rudimenta; grandiores verò festis diebus ibidem Sacramentis imbuuntur. Egestate laboranti plebi, aut morbis malè affectæ, non modica subsidia, iis leniendis incommodis, ex hac itidem Domino subministrantur. Gemina quoque piorum virorum Sodalitia in hac Sede coire solent, haud sanè vulgari pietatis incremento, cuius in dies existunt argumenta singularia. Eduntur quoque diuinitus exempla seueritatis in contumaces, ac pœnitudinis opportunæ contemtores. Adolescens pridem turpiter mulieri consueuerat, ægrotare autem cœpit, dum nefaria intercederet consuetudo, perque ægrotationem, instante morbo, Sacramentis procuratus; velut vsurpandæ modò consuetudinis gratia, infelicissimè defungitur, & detruditur in Tartara. Concubina morte inopinata sui amasij perculsa, vt de mortui animo faceret bene, insistit ei preces & sacrificiorum vim adhibere; sed is de nocte mulieri decumbenti assistit, multo cum gemitu & lamentis monet sua supplicia non minui, sed augeri orationum accessione, quæ sibi destinarentur: quare iis deinceps abstineat mulier, se namque addictum

æternis Erebi cruciatibus: ipsa verò suis rebus ca-
 veat maturè, alioqui in societatem supplicij deuo-
 luturam. Interea tumultus ex propinquo auditus,
 velut aliò vocantium, moxque horrendus cate-
 narum increpuit fragor, & miser ille abreptus
 euestigio, miserabili eiulatu complens omnia, de-
 uolutus est in barathrum, cuius flagitiorum con-
 fors mulier, tam acerbo illius casu territa, mentem
 appulit seridè ad res suas constituendas, statimque
 se generali Confessione nostris expiandam præ-
 buit.

ANGELOPOLITANVM COLLE-
 gium, & Tepotzotlanum.

ANgelopoli adolescens Gymnasij nostri
 Alumnus, cum ingenij vel imbecillitate, vel
 stupore, inter æquales non posset emergere, Bea-
 tum Gonzagam, vnius è nostris suasu, sibi patro-
 num delegit, ei que certum precationum pensum
 cœpit perfoluere; atque ita se adiutum sensit, vt
 deinceps, in studiorum cursu, multos eorum, qui-
 bus natura benignè fauerat, faciliè antecesserit.
 Indus ebrietati maximè deditus, nostrorum con-
 suetudinem, Congregationemque vitabat, ne co-
 geretur domesticum amicumque vitium depo-
 nere, cui vxor nunquam suadere potuit, vt nos
 adiret Confessionis gratia. Nocte igitur intem-
 pesta eum adiit Æthiops nescio quis, à quo vehe-
 menter primùm territus, acerbissimè deinde ver-

beratur, quoad blanda pulcherrimi pueri species terrorem absterfit, Æthiopique imperauit, vt faceret verberandi modum: Deum enim, nefarij hominis miseratione commotum, concedere ipsi tempus pœnitentiæ, quem mox iubet adire ad vnum de nostro Collegio Confessionis gratia. Venit ille quidem plagarum adactus fœneritate, ac perterritus summo perẽ, casum suum aperit, plagas recentes ostendit, exsequitur quod iussus fuerat, & mores mutauit in melius. Michaël Bolignaga, Formatus Adjutor negotij domestici, ætatis duodecesagesimo, aditæ Societatis quinto ac tricesimo anno, strenuus in sua conditione operarius, nobis decessit, cùm diu ægrotassèt, eiùsque morbus talem eum ostendisset erga Instituti obseruationem, cuiusmodi semper valentem noueramus.

Tepotzotlanis morbidus fuit hic annus, contagiosa quadam febris, quam Ceocolistli populares appellant, indigenis ferme pestilenti, quæ dum regionem omnem peruagatur, infinitâ hominum multitudinem lecto affixit, nostrosque omnes iis iuuandis magnopere occupauit, & exercuit, dum animis remedia, egentiumque corporibus medicamenta & cibi adhibentur. Iam prætereunte faciendæ sementis tempore, nullo pridem rigata imbre terra culturam respuebat, marcescebat verò quidquid iam esset terræ commissum; quare ad preces ac vota descendendum sibi esse statuit vnipersa ciuitas. Supplicatio maximè sollemnis indicitur ad Parentis nostri effigiem, vbi publicè seuera diuerberatione certatum est à frequentissimis

mis ciuibus, neque sine præmio: mox enim densatum nubibus cælum, tamque opportuna & copiosa expressa est pluuia, vt nemo benigniorem exoptaret.

GVAXACENSE, GVADALAXENSE, Vallisoletanum Collegia.

EXCVRRERE Guaxacenses Socij Xalatlacum, in remotum oppidum, suæ clientelæ ac fidei commissum, vbi Ieiunio Quadragenario habitæ sunt Conciones Catechesesque fructuosissimæ. Iuuat in primis labores nostros indigenarum in Socios beneuolentia reuerentiæque, vt eorum respectu multum remittant de barbaris moribus, quia se nobis probare cupiunt, quales cupere nos pridem ostendimus.

Guadalaxæ Indus in populares pestiferum virus eiusmodi effuderat, vt eis persuaderet, Crucem Indis esse in primis perniciosam, tametsi Hispanis valdè salutarem, cuius sermonibus dementati homines idiotæ Crucis signum quacumque regione obuium maledictis execrationibusque insectabantur, obruebant lapidibus, donec adfuit Deus ultor iniuriæ, nam auctor sacrilegij loco præcipiti delapsus, fœdè in ipso casu, interiit. Noster autem pro concione graniter inuestus in flagitij principem & conscios, nefarij ruina iam magnopere artonitos, omnes redegit ad mentis sanitatem; qui vt damnatæ culpæ suæ monimen-

rum præsentibus posterisque statueret, altissimam Crucem multa testificatione religionis erexerunt. Cacodæmon Indigenis quibusdam imposuerat, ut vana spe fretos exponeret inermes vulneribus necique, intereaque sacre Crucis ludibrium crearet. Si vellent, vel ipsa cute corporis obiecta, quantacumque vi libratum telum retundere, iubebat eos quotidie læua manu signum Crucis sibi imprimere, sic fore cuius ferro impenetrabiles: quod eatenus à barbaris creditum est, dum omnium maximè temerarius se nudum obiecit armatis, quorum mucronibus transuerberatus suus deinde amentiam nostro Sacerdoti, ad Confessionem vocato, explicauit.

Vallisoletanorum Sociorum vnus repente conualuit, implorata Dei Matris ope, & eius sacri Conceptus imagine capiti adhibita, cum antea salutem ipsius medici conclamassent,

*PASQUARENSE COLLEGIVM,
veræ Crucis, Zacatecana, Guatimalensis,
S. Ludouici, & Guadiana Sedes.*

P A R O C H I duo, Regij Magistratus totidem, & alij duo viri primarij, temporibus alij alijs ed discordiarum processerant, ut explendis paucorum odiis multorum manus ferro armarentur, alterutrius partis, aut etiam vtriusque futuro exitio: sed nostrorum Pasquarensum ea felicitas fuit,

fuit, vt, Diuina ope, auctores diffensionum inter se reconciliarent, ac deinde factionis vtriusque afsecclas. Ad veræ Crucis portum classibus, seu Mexicanis, seu Hispaniensibus, vtroque vel euntium, vel redeuntium commeatu, fructuosissima semper annis superioribus, sed hoc anno etiam fructuosior opera est nauata, quoniam ita tulit occasio. Apud Zacatecanos serua mœrore oppressa statuit laqueo vitam finire, aptatôquē suæ corpûs suspendit è trabe, in quam iam mortuam, aut mortuæ similem, casu incidit hera, quæ spectaculo perculsa grauius restim abscindit, & quoniam iudicium vitæ nullum apparebat, apposit iacenti Beati nostri Patris imaginem, eiusque opem enixè deposcit, moxque illi miseræ aut vita, aut interclusus spiritus restituitur, vt valida exurgeret. Fratrum vnus è Guadiana Sede peregrè missus pîj negotij causâ, in diuersorio viri Nobilis incidit in puellâ tabido capite, ac cæteris membris affectam pessimè, vt ex corruptissimo eius corpore teterrimus fœtor exhalaret. Eius miseratione ductus Frater, spei plenus, effigiem Beati Patris nostri admouet, euestigiôque vitiatorum ossium, dentium putridorum, & corrupti sanguinis vim non modicam emittit, simulque plenissimam sanitatem assequitur. Inde aduocatur idem ad aliam conclamatam ægram, cui repente præsidio eodem eandem medicinam facit. Alius quidam ab feroci & indomito equo humi diu raptatus, triduum iacuerat velut exanimis, & vndeiginti postea dies in acerbissimis doloribus egerat, cuius collo ap-

penſum ſigillum Beati Patris ab eodem quoque fratre repentinam contulit ſanitatē.

T O P I E N S I S, S. A N D R E A E, C I -
naloenſis, Tepehuana, Parralienſis
Miſtrones.


Sacerdote noſtro Topienſibus fructuoſiſſimè ſconcionanti viſus eſt Orcus ferre impatientiùs ſe veteri exactum ſtatione noſtriſque ac indi-
 genis extremam moliri perniciem, commouendis
 ventorum turbinibus, inbrium, fulminumque
 tam horrendis tempeſtatibus, vix ut ab orbo con-
 dito quidquam adeo ſecum potuerit accidiſſe.
 Poſt multorum dierum immanes Austros ac pro-
 cellas, die quodam tanta vis aquarum è proximis
 montibus coepit exundare, ut oppido ſubiecto,
 nobiſque omnibus preſentiſſimum exitium im-
 mineret, niſi Deus extraordinaria nos ope tueretur:
 & reuera nouo quodam genere molis ac mu-
 nitionis auertit Deus ab oppidi excidio immanis
 torrentis formidabiles aquas, cum vicina è rupe
 vaſtior petra, eo impellente, delapſa eſt in graſſan-
 tis torrentis alueum, diuortiſque aquarum in-
 ductis periclitantem urbem exemit certiſſimo exi-
 tio. Confugerant noſtrum in templum oppidani,
 è noſtris audituri quid opus facto videretur, quos
 Sacerdos ad Fidem excitandam, ardentēſque con-
 cipiendas preces cohortatus cum eſſet, ij non
 defuerunt officio, neque Deus auxilium negauit
 pe

petentibus. Aurifodinas loco periculossissimo habebat vir Nobilis potensque, in quibus ne periclitarentur domestici, rapiebat vi ex oppidanis, qui suo periculo eius familiæ incolumitatem præstarent, de quo scelere ut inauduit huius nostræ Familiæ Præses, intrepidè ac palàm viri factum coarguit: non esse utique parandas diuitias certa Christianorum, ac liberorum hominum perniciæ, quibus ipse Christus, non vteretur ut mancipiis. Cum neque sic hominis avaritia & crudelitas desineret, Deus arefecit ipsum fontem insanæ cupiditatis, nam repentinè omnis auri vena vertit in merum siliem, illèque Midas vel inuitus miseros oppidanos subterraneo eduxit ergastulo. Cipalocensis populi siluestris ferinúsque victus in montibus ac speluncis adedò animos efferauit, ut traducti licèt in pagos maximo nostro labore, atque ad societatem vitæ ciuiliæ, tamen inter eos etiam hoc anno quidam fuerint; qui nostri Sacerdotis, qui frequens apud eos versatur, de medio tollendi agitarint consilia. Ex ea gente Tchuëci latam regionem occupant, nuper translati ad Christianum ritum, qui hoc anno Euangelij, & Hispanorum pertæsi, sumtis armis templum suæ regionis euerterant succenderuntque, quibus cum arma excutendo manibus non possent, ferro omnes mactandi fuerunt. In hac Missione interijt hoc anno Pater Ioannes Baptista Velasco, Professor Votorum quattuor, qui nouo hoc in orbe natus, adhuc puer Societati adscriptus est. Simul ac morbum sensit, sibi moriendum esse iudicauit, quare Sacramen-


torum frequentia se ad profectiorem diligentissimè comparauit. Iam duos ac viginti annos agrestes horum barbarorum mores tractabat summis laboribus, quos moderatione ac patientia sic mitigabat, vt in eis vix feritatis vestigium appareret. Summa assiduitate vrgebat creditæ sibi plebis institutionem, ac rudibus erudiendis oblectabatur maximòperè: vnde omnium existeret in eum summa beneuolentia, quòd suam salutem auidè appeti ab eo, seque amari faciliè intelligerent. Sub exitum vitæ aduocatis ad se indigenarum proceribus, Cazi quas vocant, documenta saluberrima deposuit apud eos, quæ in populum vulgarentur, ex quibus cum animaduernerent, quantū eos ipse fecisset, facerētque, dici vix potest quàm acerbis dolor Zinaloensem gentem vniuersam in eius funere occuparit, quàm studiosè ipsius exsequias celebrauerint. Tepehuanensibus haud absimile ingenium est iis, quos nunc memorauimus, sed sedulitate ac longinquitate culturæ sumus assecuti, vt iis æquis docilibusque ac beneuolis vtamur. Indigenarum quidam, generis nobilitate & prudentia reliquis suæ gentis longè anteibat, sed omnem hanc latè regionem crudelissima vexatione infestabat, cæde, incendiis complebat omnia. Risu, scommatis, plagarum etiam comminatione accipiebat nostros, si quis Christiani ritus adsciscendi mentionem iniiceret: mansuefecit tamen Deus sua manu immanitatem incomparabilem tam crudelis feræ, ac leuiori quādam plaga, sed quæ mox indomitum illud pectus
demi

demitigaret. Inuasit in hominem pectoris inusitatus dolor, quo derepentè sic fractus est, vti ad Sacerdotem nostrum iret, seque in illius futurum potestate asseueraret. Data sedulò est opera per nostros, vt homini, multorum atrociùmque flagitiorum comperto, ab summo Magistratu admisorum condonatio impetraretur, quod vt factum erat, & hic mox adhibitus est conciliandis cum Neophytorum corpore, suis nuper commilitonibus & emissariis, quorum pridem atroces vexationes in Neophytos exstitissent, cuius illi auctoritate se passi sunt eò adduci, quò maximè vellemus.

★



PROVINCIA PHILIPPINA.




N hae Prouincia Socij versantur nonagintaduo , decem domiciliis di-
remti , quorum decessere duo , quin-
que ad Tirocinium adlecti sunt.

MANILLANVM COLLEGIVM.

BAttauorum nonnulli capti nuper nauali præ-
lio, dum hîc attinerentur , ex Hæretica perfî-
dia traducti sunt à nostris ad Catholicam Fidem,
quorum tres vt ægrè se debellari permiserint, ma-
nus tamen denique dederunt , duoque ex iis mox
vita functi salutem tuto loco posuerunt , tertius
omnium nuper obstinatissimus, nunc docilitatem,
probosque mores cum recta Fide induit. Mense
Octobri Molucis insulis ex hac ferebant subsi-
dium ad sustentationem & bellum onerariæ quin-
que naues, & duæ triremes, onustæ rebus ad bel-
lum conducentibus , ac , præter alia , saccorum
ory

oryza octo millibus, & ponderum argenti viginti millibus, acie duplici militum, cum Capitaneis, armis, tormentis, puluere, ac globis. Sed quinque naues, ita Deo disponente, ac triremis primaria, sanissimis iactata fluctibus, atque summersa sunt prope insulam Mindorū: hominū pars periit, pars confisi tabulis & natatui primum Mindori litus appulerunt: tantum salua nauigauit triremis secunda, Sancto Patre Ignatio eam liberante, cuius auxilium precipue militum Praefectus, Don Petrus de Almazan, deprecatus est. Is à periculo ereptus, missis ad Manillam litteris, miraculi permultos fecit certiores, in litteris vero ad sorores sic habet: Refer, o germana, necessanter gratias, Sancto Patri Ignatio, qui me in tanto periculo cum manifesto miraculo liberauit, quando vis remigum omnino defecerat; praefatum habemus Aduocatum, eritque mihi, dum vixero. Inter naufragos proximum introierunt montem nonnulli, arborum fructus ad esum quaesituri, quorum Capitaneus Oribe, ac tres milites inciderunt in remiges ac fugitiuos seruos, numero ac viribus potiores, à quibus pulsi deiectique sunt ex celsa rupe in subiectum litus, & ipso casu conuassati obtritique, quartus tamen eorum Franciscus Lopezius, cum restitisset aliquantulum, grauibúsque plagis esset confossus, praecipitatus tandem est, non tamen interiit. Tredecim totos dies panē exanimis iacuit in litore, computrescente humi corpore, omni que meatu corporis erumpentibus vermibus, eo interim suppliciter Deum

ob

obtestanti, ne se Confessionis expertem pateretur occumbere, quod & impetrauit. Ea enim triremis, quam diximus euasisse naufragium, sedata licet tempestate, nullo remigum conatu tres dies totos potuit deduci ex eo littore, vbi Lopezius moribundus iacebat, cuius aliquando auditi gemitus è triremi, & vox indigenæ de illius casu admonentis, exciuerunt Fratrem Petrum de los Cobos, Religiosum Franciscanum, vt eò scapha traiceret, qui deinde narrabat, visum sibi velut alterum Iobum iacentem in sterquilinio, ac totis membris tetra sanie manantem. Is hominem affatus, quaesivit, an cuperet expiari Confessione; annuit ille factoque signo Crucis cum parte digiti, quæ in dextra supererat, distinctè, ac integrè, magna doloris significatione confessus, & post pusillum in aliam vitam feliciter transiit. Est autem obseruatum, à Confessione illam corporis horridam speciem trāsisse in aliam amceniorē, quæ spectantibus deinde deuotionis sensum & lacrymas cōcitaret. Obiit diem suū Februatio mense, huius sæculi anno quarto & decimo, Ioannes Camillus Salim, Neapolitanus, Adiator Formatus rei familiaris, annos natus quinquaginta, quorum ferè dimidiam partem in Societate posuerat, qui eis virtutibus maximè excelluit, quæ Fratres nostros spectant. Mira in eo sinceritas effulgebat simul cum intelligentia rerum agendarum, quæ illi per Obedientiam committebantur. Humilitatis & silentij virtute pollebat. Artis suæ lignariæ vsum ad extremum vsque vitæ tempus in Societate retinuit.

Assi

Affiduus fuit deuotionis exercitiis , vnde ortum habuit fingulare patientiæ documentum , quod nobis reliquit.

Missionum prima fuit ad Quiapum , cuius tria sunt oppida prope Manillam : sub cura Sæcularium Clericorum. Ibi promulgato nostrarum missionum Iubilæo , auditæ sunt Confessiones mille & octingentorum hominum , atque multis locis excisæ veteres Ethnici moris reliquiæ. Inde ventum est ad Balaianos , quibus insita viuendi licentia , & inopia Christianæ culturæ grauem intulerat læbem. Aggressus Sacerdos Missionem hanc ab rudimentis Fidei , in tabella descriptis , & ad ædis valuas affixis , indigenarum plerisque occasionem præbuit ea sibi describendi vnde magno pere proficerent , cum in cæteris tum ad instituendum serio Confessionem. Portum Cauite , incolis & aduenis celebrem exinde lustrauimus , vbi tanto plus corruptelæ deprehensum est , quodd ed affluit , & diuersari solet ex omni conditione hominum fœda colluies : ed missi Sacerdotes duo , quorum Tagales , seu indigenas vnus , vnus Hispanos curaret , quorum omnium fuit insignis sedulitas suis animis procurandis , tametsi per eos nauibus profectiorem adornantibus , vniuersi valdè occuparentur conuehendis in ipsas suis mercibus. Magnus fuit omnino animorum motus , vel ab ipsa prima concione , cùm est animaduersa vndique audientium comploratio , & perseuerauit deinceps incrementis maioribus , vt etiam sua sponte milites triginta suas pellices Iudici traderint,

derunt, vt eius auctoritate diuellerentur in perpetuum. De breuitate vitæ, mortisque incerta hora & conditione agebat in Concione Sacerdos, in qua tandem ardore dicendi prorupit in hæc verba: Quid? scitisne vtrum obstinatus, qui me audit peccator, die crastina Deo de factis rationem reddet? atque ita contigit. Miles famæ non bonæ proximo manè prope nauim, quæ fabricabatur in littore, leui occasione iratus cum transiret, ac verbis pessimis eiuraret, fortè decidit à summo proræ lignum, quod subitò hominem, iuramenta repetentem, interfecit. Secundus etiam fuit, in cuius periculo alij sapierunt, qui peruicaci animo amicorum consilia repudiabat, qui à pellicatu cum educere conabantur: stulto autem homini pro responso fuit hæc fatuitas: longum restat Quadragesimæ tempus. Verùm statim ac verba dedit, breuiati sunt dies ei, qui longos sibi restare ad pœnitentiam putabat: nam statim concidit exanimato similis; paruoque temporis intervallo caput, manus, ac pedes motare cœpit, ac si epilepsiam pateretur. Huc & illuc circumspexit tam rabido aspectu, vt ijs qui aderant magnam terrorem incuteret: ita enim faciem cum timida voce aliò auertere absconderéque conabatur, vt qui terrentem se Dæmonem adspiceret, quæ rabies, absque vllò pœnitentiæ signo, durauit horas circiter duodecim, donec abscissam dentibus linguam pariter & animam exspuit.

ANTIPOLANA SEDES, ET

Silanensis.

Mulier Antipolana, cuius fetus in utero examinatus, magno parturientis detrimento, expelli non poterat, Sanctum Ignatium invocans statim ac eius imaginem pie coluit, sui & eorum, qui aderant, admiratione, putridum eiecit cadaver, dolore simul & periculo liberata. Alius cuius agrum & oryzam, circumiecta sepe nihil prohibente, apri & cerui deuastabant, Crucis sanctæ imaginem in medio constituit, & ex tunc hæc animalia pii hominis fata fugiunt, vicinioraque depascuntur. Silanensi domicilio attributi sunt populi Maragondones & Indani, cuius sedis occasione vsi siluestres & montani mira feritate homines Itæ, ad nos interdum deuoluuntur è iugis montium ad animæ salutem exquirendam. Senem quemdam amici hortabantur, ut filiam mortuam loco sacro sepeliret; quibus ille barbaro more, prope, inquit, flumē est, cuius aquis eam mandabo. Ei post paullo mortui sunt fratres, quorum funera potationibus, ritu ethnico celebrauit, quod factum deinde in templo Sacerdos noster acerbè reprehendit, adstantesque preces iussit fundere pro defunctis duobus fratribus, quod cū facerent reliqui, senex ille vnus furēti similis inde excessit, ambulatumque concessit ad ripam profundi fluminis, quæ in deambulatione aquis haustus interit, eodem sepulcro, quod proximis diebus filia suæ destinauerat,

uerat. Quidam noctu nauiculam plenam mercibus aliunde portabat, quas tamen tempestate suborta in mare merfit : sæuire autem cum pergeret oceanus , aduersis ventis abreptus est , quò noller portitor : inter enim spissos scopulos , & fluctus exaltatos in manifesto fuit periculo. At ille Christum Dominum , quo potuit affectu , inuocans , clarè inter noctis obscuritatem vidit nauiculæ proram ducentem puerum , alba ac præfulgenti veste , & pulchritudine inexplicabili , deduxitque hominem cum filiolo , & complusculis , citissimè in portum , ad quem tranquillo etiam mari peruenire experti nauitæ impossibile iudicabant.

ZEBVANVM COLLEGIVM.

HVius Collegij Rectorem , Patrem Franciscum Gonzalez morbus nobis sustulit, natum apud Aragonios, in vrbe Tarraconensi , Vota quattuor professum , ætatis anno quadragesimo sexto, vicesimo quarto impetratæ Societatis. Fuit insignis animarum zelo , ijs præsertim temporibus, quibus Bisaiarum ministerio vacauit, & Ottonensis Missionis superior fuit, vnde cum ad hoc regendum Collegium vocatus est, magnus exstitit incolis illius loci animorum sensus atque dolor, Zebuanis verò ad quos veniebat , hilaritas & lætitiæ, Humilitatem & paupertatem maximè coluit, mirumque in modum gloriabatur, quòd nullus

lus esset in Societate proprietati & amicitia loci. Finitis exercitiis spiritualibus, quæ clarius plus solito, habuerat, mortifero fuit morbo correptus, & cum aduersus febris violentiam nulla remedia efficaciam haberent, denique rite dispositus, & ad Dei voluntatem conformatus decessit. Ad proseguendam Missionem in Butuanos Sacerdos ijt, magno indigenarum bono: tristis enim illos morbus inuaserat, qui senes crebro ac debiliores absumebat: quorum alij recens baptizati, alij Pœnitentiæ Sacramento parati, decesserunt. Itum quoque est in vicinum montem, ad Manabas, ferinum genus hominum, qui, vno arcu & sagittis freti, solo venatu vitam tolerant, qui, vbi non succedit, in proximum littus, ad piscatum deuoluuntur. Incidit in littore Sacerdos noster in triginta natu grandi, ac viginti pueros Monabos, qui rectâ ad ipsum profecti reuerentiæ causa ei manum deosculati sunt, & risu lætitiâ indicante familiarem sermonem conferebant. Pater offerens munuscula, vt hamos, & acus, eorû voluntates Christo capiebat; hæc enim suscipientibus Sacerdos Sapientiæ Dei thesauros aperuit: quibus rebus attentas aures præstiterunt, magnam Christianæ legis concipientes existimationem. Manabos sola carnis certis diebus apud Christianos abstinentia deterrebat à Fide suscipienda, non enim se idolis seruire, sed Deum omnium conditorem, Christum Redemptorem reuereri aiebant: illam tamen abstinentiæ difficultatem superaturum iri dicebant: ideoque desiderabant, vt ad

eos Pater aliquando rediret, quem honoris gratia ad nauim comitati sunt.

SEDES APVD PICTOS

Insulares.

MIndanaüs Mahometanus Pictis Insularibus triplicem calamitatem, eamque acerbissimam, proximè intulit, & prima contigit quidem Augusto mense, in Leite insula aduersum Dulachianam sedem, & duo oppida Abugo ac Vito: altera in Balanguigan, vbi Turcica immanitas in Christi Domini, eius Matris, ac Cælitum reliquorum imagines gladiis transverberatas, humique raptatas, sæuiit atrocissimè: domos & fata combussit: & quidquid occurrir furenter est demolita: quadringentos è primariis homines, Dacos vulgò appellant, in captiuitatem abduxit: cæteræ multitudinis magnum numerum trucidauit. Tertia incurfio hostilis magnum nobis, supra cæteras, vulnus inflixit, nam præter oppida Leitæ Insulæ rapinis exhausta, sexcentos homines in seruitutem redegit, & triginta septem biremes spoliis nostrorum oneratas Mindanaüm retulit. Huius piraticæ classis præfectus fuit Hispani nominis antiquus hostis Pagdalanus, qui sæpe ex Mindanao insula ad Pictos debellandos erupit. Cùm Dulachianos primos expilasset, audebat ulterius tendere ad interiora insulæ, versùs oppi-
da

da Tambucum, & Rutaguen, sed Rutagueni obuiam prodeuntes, vias arundineis muricibus abunde consperserunt, quibus confixi hostes restiterunt. Hinc flexere viam ad insularum vnam, cui Samar, id est infima, nomen est, vbi est Tinagobensis nostra Sedes, sed cum flumen Palo salutasset, à quo flumine nomen est oppido, scapham Paloenfium piscatorum deprædatus, ex eis didicit nostrum Sacerdotem, & eius socium in oppidum versari, quo latus nuncio, flumen ingressus in imparatos incolas irrumpit. Mulierum in aperto deprehensarum ingens fuit captiuitas, cuius in manus quoque venit Pater Pascalis De Acugna, Dulachianæ Sedis Rector, necdum à periculosissimo confirmatus morbo, cuius vis eò ægrotum deduxerat, vt facto oleo inungeretur. Paloenfis & Dulachiani oppidi templis, ac cæteris ædificiis manus abstinuere Mahometani, vt eorū opportunitate alleciti oppidani, denuo ad incolendum redirent, sicque nouæ paterent populationi atque iniuriæ. Remigrabat interim cum classis parte Pagdanus, cuius deprædationum conscius, dux strenuus, Franciscus Hernandez, Nauarreta, qui in Leite Prætozem Regium agebat, zelo concitus, tribus Hispanis militibus comitatus, in scapha mari celeriter se commisit, hostemque secutus, saltem Patrem Rectorem de illius manibus eripiendum, vel sibi moriendum esse decreuit. Pagdanus in mare conclusum insulis se receperat cum decem biremibus: exploratores præmissi ei renunciabant duas apparere nauiculas



uiculas, quæ in portum proximiorē introissent: mox nauiculam ad se venientem obseruat, & eius marginem plenam multi fomitis ignarij, statim stratagemate coguito, paucissimi sunt, inquit, Hispani numero, plures ignes. Tunc biremem suam expediri ad pugnam, tormenta parari voluit: altera biremis huic modò adiuncta præ metu discesserat. At verò Hispani inimicam biremem sua nauicula circumeuntes bombardis quatuor, tot erant pugnantium capita, Duce Prætorē Hernandez, semel iterumque dispolis, aliquos ex præcipuis occiderunt, & primum Ternatensem vnum, rei tormentariæ bene peritum, qui tormenta ibi curabat. Multis Hispanorum spiculis immisis frequentes in biremi vulnerabantur, & ipse Pagdanus in dextro bracchio læsus est graui-ter. Nec solùm hic fuit Hispanorum animus, sed, cognita in hostibus multa turbatione, duo cum Mindanaiis manus conferere ausi sunt, birememque ingressi ea fortitudine, ac dexteritate ensem hac illac circumferentes, vt hostem ad fugam coegerint, quem omnis animus & industria, præterquam ad fugiendum, defecerat. Similiter & nouem aliæ biremes, qua potuerunt festinatione, se fugæ commiscrunt. Patri vero de Acugna, in biremi Archipiratæ captiuo, periculum necis non defuit, cuius mortem Mindanaij decreuerant, sed, acinace an lancea eum tollerent, ambigebant: quemque relictum medium præterierant Hispanorum manu inissæ glandes, confossis illius dextra sinistraque duobus Mindanaensibus, quorum

cruor

truoꝛ eum asperferat. Et cū Pagdani seruus dominum spiculo percussū videret, cucurrit properè, vt Patrem appeteret ad necem, nequuluit tamen etiam manibus ambabus admotis Campilanem, genus est grandioris acinacis, ad vulnus attollere. In ea captiuitate didicit idem Pater ex Mindanaensibus, quòd quando SANGILES, sunt insulares populi Mindanaensibus finitimi, annis superioribus Carigaranae Residentiæ oppida diripuerunt, secum inter spolia paruam Iesu pueri deferebant imaginem, quæ in nauigatione barbaris Mahometanis Sangilibus ludibrio erat, ipsam enim ad aquam suspendebant, flagris diuerberabant, & despiciebant omni irrisiōis genere. Sed statim pœnas dedere tantæ impietatis, nam suborta tempestas naues & homines perfidos vndis obruit, & malè perdidit, saluis pauculis, qui nūc dicunt illā fuisse pœnā sacri pueri, qua se vehemèter in Sangiles vindicauit. Huc casu deuenit præcipuus quidam Caragensis, Gumaras nomine, notus Capitaneo Alfonso de Pedraza, Zebuano Prætori, in cuius amicitiam se insinuare desiderabat. Hic vt Patrem à seruitute in libertatem restitueret, putans hoc factō Prætoris amicitiam contrahendam, non modicam diligentiam adhibuit: tandem pretio quadraginta ponderum eum redemit, & parata nauicula, donatumque duabus campanis, quæ illi genti in æstimatione sunt, in ciuitatem Zebuanam liberum redire permisit. Versabantur Zebuani in magnis metus angustiis, si ad eos veniret Mindanaius pirata, qui bonis auda-

cior euentibus superbierat, cum præsertim milites, qui in huius ciuitatis custodia sunt, & commendatarij ciues, ad Manillam vocati essent, vt inde ad Molucas contra Hollâdenſes expeditionem facerent. Rem hanc, & Biſaienſium calamitatem, vt cum Domino Inſularum Gubernatore tractarent, miſſi ſunt ad urbem Manillam, Reuerendiſſimi Epiſcopi, quem infirmitas ad eundum impedit, & totius ciuitatis nomine, Pater Franciſcus Vincentius in Piſtis Iuſulis Superintendens, & Pater Paſcalis de Acugna, qui ab hoſtibus recens venerat. Ibi egerunt, vt milites, & ciues commendatarij in ſua ciuitate permanerent, addita denuo acie militari duplici, vt urbem illam, & Inſulas piſtas, quæ Biſaienſium, ſeu Piſtorum ſunt, à quocumque impetu tueantur, dum ad Mindanaenſes expugnandos parantur neceſſaria.

*BOHOLANA, DVLACHIANA,
& Tinagobensis Sedes.*

BOholanis hoc anno tranquillitas fuit ab hoſtium incurſionibus, tantoque maior Patribus noſtris facultas ſalutis indigenarum procuranda. In Dulachiano agro, in oppido Dagami, quod caput eſt reliquorum, baptiſmo luſtrati ſunt adulti omnes, qui adhuc in infidelitate perſtabant, ſed eorum numerum non aſſignant; ante Baptiſmum autem moniti, ſeruis, qui leui ex cauſa ſerui erant
liber

libertatem reddiderunt. Arescebant Dagami, quæ creuerant, oryzæ fata, defectu pluuiæ, quæ multis iam diebus in desiderio erat. Indicta supplicatione publica, longo se flagellantium ordine, sanctissima Virgo, cuius imaginem præferebant, ita deprecantibus præsto fuit, ut tribus diebus continuis imbrem non cessantem habuerint. Horum exemplo, & miraculoso euentu commoti sunt Palloenses, qui pluuijs etiam indigebant, itaque simili supplicatione vix, qui flagris terga verberarunt, domum redierant, cum copiosus imber è cælo decidit, qui abundantem dedit fructuum perceptionem. Conscijs Sacerdos, quod senex antiquitatis suæ tenebris adhuc obscuratus, pro salute filij Dijs sacrificium obtulerat, eum grauius reprehendit, & ad pœnitentiam adducere conatus est: senex inueteratam sacrificandi consuetudinem occultauit, ac negauit factum: Deus autem supplicium de ipso manifestum, in aliorum animaduersionem sumsit: simul enim senex & filius, cuius salutem nefario sacrificio quæsierat, impœnitentes interierunt. Tinagobensi Residentiæ, quæ subiiciuntur Insulæ, à S A M A R, ut suprâ diximus, nomen habent, quod idem valet, atque Infimæ Insulæ. Vix in hoc toto tractu veteris infidelitatis vlla indicia reperiuntur: idololatria funditus eradicata est, & aucta Fides cum deuotionis & pœnitentiæ operibus. Ferè semper, sed in Quadragesima præcipuè, per noctem in templis diuinationis causa conueniunt: & multi per calles, tunica induta Europæorum more, vsque ad

sanguinis effusionem funibus se flagellant : Cruces alij portant super humeros , alij aliis pœnitentiæ modis se exercent , & communiter omnibus infedit amor pietates similes frequentandi. Quidam per incuriam die Festo sacris non interfuit , ferebatque aliò nauiculam sale plenam , & cum longiùs iam esset à littore parum absuit quin in vndis vento concitatis summergeretur. Tunc ille ommissionis suæ pœnam pertimescens Diuinam misericordiam implorauit , sedatur tempestas , sed cum portum appelleret , quietum mare cernentibus omnibus , & ipso in terram exsiliante , nauiculam hausit.

Ex captiuis , quos Mindanaenses piratæ tulerant , Lusitanus quidam & indigenæ quinque redierunt , qui ita gloriosè loquuntur de aliquibus huius Residentiæ mulieribus , quæ in captiuitate sunt , vt rectè de ipsis illud dici possit : Custodierunt animam suam , & non sunt contaminatæ in escis Gentilium , & memores sunt Domini in toto corde suo. Præit illis exemplo probatæ virtutis mulier , quæ in oppido est Piratæ H I N V C , quæ antiquam recitandi rosarij consuetudinem ita retinet , vt sphaerulæ precatoriæ numquam ferè de illius manu decidunt : manè & vesperè vnius horæ aut duarum spatio , flexis genibus , & leuatis ad cælum manibus , orationi vacat ; dies Dominicas , & Sanctorum festa sibi nota sanctificat , idque ipsum concaptiuitas admonet , & præcipuè in Fide perseuerantiam , & in virtute conseruanda constantiam crebro suadet. Vna earum mulierum ,
ado

adolescens, & egregiæ venustatis, statuit apud se potius morti tradendam, quam turpitudine candorem Christiani animi maculandum, persistitque in suscepta constantia, quæ inhumaniter à Domino suo tractata nec minis nec verberibus adduci potuit, vt non contemnat illecebras. Altera ab ipso Hinuc Pirata, cuius domi est, improbè sollicitata, vt repudiato coniuge, qui in hac Residentia ex nobilioribus est, ipsi inter concubinas sit, conata est monitis tam peruersi hominis intemperantiam corrigere: quod cum non sufficeret, vt eum ab intenta nequitia auerteret, magna constantia ab se procul abegit, & hac de causa eam flagellis quotidie, pugnis, & virgis ita male afficit, vt sæpe pro mortua relinquatur, faciesque ipsa pallida vulneribus & vibicibus rem demonstrant. In noctibus lucta est maior, sed pia mulier in tanto discrimine noctes agit pænè integras, sedēs, plorans, & castissimæ Matris Virginis opem implorans, sicque firmatur Diuina gratia. Semel Hinuc ira percitus & furore, quodd à muliercula ita despiceretur, acinacem arripuit, quo illam obtruncaret; illa statim maxima alacritate genua flectens, iunctisque ante pectus manibus, & sublati oculis, percutit, inquit, pro Christo morior. Hinuc speculum istud admiratus, mutauit animum, priuauitque Christi famulam corona Martyrij, quod in votis habebat, fortè vt maioribus meritis, & longiori patientia pulcriori laureola perfruatur.

S P I

Z z 5

S P I R I T U S S A N C T I, E T
Carigana Sedes.

IN Sancti Spiritus, siue Palapagi, administri sunt nostri Patres oppidorum decem, quæ amplæ insulæ Zabao, & duabus minoribus circumiecta sunt, regioque hæc satis ampla Sancti Spiritus nomen habet, sed quoniam in oppido Palapag primum fuit Fidei præconium, hinc est, Vt Residentia Palapagana dici soleat, non aliter ac aliæ Residentiæ, quibus multi ad ministeria assignati sunt populi, à præcipuo appellationem sortiuntur. Numquam ad hanc regionem Mindanaenses peruenire, tum quia magis distat, quàm aliæ, tum quia maris nauigatio est perdifficilis per angustum fretum, & velut ostium, per quod mare ad insulas istas funditur, & refunditur, refluuntque vndæ in seipsas ea velocitate ac impetu, vt certum sit ignaris illac nauigandi periculum. Rebus itaque pacatis huius Residentiæ, fructus etiam pacatissimi percipiuntur, vt hoc anno ad Baptismum mille ducenti sexdecim adducti sint: trecenti paruuli, vnde nonnulli paullo post feliciter defuncti sunt: ex adultis quadringenti & octoginta duo consuetis Ecclesiæ cærimoniis matrimonio coniuncti. Indigenæ quidam venationis causa montem ingressi, gurgustia quædam idolorum cultui dicata videntes, ancipites ac dubij esse cœperunt, an vera essent, quæ de idolorum inanitate nostri prædi

prædicauerant, & statuto ad ianuam idolo, comperiamus, aiunt, vtrum proavis nostris, an Evangelij prædicatoribus adhibenda sit fides: si ceruum ceperimus, standum erit antiquæ doctrinæ. Tunc exeuntes, hac illac peruestigantes, sub vesperum nihil venati redierunt: & Crucē sanctā idoli loco statuentes, addiderunt, vera fatebimur, quæ Patres de Christo nos docent, si ceruū venati fuerimus: & ad venationē exeūtes ante horam ceruū magnitudinis ingentis deprædati sunt, quod ipsi admirati, multis alijs & nostris etiam retulerunt, & errorem dedocti sunt. Carigatæ bellici quidem rumores terroris nonnihil pepererunt, non ita tamen, vt ministeria nostra prætermitterentur, quāquam populi frequentia minor aliquando fuit, sed ipse tandem timoris turbo indigenarum ardorem pietatis excitauit, maior enim deinde fuit ad Sacramenta concursus. Indigena quidam multo auro & mancipijs opulentus, ab amico pietatis cultore admonitus est, vt deposita auaritia, tandem Deo se dederet: meminervis, inquit, quod in concione audiuius, qualiter Deus peccatores punit, quos diluuiū quondam perdidit; cui respondit auarus ioculator: Aurum habeo, quo scalam fabricabo ita sublimem, vt si mundus iterum aquis obruatur, ad ætheream regionem possim ascendere. Non multò post eum riuulum pertransiret, in pauculas lapsus aquas interiit.



PROVINCIA

LVSITANIA.



N N O priore fuimus sexcenti septuagintasex Socij , posteriore decem & nouem illis pauciores ; Sacerdotes ducenti triginta , Scholastici centum nonaginta circiter , Coadiutores centum septuagintaseptem, octoginta Nouitij, Familiæ decem & octo.

OLYSSIPONENSIS PROFES- sorum, ac Tironum Domus.

I N Professa Domo tres occubuerunt, omnium primus Nicolaus Pereira , rei familiaris iactura insigni, cui se vltro, Musis valere iussis manciparat, cui primas operas debet succrescens Nouitiorum Domus , quam valdè iuuat, visurus propediem absolutam , nisi dura illa manus vnco

traxisset in Libitinam, meritis grauem, natum annis sexagintaquinque, nobis iunctum triginta sex. Crudum adhuc vulnus infricuit Alfonso de Proença proximus discessus, eodem vitæ genere, & fide, quibus ille superior, quo mortuo magnum nobis reuixit magni illius Ignatij Martinez desiderium, cuius lateri viginti ipsos annos tractandis pueris adhæserat: plures etiam colligenda nobis stipe posuerat: mite ac māsuetum ingeniū: cōpositi ad modestiam oculi, animorū illices & amici, cælestium rerum commercio viam muniebant; viuum amauit, mortuum suspirat Olyssipo, calo inuectum post ætatis annum primum supra quinquagesimum, Societatis secundum supra tricesimum. In ipso ætatis flore nobis præreptus est Guillelmus Monisius, primo adhuc Tirocinio multus victoria. Conimbrica Olyssiponem missus morbo corripitur, nec inter morbi deliria omnino desipuit, quin duriora quæque Obedientiæ nomine prosequeretur; de cætero summa innocentia, & quæ in illa ætatula parum negotij ad Superos faceffat. Annis vixerat septemdecim, primo Societatis defunctus. Sacro fonte lustrati ad septuaginta Hebræi, Turcæ, Mauri, Hæretici vitio emuncti: Duo insigniores, alter Matrus Dynasta, alter Morabitus Cacisius: copiis ille, & potentia Nobilis: iste litteratura, & Alcorani commentis superbus: lustralem aquam apud nos susceperere: Episcopus Septensis lustrauit: de fonte susceperere primates Lusitani sollemni cęrimonia. Indica nauis ad bonæ Spei promontorium horrendo aquarum
pro

procursu ad Syrtes & breuia impegit, in summo discrimine mox omnes calum ac Superos fatigare: pender, nutat, & mole sua stat oneraria, dubia quâ ruinam trahat: tum qui aderant Virgini, cui à fine religio, haud illepidè in fine vitæ votum nuncupant: ædiculæ id nomen est, haud procul Olyssipone, fastigiato promontorij isthmo, & in Oceani prospectum pharus altera. Resilit subitò inter vadosa nauigium, ac velut cælesti manu ductum viam tenet, & portum; dissimulare interim solutionem debitores: noster vnumquemque adire, aurem vellere, insimulare voti damnatos, donec collatis symbolis lychnus aureorum ducentorum & quinquaginta confletur & affigatur. Ridebat adolescens omnem rationem Sodalitij petulantius, cuius flagitij cum à Sodalium vno seuerius argueretur, Age, inquit ille, schedulam mihi vnâ, hoc mense, Rhadamantus aliquis ex vrna moueat apud vos, & si quidem Sancti tutelaris mihi nomen obtigerit, ea syngrapha sit, me nomen daturum vestro albo. Ergo dies aderat, demittuntur in vrnâ nomina, sortitò educuntur, eo ipso, quo optauerat, nomine schedula illi exiit, perculit animum adolescentis oraculum, & homines, qui se tam ritè inaugurarent, dato nomine, persequitur, ad virtutem impigrè æmulatur. Lectulo affixum, Sodalem grauis morbus opprimebat, sed enecabat maximè nausea, cum deplorata valetudine cælestis Mater adblanditur, visendam se ægro cum puellulo per speciem obtulit, puer calathum gestabat pomis grauem, tum ad irritamentum gulæ offerre

offerre homini fastidioso. Leuat ipse impiger corpusculum , dat se in genua venerabundus , & in puerum ruere capit impetum, subito autem inter manus tantum delictum elabitur, mox autem nausea depulsa cum morbo est.

Insequente anno ademptus est è numero Fratrum in Professa Domo Bartholomæus Aluarus, Formatus in re domestica. Adiutor , in Deum & rem sacram pronus, vnde illa ad augendam templi supellectilem industria, cuius manu si partum dixerim princeps totius sacrorum instrumentum, à vero procul non erit. Vt tamen cum manu animum intenderet, nullam Aluarus diem à psallendi officio duxit vacuam, Sacerdotibus , quotquot posset, facientibus ministrare, & pietatis occasionem , quantulumcumque se daret , premere solitus. Ceterum quàm piè in Deum affectus foret , apud externos planè docuit; quæ enim ægrotus post Eucharistiam vomuerat, nixus genibus Aluarus exhausit, tactus metu, ne si quid sacri subesset, minus castè haberetur. Mira eius in ægrotos caritas, quos annis ferè quadragenis apud nos procurauit, & quidem aperto capite, vultu placido, vt in eo negotio nullius opem operamve exigeret , tamen si liceret per ætatem, & labores. Iaponiis laboribus destinatus , & ab Antistite Sebastiano Moraglio in Sacerdotem selectus , amplexus laborem, honorem constantissimè remisit. Morbo tandem afflictor, quo pressus morbo, sacrum Beato Bartholomæo diem confecit vltimum. Ex Hæretica licentia quinquageni Christi se Fidei credidere : ex
Ma

Mahometano & Hebræo luto quini vicini facti vnda lustrati : terti tamen , eiurata clàm Hæresi, Christo ac Fidei restituti : & in iis natione ac vita domestica Maurus vnus , licèt quadriennio iam publicus Theologiæ auditor. Vnus aliquis inter reos capitis damnatus, causam à prophano Senatu ad sacrum vertit , quòd se familiarem Religiosi Ordinis, & Sacerdotem assereret , idq̃ue firmaret testibus. Hinc exorta inter vtrumque Senatum pugna acerrima, vt iam propè ad manus & ferrum veniretur , dum vtraque pars reum ac eius iudicium sibi vindicat. Verùm vbi patuit paratos ab reo testes, quibus causa niteretur, ducitur ad supplicium, eoq̃ue mittuntur cum lictoribus instructi securibus Magistratuum apparitores , ne quid tumultus oriretur. Coëunt etiam populares relictis operibus officinisq̃ue, pro sacro Senatu pugnaturi, si quid mōueretur, tanto mortaliū concursu , vt dena millia in armis essent. Quid fieri oporteret in tanto rerum motu agrè succurrebat : à nostro tamen homine factum, vt reus suas artes cum fide referret : quo dicto omnes discussi motus euestigìò, & reus iniecto laqueo suspensus dignum moribus exitum inuenit , non tamen leui salutis argumento. Similis panè nostrorum industria in altero , ac similis euentus. Nobilem peculatus reum indicia & iudicia oppresserant , vt res ad restim pertineret, qua parata, commotus grauitè, vel doloris puniendi, vel leuandi criminis gratia, multa in libello nomina conscribit, quibus sceleris affines ex ipso supplicij loco nominaret , &

iudicio committeret. Res multorum famam offendebat grauissimè, ciuium animos turbabat, quos ad spectaculum viri Nobilis pœna exciue-
rat. Hominem vt ab ea mente demoueret, è nostris vnus aggreditur, & reus licèt primùm non respondet, ad extremum tamen precibus vincitur, libellum rescindit, nihil de sociis agit, à piaculo purgat animum, & crucem subit pietissimo in posterum exemplo. Hisce rebus permoti ciues prædicant homines Societatis publico natos bo-
no. Pater Ignatius Martinez nuper vita functus, is qui totam ætatem in pueritia instituenda collocauerat, his diebus oculos cæco puero restituit. Puer annorum duorum, Emmanuelis Lacerdæ ac Franciscæ Aragoniæ filius, in morbum incidit, ex quo perdidit oculos. Deploratam filij salutem pater à Deo parandam censeret, petit ab nostris, quos obuios primos habuit, ecquid reliqui ab Ignatio Martinio habeant, cuius sub vexillis puer Lacerda adoleuerat, cuiusque sanctitati multum & nobilissima & deuotissima Domus tribuit. Af-
fertur schedula ex Ignatij manu, quam Lacerda excepit nixus genibus, nec sine lacrymis in magnam spem erectus, puerique oculis admouet; mirum dictu, admota schedula cæco repente oculos restituit. In Seminario Hibernico decessit anno priore Pater Eduardus à Costa, in primaria nobilitate natus, magnisque ditatus redditibus, cœlibem vitam ad quadragesimum secundum vitæ annum magna laude egerat, inde Societatem ingreditur, & quoniam ætate grandior, effectis

viribus , nequibat quibus volebat copiis Deum demereri, eis statuit, quibus posset. Quare in Collegij foundationem fortunas omnes corrasit , fortunatissimus vel maximè hoc nomine, quòd Fundatoris encomio viuus & mortuus breui intervallo potitus est. Cùm enim de loco ac sede Collegij consultaretur , sedem ipse mutauit , & egregios viri conatus inexorata illa necessitas intercepit , postumamque futuram Societati reliquit, posteris documentum insigne pietatis. Memorant, in summa illa facultatum licentia , vsque adeò alienos oculos præcauisse , vt etiam famulorum conspectu in corporis adminiculatione sit verecundatus. Inde morti accinctus , ingeniosus pudoris Athleta, sacro oleo perungendus , vnum enixè petiit ; tum se prolixiori gaudio delibutum fore, si facta ea litura, inuiso corpusculo, nullo pudoris dispendio, admoueretur : ita mortem, placidissimo somno similem, eluctatus est, anno ætatis quadragesimo , Societatis septimo. Secundum ibi amissimus Patrem Andream Aluarez , emeritum totius Prouinciæ Procuratorem , eundemque dexterrimum , & virtutis studio spectatissimum. Quamuis graui confectoque corpore præcipitaret ad senium , viarum difficultates crudus viridisque superabat. Mortem mira animi voluptate excepit , ætatis suæ quinquagesimo sexto , nostræ Societatis sexto supra tricesimum. Tertius discessit Pater Dominicus Pérez , annis natus quadraginta duobus, egerat in Societate duodecim, Spiritualium Adjutor minimè malus. Morbi impro-
bi

bitate laborum Iliadem exorbuit. Quartum mors abstulit Antonium Emmanuelem, bonæ indolis adolescentem, qui phthisim obfirmato ad mortem animo ita pertulit, ut vitam præ illa sibi iam molestam fore dictitaret. Obiit anno ætatis vicesimo sexto, nobiscum nonum absoluerat. Quinto loco desideratus est Franciscus Alvarez, rei domesticæ Adiutor, Diuinæ etiam cupidissimus, cui vnus suauissimè inhiauit, longo senio affecutus est. Vltimus numerum expleuit Alfonsus de Boim, eodem vitæ genere, iisdem morbi molestiis diuexatus, sed breuiori cursum tenuit, triginta annis natus, quorum octo apud nos summa laude traduxerat.

CONIMBRICENSE COLLEGIVM.

PHTHISIS vnum & alterum nobis exstinxit: Primum Antonium Ferreiram, lauo an Leto anni auspicio dubium: primo scilicet anni die vltimum habuit in humanis, in Diuinis prorogaturus. Rerum domesticarum Adiutor fuit sa- uè strenuus, sed vitæ compendio vires fregit, cum expleisset vicesimum sextum ætatis annum, Societatis quintum, & virtutum omnes numeros. Secundus Emmanuel Correa fato acerbo extabuit, sed hilari vultu in pertinaci laniatu dolorum: Philosophum agebat bonæ spei; Religiosum minimè malum: ætatis annum vicesimum secundum: in Societate sextum. Sodales, elaturi fune-

re aliquem ex Collegis, albatì coëunt in commune facellum, ynde postea ordine procedunt ad exsequias. Quòd igitur Sodalium vnus insigni tectus amictu non venerat, Sodalitij Censor ceream faculam ei negauit multæ nomine. Animaduersionis huiusmodi hominis animum adeò exacerbauit, vt in verba licentiùs prolaberetur. Cæterum ab eo stomacho vbi deferbuit, tanti piaculi luendi optimam iniiit rationem, nam cum Sodales coiissent, frequentésque omnes nullo vestis insigni affiderent, ipse alba iam penula insignitus ingreditur, tum defixis solo genibus temerariam linguæ procacitatem palam profitetur, multisque incusat: oprare se à Censore illo duriùs obiurgari: cæterum veniam illo habitu & poscere, & sperare, nec immeritò affecutus est, & ingenui pudoris amatorem omnes mutuo amplexu exceperunt. Femina triginta ipsos annos libidinum cæno volutabatur, neque satis fidebat Confessariis: inde sacris passim temeratis in desperationem adducitur, & iam infernates ymbrae prætendebantur, miseram vt portentis ludificarent, cum supernates affulsere splendores. Pernox cum ea semel facinorum conscientia discruciaretur, somno occupatam Virgo cum Puellulo I E S V circumuenit, oculis & vultu seuerioribus obiurgat: tum Puellus, eia, inquit, hosce vide minimè suspectos: duos ille nostros Sacerdotes digitulo commonstrabat, quibus peccata tutò credas: nec plura Puer, sed cum amica quadam indignatione discedit. Euigilat mulier cum esulatu, & reliquum noctis producit insom

insomnis : vixque illuxerat, cum in ædem nostram properat : ibi lacrymabunda ante Virginis & IESV aram supplicabat : & ecce tibi duo illi nostri, tum primum ad oppidum prouecti, templum ingrediuntur. Hælit diu stupore defixa mulier, ob rei insolentiam, quod videt, non satis credit : vbi tamen recognouit, domum repetit, mox totius vitæ inita ratione, peccatorum turpitudinem expendere; in comperendinum dictura parare : nec multo post ad pedes nostri Sacerdotis mandata facessit : tum & illa animi turbatio penitus facessuit. Nostris peregrè versantibus concionum gratia nuncius est allatus, luporum catertiam saltu degressam in homines inuadere, septem iam mortales eorum laniena interiisse, plures etiam commotos contagio laborare, sed illud stupendum inter cetera. In vicino oppido Germello famosam feminam vulgato corpore lasciuiare, quam lupi omnium primam confecerint; nam ipso meridie lupi cateruatim lupam in lupanari inuadunt, & inuerecundum illud os ore vesano; fædóque latiatum relinquunt:

Anno altero aliquot Sociorum extincti febre: in iis primus Emmanuel Pinarius, nec Philosophiæ curriculum, nec octauum in Societate annum, bonus sui hostis peregit. Post hunc Antonius Godinius, religiosè viuendi, & meditandi amans, decurso Philosophiæ spatio, & nonum Societatis, & supremum vitæ annum expleuit.

Tertio loco elatus est, Angelus Borgius, Italus; curandæ rei domesticæ ita deditus, vt ex pulmone

sanguinem labor excusserit, laboris ita amicum, vt imminente fati die adhuc non cessaret.

Quartus excessit Ludouicus Rebellus, Humanitatis studiosus, in humanis tamen decimum nonum, in Societate tertium annum vixit, totius virtutis cura notus, verum pietatis & pœnitentiæ ardore notissimus. Præcipuam duxit curam, se premere & deprimere: atque ita ad occasiones intentus, vilissima quæque exercebat. Cognatorum tam piè abhorrens, vt è nostris vnum, auctoritate & gratia non modicum, minùs curauerit, quem sibi cognatum nouerat. Quidquid temporis à reliquo negotio suppeteret, in contemplandi otio collocabat, eaque erat inter Socios de Ludouico opinatio, vt quæsitum nemo nisi nixum genibus, & meditantem inueniret. De obitu monitus nihil mouetur: tam lætus de eo disserit, vt nihil in votis aliud habere videatur, ita de patriæ bonis certus, vt cùm Sacerdos vnus illa Iobi ederet oracula: In carne mea videbo Deum saluatorem meum: semel & bis adderet Ludouicus: Quem visurus sum ego ipse, ego ipse: atque ita cùm paullatim deficeret, inter piorum preces tranquillissimè expirauit, tam læto oris habitu, vt cùm efferretur, viuus videretur. Suam quoque in Tirones manum iniecit mors acerba: Emmanuel enim Foïus, Olyssiponensis, genu exulcerato decubuit, & occubuit. Is quidem erat, quem morbi vis satis molesta commendauit, spe & patientia probatum. Foïum sequitur Sebastianus Aluarus, Adiutor optimo patientiæ nomine; cùm perpetuo totius

corporis dolore vexaretur: laboris patientissimus, quem non exiguum in prædiorum cultu posuit. Ex Patribus tres & morbus & mors abstulit, vnum in primis Emmanuelem Tauarium, Eborensem, anno Societatis quarto & vicesimo, morbi causam ab ægro iam quadragenarius contraxit, quem audierat confidentem. In Insularum stationibus Theologiam de Moribus docuit, & Concionatorem egit bona totius Societatis fama. Alterum rapuit Franciscum de Faria, quattuor Votorum Professum, & quadragenarium, duos & viginti annos in Societate agentem, totius vitæ cursu totius etiam virtutis nomine prædicandus. Paupertatis ita studiosus, vt eam in paruis æquè ac in magnis amaret. Caritatis & pacis adedò amans, vt pro odio gratiam redderet. Meditationibus ita mancipatus, vt Deum semper versaret animo.

Postremò obiit ille totius Prouinciæ magister Sociorum parens, & nouum sanctimonix exemplum Georgius Rigijs, quem tamen beatorum sedibus adscriptum vitæ benefacta, & præclara omnium dicta probant. Eius ætas ad annum octogesimum septimum processerat, cuius in Societate septimum & sexagesimum expleuit, trium Votorum Professus. Ab inito Sacerdotio in Collegij Ministrum cooptatus, eam potestatem ad prouectam iam ætatem tolerauit: quænam verò ibi sanctitatis signa fecerit, supremus Professorum gradus monet, quem sibi decretum obstinatissimè recusauit, illud iteratò dictitans, satis sibi suoque nomini quæsitum, si in secundis consiste-

rer. Diuinis rebus ita vacabat, vt nec morbus, nec vlla rerum cura meditando curam solueret. Nam cum grauius affectus decumberet, rogatus de valetudine, reddidit bene se valere, dictum ex eo firmatum arbitratus, quod stata meditando hora, licet lecto affixus, meditaretur. Quo in studio quam intendere animam, significauit, miratus in quodam Socio mentis in oratione vagationem; nam, inquit, quid fieri potest, vt aliena Deo cogitet, qui Deum orat? Paupertatem matrem professus toto corporis cultu & habitu: vestes sua manu refarcire solitus: caligis quinquennium, pileo ultra decennium vsus. Poscenti dederat celestis Agni cerulas, ea facultate, qua Minister, ea dona dabat. Ex facto subit animum facti poenitentia, atque in multorum aspectu nullum sibi aliud in ea re factum, hoc vno excepto, poenitendum retulit, nec sine lacrymis. Sensuum licentiam ita seuerè habuit, vt in vltimo vitæ die pedem subtraxerit tentanti an frigeret. Linguam ita premebat, vt nunquam sine magno verborum pondere & pudore loqueretur. Hunc ab vno Obedientiæ cognomento Sanctum Pater Iacobus Myronius nominabat, cum Prouinciam recognosceret. Certum illud & peruagatissimum à Ministro morem Rectorum moribus ita gestum, vt ex eorum dicto dictum, ex vultu vultum, ex animo animum formaret; ac vel eos etiam, quorum pueritiam instruxerat, Christi loco Praefectos pueri more & modo senior obseruabat & colebat. De suo ministerio ita ratiocinabatur solitus: inuisam obtemperantibus Ministri

potestatem cur ambirem? Molestam ministrantibus cur pertinaciter detrectarem? Nonne id obediendi homini absurdum fuerit? Mulcendæ Sociorum valetudini, morbisque leniendis nullam unquam opem & operam non adhibuit, quibus se rebus natum & prouisum à Deo dictitabat. Quo in genere illius quoddam facinus memoratur, quod Petrus Fonseca magnæ vir auctoritatis, miraculum, non miraculo dixit simile. Ægrotum nactus vlcerosum Rīgius, non auersatur, quamuis delicatæ animi sollertia à curando auertat: quin potius cum ex hominis vlcere manet sanies, manantem ex vlcere saniem semel & bis exfugit, ut ostendat arduum esse nihil, & nihil horridum, quod caritatis virtus non efficiat, non exhauriat. Vno verbo eius sanctimoniam clarissimorum virorum testimonia ostendunt apertissimè. Ignatius Martinius Rīgij sententiam in negotio, quod inciderat, publicè in conuentu Patrum laudauit aliquando, tamquam hominis, cuius auctoritati nemo deberet refragari. Venerat idem Ignatius Conimbricam, cuius manum ut oscularetur Rīgius omni conatu enisus est, sed præcisè negauit Ignatius, atque cum Rīgius inde excessisset, de illo sic locutus est: Ea pollet Rīgius sanctitate, ut mihi sit dubium, an iustè à nobis curetur, & pro meritorum gratia ametur: ego certè non satis habere, quem ille tangit pedibus, locum osculari. Æqua de Rīgio Pater Petrus Fonseca, qui à Rīgio non facta facinora, sed miracula patrata assererat. Idem censuere Pater Hieronymus Caruallius &

Pater Franciscus Soarius , Conimbricensis Artistes, Academiae Rector, ex Academia litteratissimus quisque , ac sacro è Senatu Patricij, quibus Rigij sanctitas & grata & nota erat. Neque minùs reuerenter de eo iudicauit Princeps Catharina Ducis Brigantini mater, neptis Regis Emmanuelis , quæ de nullo potiùs , quàm de Rigio sciscitabatur , nullius æquè ac Rigij sanctitatem celebrabat, quem etiam ex matris præscripto , dum Conimbricæ vixit , Alexander eius filius parentis loco & habuit & coluit.

E B O R E N S E C O L L E G I V M.

AVsa etiam est Eborenses contemnerare molesta illa phthisis, vt pari ac Conimbricæ iactura, duos afflauerit, ætate, studio, virtute pari, dolore etiam nostro pari. Primo contactu emarcuit flosculus ætatis Michaël de Alcaceua , absoluto vixdum Tirocinio ; sed in illa ætatis tenebritudine , annosa & adulta virtus consenuerat. Cùm paullulum morbo recreatus corpusculum leuaret, rogatus à suis est, vellétne Societate exauctorari, quod se impetraturos, vitæ causa, non diffidebant. Mihi verò , inquit ille , viuere Christus est , & mori lucrum. Igitur quam vitam deuouerat , mira dolorum patientia incorruptissimè traduxit. Eum secutus est Franciscus Rotericus , ab operis Formatus Adiutor , Societatis amore insigniter laudandus. Huius parentibus dum homi-
nes

nes nequam obesse infamia student, Roterico grauiſſimè incommodarunt, nam cùm Societatis illud eſſet impedimentum, dimiſſus ab ea eſt; cæterùm eam calumniam adeò ipſe eluit, vt vel ipſi impoſtores turpiſſimi mendacij conuiſti fuerint. Ergo comperta veritate ire iterum in Societatem Rotericus pergit, rediitque, qui noſter fuerat, ſed breui fuit, nam comes Procuratori Romam eunti phthiſim contraxit, vnde abſumtus eſt.

Et altera quoque biennij parte obiere duo, primus Pater Rodericus Barrius, Spiritualis Adiutor, lenta corruptus febris, moleſtias morbi patienter pertulit, & bono virtutum omnium exemplo, quem pietati deuotiſſimum probat frequentior ad auguſtiſſimum Sacramentum obſecratio. Sub Patris Roderici exceſſu Frater Thomas Fernandus, in re familiari Adiutor, dum vixit & valuit, piè & diligenter ſua munera obiit. A Tudertania miſſus Eboram, mortis cauſam habuit eieſtum ore ſanguinem, quam ille iacturam pro Chriſto factam in magno habebat lucro. Muliercula cum marito vitam manu tolerabat, eaque induſtria pecuniam coëgerat, vt vicena in numero ſeſtertia haberet, quin de ſumma virum moneret. Nec ſuccurrebat, quo in opere tantam pecuniæ vim pulchrè locaret, nec opportunitatem ad id captabat, eam tamen Deus obtulit. Cùm enim puella genere Nobilis in Sacro Virginum loco foret, & periculum eſſet, ne ob rerum anguſtias, profiteri non poſſet, nève loco moueretur, rerum fortunam, puellæ nobilitatem, naturæ dotes ſimul cum inopia

pia in urbem fama distulit, in forum distraxit, quod in loco muliercula suas curabat opes. Iniqua ergo puellæ fortuna pulsatur mulieris animus, nostrum extemplò conuenit, quam pararat summam in puellæ dotem libèter attribuit. Docet noster viri assensionem in id munus, & pium opus esse, conciliandam, quam mulier & pollicita est, & à viro non inuito expressit, cuius tam proluxa voluntas erga alienam penuriam ita Virginum Collegium ipsi demeruit, vt tametsi oblata summa rationem consuetæ dotis non æquaret, pro legitima tamen dote sumeretur.

BRACARENSE ET BRIGANTinum Collegia.

BRacaræ Lutheri discipulus, nostris Doctōribus, fœdæ scholæ errores dedidicit. Vnus diro anathemate execrandus, post viginti annos tremendæ deuotionis, ætis abalienati condonatione, absolutus. Hominum tria millia Cinerarium peruigilio Christi corpus participauerunt: eum tenorem pietatis per anni spatia plures seruauerunt.

Altero anno ex Patribus obiit Antonius Diny-sius, Conimbricensis, anno ætatis tricesimo octauo, Votorum quattuor Professus, cū Theologiam de Moribus exponeret, quo in officio versatus septennium patientia nobili, cū enim minus valeret commodè, morbi vini tacitus sustentabat.

gabat : nec tamen ex valetudine in socordiam defecerat , Confessionibus & Concionibus paratus , Obtrectandi cupido's solo vultu coercebat ; eaque erat de homine opinio , vt verba neminem vel leuiter offendisse putaretur. Post hunc Odoardus Cerueria , Portuensis , obiit , qui annum ætatis quinquagesimum* tertium , tricesimum nonum Societatis expleuerat , ad quattuor Votorum professionem promotus , vir laboris patiens , nam decies in diuersa missus præclarè egerat , Confessionibus continuus , Concionibus assiduus , ingenio ita placido , vt ne verbo quidem læderet , & si facto læderetur , ex quo magnam domi forisque gratiam coëgerat.

Brigantiæ Iubilæi Religio profanum ieiunij præludium fausta acclamatione consecrauit. Pari auspicio Parthenonis Sodalitium artifices , & agricultoræ nuncuparunt. Ad celebriora oppida susceptæ tres expeditiones , quibus momenti magnæ merces exportatæ sunt. Vnius infelix casus , qui cum salutare admonitiones summo despiciatui haberet , maiores etiam odij flammæ eructaret , in pontis traiectu , cum multi præissent innoxij , ipse depontranus labente subito sublicio deiecitur , anneque abreptus , haud dubio

Diuinæ vindictæ ostento ,
præfocatur.

*P O R T V E N S E C O L L E G I V M ,
& domus Professa Villavicoſa.*

Rectorem in Portu amiſimus, Patrem Ioannem Pintum, cum deſiderio noſtro ingenti. Carum omnibus & amicum ſincera hominis fides commendabat, gratum ac facilem morum ſuaui-
tas, & cum venuſtate coniuncta pietas. Com-
mentariolos propriis notis exaratos reliquit, in
quibus rerum ſeries, altera expiandi animi curam
indefeſſam, altera cæleſtes Chriſti delicias, qui-
bus precando fruebatur, commonſtrabat. Illa ſep-
temdecim vitæ totius confeſſiones notatiunculis
ſignificabat: iſta neſtareos Chriſti amores, multi-
plici cæleſti afflatu, complectebatur. Cum hac
vitæ cura nulla vitæ diſcordia fuit: talem vitam
apud nos triginta octo annis poſuit, talem mor-
tem quinquageſimo ſexto inuenit. Opportunè
noſtri vinctis, fame oppreſſis cibos conuexere,
ſtrauere menſam, res Diuinas inter veſcendum
tradidere: ſed opportuniùs paullo poſt aduenis,
urgente fame in urbem confluentibus ea multitu-
dine, vt quatenus millia capita cenſerentur, ope-
ram dedere, vt Magiſtratus & ciuitas eorum ege-
ſtatem leuaret. Coacto apud nos utroque vrbis
Senatu, decretum, vt domus extra urbem para-
rentur, quæ multitudinem acciperent, pecunia de
publico in cibos attributa, creati annonæ Præfecti,
qui negotium ſedulò curarent. Per eos dies po-
tentio

tentiorum domus patuere , cibi & fomenta egenis passim præbita. Puer fuit , qui sibi à parentibus pacisceretur omnes mensæ reliquias , sua manu mendicis diuidendas ; pactum tamen gratis non impetrat , studio & patientia extorquet , cogit vndecumque munuscula , ad ægros adit , cibum in os infert , è lectulo tollit , culcitam versat , ægroto grauius affecto ad latus adest , nocturnas agit excubias , nec humilitate ægrotantis , nec vllis lecti sordibus deterretur , vt significet quid incensa vis pietatis valeat , vel in ea ætatula.

Villavicosæ nobilis femina molesto morbo infestata longos medendo protriuerat annos , Superos omnes precibus ac votis , homines fortunis ac donis sollicitauerat , nec hilum tamen profecerat. Ea domo semel egressa in vicinum templum properabat , in nostrum tamen ab amica introducit , vbi Beati Patris Ignatii effigiem animaduertit , & percontata cuius esset , audit de illa altera muliere , quod eius animum commoueret ; mox igitur , manantibus vbertim lacrymis , O Ignati sanctissime , ait , fer opem quæso miseræ : per has ego te lacrymas , per sæuissimos corporis cruciatus obtestor , fer opem miseræ , Pater , iterum rogo , fer opem. Hæc ferme precabatur cum deprauati corporis emendationem sensit , domum regressa corporis vitium explorat , nullum apparet morbi vestigium. Tum laudatissima familiæ re-
stificatione acceptam Ignatii
beneficio valetudinem
prædicat.

*PHARENSE, PORTALEGRIVM,
Funchalense, Angrense, sancti
Michaelis Collegia.*

PHarenſium Sociorum diem ſuum obiit Baltazar Monteiro, in re familiari Adiutor, minimè piger, & qui breui, Societatis noſtræ commercio, magnas cælo merces intulit. Septimum in ea agebat annum, vitæ mortalis inſuper vicesimum. Veneficarum portenta regionem infeſtabant, auitum malum Turdetaniæ, ſed quod nunc licentiùs etiam graſſabatur, Antiftitem eius peſtis commonuimus, in eam eius auctoritate ſeucriùs quæſitum eſt, & exportatum procul malum pecus extra regni conſinia. In Madera Inſula, qui rem animorum procurarunt, felicibus auſpiciis ſua omnes Prouincia ſunt deſuncti. Alicubi honeſta Virgo in Cœnôbium propediem conceſſura, luxati articuli curationem cùm neglexiſſet, ex tumore vlcus natum eſt, exquæ vlcere gangræna, vt iam de cæſura pedis ageretur. Dum igitur Chirurgi ſæuam apparant lanienam, Ignatium appellat, olei guttulam ex eius lychno depoſcit, ſperare ſe hoc ſubſidio multos angores redemturam, nec falſa animi eſt, vna liturâ ſerpentis mali furorem deliniuit, cadit tumor, conſtat articulus, virgo inſiſtit pedibus,

dibus , & cui se deuouerat Sacro , ad ipsam Beati
arā,cū funali cæreo assistit. Oppidi familias pæne
vniuersas turpi infamia nequam homo asperserat
per iracundiæ impotentiam , quòd is vulgo vene-
fi cūshaberetur,vnde exstiterant toto oppido gra-
uissimæ offensiones. Hunc hominem Confessionis
ad nostrum Sacerdotem cū adiisset , & inuectam
ab se malorum segetem in ciuitatem explicaret , ei
fuit auctor noster , vt publicam iniuriam publica
elueret pœnitentia. Ergo noster pro suggesto
pronunciat , adesse quempiam , qui de se pauca
loqui velit : tū ille maledicus in genua prouolu-
tus : en,inquit, monstrum, non hominem : en exi-
tium, opprobriumque totius pagi. Ferte , amabo
vos, istas in me manus, & infustum caput oraque
fœdate. Hæc ille,aliaque huiusmodi non pauca di-
xit in se acerbissimè. Tum passus ad cælum mani-
bus , manantibus vbertim lacrymis veniam obte-
stat. Expressere adstantium fletus tam piæ voces,
dimissaque omnes iniuria , laudatissimum remise-
runt. Funchalæ publicis malè redemptis quidam
planè decoxerat , & desperatione actus , parata re-
sti , cogitabat suspendium. Loco solitario cū
manus sibi esset illaturus,incidit in Anachoretam,
multa confectum macie , qui de via & negotio
eum percontatus , restim clam ei surripit , statim-
que euanescit. Inde diuersis vocibus se in diuersa
trahi sentit, altera in præruptam rupem inuitabat,
inde reuocabat altera , & addebat, peristi, si seque-
ris , verte ad littus iter, Obsecutus monenti ad

litus descendit, feminam offendit, habitu specie-
que virginem, cuius monitu conscendit nauim,
eaque vectus Funchalam in urbem appelli-
tur. Ad nostros deinde adductus,
pestem ex animo, & cor-
pore abigit.









ANNALIVM
PROVINCIAE
LVGDVNENSIS.

• SOC. IESV.

ANNVS CIO IOC VI.

AMERTSI Romam suo tempore miseramus, rerum tota Prouincia hoc anno gestarum, diligenter scriptos commentarios, tamen Moguntini Socii, qui eiusdem anni litteras vniuersae Societatis ediderunt, de Lugdunensi Prouincia siluere penitus, siue apud ipsos aut Romae scriptum nostrum interciderit, siue obliuione modò fuerit präteritum: Eapropter Præsilibus nostris visum est, vt istius biennij litteris hanc huius Prouinciæ appendiculam attexeremus, vnde peteretur, quod quadraret in Societatis vniuersam Historiam: Totidem porrò verbis, quot accepimus, res gestas cuique Collegio reddimus, vt agnoscat sua quisque faci-

liùs, nisi vbi capita quædam vernaculè tradita sunt, quæ nostra dictione necessariò expressimus.

LVGDVNENSE COLLEGIVM.

Hæretici satis multi nostros de rebus Fidei hæcperunt consulere, ac de ijs in vrbe quindecim ad Fidem Catholicam traducti sunt: in Missionibus verò aliquot alij, quorum tamen non est initus numerus: nonnulli præterea eandem viam ingrediuntur, quos speramus propediem nostræ Fidei Sacramento obstrictum iri. Ex eis vnus, nouemdecim annis animo Lutheranus, Catholicum simulabât, adëundo Missam, rarò tamen, idque semel aut iterum quotannis, per multos annos simulatè communicando, qui Concionibus vnius è nostris percussus, Confessionem de tota vita, magno sensu pietatis instituit, Fidemque professus est. Alter mercator Lutheranismum ab ineunte ætate in Germania puer hauerat, dein spreto Lutheranismò ad Calvinismum defecerat, ijsque sectis alternis distractus, ad sexdecim aut septemdecim annos indormierat. Tandem nihil ibi solidi nactus Catholicam Romanam tentauit. Cœpit eam cæteris minùs pestilentem, & Hæreticam, Hæreticam tamen existimare. Ad extremum vno toto anno planè in Atheismi barathrum demersus, statuere cœpit nihil istos Diuinos cultus, nihil Deum ipsum esse, nisi in opinio-

ne hominum. Illo anno in summa desperatione exacto, permotus fama Concionatoris vnus è nostris, destinato apud se proposuit tota Quadregesima, indefesso studio, eius audire Conciones, eo animo, vt ex eius dictis aliquam aliam gratam Religionem sibi formaret, in eaque ad extremum spiritum iam aliquando de minime certis viueret. Stetit constanter in proposito, & ad dimidiam fere Quadregesimam quædam pro sua Religione noua notabat separatim, iamque sibi nescio quid nouæ lucis; ad nouum quemdam ritum illuxisse putauerat, cum placuit Diuinæ maiestati illam erraticam mentem in rectum iter Fidei Catholicæ inflectere: cui ille dicto audiens, ad nos accurrit, omnium scelerum mole oppressus, egregieque confessus, ac Ecclesiæ reconciliatus, deinceps magna pietate in Sacramentorum frequenti vsu sedulus insistit. Vnus Calvinista miles, in Hæresi natus ad Fidem vtròque fremente parente conuersus, cum ad Confessionem de peccatis exalbesceret, vixque hanc partem posset deuorare, persuasus vt Sacramenti effectum, summam animi tranquillitatē, simplici Fide expectaret ac speraret, vix deuolutus in genua coram Sacerdote, totus solutus in lacrymas, inusitata prorsus contritione & suauitate confessus, absolutione percepta, tantum intimæ pacis sensum expertus est, vt seipse, velut miraculum quoddam nouum, miraretur. Confessiones ab pridem celatis culpis amplius centum apud vnum Concionatorem habitæ, cum ante illud tempus animæ illæ numquā pudorem peruincere.

potuissent: ex quibus vnus plùs quàm quadraginta annos in horrendis sceleribus perdurans, sine Confessione communicabat, audiendis tamen Concionibus bene affectus, toto eo tempore ne leuiter quidem est commotus, vt desperatam vitam relinqueret. Is tandem, Diuina bonitate sub finem Quadragesimæ, ab cælesti gratia potentissimè compulsus planè resipuit, & ad officium rediit. Discipulorum quidam cupidus Societatis veritus ne à patre veniam impetrare non posset, litteris ab eo orauit & exorauit. Pater eum facultate & benedictione amplissimè litteris suis impertiuit, easque per adolescentis ipsum fratrem deferri voluit, cum quo venit mater, & gratulata sibi, familiæque, ipsique adolescenti tantam felicitatem, confessa est nostris, quod numquam fecerat, & cum eodem in ipsomet Nouitiatu communicauit, deinde maternam benedictionem imperita, dedit dicauitque filium Societati, cum omnium, qui aderant, gratulatione.

A V E N I O N E N S E C O L L E G I V M .

Hæretici cum Ecclesia reconciliati quadraginta nouem: Apostatæ duo reuocati ad suum Ordinem, atque Cœnobium. Vir nobilis, cum ab annis triginta peccata sua Confessione non expiasset, audita vnus de nostris Concione, quasi de cælo tactus, Sacerdotem subito Confessionis ergo

ergo adiit. Alij quinquaginta, ab hoc Sacramen-
to vsque eo alieni, vt nulli vnquam Sacerdoti sua
crimina aperuissent, totius vitæ scelera confessi
sunt. Vnus è Fratribus nostris scapha præangusta
& ruinosa vectus, adhibendis precibus, & frequen-
ti signo Crucis, præsentissimum naufragij discrimen
euasit, ad periculosi pontis traiectum: vt
etiam Hæreticus palam fateretur se, ac reliquos
vectores illius Fratris orationibus, & nominatim
edito sæpius Crucis signo ereptos periculo fuisse.
Decessit de nostra Familia Martinus Ianson,
Formatus Adiutor rei familiaris, vir magna cum
Deo coniunctione, eximia mansuetudine, sui ab-
iectione non vulgari, animi tranquillitate tanta,
vt vix vnquam in eo commoti animi signum de-
prehenderetur. Modestia morum, viuida in ser-
mone lenitas, interioris hominis compositio in
eo fuere singularia ornamenta. Conuictoribus
nostris, apud quos fuit annum integrum, maxi-
mum reliquit desiderium sui. Hunc paucis post
mensibus excepit Nicolaus Vvarrij, vir, ob egre-
giam pietatem, insignesque virtutes, adeò illustris,
vt in omnibus visus sit excelluisse. In Nouitiatu
magnam partem ætatis vixit, vbi ardua quæque
officia cum omnium laude ac Superiorum appro-
batione maxima administravit, quibus gerendis
conciliauit etiam magnopere animos externorum.
Nemo est de tota Prouincia, qui vel eum modò
de facie norit, cui eius non sit iucundissima me-
moriam. Prudentia, vigilantia, fortitudo rebus agen-
dis fuit in eo eximia, vt vnus totius Nouitiatus

externa opera onerâque aggrederetur, cōstantique animo exhauriret. Castitatē apprimē coluit, vsque adeò, vt vel ipsius libidinis nomen timeret, constat autem ex eo, qui conscientiam eius annos septem tractauerit, tametsi calidæ biliosæque constitutionis esset, nullos nec stimulos libidinis, nec cogitationes etiam impuras tot annis in eo deprehensas. Animi candorem, morum simplicitatem, comitatem, & sinceram humilitatem, mitissimamque obedientiam coluit studiosissimè, & perseverantissimè exercuit. In Societate versatus est cum tanto humanarum rerum tædio; vt vix alia re, quàm obedientiæ nomine, moueretur. Nemaufensis Missionis Concionator noster cū Geneuensium Constitutiones de pulpito refutasset; eamque maximè inter omnes, qua Ministris mentiendi, detrahendi, otio atque auaritia diffluendi, ac denique subdolè, ac fraudulenter agendi libera fit potestas, derepentè Calvinista insignis ad Episcopum Nemaufensem adiit, & Fidem nostrā, vel etiam eo nomine professus est. Excursum ab eodem Concionatore in oppida duo vicina; & in iis, post primam eius concionem, quattuor Hæresin abiurarunt. Aditi sæpe ab eodem carceres; nec sine fructu: nam infamis quidam, improbūque Hæreticus, iamque ob plurima malefacta damnatus ad triremes, non modò in veræ Ecclesiæ gyrum adductus est, sed & apud Sacerdotem nostrum confessus est, & ab eo Angelico pane refectus. Proposito ab nostris apud Nemaufenses Iubilæo, maxima pars vrbs, ac Clerici fermè omnes,

pinnes, salutari Sacramento totius vitæ maculas eluerunt. Concionatoris eiusdem horratu sanctæ Mariæ templum, ab Hæreticis olim dirutum, ab ruinis & ruderibus mundari denique cœptum est, magno piorum omnium gaudio. Regius quidam Consiliarius, sed Clericus, pariter cum Patre nostro, tres sportulas ruderibus plenas, magno circumstantis populi exemplo, extra Ecclesiam adsportarunt. Patrem socius suus, socium Catholici plurimi secuti sunt: Hæretici non pauci & opus probarunt, & suam operam, immò, si opus esset, pecuniam quoque promiserunt. Non defuerunt Caluinistæ operarij, qui nulla mercede conducti, in eam rem sedulò insudarent. Locus erat omnium sordium genere confertissimus; eò enim Hæretici immunda omnia coniiciebant. Monspellij, altera in vrbe Hæretica, Concionator intra annum hoc affecutus est, vt centum ac triginta viri, non infimæ notæ, sint ab Hæresi ad Ecclesiam reuocati, & in iis Apostatæ duo, proximè ad Ministerium promouendi. Nobilis Aduocatus, qui à tenero Hæresis suæ valdè tenax, eò maximè conuictus est, quòd Caluinistæ Christo & Spiritui Sancto, suo in libello precum, minimè supplicarent: in cæteris Fidei sententiis ita essent distracti, vt, quot capita, tot sensus, cum Catholici omnes in idem penitus conspirent. Agni Dei sacra cera adhibita, septem febribus, vnum comitiali morbo derepentè persanauit. Malè habitæ sunt inscriptiones quædā Nouatorum, qui, sublati omnibus antiquorum monumentis, in cœmeterij

serij sui vestibulo maiusculis litteris inscripserat,
 MORI LUCRVM. Hortus moris arboribus
 confitus, ipsis est pro cœmeterio, vnde æquino-
 cum ducebatur ab nostro Concionatore, quasi ex
 foliis mori lucrum esset Ministris, vt ex feno,
 quod inde colligunt, ideóque non, vt aliis in lo-
 cis, more majorum, corpora in diuersis tumulis
 sepeliunt, sed permistim omnia, ne herba sua eis
 concutiatur. Postquàm ergo se irrideri ex eo sen-
 serunt Ministri, sublata & paullatim erasa est illa
 inscriptio. Huic tamen alia audacior pro templi
 valuis succēssit hæc: *Deo optimo maximo, & veræ
 Religioni:* in quam inuectus noster Concionator
 cū esset, cūque Magistratu egisset seriò, vt,
 velut Catholicæ Fidei iniuriosa, deleteretur, Regis
 tandem imperio, ab ipsismet Ministris noctu
 sublata est. Neque tamen non sunt tumultuati
 Hæretici, qui enim prius Patri mortem intenta-
 uerant, in suos Ministros furiosè conuersi sunt,
 cum hoc dilemmatè: Si religio quam prædicatis,
 falsa & fictitia est, cur veram inscripseratis? sin
 vera, cur huiusmodi titulum sustulistis? Repo-
 sita, tertiò ingens tabula, in hunc modū litteris
 aureis Hebraicè & Græcè exarata: *Domus Dei;
 porta cali, Pekouel, Τειραιας sacrum.* Quod scriptum
 multò magis, quam primum noster exagitaui
 Primò, quòd mote Nouatorum inciperent He-
 braicè loqui, cum Calviniani vernacula omnia
 velint, vt à populo percipiantur: Secundò, quòd
 vltima vox, Pekouel, nihil significaret aliud,
 quàm lecythum, aut lenticulam olei Diuini: Ter-
 tiò,

tid, quodd ~~Tertio~~ Deo dedicarent, idque in duali numero, iota scilicet non subscripto, in quo non longè ab Arianismo abluere visi sunt. Quibus eius dictis, cum non esset, quod responderent, æstuabant Ministri, dolorémque suum premebant silentio.

TVRNONENSE COLLEGIVM.

Romanæ Ecclesiæ additi sunt ex Hæreticis centum & quattuor. Sodalis, vacationum tempore, cum domi ageret, incidit in periculosissimam agrotationem, ex qua nulla vis Medicorum eum posset reuocare: quibus in angustiis, & Sodalitij, & Aniciensis Virginis memòr, votò adeundi eius templi se obstringit, ac repente conualefcit. Tum pater ad filium, Annon, inquit, fili mi, tibi supra modum inq̃a profuit sollicitudo. Profuit verò, ait, mi pater, sed displicet mihi grauius, quòd cum essem tanto in vitæ discrimine, nullus mihi vel piam vocem in aures insufflaret, nullus Sacerdotem, qui animæ meæ periclitantè opem ferrer, aduocauerit. Hæc postmodum noster Sacerdos à patre adolescentis, Nobili Inrisperitob iisdem pænè verbis rescivit; qui & falsus est non semel, ac palàm, huius ætatis homines, per liberos suos, nostris Patribus pietatem, & internum animi sensum, acceptum referre. Fuit & vnus tam acerbè Parthenij Instituti defensor, cum aliquos ferius ad Sodalitium venire animaduertet; vocatus vò

Cor.

Consultor esset, petierit Ianitoris officium, ut quam, in deferendis tardiorum nominibus, inuidiam alij ægrè subeant, ipse liberali animo subiret, ipsosque ad imperatas à Patre pœnitentias, pro negligentia ad ianuam persoluendas, commonefaceret. Apud Romonenses decem omnino è paucis palabundis fuere, quibus euulso vesaniæ lolio orthodoxæ Fidei semen impertiretur noster Concionator: in iis fuit tum Sacerdos desertor, tum qui scholæ Humanitatis præfuerat Ludimagister, ac præterea Lutheranus quidam. Ibi puella Hæresim fouebat obstinatissime, quæ ubi primum nostrum audiit, non modò ad Catholicos, sed in Virginum quoque Cœnobium concessit, tanto Ministrorum dolore, ut ea causa Sacerdoti nostro necem machinati sint. Vir nobilis, scientia rei militaris clarissimus, eoque nomine apud Regem gratiosissimus, singulari præterea humanitate, ac moderatione animi, qua inductus militares suas copias omni petulantia in res sacras perpetuò prohibuisset, ab incunabulis Caluinianus, cum à bellicis muneribus ei factum esset otium, domi scriptionem aduersus Catholicam Fidem texere est aggressus. Sed inter legendum scribendumque deprehendit Fidem nostram pluribus fulciri sacra Scripturæ locis, quàm Caluinismum, ut miraretur, & moueret admiratio scrupulum, scrupulus dubium, & cognoscendæ veritatis desiderium. Quapropter conuocatis, quot potuit, Ministris, magno in confesso obiecit fortiter quidquid interius dictabat spiritus, cui cum non satis facerent

Ministelli, fecit sibi ipse, & Deo satis: nam conuocato clàm bis terve vno ex nostris Sacerdotibus, arcanorum Fidei veritatem agnoscit, & rationum ponderibus ad idem desiderium sex sui oppidi ciues pellicit, sed eiurandi erroris tempus idoneum præstolatur. Interea Sacerdos alius de nostris ad eum diuertit, perhonorificè accipitur, quibus diebus ægrotabat grauissimè hospitii filiola, cui, matris rogatu, dum noster bene precatur, de repente sanitas est restituta: qui euentus non mediocriter hominem in suo consilio confirmavit. Eorum porro qui ad Catholicos transierunt, plerique vel apud parentes & propinquos, vel apud amicos & tribules offenderunt grauissimè, vt nonnulli ex eo plagas acerbissimas, alij vitæ ac fortunarum periculum incurrerint: nulli tamen harum rerum, quàm suæ salutis potior fuit cogitatio. Alicubi duo de nostris aduersus quinque Ministros triduo toto acerrimè pro veritate depugnarunt, & ea felicitate, vt cum multa sua infamia Ministri clàm se subduxerint; vnde inducti Calvinianorum quidam ad Romanum ritum amplectendum, plurimi verò de Catholica Nobilitate maioribus studiis incitati erga Fidem, & Sacramentorum vsurpationem, quibus eodem loco se nostris expiandos præbuerunt. Annonænsibus Ministris tam infestæ suis castris visæ sunt nostrorum excursions, vt ipsis in Synodis decernendum censuerint, Calviniano planè nefas esse cum Iesuita colloqui. Catholicis verò adeò salutaris

cre

creditus est noster eò aduentus, vt vnus Societatis opem se Catholicos esse prædicent.

BILLOMENSE COLLEGIVM.

IVcundissimus ille fructus excursionum exstitit, quòd sacrarum Deo Virginum Cœnobìa primigeniæ disciplinæ restituimus. Non iam religiosum Parthenona, sed otiosarum mulierularum conuenticulum appellasset, quod in molli situ non lubricum tantum, sed præceps est. Circumforaneæ non in suis veriùs peristyllis, quàm in affinium Nobilium castris colebant; in hemicyclis, quàm choro larariisq; frequentiores. Ingressus omnium ad illas in obuiò, omnia publica. Enimverò vt in hanc vitæ solutionem se compositi Patres intulerunt, recipere se omnia, & quasi verecundiam traherent, ipsa silere claustra. Sed cùm censoriæ vocis auctoritas nutantes animos aggressa est, oppidò composuere sese. Pergit opus, nosterque ita flectit, vt summa voluntate tractas ex longinquo mentis labe per Confessionem apud Patrem emacularent. Certè hospitalibus illis hominibus, qui meritoriam salutem in claustra circumferebant, palàm edixerunt, premerent gradum, iam Monasterium vestigia non habere, obesso summi Pontificis antiquum diploma, quod, ignauum adhuc, & longo archiui domitum carcere, in actus efficaciamque palàm cælo proclamauerunt. Iam itaque sub claustro virginitas, sub censura

fan

sanctitas florent. Missionem, auspiciis Episcopi, duo susceperunt Patres Gergouiam, quæ octo admodum millibus Billomo abest, Aruerniæ facile caput, atque Metropolis. In hanc, pomerio tantum non attiguam nostro, clausi adhuc erant aditus Societati I E S V, cui in Indiam maria, solitudines, arduæque montium prona sunt. Enisum est ad ultimum, curatumque, ne qua tellus progressibus nostris negata sit. Sed ut est populus ille in Aruernis præferox & imputator, simul nostros adspexit, sinistra omnia interpretari: destinasse nos oculis optimam quamvis prædam, sed suspensis vestigiis ut intercipiamus: hi, nos ambire communis Ecclesiæ exedram: illi, cuniculis nos grassari ad occupandum Gergouiense Collegium venali disciplina: denique arbitrio pessimo, quæ quilibet in deterrima pronior, omnia in peius præsumere. Vix sub initia sustentatum est, donec veteranus Sacerdos noster subsidia Deiparæ nostris admouit: cum templum indidem sit magnæ religionis, rem ibi ritè Diuinam peregit, ut æquiora veritati & iustitiæ ciuium corda redderentur. Litatum profectò est; vix enim Canonici in medium consulere admiserant, cum variatis quidem, sed enucleatis suffragiis, etiam honore Concionatoris, & vel reluctanter dignati sunt. Nec verò facti pœnituit, cum exitus orationis ad omnium expectationem respondit. Sed in Catechesi habenda maximè elaboratum. Fastis nefastisque diebus frequentissima concio, ætas promiscua, senes audiendis rudimentis pueraescere, audiendis con-

discendiſque pueri ſeneſcere, hos imaginum ſan-
cta crepundia, illos libelli, & officij Chriſtiani
breuiaria, mirum quantum incitabant. Cùmque
prope fidem eſſet, poſiturum audientis feruorem,
& cum die inclinaturum; ecce tibi nouum à Col-
legio noſtro Catechiſtam, hinc nouum accurrere
auditorum, frequentia tamen Collegæ proſus
indeminuta. Horum geminatus labor multitu-
dinem tantæ religionis implebat, vt vix ſuper-
fluenti ſit lætitiæ temperatum. Auxit fructum &
admirationem pertinax ille labor, cùm eruptione
in oppida facta, concionibus ſemel & iterum ha-
bitis, effuſo curſu ſe ad doctrinam nihilominus
noſtri propè exanimati ſiſterent, & viſebantur
interim celeberrima pompa, cùm quaſi per trium-
phum pomæriæ ingredientem, ad duo millia ſe-
querentur, qui Confirmationis Sacramentum ſub
Epiſcopo acciperent. Idem Epiſcopus luſtrum
diœceſeps ex parte fecit, comitem itineris, oneris
verò inſigne ſubſidium, ſibi applicuit Patrem è
noſtris, cuius opera in illa procuratione ſingularis
conſtitit. Degebat in oppido Aruernorum vul-
pecula quædam, ſuperſtitione & diris incantatio-
nibus olim Geneuæ ſic inſtructa, vt iam annos
non paucos mediis Catholicorum cœtibus ſimu-
lationum teſta cuniculis, bonorum virorum ho-
noribus, licentia Hæretica frueretur. Venit cum
cæteris ad eas conciones, quibus Pater Confir-
mationis Sacramentum aperiebat; nec mora ſic
animum ſuum religionis impleri ſenſit, vt obito
primùm ritè Sacramento, Pœnitentia perendie
magno

magno animi sensu vsurpata, nulla interiori lucta, nullo renifu, in religionis auitæ professionem descenderit. Exegit ex eadem silua par pænè fulgor vnus cum illa doli sociam. Coniux, qui iam decem ante annos coniugis societatem abiecerat, in rapina oppidi, manu tantum non Dæmonis, sed quàm illius aliquanto fortassis exustulatiore, intra pomœrium Orthodoxorum delubri sanctioris, pro rata, textili stragulo Dominicam cælestem in terris mensam exspoliarat. Ex tam apto scelestus constuprati templi manupretio, perpetrato scelere interulam filioło destinarat animo duplicem: domum vt redux fuit homo sacrilegus, secum ferens auspiciū, sacrum profert spoliū: expeditur temerare, ad antegressam mariti opinionationem, augustum religione pannum coniux: dissilit primū opus comminutum, nouit, exit textum sartum, interiorem induit blanda parens nato vestem, apprimat corpusculo, sed Diuinæ ultionis pestem illigauit: ecce enim tibi derepentē, facem excipit toto corpore puer, fero pastu tenellos artus absumentem, conceptum in intestinis bustum gerit, & vindex sensim ardor in visceribus eatenus sanguinem adulat, quoad animum immortaliter vindicante manu, pressam expuat ambusta proles, & edentulo Dæmoni viuens ac videns inactata cadat. Quis hæc tam esse credat, quàm audit, se nisi prodat repetita vecors Deianira in fetu fructuque vteri sui? Inde igitur nisa & progressa ratio, ad pietatis saltem aliquam speciem, viuum vanitatis simulacrum peruellit, vt commissum ex-

piet scelus, & parem eblandiatur pœnam. Ad onomasten initialem quemdam suum iam adit, virum rectum, & in auito cultu integrum, furtum illi inquinatissimum euulgat, quod sic eluere se velle apud eum commemorat, vt simili mantelo Beati Austremonij aram principem velit opiniosissima mulier insterni, eam sic insequitur ultor à tergo Deus. Alicubi vir Deo sacer numquam in gemma, nisi cum in ænopolio, bibebat: nec se posse delicatè alibi, nisi cum popinæ oleret nidorem, videbatur profiteri: illic natum, fictum, factum, & in manibus ænopolæ educatum crederes. Verbo ita discinctus, & nepos erat, vt, ad pudendum propudium ceterarum in sacris illius loci Pontificum, princeps esset ostentui tenuissimæ plebi. Cum nostro ab eis, apud quos offendeat, est eidem mensæ adhibitus, multi ultro citroque habiti sermones pro conuiuarum more, sed non adipalis is sanè fuit, quem instituit choragus noster, ex cuius ore affusus pendebat circulus, quo appetiti sunt tam commodè, tamque non fastidiosè ganearum fumos sectantes, vt malè sibi conscius sacer popa damnarit lustrorum suam superiorum eiusmodi consuetudinem, quam vt abiiceret, per ea lucida mensæ interualla, sollemni voto sese in mancipio popinas numquam habiturum immortalis Deo palam spondit.

CAMBERIENSE, COLLEGIVM;

Patris Alexandri Hunnæi obitus in hunc planè annum incidit ; non in consequentem , quò reiectus est , manifesto errore , scribentis annuas litteras Camberienfis Collegii , cuius Patris mentionem huc reuocamus libentissimè , non modò quia temporis ratio nos admonet , sed hoc etiam magis ; quòd ius commune Societatis , nostrumque priuatim officium , maximè volentes inuitant , vt tanti viri res gestas ab obliuione vindicemus , de cuius laudibus ieiuniùs , quàm pro eius meritis , posteriore Annali est traditum. Ortus clarissimà Hunnæorum gente in Scotis , matrem nactus erat feminam religiosissimam , cuius sancta disciplina institutus , ad omne virtutum decus facta indole , mox combibit ea probitatis pietatisque initia , quibus suo deinde studio excolendis ipse tandem in sanctum virum euaderet. Puer adhuc in Galliam litterarum gratia transmisit ; quas eximio ingenio , felicissimaque memoria sic complexus est , vt breui Latinis Græcisque doctrinis excelleret , ad quas adiunxit etiam prudentiam Iuris tanta cum eruditionis laude , vt eius docendi magistrum apud Biturigenfes publicè profiteretur. Per illud verò tempus , cum se Deo in Societate addixisset , paucis mensibus eos habuit in Religioso instituto processus , vt de Societate viri graues , & nostrarum rerum experientissimi , quibus adolescentis

virtus erat perspecta, de eo pronunciarent, germani Iesuitæ in eius vita expressam esse penitus effigiem. Ad docendum postea ubi est adhibitus, perfecti præceptoris omnes numeros explevit cumulatissimè, ut cum singulas officij partes in eo suspiceres, non tibi constaret in tanta copia excellentiaque virtutum, quam omnium maximè demirareris. Possunt omni asseueratione affirmare, qui annos non paucos eo magistro vñ sunt, non ei periisse vnum temporis momentum in schola, non dictum, non factum vllum alienius excidisse, ad ea, quæ auditoribus traderet, tanta voluptate semper visum affici, ut magno secum ardore discipulos in idem studium raperet vel inuitos, quos haberet assiduissimos etiam cum vniuersa Francia intestinis bellis flagraret, adcoque ipsæ Gymnasij exedræ pænè quotidie classico personarent. Auditorum singulos amabat ut germanos totidem, quorum compendia, ut pro cuiusque ingenio inquirebat sollertissimè, ita ubi constaret, quid in cuiusque rem esset congruentius, id verò studebat ardentissimè, ut maximè incensa in omnes caritate, singulorum, ac deprauatissimi cuiusque, beneuolentiam sibi adiungeret. Multos annos quibus Rhetorem egit publicè, nec inter docendum, nec inter priuata cum discipulis colloquia, vñquam auditus est loqui vernaculè, qui tamen esset Gallicæ linguæ scientissimus, sed adedè imbiberat animo rectam accurati Magistri rationem, ut perfectæ Latinitatis se non doctorem magis, quàm perpetuum præberet exemplum

plum, & reuerà eius hæc laudatissima consuetudo; quòd & Latinè, & elegantissimè perpetuo loquebatur, multos discipulorum incendebat fructuosissimo ipsius imitandi studio. Quidquid ymquam legisset, eius æternùm hærebat in illius animo memoria, vnde selectarum rerum varia illa existerat copia, qua docentis sermò mirificè ornabatur, vt Demosthenis & Homeri, Tullij & Maronis, & aliorum eius generis, nullus insignis locus exponendus occurreret, quem affines loci plurimi, ex eodem scriptore, totidem pronuntiati verbis, & quidem summa cum venustate, non continuò illustrarent. Si quid porro in audientium animis altè defixum esse euperet, incenso mentis ardore, qui etiam emicaret ex oculis, & vocis suauitate tanta suadebat, vt eius studio discipulos inflammaret maximopere. De iuuentute, suæ disciplinæ commissa, mortalium nemo illum audiit secus loqui, quàm de sanctissimis adolescentibus; immo, ne venit quidem illi in mentem, vt, quàm diceret, aliud existimaret, ita vir integerrimæ vitæ, si quid minùs rectum animaduerneret, corripiebat quidem sollertissimè, apud alios tamen arbitros, quidquid illud esset, verrebbe in bonum. Ab Gymnasiorum pulpitis tradductus deinde ad sacra Templorum suggesta, omnium fortasse Scotorum primus dicere ad populum Gallicanum cœpit & disertissimè, & eloquentissimè, vt Diuionenses, apud quos tum agebat, adituri ad eum concionantem vulgò ita loqui consueissent: adeamus ad oratorem. Sed tota eius oratione sparsi erant appositè ad argu-

mentum acres aculei, quibus caperetur iucundius, vehementiusque commoueretur auditor, quàm vernitate verborum; figurarum lepore, voluptate numeri, & totius splendore orationis. Principiò namque illius initi muneris studuerat, ut cum se non illepidum oratorem posset ostendere, se tamen ubique fructuosum concionatorem præberet: quare congestis in memoriæ thesaurum idoneis ad quoduis argumentum tractandum ex sedula Patrum lectione locis, se Præsidibus suis obtulit ad obeundas quascumque missiones, eo comiteatu & instructu, qui sola memoria niteretur, quàm paratissimum, non quò cæterum apparatus aut negligeret, aut in aliis dampnaret, sed ne qua librorum sarcina moram subitariis excursionibus iniiceret. Sacri Adventus ac Ieiunij sollemnes habiturus conciones missus aliquando ad Episcopum eruditissimum, eundemque nostri amantissimum, cum expeditus ex equo descendisset sine sacculis, vno dumtaxat instructus Breniario, quod manu præferret, suspicionem movit hominis non satis abunde comparati ad futurarum concionum munus: cum tamen diebus aliquot dixisset copiosissimè fructuosissimèque, nullis sumtis ab Antistite libris, sed in conclavi privatum meditatus, mirari vehementer Episcopus hominis rationem, & eum de illa studiosè percontari. Interrogando comperit quidquid ex Evangelio totum in annum populo exponeretur, & quæ ex Patrum commentariis in eam rem quadrarent, tam eius animo esse præsentia, quàm quæ oculis cerneret, tam altè impressa.

imprefsa, vt probè commeminisset omnium, & apud hospitem expedite pronuntiaret; tūc verò Episcopus mirari, amare, amplecti, collaudare hominem, & omnia illi, vt meritissimo, deferre, atque ad Collegij Camberienfis Præsidentem scribere, se impensè gloriari eo Concionatore, qui ad se delegatus esset, quem putaret germanissimum esse Societatis Concionatorem. Hoc quidem tam expedito copiosoque genere comæatus Euangelici suo in Ecclesiaste oppidò delectabatur Antistes; cū tamen, eo vibrante incensas pietatis facces in audientium pectora, concionem vehementissimè commoueri sentiret, eoque totam incumbere, quò Ecclesiastes cuperet: iam sanè hunc sibi hospitem, ac plebi suæ doctorem destinatum amplius tantò gaudebat. His vtilissimarum concionum piis vestigiis perpetuò insistentem Patrem Alexandrum, luculento populi audientis compendio, aliæ multæ expeditiones exceperere, pari semper gratia, similique plausu principum vtrorum suis pulpitis adhibentium, vbi egregia multa eius claruere facinora, quorum illic viget memoria, sed apud nos, leui dumtaxat nixa rumore, intercudit. Versatus aliquando est in castris Caroli Emmanuelis, Allobrogum Ducis, in quibus quàm graues, quàmque assiduos labores exantlatit, quanta cum alacritate, industria, fortitudine, & ipse Princeps Carolus, & Tribuni militum, & milēs etiam summa cum hominis prædicatione commemorarunt frequentissimè. Ex quo primum in Castrensis septa immisit pedem, Diuinarum rerum

religione vniuersos manipulos compleuit, vt non
manè, non vesperi, non vlla diei hora, miles quid-
quàm de Christiani hominis officio intermitteret,
concionanti, facientique adesset frequentissimus,
& suprâ quàm exspectari posset ab bellici moris
multitudine, moderatus atque compositus sua
obiret deinceps munia. Castrorum regiones quæ-
dam iniquiore hoc erant conditione, quòd, obno-
xiæ hostium prospectui, tormentorum infestis
patebant emissionibus, vnde frequentium contu-
berniorum existerant fœdæ sæpenumero vexatio-
nes. In omnia pietatis officia semper intentus Pa-
ter, sedulò præsertim cauebat, ne cui mors im-
proviso impararòve obreperet; quamcumque igi-
tur in partem increpuisset tormentorum fragor,
nisi posset eò rectus accurrere, humi toto corpore
stratus, longissimo frequenter intereapedinis du-
ctu, sollicitus adrepebat, vt sauciorum corpus
animumque procuraret: quâ officiosissima sollici-
tudine plerisque manipularium vitam animique
salutem asseruit. Inde fuit omnis exercitus in eum
venerationis studium tantum, vt ad se adeuntem
militares homines, velut Apostolorum aliquem
honorificentissimè acciperent: tanta eius dicto-
rum fides & auctoritas, vt in oraculis haberentur:
tantus Ducum militumque aduersus eundem
amor, vt incensa studiorum æmulatione certaret
quilibet, quâ ratione cæteris in optimum Patrem
officiosior euaderet. Animaduersi sunt plerumque
non in Castris modò, sed aliquot deinceps annis
post illud profligatum bellum, frequentes milites,
etiam

etiam ex deprauatissimis, cum procul Patrem ob-
seruassent, humi procumbentes, aut eo statu præ-
stolari dum is ad se aduenisset, aut geniculis nixi
ad eum reuerenter adrepere religionis gratia, quos
ille suauissimè complecteretur, vt totidem carissi-
mos filios, nec ab se amitteret, nisi salutari præ-
cepto imbutos. Neque verendum fuit, vt salubria
monenti obsequerentur, qui eum & in sanctis du-
cerent hominibus, & nossent ab eo se magnoperè
diligì, eaque propter iussu eius non secus accipe-
rent, atque velut ab ipso profecta Numine. Quo-
quot hominum vmquam in vita nouerat, eorum
meminerat nomina cognominaque, sed quos
suis noxis expiarat, aut ab Hæresi ad Fidem tra-
duxerat, maximè omnium, quorum vt studio-
sissimè foueret animo memoriam, tamen vel om-
nes, vel plerosque habebat descriptos in codice,
& eorum legendis crebrò nominibus, ad preces
ipsorum gratia fundendas seipse perlibenter exci-
tabat: ac sentiebant ij, quos Deo commendaret,
vim precationum ipsius, nec ambigebent vnde si-
bi tantum boni accideret. Probauerat quidem se
hominis virtus eximia illustribus planè docu-
mentis, in componenda Christiano ex instituto
militarium hominum vita, vt modò diximus: sed
haud obscurioribus indiciis eadem se prodidit re-
uocanda ad Romanum ritum infinita propemo-
dum Hæreticorum multitudine, in Geneuensium
finibus, vbi quinque sexvè annorum fructuosissi-
mam gloriosissimamque operam collocavit. Ge-
neuensium à Fide, atque ab legitimis Allobrogi-
corum

corum Ducum imperiis defectio, quod tum Princeps transalpinis bellis distinerentur, abripuerat secum Antuatium Veragrorumque vniuersum illum tractum, qui toti Lemano obtenditur, quadraginta circiter milliaribus, ad Sedunensium fauces, ipsumque ingressum Alpium: quibus populis ab Einmanuele Philiberto deinde receptis, Hæresis tamen occupabat omnem ferme regionem; quoad Carolus Emmanuel eam sibi sumsit exigendam. Eo igitur missi ab eodem Principe sex de nostris, qui Clementis Octani, Pontificis Maximi, sumtibus fouerentur, ad illud Augiæ stabulum repurgandum. In partem eius laboris, tamque maximam, venit Pater Alexander, ijs cumulatè instructus dotibus, quæ omnium essent ad illud munus opportunissima, quibus cuestigio indigenarum animos sibi demereretur, ut eo confestim impelleret, quod cuperet maxime. Mirificus animi candor, quem omnia eius dicta factaque præferrent apertissime, iucundissima morum & sermonis suauitas: vitæ probitas integerrima: incensus ardor animos iuuandi, quem ardorem eius verba, oculi, frons, vultus totus, & omnis corporis habitus liquidò spirarent: laborum assiduitas incredibilis, sollicitudo, vigilantia, parsimonia; singularis pietas, & quæ aliæ istis comitari solent virtutes, in eâ exultatione ac gratia hominem subito posuerunt apud populum, sua sponte candidum docilemque, ut totam gentem, puerorum instar, haberet dicto in omnibus audientem. Si quando autem Hugonotorum quispiam

ab eo

ab eo posceret inducias, ut de transiitione amplius deliberaret, prouolutus in genua, per sanctissima quæque hominem obtestabatur, uti ne deliberando ambiguum faceret salutis suæ rationem, quam nunc Deus certam esse vellet; cuiusmodi obsecrationibus, quod quæreret, facile impetrabat. Milena omnino capita Hæreticorum paucis mensibus ab eo translata constat ad Ecclesiam, præter eos, de quibus non est relatum, atque eius institutione sic deinde informata ad pietatem, ut de Catholicis, toto eo tractu, ij deinde fuerint & constantissimi, & religiosissimi. In Ministellos Calvinianos per eam excursionem frequentius incidit, tametsi animantium genus illud venaticis canibus, ac validis præsertim molossis, haud libenter se præbet obuium: sed, ut venandorum hominum cupidus supra modum, omnes viarum anfractus explorabat, vel aliud agens ferebatur in eiusmodi ferarum latibula: in quas cum incurrisset, tractabat eas liberalissimè, atque vel inuitas humanitate singulari pertrahebat ad disputationem, paucisque ad infantiam adigebat. Noui Testamenti ac veteris locos omnes, quibus Calviniani dogmatis liquèdò reuincitur falsitas, habebat in numerato, quibus pronunciatis, si Minister auctoritatem citantis negando infirmaret, ipse prompto ex perula Latino Græcove Testamento, testimoniis hominem mox obrueret. Singulare porro id in hoc Patre fuit, ut quibus codicibus aliquo tempore usus esset, is eorum non paginas modò, sed versiculos singulos haberet ita compertos,

pertos, ut primo digitorum coniectu eam planè destinaret paginam, quam vellet indicare, euestigiòque versum certum intento digito ostenderet; cuius rei periculum fecimus frequentissimè, qui nuper Rhetorica stipendia illo duce meruimus; propositis ex Tullio, Marone, Homero, & aliis scriptoribus, ijs locis, qui venissent in mentem nostrum cuilibet. In sacrorum verò Bibliorum usu, ac Noui maximè Testamenti, hanc facultatem exercuit tantò studiosius sollertiùsque, quòd sanctæ veritatis, ac Diuini cultus agebatur ratio: quamobrem Hugonotticis Ministellis hanc ipsius celeritatem probandi confutandique expertis, tota illa congressio erat formidabilis, quòd nossent nullum ab se dictum posse proficisci, quod non ex indicato Testamenti loco mox ille refelleret. Ab inita Societate huius hominis mentem infederat ardentissima cupiditas profundendi sanguinis pro salute mortalium, Diuinaque gloria, cuius explendæ sitis oblatas occasiones non paucas flagrantissimo studio arripuit, sed ei non fortassè mitius quoddam aliud Martyrij genus Deus destinarat, acerbos calculi dolores, quibus, sexto die quàm ægrotare cœperat, est confectus. Purissimæ Castimonix, Paupertatis exquisitissimæ, excellentissimæ Obedientix, cæterarumque virtutum singulares in eo laudes non persequimur, veriti ne ipsarum illustrissimis luminibus dicendo obstruamus veriùs, quàm vllum earum decus, vel mediocriter exprimamus: sic enim persuasum ijs omnibus est, qui hominem nouerant, imparem esse cuiusuis

cuiusvis scriptoris facultatem, eius pro merito explicandis facinoribus, Iacobo Danthono, recenti ex Tironum studio, & hic annus in eadem familia postremus. Maximæ spei adolescens fuit, seu virtutem, seu litteras velis in eo æstimare, quas ad utrasque nactus eximiam indolem, incredibile studium contulerat, ut in ambabus mirabiles processus mox habiturus speraretur. Castius eo fingi nihil poterat, nihil religiosius, Instituti Religiosi observantius nihil, ut qui exarsisset in eum amorem nostrarum Constitutionum, unde oculos vel per morbi angustias non posset auclere, atque cum eum iam manuum vis defecisset, ipse tamen labris eius libelli folia moliretur.

ANICIENSE COLLEGIVM,

& Biterrense.

ANICI vnus ex Scholasticorum Sodali-
tio Cruces locis illustrioribus iam diminu-
tas, quæ aduersariorum iniquitate, quæ attritu
vetustatis, erigendas curauit, pretio quod sua fru-
galitate ac parsimonia confecerat. Ita fabris man-
darat, negotium ut maturarent, non proderent
auctorem: sed illi, cæterorum omnium, quàm
silentii, magis memores, adolescentis pietatem
euulgarunt. Adolescentes duo fratres ad Catho-
licam Fidem accessere. Alter ex eis, familiæ suæ
princeps, patris Hæretici quæ blanditiis, quæ mi-
nis, ab Sacris nostris atque scholis fuerat abstra-
ctus:

etus: sed cum constantia eius & precibus fatigatus parens flecti non posset, optione data, de tribus Hæreticorum Collegiis irer ad quod mallet, euicit tamen deinde precibus, ut ad nos huc remitteretur cum minore fratre, quem non ita moleste ferebat Catholicum amplecti ritum, quod videbat facile futurum ex procliui eius indole: quorum vterque iam Catholico more inter nos agit, patre haud ita repugnante. Ille quidem prior statim voluit restitui in statum Fidei pristinum, unde per minas & preces exciderat. Alter minor post perceptam magno pietatis sensu, Catholicam Fidem, absolutus ab Hæresi, & fratris vestigiis insistit, in nostris Scholasticis diligentia ac pietatis par egregium.

—*Biterræ* Ioannes Iaquetanus annorum trium & quadraginta, rei domesticæ Adiutor, cum aliquamdiu tabida febre hic laborasset, ex medicorum præscripto Billomum, cæli mutandi gratia profectus, intra paucos menses diem ibi clausit, nec leuia superstitionibus vbique reliquit patientiæ, paupertatis, obedientiæ, ac deuotionis exempla. Non pauci Caluinianam pestem euomuerunt, ex quibus Scholastici duo, qui licet eo nomine à parentibus asperrimè tractarentur, constantes tamen in recta Fide perstiterunt. Mulier Hæresi abiurata cum obiisset, atque Hæretici contenderent, ut quandoquidem ante diem postremum, toto vitæ tempore ab illis stetisset; suo more sepeliretur; confictisque calumniis verba Magistratui dedissent; tamen effectum est, ut eiusdem Magistratus aucto

auctoritate, qui ad postulata nostrorum, de re tota inquisuit, funebri pompa, ritu Catholico, mandaretur sepulturæ. Puella rustica, Catholicis præceptis apud nos erudita, cum ad Hæreticam matrem rediisset, vexata est crudelissimè, sed tolerando fortiter, precibusque ad Deum fuis continenter duritiem matris tandem emolliuit. Doctior Biterrensis Calvinismo infectus æquè, atque Veneris facibus incensus, impium carmen in Beatam Virginem scripserat, qui deinde cum vicina muliere, moribus corruptissima, turpiter versatus, tantum sanguinis emisit ex flagitij contentione, vt simul animam effunderet, penderetque pœnas violatæ Deiparæ. In agris Hæreticus, magnæ apud suos auctoritatis, audita Patris vnus concione de peccatorum scditate, resipuit, & fremente licet malignantium Synagoga, Calvinianam perfidiam sincera fide commutauit. Alibi alius quattuor pestilenti Hæresis lue sanatos Catholicæ matri reddidit. Coërcita quoque Fraterculorum licentia, nocturno tempore, in Catholicorum odium, Marotti rythmus per compita cantantium. Sacerdorem nostrum, in cohortando famoso quodam Hæretico, de reconciliatione cum inimico facienda, occupatum, aggressus est sectæ Calvinianæ Præco, adiunctis sibi asseclis, qui, Caluini codice mensæ superiecto, Patrem ad coarguendum Caluinum erroris prouocabat, se paratum scilicet, quæcumque ille ac Dominus Lutherus asseruissent, propugnare. Vt Hermaphroditum derisit noster, & contrariorum assertorem perpetuum,

atque obiectis statim nonnullis ex ipso Caluino, impudenti homini facile occlusit os, vt cum eum rationes & verba deficerent, mox è medio se tacitus subduceret. Luteuani, vernaculè **L O D E V E**, ciuitas est Episcopalis, apud Arccomicos montanos, quæ cum iampridem esset destituta pastore, Ducis Ventadorei rogatu, ad ciues iuuandos Pater Prouincialis vnum ex nostris eò destinauit. Ante aliquot annos ea vrbs, duce Fougierio, nobili Caluiniano, proditoriè capta est, direpta, vastatâque ab Hæreticis, ciues Catholici trucidati, euersa templa, cœnobiâque, Sanctorum ossa suis monumentis euulsa, & flammis tradita. Nominatim verò corpus Beati Fulcrani, eius vrbs, ante octingentos annos Episcopi, quod ad eam diem planè integrum visebatur, funibus alligatum in publicam plateam raptarunt, rogoque comburendum iniicerunt: sed veritus ignis sacrum pignus, id fouit in flammis, nullâque ex parte læsit, tametsi ad excitandam vim ignis, adipis, olei, sulfuris fomitrem iniicerent, & ipsa flamina domorum tecta superaret. Illæsum igitur sacrum corpus ex rogo eruitur, atque districto ense Dux ipse fremens ac frédens ei caput amputat, quo deinde, tamquã folle, per summum ludibrium carnifex utebatur: ad cuius exemplum milites reliquum sancti Episcopi corpus inëbratim consciderunt, & in vrbs cloacas abiecerunt. Tantam verò impietatem Deus inultâ esse noluit, nam paullò pòst scelerato Duci caput amputauit quidam Catholicus, idémque per forum & compita iactatum diu, in easdem cloacas

abiecit : reliqui etiam sacrilegi satellites merita donati mercede, vt in suo quisque corpore iisdem membris mutilaretur, quæ in Sanctissimi Fulcrani corpore abscidisset, Occupata porrò ab Hæreticis ciuitate, eiectione Episcopo & Clero, Catholicis ciuibus aut caesis, aut pulsis, aut carcere conclusis, triennio toto res Catholica pessimo loco fuit, neque valdè bono fuerat antea, Antistitum summa negligentia, quorum nemo totos sexaginta annos Diocesin lustrauerat. Concionator igitur noster frequentissimus esse cœpit in erudiendo quotidie populo, quocumque genere familiaris ac fructuosa institutionis. Sub finem verò Aduentus cum studiosissimè cohortatus esset ad obeundam Confessionem per Christi Natales, quod ciues antè non consueuerant, se quidem passi sunt persuaderi, nemo tamen vllum de vrbis Clero adire voluit ad expianda peccata, quo factum est, vt Concionator senio iam grauis, & laboribus fractus, pænè obrueretur ab concurrentium multitudine : ac salutaris quidem plurimis fuit eius opera, qui vel noxarū atrocitate, vel neglecto quadraginta ipsos annos Sacramento, pessimè habebant. Inter cætera porrò eius excursionis compendia, & ea quidem maxima, vnum illud fuit, quòd Ecclesiæ Catholicæ facta est accessio duarum familiarum, quæ à Caluino steterant, Plures erant transitori ad Romanum ritum, sed clam intromissus Minister in vrbem, cum se cuniculis insinuaret in domos, auertit eorum salubria consilia. Hic autem nebulo, vt nomen sibi conciliaret apud suos, ausus est

PROVINCIA LVGDVNENSIS. 789
publicè ad certamen prouocare nostrum Sacerdo-
tem, prolatisque vernacula lingua Bibliis, pro-
nunciatum ponere, quo asseueraret: Solo scripto
Verbo Diuino Ecclesiam niti debere, cui Sacerdos
noster cum, pauca præfatus, suam inanitatem
ostendisset, breui syllogismo proposito
ita os occlusit, vt pudefactus se
subdlexerit è confesso, po-
stridièque oppido
excesserit.

* *
*

LVGDVNI,

Ex Typographia CLAVDII CAYNE,

M. D C X I X.

E R R A T A.

Pag. 192, *vers.* 13, auspicata illa schedula:
lege, auspicatam illam schedulam.

Pag. 208, *vers.* 11, perinde quasi fuit:
lege, perinde ferè fuit.

Pag. 270, *vers.* 16, non dextrantario: *lege*,
non sextantario.

Pag. 399, *vers.* 17, plurimos ann. *lege*,
plur. annos.





















